


LLE RA

DE

Medicina








33847/B

A. XVIII. m



MANVS MEDICA DEXTERA
QVINQVE DIGITOS
CONTINENS,

QVORVM PRIMVS DISPVATIONEM
IN DVOS GALENI LIBROS
DE FEBRIVM DIFFERENTIIS.

SECVNDVS LIBRVM, DE CVRANDI RATIONE
PER SANGVINIS MISSIONEM.

TERTIVS, CONTROVERSIAS DE PVRGATIONE
SVpra GAL. LIBRVM, QVOS, QVIBVS, & QVANDO.

QVARTVS, TRACTATVM DE CRISIBVS,
ET DIEBVS DECRETORIIS.

QVINTVS, & VLT. CONSVLTANDI RATIONEM
PROPONIT, EXCVTIT, AC DIRIMIT.

A VTHORE
DOCTORE MATHIA DE LLERA,
*Galenica olim, atque Hyppocratica, nunc
Vespertina Cathedra moderatore perpetuo
in Caesar augustano liceo, eiusdemque
Urbis emerito Cive.*

OPVS OMNIBVS MEDICINÆ CVLTORIBVS,
VALDE VTILE, AC NECESSARIVM.

Cesar-Augusta: Apud IOANNEM DE YBAR, Typ. Anni 1666.

ANVS MEDICVS DEBILITAS
OVI NOVE DIGITOS
CONTINENS

OVUM MITHVS DISTANTIONEM
IN OVOS GALENI LIBROS

DE EFFICACIA CHRENTIS
SECTIO IVS LIBRVM DE CYRANO NATIOM

TERTIUM TONITONOVVS ATONOVVS
SARVA GALIENVS OVONOVVS OVONOVVS

OVATVS. OVATVS. OVATVS. OVATVS
OVATVS. OVATVS. OVATVS. OVATVS

OVATVS. OVATVS. OVATVS. OVATVS
OVATVS. OVATVS. OVATVS. OVATVS

OVATVS. OVATVS. OVATVS. OVATVS
OVATVS. OVATVS. OVATVS. OVATVS

OVATVS. OVATVS. OVATVS. OVATVS
OVATVS. OVATVS. OVATVS. OVATVS

OVATVS. OVATVS. OVATVS. OVATVS
OVATVS. OVATVS. OVATVS. OVATVS

OVATVS. OVATVS. OVATVS. OVATVS
OVATVS. OVATVS. OVATVS. OVATVS



CENSVRA
REVERENDISSIMI
PATRIS FRATRIS THOMÆ
FRANCES DE VRRVTIGOYTI,
olim Ministri Provincialis, Ordinis Minorum,
Seraphici Patris Nostri FRAN-
CISCI, in Alma Aragoniæ
Provincia.



ANVS dextera Medica (hu-
ius Libri suco, mysteriisq̃ue
plenus titulus , qui Autho-
rem recognoscit peritissimū
Medicum Vespertinæ Ca-
thedræ Musæi Cæsaraugu-
stani perpetuum moderato-
rem D. Mathiam de Llera) à Perillustri D. D.
Gregorio Xulve, à Cōsilijs Maiestatis Catholi-
cæ, & in Augusto huius Aragonū Regni Senatu,

Regēti, mihi cōmissa, statim occurrit, licet otiosa
lis, an in rebus Medicis manus sinistra sit? aiente:
Seneca lib. de brev. vitæ, c. 3. *Adiice morbos, quos
manu fecimus.* Quæ infortunatior lāguētis fors,
Nonne sinistra: inquit Antonius Muretus, fidior
stoicæ mentis indagator: Verum apage à tanta
scientia sinistrum; manus morbos efficit, sed me-
dica non erit; Lucium Æneum iterum audi, lib. 1.
de clem. c. 2. *Medicina apud agros vsus, etiā apud
sanos honor est: ægrotantium vsus, sanorum
ostenditur honor.* Quidquid sinistra clade solū-
modo non invenitur subiectum, honorificum
trahit cultum, alterum aborret reverentia: dex-
tera igitur manus sit Medica, vt illud Poetæ:
Enaydos 6. præoculis habitum, quale; quan-
tumque præsentis libri egregium comperiamus
encomium.

Dextera, qua magis Ditis sub mania ducit.

Hac iter Elyseam nobis: at læva malorum.

Exercet pœnas, & ad impia tartara mittit.

Nec solus Virgilius, Pitagoreos advoco, non in
semitarum ludis pigmenta fingentes, sed in Gy-
niceo veritatis enucleatores.

Litera Pythagoræ discrimine septa bicorni.

Humana vitæ speciem præferre videntur:

Nam via virtutis dextrum petit,

ardua Callem, &c.

Vtriusque testis Sanctus Hieronymus in illud Proverb. 4. vers. 27. *Quæ à dextris sunt novit Dominus; perversa vero sunt, quæ à sinistris.* Oraculum sanè, & documentum. Pro Peripateticis, placitum sufficiat conforme Aristotele teste 4. ethicor. *Acommodatur autem habitui medio ipsa dexteritas; atque ipsius est dextri ea dicere; & audire, quæ ad modestum virum accommodantur:* Pro voto satis; pro Medicinæ, inter liberalia nulli cedens, abundet; quid sinistrè penetratis tantæ sapientiæ Mathematicis demonstrationibus? Manus sit dextera, cum manus in titulum assumitur medica, alioqui monstruosum ens rationis significabitur: Authoris eruditissimo studio, hic expresso, alloquar iam Senecæ verbis, lib. 6. de Benefic. cap. 10. *Non fuit contentus remedia monstrare; interea sollicitus affedit; ad suspecta tempora occurrit; nullum ministerium oneri illi, nullum fastidio fuit,*

fuit, Gemitus meos, non securus excepit; in tur-
ba multorum invocantium, ego illi potissima cu-
ra fui. Tantum alijs vacavit, quantum mea
valitudo permisserat. Clausulæ sunt stoycæ, sed
salubres: in compendio luculentè. Firma igi-
tur vndequaque ad nostræ Fidei consona, & cæ-
terorum, quæ desiderari quæunt, peragit cun-
cta, prælo dignissima. Sic sentio: Salvo, &c.
In Regali Seraphici Patris Nostri FRANCISCI
Conventu Cæsaraugustano, die 8. Iunij, 1666.

Fr. Thomas Francès
de Vrrutigoyti.

CENSVRA
DOCTORIS IOSEPHI
ZAMORA, ET CLAVERIA,
OLIM GALENICÆ CATHEDRÆ,
Nunc Aphoristicæ Moderatoris,
Cæsar-Augustani Civis
meritissimi.



OMINVS D. D. Antonius
de Labastida, Canonicus
Doctoralis insignis Ecclesiæ
Sanctæ Mariæ Civita-
tis Bilbilis, & Archiepisco-
patus Cæsaraugustani Reges
Vicariati Generalis, mihi cō-
missit, hunc librū, qui inscribitur manus Medica
dextera quinque digitis completa, continens, dis-
putationes de Febribus: De Curandi ratione per
sanguinis missionem: De Purgatione: De Cri-
sibus, ac diebus decretoriis: Et Consultandi ra-

tionem, à Doctore Mathia de Llera elaboratam;
cumque libens oculis, menteque illustravi, & me
herclè opus esse eximiae eruditionis reperi, in quo
multa Authoris ingenio digna per legi, qua prop-
ter dignum, utileque censeo, ut typis tradatur;
sit enim, tamque Philosophis, & Medicis, quàm
omnibus patebit eius utilitas, Authoris labor, in-
genij dexteritas, Medicinam cum Philosophia
concinandi doctrina, subtilioris claritas; & mo-
dus denique, pro humana salute, rectè admini-
strandi maiora auxilia. Sic censeo. Caesar augustæ
die 8. mensis May, anno 1666.

Doctor Iosephus Zamora,
& Claveria.

IMPRIMATUR.

D. Labastida, V. G. & Off.

NOS

DON CARLOS POR LA GRACIA DE
DIOS Rey de Castilla, de Aragon, de Leon,
de las dos Sicilias, de Ierusalem, &c. Y Doña
Mariana de Austria Reyna, su Tutora, y Cu-
radora, &c.

DON Francisco Ydiaquez, Muxica, y Butron, Duque de
Ciudad Real, Conde de Aramayona, y de Barrica, Prin-
cipe de Esquilache, Marques de San Damian, y de Paller,
Conde de Mayalde, Comendador Mayor del Orden, y Cava-
lleria de Montesa, Señor de las Casas de Ydiaquez, Muxica,
y Butron, Gentilhombre de la Camara de su Magestad, su
Montero, y Valletero Mayor en la Provincia de Bizcaya,
Lugarteniente, y Capitan General por su Magestad en el pre-
sente Reyno de Aragon. Por tenor de las presentes de nues-
tra cierta ciencia, y por la Real autoridad, de que usamos de-
liberadamente, y consulto, damos licēcia, permisso, y facultad
al Doctor MATIAS DE LLERA, para que por tiempo de
diez años, contaderos desde el dia de la data de las presentes
en adelante pueda imprimir, y vender en el presente Reyno,
y en qualquiera parte del vn Libro que ha compuesto, intitula-
do: De Differentiis febrium: De Crisibus: Diebus decreto-
riis: Sanguinis missione: Purgatione: & Consultandi ratione,
sin incurrir en pena alguna, por quanto tiene la misma licen-
cia del Ordinario de esta Ciudad, y Diocesis de Çaragoça, y
aviendolo mandado ver, y reconocer, no se ha hallado cosa
en el contra nuestra Santa Fè Catolica, y buenas costumbres,
y Regalias de su Magestad, prohibiendo, como prohibimos,
que durante el sobredicho tiempo, ninguna otra persona lo
pueda imprimir sin licencia de su Magestad, o nuestra, o del
que presidiere en esta Real Audiēcia, lo pena de mil florines

de oro de Aragon, a sus Reales Cofres aplicaderos, y de que
tenga perdidos los moldes de la impressiõ, y los libros que
huvieren impresso: Por lo qual ordenamos, y mādamos, a to-
dos los Ministros de su Magestad, mayores, y menores de el
Reyno de Aragon constituidos, y constituideros, y a otras
qualesquiere personas sugetas a nuestra jurisdiccion, que lo
sobredicho executen, observen, y guarden sin poner en ello
impedimento, ni dificultad alguna al dicho Doctor Matias de
Llera, ò a quien su poder huviere, si la gracia de su Magestad
les es cara, y de mas de su ira, è indignacion descan no incur-
rir en las penas arriba dichas, y otras a nuestro arbitrio re-
servadas. Y assi mismo mandamos, que este Privilegio se
despache por la Real Chancilleria, y que la presente licen-
cia vaya impressa en el principio de cada libro de los que se
imprimieren. En testimonio de lo qual mandamos despachar
las presentes en la forma acostumbrada. Datt. en Çaragoça:
à xxx. de Iulio de M. DC. LXVI.

El Duque Conde de Aramayona.

V. Xulve, R.

D. L. G. mandavit mihi Gaspari del Corral,
Visa per Xulve, Reg. Canc.

*In divers. Loc. Gen. Arag.
primo fol. ccxxiij.*

V. Exc. concede Privilegio al Doctor Matias de Llera, para que pueda
imprimir el Libro que ha compuesto, arriba intitulado, por tiem-
po de diez años.

CEN-

CENSVRA
DOCTORIS DON
IOANNIS DE CHABARRI
AZCONA, MEDICI CATHOLICÆ

REGIÆ MAIESTATIS,

MERITISSIMI.

ILLVSTRI VIRO MEDICINÆ
DOCTORI MATHIÆ DE LLERA,

*Vespertinam in celeberrima Casar Augusta
Universitate Regenti Cathedram.*




V M ad me delatum fuerit
opus tuum : De Febris:
Crisibus: & de Diebus de-
cretoriis ; tum denique , de
missione sanguinis: Ex pur-
gatione : & de consultandi
ratione: Egregium sane plurimique faciendum;
per quod , nec Medicorum pauci , theorim , &

proximi exercitium, qui ante hac tempestate
hallucinati fuerint, atque cæcucientes, à recta
Physico Medica speculatione, & medendi me-
thodo, prorsus alieni discefferint: in verissimam
artis cognitionem deducti, possint humani ge-
neris ægritudinibus obuiam ire; multis (quæ in
visceribus Aristotelis, & Hypocratis iacebant
sepulta) mira eruditione, & novitate illustratis,
non potuit animus, nec erga nostram Vniversi-
tatem, numquam satis celebrandam, amor tuas
lucubrationes non decorare, cum non dubita-
rem easdem excellentiori præconio celebrandas;
faltim certo, sciens perpetuas incredibilis in te
amoris, & observantiæ notas. Vale. Matrini 24.
mensis Aprilis 1666.

Doctor Don Ioannes de
Chabbarri Azcona.

CENS VRA
DEL DOCTOR D. FRANCISCO
ENRIQUEZ DE VILLA CORTA,
Medico de Camara de la Magestad Catolica
del Rey Don CARLOS Segundo;
y Catedratico de Prima en Medicina
de la Vniversidad de
Alcalà.



VN QVE no fuera de Fè, que
baxò del Cielo la Medicina in-
fussa, en el primer hombre; y que
plantada en el arbol de la vida,
hizo celeste Vniversidad al Pa-
rayso terreno, desde donde el mundo la empecò à
ver peregrina cõ soberano assombro en el Arcan-
gel Sã Rafael, acogida a v.m. puedo dezir, que ha
merecido su esclarecido color; pues devemos à su
acierto, no solo conocer nuevamente la nobleza de
su Patria, sino tambien experimentar el agrada-
ble milagro de su ser; esta verdad se fortaleciò, tan

inne-

*innegable en el Libro, que v.m. me mandò ver,
cuyo argumento es: De Fiebres: De Crises: Dias
Decretorios: Sanguinis missione: Purgatione: &
Consultandi ratione; que en cada tratado de èl,
resplandeciendo à su deidad, le està merecido à
v.m. con digno agradecimiento gloriosos aplausos:
pero que mucho, si infatigado interprete de sus
Aphorismos, ha sido viva voz, que la ha enseñado
en la Catedra; y grave Ministro, que la ha traído,
no solo en el socorro de la dolencia, si tambien en
la preservacion de ella; (y si maiori indiget studio
reddere, quàm conservare sanitatem) queda com-
probado, que en la docta, y universal suficiencia
de v.m. hallo la naturaleza, sobre el remedio de
las presentes, resguardo de las enfermedades futu-
ras, y la embidia en sus merecimientos; disculpa,
que haze honrados. En esto digo, que mi parecer
es, de que escritos de v.m. quanto antes, deven ser
lisonja de su luz publica: este es mi parecer. Ma-
drid en 25. de Março 1666.*

El Doctor Don Francisco Enriquez
de Villa Corta.

CEN.

CENSURA
DE EL DOCTOR
D. AMBROSIO DE CUEBAS,
MEDICO DE CAMARA DEL REY
Don CARLOS Segundo; (que Dios guarde)
Y Catedratico de Prima en Medicina
de la Vniversidad de
Alcalá.



E visto el Libro, en que v.m.
me manda dezir mi senti-
miento, cuyo argumento es:
De Fiebres: De Crises: Dias
Decretorios: Sanguinis mis-
sione: Purgatione: & consul-
tandi ratione: Y confieso,
que solo por lograr la enseñanza, que me comu-
nicò leyendole, no adelantè mi censura a mi
obediencia; porque en mi entender, y en el de to-
dos, su nombre de v.m. es aprobaciõ; y sus acier-
tos,

ros, irrefragable testimonio de lo que merece desde el doctísimo Magisterio de la Catedra, (en que ha tanto que es Oraculo) hasta el ilustre credito en que se ha mantenido, passando a los milagros de la praxis, las casi sagradas influencias de la Theorica, digno de mayor elogio, y a ferle dispensable a la obligacion del mio transcender las lineas de lo laconico, pasara a la ardua provincia de alabar a v.m. pero por no contravenir al dictamen de Quintiliano; (*Nos breui, nos breuitatem ponimus, non ut minus, sed ne plus dicatur, quam oporteat*) ciñendome con dezir, q̃ con su Libro de v.m. adquiere la Medicina nueva de divinidad, y la enfermiza fragilidad de la naturaleza, robusto, y apacible amparo. Este es mi parecer. En Madrid a 25. de Março 1666.

El Doctor Don Ambrosio
de Cuebas.

CENSVRA
DE EL DOCTOR
DON IVAN DE PERIBAÑEZ,
MEDICO DE EL REY CATOLICO
Don CARLOS Segundo; (que Dios guarde)
y Catedratico de Visperas en Medicina
de la Vniversidad de
Alcalà.



*El Libro que v.m. intitula , de
Fiebres: De Crises: Dias de-
cretorios: Sanguinis mission-
ne: Purgatione: & consultan-
di ratione; es tan seguro tes-
tigo de los muchos , y accredi-
tados estudios de v.m. desde
el grave Magisterio de la Catedra, hasta la grata
docilidad del poste, en tantas experiencias , como
de ellas, tiene essa Ilustre , y muchas vezes Au-
gusta Ciudad de Zaragoza, que no puedo con mi*

de-

dezir, dar à entender todas las razones de mi admirar; leile como v.m. me mandò, y està sus materias tan erudita, y universalmente esplicadas, que padece agravio ceñir la inmensidad, que en si comprehende à la cortedad del epigrafe, que la inscribe, pues passa su argumento los contenidos limites de curacion particular, à los espacios anchos, de enciclopedia Medica; pero sin duda es doctrina, en que v.m. manifestando su modestia, quiere acusar con nuestra embidia nuestra confusion, haziendo digno de su merecimiento, à aquel, multum, & verè gloriæ, quamvis vno Libro prorsus meruit; con que Quintiliano empleò mucho panegirico, en honra de su alabada; con esto desempeño mi censura; y digo, quanto importará à la enseñanza, y lifonja de todos, que v.m. anticipa dar à la luz publica su Libro. Madrid, y Março à 27. 1666.

El Doctor Don Iuan
Peribañez.

D.

D. BARTHOLOMÆVS SANAGV JA.

Et Albacar, Casaraugustanus Medicus,

Sanctæ Inquisitionis Minister,

Suo Præceptorî

DOCTORI MATHIÆ DE LLERA,

Galenicæ, atque Hyppocraticæ olim, nunc

Vespertinæ Cathedræ moderatori perpetuo

perpetuam salutem desiderat.



Iraculum plenū opus admirentur gentes tuum, nec satis laudandum, excedit enim vires mei ingenij, quæ debetur gratulatio tanto Magistro, itaque merito Ovidius interceptam, in opemque linguam criminofam, vtpotè conclamavit, quia laudibus satis commoda, nec erat.

Maius erat nostris viribus illud onus.

Nihil profectò onerosius, quam pro illis hesitare, non horrescit animus, nec defecit voluntas, sed vt quid, quæ fortasè quibusdam adulatoria videbuntur commiscimus? Nonne quos habuisti Alumnos, quosque tenes salutarem ex vberibus doctrinæ tuæ, quam suggerunt Ambrosiam ex-

tollent? Nulli secundus es, omnium primus te
concinabitur totus Orbis, obmutescant declama-
tores, & qui vipeream invidiæ sanie spuerit
sunt nacti, sibi ipsis deglutientur, super aspidem,
& basiliscum ambulabit opus, nec inficiabitur,
manus dextera tua, dexteritate infringet morden-
tium caput, omnis ætas habebit te gratum, do-
ctis, & indoctis catharatas detegit nova discipli-
na, his ad discendum facile, mensam paras, illis
ad docendum Cathedram, cedit iam, quod irri-
debat Iuvenal.

Tenet insanabile multos, scribendi cacoethes.
Modestia, brevitatis, claraque ingenij acies, omniū
concitant amorem, puerilem, tumque adolescen-
tem invitat ad studia ætatem, dic cum Virgilio.

Disce puer virtutem ex me, verumque laborem.
Ne facito, mox cum matura adoleverit ætas.
Vtinam hæc præludia sint tuorum operum, quia
maiora desideramus, utinam diu vivas, ut foelici-
tèr doceas, nosque utique, ut doceamini. Vale.

TVVS IN PERPETVVM,
Doct̃or Bartholomæus Sanaguja,
& Albacar.

ADMO.

ADMODVM PERILLVSTRI VIRO
DOCTORI MATHIÆ DE LLERA,
*olim Galenica, atque Hyppocratica,
nunc Vespertina Cathedra
moderatori perpetuo.*

DOCTOR IOANNES BAPTISTA
*de Carinena, & Tpenza, Casaraugustani
Collegij Medicus, eiusdemque
Discipulus salutem
dicit.*



ICET iam diù gratias retuleram
tanti operis thypis-dati, iterum re-
deo maximo cum gaudio, quia ite-
rum spero, quæ olim te docente
didici, letor, denuo equidem elucu-
brabo, quod æternam meretur re-
miniscentiam; veniant vtinam, quos
tui ingenij halitus, post hos partus
speramus, ac fama promittit, quæ
gloriosa Minervæ ostentatione; tum in Palladis Templo si-
mulacrum erigit, quod vtpotè Aureum, nec invidorum la-
pillus subrripit, nec mordentium animus perstringet; imò
alacritèr omne ævum, præteritum, tumque futurum, buc-
cinabitur gratum, quia concisso volumine cingis, quæ avi-
ditas disperfit Phylura multas; discedit elloquens, cedit Phi-
losophus, vnusquisque disciplinam amabit: Hoc manibus

exiguum, re grande opus, reedificatum epidaurum Aesculapii, fanum representat, quod nequaquam vana venditione, sed doctrina, institutisque memorabile megallopolim ascendit: qui fructiferam institutionem gustaverint, remedium salutarium, mercedem Deo sacrabunt, quique addicerint, faciem, ad faciem, quæ in ænigmate, ob Garrulitatem, & superbilloquentiam (non sine studentium perniciem) evoluit, cupidorum appetitus, cernent; nec canum latratus, ad novos insudandos labores animum avertat; hic sine pari est, nam omnia complet; quare haut dubie Seneca, epist. 108. dixit: *Verissimile non est quantum proficiat, talis oratio remedio intenta, & totam in bonum audientium versa*: Nomen tanti Authoris, nec reticeas, & si taceas, tanti operis Authorem, nec dubitemus; Ouenius, pro me vnaquaque Ovidius, meam tuæ laudis insufficientiam, tuique meriti, magnalia canant siquidem ego fileo.

*Nil opus Authorem hunc; nihil hunc laudare libellum;
Hoc opus Authorem laudat; hic Author opus.*

*Non ego sum satis ad tanta præconia laudis,
Nec mala voce mea poterunt tua cuncta referri.*

Salve Hyppocratis erarium, salve noster Galene, quia plus debet ille concinatis vocibus, omnis fors gentium clamet Hyppocrates ille erat, noster LLERA, Galenus. VALE.
Magister in æternumque vive.

Tuus clientissimus, qui M. osculatur,
Doct. Ioannes Baptista de Carinena,
& Ypenza.

CLA

CLARISSIMO VIRO,
MEOQVE AMANTISSIMO MAGISTRO
DOCT. MATHIÆ DE LLERA,
*in Casaraugustano Liceo GALENICÆ,
& Aphoristica, olim Interpreti subtilissimo,
nunc Vespertina Cathedræ moderatori
perpetuo, onorandoque Civi.*

DOCTOR IOANNES FRANCISCVS
*Ruiz de la Vega, in præclaro Casaraugustæ
Medicorum Cœtu Collega.*



Primis mei ingenioſi fascibus, dum
adhuc anima languſcebat ſepulta,
ſelectum te ſuſcepi Præceptum, &
vſque ab organizato carcere, ægre
diatur deciſſa, dilectum te cognos-
cam Magiſtrum; nec extra vbera
tua, aliud Apollinis nutrimentum
ſuxi, nec dulcius guſtabi, nec conſ-
pexi iucundius. Quanta alumnos di-

ligis ſcientia, tanta doces benevolentia Diſcipulos; nec con-
trapoſitionem nominum mereris, ſi ex corde nos doces, ſi
ex intellectu nos amas; tali modo doces, vt amare; tali modo
amas, vt docere videaris; diſcipulorum prægreſui ſœlici & que
ſimul currunt, voluntas, & intellectus; vt ſi intellectu ames,
vel voluntate doceas, dubitemus; vnde affectus vterque dele-
ctabili transformatione, confunditur? O beatioreſ vndequa-
que diſcipuli? O glorioſior vndequaque præceptor? Innumeri,

quos

quos necare suavissimo, à primis suis crepundis, medicina
educasti ad rerum decissionem te collaudant amantes, pro-
digalitatem tuam conspiciunt remoti, nos debitores sumus,
tu devota solvis, subtiles, quas docuisti quæstiones, hodie
nobis committendo obsignatas. Quomodo, vt otieris teneba-
mur sudare, vt otiemur iudasti, nobis sine nebulis stillo niti-
diori, offerendo præscripta; vt nos sine molestia, facile inge-
nio, adiscamus difficile, labore solvis, quod amori comparas;
amori satisfacis, quod labori debes; amori, & labori gratifi-
cat scientia, scientiæ liber, liber meritum, merito gloria, la-
bor tuus, amor, scientia, liber, meritum, & Gloria nobis
maximum pariunt emolumentum: sed quid mirum? Ad aman-
tinum opus, etsi molle parvum, eximiori prætio, retoricis præ-
coniis ad extremos vsque Phylosophie polos, abdita Medici-
næ buccinat Arcana; in pelago quæstionum imenso bullas
inflatas, ab strepitu ignorantium tumentes spuma, spiritu fer-
venti repellit; difficultates studiosioribus brevitatis solatio,
claritatis dono demonstrat concissas; has omnes evolvant, do-
ctiores ediscant, garriant imbecillia ignorantia summersi: num-
quam momordent, & si momordent, audiant de Scarabæo
dicitur perire inter rosas; enecat foetidum suavis ille odor; fo-
tidum imbecillia odorem expirant; accedant, olphaciant, gustent;
peribunt. Vale dilectissime Magister, vt amando me doceas, vt
docendo me ames, iterum Vale.

Minimus Discipulus tuorum,

Doct̃or Ioannes Franciscus Ruiz
de la Vega.

PERE

Percelebri Magistrorum Magistro,
DOCT. THOMAS ANGLAS, ILLIVS DISCIPVLVS,
radianti doctrinæ lumine imbuto, quidquid dicendo
memoratur consecrat.



*Verum sanè, & aeternis exarandum ce-
dris (dilectissimè præceptor) divi leonis
pronunciatum: Indè oritur difficultas
fandi, vnde adest ratio non tacendi.*

*Elloquere, aut obscuris taciturnitatis latebris,
imbecillis adhærebit calamus? Dum tanti operis
magnitudo, ac præstatiâ in præsens mihi buccinã-
da proponitur? Meritam me Hercule subibo re-
pulsam; cum phaetonteo ausu, tantã agredior pro-
vinciam, Acroceraumnios superabo scopulos.
Attamen venebola, Allumni facultas gratã allo-
quendi facultatẽ præstabit, typis retulisti opus, non
verborum pòdere, solum maiestate sententiarum;
verum etiam omnigena eruditionis, vernantibus
flosculis variegatũ, perpolitumque conspicio, assi-
duis phylsophorũ sententiis distinctũ afflorescit;
plurimis peritissimorum Medicorum dictis purpu-
rascit; adeo latabũdam tuo in opere phylsophiam;
reperio sic expeditã à tui ingenij acumine se consp-*

pi-

picit, ut sibi liceat, D. Ambrosij de Abrahamo lo-
quentis verba usurpare: quem votis suis Phyloso-
phia, non potuit equare; minus est, quod illa fun-
xit, quā quod iste gessit, ipsa etiam Medicina phy-
losophia cōiunctissima soror, grates gratissima, tibi
rependit debitas, quod in scrutabiles, illius am-
bages, instar de Dalci filij perspicuas, omnibus,
haurindas cōcinaveris. Et si prae manibus illa phy-
losophi mihi ober setur sententia: Quoniam in re
difficili prolixus sermo de veritate suspectus red-
ditur, & in multilloquio saepius contingit, delin-
quere; non peritissimos Discipulos tuos, propè infi-
nitos silentio obvalvamus; in quibus tanti Magistri
sententia, quasi fidissima in exemplari praefulget:
in ævum vivas, duces perennis, praeclarissime Ma-
gister, ut complures libros omnium votis praeis in-
dies commendes.

Garrula fama tuos protendat leta labores,

Perpetuo, ut vivant, sydera ad alta ferat.

Hoc igitur Medicina tibi illustrata manebit,

Æternumque decus sæcla futura dabunt.

Vale.

D. Thomas Anglās, Authoris alumnus.

DOCTO.

DOCTORIS
ANTONII DE LEON.
IN LAVDEM AVTHORIS,
QVEM SAPIENTISSIMVM
VENERATVR MAGISTRVM.

EPIGRAMMA.

Occultam profers culto pectore gazam,
Promere doctrinæ præssa fluenta cupis.
Promitto festinans avido, Præceptor, Alumno,
Sic tuus instat honor; sic meus urget amor.
At mihi proclivis *Dextram* iam porrigis ultro,
Hoc mihi propitiùs, quòd tua *Dextra* iuvat.
Dextra levat, quo dexter humi relevare iacentē,
Seu fuit ignarus, seu fuit æger, amas.
Pondere quisque suo morbi, cùm sternitur, offers
Dexteram, ubi ostentas omnibus vnus opem.
Iam iam, foelices morbi, me urgete cadentē,
Non renuam, si me tam bona *Dextra* levat.

L I C E N C I A T I
H I E R O N Y M I F E R R E R
P H I L O S O P H I Æ , E T
M E D I C I N Æ B A C C H A L A V R I ,
I M M E R I T I D I S C I P U L I .
I N L A V D E M S V I M A G I S T R I
D I L E C T I S S I M I ,
D O C T O R I S M A T H I Æ D E L L E R A .

E P I G R A M M A .

*Quisquis adest, Medicos, qui vis cognoscere partus
Et commune bonum discere, Lector, amas:
Perlege quæque tibi exponit praecepta salutis.
Hic Liber, & sanà mente repende, precor.
Ne stultos reputes rores hausisse Galeni,
Nempe sua haud plures fonte Galenus habet.
Hippocrates sanos dedit huic, suditque liquores;
Nil superesse sibi, iudicet Hippocrates.
Immeritus, quicquam contingere, testor Alumnus,
Vtiliusve tibi, dulcius atque nequit.
Ergo opus est, opus hoc amet, approbet, efferat vltro
Et vitam, & vita commoda quisquis amat.*

INCLYTIS
MARTYRIBVS
COSMAE.
ET DAMIANO.
MELIORIBVS
MEDICINAE
ÆSCVLAPIO.
ET APOLLINI.



D Manus vestras avidissimus aspi-
rat Liber iste, seu Manus ista, ad
manus, inquam, vt aspirante tan-
ti præsidij Favonio, manus cum
manu conspirans, integram aduersantium ma-
num.

num triumphatrix despiciat. Nec audaciæ, aut
temeritatis notâ arguendus sum, quod ad ve-
stros pedes, non procumbam, & *supplex hæc*
Numina poscam; manibus, pedibusque id ipsum
præstaret animus, ni vrgentiora cogere argu-
menta, vt ad manus clatior accederem. Manum
vobis appendo, Inclyti MARTYRES, &
ad manum propendo. Quid enim manibus ve-
stræ potentiæ significantius symbolum? Quid
mei muneris expressius simulachrum? Ecquid
manibus potentius? Quorum potestatem fa-
tentur satis insana substructionum sublimitas,
scita, & elegans Urbium structura, multiplex
agrorum cultus, quo tot, tantisque ad vitam
necessariis instruimur. His aquarum ima pene-
tranter; montium supercilia demittuntur; me-
tallorum durities emollitur; ardua quæque, &
operosa superantur. Habetis igitur, Illustres
MARTYRES, in manibus potentiam, habeo,
& ego in oblata manu Egregium vestræ pote-
statis pignus enucleatum. Divina penè fuit po-
tentia illa, quâ morbis etiam insanabilibus,
MARTYRES medebantur. Huius etiam po-

tentia argumentum expressissimum est constan-
tia illa, quā exquisitis vexati suppliciis stete-
runt immobiles, seu cum vincti in profundum
mane iaciuntur, salvi egrediuntur, & incolu-
mes, seu cū ardentes periclitantur rogos, il-
ludunt flammās, incendiis haud commoventur.

Virg. 7.

*Ut pelagi rupes magno veniente fragore;
Quæ sese multis circumlatrantibus undis,
Molle tenet: scopuli necquidquam,
Et spumea circum
Saxa fremunt, laterique illisa refunditur alga.*

Ergo dum tanta manus vobis ornamento est,
mihi sit præsidio, dum tenuem meam defero, &
offero manum. Virg.

*Accipite hæc manuum vobis monimenta
mearum.*

Cernite, vt lætanti fronte, proclivi animo, spe
solicita, anxio desiderio Dextram appendo.

Virg.

Cur Dextræ iungere Dextram non datur?

Ma-

Manum confecro, nec mea potest tenuitas quicquam dicare maius: manibus enim valemus, promittimus, dimittimus, accersimus, minamur, timemus, rogamus, percontamur, admittimus, repellimus, instamus: gaudium, tristitiam, dubitationem, certitudinem, modum, copiam, tempus ostendimus. Hæc omnia vobis Egregij CHRISTI ATLETHÆ libens, voveo, dum meam manum voveo: hæc eadem mihi apprecor, dum vnam, & alteram vestram manum apprecor: sic enim sperare fas est, vt mea experiat humilitas tanto Patrocinio sublimata vestrarum manuum potestatem.

Vester humillimus servus

Doct̃or Mathias de Llera,

D. O. & C.

PRO-

PROLOGVM VNIVERSALE AD LECTOREM.



ANVS Medica dextera (candidissime
Lector) quinque digitis conflata, vt
maxima imminentium morborum
dexteritate, prænuntiis obiam facias,
præsentiumque iaculis aureo clypeo
validè obsis, tuo salubri consilio
proponitur: quinario digitorum nu-
mero mirifico constat, quid mirum?
Cum mirandum nomen VIRGO, &

IESVS, prædicto literarum numero floreat. Illa Redemp-
torem vniversi concepit, iste præciosiorem vitam mortali-
bus condidit. Manus inquam dextera, quæ cum organum an-
te omnia sit, mirifica conficit opera. Manu quidem leges
conscripsit homo, mea, tibi assertiones non laudandas, sed
parcendas conscribo. Manu homo aras Deo erexit, mea, tibi
ingeniolum, vt tua clementia dirigas, erigo. Manu plurima
pollicemur, præsentis, selectiorem tibi doctrinam, non vt su-
per via inflatam, benè vt veriorem polliceor. Manu amicos
vocamus, præsentis, vt te censorem cordatissimum voco. Ma-
nu inimicorum iniurias dimittimus, mea, non dimittendo, sed
tuam implorando, hos vt errores dimittas, semper orabo.
Manu minamur mea, non sine maximo laborantium vitæ dis-
crimine, inertes, atque ignaros, si te vt doctiorem non consu-
lant, minabor. Manus rationis, sapientiæque ministra, sermo-
nis veluti vicaria, conceptuum mentis interpret adest. Con-
tacta manus pacta confirmat, ac ita manus fortitudinem de-
notat, vt qui auxilium quærant, communiter dexteram petant.
Vtinam mea rationem, & sapientiam tibi ministret, bolup-
tissimum sermonem conferat conceptus mentis, et si debiles, quia

meos,

meos, humillimos tamē, ac fructiferos detegat, pactaque stric-
tissimi amoris tecum firmet, & auxilium à te quærens dexte-
ram tuam orando, ex postulet: quinque digitata manus conf-
picuas edit actiones, nec plures, nec pauiores illam digiti-
exornant: si enim pollicem demas, aliorum vis, atque robur
perit: si minimum digitum tolas, vix rerum debitus ample-
xus fiet: si secundus index deficiat, demonstratio frustranea: si
Medicus, societatis defectu reliqui delinquent. Si quartus à
priscis Medicus appellatus, annulorum stemmata parvi pensa-
flebunt? Quid de aureis digitis, nostram dexteram manum
componentibus, proferam? Deme pollicem, febrilem etenim
disputationem, aliarum utilitas peribit, minimum diseca, ra-
tionem, ac consilium, pro empirica praxi mutabis, ac ceco
impetu plurimos patrabis errores, audeas indicem detrun-
care, laudabilia morborum iudicia sepulta manebunt. Abscin-
de tertium, medium appellatum, iugulabis te, si febrem san-
guinis missione non iugules, parvifiat quartus Medicus dictus,
parvifiet humorum expurgatio, parvifiet morborum recidi-
va, parvifiet quidem ipsorum profligatio? Quid manus ergo,
si moderatori non obediat: si præsidem, non conspiciat: si in-
fluxu careat, finalizatio inanis adderit. Nostra tuam mode-
rationem spectat, te præsidem veneratur, irradiationemque
tuam proclamat, floreſcat igitur præſens lilium, & apertis-
eandisimis foliis theſauri præcioſioris odorem olphaciant
periti, placebitque omnibus: si tibi placuerit, ut ipſe neſta-
reo cordis ſpiritu ſenili tuo conſilio froetus, Galenicam me-
thodum, tam opperoffam, quam a paucis elaboratam, ſe-
quenti anno divino numine irradiante, in lucem edere va-
leam. VALE.

ELEN

ELENCHVS DISPVATIONVM, quæ in hoc libro continentur.

EX PRIMO DE FEBRIBVS.

- Questio* 1. Quid sit natura, & essentia febris. fol. 1.
 Sectio 1. Solvuntur obiectiones contra definitionē Gal. fol. 6.
 Questio 2. An febris consistat in calore solo superaddito naturali, an verò in utroque, fol. 10.
 Sectio 2. Satisfit obiectionibus contra veriorē sententiā, fol. 12.
 Questio 3. Vtrū febris ortū ducat à principio intrinseco, fol. 15.
 Sectio 3. Verior, ac communis Gal. opinio eligitur & probatur, fol. 25.
 Sectio 4. Solvuntur obiectiones in contrarium, fol. 25.
 Questio 4. Vtrum calor naturalis, & præternaturam, cælestis, & elementalis, differant specie. fol. 30.
 Sectio 5. Argutierum solutiones patefient, fol. 33.
 Questio 5. An febris sit solus calor præter naturam; an verò constituatur etiam per siccitatē coniunctā, fol. 36.
 Questio 6. Vtrum subiectum febris sit necessario cor, fol. 40.

EX SECVNDO DE FEBRIBVS.

- Questio* 1. De febrium divisionibus fol. 46.
 Questio 2. An febris sit divisibilis per differētiās essentielles, f. 51.
 Questio 3. Vtrum tertia febris divisio traddatur per materiam; an verò per causam efficientem, fol. 56.
 Questio 4. Vtrum tertia febris divisio in putridam, & alias dictas, sit adæquata, fol. 63.
 Questio 5. An febris rectè dissecetur in morbum, & lymphomata.

EX TERTIO DE FEBRIBVS.

- Questio* 1. An febris hæctica dependeat à causa, fol. 83.
 Questio 2. Vtrum febris hæctica possit, à principio, à causa procathartica invadere, fol. 91.

Questio

- Questio 3.* De causis reditus febrium per circuitus, fol. 97.
Questio 4. De signis febrium diatarum in communi, fol. 107.
Questio 5. De signis febrium putridarum in communi, fol. 115.
Questio 6. De signis febrium hecticarum in communi, fol. 120.
Questio 7. De cognitione temporum febrium, fol. 128.
Questio 8. Vtrum omnis febris salubris, veluti reliqui morbi quatuor tempora percurrat, fol. 135.
Questio 9. Vtrum in declinatione vniuersali febrium possit periculum mortis reperiri, fol. 140.
Questio 10. Quot, & qualia sint signa febris tertianæ exquisitæ intermittentis, fol. 147.
Questio 11. Vtrum fortitudo, siue robur facultatis sit causa maioris rigoris, quàm languor, siue debilitas, f. 152.
Quest. 12. An minera, siue focus putredinis in febribus intermittentibus sit extra vasa; in continuis verò intra illa, fol. 158.
Questio 13. De signis febris quartanæ intermittentis exquisitæ, fol. 169.
De signis febris quotidianæ intermittentis exquisitæ, f. 175.
Questio 14. De essentia, & signis febris continentis, siue synochæ putris, fol. 177.
Questio 15. De natura, differentiis, causis, & signis hemitritæ, seu febris semitertianæ, fol. 185.

Ex libro de curandi ratione per sanguinis missionem.

- Cap. 1.* Quid evacuatio, quotque sint humorum vitia, fol. 196.
Cap. 2. Evacuationum genera, & differentiæ adaperiuntur, fol. 198.
Cap. 3. Quid sit sanguinis missio, & vnde venæ sectio evacuet, fol. 199.
Cap. 4. Quid, & quotuplex sit morbus magnus, fol. 214.
Cap. 5.

- Cap. 5.* Quæ sit causa motus sanguinis dum vena scinditur, fol. 218.
- Cap. 6.* Quæ humorum vitia phlebothomia vacuet ex venis, fol. 221.
- Cap. 7.* De sanguinis missionis differentiis, & fine propter quem, fol. 224.
- Cap. 8.* Evacuatio per distantissima, an sit propria, & per se, vel per accidens revulsione conditio, fol. 226.
- Cap. 9.* Verior Sanctorii opinio defenditur, ac contrariis rationibus satisficit, fol. 231.
- Cap. 11.* Adducitur exemplar, quando revellentia debeantur remotioribus, & quando proximioribus partibus, fol. 236.
- Cap. 12.* Quomodo in revulsione servanda sit rectitudo, fol. 240.
- Cap. 13.* An sit necessarium requisitum, & per se conveniat revulsioni, ut retrahantur humores ad originem fluxionis, fol. 242.
- Cap. 14.* Qui humores sint apti, ut revulsione avertatur, fol. 246.
- Cap. 15.* Quæ sint ex Gal. doctrina de revulsione, ac derivatione in praxi observanda, fol. 249.
- Cap. 16.* Vtrum robur virium indicet, vel coindicer sanguinis missionem, fol. 251.
- Cap. 17.* De reliquis, quæ valent coindicare, aut impedire sanguinis missionem, fol. 254.
- Cap. 18.* Vtrum menstruus sanguis superveniens possit impedire sanguinis missionem, fol. 254.
- Cap. 19.* An uteri gestatio sanguinis missionem impediatur, fol. 263.
- Cap. 20.* Vtrum mulier enixa possit ferre sanguinis missionem ex talo, fol. 267.
- Cap. 21.* Quibus præsentibus, vel futuris morbis vena lecta succurrit, fol. 275.
- Cap. 22.* An in statu febrium putridarum liceat sanguinem mittere, fol. 278.
- Cap. 23.*

- Cap. 23.* An in particulari febre sanguis sit mittendus à parentibus iam exanthematibus, fol. 282.
- Cap. 24.* Vtrum febribus pestilentibus sanguinis missio conferat, & an ex talo potius, quam ex cubito, fo. 291.
- Cap. 25.* Quæ vena in quovis affectu secanda sit, fol. 297.
- Cap. 26.* Quam utilitatem, vel nocumentum spontanea sanguinis eruptio conferat in morbis, fol. 301.
- Cap. 27.* Quomodo ex morbi magnitudine, & viriū robore metienda sit quantitas sanguinis evacuandi, fol. 302.
- Cap. 28.* In quibus affectibus mittere sanguinem liceat vsque ad animi deliquium, fol. 306.
- Cap. 29.* Quo tempore morbi, qua die, & qua hora sanguinis mittendus sit, fol. 317.
- Cap. 30.* Quæ præparatio ante venæ sectionem afferenda sit, fol. 322.
- Cap. 31.* Quid ipso sectionis tempore faciendum sit, fol. 323.
- Cap. 32.* Quid emissio sanguine sit observandum, fol. 325.
- Cap. 33.* De Arteriarum sectione, ac particulari sanguinis evacuatione, fol. 327.
- Cap. 34.* Quomodo evacuatio vniuersalis fiat per corporis habitum, fol. 330.

EX LIBRO DE PURGATIONE.

- Dubicatio 1.* Quod sit purgatio, fol. 334.
- Dubitatio 2.* Quæ ratione medicamentum purgans evacuet humores, fol. 338.
- Dub. 3.* An opus sit ad purgandum, vt medicamentum, in omne corpus per vasa deferatur, fol. 348.
- Disputatio 1.* De super purgatione, fol. 352.
- Dubit. 4.* A quo verè, & propriè indicetur purgatio, fol. 354.
- Cap. 1.* Quæ corpora inepta sint ad purgationem, fol. 364.
- Dub. 5.* An si materia non turgeat sint purganda vtero gerentes, fol. 366.
- Dubit. 6.* An licet Medicus probabiliter iudicet abortus periculum, propinandum sit pharmacum, fol. 369.

Dubit. 7.

- Dubit. 7.** An pueris tempore lactationis liceat medicamentum purgans exhibere, fol. 373.
- Cap. 2.** Quæ corpora sana debeant purgari, fol. 376.
- Observatio 1.** Circa præsens caput, fol. 377.
- Obs. 2.** Iuxta modum purgandi, & sanguinẽ mittendi, fol. 378.
- Cap. 3.** Quomodo preparadi sit humores ad purgationẽ, f. 379.
- Dubit. 1.** An semper humores attenuare ad purgationem oporteat, fol. 380.
- Cap. 4.** Corpora ad medicamẽta purgãtia preparãda sũt, 385.
- Dubit. 1.** An maius virium robur requiratur ad purgationem, quam ad sanguinis missionem, fol. 389.
- Cap. 5.** De loco, & regione per quã debet fieri purgatio, f. 396.
- Cap. 6.** Ab specie morbi species evacuationis indicatur, f. 398.
- Cap. 7.** De tempore evacuationis, seu purgationis, fol. 399.
- Dub. 1.** An omnes humores debeãt cõcoqui ad purgationẽ, ibi.
- Cap. 8.** De occasione purgandi, fol. 403.
- Dubit. 1.** An die paroxysmi, & adhuc incipiente paroxismo alicuius morbi, videlicet febris quartanæ possit Medicus exhibere pharmacũ purgans, fol. 405.
- Cap. 9.** In quo Gal. occasionem purgandi demonstrandam prosequitur, fol. 410.
- Dub. 1.** An ad purgationẽ exequẽdã spectãda sit coctio, f. 411.
- Dub. 2.** An sine vlla coctione in principio morbi liceat vti, et si nõ radicativẽ saltim medicamẽto minorãti, fo. 416.
- Cap. 10.** De occasione purgandi sine præparatione, fol. 454.
- Dubit. 1.** Qui humores sint apti ad turgendum, fol. 455.
- Cap. 11.** Quid sit agendũ post medicamentũ assumptũ, fo. 458.
- Dubit. 1.** An his corporibus, quæ purgantur insensibile sit concedendum, fol. 459.
- Cap. 12.** Medicamentis purgantibus, aliquid semper est admiscendum, fol. 461.
- Dub. 1.** An post pharmaci purgãtis vsum sit dormiẽdũ, fol. 462.
- Dub. 2.** Vtrũ aliqua præter dicta reperiãtur coindicãtia, & alia impediẽtia, ad exhibitionẽ pharmaci purgãtis, f. 464.

EX TRATATV DE CRISIBVS,

& diebus decretoriis.

- Cap. 1. Mens Hyppoc. sententia adducenda venit, fol. 470.
Cap. 2. De natura, & essentia differentiis, & causis
perfectæ, vel imperfectæ crisis, fol. 476.
Cap. 3. De signorum differentiis, quæ bonam, vel
pravam crism discernere valeant, fol. 487.
Cap. 4. De signis speciem crisis præsentis, & immi-
nentis ostendentibus, fol. 495.
Cap. 5. De requisitis simpliciter necessariis, vt bona
crisis eveniat, fol. 502.
Cap. 6. In quo determinatû tēpus, & modi quib⁹ morbi
ad salutē, vel mortē terminentur exponuntur, fol. 509.
Cap. 7. De natura, & differentiis dierum decretorium, fol. 513.
Cap. 8. De natura, differentiis, & causis sudoris critici, fol. 519.
Cap. 9. De natura, differentiis, & causis sudoris
symptomatici, fol. 528.
Cap. 10. De vi, & quomodo dies propriè decretorij
iudicentur, fol. 536.
Cap. 11. De causis criticorum dierum, fol. 548.
Cap. 12. Secunda sententia proponitur, & refellitur, fol. 552.
Cap. 13. Alia opinio reiicitur, fol. 555.
Cap. 14. Percelebris Galen. assertio ostenditur,
& repellitur, fol. 558.
Cap. 15. Verior sententia stabillitur, fol. 563.
Cap. 16. Quibus in morbis dies critici numerari debeāt, fo. 568.

Habes Lector reliquum tractatum vnico
capite completum.

MA.

MATHIÆ DE LLERA DOCTORIS MEDICI,

ATQVE PHYLOSOPHI, GALENICÆ
olim doctrinæ, Aphoristicæ deinde, Vespertinæ
tandem Cathedræ Augustæ, Cæsar-Augustæ

Universitatis perpetui Moderatoris, disputa-
tionum ingenti iucunditate, ac selectis-

simâ disciplina polentium, de
febris liber.

AD LECTOREM.



PANOMPHEO, & infinibili
DEO mortalibus, nihil præ-
ciosius purpureo corde, ad vitæ
occiduae tutelam fabrefactum
fuit, in quo vitæ omnifera præ-
dia emicant, est quidem Viscus omnium no-
bilissimum, caloris nativi origo, & officina,
marmoreum domicilium caloris vivifici, ne-
ctar etenim æthereum ita generat, vt omnes
corporis partes genuinum, ac insitum fortiter

A

tuean-

tueantur, amissumque propter illius bene desi-
deratum accessum instaurent; hoc vitalis calo-
ris domicilium, & opifex, præcipuum est febris
subiectum, quæ nisi celerrimè extinguitur, lu-
ctificam calamitatem exhibet, deperditis vitæ
præstantioribus thesauris, qui dicto domicilio
stabulantur, omnes partes in fatalem intempe-
riem ducit; si ergo vita hominis fluida, & eram-
nosa est, numquam febris parvifacienda; imò
celeriter opugnanda, & cum rari morbi adsint,
qui comitem sibi febre non obtineant, ita
ut vix quisquam sine febre moriatur, maxima
cum ratione, omnia Medicorum ingenia, ad-
inum cognitionem, ac debitam febre extir-
pandæ curationem, debent assiduo labore inve-
stigare, cum Archigenes decem longissimos Li-
bros de febribus scripsisset.

MATHIÆ DE LLERA
DOCTORIS MEDICI,
atque Phylosophi, Galenicæ olim
doctrinæ, Aphoristicæ deinde, Ves-
pertina tandem Cathedræ Augustæ,
Cæsaraugustæ Vniuersitatis perpetui
moderatoris, disputationum ingenti
iucunditate, ac selectissima
disciplina polentium, de
febris.

LIBER PRIMVS.

PROHEMIVM.

S*I quid vnquam consulere decrevi, ut sine
misera, & pendula ambitione, sine frau-
dulenti ambagibus, vllave impostura
impia vobis, vtilitatie vestra metym-
naa consularem, id mihi præcipuè libentissime exe-*

quendum proposui; numquam quidem sum aliquid
facturus, quod ad Apolinea praecepta perdocenda
ordine recto, atque itinere peruiso, non conducat:
quod igitur à plerisque alijs in principio, inquiri
consuescit, ut quale sit Artis subiectum: Utrum
Medicina sit scientia; an aliqua ipsius pars sit theo-
rica: quis librorum titulus: quæ causa scribendi: quis
scopus: quæ utilitas: quis doctrinæ modus: quis ordo,
& cui Medicina parti huiusmodi libri subycian-
tur, id à me consulto pratermittetur, ne lubricum
tempus, seniliori doctrinæ addipiscendæ labatur: sic
que potius ad duos Galeni libros de febribus pate-
faciendos properandum est: Quare primum de fe-
bris essentia, siue natura sum acturus. Secundo
differentias, atque species febrium enarrabo. Ter-
tio, generales febrium causas adducam. Quarto,
de signis febrium diariarum, hæthicarum, & sino-
chialium sine putredine agam. Quinto, signa pecu-
liaria cuiuslibet febris, naturam, & essentiam cum
selectioribus, ac iucundioribus questionibus præ-
ostendam, ut tandem omnia, quæ ad hæmitriteum
sunt necessaria, dilucidabo.

QVÆSTIO PRIMA.

QVID SIT NATVRA, ET ESSEN-
tia febris.

TSI plurimi sint percelebres Authores præter
Hypocratē, & Galenum, qui circa hos libros
de differentiis febrium, disputationem insti-
tuerunt, vt Avicena, Fen. 1. lib. 4. tract. 1. cap.
1. Zacutus tom. 1. lib. 4. de Medicorum Prin-
cipum Historia. Aetius Tetravelo 2. serm. 11.
Paulus lib. 2. Veiga, & Vega construxerunt Commentaria in
duos Galeni libros de febribus, pariter etiam Argenterius, Trin-
cavellius, Fernelius lib. 4. Vallesius in compendio de febribus,
& controversiis. 5. à 18. cap. vsque ad finem libri, Petrus Gar-
cia lib. 6. de febribus, Mercatus tom. 2. suorum operum, fol. 276.
Mercurialis in sua praxi, lib. 1. Mena, Antonius ab Altomar, Sa-
banarola, doctissimus Sennertus, Matamoros, sapientissimus Ma-
roja, Caserta, Ioannes Baptista Navarro, & alij quam plurimi,
quos consulto ommitto, vt brevitare ipsorum sensuum, cōspicua-
te doctrinæ, selectiori sermoni, facilius promptiusque assen-
tire valeamus, tamen de febris notione, & essentia, cum his dis-
putandum venit.

Quamvis Galenus primo de differentiis febrium, definitio-
nem febris nō adduxit, fortasse, quia ex ipso nomine, quid sit fe-
bris, facile innotescit, vt notat Vallesius primo etiam de diffe-
rentiis febrium; nam ipse Galenus sexto epidemiorum part. 1.
text. 29. citato, ait, omnes homines communi quadam notione
sciunt, febrem esse calorem præter naturam, atque ita Galenus
ommissit loco dicto definitionē febris; latini enim omnes vt ait

DISPUTATIONES

Vallesius loco citato, vno ore fatentur febrem à verbo ferreo, originem ducere, nam febris immoderatus videtur totius corporis ferbor, & Hippocrates, atque Galenus nomine ignis, febrem appellant; vnde inferitur febris naturam in calida, atque ignea natura consistere: Quibus non obstantibus, vt definitionem essentialem proponam, varias Authorum sententias prius recensito, atque impugnabo, vt ex manifesta contrarietate dilucida nostra remaneat sententia.

Circa febris definitionem, Averroes lib. 3. collectaneorum, cap. 3. ait: Quod ipsa est calor compositus ex naturali, & extraneo putredinali mixto a corde ad totum corpus, ac lædit omnes actiones, & passiones. Hæc quidem definitio facile reiiiceretur, dum disputet infra, verum febris consistat in calore superaddito solum, vel simul in eo, & naturali coniuncto. Argenterius lib. de febribus, cap. 10. non definit febrem per calorem, sed per intemperiem, asserens febrem esse intemperiem calidam præter naturam, siue immodicè excedentem, siue morbosam, vel quia contrarias operationes impediat, quem sequitur Senertus lib. 1. de febribus, cap. 10. de natura febris, tom. 2. cum asserat calorem præter naturam extraneum, seu igneum, non esse intelligendum simplicem qualitatem, sed intemperiem calidam, quoniam calor obtinet rationem causæ; sicque vt calor non est febris, sed causa, quia febris est morbus, & dispositio talis, calor verò est patibilis qualitas.

Et si Argenterij definitio, siue sentiendi modus circa naturam, & essentiam febris, non sit verus, laudandus tamen semper est Argenterius, quoniam consentaneè loquitur, cum dicat lib. de differentiis morborum, ipsos partium similium morbos non consistere in calore, vel frigidityte excedente, quia hi obtinent rationem causæ, sed consistere in tota intemperie, (quæ non sunt huius loci,) & si Senertus perpenderet vnicam, & eandem qualitatem posse esse si mul dispositionem, & patibilem qualitatem, nequiquam dictæ sententiæ assentiret.

Ali.

Alij quidem Authores per quam plurimi non definiunt febrem pro qualitate sola, sed pro concreto ex substantia, & calore, ita ut asserant, substantiam calidam obtinere rationem febris, nitunturque autoritate Galeni, qui libro adversus Lycum, & primo Aphorismorum Comment. 14. calorem duabus perpendit rationibus, & pro qualitate in abstracto, & pro corpore calido, inquitque, febrem esse conversionem calidi innati ad igneam naturam, quod ab eis dupliciter probatur. Primum, quia febris est contraria calido innato; sed calidum innatum est substantia: ergo febris est substantia: ergo non sola qualitas. Probatur maior, quoniam à calore febrili resolvitur, & dissipatur calidum innatum: ergo quia inter se contrariantur febris, & calor innatus, nam contrariorum lex stat in eo, quod sub eodem genere collocentur: ergo in genere substantiæ. Secundo probatur, natura enim febris hæcicè consistit in conversione humidæ, atque calidæ substantiæ in igneam naturam, ut hæcticarum species, sive differentię declarant: ergo non solum consistit essentia febris in sola mutatione caloris, propria tantum qualitate sumpta.

Hæc tamen sententia facile rejicitur, quia etsi Galenus summat calorem pro substantia, non tamen ex eo infertur, quod febris sit substantia; imò colligitur, quod sit calor præter naturam sumptus pro sola qualitate, quia si febris collocatur in genere substantiæ, non potest contrariari calido innato, quia ut Aristoteles ait, capite de substantia, substantiæ nihil est contrarium; si verò respondeant non contrariari in ratione substantiæ, sed in ratione caloris; hoc est falsissimum, quoniam verus calor non differt specie ab alio calore; & quæ sunt ejusdem speciei, non sunt inter se contraria, ut ait Aristoteles 10. Metaphysicæ cap. 6. non enim albedo, albedini, nec frigus frigori opponitur; ac proinde, neque calor, caloris; sicque respondeo primæ rationi, febrem non contrariari, per se calido innato, sed ex accidenti quatenus scilicet suo calore præter naturali; & putredinali, substantiam calidi innati dissipat, ac resolvit.

Secundæ verò rationi respondeo: Quod quamvis in hætica accidat mutatio talis substantiæ, nihilominus est nimis per accidens, nihilque deservit ad constitutionem essentialem febris, de qua est quæstio, nam sive sit, vel non sit ibi mutatio substantiæ, cum solum reperiaturs ratio caloris præter naturam accensi in corde, corporis actiones lædentes, sufficienter per hoc febris natura salvatur.

Avicenna tamen sen. 1. lib. 4. tract. 1. cap. 1. collegit ex Hypp. & Galeno, febrem esse calorem extraneum accensum in corde, & procedentē ab eo, mediantibus spiritibus, & sanguine per arterias, & venas in totum corpus, & inflamari in eo inflammationē, quæ noceat operationibus naturalibus, non veluti calliditas iræ, & laboris, cum non ultimatur: quæ definitio etsi sufficienter febris naturam exponat; ut inquit doctissimus Doctor Cyprianus de Maroja: Nos tamen doctrinæ gratia Galen. brevilocuū insequentes, ac ipsius doctrinam interpretari conantes, ex illius locis breviorē, atque clariorem febris definitionem adducemus, ipsamque per singulas particulas dilucidare decernimus.

Quibus prælibatis ex Galeni locis, hanc febris definitionem amplectendam haud dubito: febris igitur erit, *calor præter naturam accensus in corde, & per arterias ad omnes corporis partes effusus, vel saltem in principalioribus contentus, naturales lædens operationes*: Ista ergo definitio, optima est censenda, quoniam constat debito genere, & differentia; genus enim est *calor præter naturam*, nam febris solum continetur in calore præter naturam, qui actiones lædit, non verò in calore nativo, qui est principium actionum naturalium; reliquæ particulae collocantur loco differentia; dicitur enim, *accensus in corde*: quia per hanc particulam, explicatur proximum, atque immediatum febris subiectum, nec minus necessariam, ut inquit Galenus primo de differentiis febrium, cap. 3. calor præter naturalis, nondum febris est, nisi cor vna calefiat; cor enim est ori-

go, atque principium caloris nativi, sicque necessarium est cor primo calefieri, dicitur *accensus*, non quia accenditur, sed ut cognoscatur, quod cum febris sit morbus, & omnis morbus sit affectus permanens, & factus, ut ait Galenus libro de differentiis morborum, necesse est, ut calor sit iam accensus in facto, ut infra patebit.

Obstabis tamen cum Galen. qui primo aphorism. sentent. 16. definiens febrem, dixit, esse conversionem nativæ caliditatis in igneam naturam: ergo febris non consistit in calore in facto esse: cui facile. Respondeo cum doctissimo Maroja, & aliis, quod tunc Galen. non exponit febris definitionem, nam Galen. loco citato, solum docet modum generationis febris, & non ipsam naturam, quoniam, ut inquit Aristoteles topicorum primo, in recta definitione, semper definitum, & genus definitionis debent collocari in eodem prædicamento; atqui conversio, quæ ponitur loco generis, non collocatur in prædicamento qualitatis, veluti febris, sed solum in prædicamento motus, quia conversio solum est actio immutativa, & non terminus talis actionis, ut est febris: ergo dum asseruit Galenus febrem esse conversionem, solum loquebatur de modo, & motu generationis ipsius, non verò de essentiali constitutione.

Alia definitionis particula inquit, *& per arterias ad omnes corporis partes effusus*, per quæ verba declaratur secundariū, & accidentale febris subiectum, nam cum in corde contineatur sanguis arterialis, & spiritus vitalis, hinc est, quod postquam calor sit accensus in corde, postea mediis dictis substantiis, communicatur omnibus partibus nostri corporis; & quamvis sine substantia solum per continui alterationem valeat diffundi calor, hoc solum fiet ad partes proximas, non verò ad distantissimas, propter determinatam spheram activitatis, quam hoc agens utpotè naturale possidet; sicque ut ad partes corporis distantiores perveniat, prædictis substantiis indiget, accidens enim ullo modo valet migrare de subiecto in subiectum, ut inquit Philosophus.

Aut saltem in principalioribus partibus contentus; ex quibus verbis inferitur, quod ad esse, sufficit existentia caloris febrilis in principalioribus partibus, præcipuè in corde, quoniam etsi calor actu non communicetur omnibus corporis partibus, ut accidit in lypiria, epiala sincoposa, ac in febrium intermittentium principiis, tamen quoniam calor potest quotiescumque semoveatur impedimentum, communicari toti corpori, ideò obtinebit veram rationē febris: definitio enim nunquam præscribitur per actum, sed per aptitudinem, & in febribus dictis lypiria, & epiala, nullo modo est impossibilis ista calefactio omnium partium, sed est impedita à causa illa frigida vehementiori, & potentiori in epiala, ut in lypiria ab interna inflammatione, sicque semper remanebit aptitudo, & possibilitas, & si actus sit semper impeditus, non tamen impossibilis.

Ultima demùm verba, scilicet, *ledens operationes naturales*. Non sunt intelligendę actiones naturales solum, quę ledantur, & quę spectant ad animam vegetantem, sed, *ly, ledens operationes naturales*, intelligitur pro operationibus, quę conveniunt in statu naturali, sive sint operationes naturales, sive animales, aut vitales, patet apud Galenum secundo de symptomatum causis cap. i. necessariò tamen læditur semper actio pulsifica per febrem, siquidem ut detur febris, necessariò calor est in corde, & ut sit morbus, necessariò debet lædere operationes.

SECTIO PRIMA.

SOLVUNTUR OBJECTIONES

contra definitionem Galeni.

INTENDUNT frigidè aliqui probare, malè definiri febrem per calorem præter naturam, sicque obijcies primo:

Va-

Valet reperiri febris sine calore : ergo quia essentia febris non consistit in calore. Probatur antecedens, nam in febribus colliquantibus datur caloris defectus, & ideo vinum præscribitur & ea, quæ valent calorem adaugere : ergo quia datur necessitas caloris: ergo tunc febris non consistit in calore. Cui respondeo negando antecedens, & ad probationem assero, quod male colligitur ex defectu substantiæ in quantitate, dari defectum in intensiōe qualitatis, itaque quamvis in febribus colliquantibus detur defectus substantiæ, & ob hanc causam exhibeamus vinum, & alia, quæ calorem nativum augeant, nihilominus, simul reperitur intensio immodica caloris, in quo consistit febris, & ab hac, consumptio, & colliquatio, nam ab intenso calore remittitur etiam naturalis, in esse naturalis; & sic dabitur defectus caloris nativi, ob quem defectum exhibetur vinum, & dabitur excessus caloris febrilis, & colliquantis.

Obiicies secundo, quia in principio febrium quartanarum, & tertianarum, ita datur frigiditas, ut omnes partes corporis rigent; sed tunc datur verè, & propriè febris, & tamen datur frigiditas excedens: ergo quia datur febris absque calore: ergo non consistit in calore febris. Præterea, quia in epiala, & lypiria, omnes simul calent, & frigent : ergo tunc dabitur febris sine calore. His tamen nihil obstantibus, respondeo primæ rationi negando maiore, quia etsi in partibus externis vigeat frigiditas, in partibus tamē internis immoderata caliditas præpoller, quod sufficit ad essentiam febris, siquidem ut dixi in definitione febris, saltem in principalioribus partibus contentus. Confirmationi verò de febre epiala, & lypiria, respondeo, quod est intemperies complicata calida cum frigida, sicque nullo modo implicare, calorem illum in corde contentum, esse febrilem, nam in lypiria ob inflammationem partium internarum, tunc apparent externæ frigida, nam internæ cucurbitæ more ad se atrahunt spiritum, & sanguinem; in epiala verò à pituita vitrea, partim putrefacta partes callesunt, à non putrefacta refrige-

rantur, utpote frigidissima, sicque ratione pituitæ putrefactæ inducitur, ly, febrilis calor, qui cum cordi, subiecto immediato, inhæreat, induit sibi naturam febris.

Semper igitur est vera Galeni sententia asserentis, febrem propriè esse calorem præternaturam, ut constat ex plurimis Hyppocratis, & Galeni locis. Hyppoc. 1. Epid. part. 3. text. 19. in Historia Sileni, ait, Silenum, qui in ædibus Platonis vitam agebat igne correptum fuisse: Galenus pariter lib. 1. Aphorism. sententia 19. ait, nam sanorum quidem calor vaporosus est atque suavis, atque halituosus: febricitantium verò, & præsertim eorum, qui habent febres heclicas, acris est, & mordax, nostrum quæ tactum corrodens; eodem lib. sent. 16. consultit victum humidum febricitantibus, quia febrem, inquit, esse passionem callidam, & siccam, non aliter 9. methodi, cap. 14. intemperies illa, quæ in callido consistit, cum in totum corpus est diffusæ, febris nominatur: 2. etiam aphorismorum sentent. 26. ait Hypp. febrem, supervenire convulsioni, melius est, quam febriconvulsionem: ergo ex pluribus Hyppoc. & Galen. locis, ac sensu, & ratione patet febrem, verè, & propriè constituendam esse per calorem.

Quibus tamen non obstantibus, obiicies 3. cum Donato ab Alcomar, & aliis, qui, etsi censeant febrem passionem esse callidam, & siccam, asserunt tamen non in ipso calore & siccitate, possit esse natura febris, sed in actione, quæ terminatur ad talem calorem & siccitatem, quoniam febris consistit in mutatione callidi innati ad igneam naturam; sicque probatur conclusio, quia si natura febris consisteret in termino talis motus, vel actionis, sequeretur omnem febrem esse hecticam; probatur sequela, nam in hectica partes solidæ sunt in calefacto esse, & ideo Galenus lib. de inæquali intemperie, hecticam vocat febrem, æqualem intemperiem: ergo si pariter aliæ omnes febres habent suam esse in calefacto, scilicet in termino, ut calore, & non in motu illius, ut in actione; omnes febres essent he-

Actæ : ergo dicendum est , illas habere suum esse in calefieri, scilicet in ipsa actione , nimirum in ipsa mutatione ad igneam naturam, ac proinde febris non erit calor, sed calidi innati immutatio.

Hic tamen sentiendi modus nihil concludit contra Galeni sententiam. Primò, quia morbus, & sanitas sunt contraria: ergo debent collocari sub eodem genere; sed sanitas non collocatur in genere actionis : ergo neque morbus, ac proinde febris non est conversio propriè calidi innati ad igneam naturam: maior propositio est evidens, siquidem ita inter se opponuntur morbus, & sanitas, ut præcisè mutuo ab eodem subiecto se expellant; minor etiam est verissima, nam ut constat ex Galeno lib. de differ. morbor. cap. 1. sanitas non consistit in actione, seu in operatione viventis, sed potius in symmetria, & debita proportionem eorum, quæ necessaria sunt ad rectè operandum: ergo similiter morbus non consistet in aliqua operatione, sed in asymmetria, & aliqua improportionem eorum, quæ sunt ad ipsam operationem: ergo cum febris sit morbus, non potest consistere in aliqua operatione, sed in termino illius: præterea, quia ille calor factus in hectica sensibiliter lædit actiones: ergo reducendus est ad aliquod genus morbi, sed non potest reduci nisi ad genus, siue prædicamentum morbi intemperiei calidæ, vel ad febrem: ergo iam intemperies facta hectica valebit febrem constituere: ergo quia febris non consistet in illa conversione ad igneam naturam.

Quare respondeo rationi allatæ in contrarium, quod terminus huius dictæ actionis, est duplex, calor scilicet æqualis, & inæqualis; inæqualis constituit febres putridas, & æqualis constituit febres hecticas: sicque argumentum nullam vim habet, quia etsi febris consistat in termino, scilicet in calore, non ideo erit hectica, quia talis calor potest esse inæqualis, & tunc erit putrida, ut si æqualis fuerit, tunc hectica dicenda erit: quibus semper manet fulcita, & conspicua vera Galeni sententia.

QVÆSTIO SECVNDA.

AN FEBRIS CONSISTAT IN
calore solo superaddito naturali,
an verò in utroque.

QVAMQVAM Gentilis de Folgineo quæst. 4. extravagan-
antium asserat, febrem fieri, non per novū caloris gra-
dum superadditum, sed per adhæsum alterius qualitatis de-
nuò advenientis, quæ ipsum calorem igneum constituit, Fen.
tamen 1. 4. sententiam mutans, asserit calorem illum adauctum
constituere febrem, ad quam constituendam, non concurrat ca-
lor naturalis cordis, censet enim calorem naturalem, & præter
naturalem specie inter se differre, (de quo infra). Hæc quidem
sententia, quantum ad primam partem, nimirum, quod soli
gradus superadditi calloris obtineant rationem febris, est vera,
eamque amplectuntur, Benedictus Matamoros, Petrus Garcia
libro de febribus, Fen. 1. lib. 4. tract. 1. quæst. 6. cap. 6. Franciscus
Caserta, Michaël de Heredia, & alij quam plurimi.

Probatur igitur primò huiusmodi sententia, ex Galeno lib.
de arte curativa ad Glauconem, & lib. de differentiis morbo-
rum; morbus est lapsus à naturali constitutione: sed per solum
calorem superadditum discedit vivens à naturali constitutio-
ne: ergo solus calor additus habet rationem morbi: ergo non
erit compositus ex naturali, & addito, ut plurimi asserunt.
Confirmatur, quia solus ille calor erit morbus, & febris, qui
aufertur per veram, & regularem curationem: atqui solus ca-
lor superadditus aufertur per veram curationem: ergo iste so-
lus erit febris. Minor propositio est certa, quia si tolleretur ca-
lor præexistens, sive naturalis, siue dubio, vivens duceretur in

con-

contrarium affectum: ergo dicendum erit, calorem solum superadditum habere rationem febris.

Nequè valet si respondeant aliqui, quod Medicus dum destruit per veram curationem febrilem calorem, conservat naturalem; quia illius corruptio non stat in eo, quòd omninò auferatur, sed quòd excessus, & intensio corrigatur: ergo solus excessus, qui se habet ratione caloris additi, constituit morbum, nam illo ablato, in sententia istorum, vivens reducitur ad optimam temperiem. Ergo ex horum responsione, ipsos convinci est necesse.

Probatur 2. quia ille calor est causa læsionis, quo posito ponitur læsio, & quo ablato, auferitur; atqui posito in vivente, solo calore addito, ponitur læsio, & ablato, auferitur: ergo solus calor additus est causa læsionis: ergo morbus: ergo verè, & propriè solus additus erit febris. Probatur præterea, quia ista læsio provenit ab utroque calore, vel tamquam à causa totali, vel tamquam à causa partiali; non tamquam à causa totali, nam causa totalis, sine alia causa, valet producere effectum, sicque naturalis solus, sine addito, læderet, quod apertè est falsum; neque provenit ab utroque calore, tamquam à causa partiali, nam antequam intenderetur, naturalis calor esset causa alicuius læsionis: ergo neque postea, quia in effectù, videlicet in febre, nihil correspondet calori nativo, cum ab eo nihil læsionis valeat provenire: ergo manifestè est apertum, febrem non consistere in calore naturali, & præter naturam, sed in solo calore præter naturam superaddito.

Et si dicta stabilita vera, & conspicua remaneant, sunt tamè in sententià contrariam perquamplurimi Authores proclives, siquidem doctissimus Cyprianus de Maroja, tenet febrem consistui per calorem naturalem, & gradus superadditos caloris præter naturam; ita ut ex utroque fiat unus intensio calor, qui totus sit febrilis, & morbosus, cui tribuitur in actionibus virtus, & vitium: hanc sententiam amplectitur Averroes 3. collect. cap. 3.

cap. 3. sic definiens febrem: febris est calor compositus ex naturali, & extraneo putredinali misso à corde ad totum corpus: ergo ex Averroë calor putredinalis additus, & naturalis constituunt febrem: nō aliter ipsam tuentur Donatus ab Altomar, & si in hoc varius extiterit, part. 1. de febribus medendis, cap. 10. Ludovicus Mercatus, Veiga, Vega lib 1 de differentiis febrium, cap. 1. Mena lib. de medendis febribus, cap. 5. Sennertus tom. 2. lib. 1. de natura febris, existimat totam temperiem formaliter esse præternaturam, non tamen materialiter; illamque præcipuè tenent, qui asserunt gradus intensiōis obtinere eandem perfectionem individualement, ita ut vnus non sit perfectior alio; ut tamen nostra exposita sententia dilucidior remaneat, faciliè per obiectiōes, singulis rationibus in contrarium tradendis, satisfaciemus.

SECTIO SECVNDA.

SATIS FIT OBIIECTIONIBVS contra veriore sententiam.

OBIICIENS 1. ex calore nativo, & superaddito fit vnus calor: ergo si calor superadditus est morbosus, etiam calor nativus, simul erit febris, etsi superadditus lædit actiones, calor pariter nativus, qui est cum addito vnus, lædet easdem actiones: ergo cum actiones fiant à toto illo calore, siquidem ibi remissus, non operatur sine intenso, neque intensus sine remisso, cum ambo actu existant, totus ille calor operatur, ac proinde læsio actionum proveniet à toto illo calore. Cui respondeo argumento concedendo antecedens, scilicet, quod ex calore nativo, & superaddito fiat intensive vnus calor. Consequentia tamen negatur, nam solus calor additus adhuc vnus

vnitus nativo lædit actiones, & sic solus constituit febrem: & licet videatur actiones oriri à toto calore, cum hoc tamen discrimine, quod præexistens, qui est remissus, ob sui imperfectiorem intensivam, nequit attingere productionem perfectiorem, ac proinde, nec intensiorem effectum, ac per consequens, nec febris rationem valebit producere.

Obiicies 2. si solus calor superadditus constitueret febrem, sequeretur morbum, ac sanitatem esse in eadem subiecti parte, quod est falsum; sequela probatur; nam calor ille præexistens natus in nostra sententia non est morbus, sed verè est sanitas, siquidem non habet rationem febris, neque est dispositio neutra, siquidem est talis calor præexistens naturalissimus: atquæ ex alia parte adest calor additus febrilis, qui est verè morbus: ergo in illo casu in eadem parte subiecti daretur simul morbus, ratione caloris superadditi, & sanitas, ratione caloris præexistentis: ergo illud subiectum exerceret actiones perfectè ratione sanitatis, & imperfectè simul ratione morbi, quod est impossibile: ergo febris simul constituetur per vtrumque calorem, & non per solum superadditum.

Huic respondeo argutici, negando sequelam, quia quamvis sit verum, quod per adventum caloris superadditi, & morbose, non destruat noster calor natus secundum entitatem physicam, & realem, nullam enim habet oppositionem, sed imò redditur intensior per novam additionem gradus superadditi; non remanet tamen talis calor præexistens secundum rationem formalem dispositivam, secundum quam constituebat sanitatem, cuius est ratio, quia calor naturalis, v. g. ut duo, ideo constituit sanitatem, quia sub illa ratione, ut duo, est nostræ naturæ proportionatus, & debitus, rectèque disponit naturam ad operandum; at verò per adventum caloris febrilis, & superadditi intenditur præexistens, & fit ut tria, sicque iam non est proportionatus, neque rectè disponit naturam ad operandum per additionem tertij gradus, sicque formaliter non

erit talis calor præexistens sanitas, etsi materialiter, & physice sit naturalis ex se, quia per alium fit improporcionatus subiecto, sicque formalissimè solum dabitur morbus, sive febris constituta per talem calorem denuò advenientem.

Obiicies 3. calor præexistens, & superadditus eandem participant rationem: ergo ut fiat febris, non est maior ratio de vno, quam de altero. Probatur consequentia, nam etiam si adveniat aliquis gradus de novo viventi ab aliqua causa extrinseca, ut à sole, vel igne, in tali casu mediis auxiliis valebit remanere in viventi superadditus, & remitti vnus gradus ex præexistenti calore, atqui illo tunc reducetur vivens ad debitam temperiem, quia non est maior ratio, cur remittatur vnus quam alius, siquidem sunt eiusdem rationis: ergo tunc ablata erit febris, remanenti gradu superaddito, per solam remissionem caloris præexistentis: ergo quia febris non solum constituebatur per calorem superadditum, sed simul per utrumque.

Cui respondeo negando antecedens, nam intensio qualitatis, fit per additionem gradus ad gradum dissimilem, ita ut gradus sint inter se perfectiores, ac specie incompleta distincti: & confirmationi respondeo, quod si viventi addatur novus gradus caloris præter nativum, talis gradus solus obtinet rationem febris, & non quilibet ex præexistentibus, nam nullus eorum, qui præexisterant, potest ita perpendi, ut additus supra alios constituat intensiorem maiorem, quod requiritur ad esse febris, siquidem præexistentes, v.g. ut quatuor sunt remissiores quinto in perfectione, sicque nullo modo valebit remitti aliquis gradus ex quatuor præexistentibus, remanente quinto superaddito, & si per possibile, ex præexistentibus remitteretur aliquis, & remaneret superadditus, in tali casu vivens morbo afficeretur, actionesque læsas obtineret, nam superadditus gradus valeret quantum præexistentes, & amplius actiones læderet, ac si existeret cum omni præexistenti.

Qui,

Quibus sic prælibatis, vt secunda diffinitionis particula, circa febrē expolita, ac ennodata remaneat, dum inquit Avicenna, febrem esse calorem extraneum, ideo satis difficilis, & Metaphysica quæstio, quæ pro vtraque parte non contemnendas rationes obtinet, exaranda occurrit.

QVÆSTIO TERTIA.

UTRVM FEBRIS ORTVM DVCAT à principio intrinseco.

PRIMA sententia tenet, febrem esse calorem ab intrinseco principio pullulantem, scilicet, à forma ipsius cordis, & primò supponitur ab his, qui hanc amplectuntur sententiam, quod cor est calidissimum omnium, quæ in nostro corpore reperiuntur, ita vt à nullo eorum, quæ sunt in nostro corpore, possit calefieri; remittitur tamen ipsius calor, aëre attracto per respirationem, & pulsum, & ventilatione media, per poros cerebri, & aliarum partium exanguium frigiditate; oportebat quidem intensiorem obtinuisse calorem, quoniam aliis partibus committere deberet, & ne facile à frigiditate offenderetur hoc membrum, quod est caloris naturalis fons, & origo, ac vitæ principium: quando igitur supervenit cordi aliquid, quod aëris ingressum impediat, aut ipsius aëris ingredientis frigiditatem remittat, ipsum cor à se ipso calorem vltiorem, sive intensiorem producit, quo immodicè, & præternaturam excafcit corpus; qui calor denuò productus à corde, sibi naturam febris induit, actionesque sensibilibiter lædit; postea tamen ablati, sive semotis his, quæ prohibebant liberum ingressum aëris, statim illè calor naturalis attemperatur, & ad pristinum redigitur statum.

Quo supposito, probatur hæc sententia auctoritate Galeni 2. de temperamentis, cap. 3. vbi inquit, cor callidius esse omnibus partibus, quæ sunt in nostro corpore: ergo non potest calefieri ab illis, sed ab ipso. Si verò respondeat aliquis auctoritati Galeni, cor esse callidius particulis omnibus, dum ipse adsunt in statu naturali; non verò est callidius ipsis, dum hæc partes ab aliqua causa callida, & præternaturam alterantur. Contra asserunt hi Authores; quia si aliqua causa præternaturam in corpore existens posset calefacere cor, maximè fuligines, quæ eleuantur, ex humorum putredine, aut vltione; sed fuligines nequeunt callidiores esse corde: ergo non possunt cor intensius calefacere; probatur minor, nam fuligines, quæ eleuantur in corpore, ex humorum putredine, aut vltione, ita se habent veluti illæ, quæ eleuantur ab igne respectu ignis; sed fuligines, quæ eleuantur ab igne, sunt frigidiores igne, siquidem vltius possunt accendi: ergo neque fuligines, quæ eleuantur ab aliis corporis partibus erunt callidiores ipso corde.

Confirmatur deinde, quia si aliquæ fuligines possent cor intensius calefacere; maxime, quæ ab ipso corde eleuantur, cum sit pars callidior cæteris, sicque fuligines erunt magis callidæ: atqui istæ non possunt cor intensius calefacere, cum sint effectus ipsius cordis, & nullus effectus in optima philosophia valeat esse perfectior sua causa vnivoca: ergo nullæ fuligines possunt calorem cordis intendere; ac proinde, nec febrem inducere. Hæc tamen sententia, nec vllum veritatis indicium secum ferre valet; quia etsi verum sit Galenum affirmare, cor regularitèr loquendo, esse omnium partium calidissimum, tamen ex hoc non sequitur, cor posse producere febrem à principio intrinseco, calor enim, qui à corde producit, conceditur cordi à natura, quia vt dixi, debebat conservare calorem omnium partium, non tamen vt corrumpere, quod accideret si produceret febrem ab intrinseco. Respondeoque, quod per respirationem aeris frigidi, non tollitur aliquis gradus ex ne-

cessariis cordis; quia alias aer frigidus esset cordi violentus, cum sit contra inclinationem maioris intensiōis, quam cor posset obtinere.

Si tamen aliquis gradus caloris oritur, erit ab aliis rebus cor cōtinuò calefacientibus; si verò ille calor febrilis fuerit, iam obtinet ortum à principio extrinseco, quia quando cor ex defectu auxiliij refrigerantis accedit ad calorem intensiorem, hoc non provenit à se ipso, sed ab aliis causis calefacientibus cor, quæ quidem ex defectu refrigerationis crescunt; & inter alias sunt fuligines, quæ sunt callidæ, & siccæ veluti carbonēs: quare sicut putrida fuligo in statu præternaturam accendit cor febre sensibili, ita in statu naturali accendit cor insensibilitèr, ac paulatim sensum inducens.

Rationi allatæ de fuliginibus, respondeo negando minorem, & ad eius probationem assero, diversam esse rationem de fuliginibus, quæ in nostro corpore generantur; ignis enim est summè callidus, sicque nihil valet reperiri, quod sit cum ipso equaliter callidum, quod non sit etiam ignis; fuligines verò nullo modo sunt ignis, & sic nec callidiores igne, nec ita callidæ, si quidem carent forma ignis, quia verò cor non est summæ callidum, possunt esse fuligines ipso callidiores: ergo non implicat intelligere eadem ratione, & viâ de humoribus putridis, & vltis.

Ad confirmationem respondeo, quod fuligines, quæ procedunt ab ipso corde sunt callidiores illo, quamvis sint effectus cordis; quia quoad calorem intensiorem, quo gaudent, non sunt effectus, sed ratione caloris antecedentis, quia præter calorem, quem à corde susceperunt, gaudent altero intensiore, qui à propria forma fuliginum pullulat; sicque fuligines evadunt corde callidiores, & per consequens per se propter viciniam rei callidæ, valebunt fuligines febrem exhibere.

Doctissimus Pereira in sua Medicina nova, cap. 7. tenet calorem febrilem, ortum ducere à corde, tamquam à causa effici-

ciente, quod iudicat fieri propter motum cordis, quia motus ex Aristotele sect. 5. problematum, quæst. 19. caloris est causa, sicque cum cor ab aliqua causa præternaturam irritatur, commotum, ac concitatum plusquam convenit, secundum motum dilatactionis naturalis, & compressionis, quem debet efficere in statu salubri, ideo tunc ob irritationem rerum, quæ cordi molestiam inferunt, tam immodicè, ac motu concitato moveretur ad expulsionem ipsarum rerum, quare cum motus sic causa caloris, cor callidius à principio intrinseco redditur.

Hic tamen docendi modus veritatem, in optima philosophandi ratione, sublineri non valet, quoniã, etsi verum sit motum esse causam caloris, quod solum est per accidens applicando activa callida, passivis, ex hoc tamen Arist. problemate non inferitur, febrem oriri posse à principio intrinseco, nam si hoc esset verum, sequeretur, quod etiam ex motu continuo cordis, ipsum cor incalesceret, ac tandem febricitaret, sine alia causa præternaturam, sed solum propter motum vitalem cordis, nam si motus est causa caloris, quid obstabit, ut ex continuo motu vitali, aliquis gradus caloris de novo adquiratur, & iste amplius intendatur ob motum continuum, & si motus non sit concitatus?

Doctor Marcellinus Vberre doctissime, & si probabiliter in sua Medicina sacra, capit. 57. folio 600. haud dubitat, cor, veluti quodlibet mixtum, præter actualem calorem quem obtinet, potestate tamen possidere intensiorem calorem, qui actuatur, & redpctur de potentia, in actum à calore omnium partium nostri corporis, vel alicuius substantiæ calidæ, ad quod manifestius percipiendum, est animadvertendum; cor habere calorem actualem, quia partim est reductum de potentia ad actum, dicitur tamen habere potestate calorem, respectu illius, qui adhuc non est actuat, sed est in potentia, ut illum valeat producere, sicut medicamenta, quæ potestate talia dicuntur, & à nostro calore in actum

redu-

reducuntur ; vt piper, cinnamomum, & alia similia, piper quidem dicitur callidum, secundo, vel tertio gradu potestate, quia reductum de potentia in actum, secundum hos gradus à nostro calore, calefacit nostrum corpus.

Quod autem, præter calorem actualem, cor obtineat intensiorem potestate, sicut in medicamentis experimur, probatur hac ratione, quia mixtum est tale propter symmetriam primarum quatuor qualitatum; sed cor est mixtum: ergo habet talem symmetriam, nunc sic: ergo si fuerit à corpore separatum cor, erit medicamentum, & calefaciet nostrum corpus, veluti piper: ergo si intra corpus assummatum, poterit à calore nativo reduci de potentia ad actum, hoc patet in brutorum partibus, nam sicuti accidit in corde pulli columbini, quod quando vitalibus fungitur actionibus est callidum actualiter, simulque habet calorem potentialem, quia emortuo pullo, resolutoque illius calore actuali, adhuc remanet potentialis, quia postquam devoratum fuerit cor, & reductum à calore ventriculi de potentia in actum, denuò calefaciet ventriculum actualiter, sicut accidit in pipere, idemque discurrendum venit in nostro corde.

Si verò cur continuo non febricitamus, interroget aliquis: (inquit huiusmodi Author) cum nostri corporis partes semper sint actualiter callidæ, & cor calefaciant, vt inde inducant febrem, nam vt cor calefiat à partibus, non est necessarium, vt partes obtineant intensiorem calorem, nam quæ sunt potestate callidæ, exiguo acquisito calore, statim nos calefaciunt: ergo non aliter partes, quavis sint minus callidæ, valebunt reducere temperiem cordis de potentia ad actum; atqui illo actuato febricitamus: ergo si propter actuationem caloris potentialis cordis febricitamus, nulla adesset ratio cur continuo, non febricitaremus? Respondet hic Author: ideo non contingere, quia propter continuam attractionem aeris frigidi per respirationem, impeditur, ne potentialis calor in actum reducatur,

cur,

tur, cum respiratio fuerit à natura instituta, præter alia, ad attemperandū calorem cordis, sicque non sequitur, ex hac sententia absurdum, quod continuo exurgat calor ille potentialis à corde, ut inde febricitemus continuo.

Quibus nihil obstantibus, & si ingeniosa, senilisque, quamvis nova sententia, reiicienda est, Galenique opinio, ut verior semper est feligenda. Primòque nego calorem potentialem in corde, qui etsi reducatur in actū, sit febrilis, ac læsivus, natura enim solum concessit cordi, quod deserviret ad sui conservationem, non autem ad actionum læsionem, & quamvis aliquis contineretur in potentia, adhuc esset intra limites caloris naturalis. Ac paritati de corde columbino, respondeo verum esse, quod si cor humanum applicaretur, ut medicamentum, diceretur potestate callidum ad hominem, non ex eo, quod actualitèr non habeat calorem, ut potè mixtum, sed diceretur potestate callidum, quia nondum calefaciet, nisi actuetur, ex quo tamen non colligitur obtinere in potentia calorem intensiorem ad febrem inducendam, quia non potest probari, quod cum nos calefaceret cor, ut medicamentum, posset etiam producere calorem intensiorem, quam habet actu, dum existit in corpore; præterea, quia ad quid latitat in corde potentia intensioris caloris, cum talis potentia potius sit ad iacturam, & destructionem viventis, ut patet in febre, quam ad ipsius propriam conservationem?

Neque, villo modo conducit ad concedendum talem calorem potentialem intensiorem, communis respiratio, quæ necessario auferat aliquem gradum caloris ratione aëris frigidi, nam alioquin respiratio opponeretur temperamento naturali cordis, cum tolleretur id, quod est de inclinatione ipsius cordis, quod est falsum, cum respiratio fuerit instituta à natura pro ipsius conservatione, & si fortè auferat aliquem gradum caloris, erit respectu aliarum causarum, quæ conti-

quod calefaciunt cor, ut sunt, vel spiritus, vel fuligines, quæ præter expirationem, per arteriarum compressionem expelluntur è corpore à natura, sicque calor naturalis per attemperationem non tollitur, sed fuliginosus, & qui à reliquis causis introducitur, quæ quidem causæ, adhuc salutis tempore in nostris corporibus reperiuntur.

SECTIO TERTIA.

VERIOR, AC COMMVNIS GALENI

opinio eligitur, & probatur.

CONCLUSIO quidem firma, ac semper ut stabilis, & vera est substinēda, cum dicamus febrem semper esse calorem præternaturam, & extraneum, ita ut nullatenus possit ab intrinseco ortum ducere. Quæ sententia facillè probabitur si semel concedatur intra nostrum corpus esse aliquam substantiam corde calidiorem, quæ vel coctione, vstione, vel putredine producat, cum quo fundamento huius suppositionis ut certè, ruunt omnia fundamenta sententiæ contrariæ: in primis quam plures communiter docent, spiritus vitales esse corde calidiores, ita Gentilis de Fulgineo Fen. 1. lib. 1. doct. 3. cap. 2. Iacobus Forlivienſis quæst. 20. Averroes 2. collect. cap. 2. Veiga lib. artis medicinalis, cap. 27. Peramatus, de temperamentis, cap. 6. Petrus Garcia in Fen. 1. lib. disput. 12. cap. 2. Petrus Michaël de Heredia quæst. 4. folio 14. qui omnes probabiliter amplectuntur spiritus vitales naturaliter esse corde calidiores, etsi ab ipso producantur, quod est certum, ut ait doctissimus Cyprianus de Maroja; nam etsi spiritus vitales à corde generentur, illæ tamen vltior, ac intensior gradus caloris procedit, & pullulat à propria spirituum forma ex vi

D

dispo.

dispositionis antecedentis, in ordine ad conservationem forme illorum.

Probatur assertio à simili in igne, nam ad ignis productionem non requiritur, quod subiectum habeat octo gradus caloris, sed sufficiunt septem gradus, dummodò alteræ qualitates adsint, vt siccitas, raritas, tenuitas, & levitas, quæ disponunt materiam, qua de causa facilius forma ignis introducitur cum remissiori calore in stupa, paleis, & similibus, quam in ferro, lignis viridibus, & similibus; non aliter accidit, dum in materia spirituum introducitur à corde ipsorum forma, quia cum illorum materia rara, tenuis, levis, callida, & sicca sit, sufficit calor remissior cordis, vt ipsa materia ultimè disponatur, vt formam spirituum recipiat, à qua deinde pullulat intensior calor, ipsam spirituum formam conservans: veluti à forma ignis producitur octavus gradus caloris ad eundem finem conservationis, quamvis ille calor non fuisset antea receptus in materia ab agente, quod produxit ipsum ignem. Sicque facilius deducitur spiritus esse calidiores corde ex ipsorum tenuitate, mobilitate, & calore, qui per animi affectus ad illorum præsentiam solet sequi, ac ex immodico calore, qui perferitur, dum ad aliquam partem fluunt, ex quorum absentia nimis partes refrigerantur.

Quibus prælibatis, facile nostra sententia roborabitur ratione, & secundum Galen. doctrinam, ac Avicennæ, & aliorum Authorum, pro cuius explicatione breviter est animadvertendum, quod omnis emanatio, quæ provenit à qualibet forma, est ordinata ad perfectionem ipsius formæ, sic experimur, aquam se ad pristinam frigiditatem reducere semoto calefaciente, quia dimanat à formâ substantiali aquæ, & illam perficit, cū sit proprietas ipsius. Secundo animadvertendū est, omnē morbum esse violentum vivēti, cum operationes ledat, vivētiſque perfectiones destruat, & cum violentum fiat a principio extrinſeco, passio non conferente vim: relicta Aristot. de
fini.

finitione 3. hecicorum cap. 1. facile intelligetur, naturam non appetere violentum, sed semper bonum, & suam conservationem exigere, ratione cuius custodiæ, siue conservationis, producit qualitates sibi convenientes.

Probatur igitur primò ratione, nam omnis morbus est violenti quid violentum; atqui febris est morbus: ergo febris est quid violentum violenti: ergo non potest nasci à principio intrinseco. Probatur consequentia, nam quidquid violentum est, ex Aristotele loco citato, provenit ab extrinseco, passio non conferente vim; atqui febris est quid violentum, cum sit morbus lædens operationes, & destruat vivens: ergo non habebit ortum à principio intrinseco, sed ab extrinseco. Dicit tamen aliquis, calorem febrilem, siue febrem esse quid violentum secundum quid, hoc est, respectu operationum, quia passum, siue violentatum, non habet inclinationem ad illum calorem, sicque lædit operationes, & est contra illius naturam, quod omne se habet ratione finis, non verò ex parte principij, nam intensus calor febrilis dependet intrinsecè à corde, quare febris erit; quid violentum secundum quid, non verò simpliciter, quia ad hoc requiritur, ut sit etiam violentum, ex parte principij, quod non invenitur in corde, siquidem habet cor inclinationem ad intensiorem calorem, quam pro statu naturali, & sic ratione ipsius inclinationis intrinsicæ principij, siue cordis, non erit quid violentum, ac proinde non simpliciter, sed secundum quid.

Hic tamen respondendi modus facile poterit reiici, nam calor febrilis, non solum est quid violentum respectu finis, scilicet respectu operationis, cum ipsas lædat, sed etiam est violentum ratione principij, quoniam cor nullam dicit inclinationem ex se ad febrem, neque ut est pars princeps, neque propter organica, & constituit statum salutis, siquidem talis calor est semper supra latitudinem suæ perfectionis.

Neque obstat si aliquis dicat, talem calorem esse extra

latitudinem perfectionis cordis, & quid violentum, ac præter naturam, prout est causa læsionis, cum hac tamen animadversione, quod in corde datur duplex temperies, sive complexio, una quæ competit cordi, ut est mixtum, & alia in quantum est vivens, sicque talis calor febrilis erit naturalis cordi, ut est mixtum, quia talis intensio, sive excelsus, non est contra naturam mixti, erit tamen præternaturam cordi, & violentum, in quantum cor est vivens, quoniam non proportionatur actionibus vitalibus.

Etsi dicta in responsione levamen argutici aliquomodo ostendant, falsa tamen sunt, & ab optima philosophia aliena, in corde enim, non adest nisi tantum vnicus numero calor, & iste disponit cor ut mixtum, & ut vivens, & dirigitur ab vna cordis forma, quia calor in elementis est dispositio conservativa animæ, & semper inclinatur ad illam conservandam, non verò destruendam, & licet in corde reperiantur partes igneæ correspondentes elemento ignis, istæ tamen partes nequeunt ignem producere, quia ipsum non continent eminenter, neque talis intensior calor valet produci à forma substantiali, cum ista in homine sit anima rationalis, & ex se representet manifestam repugnantiam: ergo nulla dabitur differentia in corde ratione caloris, vel in quantum mixtum, vel in quantum vivens.

Confirmatur, quia per vos febris non nascitur à principio intrinseco, in quantum hoc principium, cor, est vivens, quia est contra inclinationem ipsius; sed febris est contra inclinationem talis viventis, ut est tale mixtum, & non in communi: ergo viventi, ut est tale mixtum, repugnat produci febrem ab intrinseco: minor probatur, quia hoc numero vivens, est idem realiter, & secundum entitatem physicam cum mixto: ergo si in quantum producit febrem, destruitur hoc numero vivens, etiam in quantum hoc est tale mixtum viventis destruetur: ergo cum idem sit temperamentum, sive complexio, sine dubio si ut est

cor vivens, non oritur febris ab eo, tamquam à principio intrinseco, neque ut est mixtum, orietur ab illo talis calor febrilis.

Ultimò, & breviter roboratur hæc sententia, ex notandis supradictis, nam ut dixi, apud omnes philosophos est certum, omnem emanationem esse ad perfectionem formæ, à qua dimanat, ut aqua semoto calefaciente reducitur ad frigiditatem, quæ emanatio est perfectio ipsius aquæ, ut potè proprietas; sed calor febrilis, potius est ad destructionem eius à quo dimanatur, quam ad ipsius perfectionem: ergo calor febrilis non valet dimanare ab intrinseco: neque valet distinctio inter mixtū, & vivens, eo quia mixta ex propria constitutione, & ab intrinseco habent omnia requisita ad esse, & ad operari sine aliquo extrinseco; viventia verò indigent aliquo extrinseco ad operandum, quo ablato, ex propria natura reducuntur ad maiorem intensiōem, quæ est naturalis ex parte principij, etsi sit præternaturam, & quid violentum ex parte finis, sive actionis; quam responsionem iam supra insinuavi ut falsam, cum talis intensio sit extra spheram activitatis, & extra limites sanitatis, ac talem calorem numquam cor eminentèr contineat.

SECTIO SECUNDA.

SOLVUNTUR OBJECTIONES

in contrarium.

OBIICTES 1. si convulsio, v.g. ex humida substantiæ defectu procedens ocasionalitèr, & efficientèr à siccis partibus fit, quatenus forma calidiorum partium intensiorem siccitatem producit: ergo pari ratione febris poterit accidere ex defectu partium frigidarum, quo tempore forma, quæ existit in partibus

bus callidis valebit producere calorem intensiorem, quatenus talis caloris intensio non potest impediri à partibus frigidis, quæ iam evanuerunt: ergo saltem eo tempore febris ortum ducet ab intrinseco.

Cui respondeo, id fuisse verum, si adfuisset aliqua causa extrinseca, quæ destrueret partes frigidas cordis, & non produceret simul febrem, tamen quoniam partes frigida non auferuntur ab extrinseco, nisi à calore immodico, ut potè contrario, ipsas partes frigidas resolvente, ac earum frigiditatem remittente, hinc est, ut callida partes cordis non valeant ascendere ad consequendum calorem febrilem, nisi illarum calor intendatur à causa extrinseca callidissima, & ab ipsa remittatur frigiditas partium spermaticarum, quia propter ab extrinseco semper fit remissio frigiditatis partium cordis, quæ correspondent elemento aqueo, & terreo, quæ remissio cum fiat à causa callida, ista simul calefacit partes, ac febrem inducit.

Obiicies 1. scrupulus tamen circa responsionem insurgit diluendus, nam & si febris hectica efficienter ab extrinseco dependeat, in sui tamen conservationem, non pendet ab illo; unde fit, ut in eius curatione solum adhibeamus contraria febrili, nulla habita ratione causæ: ergo tunc conservatur hectica ab intrinseco; atqui non minor virtus est necessaria ad conservandum, quam ad producendum: ergo causa, quæ febrem hecticam conservat, eandem poterit producere.

Cui respondéo, quod semel absumptis partibus frigidis cordis tunc partes callida intensiorem calorem acquirunt ab extrinseco productum, & cum non impediuntur à frigidis, ideo calorem febrilem conservant, sicque adest causa intrinseca conservativa, quæ quidem in principio non potuit producere febrem, quoniam ibi præexistebant partes frigida, quæ impediabant febris productionem, ut igitur virtus causæ conservantis, & efficientis sit æqualis, petit etiam easdem conditiones, attamen, quia virtus producendi calorem, quæ erat in partibus callidis

cordis reperiebatur impedita à partibus frigidis tempore productionis febris, idè non potuit producere febrem, sicque petit causam extrinsecam callidam vt producat, ablato tamen semel impedimento partium frigidarum per causam extrinsecam partes illæ callidæ, ablata causa extrinseca, conservant calorem productum ab ea, sicque dabitur causa intrinseca conservativa, non verò productiva.

Vndè infertur ratio, proptèr quam febres putridæ, ablata causa humoralis, statim auferuntur, & in morbis acutis, qui terminantur crisi, subsequitur crisis evacuata causa morbifica, quamvis maneat discrasia, sive intemperies callida, nam facilè natura evincit intemperiem relictam, quia scilicet temperamentum substantificum, nondum est subversum, sive immutatum, vt in febre hectica; at verò in febrè hectica nullo modo natura se ad sanitatem reducit, etiam si causa auferatur, quia intrinsecè adest principium febris habitualis conservativum, quod non potest auferri, nisi temperamentum illud instauretur, ad cuius novam regenerationem, non solum vtendum expedit remediis attemperantibus, quia hæc solum, qualitatem contrariam remittendo destruunt, sed requiritur etiam attemperatio, per alimenta substantifica, quæ non solum suis qualitatibus calori, & siccitati opponantur, sed etiam partes frigidas, & humiditas deperditas valeant restaurare, vt de novo ipsum temperamentum substantificum coalescat, nam alio modo febris hectica, non deficiet.

Obiicies 3. dantur morbi in temperamento læssio, qui oriuntur ab intrinseco: ergo etiam febris. Probatur antecedens, cerebrum, ex Gal. secundo de temperamentis, cap. 5. humidum, & frigidum est ex propria sui natura, callidum verò ex accidenti ratione caloris influentis, sanguinis nimirum arterialis, atque spiritus vitalis, quibus fruitur ad actiones exercendas; quo supposito sic argumentor, cerebrum à propria sua temperie est impotens ad actiones animales, & naturales exercendas, sic-

que

que indiget aliquo extrinseco, ut fiat actio naturaliter; sed licet calor influens sit extraneus, est naturalis respectu operationum: ergo è contra, et si febrilis calor oriatur ab intrinseco cordis principio, poterit esse secundum naturam, & respectu actionum præternaturam: ergo talis calor febrilis valebit oriri à principio intrinseco: deinde quia ex defectu sanguinis arterialis, & spiritus vitalis, oritur ab interno cerebri principio frigiditas lædens operationes animales: ergo ex defectu attemperationis, quæ sit media aeris frigiditate per respirationem, potest oriri calor iste febrilis.

Quod facile solvitur si respondeam, ut iam supra insinuavi, quod cerebri frigiditas, & calor febrilis, quando lædunt operationes, non solum ex parte finis, sed etiam ex parte principij sunt præternaturam, cum esse sit propter operari: quoniam cerebri frigiditas, ad quam sequitur læssio operationum, non est cerebro condonata à natura secundum talem intensiorem, sed secundum gradum determinatum, ita ut si illum amiserit valeat eum instaurare ab intrinseco, principium tamen non potest producere ab intrinseco gradum intensiorem, qui inferat læssionem, quoniam illum nullatenus continet eminentèr; siquidem nulla læssio continetur eminentèr in partibus secundum naturam: implicat enim, quod aqua producat ab intrinseco calorem, quia sibi est contrarium, & violentum, neque gradum ulteriorem frigiditatis, quæ sibi non debeat, ut novus, si admitteretur apud Philosophos, quia iam ultra octavum gradum, sequens esset extra latitudinem perfectionis aquæ.

Non aliter dicendum est, cerebrum obtinere determinatam frigiditatem, quæ nullatenus est læssiva, sed semper est naturalissima; si tamen ista deperderetur, cerebrum esset morbo affectum, & quia multæ sunt causæ cerebrum infrigidantes, ut pituitosa excrementa, (vocatur enim apud Galenum metropolis pituitæ) ossa, membranæ, & aliæ, quæ poterant ce-

rebrum nimis infrigidare, ideo natura prospexit, vt cerebrum foveretur à calore cordis, & callesceret, non vt corrumpere-
tur nativa frigiditas, sed illa, quæ poterit produci à causis infri-
gidantibus dictis; sicque oportuit, vt calore cordis temperaren-
tur in ordinē adesse, & ad operari; vnde quando cor non calle-
facit cerebrum, cognoscitur atque elucescit magis impressio
frigiditatis, quæ producitur à partibus circumstantibus, & ab
excrementis pituitosis, & cum accedit ad talem gradum fri-
giditatis, tunc talis gradus est cerebro extraneus, quia prove-
nit à parte sibi vicina, vt potè à contrario, & extrinseco, dicto,
principio.

Quibus sic soluis facilè philosophandum venit, de febre:
que dicendum est, quod per respirationem aëris frigidi, non
destruitur calor nativus cordis, qui fuit insitus à natura ad
constitutionem naturalem, nam aliàs semper esset cor mor-
bosum: Respiratio enim, vt iam manet insinuatam, fuit consti-
tuta ad conservandam symetriad caloris, & ad corrumpen-
dum calorem, qui ab aliis causis præternaturam callescenti-
bus poterat induci, vt sunt humores, spiritus, vel excrementa
fuliginosa, quæ ratione dispositionis, & ab illorum forma sunt
corde callidiora, sicque oportuit, vt attemperarentur ne calle-
facerent cor præternaturam; quare calor ab his productus,
qui propriè febrilis nuncupatur, semper ab extrinseco, & vio-
lentus, & respectu operationum, & respectu principij intrinse-
ci denominabitur: sed quia manet expressum calorem febrile-
m, sive præternaturalem, semper ab extrinseco, sicut natu-
ralem ab intrinseco ortum ducere: ideo duplex nascitur:

quæstio, vtrum scilicet calor naturalis, & præter-

naturam cœlestis, & elementalis sint

eiusdem speciei, necne, quod

brevitèr resol-

vam.

E

QVÆSTIO

QVÆSTIO QVARTA.

UTRVM CALOR NATVRALIS,

*& præternaturam, cœlestis, & elementalis
differant specie.*

ANTEQVAM præsens difficultas solutionem pareat, primò notandum venit, quod etsi calor distinctas obtineat nominationes, omnes tamen sunt eiusdem speciei infimæ, primò quidè appellatur calor, cœlestis, non quia ad sit in cœlis, nam cùm sit cœlum ingenerabile, atque incorruptibile erit incapax harum alterationum, sed quia à cœlis transeunte actione mediante lumine, aut influentiis, præcipuè solis, producit calor in his rebus sublunaribus, ita vt cœlum sit causa remota; lumen verò, atquè sol sint causa efficiens immediata, secundò, calor dicitur elementalis, quia ortum obtinet ab elementis, quoniam ista concurrunt ad productionem mixti; producit quidè mixtum corruptis formis elementorum substantialibus, & manentibus illorum virtutibus, vt sunt qualitates primæ refractæ, & sic talis calor dicitur elementalis: Tertiò vocatur calor vitalis, quia dirigitur ab anima, & elevatur ad efficienda opera vitalia, ac deindè aliquandò dicitur calor putridus, quia putredinem producit, aliquandò vstivus, quoniam vstionem partibus communicat, pestilens, sive malignus, quia disponit ad introductionem istarum qualitatũ: præterea calor naturalis, vocatur ille, qui servat mediocritatem in gradu proportionato, ad operationes viventis, præternaturam verò econtrà nominatur, quia excedit mediocritatem, & debitam temperiem viventis.

Quibus sic prælibatis, sit prima conclusio calor cœlestis, &

ele.

elementalis, sunt eiusdem speciei infimæ, hanc conclusionem
tuetur, Petrus Garcia, Fen. 1. lib. 1. doctrin. 7. disput. 39. cap. 9.
Valles in sua philosophia sacra, cap. 11. Vega lib. 1. de feb. diff.
cap. 1. & probatur, nam ex calore cœlesti, & elementalī fit
vna, & eadem intensio, quia vnus intendit aliū: ergo sunt
eiusdem speciei. Consequentia probatur, nam intensio fit sem-
per à qualitate simili in specie completa, sicut remissio fit à
contrario: antecedens probatur experimento, si quis enim cal-
lefactus ab igne accedat ad lumen solis, redditur callidior, &
econtrā: ergo quia calor cœlestis, & elementalis sunt eiusdem
speciei.

Confirmatur huiusmodi conclusio, quia cuilibet frigiditati
opponitur calor: ergo quilibet calor est eiusdem speciei. Pro-
batur antecedens, quia frigiditas non solū remittitur à calore
ignis, sed etiam à calore solis, vt accidit state, & præsertim sub
cane: ergo cū quolibet calore habet contrarietatem: ergo
quia sunt eiusdem speciei, alioquin vni plura essent contraria,
quod est falsissimum, vt Aristoteles docet primò de cœlo, cap.
2. vni, scilicet, vnum est contrarium: ergo calor cœlestis, & ele-
mentalis sunt vnus calor specificè, siquidē vterquē frigidi-
tati opponitur.

Sit secunda conclusio. Calor naturalis, & præternaturam, si-
ue febrilis sunt eiusdem speciei, atque existunt in eodem
subiecto: hanc conclusionem amplectitur, Zacutus lib. 4. de
Principum Medicorum historia, cap. 4. Petrus Garcia libro de
febris, cap. 1. quæst. 8. & probatur ratione relictis variis
Gal. autoritatibus, nam illa conveniunt inter se specie, quibus
vnica inest differentia essentialis; atqui calori naturali, &
præternaturam, vnica inest differentia essentialis: ergo con-
veniunt specie: maior constat, ex Aristotele lib. 2. de genera-
tione, cap. 2. dū ait callidum est, quod homogenea congre-
gat, & hetherogenea separat; sed sic est, quod ista proprietas
convenit his duobus caloribus, vt patet in nostro calore, quan-

dò humores naturales generat, & in præternaturali, quando humores præternaturam producit: ergo inter se conveniunt specie.

Probatür præterea huiusmodi conclusio, nam vnus, & idem numero calor potest esse naturalis, & præternaturam: ergo non differunt specie; antecedens est certum, nam vnus, & idem caloris gradus respectu ad distincta subiecta, adhuc vt est dispositio potest constituere sanitatem, & morbum: ergo vt dispositio, idem numero calor erit febrilis, & naturalis respectu diversorum; atqui hæc subiecta sunt extrinseca calori: ergo specificum caloris, non distinguitur, siue immutatur propter talia subiecta.

Confirmatur assertio, quia calor, v. g. vt quatuor, respectu Pauli, valet esse naturalis, & respectu Hieronymi, valebit esse præternaturam: ergo ille quartus gradus caloris, etiamsi constituat in diversis subiectis sanitatem, & morbum, non tamen erit specie distinctus, sed vnus specie, & numero, cuius est causa, quia sanitas, & morbus non semper differunt specificè, nisi quando formale morbi, & sanitatis fundatur in entitatibus specie, & physicè diversis, vt quando morbus consistit in calore, & comparatur saluti, consistente in frigiditate, illo in casu morbus fundatur in calore, & sanitas in frigiditate, quæ physicè, & specificè differt ab entitate caloris, at verò si morbus constituatur per calorem, vt in febre, & comparetur ratione viventis ad salutem, erit distinctio sola accidentalis, non verò specifica intrinseca: ergo semper est dicendum calorem

naturalem, & præternaturam solum differre accidentaliter, non verò specificè.

SECTIO

SECTIO QVINTA.

ARGVTIERVM SOLVTIONES

patefient.

OBIICIES contra primam assertionem, quia papaver, mandragora, & alix plantæ frigida fruuntur vita, atqui non vivunt per calorem elementalem, cum sit frigiditas in his intensior calore: ergo cum vitæ actiones debeantur calori, & iste elementalis sit remissior frigiditate, debet dari alius diversus, veluti est cœlestis, ut tali vita fruantur. Cui respondeo, has, & similes plantas iuvare ad operandum à calore cœlesti, veluti partes frigida nostræ corporis iuvantur à calore cordis influente; propter hoc tamen non differunt specie, sed imò inter se iuvantur, ob rationem formalem specificam, quia veluti calor influens iuvat insitum partium ad operandum, & non est violentus, ita nequē cœlestis, sive solis, violentus erit prædictis plantis.

Obiicies 2. ferrum vincitur, & concoquitur in ventriculo strucicamelli; at ista coctio non fit ob caloris elementalis intensiorem; siquidē datur calor intensior in leone, & tamē in eo ferrum, non concoquitur: ergo quia calor cœlestis concurrit in struciocamello: ergo quia huiusmodi calores differunt specie. Ut aliqui hanc dissolvant difficultatem, asserunt hoc fieri propter proprietatem occultam ventriculi concoquendi ferrum, sicut in aliis animalibus ad quædam alimenta, ut videre est in ventriculo canis, quia ossa, quamvis durissima, potest concoquere, tunicas verò vuarum, & si tenuiores, nequit separare, sicque asserunt, quod ad proprietatem debet reduci talis operatio.

Qua

Quæ potius veritati assentit ratio, est coctionem ferri à ventriculo strucicamelli, non fieri præcisè ob intensiorem calorem, sed à facultate concoctrice dicti animalis, ad quam multum iuvat maxima copia spiritus vitalis contenti in abdomine strucicamelli, & ob illius crassitiem, ac densitatem fovet ventriculum, ac prohibet, ne spiritus exhalentur.

Obiicies 3. contra secundam assertionem, illæ causæ distinguuntur specie, quarum effectus sunt contrarij, & specie distincti; (quod est dicendum de univocis) atqui effectus caloris naturalis, & præternaturam, sunt contrarij, & specie distincti: ergo causæ erunt specie distinctæ, ac proinde calor naturalis, & præternaturam differunt specie. Probatur minor, nam calor naturalis efficit omnes operationes vitales, ut est alimenti concoctio, viventis nutritio, ac illius conservatio; calor verò præternaturam, dictas destruit actiones, siquidem alimentum corrumpit, viventisque substantias absument; atqui isti effectus non solum sunt specie distincti, sed contrarij: ergo si effectus sunt specie diversi, & contrarij, causæ pariter illorum specie distinguuntur: ergo pariter calor naturalis, & præternaturam, quæ sunt dictæ causæ, erunt inter se distincti specificè.

Cui respondeo argumento, maiorem dividendo, illæ causæ differunt specie, quarum effectus sunt contrarij, & specie distincti, si tales effectus contrarij, sunt primarij, & adæquati, ad quos ordinatur primò causa, concedo; si effectus contrarij, primarij non sunt, sed secundarij, & in adæquati, nego maiorem: causæ enim solum specificantur per adæquatos, & primarios actus, non verò per eos, qui se habent secundario, & accidentaliter, ac proinde cum callectio sit actus adæquatus, & primarius caloris cuiuscumque, sive naturalis, sive præternaturam constituet unicam, & eandem causam specificam; sicque calor naturalis, & præternaturam, propter dictam callectio-nem, ut potè effectum adæquatum, & primarium, convenient inter se specie, quare coctio, nutritio, putrefactio, & absorptio sunt

sunt effectus secundarij, atque accidentarij, qui nullatenus diversificant potentiam calefactivam, quoniam hi effectus à diversis agentibus diriguntur, sicque actiones, & effectus secundarij diversi apparent, & contrarij, etiam si entitas causarum, nullam distinctionem specificam obtineat, ut patet in ceræ liquatione, & luti densatione, qui effectus sunt contrarij, & tamen ortum ducunt ab uno, & eodem solis calore.

Obiicies 4. calor naturalis est dispositio valdè diversa, ac calor præternaturam in subiecto: ergo datur distinctio specifica inter illos. Antecedens probatur, quia calor naturalis est dispositio viventis ad introductionem formæ materialis in brutis, & ad informationem animæ in homine; atqui calor præternaturam est dispositio ad expulsionem talis formæ, & ad introductionem formæ cadaveris; istæ distinguuntur inter se specie: ergo pariter calor naturalis, & præternaturam. Cui respõdeo argutici, concedendo antecedens, & negando consequentiã, non enim implicat, ut una, & eadem qualitas secundum diversam dispositionem disponat ad formas specie diversas, ut patet in igne, & in aëre, siquidem ambæ elementorum formæ disponuntur à calore; ad formam enim ignis requiritur calor in summo, cum siccitate, veluti ad formam aëris, ly calor, cum humiditate: præterea, quid implicat, ut idem calor, tam diversas elliciat actiones, cum gubernatur à vivente, quoniam penès variam directionem instrumentalitèr ad chylicandum in ventriculo, ad sanguificandum in hepate, ad purificandos spiritus in corde, ad ipsos animales generandos in cerebro, & tandem ad reliquas corporis functiones celebrandas elevatur.

QVÆSTIO QVINTA.

AN FEBRIS SIT SOLVS CALOR

*præternaturam, an verò constituatur etiam
per siccitatem coniunctam.*

COMMUNIS; atque celebrata est quæstio inter Medicos, an essentia febris sit solus calor præternaturam, an verò sit compositus affectus ex calore, & siccitate, et si doctissimus Altomar lib. de medendis febribus, part. 1. cap. 10. Franciscus Antonius Caserta lib. 1. de febribus, quæst. 1. & alij, quam plurimi teneant, febrem esse constituendam per calorem, & siccitatem: verior tamen, ac semper celebranda est opinio, quæ asserit febrem, solum esse calorem præternaturam, ita ut non exigit ad sui essentiam siccitatem, aut alium necessarium affectum; quam sententiam præter Galen. doctissimus amplectitur Zacutus tomo 1. lib. 4. quæst. 5. Mercatus lib. 1. de feb. fol. 288. Senertus lib. 1. de febr. cap. 1. Petrus Garcia lib. 1. quæst. 9. Matamoros disput. 12. lib. 1. & alij, quam plurimi quos ob essentialia offerenda, omitto.

Probatur igitur verior assertio, quia si supponatur Petrus, v.g. qui laboret humida intemperie per excessum, sive hoc accidat propter humidum temperamentum, sive propter fruitionem rerum, non naturalium humidarum, & talis homo expositus sit causis præternaturam callefaciētibus, illo in casu, Petrus laborabit febre citra siccitatem, sed imò potius cum humiditate morbosa: ergo dicendum erit siccitatem, non esse de ratione febris: si verò asserant contrarij, huiusmodi calorem febrilem, necessariò corporis humiditates absumere, ac proinde exicare, sicque iam esse siccitatem necessariò calori

con;

coniunctam. Cui facile respondeo, quòd etià si calor ex accidenti exiccet, tamèn antequàm humiditatem absummat, iam est calor febrilis; quia ad expulsionem humiditatis per exiccationem, aliquod requiritur tēpus, cūm humiditas siccitati introducendæ opponatur: ergo antequàm actu existat siccitas actualis, adest calor febrilis; ac proinde siccitas non erit de essentia febris.

Probatur, præterea huiusmodi cōclusio, quia si febris essentia consisteret in calore, & siccitate sequeretur, omnes febres esse hecticas marasmodes; atqui hoc est falsissimum: ergo dicendum est, essentiam febris non consistere in calore simul, & siccitate. Probatur sequella, quia si calor febrilis necessariò inducit siccitatem morbosam, absumet aliquam humiditatem ex nativis: ergo inducet marasum, benè: ergo si febris ista est cum assumptione humiditatis, præcipuè carnis, vel adipis, vel radicalis, sine dubiò erit hectica marasmodes; ac proinde cūm omnis febris secum habeat hanc siccitatem morbosam, necessariò omnis febris erit hectica marasmodes, & non diaria sola, nequè putrida; hoc est falsum: ergo etiam contraria opinio allata.

Corroboratur assertio, quia nequè implicat esse calorem cūm humiditate excedenti, nequè semper calor excedens coniungitur cum siccitate excedente: ergo nequè calor morbosus, vt in febre, habebit semper siccitatem excedentem. Probatur antecedens in mixtis, & in elementis, in mixtis, vt patet in temperamento callido, & humido per excessum, vt in adolescentia, in temperamento vèris, paritèr in sanguine, qui potius callidus, & humidus quàm siccus appellatur, in aère, qui à prædominio fruitur humiditate cum calore: ergo quia nequè implicat esse humiditatem excedentem cum calore, nequè calorem excedentem, necessariò adesse cum siccitate excedente: ergo idem dicendum est in febrili calore, qui aliquandò valet esse cum humiditate excedente: ergo non est de essen-

tia caloris febrilis, existere simul cum siccitate morbosa, siquidem experimur in febribus quotidianis, & in naturis frigidis, ac puitosis, febres ita dependere ab humoribus puitosis, & humidis, ut necessariò reperiatur intemperies humida per excessum, conjuncta cum calore febrili: ergo in tali casu iam calor febrilis, non erit cum siccitate conjunctus: ergo quia siccitas non est de essentia febris.

Obiicies tamen primò contra istam sententiam, nam propria, & naturalis actio caloris est evaporatio, resolutio & exiccatio: ergo in calore intento, ut in febrili, necessariò reperitur siccitas. Probatur antecedens, nam mors, naturalitèr accedit viventi, & talis fit, quia calor natus agens in humidum radicale, illud absumit, & illius assumptione accedit vivens ad tantam siccitatem, ut nequeat cum ea conservari: ergo evaporatio, & exiccatio est actio naturalis caloris: ergo si hæ actiones proveniunt à calore naturali alituofo, & benigno, multò melius à febrili, cum iste sit valdè intensior nativo: ergo cum calor, ut potè agens naturale, non possit detinere suam actionem in passio, in quo recipitur, necessariò operabitur in vivente, absumendo nativam humiditatem: ergo necessariò cum calore febrili conjuncta reperietur siccitas.

Sed antequàm huic, & aliis obiectionibus satisfaciam, animadvertendum est, quòd calor præternaturam repertus in corpore, obtinet virtutem ad exiccandum, quamvis non accedat per se, sed ex accidenti, evaporando, & resolvendo; at siccitas aliquando est in actu, non verò semper, nequè quælibet siccitas, etiàm si sequatur febrilem calorem, est morbosa, sed ea solum, quæ actiones nostri corporis lædit; sicquè facile respondeo, quòd etsi calori conveniat exiccare, non est primariò, sed solum per accidens, ex quo non rectè inferitur, siccitatem, quæ ipsum sequitur, esse de essentia febris, etsi corpus per febrem maiorem siccitatem adquirat, quàm antea obtinebat, quia iam supponit hæc siccitas, corpus antecedentè febrile,

DISPUTATIONES

39

ante ipsam siccitatem. Præterea, quia ista siccitas non erit mor-
bosa, donè lædatur actiones,

Obiicies 2. omnia agentia, quæ frequenter valent febrem
conservare, possunt etiã producere siccitatem, ita vt ferè non
possint inducere calorem, quin simul siccitatem inducant: ergo
corpus febre correptum, reddetur calore, & siccitate correp-
tum. Confirmatur autoritate Gal. qui 1. de differentiis febr.
cap. 2. & 3. assignans causas internas, & externas, asserit, idè
produci febrem ab illis, quia aliqua substantia callescit, sed cùm
callescit, & inflamatur, paritèr exiccatur: ergo producit etiam
siccitas: ergo febris non consistit in solo calore, sed simul in sic-
citate præternaturam.

Huic argumento, respondeo concedendo antecedens, &
negando consequentiam, quia etsi omnia agentia, quæ pro-
ducunt febrem, possint producere siccitatem, simul cùm
caliditate, non tamen hoc accidit eodem modo, quia ca-
lor ille, semper erit morbosus; siccitas verò non semper,
quoniam illa siccitas, cùm sit in natura maximè humida, ve-
pituitosa, non lædet operationes, sed imò aliquando emen-
dabit intemperiem humidam contractam, sicquè in tali ca-
su erit calor febrilis, & non siccitas morbosa, ac proindè
non erit de essentia febris siccitas, veluti calor; quibus

sic prælibatis, facile respondendum venit,

cuiuslibet argutiei, quæ in contrariam

partem proponatur.

QUESTIO

QVÆSTIO SEXTA.

UTRVM SVBIECTVM FEBRIS

fit necessario cor.

CVM in antecedentibus lectionibus explanatum manserit, quomodo febris sit calor præternaturam, nunc inquirendum venit, quomodo sit in corde accensus, ac per arterias ad vniversum corpus diffusus, vel saltem in partibus principalioribus contentus; sicque venit exagitandum, an ad essentiam febris, ita essentialitèr requiratur cor, vt si calor præternaturam, non existeret in corde, nullo modo posset dari febris, & quamvis aliqui, haudubitent, vt Antonius ab Altomar libro de febribus, parte 1. cap. 11. & alij, calidum innatum esse febris subiectum, non tamen, cori & Gentilis, quæst. 11. extravagantium asserat, cor neutiquam esse essentialitèr subiectum febris, ad integrandam febris definitionem, sed solum dum calor præternaturam sit in facto esse in parte vivente corporis, constituet febrem: quàm sententiam non minus amplectitur, Guerrero per vnicum libellũ, Michaël etiã de Heredia, impertinenter se habere cor, ad febrem asserit.

Quibus non obstantibus verior, communis, & eligenda sententia est, quæ asserit febrem, non esse calorem præternaturam in qualibet parte, sed necessariò in corde: quàm sententiam amplectuntur, Mercatus, Senertius, Avicenna, Vallesius, Petrus Garcia, Vega, Mena, Zacutus, & alij quam plures recentiores, & ad probationem, advertendum venit, in febre duo esse considerata, videlicet, calor præternaturam, vel in temperies, sive mala dispositio calida, vel vt talis intempe-

ries.

rics callida denominatur febris; primò enim modo considera-
tus calor, neutiquam exigit essentialitèr cor, tamquam ip-
sius subiectum, quia cum intemperies sit morbus proprius
partium simularium, in qualibet parte vivente erit propriè
morbus; at verò, vt talis intemperies appelletur febris, ne-
cessariò requiritur cor, nam etsi non esse intemperiei, ta-
men esse, saltim talis intemperiei, nempe febris, sumitur à
lapsu temperiei cordis, & non alterius partis.

His ergo constitutis, probatur conclusio ratione, quia do-
lor est symphoma sensus tactus, vt communiter omnes con-
cedunt: (haud minus iniciativè, & vltimatè in fuga appetitus
consistit) ergo si ita est, dabitur dolor in omnibus partibus sen-
su præditis; arqui hoc non obstanti reperitur dolor, ita pro-
prius vni parti, vt alteri non possit convenire, quamvis in
aliis sit sensus tactus: ergo non alitèr, quamquam intempe-
ries valeat dari in omnibus partibus viventis, tamen febris,
valebit esse, talis intemperies callida, vt soli cordi, & non al-
teri conveniat. Minor confirmatur in dolore pleurítico; nam
ideò dicitur talis dolor pleuriticus, quia sumit denominatio-
nem à parte affecta, nimirum à pleura, & si illa nullum con-
cursum communicet dolori, vt est symphoma, & hoc non ob-
stanti, ita convenit pleuræ, vt aliis partibus, nequeat conveni-
re: ergo ità paritèr quamvis intemperies callida sit communis
omnibus partibus viventibus, tamen in esse talis intemperiei,
scilicet febris, ita convenit cordi, vt aliis non possit convenire:
ergo licet omnis intemperies callida permanens parti viventi
sit morbus, non tamèn ideò erit omnis, febris, donèc in corde
non existat, velut nequè omnis dolor est pleuriticus, nisi ille,
qui existit in pleura; idemque dicendum est, de dolore cepha-
lico, iliaco, coxendico, & aliis similibus.

Probatur secundò, huiusmodi conclusio, in omni febre,
quamvis intemperies callida sit primò in alia parte, necessa-
riò afficitur cor: ergo quia ad esse febrem, necessariò requi-

ritur cor. Probatur antecedens, nam in omni febre, afficitur nativa temperies cordis: ergo febris erit morbus proprius ipsius cordis. Antecedens probatur, quia in omni febre, non repugnante aliqua causa ex continentibus, pulsus mutatur ad celeritatem, magnitudinem, & frequentiam; atqui hi motus pulsus, & differentia, non immanentur, nisi calor cordis intendatur: ergo concedendum est ad esse febrem, necessarium esse, ut calor cordis intendatur: ergo ut calor febrilis habeat existentiam in corde; ac proinde cor erit necessarium febris subiectum. Maior propositio est certa, ex eodem Galeno 3. de præsagitatione ex pulsibus, cap: 7. ubi inquit, febres cognoscendas esse per pulsus dicens, quod quantum agitur in diariis, atque hecticis, pulsus fiunt magni, celeres, & frequentes: ergo ex eodem Galeno patet, quod in omnibus febribus, pulsus immutantur, & per talem immutationem cognoscuntur febrium differentia.

Dicit tamen aliquis posse febrem reperiri in aliis partibus, etiam si in corde non existat, quamvis requiratur mutatio pulsus, prout à Medico cognoscitur; sed contra, quia si febris prout cognoscitur à Medico requirit mutationem pulsus; ubi deficiat ista mutatio, quomodo poterit constare, calorem præternaturam repertum in alia parte, constituere febrem? Sed instabit iterum, quod quamvis in omni febre immutetur pulsus, ex hoc tamen non sequitur, quod necessarium, cor, calore afficiatur, nam sufficit, ut arteria reddantur callidiores, & calor non communicetur cordi, ex eo, quod detur humor putrescens iuxta cor, ita ut callescant spiritus, & detur impedimentum ab obstructione, ne callidius reddatur eor, in illo casu certum est totum corpus reddi callidius ratione putredinis humoris, & non ratione cordis; atqui dabitur mutatio arteriarum: ergo erit febris absque eo, quod callescat cor.

Hoc facile solvitur, si philosophicè loquamur, quia si arteria

ria

riæ sunt callidiores per cōtinui alterationem, & existunt intra spheram activitatis, necessariò callescent. simul cor præternaturam, cum sint naturalia agentia, & detur maxima dispositio in corde, ad recipiendum calorem ab arteriis, quæ ortum ducunt ab ipso corde: si verò arteriæ sunt callidiores, & humor putridus est in arteriis valdè distantibus à corde, ita ut cor non possent alterare, illo in casu, quamvis motus articularum mutaretur, (quod est falsum) nam arteriæ non pulsant ratione sui, sed ratione cordis, tamen arteriæ pro tunc non laborarent febre, sed intemperiæ callida, donec cor simul non callesceret.

Sed obiicies primò, omne quod est de intrinseca, & essentiali constitutione alicui rei, non potest esse, nequè competere accidentalitèr: atqui oriri calorem febrilem à corde, si ve efficientèr, si ve ab eo pendere in conservari, competit febri extrinsecè, & tamquàm quid accidentale: ergo febrem nasci, si ve pendere in conservari à corde est accidentale febri: ergo ad essentiam febris, non erit necessarium cor: maior est manifestissima, siquidè homo non constituitur per accidentalia, nisi per prædicata essentialia, ut potè animal rationale: ergo ita febris, & quælibet alia res: quòd autem sit accidentale febri, ortum ducere à corde probatur, nam nasci à corde, est fieri ab ipso corde; atqui ista relatio respectu termini ad causam efficientem, est accidentalis ipsi termino, nempè febri: ergo calori febris, accidentale est oriri à corde: ergo cor non est essentialitèr necessarium, ad rationem febris.

Cui respondeo, verum esse dependentiam ab ista causa efficiente esse extrinsecam terminò, non tamen dependere ab aliqua, de qua dependentia efficienti, in præsentia non est loquendum; sed solum de dependentia in afficiendo necessario cor, quia necessario afficitur cor, recipiendo calorem præternaturam, non tamèn efficiendo, nequè conservando calorem, quia hoc solum efficit causa præternaturam callescens,

ut sunt humores, vel fuligines, &c. Sicquē etsi ad esse nō caloris præternaturam, sed talis, scilicet febris, requiratur, non quod cor producat calorem, nequē ipsum conservet, sed solum quod afficiatur per receptionem talis caloris; idē febri non erit intrinseca efficientia à corde, quia nulla est; bene verò receptio in corde, quia nisi vnā cor afficiatur, nondūm merebitur talis calor intensus, appellationem febris.

Obiicies secundo, nam febris est morbus: ergo solum petit inhærere parti viventi: ergo solum afficere partem viventem: ergo non requiritur necessariō cor, tamquam subiectum febris. Probatur consequentia, quia si febris, neque ut est accidens, neque ut est morbus, petit inhærere magis huic parti, quam illi, sed sufficit, ut inhæreat parti viventi: ergo determinatē ad essentiam febris, non est necessarium cor, quia omnis essentia febris, quoad existentiam, & quoad læsionem, valet salvari, absque existentia in corde.


Cui respondeo, quod etsi morbus incommuni, petat absolute afficere partem viventem; at verò talis morbus, talem, & peculiarem partem viventem, ut patet in phrenitide, quæ necessariō afficit cerebrum, & in pleuritide, ut dixi, quæ necessariō afficit pleuram, sic febris necessariō afficit cor, ipsiusque actiones lædit.

Obiicies tertio, vbiquē adsit calor febrilis, est eiusdem speciei: ergo cuilibet parti communicat suum effectum formalem: ergo sicut repertus in corde, dicitur febrilis, non aliter erit in parte vivente, quia calor ille præternaturam habet rationem febris, quoniam lædit operationes, quatenus est morbus, ut quilibet alius, vel quatenus existit in corde, vel quatenus est sparsus ad habitum corporis; non quidem est febris, quatenus est morbus, quia non esset in tali casu necessarium cor, neque deinde, quatenus est accensus in corde, quia hoc solum dicit calorem esse unitum subiecto, abstrahendo ab actionum læsione, quia partes nostri corporis solum se habent me-

rè passivè, siquidem læsio actionis à morbo, sicut actio à natura fit: ergo febris solum consistit in calore præternaturam lædente actiones, vbi cumquè sit: ergo non requiritur necessariò, quod cor sit illius subiectum.

Cui respondeo argutici, concedendo primam consequentiam, negando tamen secundam, quia non dicetur febris, nisi calor in corde reperiatur, quoniam in corde additur aliquid, vt sit febris, & non in alia parte, vt insinuat manet de dolore pleuritico; & probationi satisfatio, dicendo febrem præcisè, non consistere in calore lædente operationes, sed in calore, qui sit etiam in corde accensus, & quamvis nullum consensum præbeat cor, calori præternaturam in esse morbi, præbet tamen appellationem in esse febris, veluti os coxendicium ad denominationem doloris coxendici, & pleura ad appellationem doloris pleuritici.

DE FEBRIVM DIVISIONIBVS. LIBER SECVNDVS.

 **B**X superioribus claret, quid febris sit, in præsentem quidem, iam est necessarium ad ambiguitatem auferendam accedere, si febrium divisionem exponamus: quia sine divisione, res nequit exactè cognosci, ob quam causam, apud Logicos divisio, inter modos sciendi constituitur, siquidem per ipsam certa ab incertis separamus, sicque sit.

QVÆSTIO PRIMA.

DE FEBRIVM DIVISIONIBVS.

ANTEQVAM etenim peculiares febrium divisiones adferam, cum Galen. notandum est, primò febrem esse dupliciter considerandam, vel per aliquid accidentale, vel per aliquid essenziale; sicque dux sunt febrium differentiar, aliæ accidentales, & aliæ essentielles, istæ sumuntur ex ipsa substantia, vel essentia febris, scilicet ex calore præternaturam; in calore quidem tria possumus considerare, qualitatem caloris, motum ipsius, & subiectum, in quo calor accenditur; ex quibus nascuntur differentie essentielles, quia convenit calori essentialiter, ut sit in subiecto, quia accidentia totum suum esse habent dependentem à subiecto; illorum quidem esse, est inesse: secundò convenit essentialiter calori, ut aliis qualitatibus suscipere magis, & minus, ut ait Philosophus: tertio ipsi calori præternaturam convenit, ut agat, & moveatur, præcipue quidem, quoniam aliis qualitatibus, est qualitas activior.

Accidentalis verò differentia febris, sumitur ex aliquo accidente; inter accidentia tamen, aliqua sunt proximiora, & aliqua remotiora, & minus propria ipsi febri, sicque semper est laudanda febrium, divisio, tradita ab Hippoc. lib. 6. epidem. part. 1. comment. 29. quæ in quatuor divisiones partitur, cum in prima dicitur febrium, hæ quidem manui sunt mordaces, hæ verò mites, hæ autem non mordaces, postea verò in surgentes, aliæ quidem acutæ, sed quæ manui succumbunt: in secunda divisione, ait Hippoc. febres, quædam sunt statim exardentes, quædam semper debiles; in tertia, febres aliæ sunt sal-

fuginosæ quoniam flatibus plenæ, aspectui graves, aliæ tactui humectæ; in quarta, & vltima diuisione, ait Hyppoc. *febres aliæ vehementer rubicundæ, pallidæ aliæ, & aliæ huiusmodi:* in prædicta diuisione comprehenduntur, tam essentielles, quam accidentales febrium diuisiones, quas sigilatim enodandas, cum doctissimo Maroja agredior.

Cum igitur, ait Hyppoc. *febres aliæ, quidam mordaces sunt manus,* exponuntur differentia febrium essentielles, quæ desumuntur, ex modo caloris, & cognoscimus materiã, in qua calor ille existit, vt ait Gal. secundo de febribus, cap. quinto; vbi ait, quod ex modo caloris cognoscimus, an calor sit in sanguine, pituita, bile, vel melancholia; mordaces quidem febres, illæ appellantur, quæ propter eius acrimoniam manum tangentis medici molestant, & pungunt, vt sunt febres hecticæ, & quæ ex humore melancholico dependent; calor enim siccitati coniunctus mordacitatem, & acrimoniam quãdam sensui exhibet, veluti substantiæ vnitatem erodendo, & dissolvendo.

In secundo diuisionis membro, continentur febres mites, vt sunt sanguinæ sine putredine, & spirituosæ, quæ calore miti, & suavi distinguitur à putridis, quoniã in febribus diariis, quia calor febrilis parum à naturali recedit, & multum à calore putridarum mordaci; ideo comparatione facta ad febres putridas, dicuntur calor diariæ, & febris sinocha non putris febres mites, de quibus Hyppoc. loquitur in hoc membro diuisionis.

In tertio diuisionis membro, ait, *aliæ verò non quidem mordaces, sed postea insurgentes,* in quo membro comprehenduntur febres pituitosæ, quarum calor, primò ocurso non sentitur mordax, sed postea dum crescit febris, & manus detinetur in corpore tangendo, persentitur mordacitas caloris; & ideo dicuntur febres augescentes, vel insurgentes, cuius est ratio, quia cum pituita sit frigida, & humida, non ita facile inflammatur, & succenditur, quia est veluti lignum viride, quod ab

initio, non emittit multam calliditatem fumosam, cum vapore commixtam; postea verò iam exurgit calor vaporosus, & semel accensa illa humiditate vaporosa, & absumpta, mordacitas per sentitur, non aliter calor febrilis pituitæ putrescentis, in principio non sentitur mordax; postea verò quando intenditur, usque ad aliquam absorptionem humiditatis vaporosæ, pituitæ putrescentis, inducitur acrimonia, & mordacitas.

In quarto divisionis membro, dum ait Hyppoc. *aliæ autem acutæ, sed quæ à manu vincuntur*; assignat ipse iam differentias febrium, quæ sumuntur ex motu caloris, cum ait, *aliæ autem acutæ*, id est, acutæ, quia celeritè moventur, & tactui calorem protinus communicant: ait deinde, *sed quæ à manu vincuntur*, ut sunt illæ, quæ statim prima manus applicatione calorem mordacem ostendunt; postea verò perseverante manus applicatione per sentitur calor mitis, ac suavis, ut sunt febres biliosæ, ut tercianæ, in quibus calor apparet primò mordax, postea verò propter materiæ tenuitatem à manus temperie evincitur, & tactui succumbit, & quia humor biliosus est tenuis, callidus, & siccus; ideo febres acutas gignit, quarum calor etiam si obediat temperiei manus, statim mordax per sentitur, quia tamen media humiditate tangentis, propter detentionem rarefiunt pori, & exeunt fuligines, quæ sunt tenuiores, & quia humectantur, minor videtur mordacitas, & ideo, ait Hyppoc. *sed quæ à manu vincuntur*.

Secunda febrium divisio duplicitè est sumenda, quæ quidem datur, tum per intensionem caloris, tum etiam per caloris remissionem, quia dantur quædam febres statim exardescentes, & nimis succenduntur, ut febres ardentes, & acutæ, veluti aliæ pusillæ, & siccæ, ut sunt febres lentæ, & cronice, quæ longo tempore corpora exiccant.

In tertia divisione, inquit Hyppoc. *aliæ siccæ, & saluginosæ, aliæ inflatæ, horrendi aspectus, aliæ manui humectæ*; quæ quidem

dem diuifio, datur per materiam, quæ quia triplex, communem triplicem differentiam febrium comprehendit, ſcilicet diariam, putridam, & hædicam: triplex enim eſt materia, in qua febrilis calor valet accendi, nimirum ſpiritus, humores, & partes ſolidæ; quare, quæ appellantur falſæ, intelligendæ ſunt hædicæ, quæ ita metaphyſicè dicuntur, nam veluti falſa in ſuauitatem guſtui exhibent, ita in ſubiecto ſicco, & aſpero, calor quandam inſuauitatem tactui repræſentat: *aliæ ſunt flatuoſæ, & aſpectu graves* ſub quibus verbis continentur febres peſtilentes, quæ dicuntur inflatæ, & horrendi aſpectus, non ſolum propter puſtulas, & vlcera, quæ incute apparent, ſed etiam propter malignitatem, ac ſymphomata vehementia. Nominè febrium peſtilentium, adfert Hyppoc. omnes febres putridas, per vnicum exemplum febris putridæ per excellentiam; ſi tamen aliquis inſurgat, iſtas febres, non eſſe horrendi aſpectus, imò aliquis ex peſtilentibus, videri tactui mittes.

Cui reſponſeo, quod febres peſtilentes, quæ apparent mittes tactui, ſunt omnium peſſimæ, atque indicant eſſe valdè oppreſſâ, & victâ naturâ, & ideò, quia nullū efficit natura conatum in pugna contra cauſam morbificam, quoniam ipſi ſuccumbit, apparent febres mittes. etſi non ita ſint; ex quibus colligitur error dicentiū, per *hæ febres horrendi aſpectus* cõprehendi febres diarias, quia ſpiritus magis accedunt ad naturam flatuſ; & ideò in his febribus calor ita apparet intẽſus, vt gravis, videatur aſpectus; ſed hoc falſiſſimum eſt, vt dixi, quia febres diariæ, non ſunt horrendi aſpectus, ſed valdè mittes, & ſuaves propter benignitatem ſpirituum, qui, etſi accendantur, calorem aliuoſum tactui inferunt; & ideò quando ait Hyppoc. *aliæ ad manum humectæ*, intellexit pro febribus diariis, quia calorem ſuauem, & aliuoſum tactui repræſentant, & præſertim, quia ſerè omnes aliquo ſudore, aut madore terminantur.

In quarta, & vltima diuiſione, dicitur, *aliæ rubicundæ valdè, aliæ valdè pallidæ, aliæ lividæ, & aliæ id genus* ſub quadi.

divisione comprehenduntur febres desumptæ, ex humorum coloribus: & ideo dicitur propriè divisio accidentalis, quia potius est divisio coloris, quam febris, ut benè annotavit Vallesius, conducit verò ad cognoscendum humorem, in quo febris accenditur, ut debito tempore, & occasione evacuetur; quare febres, valdè rubicundæ dicuntur illæ, in quibus egrotantes; maximè rubri apparent, quæ quidem intensam calliditatem ostendunt, ut est febris sinocha putris; febres valdè pallidæ appellantur, illæ in quibus febrientes, sunt valdè pallidi, atque indicant bilis redundantiam plurimam, ut sunt febres tertianæ; lividæ autem dicuntur in quibus ægrorum corpora livida videntur, præcipuèque facies, manus, & pedes, quæ febres indicant sanguinis inopiam, & nativi caloris extinctionem.

Et aliæ id genus, quibus verbis significat Hyppoc. alias esse differentias febrium præter dictas, cum aliæ sint simplices, & aliæ compositæ, simplex febris dicitur illa, quæ non est complicata cum alia, aut quia dependet ab unica tantum causa composita verò, quando diversæ febres coniuguntur, ut accidit in semiteriana, vel emitriteo, quæ componitur ex febre quotidiana, & tertiana; & ista obtinet diversas species; deindè febres aliæ sunt continuæ, aliæ intermittentes; continuæ appellantur, quæ semper, & continuò affligunt ægrotantes, & sunt periculosæ, intermittentes, ut sunt illæ in quibus febrientes ab infebricitatione, & periculo vacanti; deindè intermittēs, vel provenit à bile, & vocatur tertiana, vel à pituita, & dicitur quotidiana, vel ab humore melancholico, ut quartana cōtinua, quæ quamvis ab aliquibus negetur, non implicat esse continuā.

Continua quidē, adhuc sub dividitur, nam vel est simplex, aut duplex in repetitionibus, aut continens; v.g. febris tertiana continua, quæ est simplex, est illa, quæ tertio quoquē die habet exacerbationem; tertiana verò duplex, est illa, quæ singu-

lis diebus, ita vt exacerbationes, tertio die etiam habeant correspondentiam, & typos, continens febris, dicitur illa cuius duratio vnica finitur accessione, & ista tripliciter dividitur, siue omnis accessio eodem modo se habet, eundemque servat tenorem, & à Græcis appellatur homotona, vel accessio crescit semper, & viget, atque acmaistica dicitur, aut semper decrescit, & dicitur paracmaistica; præterea secatur febris in acutam, quæ celeriter movetur cum vehementia symptomatum, ob quam conditionem febris diaria, quamvis celeriter moveatur, non dicitur acuta, quia non est cum vehementia symptomatum; & idè non habet periculum adiunctum, dividitur pariter febris in chronicam, quæ ob contrarias accedit causas, pariter etiam in malignam, aut benignam, ordinatâ, aut inordinatam, diurnam, siue nocturnam, ob quas febrium differentias, dixit ultimò Hippocrates: *& id genus alia*, & hæc de differentiis febrium in communi.

QVÆSTIO SECVNDA.

AN FEBRIS SIT DIVISIBILIS per differentias essentielles.

EX dictis in conclusionibus antecedentibus, facile deducitur decisio cōclusionis, cum maneat expositum, calorem præternaturam, naturalem, coelestem, & elementalem, non essentialiter, sed solum ex accidenti inter se differre; quia tamen diversus sentiendi modus inter quamplures Authores militat, breviter aliquorum rationes proponam: Quare Vallesius lib. 4. controversiarum, cap. 2. sermone de differentiis morborum, & præsertim loquendo de febre asserit, febres posse dividi per differentias essentielles, eo quia febris dividatur in habi-

tum, & dispositionem; ita ut febris hectica sit habitus, sicque difficile mobilis à subiecto; febres verò diaria, & putrida sunt dispositio, quæ facile movetur à subiecto.

Hæc tamen sententia est falsa, quia in nullis morbis reperitur propriè habitus, sed habitualis dispositio, ut monet Aristoteles cap. de qualitate, per hæc verba: *Dispositiones autem dicuntur, quæ sunt facile mobiles, & citò mutabiles, ut calor, & frigiditas, ægritudo, aut sanitas, & quæcumque alia huiusmodi*: ergo ex Aristotele constat, quod in nullis morbis adest habitus; quia omnis morbus est viventi violentus, & citò de vno statu transmutatur in alium. Quamvis Philosophus eodem loco, sic asserat, *nisi diuturnitate, versa sit in naturam*; quia tunc omnes homines habitum dicere soliti fuerunt: ex quo modo dicendi ostenditur, quod hæc non sunt dicta de habitu secundum essentiam, sed de habitu secundum modum loquendi, qui essentialitèr, & specie non distinguitur à dispositione, sed solum accidentalitèr: quilibet enim morbus dependet à causis, quæ sunt facile mobiles à subiecto, ex natura rei, etsi secundum modum alitèr succedat; sicque febris hectica, non erit propriè habitus secundum rem, sed secundum modum: Deindè, quia maior, aut minor facilitas remotionis caloris in hectica, diaria, vel putrida tantum extrinsecè, & accidentalitèr est calori, nam hoc, quod est esse magis, vel minus calorem radicari, nihil ad esse formalitatis caloris conducit; & licèt calor febris hecticæ, sit difficile mobilis à subiecto, quia pendet ex radicali elementorum proportionè, ex hoc non sequitur hecticam esse habitum, quia etiam sanitas id omne habet, & tamen Aristoteles eam, non appellavit habitum, sed dispositionem.

Quod autem habitus, non distinguatur essentialitèr à dispositione, facile probari potest, nam habitus iuxta communem recentiorum doctrinam, est qualitas perfectæ, reddens potentiam facilem ad proprios actus efficiendos, ac est difficile mo-

mobilis à subiecto, quia quantum est, ex virtute, & robore suæ intensionis, difficultèr valet habitus contrarius in subiecto introduci; dispositio verò est ipsa qualitas existens in potentia in statu remisso, & imperfecto, nondum reddens, atque denominans potentiam facilem in agendo, sed solum disponens ipsam ad operandum; nunc sic, ex Aristotele loco citato, dispositio potest aliquando migrare in habitum: ergo dispositio, & habitus non distinguuntur specie, & essentialiter, sed secundum magis, & minus perfectum, nam si daretur distinctio essentialis, & specifica, neutiquam vna entitas transiret in aliam, vt dispositio in habitum.

Doctissimus tamen Mercatus tom. 2. lib. 2. de febr. fol. 295. inquit, differentias febrium allatas ab Hyppoc. & Gal. esse essentielles, & hoc sumi ex diverso modo, quo calor præternaturam inhæret subiecto, quia præter propriam essentiam caloris, est etiam calori essentialis inhærentia in subiecto, vt cuiuslibet accidenti competit, sicquæ iuxta diversam inhærentiam, dabitur essentialis differentia caloris febrilis, non tamen ratione propriæ essentiæ, quia semper est eadem in calefaciendo; vnde supposita propria, & essentiali differentia febris in habitualem, aut hecticam, & in eam, quæ consistit in dispositione, vt est diaria, & putrida, ratione modi inhesionis, quia diaria, & putrida dispositivè, & hectica per modum habitus, diaria tamen, & putrida differunt, etiam inter se, quia etsi diaria dispositivè inhæreat, tamen ipsius calor factus, & inhærens spiritibus existit independentèr, non verò calor febris putridæ, qui quidem inhæret humoribus, quia talis calor semper est dependens à sua causa; ex quibus infertur, maximum esse discrimen inter febres, illarumquæ esse tres differentias essentielles, ex diverso inhærendi modo; sed quàm falsum sit calorem præternaturam specificari, ex diverso modo inherendi, facile potest probari, nam ex hoc sequeretur, quod per subiecta, vel materiam, accidentia distinguèrentur specie; quod est contra om-

nem rationem philosophicam; nam quilibet particularis respectus, sive ordo ad subiectum, est calori valde accidentalis, quia solum exigit essentialiter subiecto inhaerere, & hic, vel ille modus inhaerendi, valde erit accidenti secundario, & extrinsecus; nequē ista diversitas inhaerendi, dicit diversam perfectionem essentialem caloris in esse præternaturam.

Nequē valet dicere, calorem febris putridæ esse dependentem à sua causa, & calorem diariæ esse independentem, etiamsi, calor putridæ sit in humoribus, veluti diariæ in spiritibus; quia non est maior ratio, ob quam calor febrilis inhaerens humoribus dependeat ab ipsis, quàm in febre diaria calor dependeat ab spiritibus: imò potius febrilis calor, necessariò est dependens in omnibus febribus à subiecto, tamquam à causa materiali, ex qua educitur, & tamquam à causa efficienti à qua conservatur: ergo fundamentum meriti, nullo modo est substinendum.

Alij verò Authores, potius sumentes distinctionem febrium ratione causarum, quam ratione caloris febrilis, afferunt, febres inter se distingui essentialiter, quia variam postulant curationē, ratione variæ causæ, & cū finis artis, sit ratio formalis ipsius, ideò videtur diversus finis curationis; siquid dabitur diversa ratio formalis curationis; ac proinde quoad praxim dicentur essentielles differentia febrium, quia quoad praxim essentialiter variantur modi curationis ipsarum, etiamsi quoad theoriam huiusmodi febres in essentia non differant, cuius sententia inter alios est Pereda in Paschaliū lib. 2. de febribus in scholio cap. 1.

Quibus tamen non obstantibus, etsi febris consideretur in ordine ad praxim, nullo modo obtinet essentielles differentias, quia intensio, aut remissio qualitatis, nec practicè, nec speculativè specie differunt, nec minus differentia desumpta à subiecto; quia aliquæ sunt febres, quæ differunt in subiecto, vel materia, & obtinēt eundem modum curationis, ut patet in fe-

bre diaria exquisita, & in hēctica, in quibus vnam, & eandem assignat curationem Galenus octavo methodi, capite vltimo, & diaria, quæ ex obstructione depēdet, obtinet ferè eandē curationem cum putrida; quia omnes febres, ex propria sua natura cōmuni, gaudent indicatione curatrice; si tamen in febribus varietur curatio, non est ratione febris, sed ratione ipsius causæ, quia febris, in ratione febris, solum exigit indicando, attemperationem per frigida, etiamsi ratione causæ, vt est pituita cruda in quotidiana, diversimodè curetur hæc febris, ac tertiana ratione bilis, quæ se habet, vt diversa causa morbifica; ita sentiunt Vega, Valletius, Matamoros, & alij.

Quare concludendum vt certum est, febres inter se nullo modo differre, nisi ratione caloris intensioris, aut remissioris, respectu naturalis, qui semper est remissior, quam febrilis; & quod sic calor intensior, vel remissior, nullo modo parit differentiam specificam; veluti, neque ex eo, quod calor sit naturalis, & præternaturalis, vt supra lectionibus elapsis manet explanatum: ergo cum inter calorem, vnum, & alium nulla diversa mediēt species, multò minùs vnus calor febris, erit specie diversus à calore alterius febris; quamvis in febribus diversa reperiuntur accidentia, quia id, non obtinet febris, vt est calor, sed ratione alicuius adiuncti.

Sicquē de primò ad vltimum constare potest, quod nulla ex divisionibus febrium, quæ adducuntur à Galeno, datur per differentias essentielles, nec sumitur à propria febrium substantia; & probatur de prima divisione, nam divisio essentialis, vt dixi, debet dari per aliquid intrinsecum; sed prima divisio datur per aliquod extrinsecum: ergo non est essentialis: probatur minor, quoniam mordacitas, quæ in prima divisione continetur, est quid calori extrinsecum, quia est qualitas secunda maxime distincta à primis. De secunda divisione, idem est sentiendū, nam vt dixi, esse remissum, aut intensum, non causat diversitatem specificam; quia calor remissus, nullatenus differt à

calore intenso; de tertia pariter divisione, quæ datur per subiecta, idem est fatendum, nam licet calor febris hæctica, diariæ, & putridæ, perat diversa subiecta, non tamen subiecta sunt de intrinseca entitate caloris; & ideo ratione subiecti, quod est extraneum calori, non valebit febris intrinsicè specificari. De vltima febrium divisione, idem patet; nam calor neque valet dici albus, vel niger intrinsicè, cum albedo, sive nigredo, sit secunda qualitas, orta à primis, ac proinde valdè distincta.

QVÆSTIO TERTIA.

UTRUM TERTIA FEBRIS

*divisio traddatur per materiam, an verò
per causam efficientem.*

PRÆSENS quæstio supponit aliam toties controversam, in qua inquiritur, an sanitas, & morbus sint passionis viventis, de quo faciliè infra, & breviter attingam; quare primò ad veram quæstionis expositionem perpendendum venit, maximè inter se differre, hoc quod est callescere, & incalluisse, nam in diaria febre incallescit cordis substantia, & humores, eo quia in eis non est adhuc in igneam naturam immutatus calor, sed immutatur; ideoquè adest in corde inæqualis intemperies; spiritus verò iam incalluerunt, quia in eis, iam est calor immutatus in igneam naturam, non aliter in febre putrida cordis substantia, & spiritus incallescit, humores verò incalluerunt, quia iam illorum calor est in igneam naturam conversus, in febre tamen hæctica, incalluit iam in totum solida cordis substantia, etsi non re vera, apparenter, ac sensus iudicio, humores verò, & spiritus, non dum incalluerunt, sed incallescunt.

Hæc

Hæc tamen dilucidius exponit Gal. tribus exemplis, quorum primum desumitur, ex æneo vase, quod lebetem appellamus, nam si quis aquam iam ferventem in lebetem frigidum iniiciat, ac ipsum in totum non impleat, tunc lebes ex aqua iniecta callescit, & pariter callescit aer, qui est in parte superiore vasis, ad quam accedit aqua fervens, & per hoc exemplum explicatur febris putrida, in qua incalluerunt humores, spiritus verò, & solida cordis pars incallescunt; secundum exemplum aliter est sumendum, nam si frigida aqua in lebetem intensè calidum iniiciatur, ex lebere callescit aqua, & aer quoque exemplo febris hecticæ naturam ostenditur, nam in ipsa, callescita est solida cordis substantia, & ab ea callesciunt spiritus, & humores.

Tertium, denique exemplum, desumendum est, ex foliis fabrorum ferrariorum: singe enim, inquit Gal. fabrillem folle trahere aerem admodum calidum, & deinde ab illo callescere, nondum tamen esse callesfactum; sed ut aptior reddatur similitudo, singe etiam intra follem contineri aquam, vel alium humorem, ita ut foramina folli, per quæ attrahit, & expellit aerem, taliter angusta sint, ut aeri sint pervia, & humori invia, hoc quidem, quod arti repugnat, à natura est factum; in corpore enim humano per cutis poros permeant aer, & spiritus, & manentibus intus humoribus: quò exemplo explicatur febris diaria; nam veluti aer calidus attractus callescit follem, & humorem contentum intra follem; ita in corpore spiritus callescit, humores, & membra solida callesciunt: quæ omnia tria exempla aptissime possunt in balneo explicari; in illo enim adsunt parietes, aqua, & aer; valet autem accidere, ut inra parietes calidos, effundatur aqua, & aer frigidus, quæ similitudo est febris hecticæ; vel existentibus parietibus frigidis, & aere, si tunc infundatur aqua calida, per quid explicatur febris humoralis; vel demum parietibus, & aqua frigidis, si infundatur aer calidus, quo tertio modo declaratur

febris diaria, parietes enim partibus solidis comparantur, aqua balnei humoribus, veluti aer spiritibus, quibus sic possit.

Sapientissimus Mercatus lib. 2. de differentiis febr. fol. 297. existimat, ut verum, quod humores, & spiritus neutiquam sunt febrium subiectum, sed illarum cause, & quod callidum innatum cordis, est subiectum febris, quia in omni febre callidum innatum mutatur in igneam naturam, primoque supponit ad maiorem intelligentiam, quod in substantia solida cordis, veluti in qualibet parte corporis, datur triplex substantia, solida scilicet, humida, & spiritiosa, ex quibus substantia callidi innati componitur, unde ortum ducit triplex differentia essentialis febrium a subiecto; quælibet enim ex his substantiis sufficit, ut sit febris subiectum, taliter ut unaquæque substantia, singulæ feбри correspondeat, veluti substantia spiritiosa feбри diariæ, humida feбри putridæ, & pars solidior feбри hæcticæ, ut subiectum deserviat.

Hic tamen opinandi modus, facile impugnatur concessa, adhuc tali diversitate partium in callido innato cordis; nam, vel est necessarium, ut detur febris, quod calor sit in facto, in una ex dictis substantiis, vel sufficit, quod sit in fieri; si debet esse in facto, quælibet febris esset hæctica, quia non est maior ratio, cur calor, qui est in facto esse, in substantia solida cordis, efficiat febrem hæcticam, quam in substantia spiritiosa, aut humoralis cordis; si vero dicatur sufficere, quod calor sit in fieri, manifestè sequeretur, omnes tres febrium differentias, scilicet, diariam, putridam, & hæticas esse semper complicatas, & numquam, unicam, & simplicem febrem, quod maximè veritati contrariatur. Sequella facile probatur, quia causa præternaturam callida, si a proximo cordi, omnes illius partes uniformiter, ac simul callefaceret, cum ipsius activitati, non repugnet, neque subiecti capacitati in recipiendo alterationem: ergo cum omnes partes equè callescant, omnes febres semper complicatæ adinvenientur.

Si

Si tamen Mercatus, & alij respondeant, inquit, Petrus Garcia quæst. 4. de febr. fol. 82. Quod licet omnes cordis substantiæ à qualibet causa præternaturam calida, simul callescant in fieri, cum hac tamen differentia, quod solum callescit in facto esse illa substantia cordis, quæ maiorem similitudinem, & sympathiam obtinet cum causa callescenti, sicque propter similitudinem particularem, spiritus intra corpus callescit præternaturam, potius quàm aliâ, spirituosam cordis substantiam, veluti humores, humidam callescenti.

Hic verò respondendi modus, maximè verè Philosophiæ opponitur, siquidem similitudo, quæ datur inter spiritus callescentes, & substantiam cordis spirituosam, non potest efficere, ut electivè solum callescat pars spirituosa, quin aliæ substantiæ, simul callesfactionem, sive alterationem recipiant; cum nec obstat ratione virtutis agentis, nec capacitatis in subiecto; minusquè ratione approximationis requisitæ; ac proinde veluti ab humoribus præternaturam callescentis, valebit callescere humida cordis substantia, multò melius ipsius spirituosa, ergo respondendi ratio, nullo modo est sustinenda.

Communitè tamen aliqui probant prædictam divisionem desumptam, non esse sufficientem, etiam si à Galeno, ut talis desumatur, quia cum febris participet naturam morbi, ac proinde lædar sensibilitèr actiones, requirit subiectum vivens, cum apud Philosophum, in his, qui non vivunt, non detur sanitas, neque morbus: ergo nec humores, nec spiritus, erunt subiectum febris; siquidem nec spiritus, nec humores, vivunt; quia nequè sunt corpus continuum, ut partes corporis viventes; & deinde, quia ordinantur ad nutritionem partium viventium, quod maximè repugnat parti cuilibet viventi, ut ordinetur ad nutritionem alterius; & deniquè cum nullam actionem vitalem exercent humores, nec spiritus, meritò ratio vitæ illis est deneganda: ergo cum humores, nec spiritus vivant, nutritionem erunt febris subiectum: ergo in sufficientèr divisit Gal.

febrem per materiam, in diariam, & putridam; siquidem, nec humores, minusque spiritus possunt esse materia, nec subiectum febris, sed potius erunt causa efficientes.

Cuius argutici Masarias, Ioannes Baptista Navarro, & alij asserunt, quod etsi spiritus, & humores non vivant; quia tamen prævent usum, ut actiones exerceantur; ideo calor præternaturalis, qui existat in illis, poterit lædere actiones viventis; hæc tamen non obstant, quia spiritus concurrunt ad actiones viventis, non solum per iuxta positionem localem, sed per aliquid productum ab ipsis, sicque actiones læduntur ab aliquo producto præternaturali, quia cor nullatenus laborat febre per formam repertam in alio à corde; alias in solo spiritu adesset febris, & non in corde.

Alij haud dubitant, huiusmodi divisionem rectè desumendam esse per materiam, quia quavis morbus intrinsecè est quid permanens, & factum, & in hoc differt à pæthematibus, quorū essentia consistit inferi; in febre verò putrida, & diaria, calor est factus in spiritibus, & humoribus; in partibus verò solidis est in fieri: ergo si ut detur morbus requiritur, ut sit affectus, vel res facta, ac in febre diaria calor est factus in spiritibus, sicut in putrida est in facto esse in humoribus, & in solidis partibus in fieri; meritò calor humorum febrem putridam constituet; quia tamen in partibus solidis est solum inferi, non obtinebit rationem febris hæticæ: ergo completè tradditur, hæc divisio per subiectum, siue materiam.

Ex dicendis manifestè colligendum venit, hos Authores, neutiquam consuluisse Gal. siquidem ipse lib. 1. de differentiis symptom. cap. 1. nobis exponit, quomodo dicatur morbus affectus, ut facile præsens opinio impugnetur, affectus enim non sumitur à Gal. pro re facta, & permanente taliter, ut sit independens à sua causa, quia in causis continentibus, dantur morbi ab ipsis causis dependentes in esse, fieri, & conservari, & tamen sunt verè morbi, & affectus; sed morbus, apud Gal.

dicatur affectus, siue res permanens, & facta, quia obtinet suam propriam essentiam, & constitutionem in termino fixo, & producto, & non actione, siue motu, veluti passioness; quare quando omnes asserunt, quod in febre diaria, & putrida, calor est factus in spiritibus, & humoribus, & in vivente est in fieri; tunc non dicitur in fieri, veluti pathema, & motus, sed quia dependet à causa: & licet talis calor dicatur in vivente fiens, quia dependens; verè tamèn, & realitèr est factus, quia est terminus per actionem physicam productus, appellatur tamèn in fieri, respectu caloris inhaerentis spiritibus, & humoribus, in quibus calor repertus est factus independentèr à causa alia distincta ab ipsis humoribus, ac spiritibus.

Quarè sit vera conclusio, huiusmodi divisionem partim esse sumendam per causas internas, & partim per materiam: quam sententiam amplectuntur Cyprianus de Maroja, Valles, Matamoros, Bravus, & alij, quam plurimi. Probatursque manifestè prima conclusionis pars; scilicèt, hanc divisionem partim dari per materiam, in qua solùm intelligitur febris hectica, quia cum morbus debeat inhæsiuè, & intrinsicè afficere partem viventem, propter rationem supra allatam; ideò membra tantum solida erunt subiectum ipsius febris: quia vita gaudent, quòd verò in secunda parte divisionis intelligatur, non propter materiam, sed per causas internas, quod est, per febrem diariam, & putridam, facile probatum remanet, cum dixi spiritus nec humores vivere; ac proindè, nec posse febrem in ipsis subiectari, cum in vita carentibus, sanitas, nec morbus ad inveniri possit, nisi efficientèr. Instabit tamèn aliquis, dicens, quòd ex hac sentiendi ratione, sequeretur omnem febrem gaudere ratione, & essentia febris hecticae, si in omni febre, illius subiectum est solida cordis substantia, & probatur. Quia ideò differunt inter se febris diaria, & putrida ab hectica, quia veluti in eis laborant spiritus, & humores; ita in hectica solida cordis substantia laborat: ergo si in diaria, & putrida, secun-

dum meam sententiam, substantia solida cordis, ut in hectica, nulla dabitur inter eas distinctio, ac proinde omnes febres vere dicerentur hecticae.

Cui instantia respondent aliqui, quod etsi in omni febre laboraret solida cordis substantia, non tamen omnes sunt hecticae, quia in hecticis solida cordis substantia, est callesfacta, ac verò in putridis, & diariis callescit; humores verò, & spiritus sunt callesfacti: hæc tamen respondendi ratio, non est sustinenda, quia in febre diaria, & putrida solida substantia cordis etiam est callesfacta; nam callida intemperies est in toto corpore, ac in solida cordis substantia: ergo iam dabitur aliquis gradus productus, siquid est morbus existens in corde, & affectus permanens, & factus: ergo in febre diaria, & putrida à tali calore in facto, erit callesfacta solida cordis substantia: ergo distinctio, non solvit veram doctrinam.

Nec si dicas, iam esse callesfactos humores, & spiritus, quia si hæc passio non inhæreat parti viventi, ut est corpus cordis, nondum merebitur nomen morbi; ac proinde nec febris, cum sit passio rei viventis: minusquæ si aliquis asserat, quod etiam, si in febre diaria, & putrida, sit callesfacta solida cordis substantia, tamen callescere deinde, per crebram, & assiduam intensiorem: sed omne hoc datur etiam in febribus hecticis, quia in hectica, quæ ad ultimam accedit hecticarum specie, intensiorem calorem acquirit in fine, quam obtinebat in principio, nec medio: ergo dicendum est, quod etiam in hecticis febribus, quamvis solida substantia sit callesfacta, ulterius tamen callescit, cum calor denuò fiat intensior, donec ad ultimum igneæ naturæ accedit: ergo distinctio allata est nulla.

Quibus sic iactis, respondeo negando sequellam, & ad probationem assero, non sumi distinctionem inter diariam, putridam, & hecticam, quia in hectica laboraret solida cordis substantia, & in aliis solum spiritus, & humores, sed ratio principalissima, & distinctiva formalis, propter quam distinguantur inter se, sumitur à diversitate causarum, a quibus talis febris

de

dependet, eo quia in diaria dependentia sumitur ab spiritibus accensis, & in putrida dependet ab humoribus putrescentibus, in hectica tamen nullo modo datur talis dependentia: ergo cum sufficienter salvetur ratio distinctiva formalis per talem dependentiam, nulla alia erit amplectenda, quia per solam assignatam differt hectica ab aliis.

QVÆSTIO QVARTA.

UTRVM TERTIA FEBRIS DIVISIO in putridam, & alias dictas, sit adæquata.

COMMVNISSIMA, & apud Medicos principalissima nominatur divisio, in diariam, putridam, & hecticam, quæ maximè coincidere videtur cum ea, quæ ex Hyppoc. deducitur, in contentis scilicet, continentibus, & impetum facientibus, ita ut sit adæquata febris divisio, ut inquit Manardus 4. epistol. epistol. 4. Valles quinto controversiarum, cap. 23. Vega, Matamoros, Cyprianus de Maroja, Petrus Garcia, Navarro, & alij, quàmplurimi, ut manifestè, docet Gal. primo de differentiis febr. cap. 1. & 2. sicque latior erit divisio allata per materiam, vel per causam efficientem immediatam, in contentis, & impetum facientibus, quia non solum continet talis divisio tales substantias assignatas, scilicet humores, spiritus, & solida membra; nam sub nomine contentorum, non solum continentur humores, ex quorum putredine excitantur febres putridæ, sed etiam includuntur fulligines ex bubonibus elevatæ, & excrementa, quæ in intestinis, & ventriculo putrescunt, & membra, quæ putrida redduntur, & alia huiusmodi, quæ possunt suscitare febrem, cum istæ febres, non fiant ex spiritibus, nec

ex humoribus putrescentibus, aut partibus solidis, non valent appellari diariæ putridæ, vel hæticæ, dicuntur tamen febres in contentis, cum illarum causæ contineantur intra corporis cava, etsi hoc rigorosius, ita sit intelligendum: communiter tamen, ac doctrinæ gratia valemus, omnia febrium genera reducere ad vnam, ex tribus assignatis, putridā scilicet, diariam, vel hæticam, quia etiā si primò intuitu aliqua videatur febris, valdè ab assignatis distincta, reducenda tamen erit ad illarum aliquam, ut Gal. divisio adæquata, & perfecta sustineatur.

Obiicies tamen primò, quia febris sinocha sine putredine, fit ex sola efferuescentia sanguinis, & nullo modo spirituum: ergo talis febris, neque erit diaria, putrida, neque hætica, non hætica, quia partes solidæ non laborant, non putrida, quia est sine putredine, minus diaria, cum spiritus non efferuescat, sed solum sanguis: ergo dabitur alia febris differentia, ob quam, divisio non sit adæquata: faciliè, & manifestè solvitur instantia, si respondeam febrem sinocham sine putredine reduci ad diariā, quoad suam naturam, respectu causæ à qua dependet, non tamen diaria, quoad terminationem, sive constitutionem, quia diaria sua natura est illa, quæ obtinet calorē in facto dependentem ab spiritibus; & simul efferuescētia sanguinis, ut sinocha, & non finitur spatio tantum 24. horarum, veluti diaria, constitutione quæ obtinet solutionem terminatam per spatium dictum; sicque cum in sinocha non putrida, non solum spiritus sint calefacti, sed etiam sanguis ferbore sit correptus citra putriditatem: idè plus durat, quam illa, quæ est diaria constitutione.

Instabis secundò, nam in febribus, quæ excitantur ex putridine alicuius membri, ut pulmonis, quando phthisis fit, & ex ulceratur, aut ex putredine recrementorum in intestinis, missis vaporibus putridis ad cor: tunc talis febris non est hætica, quia calor non est factus, neque independens; minusque diaria, aut putrida, cum nullam obtineat dependentiam ab spiritibus, vel humoribus: ergo divisio assignata, non est adæquata.

Diluitur prædicta obiectio; respondēdo, quod quando substantia alicuius partis putrescit, ut est pulmo in pthisi, tunc calor est in facto in continentibus, sicque talis febris erit hectica, quia non semper est verum, quod ad rationem febris hecticae, calor sit in facto independentē à causa, quia calor febrilis semper est violentus, ac cū dependentia à causa peculiari, sicque diversitas harum febrium sumitur à causis, in quibus calor reperitur in facto esse.

Confirmationi de recrementis putrescentibus in intestinis. Respondeo, quod talis febris est reducenda ad diariam, cum sit citra putredinem humorum, cuius est ratio, quia in pulsu, & vrina, nullum signum putredinis invenitur, & deinde talis febris ortū ducit à causa manifesta, quæ omnia, & sunt necessaria, atque sufficiunt ad febrem diariam constituendam.

Obiicies tertio, quia Gal. lib. de differentiis febrium, cap. 5. asserit, quod ex bubone generatur febris, quæ quidem, nec est diaria, putrida, nec hectica: ergo divisio allata, non est adequata: probatur manifestè minor, non est diaria, quia calor non est factus in spiritibus, non putrida, quia quamvis humores, qui efficiunt bubones, putrescant, non tamen causant febrem putridam; quia vrina nullum signum cruditaris obtinet in principio, quod est signum proprium, & in separabile febrium putridarum, sed potius est cū omnibus signis coctionis, pulsusque nullam obtinet inæqualitatem, demum non est hectica: quia talis calor non est in partibus solidis: ergo constat divisionem, non esse adæquatam.

Cui respondeo concedendo maiorem, & negando minorem, & ut solvatur arguties, prius est perpendendum, quod febris valet ex bubone tripliciter oriri, primò per continui alterationem, reperto humore putrefacto, qui efficit bubonem; quin communicetur humoribus, nec spiritibus, secundò producendo calorem in facto in spiritibus, & tertio per productionem caloris in facto in humoribus, quæ ultimæ febres ratio.

tione spirituum, sunt diariæ, vel putridæ, difficultas tamen stat de febre causata ab humore existente intra locum inflammatum: Cui satisfatio dicendo, quod cum calor præternaturam accedit ad cor per continui alterationem, ita ut non accendatur per fuligines elevatas ab humore putrefacto, sed manentibus in eodem loco conclusis, talis febris, rigorosius sumpta, est diaria, etsi calor præternaturam adsit in contentis; cuius est ratio, quia nullum datur signum febris putridæ, nec in pulsu, neque vrina; cum nulla putredo appareat, & deinde cum oriatur à causa externa, rectè dicenda erit febris diaria.

QVÆSTIO QVINTA.

AN FEBRIS RECTE DISECETVR in morbum, & symptoma.

PRæter iam traditas divisiones febrium, Authores subdividunt, in febrem morbum, & febrem accidens, ut exponit Gal. 4. aphor. commen. 73. & 1. de arte curativa ad Glauconem, ubi subdividit febrem, dicens: *Nonnullæ febres ex humoribus accenduntur; non nullæ ex inflammationibus, & quæ ex inflammationibus fiunt, sunt veluti quædam accidentia partium laborantium*: quàm divisionem admittunt Eustachius, Rudius lib. 3. cap. 7. Mercurialis 5. suæ practicæ, cap. 2. Valles 5. controversiarum, cap. 23. Matamoros 1. de differentiis febrium, tract. 2. disp. 8. etsi per celebres prædicti Authores, hanc sententiam amplectantur, subdivisione tamen intellecta, non erunt contemnendi.

Quare, etsi vera appareat prædicta sententia, in rigore tamen dicendum est, nullam febrem posse obtinere rationem accidentis, sive symptomatis, sicque nulla erit divisio in febrem

brem, & symphoma; hanc conclusionem, tenent Altomar lib. de febr. part. 1. cap. 10. Mercatus tom. 2. lib. 2. de differentiis febr. fol. 292. Sennerto tom. 2. fuorum operum lib. 1. de febr. cap. 4. de differentiis febr. fol. 544. Mafarias lib. 5. de febr. cap. 1. fol. 321. & probatur autoritate Gal qui lib. de differentiis morborum cap. 7. inquit in hunc modum: *Nam subindè morbus ex morbo nascitur.* Ergo etiam si febris aliquem morbum sequatur, verè erit morbus, & nō symphoma, siuè accidens, & licèt Gal. lib. 1. de arte curativa ad Glauc. cap. 3. asserat, quod febris, quæ sequitur inflammationem, sit veluti symphoma; nam ex eodem patet in rigore, nō esse symphoma, sed veluti symphoma, ita vt sēper sit morbus, vocatur tamē à Gal. veluti symphoma, quia sicut symphomata sequūtur morbū, sic febris sequitur inflammationem, & sicut ablatis morbis, auferuntur symphomata (quamvis nō omnia) sic ablata inflammatione aufertur febris, quæ sequebatur eam, vt in pleuritide, siue peripneumonia: ergo licèt ob hanc similitudinem dicatur febris veluti symphoma, in rigore tamen semper est morbus, licèt in propriè symphoma.

Probatur deindè, quia si febris sequens morbum, vt inflammationem, esset symphoma, sine dubiò reduceretur ad aliquod ex tribus membris, quæ Gal. assignat libro de differentiis symphom. cap. 2. scilicèt, vel ad actionem læssam, vel ad affectum corporis, vel ad ea, quæ vtraque consequuntur; atqui ad nullum istorum potest reduci: ergo febris non erit symphoma. Probatur, primò non ad actionem læssam, quia intemperies nullatenus est actio læssa, sed ad illam sequitur actio læssa; non ad qualitatem mutatam, quia symphomata in qualitate mutata, solum intelliguntur qualitates secundæ, vt rectè annumerantur à Gal. lib. de differentiis symphom. cap. 5. ergo non intelligetur pro qualitatibus primis; quia qualitates primæ, constituent morbum; ac proindè, cum febris sit qualitas prima, non erit symphoma sumptum pro qualitate mutata; minusque

quæ reduceretur ad ea, quæ ad utraque consequuntur, quia ista consistunt in contentis, & excretis præternaturam, sive in retentis, febris verò in esse febris, cum consistat in intemperie callida existente in corde, & non in excretis, sive retentis, etsi quoad causam, ut accidit in febre putrida dependeat ab humoribus putrefactis præternaturam retentis, idèò meritò dicendum erit, non esse symphoma pertinens ad ea, quæ utraque consequuntur: ergo ex sufficienti enumeratione sympt. sequitur nullam febrem esse symphoma.

Probatur 2. ex Avicenna Fen. 1. lib. 4. tract. 1. cap. 1. ubi inquit, quod febris, quæ sequitur ad apostema, non sequitur immediate ad illud, sed potius ad putredinem humoris existentis in illo, atqui febres ex putredine humorum oritur, sunt verè morbi, & non morbi accidentia: ergo omnis febris nata ex apostemate, sive inflammatione est solum febris morbus; præterea, quia ex Gal 2. de arte curativa ad Glauco. cap. 4. sic ait, *atque ex humorum putredine febres accenduntur, ab hoc ipso nominantur febres, & non sunt accidentia morborum, sed ipsi morbi*: ergo non erunt symphomata apud ipsum Galenum.

Probatur 3. quia quælibet febris, quomodocumque sumatur, obtinet omnia necessaria, ut sit morbus: ergo etsi sequatur, ad inflammationem, sive alium morbum, necessariò, & semper erit morbus. Antecedens est manifestum, nam quomodocumque sumatur, febris est lapsus à naturali constitutione: ergo affectus præternaturam lædens sensibiliter, & primò actiones: ergo erit morbus: ergo quàmvis sequatur alium morbum, non erit symphoma: Consequentia probatur, quia plurimi morbi in sequuntur ad alios morbos, quibus non obstantibus, semper sunt morbi, nulloquæ modo symphoma: ergo non aliter, etsi febris sequatur inflammationem, semper erit morbus, ex alio morbo nascens: Antecedens probatur, ex morbo in connexu, & in situ, qui sequuntur ad morbum in solutione continui, atqui isti morbi, quàmvis alium sequantur, ut est solutio continui, non sunt

sunt symphoma, quia verè lædunt actiones: ergo ita paritèr dicendum est de febre sequente alium morbum, vt inflammationem.

Confirmatur, ex Galeno Aphorismo citato, nam inter febres morbos, constituit febrem typhicam: atqui omnis febris typhica est illa, quæ dependet ab inflammatione in partibus profundioribus corporis: ergo cum talis febris, apud Gal. non sit accidens, sed morbus, merito dicitur, quod etiam si febris ad inflammationem sequatur, verè, & rigorosè erit morbus, nõ que obtinebit naturam symphomatis.

Sed obiicies 1. quia vna, & eadem entitas Physica, secundum diversos respectus, potest participare rationem effectus, respectu suæ causæ, à qua fuit producta, & potest habere rationem causæ, respectu illius, quod ipsa valet producere: ergo non alitèr febris poterit secundum diversos respectus, participare rationem morbi, quia lædit primò actiones, & paritèr rationem symphomatis, quia sequitur morbum, sicut alia symphomata. Cui respondeo, concedendo antecedens, & negando consequentiam, cuius est ratio disparitatis, quia sub ipsa, & indivisibili formalitate, qua dicitur febrem esse symphoma, quoniam scilicet sequitur inflammationem, sub eadem etiam dicitur morbus, quia lædit operationes, cum sit intemperies partis, non tamen sub eadem formalitate, qua vna entitas Physica habet rationem causæ, participat etiam rationem effectus, imò inter se valde formalitates distinguuntur: ergo nulla est paritas, cum in causa, & effectu, vna formalitas necessariò aliã excludat, quod nullatenus reperitur in febre orta ab inflammatione.

Obiicies 2. nam symphoma est accidens sequens morbum, ita vt morbo ablato, nullam postulet curationem: atqui febres quædam reperiuntur, quæ ita sequuntur morbum, vt statim ac aufertur morbus à quo dependent, paritèr etiam auferantur, & nullam exigant curationem: ergo tales febres erunt symphomaticæ. Minor probatur, nam febres, quæ sequuntur ad

inflammationem pleuræ, pulmonis, vel alterius partis internæ; ita sequuntur inflammationē, ut illa ablata, auferatur febris, (nisi ex alia parte reperiatur apparatus morbosus:) ergo in tali casu dum non datur talis apparatus, sed solum existit inflammatio, causans febrem, talis febris obtinebit veram rationem symptomatis, & precipue si inflammatio producit febrem per solam continui alterationem.

Cui responleo, quod etiam si symptoma non indicet sui ablationem, non tamen omnes; quia hoc non est ad constituendum precipue essentiam symptomatis, ut patet in icterico, in quo adhuc ablata obstructione, & etiam si ablata esset intemperies, remaneret color depravatus, quia est qualitas secunda permanens, & neutiquam est in fieri, ut actio læssa, quæ sola sequitur morbum ut umbra corpus opacum; & tamen illo in casu esset color depravatus verè symptoma: ergo quia essentia symptomatis, non sumitur ex eo, quod ita sequatur morbum ut illo ablato, auferatur symptoma, sed quod illo posito ponatur, & quod minimè lædat actiones; quia tamen febris, quæ nvis ex vnica parte sequatur morbum, nempe inflammationem, ex alia tamen parte lædit sensibiliter, & primò actiones; sicquè potius erit morbus quàm symptoma, licet alium morbum sequatur.

Obiicies 3. quia maximè convenit ut recta exerceatur curatio, quod febris aliquando sumatur ut morbus, & aliquando ut accidens: ergo rectè dividitur febris in morbum, & accidens. Antecedens ostenditur, nam ex consideratione, an febris sit morbus, vel accidens, cognoscet Medicus quando sint adhibenda remedia ad auferendam febrem, & quando non. rationaliter, ut si ratione febris symptomatice, quæ sequitur inflammationem, exhibeat Medicus remedia refrigerantia sumpta indicatione à febre, potius nocebit inflammationi quàm auxiliabitur; quia si inflammatio adsit impleura, materia contenta in parte inflamata densabitur per remedia frigida, & reddetur

inepta ad expulsionem, qua detenta sine dubio sequetur mors; atqui hoc non accideret si febris esset solum morbus, & non accidens: ergo divisio ista, febris in morbum, & accidens, maximè necessaria erit ad curationem: ergo concedenda.

Cui respondeo argutici, concedendo, esse valdè vtile discernere in regulari curatione causam, à qua immediate febris nascitur, vt primò, causæ remedia aplicentur secundum indicationem à parte desumptam, & secundum debitam curationem: Siquidem vnāquamquē causam prius abscindere oportet; tamen ex hoc non colligitur febrem, quæ sequitur inflammationem esse symphoma, quia etsi sit morbus nascitur ab alio, absque nulla implicantiā, & licet vt est morbus callidus, exigat remedia frigida; habita ratione ad causam à qua sumitur indicatio, prior in executione, non sunt applicanda, quia talis causa est inflamatio, quæ gerit vicem morbi prioris, à quo febris morbus, dependet, & cum talis febris non careat læsione, non obtinebit rationem symphomatis, etsi latè loquendo, valeat febris, veluti symphoma appellari: ac proindè talis divisio, non erit rigorosa.

Dividitur etiam febris, in simplicem, & compositam: de simplicibus egit Galen. 2. de differentiis febrium, capit. 2. de compositis verò, eodem libro, capit. 7. sicque febris simplex, est quæ ab vna simplici causa ortum ducit, vt tertiana, quartana, febris ardens, ac similes, quæ ab vno tantum humore oriuntur, & nulli alteri morbo complicantur. Composita verò febris, est quæ à composita provenit causa, sive alteri feбри adiungitur, vt duplex tertiana, quæ ab humore pituitoso, & bilioso ortū ducit, vel alteri feбри adiungitur; vt si quis labores febre tertiana, & quotidiana, sive quartana; quæ distinctio febrium, maximè ad curationem cōducit, nam morbi simplices, simplicem exigunt curationem, veluti compositi, compositam, vt scripsit Gal. 1. de arte curativa ad Glauc. cap. 13.

Præterea dividitur febris in continuam, & intermittentem; quæ divisio vtilissima est curationi, & ad prognosim veram de febribus firmandam; vt patet ex Hyppoc. quocumque modo intermiserit febris, periculo vacat: continuæ verò difficilem admittunt curationem; deniquè, tam continuæ, quàm intermittentes febres, in alias, atquè alias subdividuntur, aliæ enim illarum sunt breves, aliæ longæ, & sine periculo, ex quibus aliæ nocturnæ, aliæ diurnæ, aliæ salutare, & aliæ minimè, quæ omnia maximè perpendere expedit; vt perfecta illarum curatio, & prognos

possit fieri. Et hæc sufficiant de hoc
2. libro de differentiis
febrium.

*



LIBER TERTIVS

DE FEBRIVM

CAVSIS IN

COMMVNI.



VM iàm Galenus generales febris divisiones adduxisset, nũc de causis febrium incommuni sermonem incipit; sed vt clariùs percipiantur omnia genera causarum febrium, priùs supponendum venit, ex Aristotele secundò physicorum, cap. 3. quòd quatuor sũnt genera causarum, vt est materialis, formalis, efficiens, & finalis, de quibus breviter inquirendum est: an in febre reperiantur hæc quatuor genera causarum, & quamvis hæc quæstio valdè exagitetur, libro de causis morborum, breviter tamèn in præsentij dubium dissolvam, vt exacta sit cognitio de causis febrium.

Quantum ad causam formalem pertinet, breviter est dicendum, febrem nullam causam formalem obtinere physicam, ex qua componatur, sed potiùs ipsa febris obtinet rationem causæ formalis inàm causa formalis est, vt patet ex Arist. quæ dat esse rei, per actuationem, & denominationem; sed febris denominat, & actuat in esse febris: ergo febris habet rationem formæ. Præterea, quia cum febris sit accidens, & omne accidens, sit quædam forma accidentalis denominans accidentaliter subiectum, ideo non potest componi, ex alia forma physica

sica, & reali, sed erit composita ex alia metaphysica, quæ consistit in differentia, quatenus febris componitur ex genere, & differentia, vt ex ipsius definitione constat.

Obtinet dein de febris, causam materiale, non ex qua fit, sed à qua sustentetur; nam cum febris sit accidens quoddam, intelligi nequit sine materia, quæ se habeat, vt subiectum illud sustentans, sicquæ dicimus materiam primam esse subiectum accidentium corporalium, veluti animam rationalem esse subiectum accidentium spiritualium: cum accidentia educantur de potentia materiæ, & in illa sustententur, materia tamèn prima, vel quantitas, prout subest forma viventis, non recipit febrem, aut alium morbum accidens, quia potentia passiva dirigatur ad illum recipiendum, cum sit præternaturam, & contra inclinationem; sicquæ non recipit per potentiam naturalem, sed solum obedientialem, & ob capacitatem quàm habet, siquidem est contra naturam viventis: Potentia tamèn obedientialis nullo modo inter se, & physice distinguuntur, cum in ipsa entitate fundentur.

Circa finalem febris causam, Vall. & cum eo plurimi existimant, causam finalem nullam dari, respectu alicuius morbi: præcipuumquæ fundamentum est, nam quæ habent suam essentiam in aliqua imperfectione, veluti morbus, non fiunt propter finem, quia natura, non intendit corruptionem, neque ullam sibi imperfectionem, & quoniam morbus est quædam imperfectio, & destructio viventis, idè per se non intenditur à natura, sed solum per accidens; vt exponitur primò libro de generatione, & corruptione. Hoc fundamentum, etsi verum sit respectu agentis naturalis, quod semper dum operatur, dirigatur in bonum, tamquam in verum finem, idèque non potest per se morbum producere; benè tamèn potest morbus obtinere rationem causæ finalis respectu agentis cognoscitivi, quia aliquandò Medicus excitando febrem, etsi sit quid malum, minori malo, aliud maius, curandum est; vt cum Me-

di,

dicus excitat febrem, vt curetur convulsio à repletionem facta, quia convulsio est maius malum, quàm febris, quæ excitatur: vt patet ex sententia 26. lib. 2. Aphorismorum, dùm inquit febrem convulsioni supervenire, melius est, quàm febrì convulsionem.

Superest iam sermo de causa februm efficiente, de qua Galen. lib. 1. de febribus, cap. 3. mentionem fecit, vbi cumque februm causas adduxit, quas antequam proponam supponendum venit, causam efficiètem, de qua Medici loquuntur, vnam esse internam, & aliam externam, ista vocatur etiam procatactica, prægressa, & manifesta, quia ab extrinseco proveniens, valet corpus alterare, quæ quidè, vel est per se, vel per accidens: causa verò efficiens interna febris, dicitur illa, quæ ex se generat morbum absquè eo quòd priùs alterationem inducat in aliquam causam internam, veluti efficiunt causæ procatactice. Deindè interna subdividitur in aliam, quæ antecedens vocatur, & aliam, quæ est coniuncta: causa interna, antecedens febris, dicitur illa, quæ habet aptitudinem ad febrem efficiendam, vt humores existentes in venis, qui per putredinem, sunt dispositi ad producendos circuitus, quàmvis actu non efficiant: causa verò coniuncta, vocatur illa, quæ immediatè producit morbum, vt humores, qui iam existunt in foco putredinis, & actu producant circuitus in febribus, ita vt sint causa immediatior febris.

Causa igitur efficiens febris, apud Galenum loco citato, quintuplex erit, scilicèt motus, putredo, vicinia rei calidæ, congestio, & permixtio substantiæ calidæ, quæ omnes causæ ad unam solum possunt reduci, videlicèt ad viciniã rei calidæ: quia tamèn diversa sumitur curandi indicatio ex diversitate causarum, idèò diversimodè annumerantur; ex quibus causis, quædam valent producere febrem perse, quædam per accidens; aliæ vt dixi, sunt internæ, aliæ externæ, & aliæ similè internæ, atquè externæ. An verò huiusmodi causæ sint pauciores, vel plu.

plures, relinquendum expedit, cum, ut dixi, possint ad vnam tantum reduci, & quia maiora, & utiliora nos pulsant.

Putredo equidem est causa interna per se, etiamsi rigorosius loquendo, potius res, quæ est putrida, ut humores putridi: obstructio verò, & prohibita ventilatio est causa peraccidens: vicinia rei calidæ, est causa externa per se, quia per se calorem producit, ut ignis, vel alia calida, quæ nobis approximated, & vicina calorem generant: constipatio deinde cutis, est causa externa peraccidens: causa verò, quæ simul potest esse externa, & interna est motus, nam si quis immoderate moveatur, propter nimium motum potest febricitare: & deinde iste motus provenit à causa interna, scilicet à vivente producente impulsus; si quæ ratione exercitij nascetur ab externa, & ratione viventis ab interna causa ortum ducet: permixtio pariter substantiæ calidæ, valet etiam esse causa interna, & externa.

Motus similiter est causa febris, cum communiter apud Philosophos sit effectrix causa caloris, ut docuit Aristoteles 5. sect. problem. 13. & 14. & 34. ac lib. 2. de cælo, cap. 7. ubi inquit, quod sagitta si sursum proiciatur, & in illius extremitate plumbum obtineat, tunc ita ignescit, ut ipsum plumbum liquefiat, quæ quidem liquatio necessario à calore accidit; idem suadet motus rotæ molendinæ, ubi efficitur farina, veluti etiam exercitium animalis, quo finito vivens calidius evadit: sicquæ motus verè dicendus venit causa caloris. Nequæ in presenti solùm intelligendus est motus corporis, sed etiam motus animi, ut sunt animi passionēs, in quibus sanguis, & spiritus moventur ad intra, ut patet in ira, quæ est effervescentia sanguinis iuxta cor, & in timore, atquæ merore, in quibus sanguis ad intra recluditur; in gaudio tamen, ac pudore, non accidit febris, quia etsi animi motus, potius est ad habitum corporis, & ad extra sanguinis effusio, quam ad præcordia.

Quomodo motus sit causa, an inducta prius raritate, & atque

renuatiōe, quæ prærequiritur antecedentèr ad calorem: an solum per accidens aplicando actiua passivis; (quod vt probabilius est substinendum) an sit causa per se efficiens, & equivocata; an per ablationem impedimentorum, media collisione, ita vt partes igneæ intro reclusæ, ad circumferentiam mixti exeant, alibi est disputandum, & consulendus erit doctissimus Cyprianus de Maroja lib. 3. de causis febrium, fol. 27. quod igitur motus corporis inmodicus, (non tamen extremus, quia iste media raritate, per solutionem, potiùs intemperiem frigidam inducit) producat febrem, patet in lassitudine non spontanea, quæ provenit à valida corporis exercitatione, in qua muscoli, ligamenta, tendines, & spiritus, propter attritionem ossiam in articulis, & collisionem, præternaturam calefiunt, qui calor si vterius communicetur, ita vt in corde accendatur necessariò febrem inducit.

Quod autem putredo, aut substantia putrida febrem inducat, manifestum est, siquidem ortum ducit à calore extraneo; & inmodico tamquam à causa efficiente, & ab humiditate, tamquam à causa materiali, vt inquit Aristoteles 4. metheororum, cap. 1. & 2. vbi proponit definitionem veræ putredinis; eamque explicant Valles, & Ludovicus Mercatus super illum Aristot. locum, scilicet, quod putredo sit interitus proprii, ac naturalis caloris, in quovis humido, ab alieno calore proveniens; & Gal. 11. methodi, cap. 8. asseruit, quod putredo est immutatio totiùs substantiæ corporis putrescentis, ad corruptionem à calore extraneo: quæ definitiones solum differunt in eo, quod Aristoteles non definivit putredinem, quæ est in via, & motu, siue causalitate, sed illam, quæ est absoluta, & ad terminum completum accessit; Gal. verò definivit putredinem illam, quæ solum est in via, & in actione immutativa, & non terminum talis putrefactionis.

Sic secūdū has cōditiones differūt Aristoteles, & Gal. etiāsi maximè inter se assentiant, ratione causæ efficientis, & mate-

realis putredinis; sicquè rectè deducitur putredinem, caloris, & aliquandò febris esse causam, vt asserit Galenus, libro de causis morborum, cap. 2. in Columbarum agrestium excrementis, ex illorum putrefactione, ignem fuisse accensum: experimur etiam quotidie in humoribus, qui ex putredine incalescunt, & febrem succendunt; nam quàmvis ex vi putredinis deperditur calor naturalis, & proprius, quatenus exalatur substantia callida, quæ putrescit, ista tamen participat calorem extraneum, & putredinalem, ratione cuius febrem excitat.

Dicet tamen aliquis, si putredo est causa caloris: ergo quò res magis putrescit, eo calidior reddetur; atqui contrarium, experientia constat: ergo res putrida, ratione putredinis, non producit calorem. Minor probatur exemplo acetii, quod media putredine generatur ex vino, & frigidum evadit, cui dubiò. Respondent plurimi, concedendo suppositum, quia per putredinem, calor innatus corrumpitur: sicquè si multum adaugetur putredo, omnimodè calidum innatum deficit, ac subiectum frigidum evadit: etsi hoc veritatem obtineat, melius tamèn dicendum venit, quòd quotiescumquè aliqua coquantur, aut putrescunt callidiora redduntur, quãdò eadem forma substantialis permanet, & subsistit: si verò talis forma antecedens substantialis, corrumpitur, valet tunc subiectum acquirere formam, cui debeatur necessariò, frigiditas excedens, vt in exemplo allato patet; siquidèm corrupta completè forma substantiali vini, deperditur paritèr omnis dispositio prævia, & conservativa subsequens talis formæ, & advenit denuò alia, quæ prærequiritur, ad novam formam generitam per talem in gentem putredinem; sic in nostro casu cum remanet adhuc humoris forma, per putredinem in humore introductam intenditur illius calor; cum verò ita adaugetur, putredo, vt forma antecedens humoris corrumpatur, valebit per in gentem putredinem, ita remitti innatus calor, vt ipso di-

sipto, & resolutio, potius ad intemperiem frigidam, quam calidam, corpus reducatur.

Nunc iam est videndum, quomodo constipatio, siue obstructio, possit febrem producere; pro cuius intelligentia oportet supponere, ex Gal. 1. de differentiis febrium, cap. 3. quod nostra corpora dupliciter difflantur, atque attemperantur; primo effusis ad exteriora vaporosis, atque fuliginosis excrementis, per poros, atque meatus cutis: Secundo media attractione substantiæ aëreæ per illos, nam ad istos usus, fabrefecit natura omnem cutim plenam foraminibus, quo supposito; si accerserit aliqua causa densans cutim, & meatus angustiores reddens, tunc vapores calidi intra detinentur, à quibus humores, & spiritus accenduntur, & cum ex altera parte propter hoc impedimentum ventilatio deficiat, necessario corpus incalescit, & aliquando in febrem incidit; ob quam causam corpora exterius refrigerata febrem diariam patiuntur, quoniam frigiditas cutim densat, meatusque constringit: si tamèn in humoribus morbosa dispositio, vel apparatus morbosus adsit, ex diaria putrida generatur, vel putrida, à principio constitutionem suscipit.

Ex diversa tamèn corporis dispositione, diversæ dantur febres in constipatione, & aliquando non nascitur febris, quia si datur constipatio cutis, citra obstructionem meatuum internorum, & non detur morbosus apparatus, illo in casu ex retentione fuliginum calidarum, solum excitabitur febris diaria: si verò per constipationem, humores acres, mordaces, atque calidi reperiuntur, ut accidit in hominibus cacochimia correptis, & his, qui pravis alimentis utuntur, ac meatibus internis obstructis, tunc febris putrida excitabitur: & si citra constipationem cutis, & meatuum internorum, corpus abundet prædictis humoribus, tunc sanitate fruatur, lubrica tamèn & debili: Quando verò, quod difflatur per cutim, vaporosum & benignum est, ut evenit hominibus sanguineis, tunc ex constipatio-

ne cutis inducitur plectora, sive humorum redundantia, corpusque redditur plenum citra febrem, etsi periculosum, veluti athletarum corpora: vt ait Hyppoc. 1. Aphorism. sententia 3. *habitus athletarum, qui ad summum bonitatis attingunt periculosi.* &c.

Quamvis communiter apud Medicos, vicinia rei calldæ, caloris sit causa, potius tamèn res callida approximata; erit causa per se caloris; quia approximatio se habet, vt conditio necessaria, vt agens callidum alterationem in passio producat; quòd Galenus manifestat 1. de differentiis febrium, cap. 3. exemplo Solis nos callescentis, quæ callida intemperies appellatur Typhoides, sicut, quæ ab igne procedit Pyratoides. Ultima febris causa est substantiæ callidæ permixtio, quæ pariter etiàm causa peraccidens dicetur, quia quæ per se calorem producit, solum est ipsa substantia callida permixta, sub qua intelligenda sunt alimenta callida, potiones callidæ, ac medicamenta callidæ.

Neque impedit, quominus alimenta callida valeant calorem producere in nostris corporibus, quia differant à medicamentis, in eo quod sunt victa à nostro calore nativo, ac nostram substantiam adaugent, quod non invenitur in medicamentis, siquidem ista, virtute sua alterativa, potius operantur actione immutativa, quàm patiantur, victa à calore; sicquè veluti videtur ineptitudo, quòd alimenta callida, cum victa sint, possint corpora immodicè callescere, his non obstantibus, non implicat, quod ex alimentis callidis, etiàm si dictis, possit corpus callescere, cum sanguis aliquandò producatur calldior ratione alimenti callidi, quàm illæ, qui fit ex alimento frigido, vt ex lactuca, endivia, melopepone, & aliis: quare propter consuetudinem immutabitur temperies, sive complexio nativa, & antecedens, & fiet secundum qualitatem callidam, quæ in alimentis elucescit. Præterea, quia cum in alimentis contineantur partes etherogeneæ callidæ, à quibus corpus valet callescere:

fieri:

fieri; præcipuè in alimentis medicamentosis, ideò non dabitur repugnantia, vt hæc virtus calefactiva, nostris corporibus alterationem communicet.

Ad prædictas vniversales causas, omnes, communiter Authores reducunt; de inedia tamèn difficile occurrit dubiũ, an sit alia causa caloris, aut ad quam ex his causis reduci debeat, nã quod inedia, siue alimenti defectus, calorem generet, est iuxta mentem Galeni 2. de ratione victus in morbis acutis, comment. 24. vbi inquit: *Corpus magis, tũ siccescit, tũ ignescit his qui consuetum relinquunt prandium.* Et ibi comment. 30. inquit, quod bilis in ipsis inediis amarior redditur, & 8. method. cap. 2. damnat inediam, quia vehementes febres, & alia incõmoda facit, quomodo tamèn id contingat ratione inediæ breviter examinandũ est: Circa quod Valles 4. cõtrovers. cap. 3. ait: quod in defectu alimentorum, calor naturalis convertitur ad excrementa biliosa, quæ propter ipsorum igneam, & siccam naturam, vltiorem calorem comparat: sicquè etiã corpus calefaciunt, ac febrem biliosam generant, qui calor febrilis à forma propria resultat, supposita dispositione antecedenti in dictis excrementis ad talem calorem: etsi fortè quis dicat, quare tempore inediæ calor naturalis convertitur ad excrementa, & non antea.

Respondent plurimi, qui Vallesij sententiam defendunt, quod ante inediam, siue defectum alimenti, impeditur actio caloris naturalis erga illa excrementa ab humiditate alimenti; at verò deficiente tali humiditate, convertitur talis calor ad excrementa, quia ipsius vis, ab ipsa siccitate acuitur: quorum fundamentum sumitur, ex verbis Aristot. sect. 24. problematum, dũ quærit. cur fundum vasorum, quæ aquam ferventissimam habent, non vrant, & intensissimè calefaciat, plerique enim solent deportare ipsa vasa sustinentes fundo, aqua verò exclusa, maximè dictum fundum vrit.

Cuius fundamenti, ratio stat in eo, quod actio caloris fundi impeditur ab humiditate aquæ; & ob istam causam metalla igni apposita non liquefiunt si adiungantur humiditati, quia calor in humido subiecto non est ita efficax in operando, veluti si adiungatur siccitati; sicque communiter dicitur, quod siccitas est lima caloris, quia calorem ipsum in suis actionibus acuit; quod humiditati denegatur.

Quare dicendum erit, tempore inedia excrementa magis incallescere deficiente alimento, quod quidem sua humiditate impendebat actionem caloris circa excrementa, simulque remittebat excrementorum siccitatem; at verò amissa semel humiditate, à propria forma excrementorum, necessario siccitas dimanat; sicut calefaciente semoto ab ipsa aqua calida, ista postea à propria forma reducitur ad frigiditatem naturalem.

Possita igitur in excrementis siccitate, quæ in biliosis est dispositio ad calorem, nihil mirum si in illis intensior calor ab ipsis producat, ita ut corpus univèrsum calefaciant, ac febrem excitent, non aliter vasorum fundum, si aquam non contineat maximè vrit, quia calor obtinet siccitatem sibi adiunctam, cuius actio non impeditur ab humiditate aquæ, quæ solet remittere actionem siccitatis; at verò præsentè humiditate, actio siccitatis ignis impeditur, ita ut metalla non possint liquari in aqua, quod fit, quia actio caloris ignis, indiget

actione siccitatis ipsius, ut ambò in metallis efficiant liquationem: & hæc de causis febrium in comuni.



QUESTIO

QVÆSTIO PRIMA.

AN FEBRIS HECTICA DEPENDeat à causa.

QVOD in præfenti quæstione inquiritur est, an calor in hectica febre, ita sit factus in partibus solidis, (sub quibus non solum intelliguntur partes spermaticæ, sed etiam omnes, quæ non sunt fluidæ, veluti sunt humores, & spiritus) ut nullatenus dependeat à partibus solidis, ab aliqua causa extra cor; ideò enim hectica febris vocatur habitualis, quia ita est fixa, atque firma, ut difficilè moveatur à subiecto, veluti habitus: Quæ dependentia, non inquiritur respectu causæ efficientis: certum enim est omnem febrem hecticam in esse, & fieri, siue efficièter, dependere à sua causa efficienti; siquidem nihil est extra causas sine dependentia à causa; sique quæstio procedit de ipsa dependentia, quæ sumitur à causa conservativa, an scilicet febris hectica obtineat causam conservantem, veluti febris putrida, ita ut nequeat curari, nisi tollatur ipsa causa à qua conservatur. Præterea, quia etsi febris hectica dependeat à causa materiali, ista non erit materia ex qua educatur, sed in qua subiectetur, siue inhæreat, cum illius calor sit accidens; & ideò debeat subiecto inhærere, sicut omnia alia accidentia, quæ naturalitèr non possunt existere, sine inhærentia in subiecto.

Quibus sic positis, vera, & probabilissima est opinio, quæ asserit, calorem febris hecticæ, obtinere causam conservantem, à qua necessario dependet, quæ sententia est Hyppoc. & Gal. & illam tenet Petrus Michaël de Heredia cap. 6. fol. 352. Lemosius, Pereira, & alij, quā plurimè ad cuius intelligentiam est

notandum, essentiam febris non constitui per calorem in fieri, sed in facto esse, & quod illum valeat causa producere, cum sit affectus permanens factus, & fiens.

Probatur igitur conclusio, ex Gal. qui 10. methodi, cap. 8. loquitur de fuliginibus adustis in hecticis, & valde notat nocuum, quod sequitur ex illarum detentione ab aëre frigido propter cutis densitatem; & pariter lib. 2. aphorismorum, comment. 17. loquens Galenus de sanguine, inquit hac ratione, in eo enim, in quo magna reperitur corruptio, non reddit amplius ad habitum naturalem; si verò pauca fiat, ad suam naturam restituitur: ergo si humores corrupti, non possunt reddere ad pristinum statum, quia iam habent calorem in habitu, & in facto esse, & talis novus status, sive mala dispositio conservatur à forma de novo introducta, siquidem partes crassiores humorum solum in sedimentum, ac substantiam purulentam possunt permolari, veluti tenues in fuligines: ergo pari passu, concludendum est, ex sententia Galeni de impotentia, sive impossibilitate cordis, circa reductionem caloris ad pristinum statum in febre hectica.

Deinde probatur prædicta conclusio, quia febris hectica, est qualitas disproportionata, indebita, & disconveniens partibus solidis: ergo in dictis partibus, non poterit existere absque causa conservante. Antecedens est certum, siquidem talis calor est morbus. Consequentia probatur, quia ideò calor productus in aqua, non potest diu permanere in ea, absque causa conservante, quia talis calor est disconveniens, & contra naturam formæ substantialis aquæ, siquidem disponit ad illius corruptionem; atqui calor febris hecticæ est qualitas disconveniens partibus solidis, & propriam naturam viventis corrumpit: ergo veluti calor in aqua non potest existere sine causa conservante, ita nequè calor hecticæ, in partibus solidis sine sua causa conservante; alias daretur in vivente aliqua dispositio violenta, & præternaturam, sine causa conservante, quod

quòd est falsum, quia quamvis via corruptionis, aliquando sine causa conservante, detur aliqua prava dispositio, tamèn deficiente illa causa, statim vivens reduceretur ad pristinum statum, & naturalem; sicut aqua ablato calefaciente, statim ad nativam, & pristinam frigiditatem revertitur; atqui est falsum, quòd in febre hectica reducatur cor, statim ad naturalem statum, cum sit fixa stabilis, & permanens: (quia habitualis) ergo quia datur causa conservans illum malum statum, sive pravam dispositionem.

Aliqui tamen Authores, huiusmodi rationem, etsi efficacissimam, detruncare contendunt; sicquè vt ipsam solvant, advertendum asserunt, quòd partes nostri corporis dupliciter possunt alterari: primò quando aliqua exprimis qualitatibus immutatur, sive intenditur, ex cuius mutatione, ac intensione aufertur proportio, & symetria primarum qualitatum; secundò verò modo, quando non solum ista proportio, sed etiàm modus substantiæ, atquè mixtionis, ipsarum partium destruitur per corruptionem, & in ipsis producitur alius novus modus mixtionis: ex his modis alterationis, sive immutationis, primus invenitur in partibus, quando solum laborant intemperie inæquali, & fiente: secundus verò modus est quando intemperies est facta, & æqualis: quare quando partes primò modo solum alterantur, licèt ingentem patiantur intemperiem, tamèn facultates, & actiones, non sunt multum languidæ, ac defessæ; quando verò secundò modo alterantur, tunc debilitas, & languor, sive iactura facultatum, est essentialis, & maxima.

Quo stabilito, respondent nostræ rationi; quòd quamvis calor febris hecticæ productus in partibus viventibus, sit indebitus, & disconveniens animæ, nihilminùs manet in ipsis partibus in esse permanenti, fixo, & quieto, sine aliqua causa conservante, quia in febre hectica, illæ calor non producitur à causa, quæ solum alteret partes viventis, secundum qualita-

tes, sed etiã secundum quandam vñtionem, sive putredinem partium, à quibus alterationibus, sive immutationibus, modus mixtionis, & substantiæ illarum destituitur, sive immutatur, & alius de novo producitur, à quo illæ calor febrilis valet dimanare, sicquẽ sit in ipsis partibus habitualis, quasi esset naturalis; ob quam causam anima, quæ dictas partes informat, non reducit illas ad pristinam frigiditatem nativam, nec calorem febrilem corrumpit; in aqua tamẽ (inquiunt huiusmodi Authores) discrimen maximum reperitur, quia cum aqua sit corpus simplex, idẽ in ea non potest produci modus mixtionis, à quo calor valeat dimanare: quare calor in aqua non valet esse habitualis, nequẽ obtinere permanentiam absque causa efficiente, & conservante.

Sed contra, quia ad rationem febris hecticæ, præcisẽ non requiritur, vt immutetur; sive corrumpatur modus substantiæ, vel mixtionis in partibus, sed sufficit sola alteratio caloris in facto, ad constituendam febrem hecticam: ergo diversus modus substantiæ, vel mixtionis, nullatenus requiritur ad eius constitutionem; nam nulla datur implicancia, vt adsit intemperies, absque eo quod substantia partium, sive mixtum corrumpatur: ergo, &c. Præterea impugnatur responsio, quia vel talis modus substantiæ, sive mixtionis est disconveniens, & violentus, vel non? Cuius pars affirmativa est tenenda, cum sit contra naturam partis in esse viventis: ergo cum non solum calor febrilis, sed etiã talis modus mixtionis sit violentus animæ informanti has partes, indigebit paritẽr causa conservante, veluti dicitur de calore febrili, qui cum violentus sit, causam conservantem requirit.

Doctissimus verò Cyprianus de Maroja, alitẽr rationi nostræ respondet: Scilicet, quod si absumantur semel partes frigidae cordis à causa callida extrinseca, tunc partes callidæ illius, non impediuntur ad producendum intensum calorem, sicquẽ ipsum producant, à quo retento in ipsis, febris hectica cõ-

ser:

servatur intrinsicè, quia non existunt partes frigidae, vt ab illarum frigiditate attemperetur ille calor, qui postea per continui alterationem vniverſo corpori communicatur, & quia indebitus, & improporcionatus rationem febris obtinet, ob quam rationem curatio regularis fit, dum reponuntur, & instaurantur partes frigidae cordis, quae fuerunt absumptae, ad quarum instaurationem praescribuntur remedia, quae non solum qualitativè, sed etià substantificè immutant, vt adquiratur de novo praeter qualitatem frigidam, & humidam, substantia, quae his qualitatibus constet.

Impugnatur tamèn huiusmodi responsio: Primò, quia ex responsione sequitur, in febre hectica simpliciter dicta, partes frigidas absumi, quod est falsum; quia licèt detur in illa remissio frigiditatis debitae, non tamèn datur destructio partium; nam absumptio humiditatum naturalium, solum reperitur in febre hectica marasmo coniuncta, secundum varias species; sicquè febre hectica simpliciter dicta, non est necessaria absumptio partium frigidarum: & licèt in febre hectica praescribamur remedia qualitativè, & substantificè humectantia, talis remediorum exhibitio potius sit praecautiois gratia, ne detur transitus in diversas species febris hecticae marasmodi, quam ratione curationis praesentis. Impugnatur praeterea, quia admissa responsione, semper ille calor introductus est disconveniens: ergo etsi remitteretur frigiditas, natura debet illum calorem expellere vt potè contrarium, & violentum; sicut in aqua etià si frigiditas remittatur per calfactionem ab igne, semoto tamèn ipso, se reducit ad pristinam frigiditatem, quare argumentum praecedens semper virget.

Valeat similiter praesens conclusio probari, exemplo metallorum, in quibus etsi fiat vehemens mutatio, & alteratio in primis, & secundis qualitatibus, ac modo substantiae, vt patet in ipsorum (quàmquàm sint durissima) liquatione, & mollicie, & quàmvis indivisa, & valde unita, facili solutione, & divisione,

media immutatione, & alteratione, quàm ab igne suscipiunt, ita ut quæ ex propria sua natura sunt frigida, vehementer refrigerare videantur; quibus nihil obstantibus, ablato calefaciente, extrinseco à propria forma ipsorum: omnia in commoda corriguntur, ac ad pristinum, debitum, & naturalem statum reducuntur: ergo ita pariter si calor febris hecticæ, etsi sit violentus, & præternaturam, manet fixus, stabilis, & sit habitualis, ablatiis causis antecedentibus, quas solet sequi, (sive sit febris diaria, aut aliqua viscerum inflammatio) hoc erit præcipue, quia reperitur causa coniuncta, nempe fuligines vstæ, quæ calorẽ in facto valent producere, & conservare, sicut quæ sunt putridæ producunt febrem putridam, ac illam conservant.

Confirmatur deinde nostra assertio, quia omnis morbus est contra naturam, & à principio extrinseco, secundum Gal. doctrinam; ergo si febris hectica non dependet ab aliqua causa extra cor, non erit præternaturam, sive morbus, quod est ridiculum: ergo cum sit morbus, ut omnes fatentur, necessario dependebit à principio extrinseco; aliàs vivens conservaretur dispositione contranaturali, & violenta; cum potius conservetur dispositione illa, quæ perficit actiones; non verò illa, quæ lædit, atque vitiat.

Ultimò præsens stabilitur conclusio, quia si febris hecticæ calor esset independens ab aliqua causa, sequeretur febrem putridam, aut diariam, nõ posse complicari cum hectica: quod est contra veram doctrinam Galeni 1. de febribus, cap. 1. ut in antecedentibus probatum remanet. Probatur sequella, nam si febris hectica habet iam calorem factum, & independentem, & putrida, & diaria fientem, ac dependentem; ergo idem calor erit factus, independens, ac fiens, & dependens; hoc est impossibile, quia contradictionem manifestam arguit: ergo etiam implicabit febris hectica, complicata cum diarias ac proinde, si complicantur inter se, maxime, quia in utraque febre, calor est à causa dependens.

Con-

Contraria tamen sententia plurium, asserit calorem febrilem hectici, ita esse factum in parte solida, ut à nulla causa dependeat in conservari: quam sententiam amplectuntur, Aetius tetrabelo 2. sermone 1. cap. 29. Mercatus tom. 2. lib. 5. de febr. hecticarum essentia: Petrus Garcia libro de febribus fol. 19. Matamoros lib. 3. tract. 2. quæst. 1. fol. 277. Cyprianus de Maroja lib. 4. de curatione febrium, folio 120: ac ferè omnes.

Quibus, obiicies 1. autoritate Galeni, qui lib. de inæquali inremperie, cap. 6. inquit, febres hecticas esse sine dolore, & quod calor est æqualis, ita ut non detur particula, quæ agat, & alia, quæ patiatur, sed omnes simili intemperie laborant; ita ut qui hac febre laborat, putet se febre carere: ergo cum intemperies sit æqualis, non dependebit à causa in conserva-

Huic Galeni authoritati libro de inæquali intemperie, cap. 6. respondeo; quod etsi admittatur autoritas, tamèn illa æqualitas proportionalis, nõ servatur, & permanet propter independentiam caloris, sed propter dispositionem partium; neque talis æqualitas est exquisita, etsi sensus iudicio appareat: & licet hectici non sentiant se febricitare, ex hoc non colligitur independentia caloris à causa; cum experientia constet, multos laborantes febre, dependente à causa, non sentire se febricitare; ut patet in febribus diariis.

Obiicies deindè ratione, quia si febris hectica dependeret à causa, duplex esset indicatio pro ipsius curatione, una quæ sumeretur ab illius causa, & alia à febre; sed nulla est indicatio in hectica febre, quæ sumatur ab eius causa: ergo quia non dependet ab illa. Probat minor, inam in curatione febris hecticæ communiter, apud praticos est receptum, nullatenus iuvare sanguinis missionem, nequè purgationem, sed solum ex Gal. constat 2. methodi: solum remediis alterantibus frigidis, & humidis, interiùs, ac exterius, ac reparatione substantiæ talem febrem debastari; ergo cum indicatio curationis

in hectica tantum sit simplex, eo quia solum sumitur à febre; meritò dicendum erit, febrem hecticam non dependere à causa conservante.

Cui argumento, respondeo negando maiorem; quia adhuc in febribus diariis dependentibus ab spiritibus accensis, tamquam à causa, non datur duplex indicatio vna quæ sumatur à febre, & alia à causa; vt docet Galenus 8. methodi, cap. ultimo: nam eisdem remediis quibus aufertur febris, simul etià tollitur causa, & satis fit per indicationes concordēs: & hoc non solum accidit in diariis, verum etià in febribus putridis; vt patet in febre ardente, quando exhibemus potionem aquæ frigidæ, quo auxilio, siue remedio, succurrimus, ac satisfacimus febri, & causæ; non aliter valet accidere in febre hectica, nimirum, quod per remedia refrigerantia, & humectantia satisfacimus febri hecticæ, & illius causæ, vt sunt fulgines vitæ: sicque absque purgatione, & sanguinis missione, sumitur indicatio à febre, & à causâ; quæ indicatio, nullam obtinet discordiam respectu febris, & illius causæ.

Obiicies 3. nam si febris hectica obtineret causam conservantem, sine dubio haberet circuitus, & incrementa, vt patet in febribus putridis, in quibus reperiuntur circuitus, & incrementa, quia dependeret à causa, scilicet ab humoribus; atqui febris hectica caret circuitibus, & incrementis: ergo febris hectica, non dependet à causa. Maior est manifesta, quia non esset maior ratio de putridis, quam de hecticis. Minor constat ex Galeno 8. de præsagatione ex pulsibus, cap. 3. vbi affirmat, hecticam febrem non obtinere incrementa; atqui si dependeret à causa, necessario talia incrementa obtineret: ergo ideo caret illis, quia nullam causam conservantem obtinet.

Hæc arguties facile solvitur, si respondeam negando maiorem; siquidem defectus accessionum per circuitus, non arguit independentiam à causa; quia ex eodem Galeno, dantur febres, quæ dependent à causa, vt sunt febres continentes, &

ramen in eis, nullatenus dantur circuitus; pariter etiã in ephemeris datur dependentia, & non dantur circuitus, siue accessiones: ergo quia ratio dependentiæ, non arguit incrementa, siue circuitus in febribus: his, & aliis respondendi, ac satisfaciendi modis, vnusquisque veram sententiam allatam defendere valebit.

QVÆSTIO SECVNDA.

VTRVM FEBRIS HECTICA

*possit à principio, à causa procathartica
invadere.*

NULLATENVS præsentem difficultatem exactè definire valemus, nisi prius perpendamus, quomodò hoc nomen, principium, à Galeno, usurpatur, qui primò de differentiis febrium, cap. 10. huic dubitationi occasionem exhibuit, ex Hippocratis doctrina, quam etiã ostendit ipse 1. de crisib. cap. 6. & 7. hoc quidem nomen, principium, tribus sumitur modis, quia vel significat omne tempus cruditatis, quòd est principium universale febrium putridarum, & quorundam aliorum morborum; aut significat spatium trium, aut quatuor dierum; vel deniquè sumitur principium, pro prima, & sensibili morbi invasione: sub qua tertia significatione venit quæstio exagitanda; an febris, scilicet hectica possit invadere à prima invasione, quin vlla alia præcesserit febris.

Etsi affirmativam partem tucantur, Aetius, Tetravelo 2. ferm. 1. cap. 9. Trallianus lib. 12. cap. 4. Paulus lib. 2. cap. 32. Fernelius 3. Pathologiæ, cap. 16. Donatus ab Altomar de mendendis febribus, par. 1. cap. 17. Vall. lib. 1. de differentiis febrium cap. 21. pag. 70. & controvers. 5. cap. 20. Bravus lib. 1. de diffe-

ren.

rentiis febrium, cap. 10. pag. 228. Mercatus tom. 2. lib. 5. de febribus, pag. 840. Vega 1. de differentiis febrium, pag. 466. Petrus Garcia disp. 2. de locis affectis, cap. 7. in fine. Cyprianus de Maroja lib. 4. fol. 121. ac denique Galeni, qui lib. 1. de differentiis febrium, cap. 8. inquit: *Quæ igitur febres hecticae appellantur, dupliciter oriuntur; aliquandò quidem ex ardentibus, aliquandò statim ab initio invadunt, efficientes ipsarum originem, quæ similis sit ephemeris, quæ nascuntur ex tristitia, aut ira, siue lassitudine nimia; simul ex solis fervore contrahita.*

Quæ Galeni autoritas, nullatenus convincit ad hanc sententiam substinendam, cum facile solvatur, si dicam, quòd cum ait Galenus febres hecticas, aliquandò statim à principio invadere, sumit Galenus ly, principium, pro primis tribus, aut quatuor diebus, & cum inquit efficientes originem similem ephemeris, ex tristitia, aut ira; hæc similitudo non erit, ex eo quod fiant à causa pro cathartica, sed ex eo quod in ephemeris accenduntur spiritus, ita etiam in his febribus.

Negativa tamen sententia (et si non ita communis) quæ asserit febrem hecticam, nullatenus posse invadere à principio; ante alias, verissima, ac semper substinenda mihi videtur: quàm tenet Galenus lib. 2. de crisi, cap. ultimo, ubi inquit: *Nulla enim earum in primis diebus, sed progressu temporis fit;* hæc sententia est Avicennæ Fen. 1. 4. tractatu 3. c. 1. Vega etiam lib. 1. de differentiis febrium, fol. 406. Mercurialis lib. 5. de febribus, cap. 7. fol. 506. Ioannes Baptista Navarro dubitatione 2. capituli primi, lib. 1. de differentiis febrium, Actuarius lib. 2. methodi, cap. 1. Abenzoar lib. 3. tract. 1. c. 13. & alij quam plurimi eam tenent. Probatumque, ex Gal. qui libro de inæquali intemperie, cap. 4. inquit: *Quòd ea quæ tenuiora, & calidiora existunt, facilius ac promptius calorem recipiunt, quàm crassiora, & minus calida; atqui spiritus vitales sunt calidiores, & tenuiores, quàm partes solidæ: ergo citius, facilius, & promptius*

tilis calorem recipiunt spiritus vitales, quàm partes solidæ: ergo si citiùs calorem recipiunt, priùs producetur febris diaria ex succensione spirituum, quàm febris hectica. Maior propositio, etsi autoritate prima constet, clarissimè etià patet, alia autoritate Galeni, qui primo de differentiis febriù, cap. 1. in fine asserit: *omnis siquidem substantia tenuis promptius alteratur, quàm crassa; tenuis enim substantia est aërea; crassa, corporum solidorum, & terrea; humorum verò substantia est media.* Minor verò propositio, scilicet quòd spiritus vitales sint tenuiores, & calidiores partibus solidis, patet ex ipsorum natura subtili, & rara, ex proprio usu, & actione; cum sit substantia ignea, & aërea, ac omnibus corporis partibus calorem communicent: ergo cum spiritus sint magis dispositi ad calorem concipiendum, quàm partes solidæ: meritò consequentia conspicua, & probata manet.

Quidam recentiores respondent, quòd licet communiter sit vera maior propositio, non tamèn semper, & absolute: quia aliquandò valet accidere, vt partes solidæ obtineant talem dispositionem, quæ non adsit in spiritibus, nec humoribus, vt eo tempore, faciliùs incalescant; sicquè aliquandò poterit fieri febris hectica, quàm præcedat diaria. Sed hæc respondendi ratio, facile reiicitur, quia dispositio ista, quæ præcedit febrem hecticam, non est naturalis, sed febrilis, quia sensibiliter lædit actiones; atqui non est febris hectica: ergo ante hecticam, iam præcedit alia febris. Maior probatur, quia antequàm calor sit productus, & in facto, in partibus solidis, talis calor est præternaturam, ac lædit, vt dixi, sensibiliter actiones: ergo est febris; siquidem est calor accensus in corde, & per vniversum corpus effusus: Atqui calor illæ non potest esse febris hectica: ergo erit alia præcedens. Minor patet, nam dispositio præcedens aliquam formam, non est ipsa forma: ergo dispositio calorifica, quæ præcedit hecticam, non erit hectica: ergo erit alia febris præcedens, siue diaria, siue putrida.

Nequē valet, si doctissimus Cyprianus de Maroja asserat loco citato, nullam dari repugnantiam, vt substantia solida possit obtinere qualitates, quæ magis disponant ipsam ad ignē, quàm si illa substantia esset tenuis: liquidem facilius, ac promptius succenditur lignum resinosum, & crassum, sive calidum, & siccum, quàm aēr tenuis, & rarus, sive aliquis vapor; atqui hoc accidit præ aptiori dispositione, quæ in ipso corpore solido invenitur: ergo idem est concludendum, (inquit Maroja) de partibus solidis nostri corporis, in ordine ad spiritus, & humores.

Facile tamē refellitur Authoris responsio, quia ex ipsa, & peculiari natura ignis, qui rarus, tenuissimus, & levissimus est, repugnat, vt substantia solida possit ex se obtinere qualitates magis dispositas ad ignem concipiendum, quàm substantia tenuis, quàmvis detur æqualis intensio caloris in partibus solidis, ac in humoribus, & spiritibus (quod est falsum.) Nequē obstat ratio adducta de ligno resinoso, & crasso: lignum enim resinosum, non accenditur promptius, quia sit crassum, sed quia est resinosum, ex eo quod constat partibus tenuioribus resinosis, & ex natura ignea, aliàs quodlibet lignum æqualis crassitiei, & resinosum, æqualitè succenderetur, quod experientia obest, ac veritati contrariatur. Præterea, quia partes corporis solidæ, numquam ex propria sui constitutione possunt obtinere, tam intensum calorem, quàm habent spiritus vitales in statu naturali; ac proindè cū causa procathartica calida præternaturam, operetur vt agens naturale secundum dispositiones passi, ac intensior sit calor in spiritibus, quàm in partibus solidis secundum naturam, aptior, & perfectior erit dispositio in spiritibus vitalibus ad calorem præternaturam recipiendum, quàm in partibus solidis: & si fortè, reperiatur intensior calor in partibus solidis, quàm in spiritibus; talis calor intensior, qui est dispositio prædicta ab his Authoribus, cū non sit calor secundum constitutionem naturalem talium partium, erit

erit morbus, & necessario ab aliqua causa morbosa productus: ergo necessario, vt dixi, antequam inducatur febris hectica, erit alia febris species, diaria scilicet, vel putrida.

Maroja tamen respondet, dispositionem, quæ præcedit febrem hecticam, nequæ esse febrem hecticam, nequæ villo modo esse febrem; veluti dispositio, quæ præcedit febrem putridam, non est febris: sicquæ nullatenus lædit actiones. Sed contra, quia licet dispositio præcedens febrem hecticam, non sit febris hectica; tamen ex hoc non sequitur, quod non sit alia febris: quia etiã est verum, quod dispositio præcedens febrem putridam, non est febris putrida, est tamèn febris diaria; sicquæ semper vna ex aliis, præcedet febrem hecticam.

Obiicies tamèn contra veram sententiam, quia si aliqua febris necessario præcederet hecticam, sequeretur, quod quotiescumquæ daretur febris hectica, omne genus febrium, simul complicaretur; atqui hoc est falsum: ergo illud ex quo sequitur. Sequela probatur, quia si necessario præcedit hecticam, aliqua alia febris, ex adventu hecticæ, nulla est causa, propterquam auferatur febris antecedens; imò debet conservari, cum difficilius accendantur partes solidæ, quàm spiritus, & humores: ergo si partes solidæ sunt accensæ, spiritus etiã, & humores simul accendantur, quia maior reperitur in eis dispositio ad calorem, ac sunt facilè inflamabiles: ergo si ante productionem hecticæ, propter istam dispositionem, antecedenter daretur febris diaria, & putrida, postea iam producta, hectica dabitur etiã diaria, & putrida cum ipsa hectica: quod maxime praxi opponitur.

Cui respondeo negando sequelam, & ad ipsius probationem libenter concedo, quod adveniente febre hectica, non auferatur febris diaria, etsi parvi fiat, quia eadem curatione, & indicatione expellitur, & ab intensiore calore febris hecticæ obscuratur: nego tamèn semper spiritus, & humores, simul accendi, ex eo quod partes solidæ accendantur, quia etsi spiritus semper

për accendantur, hoc est proptèr ipsorum tenuitatem, raritatem, & caliditatem; & quia illorum substantia est valdè homogenea; humores verò, etià si febris hectica succedat, non semper accendantur, neque fit febris putrida; quia cum sint humores ex substantia etherogenea conflati, maiorem obtinent resistantiam, quàm spiritus, vt calorem febrilem concipiant; ideoquè non semper febris putrida erit complicata cum febre hectica, veluti febris diaria; etià si non ita cognoscatur, proptèr maiora signa hectica, obscurantia febrem diariam; ac proindè febris diaria semper præcedit hecticam; & numquàm poterit fieri incipiendo, nequè à causa procathartica, nequè ab aliqua interna; quia eadem ratio militat inter has causas respectu passi, vt sunt spiritus, & partes solidæ.

Instabis tamèn, nam ex alimentis calidis, & siccis, generantur sanguis, & spiritus calidi, & sicci: ergo partes nutriendæ fient calidiores, & sicciores: ergo paratiores ad hecticam concipiendam, cum fiat indiès nova repositio alimenti siccioris; ac proindè partes solidæ aliquandò valebunt, cum paratiori dispositione ad hecticam, quàm ad putridam, reperiri: ergo illo in casu hectica febris à principio valebit invadere.

Disolves argumenti vim, si perpendas, quòd cum partium solidarum substantia, non possit media nutritione immutari, nisi ad pensum alimenti, quòd reponitur, & hoc sit, (vt ait argumentum) spiritus, & sanguis; propterea fatendum erit, iam talem dispositionem præviàm ad febrem, præcessisse in spiritibus, & humoribus, antequàm in solidis adsit; sicquè ratio prædicta non convincit.

Insurges demùm; aliquando quartana, priùs quàm tertiana, accenditur: ergo melancholia, quæ quartanam suscitatur, priùs quàm bilis, quæ tertianam gignit, accendetur: nunc sic, veluti melancholia est frigidior, ac terrestrior bile; ita partes solidæ sunt terrestiores, quàm spiritus, & humores; atqui

hoc

hoc non obstante, aliquando quartana, prius accenditur, quam tertiana: ergo etiam aliquando, non obstante dispositione naturali partium solidarum, valebunt istæ prius quam spiritus, & humores, disponi ad calorem præternaturam: ergo ad febrem hecticam.

Cui respondeo, paritatem, etsi apparenter, non revera, in omnibus currere; nam si sub eadem formalitate melancholia, & bilis perpendantur, numquam suppositio erit vera: si enim bilis, & melancholia in quantitate proportionata, temperie, & modo substantiæ debitis, reperiuntur, illo in casu, numquam melancholia paratior, ad intensiorem calorem concipiendum, quam bilis erit: si verò melancholicus succus supra modum, adauctus sit, vel putridus, vel ingentes inducens obstructions, remanente bile in suo debito, & naturali statu; quid mirum, quod prius, ac facilius quartana, quam tertiana suscitetur, cum conditiones æquales humorum, non currant; sicquæ cum hæc ratio inter solidas corporis partes, ac spiritus, & humores, non militet, innanis remanet arguties.

QVÆSTIO TERTIA.

DE CAUSIS REDITVS FEBRIVM

per circuitus.

N IHL notius morborum circuitibus, nihilquæ obscurius, quam ipsorum circuitus causas referre: antequam tamen causas requiramus supponere oportet, quod hæc quæstio non solum est de causis redditus febrivm interpolatarum per circuitus; sed etiam de causis redditus febrivm continuarum per accessiones; ac de causis repetitionis per circuitus in aliis morbis; nam de omnibus valet assignari eadem ratio; ac de omnibus

bus vnico capite, egit Galen. 2. de differentiis febrium, vltimo.

Secundò, supponendum est, quòd huiusmodi circuitus possunt repetere cùm ordine, ita vt determinatis horis adveniant, vt patet in aliquibus febribus quarum accessiones eadē hora repetunt: Hyppoc. *si eadē hora cras occupaveris*; vel tales circuitus repetunt sine ordine, ita vt anticipentur, aut postponantur; de quibus etiam Galen. libro de typis egit.

Tertiò notandum, sive supponendum est, maxime diversum esse agere de causis circuituum, sive periodorum generice; quòmodo nimirum accidat accessio febris, ac vnica accessione finita, accidat alia immediate, sive mediate; aliud vero est inquirere, quare determinatè febres, scilicet pituitosæ repetant quotidie; febres tertianæ die tertio; veluti melancholicæ, quarto die.

Quartò notandum expedit, vnica accessione posse terminari, & finiri febres, quæ solent habere multos paroxismos, & periodos; vt febris tertiana potest vnica accessione finiri, si mitissima sit.

Quintò, notare oportet, causas redditus, sive circuitus in febribus, posse dupliciter assignari; aliam videlicet esse causam extrinsecam, vt sunt errores externi, qui quemadmodum morbos generant, ita iam genitos, qui iam sunt terminati renouant; idèdque possunt efficere redditum accessionis: de qua causa, non loquimur: alia similiter datur causa intrinseca, quæ etiam est duplex; alia enim est dispositio remanens post præcedentem accessionem, & relicta in parte, in qua fit humoris putredo, & corruptela; alia est dispositio humorum, qui etsi non sint actu putridi, idonei tamen, & parati ad putredinem.

Quibus sic iactis, dicendum est, quòd sola dispositio partis in qua fit putrefactio humoris à quo nascitur febrilis insultus, sive accessio, non valet esse causa sequentis accessionis, & novæ

paroxysmi, vt in febribus, in quibus accessiones manifestò declinant; quam sententiam amplectuntur Franciscus Antonius Caserta, Petrus Garcia, Matamoros, Veiga, & doctissimus Vega, & probatur manifestè, quia vbi morbus declinauerit, sua vehementia, & vi, iam non potest mortem inferre, nequè ad petus permutari, cum iam sit in declinatione, & victus, nisi aliquis committatur error: ergo sola dispositio morbifica remanens in parte, tempore declinationis, non potest esse causa sequentis accessions. Probatur sequela, quia declinatio paroxysmi, siue accessions, fit, quia evacuatur humor, qui putrescit in parte, & partis caliditas remittitur, quæ erat morbus illius; atqui cum remittitur, ac declinat morbus, nisi aliquis committatur error, non potest augeri morbus: ergo cum in declinatione accessions, dispositio partis in qua fit putredo, sit valdè remissa, & declinans, non poterit esse causa alterius accessions de novo aduenientis; quia aliàs dispositio, & morbus declinans, sine aliquo errore, iterum invalesceret, & augeretur.

Sit secunda conclusio: vt fiat repetitio, siue circuitus febrilis accessions, necessariò requiritur, vt relinquantur in corpore humores, qui etsi non putridi actu sint, saltim apti, & parati ad putrescendum; & probatur, quia eadem ratione est philosophandum, de redditu febrilis accessions, ac de redditu, & recidiva febris, vel cuiuslibet morbi, post ipsius radicem, siue generationem; siquidem veluti se habent plures accessiones, vel paroxysmi in febre intermittente; sic se habent febris origo, radix, siue generatio, ac se habet recidiva; sed causa recidivæ febris, sunt humores, qui relinquuntur ex morbis, idonei ad putrescendum, & non actu putres: ergo ita paritèr, causa redditus, siue circuitus febrilis, necessariò erunt humores, remanentes crudi, & prompti ad putredinem recipiendam.

Quare, vt prædicti humores crudi, & superfluitates relicte, faciant repetitionem accessions febrilis, debent confluere, ac

de

denuò putrescere in aliqua parte corporis determinata, in qua præcelsit putrefactio, quæ priorem accessionem efficit; & hoc præostenditur autoritate Galeni 2. de differentiis febrium, cap. ultimo, ubi fuisse adfert causam ob quam accidit, ut humor fluat ad partem; ac ut fiat putrefactio humoris in aliqua parte determinata; assignatque esse, vel imbecillitatem partis, propterquam non potest humor concoqui, & vinci ad meliorem statum; quando existens inutilis, ab aliis partibus nobilioribus mittitur, & transfluit: sicquæ, cum distilat humor à cerebro ad gingivas, palatum, dentes, aures, vel oculos; tunc in his corrumpitur, ac fit plurium morborum productio.

Vnde dispositio, non solum partis recipientis, in qua fit humoris corruptio, sed aliarum partium, quæ ipsa excrementa mittunt, aut generant, erit causa propterquam, fiant accessiones febrium; non verò circuitus ordinati, vel inordinati; nam hoc maiorem exposcit ingenij elaborationem; sicquæ si non datur aliqua pars determinata in corpore, sed omnes partes æque laborant, generabitur febris synochus, quæ caret circuitibus, ac à principio usque ad finem, unica clauditur accessione: quando verò materia mittitur ad aliquam partem, est quia, vel mittitur humor ab alia, vel quia attrahitur à parte, in qua colligitur, & aggregatur; quod accidit in omnibus morbis, qui dependent ex fluxione humoris, in quibus pars expellens, sive mittens valida, irritatur à quantitate, vel qualitate humoris, vel à duobus simul; ac pars recipiens propter languorem, necessariò recipit, iuvata etiam à calore, & dolore, cum isti sint causa attractionis.

Ex quibus infertur, quòd quantitas, & qualitas humoris noxii, ac peccantis, facta comparatione ad facultatem expultricem, & ad naturam, quæ humores gubernat, producet iam febrem continuam, iam intermittentem; siquidem, si quando humor quantitate, vel qualitate peccans, movetur in febribus periodicis, à vasis extra vasa, & adest tunc robur in

parte mandante; ita vt expellatur torus humor peccans extra corpus cesat febris; si verò non est pars, ita robusta, & tamen humor, etsi multus expellitur extra vasa, tunc fit febris intermittens; deniquè, si minus est robusta, ac multa copia, siue quantitas humoris peccantis, illumquè non valet extra vasa expellere; contentus, & remanens intra venas putrescit, ac febrem continuam producit; idemquè est dicendum, de parua quantitate humoris peccantis, dummodo facultas expultrix sit maximè languida, ita vt ipsum expellere nequeat, quia tunc respectu virtutis, & facultatis esset humor, quasi multus, & immodicus ad febrem continuam producendam.

Quare ratio propterquam, finita vnica accessione, succedit altera, quæ sit mediata, vel immediata, est, quia perseverat prava dispositio in parte mittente, & recipiente, & quia non deficit humor, siue materia peccans quantitate, vel qualitate, siue utroquè modo infestans, ac irritans naturam partium; ideoquè finita vna accessione, succedit alia, cum omnia æqualitèr concurrant, & pariter si hæc deficiunt, vel remittuntur, cesat etiam, vel remittitur accessio; quibus facile constat, modus principalissimus, quomodo generentur accessiones in febribus.

Maiores tamen difficultates stat, vt dixi, in cognitione causæ præcipuæ, propterquam determinato, & statuto tempore, & hora fiant redditus, siue circuitus accessionum in febribus. Circa quam difficultatem, quam plures existimant, causam propriam circuituum accessionum, esse quantitatem naturalem cuiuscunque humoris, & cum in nostris corporibus, detur maior copia pituitæ, quam bilis flavæ; ideo singulis diebus accidunt circuitus, vel accessiones in quotidiana; deindè, quia est maior copia, siue quantitas bilis flavæ, quam pituitæ, & maior quam melancholiæ, ideo in tertiana accidunt, circuitus accessionum de tertio in tertium; & quia humoris melancholici est omnium minima quantitas, longuiore, & tardiores sunt

circuitus, nempe de quarto in quartum diem. Hæc tamen opinio nullum veritatis inditium obtinet: male enim colligitur ex quantitate humoris in statu naturali ad statum morbosum, cum illa ob diversas causas immutetur. Impugnatur præterea, quia si solus excessus humoris in quantitate, est ratio sufficiens circuituum, sequeretur, quod bilis flava posset efficere circuitum quotidianum, & non de tertio in tertium: & probatur, nam potest accidere, ut propter errorem in victus ratione congregetur, & colligatur maior quantitas humoris biliosi, quam pituitæ: ergo tunc iam obtineret circuitum febris quotidianæ, & non tertianæ, quod est maximè falsum.

Præterea, quia multoties est minor portio humoris biliosi, quam melancholici, & nihilominus non repetit die quarto, sed tertio: ergo quantitas humoris, non est causa circuitus; siquidē multoties circuitus tertianæ fit à minori quantitate bilis, quia accessio finitur spatio quatuor, aut sex horarum; veluti in quartana solet immorari, & permanere per spatium duodecim horarum: ergo quia datur maior quantitas: ergo si propter quantitatem maiorem, vel minorem fit repetitio; quia in quartana, datur maior quantitas humoris, quam in tertiana; potius deberet repetere de tertio in tertium, quam de quarto in quartum: ergo causa repetitionis, siue circuitus, non est referenda ad quantitatem humoris.

Averroes lib. 4. colleg. cap. 27. iudicavit, circuitus, ac repetitiones ordinatas in febribus, non solum fieri ob humoris quantitatem, sed ab specifica cuiuscumque humoris forma; veluti magnes à propria forma attrahit ferrum, & medicamenta purgantia, hunc humorem potius, quam alium à forma specifica attrahunt. Hæc tamen opinio facile impugnatur, nam si specifica forma sumitur, propter proprietatem aliquam oculatam, alienum est à Philosophia ad ipsam confugere, cum valeat assignari causa manifesta; ut ea quæ accidit in purgationibus mentruis, ac in alvi excrementis, quæ solent in aliquibus

bus quotidie, ac hora determinata excerni. Præterea, quia si ab specifica forma humoris fierent circuitus, præter quatuor humores, essent assignandi alij, qui ratione formarum efficerent quintanos, sextanos, & nonanos circuitus: deinde, quia ex variatione cibationis, non solum accessio anticipatur, vel postponitur, verum etiam febris, quæ erat intermittens, fit continua; atqui tunc non variatur forma specifica, nec proprietas humoris: ergo quia ratio circuitus, siue periodicationis, non potest provenire à proprietate humoris occulta. Inquiram deinde si circuitus febris sit à propria humoris forma, cur sanguis sub propria sua forma, quin mutetur in alios humores, non efficit distinctum circuitum ab alijs? Ex quibus facile inferitur, huiusmodi sententiam, non esse sustinendam.

Aliqui verò asserunt, causam immediatam circuituum febrium, esse propriam naturam putredinis humorum, à quibus fiunt. Sicquæ quartana repetit de quarto in quartum, ob naturam propriam putredinis melancholici humoris; veluti tertiana de tertio in tertium, propter peculiarem bilis putredinem. Sed contra, quia semper difficultas nobis obversatur, nam etiam erit inquirendum, quæ sit causa propter quam putredo melancholiæ efficiat circuitum de quarto in quartum, & putredo bilis de tertio in tertium? Quia putredo humorum in febribus, solum differt vna ab alia penes magis, & minus, & non specie: ergo non propter diversam naturam putredinis, datur diversa ratio circuituum in quartana, ac in tertiana.

Impugnatur præterea, quia in synocha febre æqualiter, & uniformiter putrescit massa sanguinaria; atqui in hac febre, nullo modo datur vnus motus accessionis, qui sit proprius putredini huius humoris; nequæ datur complicatio circuituum, propter putredinem omnium humorum, sed solum terminatur febris vnica accessione: ergo nullatenus est dicendum, quod ex diversa, & peculiari putredine, oriuntur diversi accessionum circuitus in febre quotidiana, & tertiana. Concedere

deindè peculiarem putredinem in singulo humore, qui obtineat ipsam, tamquam proprietatem inseparabilem, absque ullo fundamento dicitur: nam existente simili causa efficienti, omnes humores possunt simili putredine secundum speciem corripì, cū neque ex parte causæ efficientis, minusquè materialis repugnet: ergo tunc similis fieret periodus, quòd est maximè falsum: ergo opinio prædicta nullum veritatis inditium obtinebit.

Communitèr etiàm Astrologi, solent ordinem circuituum ad Astra referre; ut evacuationes menstruæ, aut partus, ordinato tempore accidentes, qui ex astris, tamquam ex causa huius ordinis sunt petendi: non alitèr de febribus, eadem ratio assentiendi in eorum opinione fertur, sed hæc sententia, merito ab omnibus reiicitur; quoniam huiusmodi causa, valdè mediata, atque remota concurrìt; cū in corpore humano, immediatissima, & principalis adsit, quæ præcipuè investiganda venit, nulloque modo ad astra est confugiendum.

Quibus sic expositis, verior, ac omnium melior opinio est, quæ asserit, repetitiones, sive circuitus determinatos in febre quartana, tertiana, & quotidiana intermittentibus, provenire à facultate insita, & naturali, determinata tamèn, ac ultimata à quantitate, & qualitate humoris stimulantis ad expulsionem, ad quòd maximè iuvat inquinamentum, sive cineritium, quòd relinquitur in foco putredinis post antecedentem accessionem; ac simul conducit facilitas, aut difficultas humorum, secundum propriam aptitudinem, ad concipiendam putredinem: quàm opinionem amplectitur Galenus lib. 2. de differentiis febrium, cap. ultimo, Vega 2. de differentiis febrium, cap. ultimo, Bravus 2. de differentiis febrium, cap. ultimo, Sennerto tomo 2. suorum operum, lib. 2. cap. 17. fol. 626. Thomas de Garbo in comment. de differentiis febrium, doctissimus Valles lib. 3. controversiarum, cap. 25. sapientissimus Petrus Garcia, Matamoros lib. 4. tract. 2. de febribus putridis

in genere, disput. 8. folio 485. Maroja lib. 3. de causis februm, quæst. 7. folio 57. ac alij, quam plurimi.

Antequâ tamèn præsens stabiliatur sententia, notandû est, quòd in aliquo differût hæc, periodus, circuitus, & accessio; quia periodus, siue circuitus, nihil est aliud, quam redditus ad idem; accessio verò est pars deterior totius circuitus, siue periodi: præterea est notandum, quòd quàmvis typus pro eodem vsurpetur ab aliquibus, ac est periodus, differunt tamen inter se; quia typus, significat ordinem in periodo, ita vt cùm periodû seruent inter se ordinem, dicatur, circuitus, siue periodos, typos obtinere, sicquè quotidiana, quotidie, & tertiana de tertio in tertium repetunt.

Quilibet igitur humor certo, & determinato tempore acquirat qualitatem putredinalem, qua certo, ac statuto tempore irritatur natura ad expulsionem, sicquè irritata natura, tum à quantitate, tum à qualitate humoris naturalis, facultas ad huiusmodi humorem expellendum stimulat; quo motu determinato; certè, & determinatè accidunt accessiones; cùm verò putrescant humores, diverso, & determinato tempore, reducendum est ad cuiuscumque humoris naturam; cuius nomine intelligitur facilitas, siue difficultas, aptitudo, siue ineptitudo ad concipiendam putredinem, vel ad eidem resistendum: quare pituita, quæ frigida, & humida est, ex peculiari temperamento habet, vt singulis diebus putrescat; quia licet sua frigiditate resistat putredini, maximè tamen iuvat humiditate, & aliis qualitibus secundis; sicquè singulis diebus accenditur: non aliter licet bilis ob sui siccitatem putredini resistat, tamen ob tenuitatem, calorem intensum, ac alias qualitates, citius, quam melancholia putrescit; vnde obtinet sufficiens temperamentum, vt tertio quoque die repetat melancholicus deniquè humor, quia propter frigiditatē, & siccitatē magis putredini resistit; ideo tardius putrescit; ita vt quarto etiam die dispositionem putredinalem comparet, vt irriter

naturam ad expulsionem, & accessionem efficiat; idemque dicendum iudico de aliis morbis, determinato ordine repetentibus, de epilepsia scilicet, asma the, cephalica, morbo gallico, & podagra, in quibus causa necessario putrescit, vt determinatos causet circuitus, etsi non sit sufficiens putredo ad febrem concitandam.

Sanguis denique quamvis ob humiditatem, facile possit putredinem concipere, quia tamen plurimum habet calidi innati, & influentis, ac sit perfectior omnibus aliis humoribus; ideo non corrumpitur in facto esse, & termino completo sub propria forma sanguinis, & cum tendit in corruptionem, pars tenuior ipsius transit in bilem, & crassa in melancholiam; sicque horum humorum periodos, sive circuitus efficit: accidit alia, & maxime iuvans, causa circuituum superius allata, quæ sumitur ex fomite, inquinamento, seu cineritio relicto post accessionem in foco putredinis, de quo Gal. 3. de præsagatione ex pulsibus, cap. 7. iuxta quam doctrinam in febre illa, in qua relinquitur plus fomitis, frequentius accedunt accessiones: quare ex pituita (quia frigida, crassa, & viscida est) plurimum relinquitur in foco putredinis, ex fumis, & fulliginibus, ad efficiendum breviori tempore circuitum; ex bile vero, quia tenuior est, minus fuliginum, & fomitis relinquitur, quam ex pituita, & ita tardius succenditur, ac per tertium diem movetur: melancholia denique, quamvis frigida, & crassa sit; quia tamen ex natura terrea est conflata, & potius vstioni parata; ideo minus relinquitur ex cineritio in foco putredinis, vnde tardius acceditur, & quarto similiter die concitat accessionem.

Ex quibus rationibus, & opinione, facile infertur ratio satisfaciendi dubiis omnibus huius difficultatis, scilicet? Cur aliquando fiant circuitus quintani, sextani, & septimani? Cur aliquando antecedant? Quandoque posponentur? Cur aliquæ breviores? Aliquæ longiores fiant accessiones, quædam declinent omnimodè, & veniant ad integritatem, vt quartana exquisita,

cur.

cūr denique circuitus sint erratici: Nām si facultas naturalis sit valida, & si tanta quantitas, ac talis humoris qualitas adsit, vt secundum propriam ipsius naturam valeat efficere, in foco putredinis inquinamentum, & cineritium ad concipiendam putredinē, de tertio in tertiu, fient circuitus tertianę, & si de quarto in quartu, fiet periodicatio quartanę, & sic de alijs. Si sexto die, erit circuitus sextanus, veluti si quinto, quintanus; si deinde maior, aut minor adsit humoris quātitas, & tenuior, aut crasior sit illius substantia, validior, aut languidior adsit facultas naturalis, ac maius, vel minus sit inquinamentū relictum in foco putredinis: tunc citius, & anteponeus, vel tardius, & posponens fiet accessio: & si æquali modo huiusmodi causę concurrant ad efficiendam putredinē in foco, æquales erunt, & ordinati accessionum circuitus: & sic de alijs dubitationibus, manifesta manet solutio cuilibet inquirenti.

QVÆSTIO QVARTA.

DE SIGNIS FEBRIVM DIARIARVM.

rum in communi.

CVM superioribus capitibus degeneratione, & causis febrium diariarum, & putridarum copiose disputaverit Gal iam cap. 8. & vltimo, lib. 1. de differ. feb. adfert signa quibus differant, & fecernantur febres diarię a putridis. Febbris igitur diaria, talem obtinuit appellationem ab ipsius duratione, ex eo quod spatio vnus dies, vt plurimum, vel potius spatio viginti quatuor horarum equinoctialium, tota illius constitutio permaneat, quę a Grecis ephemerā fuit dicta, similitudine desumpta a quodam animali ephemerō dicto, de quo loquitur Aristoteles 3. de animalum hist. cap. 19. quod solo

spa;

spatio vnus diei naturalis perdurat, ac vivit. Antequam tamen signa diariæ febris adaperiam, prius explicatione indiget, quòd asseruit Gal. cap. citato, nempe febrem diariam esse facilis curationis, & cognitionis; alio verò in loco esse difficilem in cognitione, vt lib. 1. artis curativæ ad Glauc. cap. 2. asserit: *Curationem febris diariæ esse facilem, ad cognitionem verò requiri diligentiam.*

Ludovicus Mercatus tomo 2. lib. 4. de febribus, pag. 316. huic dubiò satisfacit asserendo, quòd quandò Galenus dixit: Febres ephemeræ esse difficilis cognitionis, & facilis curationis, de febribus diariis illegitimis, illis scilicet, quæ tales sunt natura, non tamèn constitutione; quales sunt, quæ ortū ducunt ex cutis dēfitate, levi obstructione, & similibus intelligitur: quāddò verò asseruit, febrē diariam esse facilis curationis, & cognitionis, loquitur de diariis legitimis, quæ tales sunt natura, & constitutione. Sed profectò, venerata semper doctissimi viri autoritate, ex Galeni locis nulla responsionis similis occasio offertur, cū facilius, & verius solvatur difficultas, vt inquit, Veiga 1. de differentiis febrium, fol. 462. Mercurialis lib. 5. de febribus, cap. 5. fol. 486. sicque respondeo, inter hæc loca nullā dari repugnantiam, nam cap. 8. citato lib. 1. de differentiis febrium, loquitur Galenus absolutè, ac simpliciter; at verò libro artis curativæ ad Glauconem, comparavit curationem ad cognitionem, quasi asserat, faciliorem esse curationem, quam cognitionem, sicque in primo loco ait absolutè, & in alio cum præmeditatione.

Signa igitur vniversalia febrium diariarum, quæ natura, & constitutione appellantur, plura recensentur à Gal. lib. 1. de febr. differentiis: primum autèm signum, & præcipuum febrium diariarum, quòd inseparabile, & proprium debet dici, est, incipere à causa procathartica, sive manifesta, aut prætergressa; hoc quidem signum est inseparabile, quia conuenit omnibus diariis; proprium verò, quia solum illis conuenit, nam cū

In superioribus maneat expositum, nec febrem hecticam, nec putridam fieri incipiendo, ideò consentaneo modo est loquendum, affirmandumque tale signum, non esse solum inseparabile, sed etiam proprium, cuius est ratio, quia etsi febris hectica, siue pestilens valeant oriri à causa externa, non tamen producuntur immediatè, sed mediatè, antecedente, scilicèt, febre diaria, ob dispositionem supra explicatam: ergo incipere à causa procathartica immediatè, non solum erit signum inseparabile febris diariæ, sed etiam proprium.

Neque obstat, si asserat, quòd incipere à causa procathartica, non est signum inseparabile febrium diariarum, quia multoties febris diaria fit ex obstructione exigua, vt docet Galenus lib. 8. methodi, cap. 4. & lib. 9. sequenti, cap. 1. atqui obstructio fit à causa interna: ergo non omnis febris diaria fit à causa procathartica. Præterea, quia etiam febris diaria fit ex bubone, animi pathematibus, & cruditatibus, sed hæc omnia nō sunt causa procathartica: ergo hoc signum, non convenit omni diariæ: ac proinde non erit inseparabile.

Cui respondeo cū doctissimo Benedicto Matamoros, quod febris diaria est duplex, vna est propria, & legitima, quæ natura, & constitutione dicitur talis, & terminatur spatio 24. horarum, alia est natura, non tamen constitutione, est diaria, quæ spuria, & illegitima vocatur, ac amplius durat, quare quando Galenus dixit loco citato, esse signum diariarum febrium incipere à causa procathartica, tunc intelligendus est de febribus diariis, quæ sunt natura, & constitutione tales, non tamen de illis, quæ non sunt tales constitutione, vt quando fiūt ex cruditate, vel aliqua levi obstructione, siue aliis in argumento allatis.

Et licet reperiantur aliquæ febres diariæ, quæ non sunt tales constitutione, sed solum natura, aliquando excitantur à causa procathartica, vt à frigiditate externa, per cutis constipationem, tunc potius, ortum ducent à morbofo aliquo affectu

interno in corpore relicto, quam à causa procathartica, quæ etiam si fuerit ablata, amplius febris duravit; de quibus febribus, nullatenus loquitur Galenus, sed de diariis, in quibus præter febrem, nullus alius affectus in corpore reperitur.

Secundum signum, est proprium, & inseparabile febrium diariarum, quod desumitur ex urina, quæ in principio optimè cocta, cum nubecula, appendiculo, vel sedimento conspicitur; quod signum, idèd proprium, & inseparabile, quia convenit omni, & soli diariæ; ratioque verior est, quia cum hæc febris, non dependeat ex humore putrefacto, non potest in lotio, sive urina, signum cruditatis (idest) putredinis deprehēdi; ac proinde à principio usque ad finem, optimam repræsentat coctionem; hoc tamen intelligendum est, nisi impediatur ab aliqua causa potentiori, propter quam signa pathognomonica morborum, solent separari ab ipsis morbis, & maxime obscurari; ut latè exponit Petrus Garcia disputat. 44. de locis affectis, cap: 5. & hæc est causa propter quam, in febre diaria ex cruditate ventriculi, urina solet in principio apparere aquosa, & cruda, ut docet Avicenna Fen. 14. tract. 1. cap. 34. in fine: ob eandem similiter rationem in febribus ex tristitia, & vigilia, lotium nō excernitur coctum propter privationem coctionis, ratione effluviij, & dissipationis triplicis substantiæ.

Contra hoc tamen signum, ut facilius intelligatur, valebit aliquis obijcere, ex eo quod multoties accidit, lotium in bene valentibus, non obtinere contentum, quod significet coctionem: ergo multò melius valebit esse in lotio, sive urina laborantium febre diaria. Præterea, quia vel hoc contentum esset, ex eadem materia, sicut reperitur in sanis, quod nullatenus est verū quia in bene valentibus sedimentum fit à solo calore naturali; at verò in his, qui febre diaria laborant, reperitur etiam calor præternaturam febrilis.

Ex hoc argumento suscitatur difficultas, qua inquitur

utrum

utrum in lotio corporis optimè sani, reperiatur contentum: & an sit melius apparere; an verò econtrà: quam plurimi Auctores existimant in urinis sanorum, non apparere aliquod contentum; fundamentumque elliciunt ex illius generatione, nam in lotio sanorum, contentum procedit ex materia, quæ subter fugit hepatis coctionem; cum igitur in corpore optimè sano, verius sit, nullam partem materiæ, coctionem superfugere: proinde non dabitur materia, ex qua contentum possit generari. Verior tamen opinio est contraria, quæ colligitur ex Gal. 2. prog. comment. 64. ubi in homine optimè sano, & uteretur victu moderato, asserit, sedimentum esse moderatæ quantitatis; quod etiam advertit Actuarius lib. 1. de iudiciis urinarum, cap. 4. ubi asserit, quod si in optimè sano, longo tempore contentum non apparuerit, morbum esse timendum: sicque assero, quod quamvis sedimentum intra latitudinem sanitatis procedat, ex materia, quæ effugit sanguificationem; tamè quod talis materia non coquatur, non procedit ex defectu causæ efficiētis, sed ex ineptitudine materiæ; vnde licet facultas sit fortis, & valida, non potest amplius coqui, ut in nostram convertatur substantiam, neque valebit per cutim in sensibilibiter expelli.

Quapropter facillè solvitur obiectio: Si respondeam, quod sedimentum, in febribus diariis sit ex simili materia, ac in sanis, ex portione nimirum alimenti, quæ fugit coctionem, & à solo calore naturali; nam licet sit febrilis non tamen necessario putrefacit aliquam materiam humoralem, ut inde lotium acquirat cruditates, veluti in febre putrida, in qua sedimentum generatum ex portione humoris efficiētis morbum sit, ut docet Galen. 1. lib. de differ. feb. cap. 6. sed hæc ad alium locum dissolvenda exquisitius relinquuntur.

Obiiciet tamen aliquis contra idem signum: quia in febribus hecticis nulla est ratio, ob quam lotium non appareat cum signis optimè coctionis, siquidem tales febres non dependent,

ex causa humoralis, quemadmodum, neque diaria, sicque eadem militat ratio de vtraque: ergo dicendum est etiam, quod in febribus diariis non est signum proprium coctio perfecta in lotio, etsi communiter plures respondeant medici, quod in febre hectica, quamvis non dependeat ex humore, urina non est optimè cocta, quia cum calor sit in facto in membris solidis, non potest perfectè coquere materiam, ex qua generatur sedimentum.

Præsens tamen solutio est contra Galen. lib. 3. de præsentatione ex pullibus cap. 3. ubi refert quosdam laborantes hectica febre pestilenti, qui obtinent urinam similem illi, quæ reperitur in sanis; sicque respondeo, quod etsi verum sit, quod in hecticis valeat urina apparere, cum signis coctionis, tamen hoc erit signum proprium febris diariæ, respectu febris putridæ, in qua necessario lotium in principio apparet crudum, & quia Galen. solum comparavit febre diariam, ad putridam idè respectu istius, asserit Galen. quod est signum proprium, & inseparabile.

Tertium signum, quod Galen. assignat tanquam proprium, & inseparabile diariarum est, quod pulsus crescat, in magnitudinem, celeritatem, & crebritatem, & frequentia quietis externæ declinet à proportionem, quod signum facillè, ut verum ostenditur, quia magnitudo, celeritas, & frequentia pulsus, sunt differentiæ familiares vsus aduerti, quare cum in febre diaria vsus caloris crescat, necessario apponuntur prædictæ differentiæ; ratio verò, secundæ partis est, quia quietes in pulsu (in meliori sententia) sunt propter eundem vsus, sive finem, ac sunt motus, cum in febre diaria maior adsit necessitas aëre attrahendi, propter attemperationem caloris; nulla verò, aut exigua ad expellendas fuligines; idè sit, ut in externa quiete magis immoretur arteria, quam in interna: & consequenter immutatur proportio frequentia; hoc tamen signum admittendum necessario venit, quantum est ratione febris diariæ.

diaræ; nam propter aliquem affectum complicatum, siue aliquam manifestam causam, potest impediri magnitudo pulsus, vt rectè aduertit Avic. sent. 1. nu. 41. tract. 2. cap. 3. vt si febris diaria sit ex tristitia, pulsus non sunt magni; quia spiritus vitales consumuntur: similiter, si humores acres, & mordaces ventriculi os, siue orificium infestant; quia ex hac alteratione solet fieri pulsus parvus.

Quartum signum simul proprium, magisque inseparabile est quod in febribus diarijs, non reperiatur celeritas compressionis in pulsu, & aliquando inveniatur valde exigua, & fere insensibilis erit, hoc quidem signum magis proprium, & inseparabile est, quam præcedens, quia medio isto differt magis diaria à putrida, quam antecedenti signo, cuius ratio facile colligitur ex dictis, quia cum in diaria calor, non adsit in humoribus in facto, eo quia imputres remanent; idè non elevatur fuliginum copia sufficiens, quæ maiorem & celeriores requirat pulsus compressionem, quia tamen sunt aliquæ febres diaræ, in quibus fuligines copiosiores abundant, plusquam pro naturali statu, hinc est, vt in his compressio reddatur celerior; fere tamen insensibiliter, vt cum talis febris ex densitate cutis, siue ex nidorosa ventriculi cruditate procedit.

Quintum similiter signum proprium, & inseparabile febrium diararum, est calorem esse mitem, & vaporosum, id est, non mordacem, & acrem, facta comparatione ad alias febres, putridas, & hecticas; in his enim calor est acris, & mordax, propter aliquam siccitatem coniunctam, & in putridis propter excessum fuliginum putridarum; calor verò febris diaræ, (vt pote in materia humida) mitis est, & suavis.

Sextum signum inseparabile, licet non proprium febrium diararum est, quod libere, ac equaliter acceditur calor, & pulsus, vsque ad vigorem, vel statum, quod signum conuenit omni, & non soli, ac dicitur ad differentiam febrium putridarum, quæ nec liberum, nec equalem, caloris, & pulsus habent accen-

sum, in diarijs verò equaliter accenduntur, spiritus, & pulsus inerescit ad magnitudinem, & celeritatem collectivè, nulla enim est causa, quæ impediatur illorum incendium, in putridis, verò sensibile, & maximum est impedimentum, vel propter ineptitudinem humorum, vel propter inequalitatem partium humoris; cuius una potius, quam alia putrescit: tale quidem signum non est proprium, quia cõvenit etiam febribus putridis, scilicet febribus sinochis eundem tenorem servantibus, & in aliquibus tertianis exquisitis.

Septimum signum est, quod febris diaria declinet sudore, madore, vel evaporatione; ita ut totalitèr, & perfectè cesseret febris, & perveniat æger ad infebrecitationem: quod signum vocatur inseparabile, & proprium; ratio verò propter quam, in hac febre accedit in declinatione sudor, sive mador est, quia serosæ humiditates in habitu corporis existentes, vi caloris febrilis, medio madore, aut sudore, sive vapore evacuatur, habita ratione caloris ad excrementa, quæ per cutim evaporatur, aut expelluntur, quæ materia sudoris, vel madoris, ut sunt excrementa humida, etiam si in habitu corporis non existat, nisi in partibus intimioribus, valebit similiter indeclinatione moveri simul, cum substantia spirituosâ ad cutim, & ultimo attenuari; ita ut si talia excrementa sint exigua, & calor intensus, per evaporationem emittitur, sive evacuatur; è contra verò si multa, per sudorem, facta mutatione in aquosam substantiam tenuiorem: sudor enim differt à madore solum penes, magis, & minus: quod autem in febre diaria perveniat corpus, ad infebrecitationem docet Gal. 1. artis curativa: ad Glauc. cap. 2. & hæc in febricitatio est talis, ut nullum vestigium relinquat; quod nullatenus reperitur in putridis; etiam si sit tertiana intermittens.

Ultimum signum in febribus diarijs; sumitur à facillima ægri tolerantia, in ferendo morbum, adhuc in summo vigore, sive statu, ut ipse Gal. 1. de differentiis febrium, cap. 7. inter signa
dia.

diarum, constituit clementiam status, qui inter reliqua tempora est vehemētiōr pars totius ægritudinis: ex quibus signis facile deprehenditur febrē esse diariam; ex quibus etiā facile deducitur prælagium omne, scilicet febrem diariam, omnino esse salutarem, & facilis curationis; excludenda tamen est febris diaria maligna, & pestilens, qualis fuit illa febris diaria maligna, & pestilens, quæ ab Authoribus Anglica vocatur, ac vnius diei spatio homines detruncebat; illamque in Britania vidisse suo tempore, testatur Fracastorius lib. 2. de morbis contag. cap. 6. eiusdemque meminit Ioannes Langius epist. 12. vnde recte dixit Hyppoc. 4. aphor. comment. 55. *febres ex bono oria male, præter diarias.*

QVÆSTIO QVINTA.

DE SIGNIS FEBRIVM PUTRIDARUM IN COMMUNI.

PROGREDITVR vterius Gal. cap. 7. citato libro 1. de different. febr. proponens signa febrium putridarum in communi, quæ ex humorum putredine ortum ducunt: proprium igitur signum, non tamen inseparabile, est incipere sine causa procathartica; appellatur proprium, quia solum febribus putridis cōvenit, nam diaria, & hectica à causa externa valet provenire; non tamen est inseparabile, nam plures febres putridæ incipiunt à causis procatharticis, etsi non per se saltim ex accidenti, scilicet cum sit transitus diariæ in putridam, ex eo quod corpus putredini sit idoneum, ac excrementis abundet. Notandum tamen est, quod licet aliquæ febres putridæ, ut pestilentes, incipiant à causa externa, scilicet ab aëre; hoc tamen sit mediātē, & remotē, quia immediātē, & proximē ab interna semper procedunt, ut ex Galen.

patet; corpora enim, quæ facile ventilatione gaudebant, & excrementis carebant, nullatenus corripiebantur febre pestilenti; quæ verò è contra maximè; ac proinde semper erit signum proprium putridarum, non incipere à causa procathartica.

Secundum verò signum febris putridæ, quòd etsi proprium, separabile tamen, est, incipere cum rigore, nulla præcedente causa externa, caliditate nimirum, vel frigiditate forti, sive valde intensa, vt explicat Gal. cum ait: *Vbi neque ardor solis, neque valida frige factio præcesseris, qualis soles accidere illis qui in vehementi frigore commorantur.* proprium dicitur tale signum febris putridæ, quia nequit aliis convenire, nisi aliqua ex dictis causis accesserit, non verò est inseparabile, quia non convenit omni febre putridæ, cum multæ reperiantur febres, quæ non incipiunt cum rigore, vt sunt febres continuæ, sed solum intermittentes, veluti tertianæ cum rigore, & quartanæ cum horrore.

Tertium deinde signum proprium, & non inseparabile febris putridæ, est inæqualitas pulsuum, & caloris, sive in principio, sive in augmento accidat; ista pulsus inæqualitas, sive sit in unica pulsatione, sive in pluribus, quæ vocatur collectiva, est signum proprium, quia solum convenit febribus putridis; ac ista inæqualitas variatur, ratione materiæ, sive humoris crassioris, aut tenuioris, multi, vel pauci, sicque reperitur maior, vel minor inæqualitas, veluti etiã caloris varietas; quapropter in principio suffocantur vires, & in augmento gravantur, quia humor non æque secundum omnes partes calefit. Non tamen est hoc signum inseparabile, quia non omni febre putridæ convenit, febre nimirum tertianæ, quæ se rvat in pulsu, & calore quandam æqualitatem, vt docet Gal. 2. de cris. cap. 3. propter humoris caliditatem, raritatem, tenuitatem, ac subtilitatis æqualitatem.

Quartum præterea signum proprium, non tamen inseparabile est, quod paroxysmi obtrineant plures, veluti insultus, id est, quòd

quòd febres putridę in vnica, & eadem accessione, plures exacerbationes obtineant, ita vti eo tempore, quo febris videtur declinare, iterum de novo exacerbetur, & acrescat, siue accendatur; quòd contingit multoties in tertianis notis, quotidianis, & quartanis, partim propter humorum miscelam, partim verò propter ipsorum crassitiem, & inæqualitatem; quare inæqualiter accenduntur, & putrescunt humores; sicque cùm aliqua humoris pars est accensa, & putrefacta, tendit ad declinationem, & altera de novo accenditur, & putrescit; ideoque exacerbationem efficit, antequàm prior evacuetur; quod signum, etsi proprium non tamen est inseparabile, quia non convenit omni feбри putridę, cùm febres continentes claudantur.

Quintum signum proprium, & separabile febrium putridarum, sumitur ex pulsu, quia huiusmodi febres obtinent pulsum compressum, seu coarctatum, aut parvum, debilem, & inæqualem, quòd præcipuè contingit in principiis accessionum; quia cùm eo tempore calor influens cum sanguine ad interna retrahatur, obstruuntur vię, & arterię, præ multitudine, ac ita gravantur, vt non valeant liberè dilatari, & calor veluti obruitur; ac proindè apparet pulsus parvus, & debilis per aggravationem: hoc signum est proprium, vt docet Galenus, cùm aliis febribus non conveniat, non tamen est inseparabile, quia non omnibus febribus putridis est commune; nam febres tertianę exquisitę, vt ipsemet demonstrat tertio de præfagatione ex pulsibus, cap. 7. incompressas accessiones habent, & non dantur pulsus compressi, vel coarctati; accessio verò incompressa fit, & tunc incipiunt febres, sine pulsus compressione, quando à tenuibus, ac facillè inflammabilibus humoribus oriuntur, vt sunt tertiana exquisita, in qua calor cùm humoribus, non recurrit, siue retrahitur ad interiora, ob quam causam calor innatus non suffocatur, nequè propter humorum copiam arteria (pulsandi instrumentum) est inobediens, nequè reperitur

facultas debilis, quæ omnia cum aliter eveniant in principio aliarum febrium, ideo propter imbecilitatem facultatis ab humoribus gravata, ac arteriarum obstructionem, pulsus debiles, & inæquales in accessionum principio apparent. Notandum tamen est, ex Gal. quod prædictum signum, ut proprium harum febrium iudicatur, dum modò non contingat aliquando, ratione alicuius symptomatis, nam aliquoties in orificio ventriculi, solet pravus aliquis humor coacerbari, ex quo parvus, & inæqualis pulsus fiat, nam si sit frigidus, fiet parvus; si verò acris, & mordax, pulsus inæqualis inducetur, si verò ventriculus omni careat noxa, hoc signum proprium erit harum febrium.

Sextum signum, quod maximum esse docet Galenus, & præcipuum harum febrium, quæ ex humorum putredine fiunt desumitur ex qualitate caloris, calor namque in his febribus, nihil suave, neque moderatum, minusque aliquid habet simile febribus diariis, sed potius mordax reperitur; ita ut tactum valde offendat, atque erodat, veluti fumus nares, atque oculos solet offendere, hic quidem calor non percipitur quolibet tempore, nam in principiis accessionum, non est talis calor acris, quia cum eo tempore, adhuc suffocatus maneat in partibus interioribus, ac incipiant accendi excrementa, non statim agnoscitur imposita manu, sed diutius permanente manus applicatione, talis calor acris, & mordax ex centro, sive de profundo emergit, quare in principiis accessionum, non manifestè, neque statim apparet, sed in augmento, & vigore, sive statu, hic tamen calor non æquè apparet in omnibus febribus putridis, quia in aliquibus evidens caloris acrimonia percipitur, in aliis verò obscurior, quod accidit pro diversa natura humoris febrem efficientis; advertendum tamen est, quod licet in febribus hecticis, etiam percipiatur acris, & mordax; diversimodè tamen persentitur in hecticis, ac in putridis febribus, cum in illis non elevetur substantia vaporosa, acris, & mordax, quæ

sta;

statim fereat tactum, veluti accedit in putridis.

Septimum signum, proprium, & non minus inseparabile febrium putridarum est, ut pulsus compressio celerior sit dilatatione, quod signum est evidentiùs in incrementis, & præcipua causa huius celeritatis in compressione manifestè deducitur ex duplici vsu, sive utilitate, quæ provenit à pulsu, ex illo enim duplex nascitur utilitas, alia enim est refrigeratio, & attemperatio, quæ media dilatatione arteriæ perficitur; altera verò est expulsio fulliginosorum excrementorum, cui expulsionì compressio, necessariò deservit, quare cum in putridis febribus, multa fulliginosa excrementa generentur, ac magis urgeat necessitas expellendi talia excrementa, quàm refrigerandi, sive attemperandi calorem febrilem, ideò compressio erit celerior dilatatione, quia quãdò arteria per dilatationem accedit ad quietem externam, fit brevior, & acceleratur, quoniam compressiois vsus est urgentior.

Octavum signum, maximè proprium harum febrium, est loci cruditas, vel saltim obscura illius coctio in principio, quod non accedit in diariis, cum in eis urina, nequè cruda, nec debilitèr cocta appareat, in febribus igitur putridis, vel omnino cruda, vel obscurè cocta apparet in principio propter putredinem, quæ laborant humores intra venas contenti, & cum urina sit serum ipsorum, ideò per calorem putredinalem, & præternaturam in colore, substantia, vel contento erit urina cruda, sive obscurè cocta.

Nonum signum, harum febrium est, si in vigore, sive statu accessions, appareat aliquod symphoma febris ardentis, veluti delirium, dolor capitis, anxietas, &c. vel ea, quæ in febribus lipyriis, aut epialis solent accidere, vel in hemitritæis, ex his quidè symphomatibus, non solum febrem putridam esse colligemus, sed etià aliquam peculiarem speciem, sive differentiam febris putridæ deprehendemus.

Decimum, atque ultimum febrium putridarum signum est,

si illarum declinatio, non perveniat ad perfectam integritatem, seu omnimodam quietem, siue cum sudore, vel madore, vel alio quovis modo declinat, instar febrium diariarum; tunc necessario vnum è duobus erit, vel transitus febris diariæ in putridam: si præcesserint omnia indicia febrium ephemerarum, vel si non adsunt; censendum erit talem febrem putridam fuisse ab initio, hæc igitur sunt signa in vniversum, quibus omnes febres putridæ dignoscuntur.

QVÆSTIO SEXTA.

DE SIGNIS FEBRIVM HECTICARUM in communi.

DE SIGNIS hecticarum, agit Galenus lib. 1. de differentiis febrium, cap. 11. nos verò prius de signis febris, hecticæ incipientis, agemus; nam ista, eo quo facilem obtinet curationem, tanto difficilis est cognitionis; sicque illius signa acuratè sunt perpendenda: ex Gal igitur 1. de differentiis febrium cap. 8. duæ assignantur differentię febrium hecticarum in cõmuni: prima dicitur febris hectica incipiens, siue simpliciter dicta: secunda verò, febris hectica dicitur, marasmodes; quæ vltèrius subdividitur; quia, vel est febris hectica marasmodes exquisita, in qua nativa humiditas est absumpta, vel est hectica marasmodes media, in qua humiditas roris, vel carnis, siue adipis est consumpta, quibus sic divisifis.

Primum signum febris hecticæ incipientis, quæ dicitur talis simpliciter, & facilis curationis est; nisi Medici culpa contingat, aßerit Gal. loco citato, cognoscendum esse, ex eo quod ista febris nascatur à causa procathartica, & si febris prima

die obtineat omnia indicia febris diariæ; quin vilo modo finiat-
 tur spatio viginti quatuor horarū: sed amplius ad diem sequē-
 tem extendatur, & omnem statum febriū diariarum pertran-
 seat; neque ad quietem declinet; nec magis invalescens maio-
 rem, sive intensiorem siccitatem in corpore repræsentet, et si
 vsquē ad tertium diem, æger absque cibo relinquatur, quin
 aliquid effatu dignum priori febre accesserit, ita vt neque
 augmentum, neque imminutio persentiat, & corpus cum
 caliditate, & siccitate permaneat, talitèr vt primo ocurso ap-
 pareat calor mittis, postea verò diutius detenta, & perseve-
 rante manus applicatione, acris, & mordax manui se offerat,
 in tali casu, inquit Galenus existimandum erit huiusmodi fe-
 brem esse hecticam incipientem.

Nec valet si aliquis dicat, insufficienter distingui, febrem
 hecticam incipientē ab aliis febribus; ex eo quòd, nec augmē-
 tum, nec imminutionem obtineat, siquidem in febre sinocha
 homotona, æqualis semper perseverat calor à principio ad fi-
 nem: ergo cum ista febris, nec augmentum, nec imminutio-
 nem obtineat, nulla erit distinctio inter illas. Respondeo ta-
 men maximum esse discrimen, quia in febre hectica, calor est
 exiguus, sive remissus; at in febre sinocha, est magnus, sive
 intensus propter sanguinis, atque vaporum copiam. Præterea,
 quia in febre hectica pulsus, est parvus, durus, & debilis; at in
 sinocha homotona, pulsus sunt magni celeres, & frequentes;
 ergo rectè proposuit hoc signum, Gal. tanquam verum discri-
 men, ad cognoscendam febrem hecticam incipientem.

Secundum vero signum proprium, & inseparabile est, quod
 vna, aut duabus horis transactis, post assumptum alimentum,
 corpus in calescit, & pulsus adaugetur in magnitudinem, &
 celeritatem; ita vt qui ægrum tetigerit, aliam denuo accessio-
 nem febris iudicaberit; advertendum tamen est, ne aliqui in
 errorem manifestum incidant, quod talis adauctio pulsus, ac
 adventus novi caloris; neque est ob intèpestivum ciborum in-
 quan;

quantitate vsu; neque ob aliquam futuram accessionem; Nam in febre hectica, quamvis diversis, & mutatis horis præscribatur cibus, etiam si exiguus, semper ab assumptione cibi calor increfcit, siue intenditur; quod signum maximè certum, ac indubitatum est.

Notandum tamen est cum Gal. calorē in febre hectica, ita adaugeri vt incōpressa anotatio facta videatur, vocatur quidē incompressa anotatio à Gal. in qua, neque frigiditas partium extremarum, neque rigor, neque horror, nec maxima propensio ad somnum, nec pigritia; neque aliquod aliud accidens contingit, ex his quæ accidunt in principiis febrium putridarū, idēoque calor est æqualis, & perseverat in eadem extensione, vsque quo sit peracta distributio alimenti, ac fuerit alimenti humiditas consumpta: postea verò reddit æger ad pristinum statum. Est quidem proprium, & inseparabile hoc signum, febrium hecticarum, quia convenit semper omnibus ac solis illis; quia licet etiam in putridis, ab assumpto intempestivè cibo increfcatur calor, tamen citra illius assumptionem dantur peculiaria incrementa, siue accessiones, quæ in hecticis nullatenus reperiuntur.

Sed vt rectius ratio signi intelligatur, dilucidat Gal. loco citato, quomodo fiat in hecticis incalescentia à cibo assumpto, & hoc præ ostendit exemplo calcis; nam si quis intra manum recipiat calcis glebam, ipsius caliditatem parvi pendeat, nec illam sentiet; si vero eam aqua perfundat experietur, statim eā vehemēter calefactam, & ita ferventem, vt non solum possit calefacere, verū etiam deurere: nō aliter in febribus hecticis assumpto cibo, vna, aut duabus horis, calor intenditur, & quamvis alimentum in ventriculo adhuc detineatur, nihilominus vaporosa illius substantia, diffunditur per venas, & arterias ad iecur, & ad cor, ex cuius adventu corpus calefcit; veluti ex cōtactu aquæ calefcit calx; & veluti ab aquæ humiditate

plu

plurimi vapores eleuantur à calce, maximèque fervent, & humiditate absumpta cefant; ita permanente humiditate post vnam, aut duas alimenti horas calefiunt corporis partes; affumpta vero humiditate illa, cefat fervor, ac hecici calor perfeverat veluti antea exiftebat. Advertendum tamen est quod rigorosè non est intensio caloris, illa incallescencia hecicorum, ab alimento desumpto; sed extensivè potest dici maior calor; quia adest maior quantitas substantiæ, quam erat antea; à qua calor adaugetur extensivè.

Ratio vero principalissima propter quam calx incalascet ab aquæ affusione, non parvam parit difficultatem: aliqui enim iudicant hoc provenire à calcis siccitate; sed hoc veritati opponitur, cum multa adsint medicamenta sicca in quibus hæc incallescencia non accidit: ergo non ob siccitatem. Alij vero asserunt provenire calorem in calce, ab aqua propter antiperistasis; ratione enim contrarij circundantis vnitur, & roboratur intrinsecè calor: sicque fit intensior; hæc pariter opinio est falsa; quia intensio accidentalis per antiperistasis fit ratione contrarij circundantis, in calce tamen non ita contingit, quia non solum aqua circundat calcem, sed etiam permiscetur omnibus partibus, & separat partes inter se; neque valebit ratio, quam aducit Aver. 4. col. 33. scilicet, quod in hecica febre corripuntur calore intensiore post alimentum agrotantes, quia cum solidæ partes hecicorum maximè sint calidæ, calefaciunt alimentum; ita ut alimenti caliditas accedens, maiorem calorem partium solidarum efficiat, & si aliquis in eum instet, de aliis febribus putridis, respondet, quod in aliis febribus, solida membra non sunt calefacta, & consequenter, alimentum non posse in aliis febribus calefacere; minasque aliorum ratio est vera, nimirum, quod incorporibus hecicorum latet ignis febrilis, qui ab aqua, & humiditate alimenti, vapores emittit, qui quidem postea prædictum calorem eformant, veluti ignis latens in corpore calcis, qui quidem ubi aqua

aqua superfunditur efficit bullas, aut vapores emittit.

Probatur tamen manifestè, quantum distet à veritate hæc discurrendi ratio; quia licet lateat calor in corpore calcis, non tamen calor febrilis in corporibus hecticorum, sed maximè manifestus est. Cum manifeste lædat actiones naturales. Redarguitur etiam Aver. hac ratione, quia minimè valet alimentum adhærere, tam citò, & brevi tempore partibus solidis; nam si in sanis corporibus, ventriculus non valet dimittere cibos, nisi in chilum priùs convertantur, quod necessario fit spatio quinquè, aut sex horarum: ergo multo minus in hecticis, spatio trium horarum, cibus coquetur, ac distribuetur, per univèrsum corpus, vt demùm partibus solidis uniatur: ergo Aver. poterit hac ratione convinci, corpora hecticorum non posse à cibo incalescere, ex eo quod alimentum solidis partibus distributum incalescat, & per consequens calor corporis adaugeatur.

Alij verò dicunt, quod quamvis medicamenta à nostro calore redducantur in actum, calx verò viva, tanquam proprietatem obtinet, vt à quolibet humido in actum redducatur; quia ratione humiditatis aufertur, aliquod impedimentum, ratione cuius non poterat antea dimanare, à forma calcis intensior calor; postea verò ablato tali impedimento, à propria forma producit calor. Sed hic philosophandi modus impugnatur, nam priùs explicandum fuerat, in quo consistat tale impedimentum? Vt calx ante aquam effusam non vrat, postea verò vehementèr exurat, ac intensum calorè manifestet. Sed vt exemplo accomodatissimo sciamus doctrinam veram, & rationem, propterquam calor calcis manifestatur, & calor hecticorum ab assumpto cibo adaugeatur, necessarium erit, priùs æquiparare operationes ignis, cum operationibus caloris febrilis, & præternaturam: quare si videamus, quot modis augeatur calor ignis, sciemus etiam in nobis, quot modis valeat ad augeri calor febrilis.

Qua-

Quatuor ergo sunt modi, quibus ignis suscipit incrementum: vnus modus est per motum; nām quotiescumque fabri, cupiunt calorem ignis adaugere, connantur aërem attenuare motu folium, vt calor intendatur: secundus modus est per antiparistatē, nām vbi ignis coercetur à contrario frigido, in ea lucta fit, vt maior evadat; ideoquē semp̄r solent fabri, irrorare ignem aqua frigida, vt calor augeatur: his quidem modis calor in hec̄ticis non adaugetur post assumptum cibum: non autem motu, nām hec̄tici, postquam alimentum assumpserint, semp̄r in summa quiete detinentur: nequē etiam antiparistasi, quia cibus hec̄ticorum primum sumitur calefactus, & iterum in eorum ventriculo calefit; sicque ibi nullo modo valet accidere antiparistatis à cibo assumpto: ergo vel tertio, vel quarto modo adaugebitur calor in febre hec̄tica correptis: est etenim tertius modus per additionem alimenti; nām experimur, quòd si addatur igni materia combustibilis, illius calor, & virtus suscipit incrementum: quartus deniquē modus est per constrictionem, nām eo fiunt calidiores fornaces, vt inquit doct̄issimus Hieronymus Mercurialis, quo magis in angusto loco ignis cogitur quibus igitur sic possitis.

Modus verus, quo intenditur prædictus hec̄ticorum calor est, quia vbi acceptum est alimentum, statim crassi vapores ab eo auferuntur, & eleuantur, qui per vniuersum corpus penetrantes, velut̄i ocludunt meatus partium solidarum: vnde fit, vt hic calor oclusione pororum magis coactus maior, ac int̄rior consequent̄r evadat. Cur verò vapores crassi citò, & tam breuiter in hec̄ticis distribuantur, præcipua, & peculiaris est causa? Quia eorum corpora propter insignem siccitatem, maximē aperta, & pori rari existunt; ita vt velut̄i vapores statim solent extolli in cerebrum, non aliter in vniuersum corporis habitum velocit̄r rapiantur, qui donēc permaneant, etiam calor permanet; vbi verò dissipantur, consequent̄r calor minuitur, siue remittitur: quare igitur hoc non appareat in fe-

alibus putridis, duplex occurrit ratio, una, quia ipsorum corpora sunt obstructa; altera, quia quamvis calor augeatur acibo, febrile tamen incendium adeo est ingens in eis, ut obscuret, atque celet alium calorem, quod non accidit in hecticis.

Hoc pariter exemplum est accommodatissimum, similitudini caloris adaucti in calce; nam vera, & præcipua ratio, propter quam affusa aqua, calor in calce patefit, est, quia obstructi meatus calcis ab aqua, magis cogunt, & ocludunt ignem inhibi contentum, unde fit, ut tam intensus, siue auctus erumpat calor, ita ut etiam saxa frangat, bullasque excitet, ut ipso sensu manifestatur, quod etiam experientia confirmatur; quia siue vinum, siue acetum super calcem spargatur, minimè ita incallescit; quia cum vinum, vel acetum sint corpora tenuissima, minimè obstruunt calcis meatus, veluti aqua, sed potius ipsos aperiunt.

Tertium, præterea signum febris hecticæ, desumitur ex pulsu, qui debilis, siue languidus, durus, & parvus reperitur in hecticis; cuius est ratio in promptu, nam cum facultas vitalis, languida existat, propter ita magnum recessum, siue lapsum à temperamento per modum habitus, ideo non valet efficere pulsum vehementem, neque magnum: ad quas differentias, maximè conducit instrumenti (scilicet arteriæ) inobedientia; durusque apparet ratione siccitatis, quæ intensior existit in secunda, & tertia specie febris hecticæ.

Quartum signum valet de sumi ex lotio, quod reperitur, maximè simile urinae sanorum, tam in colore, & substantia, quam in sedimento, quia cum humores non putrescant, ac lotium sit ferum humorum, ac sit signum rerum, quæ in venis continentur, ac propter ipsum distinguantur tempora febrium universalium; ideo in hecticis apparet optimum, etsi ob debilitatem facultatis concoquentis, non possit esse ita perfectum.

Quintum, denique signum febris hecticæ simpliciter dicitur, sumitur, ex eo quod arteriæ circumstantibus partibus tangen-

tibus calidiores perſentiantur: cuius eſt ratio, quia cum cor ſit ſons caloris nativi, ac ſubiectū proximū caloris febrilis, ſuā caliditatē corpori vniverſo cōmunicat, & cū maximū, cōſenſum, & cōnexum cum arteriis obtineat, vtpotē ab eo ortum ducen-
tibus; ideo iſſis maiorem, ſive intenſiorem comunicabit; ac proinde aliis partibus, calidiores perſentientur: hæc quidē caliditas manifeſtior eſt, ac evidentior in febris heſticis, quā in aliis; tum quia calor arteriarum non remittitur ex præſentia carnis, & adipis, cum ferē ſint iſta abſumpta; tum etiam quia cum in his febris ſolida cordis ſubſtantia ſit accenſa, ideo arteriæ percipiuntur aliis partibus calidiores, cum ab eādem cordis ſubſtantia ortum ducant.

Quibus ſic expoſitis ſignis, facilē cognoscetur febris heſtica, & ſecundum maiorem, vel minorem conſumptionem, & acceſſum ad naturam maraſmi; etiam patebit ſecunda, & tertia differentia febris heſticæ maraſmodes. Maraſmus quidem eſt corruptio corporis viventis à ſiccitate morboſa proveniēs: cuius ſigna proponuntur à Gal. loco citato, quæ communiter ſunt ſecūdū faciem ab Hyppoc. depictam primo prognost. Ideoq; Hyppocratica appellatur, ſcilicet quod maraſmo affecti, naſum obtinent acutum, oculos concavos, tempora collapſa, atque demiſſa, aures ſiunt breviores, cum ob ſiccitatem contrahātur; omniſq; facies apparet ſqualida, hypocōdria, ita inanita exiſtunt, & conſumpta reperiuntur, vt videantur tota inhærere dorſo: pili ſunt longiores, ob conſumptionem carnis, veluti ungues: quæ omnia ſigna cauſam obtinent communem, nimirum conſumptionem partium, ac humiditatum, à cauſa calida, & ſicca præternaturam.

Et ſi aliqui falſis quibuſdam rationibus inixi aſſerant, nullatenus poſſe fieri, vt febris heſtica coniuncta cum putrida reperiatur, nihilominus tamen id quotidiana experiētia confirmat; verum tamen eſt, quod quando febris heſtica cum putrida coniuncta reperitur, difficilius quidē cognoscitur, quia

tunc temporis signa, atque symptomata vtriusque febris sibi imbicem permixta, & confusa reperiuntur, quæ confusam, ac difficilem reddunt cognitionem: quamvis verò difficilis cognitu sit hæc febris, suis tamèn signis propriis dignoscetur, illis scilicèt superiùs dictis; nam si postquàm febrilis accessio præcessit percipiamus adhuc quasdam caloris reliquias remanere in ægrotante, ac in pulsu celeritatem, & frequentiam, & arteriæ, aliis partibus circumstantibus, calidiores percipiuntur; tunc sanè rectè colligemus, febrem hecticam, cùm putrida complicatam esse: id quidem faciliùs dignoscemus, si æquale incrementum in calore, & pulsu accadat, trāsacta vna, aut duabus horis, post assumptum alimētum: & hæc de signis febrium diarum, putridarum, & hecticarum in communi: restat nunc aliqua de temporibus febrium, quoad cognitionem, & divisionem in lucem edere.

QVÆSTIO SEPTIMA.

DE COGNITIONE TEMPORVM *febrium.*

MAXIMA deducitur utilitas ex vera cognitione temporum morborū, & præcipuè febrium, cum tria possint colligi, ex Gal. agente de crisi bus; primum est in ordine ad partem prognosticam Medicinæ; nam vt Medicus prævideat exitum morbi, necesse est cognoscere morbi statum, in quo accidunt iudicia critica: secundum est in ordine ad partem curativā; quia pro morbi varietate, varia remedia excogitantur à Medicis; quæ morbi varietas sumitur potissimum penès diversā tempora ipsius; sicque fit, vt notitia temporum morbi, non solum utilis, verumetiam maximè necessaria sit, in princi-

pio enim inflammationis diuersa applicantur remedia, ac in alijs temporibus eiusdem inflammationis. Tertium verò, quod non minoris vtilitatis est, sumitur propter victus rationem instituendam; nam pro varietate temporum morbi, siue febris, diuersa præscribitur victus ratio, vnde modo augere, modo minuere victus copiam convenit, pro distinctione temporum morbi; nam ex intempestiva victus exhibitione, mortem subsequi experimur; vt videre licet in filia Philonis, cui cum largè sanguis, è naribus fluxisset, & hac ratione seruari deberet; quia tamen intempestivè, cenaverat, obiit, secundum Hyppoc. 1. epid. comment. 2. de hac ergo temporum febrium cognitio; ne maxima deducitur vtilitas.

Pro intelligētia tamen huius difficultatis, sciendum est, tempus tripliciter sumi posse: primo, & rigorosè pro mensura motus; totius orbis, vt inquit philosophus quarto physicorum, solet; que definiri per hoc quod sit numerus motus secundum prius, & posterius, de quo philosophi agunt. Secūdo sumitur tempus, pro aliqua parte huius mensuræ, seu temporis, vnde nostri primi progenitores, propter diuersa nostræ vitæ exercitia, tempus distinxerunt, ac subdiviserunt in quatuor anni tempora, scilicet ver, æstatem, autumnum, & hyemem; sicque diuidunt tempus in annos, menses, & horas, veluti si essent partes totius motus; de qua acceptione non instituitur dubium. Tertio deniquè sumitur tempus, pro mutatione, quàm habet plantæ, animalia, & etiam morbi in animalibus dicuntur ætates; in morbis verò dicuntur tempora absolutè.

Sunt igitur tempora morborum, ex Gal. lib. de morbi temporibus cap. 1. mutationes, quæ contingunt circa causam materialem illorum, & proportionantur, ætatibus viventium, quia veluti ventia primo oriuntur, deindè augentur, consistunt, ac demum declinant; non aliter morbi pronascuntur, deindè auescunt, tertio consistunt, ac vltimo decrescunt: ex quibus patet quæ sint morborum tempora, & quomodo debeant desumi.

Nunc

Nunc iam sciendum venit, quot sint morbi tempora, quæ quidē alia sunt vniversalia, & alia particularia; idest quædam sunt tempora, in quibus totus morbus immutatur, sicut animalium ætates, vt diximus: quæ vniversalia, & totius morbi tempora, à Gal. nuncupantur: quædam verò sunt tempora, per quæ non omnis morbus, sed peculiaris insultus, qui toti morbo incidit, & immutatur; morbi nimirum quàm plurimi, præcipuè febres putridæ peculiare insultus, sive accessiones habent per circuitus, vt febris tertiana exquisita, cuius vniversalis terminus, est decima quarta dies; ista diebus alternis efficit accessionem, sive paroxysmum, qui terminatur spatio duodecim horarum, in quo spatio sua habet tempora peculiaria, in quibus incipit paroxysmus, crescit, vigescit, & declinat, sive finitur, sicut totalis morbi constitutio.

Notandum secundo, tempora vniversalia morborum, sive febriū, dividi in quatuor, in principium, augmentum, statum, & declinationē (augmentum idē ac incrementum, sive ascensus) veluti vigor, idē ac status nominatur: quàm divisionem tradidit Gal. de totius morbi temporibus, cap. 1. & 4. & primo de crisi, cap. 4. tertio notandum, tempora particularia bifariam dividi à Gal. 1. in sex, vel saltem quinque tempora; vt ipse docet, lib. de morborum temporibus, cap. 3. & 4. ac 5. peculiare etenim insultus, sive accessiones, habent hæc quatuor prædicta tempora, quæ considerantur in toto aliquo morbo, & amplius tempus quoddam inæqualitatis, quod consideratur, inter principium, & augmentum, quod quidem videtur finis principij, & principium augmenti: aliud etiam datur tempus, quod interballum, seu integritas nuncupatur, quæ accidit in his accessionibus, quæ intermittunt perfectè post declinationem ita vt vsque ad aliam invasionem, sive accessionem, febricitans, quantum sensu percipi potest, liber à morbo, & solutus videatur: quo tempore intervalli, carent morbi, qui non intermittunt, vt sunt febres tertianæ continuæ. Secundo dividun-

duntur tempora particularia in duo, vt ait Gal. lib. de totius morbi temporibus capite vltimo, scilicèt, in tempus illud, quòd est à primo insultu accesssionis, vsque ad extremam remissionem; & in illud quod consistit in declinationis medio, & insultus secundæ accesssionis, scilicèt primum, & indivisibilis incipientis.

Notandum est quarto, vnumquodque horum temporum, tam particularium, quàm vniversalium, posse dividi in quatuor alia tempora; verbi gratia principium morbi, potest dividi in principium principij, augmentum principij, statum principij, ac declinationem principij; sic paritèr possunt dividi augmentum, status, & declinatio; idque colligitur ex Gal. qui de morborum temporibus, cap. 5. ante finem inquit (*vt temporibus singulis, ita declinationi quoquè aliud principium, aliud medium, aliud finis existit;*) sicque ex his constat numerus temporum morborum.

Quibus sic positis, tempora vniversalia, & particularia morborum omnium, salubrium, lethaliū, materialium, & spiritualium, optimè distinguuntur, & cognoscuntur per symptomata propria ipsis morbis, quæ quidem in principio sunt mitiora: augentur verò in augmento vsquè ad statum, in quo sunt maxima; in declinatione, nec ampliùs augentur, imò minorantur: quod probatur manifeste ex Hypp. Apho. 2. vbi inquit (*circa initia, & fines, omnia imbecilliora; circa vigores verò fortiora*) idest vt Gal. explicat in commentario; imbecilliora sunt circa principia, & fines morborum, veluti accesssiones, vigilie, dolores, fastidia, sitis, & similia. Idem probatur ex Gal. primo Aphor. sententia sexta, vbi morbi vigorem; nihil aliud esse inquit, quàm morbi, quantum ad casus attinet, maximum: ergo per Hypp. & Gal. in vigore, sive statu casus, idest symptomata, necessariò sunt maxima, & fortiora, quæ minorantur consequenter in declinatione; augentur verò in incremento, & incipiūt, dum incipit morbus; sicque per symptomatum in-

tensionem, & remissionem morbi, quorum illa sunt propria intendi, & remitti, ac sua pertransire tempora est dicendum, ac ultimò rectè distingui, & dignosci.

Probatur secundo ratione, proprium symptoma cuiuslibet, morbi, essentialitèr sequitur morbum: ergo pro ratione morbi intensioris, vel remissioris, symptomata ipsius propria, erunt remissiora, & intensiora: ergo non poterit morbus esse in statu, quin symptomata sint maxima, nequē in augmento, quin symptomata augeantur, nequē in principio, aut declinatione, quin symptomata sint remissa; licèt tamē aliquis asserat, quòd aliqui morbi semper à principio sunt maximi, & continuò minorantur; alij semper à principio usquē ad solutionē, sive finē, eadē, & æqualia obtinent symptomata, vt febres synochæ appellatæ: ergo falsum erit quod tempora morborum, sive febrium, per symptomata distinguantur, nam vel est dicendum, quòd tales morbi perveniunt ad statum, sive vigorem, absquē principio, & incremento, quod est absurdum, vel quòd nullo modo cognoscuntur tempora morborum per symptomata propria.

Respondeo tamen dictæ instantiæ, neutrum horum sequi, nam, etsi aliqui morbi à principio videantur maximi; tamen hoc non sumitur, ex eo quòd possint esse summa symptomata, atquē maxima tum principio, & augmento morbi, sed quia statim, ac generantur hi morbi, perveniunt ad summum vigorem, in quo adsunt propriè summa symptomata; ita vt non possit ferè sensu distingui tempus principij, & augmenti, à tempore vigoris, sive status: quam doctrinam tenet Galen. loco citato, & præcipuè, cap. 4. de totius morbi temporibus, vbi synochum, apoplexiam, morbum committialem, ac similes ait, statim, ac brevissimo tempore principium, & augmentum percurrere, & non ab ipso principio generationis illorum perfectissimè invadere; idest cum summis symptomatibus.

Pro maiori tamen intelligentia advertendum est, me dixisse

se distingui, ac dignosci tempora morborum per accidentia, & symptomata morbis propria, & essentialia, vt excludantur symptomata, quæ non per se, sed ex accidenti aliquo solent esse, in principio vehementiora: ac proinde principium red-
dunt vehementius, quam statum: verbi gratia, si febris adsit putrida; cum aliqua interna inflammatione adiuncta; tunc initium paroxysmi valebit esse attrotius, quàm status, ex acci-
denti tamen: quia in principio propter recursum sanguinis ad partes internas augetur inflammatio; & consequenter calor febrilis in principio intenditur, magis, quàm in statu paroxysmi, quia in vigore expanso calore, & sanguine ad partes externas, & extremas, minuitur interna inflammatio, & febris, quæ fit ex ipsa inflammatione remittitur.

Secundo concludendum est cum doctissimo Matamoros 2. de febrium temporibus, disput. 3. cum sapientissimo Maroja, Francisco Antonio Caserta, Petro Garcia, sapientissimo Capibacio, Veiga, & Vega, Antonio ab Altomari, ac aliis, quam plurimis, quod tempora morborum materialium, siue salubrium, siue insalubrium, optinè distinguuntur, & dignoscuntur, per signa coctionis, & cruditatis; idest per corporis excretiones, vt sunt sputa, vrinæ, alvi excrementa, & similia, quæ cognitionem, naturæque victoriam supra humorem crudum, vel naturam victam, aut quasi victam demonstrant, hæc similiter sententia est Galeni de totius morbi temporibus, cap. 3. & 6. ac lib. 1. de crisis fermè per totum, & 1. aphorismorum. sentent. 12. ac manifestè probatur, quia valdè vtile est, præcipuè in praxi, cognoscere differentiam morbi, an coctus diminutè sit, an benè concoctus, vel crudus, & ideo Galenus cap. 3. & 6. de totius morbi temporibus, ait, principium morbi salubris esse tempus cruditatis, ac tunc finiri, vbi ceperit fieri concoctio manifesta, sic pariter inquit 1. de crisis, cap. 2. (*hoc tibi, sine ulla dubitatione constabit*) quòd illud tempus uniuersum, in quo nullum est manifestum signum coctionis, esse princi-

pium, ex quatuor morbi temporibus, ascensus verò esse, cum augetur concoctio, quæ cum maximè conficitur, status, & vigor est, quem sequitur declinatio, cum humoris copia ceset, & quòd parum restat, adhuc in humoribus alterandum concoquitur: principium verò morbi in salubris, esse cruditatem, ex qua, cum augetur, cognoscitur incrementum, cum maximè viget, cruditas cognoscitur, siue distinguitur status, potiùs tamen ad mortem.

Dices tamen in principio febris ephemeræ, & synochæ, sine putredine, adest signum bonæ coctionis: ergo non est verum, quod in statu morbi salubris, adest signum, siue indicium summae coctionis. Cui respondeo negando consequentiam, nam in conclusione solùm loquimur, de coctione, & cruditate, quàm observamus in materiis, ex quibus morbus materialis dependet, non verò de coctione, quàm observamus in morbis immaterialibus, ut sunt ephemeræ, & synochæ non putridæ, in quibus cum humores non putrescant, sed naturales sint, possunt obtinere naturæ benignam alterationem, & digestionem.

Instabis deinde, cum doctissimo Herculano Fen. 4. tract. 1. cap. 3. de horis febrium, nam aliquando potest incipere febris putrida, sine signo cruditatis: ergo aliqua febris materialis, non obtinebit principium, in quo detur cruditas: antecedens probatur, nam supponamus materiam statim putrescere in principio, in aliqua parte distante à corde, quo tempore, propter distantiam, non communicabitur cordi calor præternaturam; postea verò transacto aliquo tempore, mota iam illa materia ad partem proximiorē cordi, excitabitur febris, etiā si causa febris materialis incipiat manifestè concoqui: ergo in tali casu, iam incipiet febris, sine cruditate, siquidem sequitur materiam, iam coctam pervenientem ad partem proximam cordi. Respondeo tamen, huiusmodi rationem esse sophisticam, nam argumentum non probat materiam febris pos-

posse subire manifestam notam, siue indicium coctionis, sine putredine, ac proinde sine cruditate, quod verò tempore cruditatis, non appareat aliquod signum cruditatis, nec per sentiat talis tempore, hoc erit ob dictum impedimentum, quod valdè per accidens est, ac nullatenus evertit veram Galeni doctrinam; cum igitur prædicta febrium tempora, satis appareant conspicua, meritò ratio dubitandi offertur, vtrum omnis febris salubris, veluti alij morbi, omnia prædicta tempora quatuor percurrat, sicque dubitabis.

QVÆSTIO OCTAVA.

UTRVM OMNIS FEBRIS SALV-

*bris, veluti reliqui morbi, omnia quatuor
tempora percurrat.*

LICET diversæ proponendæ sint rationes, pro negativa parte, prius tamen offertur amplectenda, vt verior affirmativa, vt postea obiectiones adversæ, valeant dissolvi, sicque sit conclusio. Omnes febres salubres, quemadmodum reliqui morbi, qui per coctionem valent terminari, debent percurrere per quatuor dicta tempora vniversalia.

Probatur primò, auctoritate Galeni 3. de crisibus, cap. 9. afferentis. *Sed quiquidem liberatur. Quoniam morbus tempora vniversalia per transit. principium, augmentum, statum, & de declinationem*, ita similiter, lib. de totius morbi temporibus, cap. 3. ait: *Qua propter nullus morborum, qui solvuntur, est, qui non hæc quatuor tempora percurrat*; cum egisset de quatuor temporibus morbi. Hanc sententiam tuentur doctissimus Vega 2. de differentiis febrium, cap. 16. Vallesius lib. 10. controversiarum, cap. 17. Mercurialis lib. 5. suarum prædictionum, cap. 4.

Matamoros tractatu 2. de tempor. febr. disput. 2. Argent. libro de totius morbi temp. cap. 6. Mercatus lib. 3. part. 2. classe 4. artic. 8. num. 13. & alij.

Probatu deinde ratione, nam omnis mutatio alterativa debet fieri per expulsionem formalem, contrariam, & positi-
vam: ergo ut hoc contingat, debet habere quatuor tempora, ut in morbis in intemperie, qui terminantur ad salutem. Pro-
batur consequentia, nam id quod alteratur, debet pati initium sue mutationis. ergo habet principium illius: ergo cum in cres-
cat talis mutatio alterativa, obtinebit incrementum. Deinde cum talis qualitas illius alterationis debeat obtinere termi-
num, cum sit finita, merito obtinebit statum, cum tandem vi-
vens restituatur in suum salubrem statum; & hoc contingat per remissionem contrarij, fiet per declinationem gradualem: ergo in tali terminatione morbi alterativa, necessario est concedendum principium intensificationis, ac declinatio illius, ut qua-
tuor tempora percurrat.

Roboratur ulterius, nam tempora morborum distinguuntur, ut superius diximus, penes diversas mutationes materiae mor-
bificae; sed talis mutatio non est sola coctio, sed prius incipit cruditas, media putredine; cum prius sit, materiam esse cru-
dam, utpotè putridam, quam coctam: ergo antequam sit coc-
ta, incipit cum putredine: nunc sic, incipiente morbo, incipit materiae putredo: ergo ista putredo debet incipere, à remis-
siori gradu, ut ad intensiorem perveniat, cum nihil possit per-
venire ad extremum, quin transeat per medium, & nihil ad medium, quin incipiat à remissiori: ergo necessario febris ma-
terialis, ut putrida, debet obtinere principium putredinis, res-
pectu causae, & augmentum, cum incipit increfcere putredo: cum verò ista sit febris salubris, debeatque terminari per coc-
tionem, necessario debent ad statum, ubi elucescit coctio materiae, & cum tandem devicta sit materia, remittatur in totum, ac declinet putredo, cum coctio faciat cessare putredi-

nem,

nem, & febrem; merito febris declinabit: ergo manifestus erit transitus febris, per quatuor tempora, cum ad salutem talis febris reminetur; ideòque sentiendum venit de aliis morbis materialibus, qui ad salutem terminantur.

Obiicies tamen primo, acuti morbi, vt est apoplexia, simul ac invadunt, ad extremam accedunt magnitudinem: ergo non omnia tempora percurrunt, cum non sint principium, neque incrementum: præterea Gal. 9. meth. cap. 4. gloriatur, se sanguinis missione iugulasse febres, & lib. 13. meth. cap. 11. laudatur, se inflammationes oculorum, in principio, evacuatione de orsum facta, prima die persanasse: ergo huiusmodi morbi salutaris, non transire omnia quatuor tempora constat.

Respondeo tamè facile primæ rationi adductæ à Gal. lib. de optima secta ad Trasibulum, quod morbi valdè acuti, vt apoplexia, & alij, iam obtinent prædicta tempora, quæ, etsi sensibilibiter non percipiuntur; hoc tamen contingit propter celerissimum motum, in medio quo, accedunt ad sensibilem magnitudinem, & statum; cum tamen talis magnitudo non possit vigere, quin prius incipiat per gradus remissiones, & minores; hinc est quod iam præcessit principium, & incrementum, etsi insensibile dicatur.

Secundæ verò rationi respondeo; quod, etsi febres, & inflammationes oculorum, ac similes affectiones, tam breviter iugularentur, ac solverentur, mediis dictis evacuationibus, ex hoc non infertur prædicta tempora in totum tolli, ac evanescere; benè verò, ita breviora reddi, vt fugiant perceptibilem mutationem temporum, propter celerrimam causæ evacuationem; cum tamen, etsi materia evacuetur, saltem discrasia derelicta, necessario remissionem subire debet, per tempus, vt morbus in totum solutus maneat, ac proinde prædicta tempora percurrere.

Obiicies 2. ex Gal. lib. 1. de crisi bus, cap. 17. nam quædam sunt febres statim vigentes, quæ in principio habent summum

vigorem : ergo huiusmodi carent principio, & augmento. Vrgentius, datur febris synocha, vt paracmasthyca, quæ tota est increfciens: ergo prima, quæ semper declinat, non obtinebit incrementum, nequè statum, & alia, quæ tota est increfciens, non obtinebit statum, nec declinationem : ergo huiusmodi febres destitutæ, prædictis temporibus manebunt.

Et si huic rationi aliqui respondeant, prædicta tempora præcedentia, nimirum principium, & augmentum insensibilia esse; hoc tamen etsi sit verum in aliquibus morbis, vt supradixi de aploplexia, in synochis tamèn hoc non ita, & est respondendum cum Gal. 9. methodi, c. 4. cū referat Historiam cuiusdam laborantis synocho cum putredine, in quo apertè fatetur apparuisse signa in pulsu, & vrina, ex quibus signa sensibilia deprehenduntur; ac proindè respondeo, quod in omnibus febribus continentibus reperiuntur sensibilitèr quatuor tempora vniversalia, quæ distinguuntur propriis, manifestisque signis cruditatis, & coctionis, etsi vna dicatur vicens, & increfciens, aliaque decrefciens, hoc est verum, respectu intensiõis, vel remissionis caloris, quæ sumitur ex quantitate excrementi fulliginosi, quod putrescit, & resolvitur magis, aut minus, quàm putrescit, vt acrefcat, vel decrefcat, non tamen ex hoc sequitur, non dari diversitatè temporum, vt materia morbifica, non incipiat, & acrefcat media putredine, vigeatque, ac tandem declinet talis morbus, qui per dictam coctionem, vel cruditatem percipietur, vt cognoscantur quatuor tempora vniversalia ipsarum febrium.

Instabis vltèrius, nam morbus hæreditarius, & morbus congenitus ortum ducens à primordiis generationis, non habent principium: ergo non percurrunt omnia tempora vniversalia: antecedens patet, cum primum suum esse nascatur à primordiis generationis: ergo, &c. Roboratur amplius prædicta sententia, nam etiàm in morbo pendente à materia vrgente, eo quod in principio, medio pharmacho, tota radicitus evacuetur,

tur, solvitur talis morbus: atqui in illo casu, non pervenit talis morbus ad incrementum, nequè statum: ergo iam non percurrat omnia tempora, cum adhuc in principio solvatur, suppositio est admittenda, & est sequenda, ex doctrina Hippocratis, & Galeni 4. aphorismor. sentent. 10. *medicari in valde acutis, eadem die, si materia turgat*: ergo media illa medicatione radicali, tota materia erit evacuata: ergo morbus terminatus, hoc est in principio morbi: ergo citra alia tempora terminabitur talis morbus materialis.

Cui rationi primæ facile satisfiet, dicendo, quòd sive sit morbus congenitus, sive non, hoc nō tollit talem morbū, obtinere principium in suo esse constitutivo, ac proinde cum talis morbus, etsi congenitus suos motus extensibiles, & intensibiles debeat obtinere, merito, & incipiet, & increfcet, deinde vigebit; cum obtineat causam finitam, tandemquè vt solbatur ad salutem, debet remitti, vt ad declinationem perveniat; unde meritò erit fatendum, necesse sua quatuor tempora transire.

Secundæ verò rationi, respondeo concedendo casum evacuationis materiæ turgentis in principio, imò, vt dixi, est facienda; ex hoc tamè sequitur duplex respondēdi modus, quòd talis morbus, perpenditur, vel vt est iam facta febris, vi materiæ turgentis, vel vt solum dependet à materia turgenti: & idèd est materialis morbus; dum perpenditur febris illa; respondeo, quòd vt terminetur, talis calor febrilis, necesse obtinet, tum intensiōem, tum, & etiam remissionem: etiamsi materia sit evacuata; sicquè, vt est talis discrasia, morbus percurrat dicta tempora universalia: dum verò est morbus materialis à prædicta turgenti dependens materia: respondeo, non implicare, talem materiam, totam radicitus evacuari. Sicquè, illo in casu, auxilio medico poterunt impediri, prædicta tempora, provt dependent ex alteratione materiæ; cum verò præsens quæstio, non procedat de tali impeditiōe medica, sed

decurſu operativò naturali; medio quo morbus ſalubris terminatur, per veram victoriam, emanantem expugna naturæ, cum morbo; in hoc caſu dicimus, ſemper prædicta tempora reperienda eſſe; non verò dùm per accidens hoc contingit, vt in caſu poſſito, hoc enim non detruncat noſtram ſententiam.

Cùm igitur ſtabilitum maneat, vt certum, ad ſalubrem terminationem morborum, neceſſarium eſſe tranſitum per quatuor tempora vniuerſalia, & alij in principio, alij in augmento, alij verò in ſtatu potiùs intereant, meritò ratio dubitandi naſcitur, vtrum videlicet febres, non ſolùm in prædictis temporibus periculo mortis gaudeant, verum etiam in declinatione vniuerſali, ſicque ſit quæſtio.

QVÆSTIO NONA.

UTRUM IN DECLINATIONE vniuerſali februm, poſſit periculum mortis reperiri.

PRÆSENS quæſtio valet dupliciter militare, tùm de particulari declinatione febris, vt in acceſſionibus, vel de vniuerſali declinatione totius conſtitutionis, & antequam veriorẽ ſententiam, vt certam proponam, priùs aliqua notanda pro maiori expoſitione nobis obferantur.

Perpendendum eſt ergo primò, quòd tunc vera adest morbi declinatio, quandò ſimul morbus, & ſymptomata revera remittuntur, cauſaque morifica diminuitur, ex eo quòd natura verè, & propriè morbo, & cauſæ dominatur; declinatio verò falſa morbi eſt, quæ valdè declinationi veræ aſſimilatur, cuius plures ſunt cauſæ, vt cùm morbus, ita, eſt pernicioſus, &

malignus: tunc quidem, etsi media pugna, natura illum vincat, solet tamen ex illa victoria, cum non sit integra, & perfecta, esse labefactata, vt spiritus vitales, atque animales resolutos, rescire non valeat, quò fit, vt paulatim intotum natura languida deficiat.

Alia similiter reperitur declinatio falsa, in qua vltimus naturæ connatus apparet; nam velut lucerna extinctioni proxima, solet magis splendescere propter validam pabuli attractionem; & tamen ex defectu illius perquam citissime perit, non aliter natura, quo proximior est morti, validiores efficit connatus in quamplurimis operationibus, ita vt cor attrahat, valde ad se spiritus vitales, ac pulsus validiores efficiat, vehementiorem, ac robustiorem virtutem repræsentans, simulans languorem essentialem contractum: Ex quo tamen vehementi connatu, intensior, & promptior sequitur resolutio, vt celarius æger pereat.

Tertia similiter, solet contingere declinatio falsa, cuius causa est, & etherogeneitas, & dissimilitudo materiæ; nam resoluta parte tenuiori, ac calidiori, quæ magis ægrum irritabat, ac diversis velicabat accidentibus, videtur æger maiori cum levamine, ac melius se habere: remanet tamen pars humoris crassior invicta, quæ paulatim interficit: vt in hemiplegia, ac febribus horripilosis solet contingere.

Quarta verò est falsa declinatio, quando vnicus morbus in alium degenerat, quæ potius est morbi transmutatio in alium, propter causæ materialis translationem; quòd potius principium novi morbi, quàm vera appellatur declinatio, vt in pleuritide accidere solet, vt dum pleuritidis materia supurata est, per translationem ipsius in pulmonem, potius principium peripneumonix, quàm declinatio pleuritidis vera, est nuncupanda, nam etiam si dolores, symptomataque diversa remissa videantur, rigorose maiori cum periculo agrotans reperitur.

Ultima infidæ declinationis causa est, quotiescunque spiritus vitales, calorque influens, propter malignitatem, acutiem, & vehementiam morbi dissipatur, & extinguitur; nam illo in casu ad dissipationem caloris naturalis, etiam febrilis caliditas extinguitur, remittitur, & tandem tepescit, ac proinde veluti naturalis, & mittis apparet; ut in febre lipiria, & maligna, ex inflammatione ostenditur, & etiam in carbunculis pestilentibus, in quibus ab initio fervens valde datur caliditas, dum partem naturalem calorem corrumpit: tandem verò remisso illo fervore, & ardore, pars in gangrenam tendit, sique deperdito, ac dissipato calore illius nativo, simul febrilis remittitur, & quasi tepidus videtur, & naturalis, quod simulat declinationem falsam, apparetque pars temperata, cum potius interitus revera sit.

Quibus sic iam prælibatis, veluti valde necessariis, sit prima conclusio: in declinatione particulari febris, eger valet perire; quæ doctrina est adducta à Gal. 3. de crisi, cap. 9. asserente: *Hoc siquidem plusquam quidquam aliud pro verissimo haberi oportet, quod in declinationibus accessuum particularium plurimi pereunt: tribuitque rationem in declinatione verò propter virium imbecillitatem moriuntur*: Et cum his verbis, agat de particulari declinatione; meritò contrarium asserit, verbis antea dictis, agens de universali eodem capite in hunc modum; *moriturus autem ad declinationis tempus pertingere, minimè potest*: ergo ex Gal. doctrina constat, in declinatione particulari febris, non implicare mortis periculum.

Sit secunda conclusio: in universali, & verà febris declinatione, mortis periculum nequaquam valet reperiri. Et probatur autoritate Gal. 3. de crisi, cap. 6. & 9. citato, ubi ait: *Vbi enim morbi status præterierit, natura quidem iam superior evasit, neque enim aliter morbus declinasset, nullus autem modus mortis, tunc adveniens ex cogitari potest, præ-*

terquam ex errore; sed de hoc haudquamquam, nunc considerare propossumus; sed an morbi ratione hoc contingat; nec igitur hoc vidi unquam contingere, neque id invenit ratio.

Hanc sententiam tuetur Avicen. Fen. 1. 4. tractatu 17. cap. 28. quam doctrinam in sequitur, Petrus Michaël de Heredia quæst. 9. de febribus, fol. 77. doctissimus Matamoros lib. 2. de febribus, disput. 5. fol. 252. Vega lib. 2. de differentiis febrium in comment. cap. 16. Veiga ibidem fol. 498. Vallesius lib. 10. controversiarum cap. 7. Mercatus tomo 1. lib. 3. part. 5. classe 4. articulo 8. num. 14. Masarias doctissimus in sua praxi, lib. 7. pag. 330. Mercurialis lib. 5. de febribus, cap. 4. quæ est superior sententia inter omnes acutiores, & peritiores.

Probat igitur, præsens doctrina, nam in febris declinatione vera, & vniuersali, tota causa morbi, verè, & realiter, est devicta: ergo morbus est victus: ergo natura est vincens, cum actio victoriosa sumatur à præpotenti agente: ergo morbus victus à natura, non potest operari in naturam: ergo non valet vllam læsionem inducere: ergo minus interficere. Roboratur vltcrius ex Hyppoc. primo Epid. sect. 1. textu 45. *asserente cōctiones celeritatem iudicij, & salutis securitatem ostendunt*: ergo ex Hyppoc. datur breuitas crisis salutaris, & securitas sanitatis: ergo nullum adderit periculum mortis in declinatione vniuersali vera; cum in ea, vt diximus, tota materia raddicitus sit cocta, ac devicta; ac proinde morbus.

Insurges tamen contra hanc sententiam; nam in declinatione particulari accessionum febris, potest æger perire: ergo etiam in vniuersali, antecedens constat, ex conclusione superius à nobis allata; tum, & etiam, ex loco adducto, ex Gal. 3. de crissib. cap. 9. consequentia probatur; nam eadem militat ratio inter declinationem vniuersalem febris, ad prædicta tempora vniuersalia, ac inter declinationem particularem accessionum, ad tempora particularia, eiusdem febris; sed sic est, quod etiam si præcesserint tria tempora particularia ac-

cessionis, potest æger perire, in ultimo, nempe, in declinatione particulari: ergo ita pariter currit ratio, & si præcesserint tria tempora universalis, poterit in declinatione universalis, æger perire. Probatur maior, quod eadem militet ratio; nam tota ratio principalissima mortis in declinatione particulari febris, est quia natura, etiam si vicerit accidentia, & causam morbificam particularem accessionis, præcedentibus tribus temporibus, tamen manet, ita labefactata, & languida ob resolutionem caloris nativi, vi pugnae inter naturam, & causam partialem morbificam accessionis, ut pereat æger; sed sic est, quod etiam multoties manet in declinatione universalis, maxime deiecta natura calore nativo resoluta, vi luctationis inter naturam, & morbum: ergo licet sit in declinatione universalis, poterit æger vitam cum morte commutare.

Et si videatur præsens ratio consona veritati, maxime tamen discedit ab ea; nam diversa prorsus est illatio, inter declinationem particularem, & universalem; nam etsi verum sit, naturam præcessisse periculum trium temporum; tam particularium, quam universalium; maxima tamen cum distinctione: in accessione enim particulari, victoriosa, & triumphalis est natura supra causam coniunctam, & immediatam particularis accessionis, non verò supra antecedentem putridam infectam, & quæ fovet morbum; sicquæ, cum natura sit languida, vi particularis operis, & adhuc restet alia nova materia, antecedens, ad cuius pugnam agrediendam in principio alterius accessionis, merito defessa in declinatione particulari poterit æger perire: at verò in universalis declinatione, quia non solum natura dominatur causæ coniunctæ partiali repertæ in foco putredinis, verum etiam antecedenti; hinc est, quod ratione illius materiæ, nullam sensibilem læssionem ulterius patitur; ac proinde, nequæ vi morbi poterit æger perire, cum sit iam radicatus evictus à natura.

Sed obijciens ulterius ex Hyppoc. 2. Apho. sent. 19. acut-

torum morborum, difficiles sunt prædictiones, salutis, & mortis: ergo aliquando præcedentibus signis coctionis, in declinatione poterit æger perire; quandoque, cum signis cruditatis, poterit æger liber à morbo evadere, cum in certa sint signa salutis, & mortis. Probatur consequentia, quia multoties in morbis acutis, propter materiæ tenuitatem, caliditatem, & igneitatē, solet natura cum signis læthalibus maximo conatu, extra corpus, vel in aliquam partem minùs nobilem transferre materiam; atqui illo in casu contingit salus, vt ait Gal. lib. de constitutione medica, cap. 18. & è contra multoties signa salutaria apparent, quæ victoriam naturæ supra causam morbificam ostendunt, ac morbum esse in declinatione commostrant, atqui illo in casu potest humor pelli in aliquam partem principem, ex qua transmissione sequatur mors: ergo tunc in declinatione vniuersali morbi, victa materia, æger peribit, ob quod fundamentum ait Hyppoc. difficiles sunt prædictiones salutis in morbis acutis.

Cui obiectioni respondeo, concedendo authoritatē Hypp. infidas nimirum, & fallaces, esse acutorum morborum prædictiones, ad salutem, & mortem, quæ tamen ambiguitas, & incertitudo præfagij, solum obtinet locum à principio febris ad statum, nam in declinatione vniuersali, iam est materia omnino devicta: & superata, & nisi putrescat, aut inrudescat de novo, non poterit mortem inducere; quod si aliquando coctingat, erit per novi morbi productionem: nam cum materia novam speciem, & potentiam acquirat, aut in aliam partem decumbat, merito interficiet in principio novi morbi; nõ verò in declinatione vniuersali præcedentis, vt dictum est de pleuritide, in qua materia cocta, & non expulsa, novus suscitatur morbus, vt pulmonia, aut tabes.

Licet tamèn aliquandò in declinatione febris vniuersali, & vera, mors contingere soleat, hoc tamen fiet propter aliquem errorem comunissimum, de quo non currit difficultas, vt

docet Gal. 3. de crisibus, cap. 5. & 9. asserentis, nullo modo accidere posse mortem in vniuersali declinatione, nisi propter errorem supra dictum, vt propter magna animi pathemata, aut corporis motus vehementes; nam cum causa morbifica etsi cocta, de novo agitetur, in cale scat, ac novam concipiat putredinem; illo in casu, morbus cum maiori invadit periculo, propter antecedentem debilitatem, & langorem, quæ passa est natura, vi symptomatum antecedentium in aliis temporibus: vnde periculosior recidiva nascitur, quam affectio prima in radice, vt Abicena, fen. 13. tract. 4. cap. ultimo. Similiter etiam dantur alij eventus funesti, ob aliquos errores commissos, vt in his, qui vi, & opere naturæ in principio declinationis vniuersalis, incipiunt per sudorem morbum terminare, si aëri frigido, medio quo, talis motus impeditur, obuersentur, retro meante morbifica causa ad viscera ob dictum impediens, morbus perquam citissime interficit, ac in tali vera declinatione datur mors, de his tamèn eventibus, a causa externa, sive dictis erroribus, ac de falsis declinationibus supra præscriptis, difficultandi ratio non procedit; & hæc de vera huius dubij decissione.

De signis febrium putridarum in particulari, postquam signa febrium putridarum incommuni aducta fuere, meritò magis in particulari, est deveniendum ad vniuscuiusquæ febris putridæ signa adducenda, cum ratio vniuersalis neminem doctum efficiat, nisi in particularibus exerceatur; sicquæ sit dubium, quot, & qualia sint signa febris tertianæ exquisitæ intermittentis.

QVÆS.

QVÆSTIO DECIMA.

QVOT, ET QVALIA SINT SIGNA
febris tertianæ exquisitæ intermitt-
tentis.

ANTEQVAM cum Galeno libro 2. de differentiis febrium, signa tertianæ exquisitæ intermittentis adaperiamus, operè prærium erit illius essentiam adaperire. Febris igitur tertiana exquisita, est calor præter naturam accensus in humore bilioso putrefacto sincero, & impermixto, cordique communicatus, affligens de tertio in tertium: dicitur calor accensus in bile putrefacta; huiusmodi enim bilis, ubi in venis evadit naturæ inimica, vel copia, vel qualitate, eam ad suæ expulsionem stimulat; vnde à venis depulsa movetur per corporis partes, donec remaneat in aliquo loco, tamquam in foco putredinis (de quo postea) ibique conclusa putrescit: dicitur etiam de tertio in tertium diem affligens, quia secundum communem Medicorum consensum, tertianæ periodus potius bili, quam aliis humoribus (vt supra dixi) competit; quæ quidem tertiana exquisita, & intermittens ortum ducens à bile naturali supramodum habita, solet accidere, vt ait Galenus 2. de differentiis febrium, cap. 3. quandò præcedunt omnia, quæ bilem valent generare, vt temperamentum calidum, & siccum, æstas, regio, anni tempus, & ea, quæ ad calidum, & siccum declinant, cum à similibus causis, similes oriantur effectus, quæ quidem potius signa antecedentia vocantur.

Inter signa verò concomitantia, primum est, quod accessio huius febris invadat, cum vehementi, & exquisito rigore, cuius est ratio; nam ipsa bilis mordax, & acris per membra,

ten.

sententia deferatur, eo quod cum incipiat putrefieri, à vasis extra vasa validè truditur à natura.

Secundum signum desumitur à Gal. loco assignato, ex caloris acrimonia, quæ propriè desumitur, tum ex caliditate, & siccitate coniuncta, quæ acuens caloris extranei actiones eum acriorem, quàm in quotidiana, nec quartana reddit; ideoquè meritò à Galeno causodes, sive febris ardens appellatur.

Tertium præterea signum huiusmodi febris, desumitur ex evacuationibus, quæ hanc febrem solent antecedere, ac aliquando subsequi, ut in principio, ac declinatione accessions, biliosæ excretiones; nam cum in principio accessions, bilis, ut dixi, à vasis extra, ad habitum deferatur, & aliqua portio ad superius ventriculi orificium expellatur, ista necessariò, aut vomitu debet excerni; tum & etiam si in declinatione, si tota materia partialis accessions, non potuit per habitum corporis medio sudore, aut insensibili transpiratione deponi, novo humore remeante, ex valida facultate expultrice venarum regurgitat, ferturque ad ventriculum, & intestina, ut tum vomitus, tumque deiectio contingat.

Desumitur præterea quartum signum à Gal. ex permanentia, aut temporis duratione accessions, tertianæ exquisitæ intermittentis, quæ ad summum solet terminari spatio duodecim horarum, nam propter tenuitatem, & caliditatem humoris, facile à natura superatur, & expellitur; aliquandò tamen solum spatio sex horarum solet finire huiusmodi febris, accessio, quòd vel propter materiæ tenuitatem, minoremque quantitatem, acutiorem qualitatem, propter corporis rariorem dispositionem, aut validiorem naturæ facultatem, tam coarcticem, quam expultricem, & è contra, longitudo accessions accidet ob adversas, contrarium causas, effectum producentes, ut Gal. 2. de differentiis febr. cap. ultimo.

Nec minus conducit quintum signum, quòd sumitur ex tem-

pore intermissionis, siue quietis talis febris, nam cum lapsa fuerit accessio, nullum signum perceptibile putredinis in ægri pulsu apparet, cum magnitudo, celeritas, frequentia, & inæqualitas adsit, ob fuliginum validam à naturæ expulsionem, vi accessio- nis. Dices tamen cum doctissimo Auenzoar lib. 3. tract. 1. cap. 1. quòd etsi tertiana exquisita obtineat levamen, rigore tamen non depuratur æger: ergo non pervenit ad infebricitationem: ergo non est intermittens: ergo neque perditur inæqualitas, & celeritas in compressione pulsus, post accessionem, siquidem non manet æger absque in febricitatione.

Cui respondeo cum Gal. 2. de differentiis febrium, cap. 2. quòd si loquamur de infebricitatione secundum rationem, si- nedubio tertiana numquam ad consummatam infebricitationem accedit; nox enim antecedens paroxysmum, aut accessio- nem, semper solet esse molesta, & laboriosa, propter cineritiam dispositionem, quæ adhuc remanet in foco, aut minera putredinis; & idè Galenus 1. ad Glauc. inquit: (quod in tertiana pura, semper remanet in pulsu, aliquod signum caliditatis febrilis.) Quibus non obstantibus, ut omnes in praxi fatentur; tertiana accedit ad infebricitationem sensus iudicio, quia etsi in pulsu, aliqua caliditas præternaturam percipiatur, hoc est veluti signum, & iudicium incendij ælapsi, propter dictam dispositionem calorificam, à fuliginibus in foco existentibus, quæ cum tandem resolvuntur, pulsus magis æqualis, & moderatus redditur, ut ad pensum iudicij sensibilis, æger infebricitans maneat.

Ingenue tamen quis, iuxta primum tertianæ exquisitæ signum, nempe rigorem, qui est refrigeratio dolorifica cum inæquali totius corporis concussione, inquireret; quæ sit causa in tali rigore, tam intensæ frigiditatis positiua, quæ in partibus extremis, cum ingenti perfrictione invenitur? Aliqui enim asserunt solam retractionem influentis caloris ad cor, esse cau-

nam intensioris frigiditatis partium externarum; nam destituta à calore influente, propter illius defectum, frigidiores redduntur. Sed contra, quia illa retractio caloris in principio accessionis febris, est absentia ipsius caloris à partibus externis: atqui hæc absentia est privatio solum illius existentiae: ergo non valet esse causa positiva illius frigiditatis: maior est certa minor probatur, nam absentia caloris est defectus: ergo est privatio. Consequentia probatur, quia frigiditas partium externarum est effectus positivus: ergo à causa positiva debet produci: sed sic est, quod talis retractio caloris est privatio: ergo non poterit producere effectum positivum: ergo nec frigiditatem positivam partium externarum.

Melius tamen aliqui dubio proposito satisfaciunt asserentes, prædictam frigiditatem partium externarum in rigore accessionis febris tertianæ, potius ab ipsis partibus spermaticis provenire: quia cum non reperiatur alia causa positiva proximior, citra ipsas partes, inde est, quod nihil præter eas, dictam frigiditatem producere valebit: istæ enim spermaticæ partes, cum ex sua natura frigidae sint, & siccae, absente calefaciente, nempe calore influente, ad cor nimirum revocato, merito redducunt se in pristinum statum, ac naturalem temperiem, quâ à prima conformatione gaudebant.

Obiicies tamen contra prædictam assertionem, nam nulla causa valet producere effectum contra suam voluptatem, & conservationem: atqui si partes spermaticæ producerent, in rigore accessionum febrium, illam frigiditatem, operarentur contra voluptatem, & conservationem illarum: ergo quia talis frigiditas non poterit produci ab illis: maior est certa, cum aqua non possit producere calorem, quia calor est contra conservationem formæ aquæ: minor verò probatur, nam si huiusmodi partes producerent, hanc frigiditatem, sibi exhiberent concussionem dolorificam: ergo operarentur contra voluptatem, & conservationem ipsarum: ergo ne sibi lædant,

sibi que talem affectionem dolorificam exhibeant, erit dicendum, talem frigiditatem non produci à partibus spermaticis, ac per consequens, alia est causa inquirenda.

Hæc tamen obiectio soluta manebit, si perpendatur, quod in hac productione, duplex reperitur respectus, vnicus, qui se tenet ex parte musculorum, qui sunt continui cum partibus spermaticis, & alius, qui sumitur ex ipsis partibus spermaticis, quo posito, assero, quod illa frigiditas dolorifica solum causatur, & inducitur partibus musculosis, non verò spermaticis, nam talis frigiditas est temperamentum nativum spermaticarum; sicque istæ partes ex eo quod producant intensiorem frigiditatem dictam, in pristinum statum, & voluptuosum redduntur, quia tantum per istam frigiditatem concuciantur musculi, qui sunt instrumenta motus voluntarij, hinc est, vt excidendi, & per consensum concuciantur partes spermaticæ, dolorque per accidens exhibeatur.

Instabis tamèn vltèriùs, nam eo præcisè, quod ventriculus se reducat in frigiditatem, quæ illi est naturalis propter caloris influentis absentiam, datur in eo dolor, & anxietudo; at qui hoc non contingit respectu partis distinctæ, & vicinæ, sed solius ventriculi, siquidem iam per se esset causa sui proprii doloris, & destructionis, ratione sui, & non ratione partis musculosæ, vt in superiori solutione manet dictum.

Cui similiter respondeo dupliciter, perpendens ventriculum, videlicet, vel respectu suæ entitatis, vel respectu sui finis, scilicet actionis concoctricis alimenti, sicque respectu huius finis, verum est, dari in voluptuosam affectionem; cum deficiat requisitum necessarium ad prædictam coctionem optimè elaborandam: respectu verò nativi temperamenti ventriculi, nequaquam dari frigiditatem dolorificam, imò voluptuosam: cum ventriculus illo in casu cum suo temperamento nativo adsit; siquidem est pars spermatica temperamento frigido constituta: ergo semper est dicendum in principio accessio-

nis febris tertianæ exquisitæ intermittentis, nullam esse causam frigiditatis positivæ partium extremarum præter partes spermaticas.

Petrus tamen Michaël de Heredia quæst. 2. sectione 2. folio 156. etsi veriore, & communiore sententiam esse, asserat, talem frigiditatem ab interno principio, nascisci, ac tribuat rationem, quod propter recessum influentis caloris, partes mixti corrumpunt calorem actuale, quæ in se continent, ut ad pristinum, & naturalem statum reducantur, hoc solum erit olfacere difficultatem, non tamen eam ad imum solvere, cum non exprimat, quæ sint hæ partes mixti, quibus talis productio debeatur, quia maxime repugnat partibus carnosis, sive masculosis, sed potius spermaticis, ut probatum manet, debetur.

QVÆSTIO VNDECIMA.

UTRUM FORTITUDO, SIVE
robur facultatis, sit causa maioris rigoris,
quàm languor, sive debilitas.

VT præsens dubium explendescat, primo est notandum, triplicem esse in præsentia, facultatem perpendendam, quamvis Petrus Michaël de Heredia solum duas annumeret, expultricem scilicet, ac sensitiuam loco motiuam tamen in præsentia etiam sibi locum animadversionis acquirit: ut in particulari de illis agemus. Secundo notandum est, obiectum doloris, nimirum excrementum corrumpens, & molestans, debere esse in æquali proportionem, quoad quantitatem, motum substantiæ, tenuitatem, & crassitiem, quoad qualitatem primam, & secundam, nempe mordacitatem; nam si huiusmodi

cau.

causa intensior, aut remissior in irritando fuerit, non curret paritas, in efficiendo rigorem, respectu prædictarum facultatum.

Quibus sic stabilitis, sit prima conclusio; quo vehementior, robustiorque extiterit facultas expultrix vasorum, adpellendam causam morbificam ad genus musculosum; vehementior rigor inducetur. Qui sentiendi modus à Petro Michaële de Heredia, est merito collaudandus; & probatur, nam quo fortius, & vehementius facultas expultrix impellat causam morbificam, vehementius, & violentius corrumpet naturam partem: ergo vehementius inducetur alteratio dolorifica: ergo vehementius partes musculosæ concucientur, ut à præsentis obiecto molestante liberentur. Consequentia probatur, nam omne quod maiori vi impellitur, illud quod in transitu invenit, vehementius necessario impellit, ac distendit: ergo medio illo vehementiori impulsu, vehementior etiam fiet concussio: ergo rigor, quæ Avicenna in litera capitis expresse ostendit asserens: *Et de causis vehementiæ rigoris, est vehementia virtutis expulsiuæ in lacertis*; idem Galenus affirmat 2. de causis symptomatum, cap. 6. asserens: *Paucus tenuis, & mordax, cum exiguo motu in horroribus, quod si, vel vehementius moventur, vel copiosior mordaciorve est, concucientem rigorem infert, non horrorem, maximum quidem, qui plurimus est, & mordacissimus, & vehementissimus motus.* Quæ authoritas, etsi maiorem, vel minorem copiam materiæ tenuiorem, vel crassiorem assignet; (quod est verissimum) tamen ad nostrum intentum, præcipuè vehementia, vel debilitas expulsionis conducit.

Insurgens tamen, nam causa secundum naturam, non potest esse causa vehementioris symptomatis; sed facultas expultrix est naturalis: ergo non potest esse causa vehementioris rigoris. Probatur antecedens, quod est naturale, semper effectum naturalem producit: ergo non potest esse causa maioris symptomatis, seu rigoris. Minor est certa: ergo consequentia est

est legitima. Probatur ulterius, quia facultas est debilis, ratio-
ne morbi: ergo quo debilior est facultas, morbus erit maior;
atqui quo maior est morbus, est simul symptoma maius: ergo
quo facultas est debilior erit symptoma, sive rigor maior:
ergo non semper intensio rigoris, debetur robori facultatis ex-
pellentis.

Cui respondeo rationi, quod quotiescumque dantur actio-
nes lesæ, ortum ducunt ex parte actionis, à principio naturali,
ex parte lésionis, à morbo; vnde erunt à tali principio natura-
li malè dispositæ; ac proinde, etsi malè disponatur instrumen-
tum à morbo, quo maius robur principij talis instrumenti fue-
rit, maior erit rigor. Cum autem expultrix ob irritationem
obiecti determinetur ad expulsionem, quamvis in expellendo
naturaliter operetur, in modo impetuoso, & adaucto, concur-
rit, vt musculi depravatè moveantur, & maiori cum rigore,
propter maiorem connatum, quem facultas expultrix effi-
cit.

Maior tamen adest difficultas, circa facultatem sensificam,
videlicet an rigor maior, fiat à facultate forti sentiente, quam
à debili: quod vt dilucidius maneat, prius discutiendum venit;
an in facultate sensifica sit, quid distinctum, quod sit robusta ab
eo, quod acutè, & promptè sentiat: quod sit quid valdè di-
stinctum, persentit doctissimus Vallesius lib. 5. controversia-
rum, cap. 17. vbi docet, quod plus, aut minus irritari, non de-
pendet à robore maiori, aut minori facultatis sensitiuæ, sed ex
maiori, vel minori acutie sensus; veluti debilitas valdè distin-
guitur à sensus torpore, aut hebetudine; qua propter potest
esse facultas sensifica robusta, & obtinere sensum hebetem,
aut diminutum, vel è contra, potest esse debilis, & esse acu-
tissimi sensus; sicque maior rigor, non à robore facultatis sen-
sificæ fiet.

Hic tamèn sentiendi modus Vallesij reiiciendus est; habita-
venia tanti viri, vt benè, & ingenuosè, asserit Petrus Michaël

de Heredia; nam rigorosè loquendo, facultatis sentientis ro-
bur, & acuties, idem realitèr sunt, sicut etià debilitas sentiē-
di, & hebetudo; ac proindè est sentiendum, quod à robustiori
sentiente, veluti etià acutiori, (quod idem est,) maior sit ri-
gor, sicut à debiliori, & hebetiori, remissior. Quod autem
idem sit robur, siue fortitudo sensitivæ, & acuties illius, mani-
festissimè probatur, quia tota ratio principalissima roboris fa-
cultatis, stat in eo, quod intensius persentiat; sed intensius sen-
tire, est perfectiùs sentire, & acutiùs: ergo robur, & acuties, idē
sunt: ergo debilitas sentiendi sumetur, pro remissione, & he-
betudine, nam ad pensum roboris agentis, est robur in produ-
ctione effectus: ergo debile agens, debilem exercebit actio-
nem: ergo debilis facultas sentiens, debilem efficiet sensatio-
nem: ergo è contra, valida sensatio magis conducet ad rigo-
rem validiorem, quam debilis, cum esse sensationem robu-
stam, perfectiorem, & acutiorem, idem consonent, veluti esse
debilem, hebetem, remissam, & imperfectam.

Roboratur Vterius; omnis ratio propterquam facultas vi-
talis est robusta, sumitur ex valido pulsu, quem conficit, quē-
admodum languida, ex imbecillo, & parbo; idemquē con-
sonat de facultate loco motiua, concoctrice, retentrice, & ex-
pultrice; cum huiusmodi facultates dicantur validæ, robustæ,
aut imbecilles, & languidæ, habita ratione ad perfectiorem, vel
imperfectiorem, intensiorem, vel remissionem exercendam
actionem, circa suum obiectum proprium: quare veluti facul-
tas loco motiua nullum aliud exercet munus, quam motū, ve-
luti coctrix coctionem, & expultrix expulsionem; ita paritur
sensitiva sensationem: ergo si huiusmodi facultates dicuntur,
validæ, vel debiles respectu intensiōis, vel remissionis ope-
rationum; ita similiter sensifica facultas, dicetur robusta ab
intēsiōi, validiori, & acutiori sensatione, veluti imbecil-
lis, à remissiori, hebetiori, & imperfectiori: ergo, quia
robur, & acuties facultatis sensificæ; quemadmodum debili-
tas,

tas, & hebetudo, idem realiter sunt, ac per consequens, si debilis fuerit sensitiva facultas; quia debiliter sentit, debilis rigor, ut si valida, vel robusta fuerit, quia validè obiectum molestant percipit, validior, sive maior fiet rigor.

Instabis tamèn cum Gal. 2. de causis symphomatum, cap. 5. asserente: *Nam quod acuti sensus est, vel invecillum, etiam ex levissima causa dolet, contra, quod valentissimum, nec facilis sensus est, magnam causam ad talis symphomatis generationem requirit:* ergo clare Gal. acutum sensum, cum invecillitate simul admittit, ac proinde acutus à robore facultatis, valdè differt: non alitèr robur cum hebetudine sensus coniungit; ita ut possit esse virtus sensitiva robusta, & hebes, sive obtusa.

Hoc tamèn Gal. testimonium diluetur, si animadvertamus, quòd ad diversas res potest referri, nimirum ad organi, sive instrumenti dispositionem, vel ad ipsam virtutem sensitivam, dolor enim, de quo in præsenti agit, duo requirit, primò immutationem, sive corruptionem partis realem 2. aliam intentionalem, vnde, cum ad dolorem requiratur, realis naturæ corruptio, & ut persentiat obiectum doloris intentionalis, meritò si dispositio realis ad dolendum, est naturæ corruptio, erit certum, quòd debile organum, quo magis corruptum, propter minorem resistantiam, vehementius dolebit. Si tamen virtus sensifica fuerit acuta; sine dubio, exquisitiùs dolorem præsentiè, ac per consequens intensius dolebit, omne illud instrumentum, quòd fuerit invecillius, & simul acuti fuerit sensus, à leviori causa, quia simul est coniuncta vehemens organi corruptio, cum intensa sensus acutiè; & è contra, dum organum valdè robustum fuerit, intensiorem, sive maiorem requirit causam, ut doleat, nam à levi non tam facilè, nec subito, propter maiorem resistantiam corrumpetur; quòd requiritur ad dolorem, non alitèr, quòd est difficilis sensus; intentionem, ac validum obiectum requirit, ut valeat ad dolorem, im-

mutari, vt in stupore, ac in profundè dormientibus experi-
mur, proptèr deficientem in organo debitam dispositionem;
vnde seruatis, seruandis, distinguenda venit debilitas, aut ro-
bur instrumenti, quo facultas operatur, aut debilitas, ex par-
te potentia solius; si enim instrumentum debitè fuerit dispo-
situm, & robustum, ac facultas, valida, & acuta respectu irra-
diationis in parte, bene se habeat, intèsius percipiet dolorosum
obiectum ad ipsum fugiendum, quam si habes fuerit, & lan-
guida; si verò, vt dixi, naturà partis, vel organi valdè corrup-
ta fuerit; cum à quolibet, iam discrasia illius intendatur, par-
que maximè lædatur, coniuncta facultatis acutic, celerius, ac
vehementius dolebit, vt rigor vehementior contingat; sicque
ea distinctione venit intelligenda præsens doctrina, vt valeat
debitè sustineri.

De alia tandem facultate locomotiva lacertorum, non ita
est difficilis dubitandi ratio; nam posita facultate sensifica ad
sentiendum obiectum molestans, ad pensum alte rationis, sive
corruptionis, concurrit gradualitèr expulsiva, ad expulsionem
talis obiecti ad partes sentientes, ex quibus trahitur locomo-
tiva in consensum, vt media contusione, talis materia rigoris
mordax expellatur, quare concursus facultatis motiue exe-
quentis, quo robustior, & validior fuerit, vehementiorem
connatum, concussionem, & rigorem efficiet, vt fini-
debito expultricis satisfaciatur: sicque semper
intensio rigoris, ab intensiore virtute loco-
motiua, veluti remissio illius, à de-
uiliiori facultate motiua
proueniet.

X

QVÆS.

QVÆSTIO DVODECIMA.

AN MINERA, SIVE FOCUS P.V.

*treidinis, in febribus intermittentibus sit**extra vassa, in continuis vero**intra illa.*

VT præsens quæstio elucescat, prius aliqua animadver-
tenda offeruntur, quorum primum est, quod in quocum-
que febrium putridarum genere, locus in quo calor febrilis,
primò accenditur, vocatur apud Medicos focus putredinis, si-
ve febris, sumpta metaphora ab igne externo, qui qualibet in
domo solet accendi: perpendendum secundo est, calorem
igneum, & præternaturam, qui in foco putredinis est, accen-
sus, non constituere febrem, antequam cordi communicetur,
ut suo loco expositum manet. Erit igitur focus putredinis,
particula illa, in qua humor primo putrescit, à quo putrescen-
te, vel à putrida ipsius fuligine perveniente ad cor, febris ac-
cenditur; qui etiam focus solet, minera putredinis appellari,
quasi sit locus reconditus, ac putredinis receptaculum, ad
quod excrementorum colluvies confluit, ibique putrescens fe-
brem accendit.

Quibus iam prælibatis, iuxta dubium propositum, Lauren-
tius Ioubertus paradoxa 4. decade 2. diversis rationibus con-
natur ostendere, eundem esse focum putredinis, tam in febr-
bus continuis, quam intermittentibus; iudicat enim, materiam
febrium putridarum, positam esse in corde, ibique mineram
putredinis assignat, quod probat hac ratione; nam ibi de-
bet esse materia coniuncta febris, ubi adest ipsa febris; sed in

cor.

corde adest febris: ergo ibidem debet esse materia coniuncta: ergo putredo, quæ est causa coniuncta febris: ergo minera. Si verò aliquis respondeat, febrem esse in corde, prius tamen calorem accendi in alia parte; contra, inquit, quia si hoc esset verum malè diceretur febris, calor primo accensus in corde, sed potius in alia parte. Præterea, nam ibi residet putredo, ubi sympthomata concomitantia putredinem, magis elucescunt; sed in corde talia accidentia magis elucescunt, ut intensus ardor, aestuatio, & animi deliquia: ergo quia in corde adest putredo: ergo dicendum est, quod febris putrida, & intermittens, non differunt in foco, sive minera putredinis, sed solum ex parte materiae febrem efficientis; nam si est multa, crassa, aut lenta, fit febris continua, quia diu putredo permanet, & contra verò fit intermittens propter materiae paucitatem, tenuitatem, & igneitatē: quod confirmat ipse Iouertus exemplo combustibilium; parva enim illorum quantitas brevi, sicut magna longo tempore comburitur, veluti parva materiae moribificæ quantitas, intermittentem febrem, & multa, sive ingens continuam constituit.

Hæc tamē sententia nullum veritatis inditium obtinet, quatenus asserit, cor perpetuò esse focum febrium putidarum, præsertim intermittentium; quid enim implicat, quod humor, prius in aliqua parte nostri corporis putrescat, & inde calor cordi, ad febrem constituendam, communicetur? deinde, quia si humoris putredo in corde existeret, non esset vlla ratio, propterquam fiat rigor in febre intermittente, nam cum hoc sympthoma fiat per corporis habitum, non est dicendum humorem obtinere mineram putredinis in corde; neque vllā vim ostendunt fundamenta ab eo allata; frustra enim, ait, putredinem debere esse in corde, quia febris residet in eo, cum calor præternaturam possit cordi communicari a materia existente intra venas: cur verò febris dicatur calor primo in corde accensus, sumitur, quia ad constituendum subiectum

immediatum febris, requiritur cor; nō verò ad hoc ut sit calor præternaturam, ut supra est ad apertum; similiter incendia, & symptomata, quæ in corde elucescunt, magis in eo percipiuntur, quia plures vapores feruntur in illud, qui cum putridi sint à foco, siue minera putredinis deferuntur.

Fernelius verò lib. 4. de febribus, cap. 9. & 10. haud dubitat, quod in febribus intermittentibus, humores non moventur extra vassa, ac proinde, quod alius est assignabilis focus putredinis, diversasque adducit rationes, quarum prima est: in quotidiana intermittente humor est valde crassus, & viscidus, sicut in quartana intermittente, maximè terreus: ergo impossibile est, ut in principio accessionis, tam brevi tempore, humor crassus, & lentus ex venis maioribus in minores, & ex illis in extremas corporis partes mittatur: ergo quia in intermittentibus, non moventur humores extra vassa. Probatur secundo, quia etiam in febribus continuis, materia morbifica tota est intra vassa maiora: ergo poterit aliqua ipsius portio, in principio accessionis, in corporis mollem effundi: ergo etiam efficiet rigorem, sicut intermittens: ergo in febribus intermittentibus, non erit dicendum humorem mitti extra vassa.

Roboratur ulterius Fernelij assertio, nam in accessione, siue paroxismo febris intermittens, apparet tussis, sitis, & anxietas, vomitus, & præcordiorum distensio; atqui hæc omnia oriuntur à materia existente in prima corporis regione: ergo in febribus intermittentibus, materia morbifica, non putrescit, neque pellitur extra vassa. Ulterius probatur, quoniam etiam in principio accessionis febris intermittens, apparet lotium album, tenue, & sine vlla coctione, progressu tamèn accessionis, & præcipuè in declinatione, iam apparet cum crassitie, & colore: ergo in principio reconditur humor in corporis profundo: ergo quia in tali accessionis principio, non spargitur ad summa corporis,

Præterea Fernelius, adducit Galen. qui primo ad Glauconem, cap. de quotidiana, inquit: *Inter tertia, habēdam esse rationem iecoris, in quotidiana ventriculi; & in quartana lienis; ac proinde concludit, sedem, & originem rigoris in febre tertiana intermittente, in prima corporis regione, circa ventriculum, regionem cavam iecoris, lienem, omentum, & mesenterium contineri, quæ partes membranæ acutissimi sensus teguntur; quare quando humor febrem accendens in his partibus agitur, vapores putridi, ac fuligines, per venas, & arterias feruntur ad cor, sicque in febribus rigor inuadit. Veritas tamen huius sententiæ, dum Galeni sensum adaperiam, constabit.*

Ludouicus tamen Mercatus, tom. 2. lib. 6. de febribus, Gal. taxat, quia protulit, quod in febre intermittente mouetur, humor per membra corporis sentientia: at verò lib. 2. de differentiis febrium capite vltimo, sententiam immutauit, statuitque non solum per partes sentientes delato humore, sed etiam in quolibet membro putrescat, dum non sit in vasis penitioribus, febrem intermittentem posse fieri: quod ostendit exemplo partis transmittentis, & recipientis, quæ quia imbecillis, non valet concoquere, ac sibi assimilare alimentum, aut proprium excrementum reicere, vnde accidit periodicatio, sine eo, quod moueatur humor per partes sentientes. Probatque Mercatus, hanc assertionem, primo, quia in aliquibus, sæpè sæpius, ante accessione apparent maculæ rubæ, & pruriginosæ, quæ, in vadente accessione, evanescent, siue delitescunt: ergo ex hoc duo sequuntur, primum; quod non in omnibus intermittētibz humores funduntur extra venas, alioquin semper in cute efflorescerent, atqui remeant ad interna: ergo, &c. secundum est, quod humor extra venas effluens, non putrescit, siquidem potius delitescit, ac intromittitur, cum prædictæ maculæ auferantur: ergo talis febris intermittens, non dependet ab humore extra vasa suffo, siue propulso.

Pro:

Probatur ulterius, quia circuitus huius febris intermittens sumitur ex fomite, & fouetur à relicta materia, quæ putrefacta fuit in accessione præterita; atqui illud, quod remanet reconditur, sicut sedimentum in extremitatibus vasorum: ergo non aderit in partibus sentientibus extra vasa. Probatur deinde, nam eadem est materia sudoris, & lotij: ergo in vno, & eodem loco, ac per eandem actionem generabitur: ergo cum materia lotij, sit intra vasa; etiam sudoris materia ibi continebitur, ergo sudor qui accidit in febris declinatione intermittens, non est propter putredinem humorum extra vasa, sed intra illa existentium. Confirmatur vehementius: quia si in febre intermittente humor extra vasa putresceret, sequeretur, quod rigor fieret maior, & aueretur, vsquæ statû accessionis: hoc est contra experientiam, nam in augmento accessionis, & in statu iam non datur rigor: ergo humor non putrescit extra vasa, sequela probatur, quia quo magis putrescit humor, eo deterior, acrior, & mordacior redditur; sed in statu magis putrescit, quàm in principio: (& ideo calor intensior) ergo si ista putredo esset extra vasa, in statu esset maior rigor, quàm in principio dictæ accessionis; hoc vt dixi aduersatur experientiæ: ergo dicendum est, quod causa illa morbifica, non extra, sed potius intra vasa putrescit, & ex ipsius calore, materia rigoris evanescit, quæ est valdè diversa ab ea, quæ febrem accendit.

Sigillatur tandem huiusmodi sententia à doctissimo Mercato, si enim humores intra vasa non putrescerent, sequeretur omnes febres intermittentes, esse diarias. Probatur sequela, nam omnis febris intermittens esset tantum accidens, & velut symptoma, quia æquè cor incallescere, ac dùm aliqua corporis particula plegmone laborat; atqui febris sequens in inflammationem, est velut symptoma, ac reducitur ad febres diversas: ergo ita febris intermittens, quia sequitur putredinem extra vasa, velut in parte plegmone correpta reducere-

tur ad diarias. Quibus, & aliis rationibus fulcitus Mercatus, arbitratu differre à foco, siue minera putredinis, hac ratione; ex eo quod in febribus intermittentibus, quædam portio humoris tenuioris ad partes sentientes movetur, ex qua quidem rigor accidit, & ab ea nullatenus febris efficitur, sed per cutim insensibiliter resolvitur; alia verò pars crassior illius, ad vasorum extremitates movetur, ibique detenta putrescit, febremque intermittentem constituit.

Vt clarius præter dictas rationes, sensus Mercati stabiliatur, aliqua proponit fundamenta, quorum primum est; nam si pars carnosa esset putredinis focus, solum humor per sudorem, aut insensibilem trāspiratum excerneretur; sed sic est, quod in fine accessionis febrium intermittantium, solent humores excerni per lotium, vomitum, aut per alvum: ergo quia non putrescunt extra venas, sed intra eas. Præterea, quia nullum inditium coctionis, vel cruditatis sumeretur ex lotio, (cum hoc contineatur intra vasa,) atqui ex lotio percipimus coctionem, vel cruditatem humoris febrem efficientis, ad distinguenda tempora vniuersalia febris: ergo quia prædicta materia potius putrescit intra vasa, in illisque debitam putredinem obtinet; tum & etiam nulla fieret pulsus inæqualitas, neque calor, veluti sopitus appareret, cum cor non gravaretur à materia non contenta intra vasa, sed potius pulsus magnus esset in principio accessionis, propter exitum materie ad habitum, calor, que in principio esset intensior in partibus, & mordacior, quia in habitu corporis materia contenta putrescit; omne hoc est contra experientiam: ergo etiam sententia superius dicta non est sustinenda.

Sit ergo prima conclusio: humor efficiens febrem tertiam, nam intermittentem, veluti alias, non putrescit in præcordiis. Quæ sententia est contra Fernelium, ut dixi; eam verò inscquitur, Petrus Michael de Heredia, doctissimus Gaspar Bravo, Veiga, Ludovicus Mercatus, Franciscus Antonius Caser-

ta, Petrus Garcia, Vega, Vallesius, Benedictus Vázquez Ma-
tamoros, est quæ Gal. menti consona, & probatur: nam vt Gal.
ait 2. de different. febrium, cap. 3: tertiana exquisita acci-
dit rigor; quia humor aeris, & mordax defertur per particulas
diversi corporis sentientes; sed si humor putresceret (vt ait
Fernelius) circa præcordia, non posset fieri, huiusmodi rigor,
ac partium concussio: ergo non est dicendum, quod humor ef-
ficiens tertianam intermittentem; circum præcordia putres-
cat, tanquam in foco. Vtius impugnatur Fernel. sententia:
nam in declinatione accessionis dictæ febris, vt supra est pro-
batum, solent accidere sudores, vel deiectiones, vel vtrumque
simul, atqui hoc non posset fieri, si putresceret materia in præ-
cordiis: ergo falsitas sententiæ, est certa. Minor probatur: nã
vt detur sudor, ex humore putrido in præcordiis, necessario
talis materia putrescens debebat prius mitti in viciniore ve-
nas, deinde in alias, vsquæ ad minimas, & exiguas, per quartum
hora desinantur in carnes, per quas possit accedere ad cutis
spiracula, vt tandem huiusmodi materia, medio sudore, expel-
latur; atqui hic transitus humoris putrescentis, est impossibi-
lis, quin simul aliquis alius humor in venis existens putrescat:
ergo in tali casu non esset tertiana exquisita intermittens, cū
iam non vnus, sed duplex esset humor putrescens; hoc non est
dicendum: ergo neque humorem efficientem tertianam in-
termittentem, in solis præcordiis putrescere.

Neque valet, si Fernelius respondeat, sudorem in his fe-
bribus, nõ ita fieri, sed solum per halitum illius humoris, in vni-
versum corpus effusum; vt accidit his, qui liberalius æstate
aquam frigidam ebibunt; statim enim sudore madent, quin
omnis aqua in vniuersum corpus spargatur. Sed insurgo apper-
tissimè, nam licet hæc vera sint de aqua; implicant dici de hu-
more; humor enim in præcordiis putrescens, vel totus in va-
porem, & halitum resolvitur, ac habitum corporis petens, fit
sudor, vel solum aliqua illius portio tenuior; sed neutrum po-

rest

rest fieri: ergo ruit responsio. Maior non indiget probatione. Minor probatur: quia totus humor, vt respondet Fernelius, non transmittitur per venas, sed solum illius vapores, qui postea concrecentes, materiam sudoris suppeditant: ergo iam remanet semper principalis materia humoris in minera putredinis, videlicet in præcordiis: ergo nullatenus erit febris intermittens, sed continua, cum nunquam deueniat æger ad in febricitationem. Sequela est manifesta, nam tota terminatio accessionis febris intermittens, sumitur ex integra euacuatione materiæ, in foco putrescentis: ergo si tota radicitus à foco, non euacuatur, sed semper remanet in præcordiis, non terminabitur integrè accessio: imò semper æger cum febre permanebit: ergo non intermittens, sed continua dicetur talis febris. Si tãdem asserat, omnem humorem resolui in halitum, iam exemplum de aqua adductum, nullam obtinebit vim, si quidem, vt ait, non omnis aqua epota per vniuersum funditur corpus. Præterea, quia non valet reperiri tam intensus calor in præcordiis, vt tantam humoris putrescentis quantitatem, tam breui tempore resolueret possit: ergo à primo ad vltimum infertur, putredinis focum in intermittens, solum in præcordiis extra venas non posse existere.

Sit secunda conclusio, videlicet quòd aliquandò potest esse focus, siue minera putredinis febris tertianæ intermittens in genere carnosò: & probatur, ex Gal. qui lib. 2. de differentiis febrium, cap. 1. & lib. 2. de crisi, cap. 3. & 6. id præostendit. Deindè, quia potest aliquando ferri humor non putridus ad partes carnosas, ibique detineri, ac propter cutis constipationem, siue aliam causam calefieri, & putrescere, & sic rigorem, & febrem efficere: ergo illo in casu, iam putredinis minera erit carnosum genus extra vasa. Consequentia probatur, nam ex eo, quod humor in partibus carnosis putrescat, sua acredine facultatem expultricem vellicabit, simulque motuam musculorum in citabit in consensum: ergo erit causa

concussione illorum; ac proinde rigoris; ex alia parte talis humor putrescens, vel fuligo perveniens ad cor, febrem valebit accendere: ergo ex eo præcisè, quod bilis putrescat in genere carnosot, tertianam intermittentem, cum rigore poterit inducere. Et si tamèn doctissimus Brauus, quamlibet corporis partem, ad quam materia decumbat, cum putrescat, assignat pro sufficienti foco putredinis, & hoc quocumque tempore; hoc tamen non est veritati consonum; ut supra dixi, etsi aliquando possit prædictus euentus contingere in carnosot genere ob rationem allatam.

Dimicat tandem tertia conclusio: humores efficientes febres intermittentes tam tertianam, quotidianam, quam quartanam, ferè sempèr, & ut plurimum putrescunt in venis, in quibus etiàm putrescunt humores, febres continuas inducentes, quæ necessariò ab intermittentibus differunt, ex eo quod in intermittentibus, materia in venis putrescens expellitur, ac defertur per habitum corporis, & genus carnosum; ideoque tandèm soluitur accessio, ac intermittit febris; humor verò febrium continuarum, retinetur inclusus in venis, in quibus putrescit, & ob hanc rationem, febris non intermittit, sed semper permanet æger febricitans: præsens conclusio, est contra communem veterum opinionem, contra Fernesium, Avicennam lib. 4. tract. 2. cap. 1. contra Gentilem, dubio 11. Chrysostorum Vega, Thomam à Veiga, Turisenum, Altomarum, Capiuacium, & contra quamplurimos.

Meam verò sententiam, amplectitur sapientissimus Petrus Michaël de Heredia, etsi velut pertimescens, ne ut temeraria, & imprudens ab aliquibus iudicetur, Galenus tamèn eam, ut verissimam stabilit, secundo de crisi bus, cap. 6. 3. & 12. lib. 2. de differentiis febrium, cap. 1. aliisque in locis: sequiturque hanc opinandi rationem, Petrus Garcia, Franciscus Caserta, Matamoros, Ioannes Baptista Navarre, Vallesius, & alij quamplurimi, & probatur primo autoritate ipsius

ipſius Galeni, qui locis citatis aſſerit, materiam febrilium inter-
mittentium, extra venas numquam putreſcere, & ſolum
defferri per partes carnoſas; ſolumque diſtingui à continuis,
eo quod in his, deferantur humores per venas, in intermitten-
tibus verò per vniuerſum corpus.

Probatur ſecundo, quia ſi febris tertiana, aut quartana in-
termittens, fieret ab humore putreſcente extra venas, nullus
daretur, cum morbo regio, ſine febre: ſed hoc eſt contra ex-
perientiam: ergo, &c. probatur maior, nam in quolibet mor-
bo regio,, datur maior copia flava bilis in carnibus, quam in
tertiana, cum pateat ſenſus iudicio: ergo in eo maior dabitur
ratio, vt flava bilis propter maiorem obſtructionem putreſ-
cat; atqui ægri, ex hac cauſa non febricitant; imò aliquando
ſolet febrem iudicare: ergo, quia febris tertiana intermittens,
non obtinet putredinis mineram in carnibus; ſed potiùs intra
venas, à quibus ad carnes, humor deferitur, ad rigorem efficien-
dum.

Obiicias tamèn primo; dum fit rigor, non adeſt febris: er-
go humor non putreſcit intra venas. Antecedens probatur, ex
Gal. lib. 2. de differentiis febrilium, cap. 6. vbi inquit rigorem
antecedere, & febrem ſubſequi: ergo dum rigor fit, non adeſt
febris, atqui rigor naſcitur ex vellicatione, partium carnoſa-
rum, ab humore violentèr per eas delato, dependente: ergo,
ibi ante febrem putreſcit: ergo quia focus putredinis, non in
venis, ſed potiùs in carnibus adeſt.

Cui reſpondeo, negando antecedens, ſi vniuerſaliter intel-
ligatur; & præcipuè in febribus experientia patet anteceden-
tis falſitas: in tertiana enim intermittente experimur, dum
rigent membra, quòd pulſus præternaturam celeriores,
ac frequentiores ſiant: ergo, quia tunc datur in corde ca-
lor præternaturam accenſus: ergo febris, cum ex pulſus muta-
tione, cor eſſe, vel non eſſe immutatum, percipiamus: falſum
igitur eſt antecedens, dum fit rigor, non adeſt febris. Reſpon-

deoquē Gal. authoritati asserentis, rigorē antecedere, febrem subsequi; quod tunc non alloquitur de febre, quatenus est calor accensus in corde solo, sed de febre, quatenus iam calor omni corpori est communicatus; sicque rectē ait rigorem præcedere; quia paulatim per omnes corporis partes talis febris spargitur, cum illius causa; videlicet materia putrescens diffunditur.

Obiicies secundo, inā si in febribus intermittētib; putresceret humor intra venas, sequeretur maiorem, intensiorem, quē, esse calorem; ac frequentiorem pulsū in principio accessionis, quam in augmento, nequē statu: hoc est contra veram observantiam; ergo etiam dicta sententia, non erit sustinenda. Sequela probatur: quia, in accessionis principio, datur maior copia humoris putridi in venis; quam in augmento, & statu: ergo datur maior delatio humoris putridi, à venis ad cor, quā in statu: ergo intensior febris. Probatur antecedēs, quia in statu materia putrescens, iam est victa in carnibus: ergo tunc minus defertur, minusque cordi communicabitur, quam in principio, eo, quod tunc adhuc existit intra venas: ergo in statu pulsus, nequē erit celerior, nec frequentior, tum, nec febris intensior: ac proindē ne hoc dicatur, est fatendum humorem, non intra, sed extra venas putrescere.

Hoc tamen argumentum dissolvam, negando, pulsū debere esse frequentiorem, nec febrem intensiorem in principio; cuius est ratio, quia licet portio humoris putridi, sit intra venas in principio accessionis; tunc tamen nondum est totus humor putrefactus, sicut in augmento, & statu, in quo iam materia, omnem fervorem, & agitationem passa est; quare hoc tempore calor intensior adest, veluti in principio remissior.

Obiicies tertio, & ultimo; si putredinis, minera intra venas existeret in febribus intermittētib;, numquam daretur duplex tertiana intermittens, nec duplex quartana: hoc est

contra veriore[m] doctrinam : ergo minera non est intra vasa.
 Probatur maior, nam, si minera esset intra vasa, solum dare-
 tur vnica minera, siue focus vnus putredinis: ergo vna simplex
 tertiana intermittens, & non duplex; hoc est falsum: ergo etiā
 conclusio, siue sentētia allata. Huic argutiei, respondeo negan-
 do primum, & secundum antecedens; nam ex eo, quod den-
 tur distinctæ venæ, in quibus adsint diuersæ portiones humo-
 ris putrescentis, adderunt etiam diuersi foci, siue diuersæ pu-
 tredinis minerae, vt constituatur tertiana simplex, & compo-
 sita; imò ex prædicto argumento, nostra roboratur assertio,
 quia si materia putresceret in habitu carnosio extra venas, in
 tertiana intermittente; nunquam posset inueniri tertiana in-
 termittens composita; quia si focus putredinis est habitus cor-
 poris carnosus, vt dentur duo foci, deberent etiam dari duo
 habitus carnosii distincti; hoc est ridiculum: ergo etiam con-
 traria sententia, laudanda tamen doctissimi Mercati mens.

QVÆSTIO XIII.

DE SIGNIS FEBRIS QVARTANÆ
 intermittētis exquisitæ.

DE generatione, & signis febris quartanæ, exquisitæ in-
 termittentis, peculiaritè agit Gal. 2. de differentiis fe-
 brium, cap. 5. quæ nihil est aliud, quam intemperies calida
 totius corporis affligens, quarta quaquè die, dependens ab hu-
 more melancholico putrescente, sincero, & impermixto: sed
 vt vera natura huius febris comperta maneat, brevitè intel-
 ligere oportet, quæ sint melacholiæ differētiæ, ex quibus vna-
 quequè quartanæ species fiat; cum igitur duplex sit, apud
 Gal.

Gal. lib. de attrabile, & secundo de facultatibus naturalibus, species melancholiæ, vna est melancholia naturalis, quæ secundum naturam in iecore generatur, & fex sanguinis appellatur; melancholia verò præternaturam dicitur, bilis attra exquisita, quæ tum ex bile flaua combusta, tum, & etiam ex sanguine melancholico, valdè deusto, ortum ducit; & ita acredine, ac intensissima mordacitate pollet, vt maximè nostræ naturæ sit aduersa, cum de ea aloquens Hyppoc. aphor. 4. sent. 22. asserat, *incipientibus morbis, si bilis attra exeat; supernè, vel infernè lethalis.* Quibus prælibatis, Gal. 2. de differentiis febrium, cap. 9. & 5. assignato, demonstrat quartanam legitimam, & exquisitam fieri, ab humore melancholico naturali; spuriam verò, & notham à melancholia dicta præternaturâ; nam cum huiusmodi humor vehementer sit putrescens, semper est cum aliquo ex humoribus permixtus; sicque non est sincerus: vt in quartana exquisita, & legitima accidit.

Primum igitur, signum prædictæ febris quartanæ intermittentis exquisitæ, sumitur ex qualitate, & motu caloris; humor enim melancolicus in hac febre, non celeriter, sed paulatim, succenditur, vt ignis, qui in lapide, osse, & ferro accenditur semel verò accensus, calor huius febris, purus, & limpidus, non quidèm fumosus tactui occurrit; nam cum humor melancolicus siccitate gaudeat, idè propter humiditatis defectû, nullam fumositatem emitit, quare hac febris à quotidiana differt, in qua propter pituitæ humiditatem, calor fumosus, & calliginosus persentitur.

Secundum verò signum febris quartanæ exquisitæ intermittentis, desumitur à Gal. loco assignato, ab euacuationibus; quæ copiosiores, quam in quotidiana, pauliores tamèn, quàm in tertiana reperiuntur, cuius est ratio, quia quartana febris inter tertianam exquisitam, & quotidianam intermittentem, mediam obtinet naturam, & meritò, nam melancholia eo, quòd

quòd sicca, faciliùs, quàm pituita, quia humida accenditur: siccitas enim caloris est lima, velut humiditas actiones hebetat; vnde pituita, quia difficiliùs incalescit, pauciores; melancholia, verò quia faciliùs copiosiores evacuationes efficiet; econtra in tertiana, quia bilis calida, & sicca est, calori intensiori concipiendo, paratior, quàm melancholia, propterea in quartana pauciores, quàm in tertiana fient evacuationes.

Tertium quartanæ intermittentis signum dependet ex ipsius invasióne; accessio enim potiùs cum horrore, quàm rigore solet incipere; humor enim melancholicus, quia siccus, non ita naturæ benignus, vt pituita; ac proinde non solum frigiditatē partium extremarum efficit, sed etiàm inæqualem earum concussionem; destitutus tamèn acredine, ac mordacitate, vt est in bile, ideò, non rigorem exquisitum, vt in tertiana, bilis; sed potiùs dictum horrorem excitat.

Conducunt quarto ad febris quartanæ intermittentis notionem, omnia, quæ ad generationem melancholiæ solent antecedere, vt est ætas frigida, & sicca velut consistens, temperamentum frigidum, & siccum, regio, tempus anni, vt autumnus, ac victus ratio, eadem temperie constituta, quia hæc omnia propter Analogiam, quàm cùm prædicto humore obtinent faciliè ad ipsius naturam constituendam concurrunt.

Quintum quartanæ intermittentis signum, ab immoratione, sive permanentia accessionis stabillendum accedit, nam accessio illius, ferè sempèr est longior, quàm in tertiana; brevior verò, quàm in quotiana, quia melancholia semèl putrefacta, faciliùs quam pituita succenditur, maioremque attenuationem suscipit; quare faciliùs in accessione, quàm pituita, quæ magis igni contrariatur, à natura expellitur; non tamen implicabit, vt aliquando contingat brevior accessio in quartana, velut accidit in febre tertiana; quòd fiet, vel propter minorem humoris quantitatem, aut qualitatem, & tenuitatem ma-

iorem, aut propter validiores laborantis vires, vel tandem propter corporis dispositionem, nimirum raritatem; è contra verò protrahetur accessio propter his contraria, vt secundo de differentiis febrium, cap. vltimo, iam supra satis apertum mansit.

Dubitabit tamèn ingenuè quis. An constitutio quartanæ intermittentis, sit etiàm brevior quotidianæ intermittentis constitutione. Cùm accessiones, vt est dictum, breviores sint, eadem velutì currit paritas, cùm eadem causa accessio-num sit, quæ etiàm totam constitutionem febris producit. Cui dubio respondeo negativè, imò semper omnis cõstitutio quartanæ est longior, quotidianæ cõstitutione, cùm aliquandò vnicum annum, aut duos, vel quatuor, quartana pertranseat; cuius assertionis est ratio, quia cùm humor pituitosus, quotidianam efficiens, sit magis nostræ naturæ familiaris, cùm dicatur à Galeno, velutì dimidiè coctum alimentum pro nostra natura; ideò facilimè vincitur à natura, qua de causa, natura nullum construxit instrumentum, quòd esset pituitæ receptaculum, velutì lienem, ad melancholiam, vesicam fœlis, ad bilem recipiendam fabrefecit; hi enim humores, non ita facilè à natura superantur, vt pituita, quæ indigentia tempore, in sanguinem convertitur; ideoque omnis constitutio quartanæ, necessariò debet esse longior, quàm constitutio quotidianæ.

Vel secundo respondeo, quòd in quartana, accessiones lentè, tardoque motu repetūt per circuitus, vt de quarto in quartum; quotidianaverò quotidie, & ideò accidit, vt causa febris quotidianæ, per frequetiores accessiones citius attenuetur, & concoquatur: sicque victa celerius expellatur; at verò in quartana, non ita valet humor cõminui, & attenuari; tardiori enim motu illum natura concoquit, ac per rariores accessiones expellit. Qua propter tota febris quartanæ constitutio erit longior, febris quotidianæ cõstitutione, quàmvis ipsius accessiones breviores existant.

Dubi.

Dubitabis tamèn circa intervalla, sive intermissiones, quibus gaudent omnes febres intermittentes, vtrum ex omnibus paroxysmis, & intermissionibus fiat vnus numero, vel duplex morbus. Circa quòd dubium aliqui haud dubitarunt, tempore intervalli hominem salubriter degere, ac proinde asserunt, tot esse numero morbos, quot febris fuisset intermittens, quod similiter intelligendum venit de omnibus aliis morbis periodicis, hæc tamèn sententia valdè improba, & ab omni veritatis indicio discedit, sicquè faciliè dubium dissolvetur: si respondeam, ex paroxysmis, & intermissionibus non fieri vnum numero morbum, vnitatem affectus morborum, sed solum vnitatem mineræ putredinis, vel neutrae dispositionis partis mandantis, & recipientis, vel denique vnitatem causæ antecedentis, quæ secundum diversas partes, materiam pluribus accessionibus suppeditat.

Ex prædicta responsione, obnubilatio non contemnenda occurrit, an videlicet inter vnam, & alteram accessionem intermittentium, æger ad integrum salutis statum reducatur? Cui, aliqui Medici barbare, responsum præbent asserendo, statum ægrorum in intervallo esse salubrem, ac proinde ægros ad integrum statum revocari tuentur, & probatur, quia tali tempore nulla adest sensibilis operationum læsio: ergo non adest morbus. Antecedens est certum: consequentia probatur; nam morbus est affectus sensibilibiter lædens operationes: ergo si nulla sensibilis læsio datur, non dabitur morbus: nam si aliquis daretur, præcipue esset febris, ista non adest, cum potius sit intermittens: ergo illo in casu æger est reuocatus ad salutis statum. Nec valet si dicat aliquis intemperiem calidam remanere morbosam, ista enim non lædit operationes sensibilibiter: ergo iam non erit morbosam, alias esset febris, cum nulla conditio ad febriendum deficeret.

Contraria tamèn sententia à doctissimo Vallesio, Vega, & alijs, hæc ratione stabilitur, primo, quia intermissionis tempore

adest inæqualitas febrilis, quòd absque morbo non accideret; dicitur quidè febrilis inæqualitas, quandò principium, ac finis, vnius pulsationis, aliquantulum velotius, quàm medium percipiuntur. Secundò, quia si tempore intermissionis, febricitans esset omninò sanus, sequeretur, non remanere in laborantis corpore vestigium, aut aliquam radicem futuræ accessionis; atqui tale vestigium, quòd fomitem appellant, omnes remanere fatentur: ergo quia necessariò dispositio præternaturam, sigillata conservatur; quòd expresse Gal. ostendit 4. aphorism. comment. 39. vbi ait: *In febrium interpollatarum intervallis, reperiri quemdam affectum præternaturam, à quo subindè sequentes paroxysmi reuocantur*: ergo ex Galeno constat, tempore intermissionis febris, manere quandam dispositionem præternaturam.

Inquiret tamèn aliquis, quæ sit huiusmodi dispositio morbofa, siue præternaturam; iuxta, quòd doctissimus Vallesius 2. de differentiis febrium, cap. 3. fol. 109. existimat, tempore intermissionis talem dispositionem esse morbosam, quia manet eadem dispositio antecedens, saltem quoad aliquos caloris gradus morbosos; tum etià inæqualitas febrilis dicta in pulsu, ita vt exprolixitate, & frequentia accessionum, multoties tertiana laborantes soleant die intervalli, læsas obtinere functiones: ac per consequens actu ægrotare, non tamen febricitare, quem morbum plurimi constituunt in intemperie calida partis mitis, aut recipientis, in qua focus putredinis adest.

Pro contraria tamèn sententia, ratio superiùs adducta convincit; nam tempore intervalli, homo, neque laborat febre, neque intemperie calida morbofa sensibilibè functiones lèdèt; quare potius dicendum est, talem dispositionem, neque esse integrè, salubrem, vt prima sententia tuetur; neque esse morbosam, vt Vallesius cogitat, sed potius media inter sanitatem, & morbum, quæ potius neutra apud ferè omnes appellatur, vt **Mercurialis**, & alij quàm plurimi in hac difficultate persentiunt;

tiunt;

fiunt, nam æger, intermissionis tempore, non degit inculpabiliter, nec sensibilem actionum læsionem patitur: ergo neque actu est in statu salutis, nec morbosas sensibiliter habet affectiones, quamuis respectu materiae morbificæ; morbus non ideo dicatur iudicatus, vel solutus, cum hoc potius contingat in suo principio, & augmento; & merito, nam cum vna sit tertiana intermittens, & per plures terminetur accessiones, vt Hyppocrates: *Tertiana exquisita septem circuitibus terminatur.*

DE FIGNIS FEBRIS QVOTIDIANÆ intermittentis exquisitæ.

QUOTIDIANA febris, à Græcis amphemerina nuncupata, est intemperies calida cordi communicata, ex pituita putrescente genita; intermittens tamen dum intra vasa pellitur tempore accessionis; veluti continua dum intra vasa putrescens retinetur: quolibet, vel non exquisita, quia per mixta, vel exquisita, dum à sincera pituita nascitur, de qua in præfenti agimus, erit dicenda. Cum igitur ista, vt supra diximus, ortum ducat immediatè a pituita naturali dulci putrescente, diuersa obtinet signa, quibus valeat dignosci, quæ cum alia sint antecedentia; merito adducuntur à Gal. omnia quæ ad ipsius generationem aptiora sunt, vt temperies frigida, & humida, puerilis ætas, veluti senilis, ex accidenti; vitæ intemperantia, motus immodicus, veluti otium immodicum, immoderatus ciborum vsus, anni tempus frigidum, & humidum, vt hyems, regio, ac alia similia, quæ ad prædictum humorem cumulandum concurrere valent.

Signa verò dictam febrem demonstrantia, sumuntur, ex calore febrili humiditate adiunctus, & ideo fumosus, ac diutius

manu apostata acrior, & inæqualis persentitur, vt Galen. 2. de differentiis febrium, tum & etiam, ex lotio; nam lotium 2. ad Glauconem 7. & 2. de crisi bus 5. est aqueum; & idè album, tenue, & maxima cum cruditate in principio, progressu verò morbi, crassum, turbidum, tandemque rubrum apparet. Tertio similiter cognoscitur febris cotidiana intermittens ex pulsu, qui fit parvus, & rarus, ex Gal. 1. ad Glauconem 7. incipit etiam accessio, non cum rigore, vt in tertiana, neque cum horrore, vt in quartana, sed cum refrigeratione, & quia difficile causa illius accenditur, longum obtinet incrementum, declinatio etiam fit sine sudore, etsi tractu temporis aliquis, licet paucus appareat, quibus vnaquæque satis cuilibet, quoad generationem, & constitutionem patebit.

Dicet tamen aliquis, frustranea esse signa adducta febris cotidianæ intermittens, cum nulla possit esse intermittens, sed omnis debeat esse continua. & probatur, nam vt febris sit intermittens debet ad infebricitationem pervenire, atqui nulla cotidiana potest ad infebricitationem pervenire: ergo nulla erit intermittens; maior est certa, vt omnes fatentur: minor probatur: Quia cotidiana pendet ab humore crasso, & frigido, qui non potest resolui spatio viginti quatuor horarum: ergo nova superueniet accessio; antequam febris intermittat: ergo potius erit continua cotidiana, quam intermittens. Cui respondeo: Quod licet pituita sit humor crassus, & frigidus; & idè plerumque accessio extendatur, vsque ad viginti quatuor tam horam; potest tamen (etsi non frequenter) contingere, quod portio pituitæ, ita sit in exigua quantitate, vt ante prædictum tempus attemuetur, incindatur, & superetur à natura: media qua naturæ victoria, ad intermissionem perveniat.

Roboratur ulterius nostra assertio, primo ex Gal. lib. 1. ad Glauconem, cap. 1. his verbis: *Non tamen harum febrium declinationes, quemadmodum tertianarum & quartanarum, sudoribus terminantur: quare neque ad integram quietem, ma-*

nifeste, exceptis paucis perueniunt, &c. Probatur secundò ratione in reliquis febribus intermittentibus: licèt in tertiana exquisita, aliquæ perueniant ad duodecim horas accessiones, tamen in aliis vltra sex horas, non extenduntur: propter materiæ paucitatem. Non aliter in quartana, cum materia sit ter restris, vt melancholia: licèt accessiones sint longæ, possunt fieri breviores, ob eandem rationem: ergo, similiter in quotidiana, quamuis vt plurimum ad vigesimam quartam horam soleant accessiones protrahi, valebunt tamen aliquando, paucitate materiæ, & tenuiori modo substantiæ, in vna pituitæ portione, quàm in alia, esse breviores, vt satis ex solutione supra adducta, elucescit.

QVÆSTIO XIV.

DE ESSENTIA, ET SIGNIS
febris continentis, siue synocha putris.

CVM febris synocha duplex sit, alia imputris; alia verò putrida, etsi de putrida sermo procedat, vt clarius tamē huius natura, & essentia, manifesta que inter eas appareat distinctio, breviter tamē synocha imputris ostendenda occurrat, quæ febris est continua continens, orta ex sanguinis effervescentia, est quidem febris, quia calor præternaturam, in corde accensus, dicitur synocha, à continuo feruore, ex Galeno 2. de febribus cap. 11. est continua, quia continuo affligit, ex Gal. secundo de crisibus, cap. 6. dicitur continens, quia vna clauditur accessione, à principio ad finem, vt Gal. 9. methodi, cap. 2. est acuta, cum cito terminetur, multoties criticè, & ratione symptomatū, non sine vehementia: vt Avicenna Fen. 1. 4. tract. 2. cap. 43. distinguitur ab aliis febribus, quia ex sanguine

de.

dependet, non est synocha putrida, quia citra putredinem, totumque ratione feruoris accidit. Cum tamen huiusmodi febris, potius ad diarias, natura, & non constitutione, ut supra dixi, redducatur, merito de hac, disputatio non percurrit.

Synocha igitur putrida, de qua in presenti agimus, est febris orta, ex sanguine putrescente, carens paroxysmis, sua tempora vnica percurrens accessione, quæ quidem est triplex, Acmaistica vna, alia paracmaistica, & alia epacmaistica, acmaistica, seu homothona eundem feruat tenorem: paracmaistica semper decrescit: epacmaistica verò semper increscit, ut Gal. 2. de febribus, cap. 9. & 9. methodi, cap. 3. 6. epidiscutione prima comment. 29. causa immediata, & proxima, huius febris est putredo, qua sanguis afficitur: antecedentes verò, sunt omnia, quæ valent ad sanguinis generationem concurrere, ut temperies calida, & humida; anni tempus, ut verum, regio, ætas, & alimenta calida, & humida, omniaque his simbola. Præternaturales verò causæ sunt, cutis constipationes, vasorum obstructio ab in modica sanguinis copia orta, ratione cuius fuliginum expulsio, veluti aëris attractio, ut debita caloris ventilatio fiat, impeditur, ut Gal. 2. de differentiis febrium, cap. 9. 8. methodi, cap. 7. lib. 11. methodi, cap. 8. & 1. de differentiis febrium, cap. 4. Signa verò, quæ febrem continentem putridam patefaciunt sunt, tensua lasitudo, rubor faciei, venarum tensio, assuetæ euacuationis sanguinis suppressio: calor est copiosus, valde vaporosus, modicè acris, & molestus, comparatiuè ad alias febres; pulsus adest magnus, vehemens, celer, & frequens, inæqualis tamen propter fuliginum copiam: lotium rubrum, aut subrubrum, & crassum apparet: superuenientia accidentia grauiora, quam in synocha non putri existunt, ut capitis dolor, vigilæ inapetentia, nausea, & omnimoda inæqualitas ab ægotante in toto corpore percipitur.

Etsi supra expositum sit, febrem synochalem putridam,

ortum, ducere ex sanguinis putredine, denudanda tamen est dubitatio, de quo sanguine currat; an de sanguine quarto humore: an verò de tota massa sanguinaria putrescente? Circa, quòd dubiũ Vallesius 2. de differentiis febrium, cap. 2. asserit, ex nullo humore seorsim putrefacto, febres continentes generari posse, sed ex tota massa sanguinaria simul putrescente; quòd iudicat constare ex Gal. 9. methodi, cap. 3. dicente huiusmodi febrem generari, vbi in omnibus vasis, & potissimum, maximis equabiliter succi putrescunt: humores quidem æquabiliter putrescere, nihil aliud est, quam sanguinem, cum aliis humoribus, vel totam massam putrescere: quare ex sola bile inquit Vallesius, febris continens putrida, non potest fieri; nam si ex sola bile fieret deberet esse acutior, ac malignior febre continua biliosa, cum etiam fieret ex bile; ista tamen esset in maiori quantitate, ac repletet omnia vasa magna, ita vehemèter, vt nò posset in illis moueri. Et cõfirmatur ex Gal. qui febrem continentem, quæ est adhuc de genere vrentium, ait esse minus acutam febre biliosa continua: ergo quia non fit ex bile, sed ex sanguine putrescente: constat hoc ex eodem; secundo de crisi bus, cum asserat: *Cum verò, nec declinatio aliqua sensibilis fiat, semper verò à primo principio febris usque ad crism similis perseuerauerit, erit, & hæc ex genere febrium deurentium, ab eisdem verò acutis differs.* Vbi febrem continentem in communi, etsi ex genere ardentium reputet, inquit esse minus acutam, quam febris ardens exquisita, quæ fit à bile; sicque infertur apud Gal. quòd omnis febris continens, potius ex sanguine, prout omnes comprehendit humores, excitatur, nequaquam tamen à bile sola; aut aliis humoribus posse fieri affirmat.

Prædicta Vallesij assertio, vt verissima venit amplectenda, non tamèn excusat aliam, in qua iudico, posse simul continentem febrem putridam, ex solo sanguine quarto humore putrescente fieri, quamuis reliqui humores putredinem nò

conciplant, quare dux valebunt assignari causæ febrium continentium putridarum; tota videlicet massa sanguinaria, prout quatuor humores comprehendit, aut solum sanguinem quartum humorem, ut rectè persentit Petrus Michael de Heredia: cuius est ratio, quia plenitudo, valet esse duplex, vel ad yasa nimirum, vel ad vires, aut ex omnibus humoribus æqualiter redundantibus, aut ex solo sanguine, & probat, quia tota ratio propterquam, reliqui humores separati, febrem continentem efficere non possunt, est, quia ex illis prædicta plectora constitui non valet; atqui sanguis solus potest plectora simpliciter efficere, ut tota massa sanguinaria: ergo ex solo sanguine similiter putrescente, valebit synochus putris excitari, ut ipsa curatio cōmonstrat, quæ missione sanguinis, vsque ad animi deliquium, apud Gal. exercetur, propter manifestam, & immodicam sanguinis redundantiam.

Occurrit tamen Gal. 9. methodi, cap. 3. ubi inquit, in febre continente putrida, in omnibus vasis, præcipuèque maximis æqualiter sucos putrescere: ergo quia non ex solo sanguine, sed ex omnibus putrescentibus humoribus, talis febris excitatur, tum, & etiam 6. Epidemiorum sect. 1. text. 2. ait, *ex veteri inflammatione, continentes febres generantur, eo quod grandissimas, ac plurimas venas participat*; ex quo inferitur, quod sanguis mouetur ad locum determinatū: ergo si bilis mouetur, cum inflammabilis sit, posset, quemadmodum sanguis, febrem continentem efficere. Confirmatur Vltorius, ipse enim Gal. 2. de differentiis febrium, cap. 2. inquit. *Continuarum autem ex flava bile, duplex est genus, vnum quidem eorum, quæ continentes nominantur, quarum vniuersum tempus est unica accessio ab initio, vsque ad finem*: Ergo continentes, aliquando à bile.

Quibus non obstantibus, primæ authoritati respondeo, ipsam concedendo libenter, nam cum causa materialis febris continens, possit esse, vel sanguis quartus humor, vel omnis

massa

massa sumpta pro omnibus humoribus; meritò dixit Gal. succos æquabiliter debere putrescere, vt omnes causas comprehenderet. Secundæ respondeo, quòd quamuis sanguis ad moueatur, quando inflammatione corripitur; hoc tamen, non sufficit, vt febrem continentem excitet, nisi quando putredo serpit continuè per humores, & sanguinem vasorum, ita vt omnes humores, æqualiter putrescant; nam ratione fluxionis particularis, ad locum inflammatum, solum alia febris differentia particularis efficitur, quæ valet periodicationem, & motus obtinere, tanquam in foco particulari. Propter tamen, magnam intensiõem febris continentis, ex vasorum sanguine putrefacto, orientis, obscuratur noua, & peculiaris exacerbatio ab inflammatione dependens; & si aliquando appareat, non obstat, quòd febris continens, cum ea complice, tur; non tamen ex hoc inferendum venit, febrem continentem, causari ex sola illa sanguinis portione, quæ inflammationis causa conseruatiua, effectiua dicitur; sed ab aliis humoribus, æquè putrefactis, in maximis vasis, propter serpentem putredinem prædictam; & idèò Gal. adducens rationem, dixit, ex vtero inflammato, continentes fieri, quia vterus multas, & grandissimas venas participat: ergo, quia ex his venis aliis corporis vniuersi, facillè putredo communicatur.

Tertiæ tandè authoritati satisfaciã, dicendo, Gal. cõmunissimũ aloquẽdi esse modũ, dum inquit, quòd sanguis per putredinẽ bilescat; quare sub bile, sanguinem etiam putridum veluti comprehendit, vt secundo de crisib. 6. ait, febrem continentem esse de genere ardentium, ab his tamen acutis differre; idest sunt minus acutæ, quam exquisitæ ardentes, quæ aflua bile dependent: ergo quia continentes, non dependent è flaua bile, etsi aliquam obtineant similitudinem; sunt enim ad modum ardentium, vt ipse secundo de febribus, cap. 9. eodẽ modo aloquitur.

Non immeritò tamèn, aliqui obnegantes febrem continentem, ortum posse ducere, à sanguine quartò humore putrescente, hac ratione contra nostram assertionem argunt: implicat, quòd sanguis putrescat seruata forma sanguinis: ergo implicat, quòd febris continens fiat à sanguine putrescente sub forma sanguinis. Antecedens probatur, ex Gal. 2. de febribus, cap. 9. asserente: quòd dum sanguis putrescit, tenuior pars in flauam bilem, crassa verò in melancholiam conuertitur: ergo dum sanguis putrescit, non seruatur illius forma: ergo non producet febrem continentem, sub forma sanguinis, sed potius sub forma bilis.

Cui respondeo rationi; negando antecedens, & authoritati dico: quòd non sempèr, dum putrescit sanguis, tenuior pars conuertitur in bilem, in quocumque gradu putredinis; nam dispositio conseruatiua formæ sanguinis, veluti aliorum humorum latitudinem obtinet: ac proinde non per quemlibet gradum dispositionis putredinalis, sanguinis forma corrumpitur; quod patet apud Philosophum, qui non solum in mixtis, verum etiam in elementis simplicibus, dispositionem conseruatiuam diuisibilem concedit; non enim per quemlibet gradum caloris, aquæ forma corrumpitur; nec per quemlibet frigiditatis gradum, aëris forma destruitur: ergo si hoc est in elementis manifestum, multo dilucidius in mixtis constabit: ergo si quando quilibet humor putredine affectus, absque eo, quòd deperdatur illius forma, est causa febris; ita similiter sanguis, quando putrescit, & nondum in alios humores est mutatus, febrem sanguineam, seu continentem, seruata eadem forma excitabit. Roboratur intensius nostra assertio; nam omnis dispositio accidentalis, disponens ad nouam formam, necessario debet præcedere ipsam formam: ergo si forma bilis introducit cum certo gradu putredinis; antequam introducatur vltimus gradus ad talè formam, necessario erunt ante,

cedentes gradus, sub forma ipsius sanguinis: ergo iam sanguis, antequam in bilem mutetur, erit cum aliquo gradu putredinis, sub eadem sanguinis forma: ergo seruata ea, erit putrescens, ac febrem continentem producens.

Ex quibus satis clarescit ratio propterquam, febris synochalis putrida, nullam periodicationem obtinet, imò constituitur per carentiam repetitionis, & circuitus; nam cum omnes humores æquè in maximis venis, ac arteriis putrescant, nullaquè pars peculiaris destinata, ad quam fluxio ruat, inueniatur, meritò, nec mandantes partes, nec recipientes assignari valent: quare minera particulari, vel foco putredinis designantur, quibus deficientibus, accessiones nequaquàm efficiunt, sed vnica clauduntur accessione: Ita sentiunt Herculanus in Auicennam, Franciscus Caserta, suo libro de febribus, quæstion. 10. Matamoros, Petrus Garcia, Ioannes Naxarro, Thomas Veiga, Antonius Abaltomar, Vallesius, Gaspar Bravus, Petrus Michaël de Heredia, & alij, expressaque est sententia, ex Gal. 9. methodi, cap. 9. & secundo de differentiis febrium, capite vltimo.

Probat igitur breuiter talis sentiendi modus, ex eo quòd in febre synochali putrida, humores putrescunt in omnibus vasis, nulla datur portio remanens, à qua nouus insultus fiat; sed sic est, quòd ad hoc, vt detur repetitio accessionis, requiritur noua portio humoris denuò adueniens ad putredinem concipiendam in aliqua parte particulari: ergo cum in febre synochali ista non reperiatur, cum in omnibus venis maioribus sit materia putrescens, solùm talis febris vnica claudetur accessione: ac proinde sine circuitibus constituetur.

Ratio verò propterquam in febre synocha, aliquando calor similis intensiue permaneat, vsque ad illius resolutionem, aliquando increseat, siue intendatur, quandoquè diminuatur, siue remittatur, est apud aliquos hæterogeneitas, vel homo-

geneitas materiæ: si enim materia ex qua febris synocha pro-
ducitur, sit homogenea, ac secundum omnes partes simila-
res, videlicet in crassitie, vel tenuitate, ac aliis accidentibus,
illo in casu fiet febris æquè perseverans, eundemquè tenorem
servabit. Si verò hæterogenea, & dissimilans extiterit, febris
decrescens, vel acrescens fiet, prout materia est maioris, vel
minoris caloris receptiva, dum in progressu accenditur.

Certiores tamen adducit Gal. causam 9. methodi, cap. 5.
asserens: *si enim id quod transpirat, par fuerit ei, quod accen-
ditur, semper æqualis calor permanebit*: ergo æqualitas mate-
riæ, ita conducit, veluti æqualitas victoriæ naturæ, ad
tantam humoris portionem expellendam, quanta sit ea quæ
putrescit: sicque esse acrescentem, vel decrescientem, po-
tius sumetur ex maiori, aut minori portione materiæ, quæ
victa, & cocta à natura debite transpirat, ac resolvitur: non
tamen erit negandum, quòd aliquando, quia materia est
homogenea, & tamdiu euacuatur, quamdiu succen-

ditur, sit æqualis in calore, ac homotona dica-

tur, veluti acrescens, quando maior sanguinis

portio succenditur, quàm quæ resolvitur;

decrescens verò, è contra cum minor

illiùs copia putrescit, quàm

quæ euacuatur.

QVÆS

QVÆSTIO XV.

DE NATVRA, DIFFERENTIIS,

*causis, & signis hemitritæ, seu febris
semitertianæ.*

NATVRAM, & essentiam hemitritæ, seu semitertianæ. adduxit Galenus 2. de differentiis febrium, cap. 7. & 8. ubi inquit, quod huiusmodi febris, constituitur per complicationem tertianæ intermittētis, & quotidianæ continuæ; nam licet diversæ possint fieri complicationes, vt dum complicatur tertiana continua, cum quotidiana continua, aut intermittens, cum intermittente, vel contrario modo; exquisita tamen semitertiana, per complicationem solum tertianæ intermittētis, quotidianæ continuæ, apud Gal. desumitur loco de febribus assignato.

Tres igitur differentias, sive species hemitritæ à Gal. proponuntur, quarum prima est hemitritæus exquisitus; aliæ vero duæ non sunt hemitritæi exquisiti: prima enim potius adest, tempore quo febris quotidiana, & tertiana coniunguntur simul invadentes, cum bilis, & pituita æquali virtute, ac vehementia occurrunt, ita vt talem formam ostendant, qualem Hippoc. primo epid. part. 1. sentent. 23. depinxit hac ratione: *Erant verò eorum plerisque passiones huiusmodi, febres horridæ continuæ, acutæ, omnino non intermittentes; modus verò erat hemitritæus, cum alteram diem leuiorem ferrent, altera verò inualescerent, ac summam in acutiorem augerentur.* Quibus verbis, satis exposuit naturam febris hemitritæi exquisiti: dicitur, quidem hæc febris horrida, non ex eo, quòd horrore invadant accessiones, sed quia maiorem accessiones
par-

partem repetentem, cum horrore, & adhuc ferè totam morbi constitutionem obtineat; nam cum hæc febris ex bile permixta cum pituita fiat, veluti quædam pugna, ac contraoperantia inter eos humores excitatur; bilis etenim extra vasa missa, vi ipsius acredinis, rigorem solet efficere; pituita verò refrigerationem: ex quo accidit, ut inter hanc dimicationem, non rigor, sed potius horror efficiatur, qui mediam inter rigorem, & refrigerationem naturam continet; progrediente etenim bile ad augmentum accessionis tertianæ, interim pituita sua frigidityte bilem, veluti euincens, illiusque motum ad extra impediens, febris exitum detruncans, eam iterum ad principium reuocat; sicque ex hoc duplici motu contrario, horror producitur; ut contingit autumnali tempore, quo ita morbi contingunt propter temporis inæqualitatem, incōstantis iudicii, ut Hyppoc. ait 3. aphor.

Licet tamèn verum sit, quòd pituita efficiens quotidianam continuam, non mittatur, quia continua, extra vasa, idèdque non soleat refrigerationem efficere, sed solum cutis densitatem, & aliquem insultum; hoc non obstante, quia pituita cum bile permiscetur, & tempore accessionis connatur natura bilem, efficientem tertianam, extra vasa pellere; proindè acci lit ut pituita, aliquantulum refrigerationem inferat; ac mixta dispositio ex contrarietate insurgat, in die correspondente motui tertianæ intermittentis.

Alia verò duæ species hæmitricæ non exquisiti sunt, in quarum altera, bilis pituitam superat; sicque maiora symphomata febris tertianæ, quam quotidianæ apparent; in alia verò, pituita bilem deuincit, eodemque modo maiora symphomata pituitosæ, quam biliosæ febris elucescunt: si denique, ut supra dixi, cum Gal. æquis portionibus misceantur, ut in hæmitricæo exquisito, symphomata maximè inæqualia, & confussa apparent, propter celerrimum bilis, & tardum pituitæ motum, ut connante natura ratione bilis, celeritè causam expel-

lere, illius motus, ratione pituitæ eodem tempore permixtæ, retardatur, lentèque exercetur, qua de causa plurimi horrores, vsque ad vigorem inuadunt.

Petrus tamē Michaël de Heredia, Gal. expositioni obliçis, inquit quæst. 20. de hæmitriteo, fol. 558. quod rigor tertianæ, non potest moderari per cōiunctionem quotidianæ continuæ. Et probatur, nām rigor fit à bile extra vasa missa, per partesque sentientes delata; atqui in febre quotidiana continuâ, pituita non mittitur extra vasa, neque per dictas partes mouetur, sed potiùs semp̃er intra vasa: ergo motus bilis, non impeditur à pituita quotidianæ: ergo neque rigor moderabitur, siue remittetur à tali humore pituitoso, cum huiusmodi humores maximè à foco putredinis distent.

Hoc tamèn contra Herediam, facilè dissoluitur ex supradictis: nām etsi pituita, & bilis distent loco putredinis, pituitaque non mittatur sincera extra vasa, quia est febris continuâ; hoc non obstante, cum pituita, etsi loco distincta, postea vi motus accessionis, miscellam cum bile acquirat, nihil mirum, quod vapores ex duplici humore contrario à natura missi in habitum, tempore accessionis, contrarium motum efficiant, ita vt bilis fortitèr extra vasa missa, pituitaque etsi non ita celeritèr, sed lento motu, circumferentiæ simul communicetur; quare dabitur hic duplex motus contrarius, & inæqualis, vt nō rigores, sed horrores contingant.

Vteriùs etiàm instabis contra prædictam complicationem tertianæ intermittētis cum quotidiana continuâ, ad hæmitritæum constituendum. Constat enim contrarium ex Hyppoc. 1. epidemior. sect. 1. textu 23. vbi hæc profert: *In festabant illos plerisque hæc incommoda: febres horrificæ, continuæ, acutæ, omninò non intermittentes; modus erat semitertianus, vno die leuior, altero grauiùs iterum inuadentes, in summa indies acutiores euadunt.* Ex prædicta Hyppoc. doctrina, implicat hæmitritæus, ex sola complicatione tertianæ intermit-

tentis cum quotidiana continua, nulla enim harum febrium est acuta, nam morbus acutus est, qui celeritèr mouetur cum vehementia symptomatum, siue cum periculo, atqui tertia intermittens, quamuis moueatur celeritèr, est sine periculo, & quotidiana continua, non mouetur celeritèr, neque est periculosa, & licèt periculo nō careat, quia continua, caret tamen motus celeritate: ergo complicatio illarum, non poterit acutiem inferre, cum nulla sit acuta; imò ipsarum mixtio, accidentia vtriusque moderabitur: ergo à primò ad vltimum constat, quod ex dicta complicatione, neque hemitritæus exquisitus, nec febres horrificæ acutæ, nec alia apud Hyppoc. assignata suscitatur, ac proindè alia erit causa, præter dictam, à Gal. assignanda.

Hæc tamen Petri Michaëlis arguties non vrget, nam etsi verissima sit Hyppoc. doctrina adducta, non tamen ex ea sequitur, quod in hemitritæo, non sufficiat allata complicatio, vt accidentia tradidita contingant; nam non valet ratio, aqua fervens, non te pefacit, aqua frigida, non te pefacit: ergo neque aqua fervens coniuncta cum frigida, non valet consequentia: febris intermittens tertiana non est periculosa: ergo coniuncta, cum quotidiana non inducet periculum, non valet, etsi quotidiana non sit sine periculo; tarda verò, & sine motu celeri: ergo coniuncta cum tertiana intermittente, non inducet celeritatem, ac acutiem motus; nam etsi verum sit, quod simplex, dicta gravissima non possit accidentia inducere; coniuncta tamèn, diuersam, & compositam acquirit dispositionem; ita inter se contrariam, & opugnantem, vt natura, motus inæqualitatem, propter materiæ ætherogeneitatem, ferre non valeat; varietas enim accidentium, vt horrificæ accessiones, non à bile sola, nonque à sincera pituita; benè tamèn ab his per mixtis suscitabitur; ita vt Hyppoc. omnes deiectiones variegatas, vt malas iudicasset: *Quanto enim colores pravi plures fuerint, eo deteriores*: Tum & etiam aphorismorum 5.

sentent. 40. *Quibus modo calor, modo frigus viget, & color ex colore sequitur, iudicium difficile;* quia propter materiae diuersitatem, modo corpus incalescit, modo frigescit, modo color palidus, iam albicans, iam liuidus apparet: & ad huius confirmationem Gal. in commentario prædictæ sententiæ, rationem prebet; quia omnia varia, tum in deiectionibus, tum in vrinis, tum in alimentis periculosa, quia causas, ita inter se dissimiles, & contrarias difficilimè valet natura euincere, ac detruncare; simpliciores verò, & homogeneas facilè, cum faciliùs fiat transitus ad symbola, quam ad disymbola: ergo ex his satis inferitur, quod ex complicatione febris tertianæ intermittentis, cum quotidiana continua, febris semitertiana, hemitritæus dictus, constituitur, ac prædicta accidētia, apud Hypp. adducta possunt contingere.

Petrus Michael, tamen, de Heredia, eandem insequens assertionem, ait, quod ad hoc, vt in semitertiana morbi acuti, & grauissimi fiant, aliquid adiunctum magni periculi est pendendum; rarum enim erit, alium morbum cum ea non dari, à quo maius vitæ periculum immincat: ob quam rationem persentit, quod semitertiana, numquam à bile naturali putrida excitatur, sed à præter naturali vehementer deusta, cum cancerosa, & putredinosa dispositione partis, quæ sit focus putredinis; sedemque illius, esse primam regionem, quæ valdè vitiata excrementa, generet cruda, febrem quotidianam continuam creantia, ita vt propter attrabiliarium vitium, febris horrida reddatur, cum partium affectione. Roboratur ex doctrina Gal. libro de typis, cap. 8. dicentis: *Periculosa porro est semitertiana, vt quæ non oris ventriculo tantummodo, ac nervosas partes, & summatim media attingat; sed, & venter, cataphoras, vigiliasque cum delirio, ac syncoposas diarrhæses inferat; linguam præterea validè exiccet, atque animi defectionem efficiat vehementer, quæ in profundo sunt commouens, in uniuersum ferox, periculosissimusque hic typus*

est: Hæc quidem accidentia succis adustis, primam regionem afficientibus, propriissime tribuenda sunt; ac in prædicta regione, vehementes, & firmissimæ adsunt obstructions, ac tumores inflammatorij; multotiesque apud anatomicos est compertum, tum corruptionem eiusdem regionis, abscessusque intensè putridos grassari, à quibus multa, sæua, & grauissima symptomata in hemitritæo, seu semitertiana suscitantur: ergo quia præter dictam complicationem febrium, quæ à Galeno adducuntur, primæ aliæ affectiones adduntur.

Laudanda venit Petri Michaëlis animaduersio; ex ea tamen, non claudicat Galeni doctrina, nam etsi verum sit, quod propter dictas, ita sæuas affectiones, quæ solent hemitritæum concommittari; tot tantaque horrenda contingant accidentia: meritò tamen hoc accidit, ob tam prauam causarum dispositionem in partibus principalioribus existentem, quæ etsi non ita adsit, ex causis à Galeno adductis, meritò tamen bile toto genere præternaturæ concurrente, vt porracea, aut vitellina cum pituita permixta; meritò, & sufficientè hemitritæus horrificus, acutus, & maximo cum periculo, valebit inuadere.

Signa demum, quæ huiusmodi febrem patefaciunt, inter omnia sunt, vt dixi, horrores multoties, & inordinatè per accessionem, & morbi constitutionem repetentes, qui non solum, vt signa sunt mali; sed etiam vt causæ; nam assiduo motu, & commotione, vires maximè frangunt, ac debilitant, cutis contractione, transpirationem impediunt; excrementorum, ac alimentorum coctionem retardant; naturalem somnum auferunt, & aliquando cum horroribus, solent ægri somno corripì, ac soporosi fiunt; oris ventriculi ac redinem, vt cardialgia ostendit; solent perpeti, & alia similia, accidentia superius adaperita.

Insurget tamen, aliquis vlteriùs, contra nostram assertionem, & Galeni expositionem; nam vt fiat febris quotidiana

requiruntur omnia quæ conducunt ad pituitę generationem; & ad tertianam febrem intermittentem inducendam, requiruntur, eadem omnino contraria; atqui hæc non possunt eodem tempore adesse: ergo nullatenus valebit, idem æger eodem tempore, vt autumnno, his febribus complicatis laborare, continua videlicet, quotidiana, & tertiana intermittente: ergo falsum est dicere febrem hemitritæum, ad apertam, ortum ducere, ex tali febrium complicatione.

Respondeo tamen huic instantiæ; quod quando omnes causæ pituitam producentes concurrunt, ad productionem illius, & solæ, non valent nisi febrem pituitosam excitare, & e contra tertianam febrem, quando omnes causæ, & solæ, biliosum humorem generant: At verò, cum sit febris pituitosa continua, cum tertiana intermittente complicata, illo in casu plures causæ, diversos, ac hæterogeneos humores generantes, præternaturam coniunguntur; ex quibus humoribus permixtis, in eodemquæ putredinis foco existentibus, ac putrescentibus, febris tertiana notha, siue spuria potius inducitur: si autem diuersa loca, & separata præternaturam afficiant, febris duplex composita ex diuerso humore videlicet pituitoso, & bilioso, diuersa loca occupantibus, constituetur: neque implicat, quod eodem tempore, prædicti humores præternaturam generentur; cum non implicet propter alimentorum diuersitatem, siue hæterogeneitatem, prabamquæ ventriculi, & hæpatis dispositionem, in eodem subiecto, tam diuersos produci effectus, propter materiæ, ex qua fiunt, distinctionem in ordine ad diuersas, quas in se continet partes.

In surges deindè, ex eo quod febris continua copulata sit intermittenti, nunquam febris intermitte: ergo quia non datur complicatio intermittētis cum continua; cum illa, neque intermitte, neque vlla reperiatur signa, quibus æger in febricitet.

Soluitur tamè faciliè arguties, si respondeā negādo antecedēs; et si malueris distinguo, nunquā intermitte febris, quan-

tum est ex se, nego: ratione alterius febris continuæ, complicatæ concedo. Febris enim intermittens quantum est ex se, non prohibet ut æger non deueniat ad infebricitationem; bene verò alia febris continua complicata cum ea, quæ quia continuo affligit, accidentia, siue signa infebricitationis febris intermittens obscurat.

Connabitur tandem quis veritatem, ac doctrinam Galenicam obnubilare hac ratione: nam febris diaria, & putrida non possunt complicari: ergo neque vna putrida intermittens, cum alia continua. Antecedens probatur: febris diaria, & putrida non possunt esse simul: ergo febris diaria, & putrida non possunt complicari. Antecedens similiter probatur: non possunt repugnare signa, quæ sunt effectus; quin repugnent illorum causæ, quæ sunt febres; atqui repugnant esse simul signa febris diariæ, & putridæ: ergo febres istæ, quæ sunt causæ, etiam simul repugnabunt: ergo non erunt complicatæ; sed sic est, quod etiam repugnant signa febris intermittens, & continuæ; cum sint inter se contraria: ergo pariter repugnabunt illorum causæ, ut febris intermittens, & continua putrida: ergo complicatio dicta nequaquam potest reperiri.

Quod autem signa diariæ, & putridæ, maximè inter se repugnent, patet; quia signum inseparabile febris putridæ est, ut in principio appareat vrina, sine vlla coctione; sed in febribus diariis, vrina est cum coctione: ergo, cum coctio positiua, & priuatio illius, (veluti etiam coctio, & cruditas) opponantur, saltem materialiter; huiusmodi signa non valebunt esse simul: ergo neque causæ illorum, quæ sunt febres, ac per consequens, cum etiam contrarietur continuïtas, & intermissio febris; cum ista formaliter abneget febrem; illa verò firmet, meritò etiā repugnabunt esse simul, febris putrida continua, & intermittens: ergo complicatio allata apud Galad hæmitriteum febre constituendam, nullum obtinebit locum.

Euanescit iam posita obnubilatio, ex responsione, conceden-

dendo antecedens, & negando consequentiam, cuius est ratio: quia quando ita inter se opponuntur signa, vt cruditas, & coctio, opponuntur priuatiuè formaliter, sicque sunt impossibilia huiusmodi signa, tamèn non tollunt posse esse simul febres, cum istæ nullam inter se oppositionem arguant; vnde in illo casu, solùm apparebit signum efficacius, ab efficaciori causa procedens, videlicèt à febre putrida vt cruditas; & signa demonstratiua, febris diariæ non apparebunt. Qua propter, cum etiam signa febris continuæ putridæ sint efficaciora, magisque præualeant, ideò licèt detur illarum complicatio, elucescent magis signa febris continuæ, quam intermit- tentis; sicque nulla dabitur repugnantia prædictæ complicationis, ad febrem hemitritæum constituendam. Et hæc de selectioribus diffi- cultatibus, quæ ad naturam, differe- rentias, & signa febrium possint offerri.



The first of the month was a fine day, and the
 weather was very pleasant. The wind was from the
 north, and the sea was calm. The sun was
 shining, and the air was fresh. The people
 were all well, and the business was
 going on as usual. The day was spent
 in the office, and the evening was
 passed in reading and writing. The
 weather was very good, and the
 people were all well. The business
 was going on as usual. The day
 was spent in the office, and the
 evening was passed in reading and
 writing. The weather was very good,



LIBER VNICVS,
 DE CVRANDI
 RATIONE PER
 SANGVINIS
 MISSIONEM.
 A MATHIA DE LLERA.



ER Celebrem disputationem de sang-
 guinis missione, remedium ita vti-
 le pro vehementioribus affectioni-
 bus euellendis, vt nullus ferè morbus
 materialis, qui eum non proclamet
 qui illius occurrentiæ non cèdat, qu-
 illius viribus, ac operandi celeritat-
 non obediat, explanaturus agrediar
 ita vt priùs, quid sanguinis missio

Quæ differentiæ, & modi à quibus specificè indicetur, coindice-
 tur, & correpugetur ad aperiã, omnesque selectiores difficul-
 tates, quæ possint offerri proponam, & dissoluam.

CA,

CAPVT I.

QV I D EVACVATIO, QVOTQVE
sint humorum vitia.

ANTEQVAM, quod superius obtuli adimpleam, cū sanguinis missio, sit euacuatio, prius sciendum venit, quid euacuatio; & quæ sint, quæ specificam hanc euacuationem ex postulent: est quidem euacuatio incommuni, eorum, quæ præternaturam in corpore continentur, expulsio; continentur quidem spiritus, humores, & excrementa, quæ nimirum sunt fex alui, vrina, & alia, quæ à cerebro, & pulmone eiciuntur: humores alij sunt supervacui, qui à sanguine separati, naturæ vi, corpori allendo sunt inutiles; vt pituita, quæ in ventriculo, & circum intestina reperitur, bilis flava in vesica, & succus melancholicus in liene: succi verò sunt alij, qui propriè corporis substantiâ nutrire valent, veluti sanguis ex quatuor humoribus constitutus, qui etiâ aliquandò secundum naturam, quandoque præternaturam adsunt; secundum naturam quidem cum consentaneam, tum qualitatem, tum quantitatem obtinent, conveniuntque naturæ legibus.

Humores etenim alij, præternaturam adsunt, quandò, vel qualitatis, vel debitæ quantitatis, modum non servant; quare cum aliquis horum, manifestè à iusto modo recedit, si huius causa emendari aliter non potest, statim est auferenda, atque expellenda, quæ quidem expulsio, euacuatio nuncupatur. Præterea euacuationis differentia, tum ex contentorum vitio, tum etiâ ex situ, sunt constituendæ: vitia contentorum, vel sunt plectora, vel cacochymia; plectora etenim, siue plenitudo, in duplici est genere; alia nimirum ad vasa, alia ad vires; quæ

quæ ad vasa refertur, est quando, vel solus sanguis quantitate peccat, aliis humoribus, in qualitatibus mediocritate, & proportionibus existentibus; vel quando simul cum sanguine, omnes in quantitate adaugentur: quæ utraque plenitudo simpliciter ad vasa dicitur.

Plenitudo igitur simpliciter dicta, grauius, & vehementissima pericula solet inferre; siue æqualis omnium succorum redundantium, siue sanguinis sincerioris summâ affluentia sit; vniuersa enim corporis molles intumescit; venę supra modum plenz, tensionis sensum patiuntur; omniaque membra, præcipue concurrente exercitio confranguntur, ita ut caloris obrutio, venarum ruptio, & interitus subito, valeat contingere, ut Gal. in comm. 3. 1. aphor. dum, ait Hyppoc. *habitus ad-
thletarũ, &c.* Alia præterea plenitudo, quæ ad vires refertur, est in qua licet vasa non tumescant, nec distendantur, tamen plus sanguinis, & alimenti, quam possit à natura gubernari, continent.

Cachochymia verò, vitiosa est humoris qualitas, qua succus à iusta mediocritate recedit, sub hac, humorum pernicietis, & corruptela corporis functionibus nocet; est autem illa, bifariam, vna mitior, quando vel humores supervacui immodicè cummulati sunt, vel in sanguine, iniusta, & præternaturali proportionibus, atque concordia existunt: alia quidem est deterior, quando vel huiusmodi humores à naturali, & debita sua temperie in vitium sunt prolapsi; quod propriè, vel substantiæ, vel temperamenti corruptio appellatur. Præterea utrumque vitium, vel est cum putredine, vel citra illam; latius verò cachochymia solet dici, si comprehendat excrementorum vitia; pectora quidem præcipue in venis, & corporis habitu confedat; at verò cachochymia, de qua, dum agamus libro de purgatione, sermo instituetur, in omne corpus valet dispergi.

CAPVT II.

EVACVATIONVM GENERA,
& differentia adaperiuntur.

DVÆ euacuationis differentia, in præfenti offeruntur; alia nimirum vniuersalis, alia verò particularis; vniuersalis quidè est, quæ communiter ab vniuerso corpore materiam subtrahit; videlicèt sudor, transpiratio, sanguinis missio, vomitus, & alui subductio; licèt autem vnaquæque istarum valide regionem inaniat, reliquæ tamèn consecutione quadam, licèt partiùs, etiam euacuant; vomitio quidè priùs ventriculum, deindè primas venas, tandèm maiores, & minores, ac habitum corporis inanit; sanguinis verò missio, primò venas, & arterias; secundò corporis mollem, & ipsa viscera, vsque ad propria vasa progrediens exaurit.

Euacuatio verò particularis, est illa, quæ aliquam partem, excrementorum onere oppressam, leuat, cuius generis est, cerebri per palatum, & nares expurgatio, & aliæ similes. Vnumquodque genus euacuationis, vel sponte, vel arte fit; spontè quidè quando citra vllam medicationem, aliquid ex corpore effanditur, quod interdum fit natura duce, & superante, quæ dùm integrè est valida, quidquid vitiosè se habet, extra corpus excludit, quæ naturalis, & oportuna euacuatio appellatur, vt Hipp. aphorif. 2. primi lib. *in perturbationibus ventris, & vomitibus, spontè factis, &c.* interdum verò euacuatio, præternaturam accidit, quando languidior facultas corporis humores regere, atque effrenare non valet, illosque prorsus diffluere relinquit; vel quamuis robustior sit, interdum tamen humoris copia, vel acredine adeo irritatur, vt humorem ex-

pro-

SANGVINIS MISSIONE. 199

propriis receptaculis, impetu suo foras exilire sinat; quæ duplex euacuatio est symphomatica, & præternaturam, de qua libro de purgandi ratione agam.

Artificiosa tandem euacuatio, est illa, quæ subsidiorum ope, fieri suscitatur; hæc præterea dupliciter est perpendenda: vna legitima reperitur, quæ exterminat, quod vel qualitate, vel quantitate peccat: alia verò huic contrariatur extraordinaria, qua utile, & quod vitiosum non est agreditur extra corpus, quod medentium culpa, siue crassa ignorantia solet contingere: natura quidem non externa ope, sed suis viribus, & facultate expultrice evacuationem complet, Medicus verò variis subsidiorum generibus ei opitulatur; sanguinis enim profundendi gratia venam aperit scalpelo, aut medicamentis venarum ora reserantibus, purgationem mollitur pharmacis quæ humores noxios extra corpus elliciunt, quos vel vomitione, vel deiectione pellunt; per transpirationem verò, & sudorem exercitio, frictione, & balneis: de quibus postea latius; nunc verò de venæ sectione est agendum.

C A P V T III.

QV ID SIT SANGVINIS MISSIO,

Et unde vena sectio euacuet.

AD APERTIS euacuationum generibus, & differentiis, iam ad particularem, & specificam euacuationem venit agendum: videlicet ad sanguinis missionem, quoad definitionem notionalem, & essentialem; incissa igitur vena, continendi facultas nequit obliquis fibris, tam arcte sanguinem cohibere, quin aperta via defluat sanguis, qui emanat, non velut per purgationem, seorsim iste, vel ille humor, sed vniversus

sanguis, massa dumtaxat sanguinaria; & licet sit sanguis moderatus, siue paucus, suo tamen motu, atque impetu prorumpit, aliquantulum natura prouidente; neque enim serum, prius quam bilis, neque ista antequam pituita, vel melancholia, nec humor deprauatus, prius quam bonus, & familiaris elabitur; ita Gal. lib. 4. aphorismor. comment. 2. inquit: *Vene sectio, & sanguinis missio quocumque, & quouis modo facta æqualiter totum corpus euacuant.* Patet similiter hoc, experientia quotidiana; dum enim effluit sanguis, simplex apparet; amisso verò proprio calore, mox totus cōcrescit, illiusque partes singulae, in suam regionem vergunt; serum etenim veluti vrinæ simile supra innatat; melancholia subsidet; sanguis rubentior, & palidior superius; pituita verò media occupat; constat igitur, quod vena scissa, omnes in venis humores contenti æqualiter euacuantur, ex quibus manifestè colligitur definitio notionalis sanguinis missionis, quæ nihil est aliud, quam euacuatio omnium humorum æqualiter redundantium.

Per pendere similiter oportet, ex quibus locis euacuatio, media sanguinis missione fiat, cum igitur profluens, & liquidus sit sanguis, qui vicinior loco aperto sit, prius exillit, postea qui proximior, magisque continuatus est; deinceps verò omnis, non solum, è venis, & arteriis, verum etiam ex visceribus, & corporis habitu emanat, vt supra dixi.

Circa verò naturam, & essentiam sanguinis missionis, varij varia dicunt; nam cum ista, veluti purgatio, remedium sit magnum, ideò ad naturam morbi magni detruncandam ordinatur; quia tamen morbus magnus, à diuersa specifica causa postet oriri, merito ea est cognoscenda, vt verum indicans sanguis missionis elucescat; quare prius verum sanguinis missionis indicans inquirere oportet, circa; quod plurimi asserunt sanguinis missionem à magnitudine morbi, virium robore, & ætate, consistenti, nullo amplius adhibito discrimine indicari: Vt Gal. 4. de ratione victus in acutis, comm. 16. as-

SANGVINIS MISSIONE. 201

ferit; sanguinis mittendi scopi tres, in vnam summam re-
dacti, morbi vehementia, æger ætate florens, facultatis ro-
bur.

Alij verò, non in omnibus vniuersalitèr magnis affectibus,
sed in his dumtaxat, qui à calidis humoribus concitantur, hoc
generosum remedium admittunt: indicarique a tribus illis sco-
pis, non tamen indiscriminatim, sed cum hac distinctione,
quod calidorum humorum vitio, morbus sit magnus; cum
tamen duo sint calidi, vt bilis, & sanguis, in horum reddun-
dantia, aut etiam vitio, aut mala qualitate venæ sectionem ad-
mittunt; alij deindè à sola plenitudine, præsentè tamèn, non
verò absente, indicationem sanguinis missionis assumpfere; ali-
qui præterèa solum sanguinis vitium, venæ sectionem indica-
re, iudicarunt.

Prima igitur assertio; videlicèt, quòd scopi sanguinis mis-
sionis sunt tres, morbi magnitudo, virium robur, & ætas flo-
rens. Probatur, vt Hippocrates 4. de ratione victus in mor-
bis acutis, text. 9. inquit: *In acutis affectibus venam secabis, si
morbus vehemens appareat, & infirmus ætate floreat, viribus-
que abundet.* Tum & etiam Gal. libro de sanguinis missione,
sic fatetur: *Tria sunt, quæ continent directionem mittendi san-
guinem; morbi magnitudo, aut præsens, aut imminens, ætas vi-
gens, & virium robur.* Ergo hæc sunt vera indicantia, siue sco-
pi sanguinis missionis. Probaturque ratione, ex Hippocratis
doctrina; nam extremis morbis, extrema remedia sunt adhi-
benda, velut parvis, parva; magnis, magna; sed magna reme-
dia nisi virium robur subsistat, vt sanguinis missio, non possunt
fieri: ergo requiritur morbi magnitudo essentialitèr, & vi-
rium robur.

Præterea, de ætate consistenti probatur, nam licèt detur
morbus magnus, & virium robur, tamen in ætate puerili, nō
fit sanguinis missio, quia propter substantiæ mollitiē, assiduū,
& immodicum natura profluvium patitur: ergo ad sangui-
nem.

nem mittendum, etiam requiritur ætas consistens, siue florens, vt Galenus lib. 4. de ratione victus, comment. 19. ait: *Sanguinis detractionem, neque puer, neque senex sustinens*, roboratur etiam ex eodem commentario: *Sanguinis detractione non agent, qui instam, naturalemque euacuationem habent*: Ergo ætas puerilis non sustinet sanguinis missionem: ergo requiritur ætas florens. Roboratur vterius, ex eodem Gal. 8. methodi, cap. 4. asserente: *Pueris, & senibus sanguinem detrabere, non licet*. Tum & lib. 1. methodi, cap. 14. *Si vires eius, qui ex putredine humorum febricitat, valentes fuerint, statim sanguis est mittendus; nisi cruditas ventris adsit, aut ætas dissuadeat*. Ideoque inferius loquens, inquit Galenus: *Sanguis mitti non debet puero, qui decimum quartum annum hætenus non attigerit*: Ergo ex his omnibus locis satis patet, quod veri, solique scopi sanguinis missionis, sunt morbus magnus, virium robur, & ætas florens; sicque adducunt definitionem essentialem sanguinis missionis, videlicet, quod est euacuatio sanguinis, indicata à morbo magno, cum virium robore, & ætate florenti.

Hæc tamen sententia, & si maximè fulcita appareat, præcipuè antiquorum placitis, sustinenda non est, & probatur; proprium indicans, & specificum sanguinis missionis, non potest indicare aliud remedium speciei diuersum; sed sic est, quod morbi magnitudo, virium robur, & ætas florens, indicant etiam purgationem: ergo quia non sunt specificum indicans sanguinis missionis. Maior propositio est certa, nam vnum, vt vnum sub eadem formalitate, semper indicat vnum: ergo indicans specificum sanguinis missionis, non poterit indicare aliud remedium speciei diuersum; Minor verò probatur, ex Gal. 4. methodi, vbi ex Hyppoc. doctrina docet, quod missio sanguinis, & purgatio indifferenter à virium robore, magnitudine morbi, & ætate florente indicantur: ergo æqualiter concurrunt hæc tria ad sanguinis missionem, & purgationem.

tionem: ergo aliud specificum indicans reperitur diuersum, ad sanguinis missionem, quam ad purgationem.

Impugnatur vltcrius prædicta assertio: vires solum indicant sui conseruationem: ergo numquam sanguinis missionem. Antecedens ex Gal. constat, libro de optima secta ad Tralsibalum: *Sed ex his nullum remedium à facultate indicari cognoscat; nam si constans virtus, remedium indicat, etiam in sanis remedium indicaret:* Ergo ex Gal. virium robur, nequaquam indicat sanguinis missionem, vt doctissime Trincavellius, Oratius, Augenius, Santorius, Gaspar Bravo, & alij persentiunt.

Quibus sic iactis, facile soluiuntur, testimonia Hyppoc. & Gal. superius dicta: dicendo, quod talis doctrina solum insinuat, quod morbus magnus est genericum indicans, non verò specificum ad sanguineum mittendum, & quod vt debite exerceatur, virtus valida, quæ in ætate floreute solet reperiri, requiritur; non tamen ex hoc sequitur, quod indicans genericum, non debeat vltcrius habere proprium constitutum, medio quo specificet potius sanguinis missionem, quam purgationem, quæ inter se in esse remedij magni genericè conueniunt; idemque indicans genericum ad vtramque euacuationem est morbus magnus, & licet verum sit, quod virium robur ad talem euacuationem requiratur; ex hoc tamèn non sequitur, quod in ætate puerili, aliquandò non detur valida virtus, ad tale remedium substinendum; & quamuis Gal. asserat loco assignato, puerum, nisi decimum quartum annum attingat, sanguinis missionem non substinere. Respondeo Galenum intelligendum esse de euacuatione, audacter facta, & in modica, non verò de moderata, nam etsi limitet euacuationem talis ætas, propter assiduum effluuium; non tamèn eam obnegat.

Secunda verò sententia, in qua plurimi sanguinis missionem decernunt in morbis magnis, qui præcipue ab humoribus

bus calidis pendeant, vt à sanguine, & bile, maximè excludenda est. Primo, ex Gal. de ratione curandi per sanguinis missionem. asserente, quòd in omnibus febribus putridis, in quibus necessaria est sanguinis missio, non est opus, adhibere discrimen, an febres putridæ à calidis, vel à frigidis humoribus fiât; sed indiscriminatim, inquit Gal. lib. 11. metho. cap. 15. *Saluberrimum autem, ut prædiximus, est in febribus venam incindere, nō continuis modò, verum etiam aliis omnibus, quas putrescens humor concitat, ubi præsertim, neque ætas, nec vires prohibeant.*

Impugnatur Vltèrius prædicta sententia, Gal. etiam, libro de ratione curandi, manifeste inquit: *Vbi ergo multa euacuatione est opus, verum vires sunt imbeciliores, in his euacuationem partiri expedit, uti nimirū, & me fecisse, vidiſtis in his, in quibus, inherat crudorum humorum copia; nam pauculo sanguine detractò, protinùs melicratum exhibeo probè coctum; & Paulo infra, inquit Gal. & sic rurſus sanguinem diminuo, vel ipſo eodem nonnumquam die; interdum die poſtero: in quo rurſus exhibeto propositorum medicaminum copiam, iterum de sanguine quid aufero, ac rurſus, tertio die ſimilitèr his.* Impugnatur etiam ex eodem Gal. docente, rationem curandi febrem ephemeram, à craſis humoribus obſtructionem inducentibus, ortam: ſic ait 8. metho. cap. 4. *Secare venam in obſtructionibus curandis, ante omnia oportet, modo vires robustæ ſint; etiam ſi plenitudinis ſigna non adſint:* ergo in omnibus morbis magnis, ab humoribus calidis, ſiue frigidis pendentibus, virtute, & ætate anuentibus, ſanguinis miſſio erit ſaluberrima:

Tertia deindè ſententia, nimirum, quòd indicans ſanguinis miſſionis, ſolùm eſt ſanguinis plenitudo; etſi ſecundum aliquam partem, videlicèt, quòd plenitudo eſt partiale indicans ſanguinis miſſionis, ſit vera; ſecundum aliam, ſcilicèt, quòd ſit ſola plenitudo, valdè à veritate aberrat, & probatur pri-

SANGVINIS MISSIONE. 205

mō: nām si plenitudo per se sola sanguinis missionem indicaret, quotiescumque daretur plenitudo, semper sanguis deberet mitti, ac deficiente plenitudine, numquam sanguis mitteretur; sed sic est, quod licet existat plenitudo, non semper sanguis est mittendus; nequē si ipsa deficiat, sanguinis missio est renuenda: ergo sola plenitudo non indicat sanguinis missionem. Maior probatur quoad primam partem, ex Hypp. 4. de ratione victus, vbi docet, quod licet detur plenitudo, non semper est sanguis mittendus, sed aliquandō curāda erit inedia, frictionibus; & valneis.

Secunda verò pars maioris, videlicet, quod nulla existente plenitudine, debeat mitti sanguis, probatur ex Gal. lib. de curandi ratione per sanguinis missionem, asserente: *Perperamque Menodotus empiricus sola plethorica appellata syndrome, sanguinis missionem observare consueverat; nos autem, & non ea existente, venam secamus; cum dolor vehemens hominem prehenderit, vel pars aliqua fracta fuerit, vel os, ex loco pulsum, vel alius quispiam artus confractus sit, &c.* Ergo ex dictis constat, quod multoties existente plenitudine, non est mittendus sanguis, & illa deficiente, aliquandō est mittendus: ergo quia plenitudo sola per se, non est indicans sanguinis missionis.

Obiicies tamen; contraria cōtrarijs postulant curari; atqui sanguinis missio, & illius plenitudo sunt contraria: ergo plenitudo sanguinis, curatur media sanguinis missione: ergo sanguinis missio indicatur à plenitudine: cui respondeo concedendo maiorem, & distinguendo minorem, plenitudo sanguinis, & missio sanguinis sunt contraria; si plenitudo sanguinis sit cum morbo magno, concedo; nam non qualibet plenitudo contrariatur missioni sanguinis; sed aliquando, vt dixi inedia, & valneis; sicque assero, morbum magnum pendentem à sanguinis plenitudine, rectē indicare sanguinis missionem; non verò solam plenitudinem.

Nec valet, si asseras cum Hypp. quod morbi, qui à repletionem fiunt, evacuatione curantur: ergo evacuatio sanguinis erit indicata, à repletionem sanguinis; quod facile solvitur, dicendo Hypp. alloqui genericè, nimirum repletionem curari evacuatione; non tamen quolibet repletio solvitur qualibet evacuatione; sed repletio, dumtaxat, vel plenitudo magna sanguinis evacuatione, quæ etiam sit magna, vt sanguinis missio; non autem evacuatione parva, vt exercitio, vel fricatione: vnde cum non possit dari plenitudo sanguinis magna, sine morbo magno, actuali, vel imminente; ideò semper sanguinis missio, tanquam indicatum specificum, non indicatur à sola sanguinis plenitudine, citra morbum magnum, præsentem, aut imminuentem.

Alia præterea sententia, valde ab aliis dictis disidens, asserbat, solum à sanguinis vitio indicari venæ sectionem; nam cum nos aliquando citra plenitudinem, hoc exerceamus auxilium, vt confluentem à naribus, à mariscis, aut alia quapiam parte sanguinem compescamus; sine dubio, nunquam mittetur sanguis, citra aliquod vitium ipsius; nam dum revellimus, aut derivamus, etiam sanguis peccat, quia nimis profluit, vt docebat Avicenna explicans, sanguinis missionem fieri, aut propter multitudinem, aut sanguinis malitiam, aut propter vtrūque: ergo cum plenitudine, & citra plenitudinem, sanguis aliquando debet mitti, & hoc semper fit propter vitium sanguinis; idest, propter peccatum, quia multus, vel quia confluit; maxima cum ratione verum indicans sanguinis missionis, erit vitium sanguinis: præsens quidem sententia; et si veritati sit consona, ulteriori tamen adminiculo indiget, vt latius infra ostendam.

Alia verò opinio à Vallesio adducta 7. controversiarum, cap. 2. quæ asserit, sanguinis missionem multipliciter evacuare, videlicet revellendo, derivando, & attemperando; propterea, non habere vnum indicans, sed plura; sicque non dabitur de-

terminatum sanguinis missionis indicans. Hæc tamen sententia, etsi tanti sit viri, reuenda est; nam ex hoc sequeretur, quod nullum principium determinaret occasionem sanguinis mittendi; sed potius mitteretur sanguis fortuito, & sine debita contractione specifica, potius ad hoc remedium, quam ad aliud. Impugnatur etiam, nam indicatio est comprehensio rei iuvantis, cum comprehensione nocentis: ergo res iuvans, indicatum dumtaxat specificum debet indicari ab specifico lædente, videlicet morbo: ergo veluti purgatio habet specificum indicans determinatum, etiam sanguinis missio obtinebit: ergo quamvis mittatur aliquando sanguis ad revelendum, quandoque ad plenitudinem minuendam, cum semper sanguis vitium contraxerit, potius indicatio sanguinis missionis desumetur à vitio sanguinis morbum magnum inducente.

Alia ulterius offertur assertio, asserens, quod indicans sanguinis missionis, est magnum sanguinis vitium, tripliciter peccantis, videlicet, vel secundum formam, vel secundum quantitatem, vel motum; si secundum formam, indicat erradicans, si secundum quantitatem, indicat minuens: si verò secundum motum, indicat aliud, quod appellatur reuellens. Hæc similiter sententia à veritatis scopo aberrat, præcipue secundum illam partem, in qua dicit, vitium sanguinis, quoad formam, indicare sanguinis missionem. Et probatur primo, nam non potest dari vitium sanguinis quoad formam, remanente eadem forma sanguinis: ergo amissa forma sanguinis, iam erit deperdita forma, & potentia: ergo potius erit, vel bilis ex tenuiori parte sanguinis genita, vel melancholia ex terrestri: ergo illo in casu, potius erit indicans ad purgationem, quam ad sanguinis missionem.

Sapientissimus Gaspar Bravo, disput. 1. resolut. 1. sect. 3. fol. 431. resolut, quod morbus magnus pendens à vitio sanguinis in quantitate, qualitate, aut motu, est indicans per se san-

guinis mifſionis. Probatur, morbus magnus pendens ex vitio humorum, indicat remedium magnum: ergo debet habere, per quod determinetur ad ſanguinis mifſionem, potius quam ad purgationem, cum hæc ſint remedia magna; ſed à morbo magno pendente à cacochymia, indicatur purgatio: ergo à morbo magno pendente ex vitio ſanguinis, vel reliquorum humorum, ſanguini commiſtorum, indicatur ſanguinis mifſio.

Roboratur vlteriùs, nam quamvis dicas, quod ſolùm ſanguis poteſt habere vitium in quantò, ratione cuius, indicet ſanguinis mifſionem. Contra inquit Bravus, nam triplex vitium poteſt ſanguini ſupervenire, videlicet in quãtitate, dùm fit pectora, in quali, dùm putreſcit ſanguis, & reliqui humores illi commiſti, in motu, dùm fluit in partem aliquam: ergo à quolibet iſtorum indicatur ſanguinis mifſio.

Difficultas tamèn, maior non ſe habet ratione quantitatis, neque motus, ſed potius ratione vitij ſanguinis in quali; ideòque probat hanc partem, primo ex Gal. libro methodi, ſuperiùs citato, aſſerente, ſaluberrimum eſſe, in omnibus febribus ſanguinem mittere: ergo quia ratione vitij, in quali, indicatur ſanguinis mifſio: tùm & etiam 9. methodi, cap. 11. ex Galeno docente, quod ſanguis eſt mittendus, dùm fit inutilis; docetque poſtea, dupliciter fieri ſanguinem inutilem: *Eſt inutilis, vel quia non ſervat exactè qualitatem, vel ſi nimis creſcit multitudinem*. Ergo ſine plenitudine aliquandò, ſi morbus magnus pendet à vitio ſanguinis in quali, indicat ſanguinis mifſionem. Præterea Galenus 8. methodi, cap. 4. vt ſupra, in diaria ex obſtructione facta, ex vitiſis humoribus, ſanguinem mittit, ne ob intemperiem, tranſeat in putridam, ſumpta indicatione, ex ſolo vitio ſanguinis, in quali.

Hæc ſimilitèr ſententia renuenda eſt, etſi non adæquatè, ſaltem ſecundum partem diviſionis particularis indicantis, deſumpti à vitio ſanguinis in quali, & impugnatur manifeſtè,

nam

nam vitium sanguinis inquali, vt ipse Bravo fatetur, est dum sanguis putrescit: Nunc sic, dum sanguis putrescit, præcise, vt putrescens non indicat sanguinis missionem: ergo vitium inquali, non indicat sanguinis missionem. Antecedens probatur, dum sanguis est putrescens, vel est peccans in qualitate manifesta, quia calidus, vel in qualitate occulta, quia malignus, vel in modo substantiæ, quia tenuis, aut crassus, vel in forma, quia est in facto esse putridus: sed nullo ex his modis vitij sanguinis indicatur sanguinis missio: ergo vitium inquali, cum sanguis putrescit, non indicat sanguinis missionem: maior est certa, minor verò probatur primò, nam si sanguis in qualitate manifesta est, solum indicat attemperationem per contrariam, si in qualitate occulta, solum alexipharmaca postulat, si in modo substantiæ incrasationem, vel attenuationem, si in forma, quando iam est completè putridus, iam non erit forma sanguinis, sed bilis, vel melancholiæ, quæ potius indicabit purgationem: ergo à primo ad vltimum, vitium sanguinis inquali, citra quantitatem, vel motum, non indicabit sanguinis missionem.

Solvendæ iam sunt rationes superius allatæ. Respondeo igitur primo ad authoritatē Gal. ex metho. medendi, fatendo libentè, quòd saluberrimum est remedium, in omnibus febribus sanguinem mittere, ex hoc tamen non sequitur debere fieri propter vitium sanguinis inquali, sed ratione quanti, præcipuè cum asserat Galen. eodem loco inferius aloquentis: *nam levata natura a sarcina, qua præmitur, reliquit, quod est, concoquit*: ergo potius de gravitate, sive multitudine sanguinis, quam de vitio inquali est intelligendus Galenus.

Altèri authoritati ex 9. methodi, cap. 11. respondeo: quod quamvis Gal. dicat sanguinem, non servare qualitatem, idèd. que fieri inutilem, & quoties est inutilis, est euacuandus media sanguinis missione: nam idem Galenus ait, quod sit inutilis, vel quia non servat exactè qualitatem, vel quia crescit multi-

tudi.

tudine. Dico, quod etsi fiat inutilis, dum non seruat debitam qualitatem, tunc non mittitur sanguis immediatè, & per se propter tale vitium, sed quia dum est hoc modo inutilis, valet naturam irritare ad fluxionem in aliquam partem, vt inde plurimi alij affectus inducantur; sicque ratione fluxionis, vel motus imminētis, immediatè indicantis tale auxilium, mittitur sanguis, nam quamvis actu non moveatur, nec fluat; revulsio tamen non solum fit propter sanguinem fluentem, sed etiam propter fluxurum; ac proinde in illo casu, existente morbo magno pendente à sanguinis vitio in quali, indicabitur sanguinis missio, mediatè ab illo vitio in quali, immediatè verò à motu, qui sequitur propter tale vitium, irritans partes ad motum, & fluxionem.

Aliud testimonium ex Galeno 8. methodi, cap. 4. solvitur dicendo, quod quandò mittimus sanguinem in diaria ex obstructione, ne transeat in putridam, hoc non est ob vitium sanguinis in quali, sed cum media obstructione, quæ dependet à multitudine particulari, possint humores, ita putrescere, vt naturam irritantes, efficiant fluxiones, & motus ad focum putredinis; vt igitur illa plenitudo particularis auferatur, & fluxio imminens impediatur, ac morbus magnus, quem timeamus, profligetur, sanguinem mittimus; quare in illo casu, & à multitudine particulari, & à motu imminenti, indicatur sanguinis missio.

Quibus sic iactis, facilè innotescit verum indicans, tam genericum, quam specificum sanguinis missionis; sicque verior assertio est, quod indicans genericum sanguinis missionis, est morbus magnus, qui æqualitèr indicat remedium magnum, vt purgationem, vel sanguinis missionem; specificum verò est vitium sanguinis pendens, vel à quanto, vel à motu sanguinis; & probatur manifestè, quoad indicans genericum, ex Galeno lib. 4. methodi, cap. 6. vbi morbum magnum ponit genericum indicans, & indifferens ad sanguinis missionem, & purgationem,

SANGVINIS MISSIONE

211

nem; constat similiter ex variis superius testimoniis allatis.

Circa specificum verò indicans sanguinis missionis, offertur verior ratio in hunc modum: nam existente plenitudine sanguinis, cum morbo magno, est necessarium remedium magnum evacuans; sed purgatio non potest auferre in discriminatam plenitudinem sanguinis: ergo sola sanguinis missio: ergo quia indicatur à plenitudine cum morbo magno; tum & etiam ipse Galenus 9. methodi, cap. 11. inquit: *Sanguinis missio utilis est, seu vacuantium praesidiorum unum, ubi sanguis, tum venas, tum arterias, vel distendat, vel findat, vel obstruat in aliis, seu quod humorum vehementiorem impetunt ad diversam partem revocet, vel propinqua derivet*: Ergo ex hoc Galeni testimonio, elucescit verum, & solum specificum indicans sanguinis missionis, videlicet sanguinis multitudo, vel vehementis illius motus in aliquam diversam partem, morbo tamen magno existente, vel actuali, vel imminente.

Roboratur ulterius hæc sententia, habita ratione ad sanguinis motum. Primò ex eodem Galeno libro de curandi ratione per sanguinis missionem, ubi ait, ut supra diximus, *Menodotus in sola plectora, sanguinis missionem observare consueverat; nos autem ea non existente, etiam venam secamus, cum dolor vehemens hominem prehenderit, vel pars aliqua fracta fuerit, vel es ex loco pulsum*: Ergo ex Galeno ratione motus, cum morbo magno coniuncti, debemus mittere sanguinem: ergo quia est specificum indicans sanguinis missionis. Roboratur ulterius ratione, nam nulla existente plenitudine in vehementi hæmorrhagia, mittimus sanguinem ad revelendum motum sanguinis pravam: ergo aliquando propter solum dictum motum, citra plenitudinem, sanguinis missio indicatur.

Dicet tamen aliquis, quod illo in casu, quamvis in hæmorrhagia immodica, non detur plenitudo universalis; tamen da-

tur

tur plenitudo particularis, respectu partis recipientis, quæ gravata à sanguine fluente, ipsum retinere non potest: ac proinde sanguis mittitur ratione plenitudinis particularis, non verò ratione motus: sed contra, quia potest ita esse extrema evacuatio vniuersalis, vt nullo modo possit dari, plenitudo particularis adhuc: ergo non fiet missio sanguinis ratione plenitudinis particularis. Præterea, quia illa est plenitudo particularis, quæ venas partis particularis, ita replet, sive gravat, vt non possit sustineri: sed sic est, quod sanguis fluens per nares, numquam detinetur in parte, sed semper evacuat, & inanuntur venæ: ergo neque erit plenitudo vniuersalis, neque particularis.

Dices verò iterum, quod talis plenitudo particularis, non erit ad vasa; sed solum ad vires partis peculiaris, quæ quia languida, sanguinem confluentem, non potest gubernare. Sed contra, quia talis pars particularis, & totum corpus, ita sunt inanita sanguine, vt potius ab arte, eum appetant retineri: ergo quia adhuc ad vires hæ partes non sunt gravatæ; imò illo ægent, sed potius, quia sanguis tenuior, & vasa aperta sunt, talis motus impetuosus accidit: ergo solum ad ipsum revellendum, mittetur sanguis: ac proinde indicans specificum illo in casu, erit vitium sanguinis in motu.

Sed instabis; revulsio est scopus sanguinis missionis; sed omnis scopus cuiuscumque indicati, præsupponit indicans specificum: ergo ante revulsionem, iam debet esse morbus magnus cum indicante specifico sanguinis missionis: ergo revulsio non est indicans sanguinis missionis.

Cui satisfatio dicendo, quod revulsio, quæ dicitur scopus sanguinis missionis, iam supponit indicans specificum, scilicet vitium sanguinis in motu; rebulsio enim non est indicans, sed potius indicatur, quoad modum, nã quod indicatur est sanguinis missio, specie determinata à motu sanguinis; revulsio verò est modus, sive scopus modalis sanguinis missionis, non de-

SANGVINIS MISSIONE. 213

terminans, inò quod determinatur à motu sanguinis cū morbo magno; ex quibus elucescit verum, & specificum indicans sanguinis missionis, vt est vitium sanguinis pendens à quanto, vel à motu.

Quibus sic perpensis, innotescet definitio essentialis sanguinis missionis, quæ nihil est aliud, quam *evacuatio universalis, indicata à morbo magno, pendente ex vitio sanguinis in quanto, vel in motu*. Et meritò cū huiusmodi definitio obtineat rationem genericam, & specificam completam. Et probatur, nam per prima verba, videlicet, *evacuatio universalis indicata à morbo magno*, convenit cum purgatione electiva, quæ etiam est universalis evacuatio, ac à morbo magno indicatur; per alia verò verba, videlicet, *pendens à vitio sanguinis, in quanto, vel in motu*, differt specificè à purgatione; cum in purgatione morbus magnus pendeat à cacochymia: ergo cum hæc inter se specie differant, satis ratio generica, & specifica manet ad aperta, vt faciliè cuilibet rationi, in contrarium adductæ, possimus satisfacere.

Instabis tamen contra definitionem allatam; nam sanguinis missio est vnum remedium specificum: ergo ab vno indicante specifico; sed quantitas sanguinis, & motus, sunt duo indicantia specifica: ergo ambo non possunt determinatè indicare sanguinis missionem, siquidem etiam purgatio, quæ cum sit vnum specie indicatum, indicatur ab vno in specie; mirum à cacochymia.

Quæ arguties detruncatur, si respondeam concedendo primum antecedens, & consequentiam; nego tamen minorem: videlicet, quòd quantitas sanguinis, & motus sint duo indicantia specie diversa; nam ista per se, solum sunt indicantia numero distincta, non verò specie; ratio est, quia specificum sanguinis missionis solum est vitium sanguinis; hoc tamen vitium, cum sit in motu, vel in quanto, ideo membra divisi, scilicet indicantis, sunt duo, vt quantitas, vel motus, qui cum

Et

con.

constituant vitium sanguinis, ideò constituunt vnum in specie indicans, veluti sanguinis vitium; nam solum diversificant modum indicati, non verò speciem; vt motus, revulsionem, plenitudo solum evacuationem: ac proinde dicendum est, sanguinis missionem, solum obtinere vnum indicans, etiam si tale indicans sit in duo inferiora diuisum, vt currit eadem paritas in purgatione, quæ solum specie indicatur à cacoehymia, ista tamen est duplex, vt in supernatantia, vel in forma præter naturali humoris; & tamèn quomodocumque sit, vt cacoehymia est coniuncta cum morbo magno, est indicans purgationis.

CAPVT IV.

QV ID, ET QV OTV PLEX SIT
morbus magnus.

CVM in superiori disputatione stabilitum maneat, genericum indicans sanguinis missionis, esse morbum magnum; meritò in præsentì offertur agendum de natura, & differentiis morbi magni, cuius natura satis cuilibet patebit, si perpendat, magnitudinem morbi, sumi ex vehementia, ratione cuius, mortis periculum minatur, ita vt sua vi, siue vehementia operetur; paritèr si læsiones, siue symphomata, eandem læsivam vehementiam ostendant, cum sint effectus ab ipso morbo dependentes.

Quæ assertionis veritas probatur, nam parvitas, vel magnitudo causæ, sumitur à parvitate, vel magnitudine effectus, quem producit: sed morbus parvus, est causa symphomatis benigni, & sine vllò mortis periculo: ergo morbus magnus erit ille, qui producat symphomata magna, & vehemètia, cū

mor:

mortis periculo, cum experiamur ex vehementia læsionum, naturam languidam in totum succumbere, siue talis vehementia morbi, sit respectu totius, vel alicuius partis principis, vel ratione virium, vt infra constabit.

Quoad magnitudinem igitur morbi, Gal. 4. methodi 6. tres magnitudinis differētiās insinuat, quarum prima, est magnitudo ratione propriæ essentia; secunda ratione cacoethiæ; tertia ratione partis præstantiæ: magnitudo quidem ratione propriæ essentia; ostenditur medio exemplo; nam si aliquod magnum apostema, quoddam neque sit malignum, vt illud quoddam est cacohete, neque sit magnum, ex eo quod sit in aliqua parte præstanti; illo in casu dicitur magnum, ratione propriæ essentia;

Magnitudo verò ratione partis præstantis, est, vt si in iecore, vel corde, sit aliquod apostema exiguum, vel aliqua parva pustula, quæ ratione sui, nihil mali minetur; ratione verò partis præstantis, quamvis leviter vlcerata, mortem minetur; idèque flatus in ventriculo existens, affectum, sine periculo efficiet, veluti est ructus; si verò idem flatus in ventriculis cordis inclusus esset, palpitationem exitiosam producere valeret, ob quam rationem prædictus morbus, non ratione causæ, sed partis præstantis ratione, magnus appellatur.

Magnitudo vlteriùs morbi, ratione cacoethiæ desumpta, siue malignitatis, erit quemadmodum, aliqua febris maligna, quæ licet parva esse videatur, idest, remissa, siue aliquod vlcus cacoethæ, vel vulnus armis venenatis confectum, quoddam ex se sit exiguum, ratione tamen veneni maximum, & lethale erit: alia verò morbi magnitudo, ratione dignitatis sumpta, a tribus prædictis differt, de qua Gal. 6. de locis affectis, cap. 5. alloquitur, de passionibus hystericis agens, passionem hystericam esse inquit, maiores, quæ à semine corrupto, quamquæ, à mensibus dependent: morbus enim magnus, ratione dignitatis solet, ab humore magis nostræ naturæ familiari,

provenire; nam dum humor acrior corrumpitur, lethalior affectus sequitur, optima enim quæquæ dum putrent, pessimè putrent.

Gal. similiter 3. de tuenda sanitate, cap. 9. perpendens morbi magnitudinem, ratione dignitatis, illam apostematis exemplo, partis contussæ, explanat, sic alloquens: *Si pars contussa apostemetur, sunt duo affectus, primus contussio, secundus apostema: si pari intervallo, pars contussa, & apostema recedant ab statu naturali, curatio exordienda est ab apostemate, & non à contusione. quia apostema est affectus maior ratione dignitatis, quam ipsa contussio.* Adducitur similiter apud Gal. lib. de totius morbi temporibus, cap. 5. alia morbi magni differentia, ratione virium imbecillitatis, desumpta; nam licet ex se morbus magnus non sit; comparativè tamen, ad vires, quæ quia languidæ, illum superare non valent, magnus, habita ratione ad vires, nuncupabitur.

Sed si quis, quoad magnitudinē morbi, ratione cacoethiæ, vel malignitatis, quæ in febribus reperitur malignis, dubitet de ipsarum malignitate, plurimas inveniet, diversas opiniones; Montanus enim iudicat, malignitatem febrium, potius ab humoribus in corde putrefactis, provenire. Fernelius verò, Hercules de saxonîa, & alij, potius à venenata qualitatē prodire arbitrantur. Capivacius tamen, prædictam malignitatem, non à quocunque humore, sed ab humoribus alimentalibus in corde putrefactis, exoriri opinatur. Fracastorius, potius ex profunda, & sordida putredine. Sapientissimus Oratius Augenius putredinem, non quancunque, sed corruptionem, malignitatis inventricem iudicat. Eustachius magis à vehementi putredine, quæ à veneno non differat, produci existimat.

Alij verò malignas febres, potius ab aliqua interna gâgre-na arbitratur oriri. verior tamē assertio est, quæ nullā harum causarum malignitatem inducentium, excludit, sed omnes; ita

SANGVINIS MISSIONE. 217

ut aqualibet possit depedere, amplectitur. Prima etenim Mō-
tani opinio veritati est consona: nam ipse Gal. 1. de diffe-
rentiis febrium 4. asserit: quod febris pestilens, & maligna,
fiunt ex humoribus in corde putrefactis; aliae verò febres ex
fuliginibus extra cor putridis, irruentibus tamen ipsum cor.
Secunda similiter Fernelij opinio, non est obneganda: nam
Gal. 3. in 3. epidemiorum, in historia 4. ægroti, quem in-
quit, ita cito fuisse mortuū phreneticum, ac si ipse medicamen-
venenatum sumpsisset; ab eadem etenim causa possunt fieri
febres malignæ: robotatur etiam ex Hyppoc. & Gal. 3. de
ratione victus 14. ubi asserunt: deiectiones biliosas, si non
extinguant ardorem, esse signum malignæ febris; & præcipuè
si calor vehementior reddatur. Supponunt causam malignæ
febris, esse venenatam qualitatem, quia si esset aliqua quali-
tas manifesta, sine dubio, quo maior esset biliosa deiectio,
tanto calor mitior, & remissior fieret. Asserunt etiam, pesti-
lentiam sine febre reperiri: ergo bene inquit Fernelius, quod
malignitas, non semper à putredine nascitur; siquidem, quo
major putredo fit, semper calor intensior redditur, servata
tamen forma rei putrescentis.

Neque Capivatus negligendus, cū ex humoribus putrefac-
tis alimentalibus, febrem malignam fieri pronuntiet; vi enim
ipsius febris, confestim vires labuntur; siquidem alimenta, me-
dia putredine, formam immutant, ut maligna febris exo-
riatur. Aliae similiter assertiones, scilicet, quod febris malig-
na, fiat à sordida, & profunda putredine: ut Fracastorius, vel
cum corruptione, ut Augenius, vel à vehemēti putredine,
ut Rudius, maxima cum ratione amplectendæ veniunt, ut
Gal. ostendit 3. in 3. epid. 23. & primo de differentiis fe-
brium, cap. 5. sententia tandem asserens, quod ab aliqua gā-
grena, maligna febris possit fieri; maximè apud omnes col-
laudatur; cū plurimi fateantur, pluries cadaveribus apertis, à
maligna febre interfectis, se adinvenisse exiguam gāgrenam,

omni-

omnino nigricate in hepate. In his quidem agris, manifestè observatur tria signa malignæ febris, præposita apud Gal. de præfagat. ex pul. cap. 4. quorum primum est: ut pulsus à naturali statu non differre videatur, sed maxime similis appareat. Secundum ex lotio simili sano, desumitur. Tertium verò: quod ægri nullam querimoniam obtineant; imò quasi nullam febrem sentire ipsis videatur, quo non obstante, aliquod vehementius symptoma in eis reperiatur, ut citra causam manifestam, animi deliquium, extremorum frigiditas; & hoc ita per intervalla, ut diebus interpositis, quiescant ægri, ac si nullam febrem paterentur: hæ igitur omnes, febris malignæ, causæ valde sunt perpendende; cum ita morbum magnum ratione cacoethiæ, vel malignitatis constituent, quæ morbi magnitudo semper, debet magnam medicis curam inferre. Et hæc de differentiis morbi magni.

CAPUT V.

*QUÆ SIT, CAUSA MOTVS
sanguinis, dum vena scinditur.*

CUM in superioribus, natura, & essentia, habita ratione, ac modus, quo ex venis ad alias partes fluit sanguis pateat, merito de causa, sanguinem dum vena est aperta, movente, agendum venit. Aliqui etenim Authores motum sanguinis ex euntis, tribuunt contiguitati, cum eo, qui primo adducitur, successione videlicet ad id, quod evacuatur; sed licet hæc partialiter concutrat, non est causa per se, & totalis, Fernellius verò 2. methodi, cap. 3. & Peramatus libro de evacuandi ratione, cap. 3. prædictum motum sanguinis, tribuunt defectui facultatis

reten.

SANGVINIS MISSIONE. 219

retentricis, in fibris obliquis existentis, quæ media venæ sectione impeditur; sed quare, inquiram, motus localis sanguinis, qui est positivus, tribuitur causæ privativæ, videlicet defectui retentricis? Præterea, quia si sanguis ab aliquo non moveretur, potius in suis vasis, tamquam in centro, veluti aqua in dolo, quiesceret.

Sapientissimus Vega lib. 2. methodi, sect. 5. cap. 2. iudicat, potius sanguinem moveri, ab expultrice venarum facultate. Contra quod Gaspar Bravo insurgit, dicens, quod cum sanguis, nutrimentum utile, & necessarium sit, potius obiectum retentricis, quam expultricis erit; ac proinde, nequaquam tribuendum esse prædictum motum, facultati expultrici; aliàs si motus ab expultrice fieret, ablata ligatura, non cessaret, cuius contrarium experimur. Alij vltcrius Authores, huiusmodi motum sanguinis, ad illius gravitatem reducant, quæ, etsi aliquando, causa possit iuvare ad meliorem motum, præcipua tamen non est, nam dum sanguis, secta vena, ex directo, aut sursum fertur, tunc movetur, & tamen iste motus, non est ratione gravitatis: ergo quia causa præcipua, non est sanguinis gravitas.

Sapientissimus Santorius libro artis Medicinalis, quæst. 108. opinatur, quod motus sanguinis, secta vena, debetur influxui spirituum, in omnes venarum partes, concurrente simul arteriarum motu; sed licet verum sit, quod sanguis intra venas existens, spirituofam substantiam obtineat, ut fluxilis sit; non tamen, spiritus sufficienter possunt, prædictum motum efficere, nam spiritus, dum non adest plenitudo, potius intra venas conservantur, nonque moventur ad expulsionem. Præterea, quia illi, etsi sint corpus mobile; non tamen à se, sed à facultate pulsatili moventur. Præterea, quia ex hoc sequeretur, venas in se, veluti arterias, spiritus continere; hoc est falsum, ut ex defectu pulsationis constat: ergo etiam, quod sanguis moveatur ab spiritibus, hoc enim solum contingit motui,

san.

sanguinis arterialis, qui valdè impellitur, ex cissa arteria, ab spiritibus vitalibus; iste tamen non à se, sed à motu compressi-
vo arteria, qui potius à facultate pulsati nascitur.

Doctissimus Gaspar Bravo, inquit, quod secta vena, sanguis, ac reliqui humores fluunt propter impulsu, à partium tenore communicatum, & media artificis ligatura; & probatur hac ratione, quilibet liquor contentus intra vas, si illud propter partium tenorem, comprimatur ab aliqua causa extrinseca, medio communicato impulsu, contentus liquor, orificio aperto exhibet: ergo ita pariter, ligatura facta sanguis exhibet.

Hec tamen sententia, quavis in externis, aliquid veritatis continet; in internis tamē, idest in evacuationibus eorū, quę intra nostra corpora continentur, nō est cōpleta, nā alia cū his addenda, nō exigua est causa, vt est natura adinimulans, media facultate expultrice, & probatur manifestē; primò enim, quavis sanguis vitiosus sit, aperta vena, & ligatura facta, si natura nō sit adinimulans, vt in febribus malignis, non datur evacuatio sanguinis vitiosis, sed laudabilioris, & è contra, existente natura valida, inutile etiam, cum utili sanguine, evacuatur: ergo quia simul concurrunt præter ligaturam vasorum, & partium tenorem, facultas expultrix. Similiter experientia patet in cadaveribus, etsi ligatura sit facta, non tamen exit sanguis: ergo quia deficit concursus facultatis expultricis, ac proinde non currit paritas de externis.

Nec valet si asserat sapientissimus Bravo, quod sanguis, potius est obiectum retentricis, cum sit partium nutrimentum; hoc enim facile solvitur multiplici ratione, quarum prima est; nam aliquando, etsi sanguis ex se laudabilis sit, quia peccans in quanto, vt in athleticis, idē aperta vena suscitatur expultricem, ad talem motum localem sanguinis: vel si mavis, quamvis non sit plenitudo vniversalis, ita vasa particularia media ligatura replētur, vt sanguis sit obiectum particulare faculta-

SANGVINIS MISSIONE. 221

tis expultricis in illo casu; vel si malueris, nulla existente plenitudine vniversali, vel particulari, media solutione continui, facta in vena, inducitur dolor, qui ex accidenti fluxionem sanguinis inducit ad partem, ac simul partes vicinæ, obiectum dolorosum solutionis, veluti fugientes, ne recipiant comprimuntur, ex qua compressione motus sanguinis subsequitur; ex quibus concludendum venit, quod motus sanguinis, vena aperta, non solum media ligatura, & impulsu partium communicato fit.

CAPVT VI.

QVÆ HUMORVM VITIA, PHLE- bothomia vacuet ex venis.

HUMORVM, qui in venis vitium contrahunt, aut plectora, aut cacochymia est: plectora quidem, ac sanguinis exuperantis vnicum, & præcipuum, venæ sectio, est remedium, licet plectora pura, ex pura humorum portione sit, vel cacochymix particeps, quæ humorum vitiosorum est redundantia: vtrique enim secta vena succurrit, quando igitur musculi solidi, & distenti, nec non venæ amplæ turgentes periculum minantur, protinus sectione venæ est vtendum, vt Galen. 9. methodi, cap. 11. inquit: *Sanguinis missio utilis est, seu vacuantium præsidiorum vnum, ubi sanguis, tum venas, tum arterias, vel distendat, vel findat, vel obstruat in aliis, seu quod humorum vehementiorem impetum, ad diversam partem revocet, vel propinqua derivet.* & merito, nam ista, dolores extensione placat; corpus gravi pondere levatum erigit, & quasi recreatum expeditis ad omnis generis functiones expedit, ac insito calore liberalius ventilato, & viis referatis, ac expi-

raculis ad apertis morbos coercet; quare pura pectora, sanguinis missione tutissimè deditur; impura verò non æquè tuto; nam quo magis fuerit sanguis propinquus puritati, eo liberalius; quo verò magis impurus, arctius, atque parcius est mittendus, vt in his, qui pravam constitutionem obtinent, vel summoperè venas refertas; at quamvis pravam constitutionem obtineant; si tamen biliosis cibis fuerint repleti, eo usque tantum eximendum est sanguinis, vt pericula plenitudinis vitentur.

Calida verò, biliosaque plenitudo tutius, quam reliquæ impuræ, venæ sectione adimitur, quia non solum eam minuit, verum etiam refrigerat; plenitudo tamen melancholica parcius hoc auxilium substinet; pituitosa omnium minimè, quia cum sit intensè frigida sanguinis missionem auersatur; ista enim magis refrigerans ita cruditatem conduplicat, vt vix concoqui, ac emendari valeat: non aliter virium imbecillitas evacuationem magnam minimè perfert; quare nisi venæ supra modum contractæ grave minentur periculum, decernenda non est: cum autem necessitas exposcat, id non semel, & vniuersè, sed sensim, ac partitè tentandum est; in omni igitur impura plenitudine, dissecta vena, auspicanda est evacuatio, sine qua purgatio tuto non est decernenda: medicamentum enim validum purgans, tum calore, tum atrahendi facultate, humores exagitans, ac perturbans, pectoricum corpus in grauius discrimen adducit: at verò in vniuersum, plenitudo, ac turgentibus venis, si non profit; nocere tamen non potest moderata sanguinis missio.

Plenitudo similiter ad vires, cum eas iam languidas præmat, ita vt non possit à calore nativo gubernari, ne fortassè putredo, sive humorum corruptela succedat, venæ sectione minui potest, quæ tantum, quantum natura facile gubernet, relinquat; illa etiam, quia nullius periculi præsentis metu vrget, aut partiore victu, aut inadia vtiliter

sub:

SANGVINIS MISSIONE. 223

subtrahitur. Circa cacochymiam verò, maior se offert dubitatio, vtrum illi venæ sectio proſit. Circa quod iudico, ſimplicem cacochymiam, vena diſecta, decreſcere, eſſeque maximum, ac tutum remedium. Licet enim omnes humores æqualiter prodeant, & vna, & eadem, ſicut antea humorum proportio remaneat; quia tamen detracta oneris portione, qua natura præmebatur, vires non languidiores, ſed alacriores plerumque evadunt, & quod reliquum eſt, facilius ferunt, ac dominantur: non aliter in febribus continuis, quando humorum putredo, ſummaque cruditas in venis adest, plerumque ſanguine miſſo, vrinæ, quæ rubræ, craſſæ, ac turbidæ antecceſſerant, mox puriores apparent, coctioniſque ſigna oſtenduntur.

Advertendum tamèn eſt, quod ſi aliquando ſanguinis è naribus ſtilla reperiatur, vel vrinæ rubicundę appareant, nequaquam venæ ſectio protinus eſt imperanda; nàm facile ſanguis prorrumpit, non ſolum ex plenitudine, ſed aliis ex pluribus cauſis, præ quibus natura vacationem molliatur, vt his quibus viſcera ſint maximè imbecilla; præſertimque iecur, vel quando ſchirroſum evadit; tunc enim ſolet accidere ſanguinis fluxus è naribus, qua proptèr per hos, & ſimiles affectus, neutiquam ſanguinis miſſio eſt decernenda: quare maximè oportebit ſigna, ex ſuperantiam vniuſcuiuſque humoris, oſtendentia, animadvertere.



CAPVT VII.

DE SANGVINIS MISSIONIS DIFFERENTIIS, & sine propter quem.

VT methodicè, ac secundum rationem, sanguinis missio exerceatur, magnam confert vtilitatem, partem ex qua sanguis auferri debeat, perpendere, vnde cum aliquando ex parte, debeat sanguis, media revulsione auferri, aliquando derivatione, aliquando tantum evacuatione, merito triplex oritur differentia: alia etenim erit sanguinis missio evacuatoria; alia revulsoria; alia verò derivatoria. Evacuatoria quidem dicitur, quæ humorem ex toto corpore, aut ex aliqua parte determinata, simpliciter evacuat; revulsoria verò, quæ humorem impetu fluentem in partem contrariam evacuat: derivatoria tandem, quæ in evacuationem humoris, citra impetum fluentis, in partem affectam ordinatur, siue illius, qui defluxit, non tamè impactus est; distinguitur verò ab aliis, quia derivatio, à vicina fit parte, evacuatio ab eadē parte affecta, revulsio verò à parte contraria, & distantiori, cum vasorum rectitudine.

Ex parte verò finis Medici, aliæ differentie venæ sectionis exurgunt, nam sanguinis missio, alia fit præcautionis gratia, propter morbi magni imminentiā; alia curationis causa; alia ad revellendum, alia ad evacuandum; ad derivandum alia; veluti alia ad attemperandum; alia ad obstructionem liberandam, quemadmodum alia ad dolores sedandos, quæ omnia, ratione causæ finalis, desumentur.

Revulsio igitur ex supradictis, nihil est aliud, quam illabentis humoris, in contrarium aversio; nihil enim celerius, quam illa

SANGVINIS MISSIONE. 225

illa, impetum fluxus cohibere potest, ad quam adimplere con-
ficiendam, quatuor maxime prærequiruntur secundum
Gal. doctrinam 12. method. cap. 11. quorum primum est, ut
fiat revulsio, per rectitudinem secundum; per distantissimam;
tertium, ut humores ad suam originem trahantur: quartum
denique, ut per vasa communia fiat; sed quid Gal. per recti-
tudinem, per distantissimam, & per vasa communia, intelligat,
& numquid illa conditio, quod avertantur humores, versus
originem per se, & quod semper revulsioni conveniat, maxi-
mam attulit, in acquirenda veritate, difficultatem, cum vix
duo ad sint ingenia, circa hoc dubium, consentientia.

Circa igitur rectitudinem vasorum, in revulsione observan-
dam, Curtius de pleuritide agens, & Petrus Brisotus cum Fer-
nelio, æqualiter assentiunt asserendo; quod per rectitudinem
vasorum, ea intelligi debeat, quæ sursum, & deorsum est; ne-
gant tamen, rectitudinem servari ab anteriori parte, ad po-
steriorem; tum & etiam ab interna, ad externam. Sapientissi-
mus verò Fernelius, inquit, quod inter dextrum, & sinistrum:
non datur illa rectitudo, secundum quam revulsio fieri debet,
cuius est ratio; quia fibræ recte, quarum beneficio fit humoris
tractio, non sunt in latum, vel in profundum sparse, sed in
longum, quod est præcipuum Fernelij fundamentum, quo ve-
ram revulsionem solum fieri, à superna, ad infernam partem
non verò à dextera, ad sinistram, vel ab interna, ad exter-
nam firmat.

Antonius Altomarius, omnino negat, revulsionem fieri se-
cundum fibrarum rectitudinem; quia postquam vena scissa
est, sanguinis revulsio à fibris rectis non exercetur, sed solum
ratione vacui egreditur. Argenterius verò ut supra, potius
sanguinem secta vena, inquit egredi, quia expultrix vulneris
dolore, & ligatura irritatur. De quibus satis fuit dictum.

Quid verò Galenus intelligat, dum ait, per distantissimam
esse faciendam revulsionem, Manardus, Curtius, & alij asse-
runt:

runt : Quod dum præservamus, revulsio sit facienda, per distantissima; dum curamus, per propinqua. Ioubertus verò potius per propinqua, & numquam per distantissima esse revulsionem faciendam, tuetur. Alij verò inquirunt, in principio per proxima; in fine verò per remota: tertia similiter cōditio, videlicet sanguinem semper versus originem esse revelendum, à plurimis obnegatur, & præcipue quādò pars à qua humores oriuntur, est inflammatione laborans, sive languida per essentiam; numquam enim ad partem affectam trahendus est humor.

Ultima conditio: quid sit per vasa communia intelligendum, aliqui iudicant; idem esse, ac revulsionem fieri, solum per vasa sensibilia; alij per vias quoque insensibiles, cum totū corpus transpirabile sit.

CAPVT VIII.

EVACVATIO PER DISTANTIS-

*sima, an sit propria, & per se, vel per
accidens revulsionis conditio.*

CVM natura, & essentia revulsionis superius explanata maneat, simulque insinuatæ illius conditiones sint, meritò in præsentī inquirendum venit: an sit conditio necessaria, & per se ad revulsionem efficiendam, quod sit aversio humoris ad partem distantissimam. Circa quod dubium Gal. 2. de ratione victus, comment. 1. negativam partem tueri videtur, sic asserens: *Si in pleuritide extendatur dolor ad iugulum, vena in cubito secanda est, quæ sanguinem ab affecta parte, & magis velocius revellere, & evacuare possit; atqui nulla alia de causa, desiderat Gal. revellere per cubitum partis affectæ,*

an

SANGVINIS MISSIONE. 227

nisi vt velocius revellat: ergo de ratione revulsionis erit, vt citius, & non tardius fiat revulsio: ergo potius per proxima, & non per distantissima erit revellendum.

Galenus similiter 3. methodi, cap. 14. docet: commissuræ coronali ceratum ex taphia esse applicandum, vt ab intima cerebri parte, ad pericranium fiat revulsio, ne falsa pituita in pectus descendat; atqui hæc revulsio est per proxima, & non per distantissima: ergo non est conditio per se necessaria revulsionis, vt fiat aversio per distantissima. Nec valet, si dicas, hanc potius dici derivationem. Contra, nam natura movens in pectus catharrum suo motu gravem, non valet dici, quod sit proclivis, ad humores in pericranium movendos. Nec si dicas valebit, quod hæc revulsio fit per distantissima ratione pectoris, videlicet quatenus intendimus, vt pectus præservetur, ne recipiat. Hæc enim solum est evasio; nam catharrus, qui ad pericranium revellitur, non à pectore originem trahit, sed ab intimioribus cerebri partibus: quare ista erit vera revulsio; non tamen per distantissima; nam pituita falsa, deorsum in pectus dillabens, virtute medicamenti, sursum in locum videlicet contrarium trahitur: ergo per proxima revellitur.

Non aliter digitus, à quo aura frigida exoritur, quæ apud Gal. 3. de locis affectis, cap. 7. epilepsiam excitat, exoritur, & synapismis tractatur, vt aura partes supernas irruens, in contrarium, ad infernas scilicet feratur, vel foris expellatur: nam sicut derivatio, humores ad partem, in quam proni sunt, trahit; sic revulsio, per contrarium, in partem, in quam propensi, non sunt, avertit; nec minus Hippoc. 6. epidemiorum 2. hanc assertionem videtur patefacere, ait etenim: *In oculorum fluxu, in fauces revellere oportet*; Galenus verò in commentario, sic fatur: *hoc unum est remedium revellendum genus, vt diuturnas oculorum fluxiones, ad fauces revellamus, acribus medicamentis*. Ergo ex Hippoc. & Gal. conitat, quod aliquandò

revulsio, per distantissima non fiat: ergo si semper non fit, non per se, sed valde per accidens; revulsioni cōvenit fieri per distantissima.

Probat̃ur etiam, clysteres acres, humores habentes raptum ad supernas partes, in contrarium aventunt; sed hæc aversio est revulsio, & fit per proxima: ergo revulsio non semper fit; ad distantissima. Tum, & etiam Gal. 5. methodi, cap. 6. in fluxu sanguinis, è naribus, venam cubiti directè respondentem, secare imperat; vel magnam cucurbitulam affigendam esse præcordiis; atque si per distantissima fieret talis revulsio, potius Gal. venæ sectionem ex talo proposuisset: ergo quia non semper revulsio fit ad distantissima.

Roboratur ulterius, nam causa propter quam servatur rectitudo est, ut fiat revulsio humoris; sed per partes proximas datur rectitudo: ergo per partes proximas debet fieri revulsio: Maior est certa, minor probatur, nā linea directā brevior est aliis omnibus: ergo per partes proximas servatur rectitudo: ergo cum ista requiratur, ad revulsionem; potius fiet per partes proximas. Tum, & etiam Gal. libro de curandi ratione per sanguinis missionem, cap. 15. inquit: servandam esse rectitudinem, ut citissime curentur ægroti. Cuius hæc sunt verba: *Si venas secaveris gratia revulsionis, in directè oppositis partibus, citissime utilitatem afferes; et si contra feces, nihil profeceris.* Dicit citissimè, propter proximam, & brevè viam; recta enim via, aliis est brevior: tum, & etiam secundo de ratione victus, cap. 20. velocem, scilicet debere esse revulsionem: ergo inferendum est, quod revulsio non semper per distantissima, sed per proxima debet fieri. Hanc sententiam acutissime tuetur sapientissimus Santorius lib. 14. de vitandis erroribus, cap. 6.

Doctissimus Gaspar Bravo part. 2. disput. 1. sect. 5. resol. 5. fol. 422 aliam sententiam, ex Augenio Oratio desumptam, contrariam prædictæ amplectitur, videlicet, quod revulsio

sem-

semper per se petit ad distantiora fieri, servata tamèn rectitudine: & probatur primò ex doctrina Galeni libro Artis Medicinalis, ubi ait: *Astrahendi ex omni loco ad oppositas partes, communis indicatio est, ad quàm maximè distantia; derivatio ad vicinas.* Tum & etiam, idem Galenus lib. 6. de morbis vulgaribus in commentario: *Revellere* (inquit) *quadam deorsum, statim iubet Hyppocrates ad contrarios locos, in his: Quæ superius ortum habent; sursum verò in his, quæ inferius: igitur si in pedes, & crura fluxionem decumbere senserimus, ex cubiti venis sanguinem mitemus:* Ergo ex Gal. & Hyppoc. doct. in i, patet, quòd revulsio semper fieri debet per distantissimam.

Roboratur præterea ratione; revulsio deservit, ut humores avertantur, & ruentes in partem, nondùm in illa firmati impediuntur: ergo illos debemus avertere, ad eam partem ex qua maior securitas detur, ne iterum ad illam fluant; sed in parte distantiori, hæc maior datur securitas: ergo ad partem distantiore debet fieri revulsio. Minor probatur; nam illa est revulsio securior, ex qua difficillius humor refluit in partem affectam: ergo cùm in parte distantiori, minus refluere possit ad partem affectam, talis revulsio ad distantiore, erit securior.

Roboratur ampliùs; revulsio, evacuatio, & derivatio, inter se distinguuntur; sed evacuatio extrahit humorem ex parte in qua continetur; derivatio illum avertit in proximiora: ergo revulsio, cùm ab illis differat, humorem ad partem distantiore debet avertere. Maior est certa, nam effectus primarius derivationis, & evacuationis, realitèr differunt à revulsione. Minor ex doctrina Gal. superius allata constat: ergo huiusmodi opinio, ut verior, est substinenda.

Licet doctissimus Bravo acutè, hanc difficultatem per- tangat, non tamen omnimodè illius assertio in sequenda ve-

nit; nam etsi verum sit, quod licet revulsio pluries ad distantissima fiat, aliquando tamen servata natura revulsionis, valebit fieri evacuatio per proximiora; sicque revulsioni, ut revulsio est, valde per accidens convenit, fieri ad distantissima; nam effectus primarius revulsionis, propter quem differt ab aliis evacuationibus, non sumitur præcisè, ex motu ad distantissima, sed quia citissimè, & per rectitudinem vasorum, ac in partem contrariam, quamvis per partes proximias, succurrat affectui, quare ex autoritatibus à Gal. adductis, solum infertur, aliquando revulsionem fieri, ad partes distantiore, non verò semper, ut postea inferius patebit.

Prima, & secunda ratio, similiter dissolvuntur, respondendo, veram esse propositionem primi argumenti, videlicet, quod media revulsione, debemus avertere humores ad partem, ex qua maior securitas detur, ne fluant ad partem affectam; hoc tamen intelligendum est, si non dentur impedientia, nimirum tarditas subveniendi affectui, ut postea dicam. Secundæ verò rationi, nimirum, quod inter se differunt derivatio, evacuatio, & revulsio; respondeo concedendo libenter; nego tamen rationem formalem propter quam, inquit differ-

re: vñ inferius latius ostend-

dam.

CAPVT

CAPVT IX.

VERIOR SANTORII OPINIO

*defenditur, ac contrariis rationibus**satisfit.*

EX superius probatis, Sanctorij assertio, vt veriori doctrinae consona est collocanda; nam licet pluries revulsio fiat per distantissima, hoc potius causas peculiare obtrinet, quæ non integrant conditionem necessariam, ac per se ad revulsionem per distantissima pertinentem; nam cum ægrorum corpora sint, humorum redundantia gravata; ideò ratione huius impediens, nimirum multitudinis vniversalis, timendum est, ne revulsio, quæ fit per partes propinquas, quæ parum à loco affecto distant, possit humores, magno cum impetu, & detrimento partis vicinæ, quæ laborat, attrahere; & propter eandem causam, auxilia topica, vt plurimum, in principio non administrantur, quia tunc ferè semper corpora sunt, humorum multitudine oppressa; si verò aliquandò, excrementorum multitudo in eis non adsit, non implicabit in morbi principio, talia remedia applicare, vt Gal. exponit in eventu Larissæ, quandò adsit humorum redundantia, quandòque locali remedio possumus, vt corpore non purgato, cuius hæc sunt verba: *Si ex antecedenti victus ratione, nullâ plenitudo in corpore appareat, statim nos uti posse remediis localibus*: Ex Gal. igitur exit illatio, quod si non adsit corporis plenitudo, non solum possumus topici, in morborum principio uti, verum etiam per proxima revellere; illo enim casu, non adest prohibens, nempe plenitudo humorum, qui possint ad partem affectam irruere.

Merito ergo, hac distinctione perpensa, vnusquisque percipiet revulsionem, modò ad distantissima, modò per propinqua posse fieri; nam existente vniuersali plenitudine, si nõ adsit ingentissima vrgentia, potius per distantissima; si verò prædicta plenitudo, non reperiatur, per propinqua fiet revulsio; ista enim, omnes revulsionis conditiones obtinebit, videlicet quod fiat citius, habita ratione periculi morbi, per vasorum rectitudinem, ac simul in partem contrariam, per quæ omnia manifestè, distinguetur revulsio à derivatione, ac à mera evacuatione; nam in derivatione, ad partem vicinam, nõ verò contrariam; in evacuatione sola, ex eadem parte; in revulsione tan lè, et si per propinqua, celerius, & in partem contrariam fiet; quare cùm aliquando ad distantissima, aliquando verò per propinqua; non erit dicendum per se, & necessariò, sed solum per accidens revulsioni convenire, quod fiat per distantissima, cùm illius ratio salvetur, sine tali conditione.

Aliquæ tamèn, iam offeruntur rationes in contrarium solvendæ, inter quas, prima apud aliquos stabilitur, dicentes, quod revulsio ex sua natura petit, aliquando per proxima, aliquando verò per distantissima fieri: ita vt humores sint auertendi per distantissima, vel gratia præcautionis, vel quando morbus est levis, vel quando humores partes principes non petunt, vel in morbis longis; per proxima verò, vbi morbus est periculosus, vel quando humores moventur ad partes principes, vt in morbis acutis.

Hæc quidem sententia, facillè diluitur, & repellitur; nam rationi philosophicæ, maximè contrariatur; quia si de ratione revulsionis est, quod modò ad proxima, modò ad distantissima, humores trahantur, sit natura, & constitutio variabilis, & inconstans; quod implicat philosophiæ; nam ratione vnius naturæ, & vnius ideæ, vnicum debet esse constitutivum, & modus operandi, & non plures; numquam enim de re simplicissi-

SANGVINIS MISSIONE. 233

ma, debet fieri propositio æquivoca, sed vniversalis, & vni-
formis, atque æternæ veritatis; verum, enī, vero consonat:
ergo de ratione revulsiois, non debet constitui vllum con-
tingentē attributum, sed firmissimum, & determinatum ad
illius naturam explicandam; ac proidē dicendum est, quod
de natura revulsiois, semper fit per distantissima, vel sem-
per per propinqua; sicque respondeo in mea opinione, quod
valde per accidens competit revulsioni, fieri per distātissima,
vt ex distinctione allata patet.

Facile igitur omnes, nodos, qui Gal. mentem calleant, va-
leant dissolvere, duplici distinctione; prima, quæ iam manet
adaperta; videlicet revulsio, si ratione suæ propriæ naturæ
consideratur, semper, & per se est facienda per proxima, nam
cito fiet, & cito succi peccantes de medio tollentur: si verò
revulsio fit cum prohibente, vt cum maxima redundantia,
non est facienda per proxima, quia datur periculum, ne hu-
mores ad locum proximum parti affectæ confluant; in hoc ca-
su longissimè à parte affecta, est revellendum, quia magis sup-
ponit prohibens, quam indicans; quare licet natura revulsiois
salvetur per proximiora, propter dictum prohibens, erit effi-
cienda ad distantissima.

Secunda similiter distinctio est, dum ait Gal. esse revellen-
dum per distantissima. Respondeo, quod distantia duplicem
habet considerationem, videlicet, vel vt eam metiamur à
parte affecta; vel ab humoribus in eam partem fluentibus,
quare assero, quod respectu partis affectæ, si plenitudo adsit,
semper fiet revulsio per distantissima; si non adsit, per proxi-
ma. Præterea, si consideretur distantia, non respectu partis af-
fectæ, sed respectu plenitudinis, semper fiet revulsio per pro-
xima, vt exēpli gratia, inflammatio adest in crure; humores,
qui fluentes in crus, sunt in vena cava; auxilium revulso-
rium illo in casu, est cubiti phlebothomia; in quod lassa pars
valde distat à cubito; respectu verò humorum in vena cava
existent.

existentium, cubitus est proximus: ergo illo casu, talis revulsio; habita ratione cubiti ad crus laborans, fit ad distantissimam, habita verò ratione in cava existentium humorum, fit ad propinqua: qua duplici distinctione, facillè ingeniosus omnia dubia diluere valebit.

Instabis tamèn cum Gal. 13. methodi, cap. 11. asserente, in inflammationibus, esse revellèdos humores longissimè, à partibus inflammatis; sicque in brachio inflammato, venam cruris eiusdem lateris esse secandam: tùm & etiam secundo ad Glauconem, cap. 2. 5. methodi, cap. 3. dicit, quod dum sanguis ad membra convertitur proxima, & vicina, fit derivatio, dum ad contraria, & longinqua, revulsio. Quibus respondeo, quod Gal. etsi proponat, revulsionem per distantissima esse faciendam, intelligitur, non ratione indicantis, sed ratione prohibentis; nam si prohibens adsit, vt humorum multitudo, potius per longinqua; ne media multitudine, maior fiat attractio ad partem affectam: quare in curanda inflammatione, vniversales scopi occurrunt; alius vt citò curetur; alius verò, vt tutò; sicque assero, quod hic postremus, magis supponit, ne revulsio per proxima fiat, si talis multitudo adsit: si verò Medicus, certior sit de carètia, corporis, plenitudinis; tunc nihil prohiberet, quin per proxima revelleret; ideòque dū humores mordaces in intestinis existunt, propensique sunt, vt caput petant, acri clistere, in contrarium avertuntur, si nulla adsit plenitudo: en quo modo talis revulsio fiet per propinqua.

Præterea, quandò adest prohibens, si tamèn minus, quam indicans, supponat, sive vrgeat, semper potentiori erit succurrendum, & ob hanc causam, Gal. taphiam commissuræ coronali applicat, ne catharrus falsus in pectus labatur; & quia magis indicat catharrus, vt avertatur, ne ad pulmones fluat, quam falsedo humoris prohibeat taphiam, ne ab illa cerebrū calefiat, propterea negligitur prohibens, in calefcentia nini.

rum cerebri, ac minus supponit, quam indicans, nimirum revulsio, sive aversio humoris falsi.

Nec minùs explendescit verior doctrina, dum aura venefica à digito pedis exoriens, caput petat, committialemque morbum efficiat; Medicus illo tunc, magis perpendat principale, indicans quod est digitum exurere, vt inmediate per proxima retrahatur aura venefica, quam si timeat prohibens, id est, ne ad digitum laesum, confluant excrementa, ex aliis corporis partibus transmissa: ergo etsi detur aliquod prohibens, si tamen minus valeat, quam indicans, negligendum erit prohibens, vt in casu posito, vt indicantis finis adimpleatur.

Uterius insurges, ex doctrina Gal. libro Artis Medicinalis, asserentis, communem indicationem esse, ad quam maximè distantia loca revellere: tum & etiam, secundo de natura humana, vbi inquit, sectiones faciendas esse longissimè, ab his locis, qui dolore præmuntur. Respondeo tamen primò, quod Galenus in Arte Medicinali, solum communem indicationem, non verò specificam assumebat, ibi enim non distinguebat naturam indicantis à prohibente; sicque solum præceptum hoc, est commune, videlicet, quod ad loca valdè distantia sit revellendum, respiciendo semper ad prohibens, id est, ne ad partem affectam augeat fluxio. Dixit etiam sectiones, longissimè faciendas esse à locis, qui dolore præmuntur; quia dolores attrahunt humorem ad locum affectum. Præterea, ne maius sequatur detrimentum ex attractione, ad longissima sunt faciendæ sectiones, quo loco potius prohibens, quam indicans respiciebat Gal. nam potentius est prohibens propter detrimentum dictum, quam indicans propter utilitatem.

His stabilitis, facillè explēdescet, cur revulsio, aliquandò per propinqua, aliquandò per remota, & aliquandò per remotissima fiat: per propinqua, dum indicans magis vrget, & prohibens, nullius est considerationis, vt dum taphia commissuræ appli-

applicatur: per remota, dùm prohibens magis supponit: vt Galenus 13. methodi, cap. 11. in iecoris inflammatione, dextrum cubitum secatur, & non venam tali; per remotissima, dùm prohibens, quam maximè valet, ita vt totam Medici considerationem rapiat; nam vbi est extrema plenitudo, in inflammatione pleuræ, Avicenna lib. 3. Fen. 1. agens de pleuritide, secatur prius saphenam, & deindè cubitum; quia vehementissimum prohibens, cogit, & regulat Medicum, quod vt tutò operetur, per loca distantissima revellat, ne præmaxima plenitudine, vehementior humoris tractio, ad pleuram affectam, efficiatur.

CAPVT XI.

ADDVCITVR EXEMPLAR,

quando revellentia debeantur remotioribus, & quando proximioribus partibus.

VT magis methodica doctrina, quoad auxilia revulsoria, patefiat: Oportet modum, quo Ischiadem affectum, auxilio revulsorio, curare valeamus: primò etenim dùm fit, per distantissima revulsio, talis affectio profigatur; nam pluries cauterium, in cubito eiusdem lateris, humores fluentes, deorsum revellendo, dolorem Ischiadicum, de medio tollit; quod revulsionis genus, inscribitur à Gal. 2. ad Glauconem, & 13. metho. cap. 6. asserente: *Vno crure inflammato, sanguinem mitte ex cubito eiusdem lateris, in qua revulsione, omnes conditiones adimplentur, rectitudo nimirum, distantia, retractio humorum versus originem, & vasa communia.*

Pro-

SANGVINIS MISSIONE. 237

Profigatur etiam, aliquando talis affectio, ut experientia patet, cauterio in alio crure opposito; media revulsione à partibus dextris in sinistras, & vice versa, ut Gal. ostendit 5. metho. cap. 3. asserēs. Revulsionem posse fieri secundum omnes oppositiones; cuius hæc sūt verba: *Revulso verò in his, quæ supra sunt, omnibus deorsum semper agitur; sursum, in his, quæ sunt infra. Præterea à dexteris, ad sinistra, sicut ab his, rursus, ad illa; similiter ex his, quæ intus habentur, ad ea, quæ foris sunt; contra quæ ab his, ad illa*: Ex quibus colligitur, non solum humores, à partibus supernis, ad infernas, sed à dextris, ad sinistras, & ab internis, ad externas posse revelli.

Tertiò similiter, prædictus affectus aliquandò curari valet, humores internos, iuncturæ infixos, ad externam cutim retrahendo, mediis vesicantibus; nam dum fit retractio humorum, cum violentia, ab interno loco, ad externum, licet per proxima fiat, debet appellari, ex Gal. revulsio: caracter enim revulsionis, est ut humores in contrarium ferantur, nihilque refert, si per proxima, vel remota fiat: ita pariter, neque proprium est derivationis, ut perpetuò fiat per vicina, sive per proxima; sed potius, quod inclinationem humorum insequatur: patet enim, derivationem aliquandò fieri per longinqua, ut Gal. 2. in 6. de morbis vulgaribus text. 7. ubi ait: *Quod renibus vitia- ris, optimum sit per alvum deribare*: Ergo ex Gal. constat, quod humor fluens ad renes, per partes longinquas, nimirum per intestina derivetur.

Sed cum superius sit dictum, quod de ratione revulsionis sit, ut per proxima, & non per distantissima fiat, hoc Galeni menti reluctatur. Præterea, quia essentialia, cuiuslibet Medicæ curationis, attributa sunt, quod citò, tutò, & iucundè fiat, sive sit revellendo, sive derivando, vel evacuando; nam quò citius æger ad sanitatem revocetur, eò magis laudabitur curatio: ergo non valet distinctio, (dicunt aliqui) superius allata,

sed semper per proxima, & non remota fiet revulsio.

Respondeo tamen, quod ratione indicantis revulsionis, & ex sua natura, semper per proxima fieret revulsio; nisi aliqua plenitudo prohiberet. Secundò, quòd dùm revulsio fit per lōginq̃ua, distantia non est consideranda respectu plenitudinis, sed respectu partis affectæ: v.g. revulsio, quæ fit per cubitum, licet sit respectu coxendicis, per distantissimā; attamen respectu plenitudinis, est proxima; nam revellimus materiam exitentem, ne deorsum descendat, idque fit per brachium, quod est ita proximum, & vicinum vasis maioribus, in quibus reperitur plenitudo, vt non detur alius locus amplior, qui proximior sit; si verò viscera essent excrementorum multitudine liberata, cum transmittant excrementa ad vasa, quæ sunt infra renes, videlicet ad divisionem venæ cavæ; tunc opportunius esset per aliud crus, quam per cubitū revellere: illo enim casu, citius curaretur; quia materia peccans, per partes proximiores traheretur: si demum iam materia sit fluxa ad coxendicem, neque amplius fluat, potius ad cutim medio vexicante, vt diximus ex Gal. 5. method. cap. 3. Ista enim, etiam est revulsio, quia materia intus existens, foras trahitur.

Animadvertit etiam doctissimus Sanctorius, casum peculiarem, observatione dignissimum, videlicet, quòd quando superiora viscera sanitate gaudent, nullaque adsit plenitudo universalis, & tota morbifica affectio in coxendicis iunctura reperitur, vt in his, qui ab alto cadunt, vel à nimia æquitatione, vel ob externum frigus solet contingere; illo in casu, solū ratione doloris, vnicum, & singulare auxilium erit vtilissimū: scilicet cauterium administratum supra, vel infra genu eiusdē partis læsæ, & materia stabilis, & fixa à parte affecta avertatur; vt in quodam milite, prædicta affectione laborante, inquit Sanctorius, expertum fuit: qui cum à Medicis, diversis pharmacis exhibitis, potius lederetur, applicatoque in cubito cauterio, & sub genu dextri lateris, revulsionis gratia, nullum le-

SANGVINIS MISSIONE. 239

vamen adquisivit; postea verò cum latus affectum, esset finistrum, caute ium appositum in eodem latere, supra genu, cum ad salutem revocavit; quæ doctrina mirabilis est utilitatis, ut omnes Medici, valdè eam stabilitam obtineant.

Non sine maximo fundamento, animadvertenda est huiusmodi medicandi varietas, quæ quia mirabilis, & valdè proficua, pendet ex cognitione valdè necessaria, quando scilicet læsio partis mittentis, magis supponat, quam dispositio partis recipientis, in quolibet morbo materiali, à fluxu pendenti. Duplex etenim affectus est perpendendus; unus partis recipientis; alter verò partis mandantis; nam semper in certiori, curatione, potentiori est subveniendum, ut exempli gratia, si inflammatio cruris foveatur, à copia sanguinis, supra renes existentis, tunc magis supponeret pars mittens ad indicandum, quam parsiciens; rudis enim, & crassæ minervæ esset Medicus, qui præsentī casu, non mitteret sanguinem excubito; quare in maximum incideret vitium, qui per saphenam alterius cruris, multitudinem materiæ existentis in partibus supernis, intenderet revellere: si verò pars mittens esset infra renes, in divisione venæ cavæ, vel circa illas partes, melius, & opportuniùs erit, superioribus visceribus, priùs benè exhonoratis, in aliud crus materiam avertere: citiùs enim, & expedi- tiùs, fieret talis revulsio, quæ à dextera, ad sinistram partem servatur.

Nec solum huiusmodi dogma est observandam, verum etiam, si partes mittentes affectæ, quæ sunt supra, vel infra renes, iam non mittant; quod ex læsione viscerum cognosce- tur; tota illo casu, curatio flectenda, sive dirigenda erit ad partem recipientem, quod fiet auxiliis revellentibus, vel de- rivantibus, aliquando à centro, ad circumferentiam, mediis vesicantibus; vel ex parte affecta, ad vicinam, medio cauterio, & derivatione, ut supra

CAPVT XII.

*QVOMODO IN REVVLSIONE,
servanda sit rectitudo.*

INTER revulsionis conditiones, transit vasorum rectitudo præscripta; quomodo verò ista intelligenda sit, venit dubitandum; iusta quod dubium, plurimi persentiunt, potius servandam esse respectu partium, quæ sursum, & deorsum reperiuntur, quam illarum, quæ à dextris, ad sinistras, neque ab anterioribus, ad posteriores, & ab internis, ad externas constituantur; quare solum revulsio fiet, in rectitudine reperta inter supernas, & infernas. Quod probatur, quia humores solum retrahuntur, vi fibrarum, quæ in longum, & non in dextrum, & sinistrum, & alias similes contrarietates sparguntur.

Hæc tamen sententia, nullius fundamenti est; nam hoc verbum, rectitudo, nequaquam intelligitur, solum de longitudine partium; & probatur, nam omnes lineæ, quæ ad circumferentiâ spheræ artificialis correspondent, respectu centri, æqualiter sunt rectæ, sive sursum, sive deorsum, sive in dextrum, sive in sinistrum latus sint extensæ: ergo non omne rectum est, quia longum; quare rectitudo, non intelligitur ratione longitudinis: ac proindè, non solum longum, verum etiam latum, & profundum, rectum appellabitur.

Impugnatur etiam prædicta assertio; nam Gal. 3. de fracturis, cap. 10. inquit, per rectitudinem, esse intelligendum, ex regione, dumtaxat. Nōne dextrū brachium, respectu sinistri, est ex regione; & auris recta, ex regione, alteram respicit? ergo ex Gal. pro rectitudine vasorum, non solum intelligenda est

long,

SANGVINIS MISSIONE. 241

longitudo: Galenus etiam, libro de ratione curandi per venæ sectionem, cap. 15. inquit, venæ sectionem, revulsionis gratia, in oppositis directè partibus, citissimè utilitatem afferre, & si contra feces, nihil profeceris. Dicitur etiam oppositio, prædicatur, de qualibet differentia oppositionis: ergo rectitudo poterit fervari, inter partem dextram, & sinistram; anteriorem, & posteriorem; internam, & externam: hoc etiam confirmat Gal. 5. methodi, cap. 3. Præterea 4. method. 6. alloquens de fluxu sanguinis ex naribus, ubi ait: Quod pars anterior, ita posteriori averfatur, ut superior inferiori, cuius hæc sunt verba: *Adversatur ei, quod supra est, id quod infra; & ei, quod post habetur, id quod ante: inter partes oppositas, revulsio fieri debet, quia revulsionis caracter, est trahere in contrarium: inter directè oppositas partes, servatur revulsio, ut revellantur humores, quam citissimè per breviorē viam. Linea enim omnī brevissima, est recta; recta potest dari, tam in longitudine, quā in latitudine, & profunditate.* Tum & etiam Gal. libro Artis Medicinalis, cap. 99. non dicit, quod revulsio solum sit retractio à loco superiori, ad inferiorem; sed potius, inquit, ex omni loco, ad oppositas partes: ergo manifestè Galenus exponit, revulsionem posse fieri secundum omnes differentias oppositionum, quæ non tantum sunt, sursum,

& deorsum, sed ante, retrò, intus, foris,

dextrum, & sinistrum: ergo opinio

prædicta facile explosa

manet.



CAPVT XIII.

AN SIT NECESSARIVM RE-
quisitum, & per se conveniat revulsiōi,
ut retrahantur humores ad originem
fluxionis.

INTER revulsiōis conditiones, supra explanatas, fuit
 aversio materiæ, ad suam originem fluxionis; de qua me-
 ritò dubitatur: an semper, & per se, revulsiōi talis conditio
 conveniat. Circa quod dubium, aliqui affirmativam partem
 amplectuntur; & probatur ex Gal. 1. ad Glauconem, cap. 14.
 ubi sic ait: *In adversum trahere oportet, aut communia mem-*
bris patientibus, aut ea, in quibus est fluxionis origo: Ergo ex
 Galen. ad revulsiōem requiritur, quod sit aversio humoris
 versus fluxionis originem. Confirmatur etiam; Gal. enim ut
 superius diximus, ceratum extapsia, commissuræ coronali
 applicat, ne catharrus in pectus descendat; sed hæc est aver-
 sio ad caput, descendētis humoris ad pectus: ergo est aver-
 sio ad originem: Probatur consequentia, origo fluxionis ad
 pectus, est caput; sed humor avertitur extra cerebrum, & non
 ad pectus: ergo retrahitur ad suam originem: ergo quia talis
 conditio est necessaria revulsiōi. Roboratur vterius, nam
 etiam Gal. 2. ad Glauconem, cap. 2. inquit: in cruris inflam-
 matione, cubitum eiusdem lateris esse secandum; atqui ista
 retractio est ad originem: ergo ad revulsiōem requiritur
 necessariò aversio ad originem.

Hæc tamen sententia, nec sustinenda, neque illius ratio-
 nes concludere valent; non enim negatur, quod revulsiō, non

fiat

SANGVINIS MISSIONE.

243

fiat sæpissimè media humoris retractione ad originem fluxionis; de quo non dubitatur, sed an sit semper necessarium requisitum, quod omnino negatur: nam multoties fit revulsio, absque tali conditione. Et probatur primò, ex Galeno 5. methodi, cap. 3. asserente, quod revulsio potest fieri, secundum omnes partes oppositas, & hæ non sunt solum, sursum, deorsum, sed ante, & retrò, & alia, quæ diximus: ergo ex Gal. non semper est necessarium, vt in revulsione retrahatur materia ad originem fluxionis.

Roboratur vltèriùs: origo non potest esse, nisi in vnico loco; atqui Hyppocrates 5. aphorif. 67. docet, quod secta vena frontis, aufertur labor partis posterioris capitis; sed frons, non est origo fluxionis, & tamen ad illam avertitur materia, partis posterioris: ergo quia non semper, in revulsione trahitur ad originem fluxionis. Præterea, mediis cucurbitulis humores, à centro corporis, ad cutem trahuntur; atqui in cute nulla est origo fluxionis: ergo vt fiat revulsio, non requiritur necessariò, quod materia trahatur ad originem fluxionis.

Dicit tamen aliquis, hoc esse verum in revulsione locali, non verò in revulsione communi, quæ fit à partibus supernis, ad infernas. Sed contra: nam etiam est verissima doctrina, in revulsione communi dicta; & probatur, quia si hepar, quod est sanguinis origo, inflammatum sit, ne magis augeat inflammationem, Gal. cubitum secatur; atqui cubitus non est origo fluxionis: ergo etiam in hac revulsione communi dicta, non trahuntur humores ad originem fluxionis; cum potius in adversum locum retrahantur, ne iecur inflammatum irruant: ergo talis conditio, nimirum retractio materiæ: versus originem, non convenit semper, & perse revulsioni.

Vltima revulsionis conditio, videlicet, quod debeat fieri per vasa communia, constat ex Gal. 13. methodi, cap. 11. tum

&

& etiam facile ex rei natura elucescit: sed quid intelligatur, per hanc vasorum communionem, non exigua est difficultas, cum valde difficile sit omnem vasorum communionem, intumescere: iuxta quod aliqui iudicant, quod per vasa communia, semper sunt intelligendæ venæ, cum hæc sint omnibus partibus communes; nam in qualibet parte corporis, est aliqua vena, quæ tandem habet societatem, cum porta, vel cava, & hæc ab hepate, ut à primo trunco procedunt: cum igitur hæc solæ sint vasa, per quæ evacuationes à qualibet parte fiunt, propterea hæc solæ obtinebunt consensum cum toto corpore, dicenturque vasa communia.

Hæc tamen sententia, nullum veritatis indicium ducit: falsissimè enim mala humorum proluvies avertitur, in contrariam partem per alios ductus, ut per intestina, ventriculum, vtreteres, arterias, cutim, substantiam nervosam, & per musculorum concavitatem, per extimam nervorum superficiem, ac per alios similes ductus: ergo quia per vasa communia per quæ fit aversio humoris, non semper sunt venæ intelligendæ: & probatur ex Galen. qui alloquens, cum Hyppoc. in osibus inquit, fieri abscessum, iste non valet fieri, nisi humores crassi, valeant angustissima foramina osium penetrare: ergo quia dantur aliæ viæ præter venas, per quas humores permeent, & avertantur.

Experientia etiam similiter patet, vesicam loci aliquando fuisse refertam clistere injecto; deinde media clysteris virtute per alvum, lotium evacuatum fuisse: ergo infertur, cum Hyppoc. & Gal. quod in vivente, sunt plurimi meatus apertissimi, per quos humores pervadere valeant. Ad roborationem huius sententiæ, meritò inquit doctissimus Sanctorius: Quis dicet mihi, per quas vias ab Ischiade ad intestina, virtute clysteris, avertatur pituita vitrea, cum solum hac de causa, prædictus affectus curetur? Quia mediis clysteribus tollitur

SANGVINIS MISSIONE. 245

Fomes partis. Similitèr: quis erit ductus, per quem ita velocitèr moveatur aura à digito pedis, ad caput dū efficit epilepsiam, non quidem per partium porositates, cū tam velox actio, non possit fieri: ergo potius per aliquam incognitam, atque latentem viam, de qua ratio, non ita facilis: vltèrius dū quis emorrhagia narium laborat, aliquandò prædicta evacuatio suprimitur testiculis devinctis; atqui tales consensus inter nares, & pudenda, non est per venas: ergo debet esse, potius aliqua sympathia, quæ per vasa nobis incognita fiat. Minor probatur; nam aliæ datur partes maioribus venis contextæ, quam pudenda, & quàmvis illæ devincerentur, non supprimeretur emorrhagia: ergo talis suppressio, quandò devincuntur pudenda, non fit per venas: ergo quia datur alia vasa, sive ductus, per quos possit fieri aversio.

Postquam omnia, quæ ad debitam revulsionem exercendam, requisita, sunt patefacta, debita cum ratione oportebit, regulam methodicam, in prædicta operatione præscribere; contraria igitur, in revulsione, aversio non valet fieri, nisi ad dextram, ad levam, sursum, deorsum, intro, foras; neque sunt contraria, nisi in recto cursu venarum collocentur; ideò pleuritidi dextræ, nequaquam est contrarium, latus sinistrum, bene verò inflammato crure dextro, sinistrum, est contrarium; directa enim societas datur, per quam sinistrū crus incisum, è dextro evocat; at verò ex dextro latere, nulla vena cum rectitudine, in sinistrum conceditur; qua propter vena secunda dextri, non adimit pleuritidem lateris sinistri, sed relinquit noxium humorem, seu partem inflammata: ut igitur plus sanguinis, ac celerius, quam à cæteris partibus exauriatur, vena seccabitur, quæ sit in situ directo partis affectæ: non solum in dextra pleuritide, sed etiam in iecoris inflammatione, interior cubiti dextri est tundenda; si autem ista non invenitur, sciendenda media; nec si hæc offeratur, oportet ad

humoralem confugere, melius, quam interiorem sinistri brachi.

Revulsio itaque est, è directo evidens subsidium, & celeritè auxiliatur; ex transverso nullum: quando ei go magna, vehementisque inflammatio adsit, videlicèt ex humore maligno, cuius fluxio sit præceps, & locus in quem procumbit nobilis, sensusque acutissimus; illo in casu ampla vena loco finitimo erit secanda, vt celerius à parte affecta sanguinem evacuet; si verò affectus mitior sit, angusta vena, potius est elligenda, & ex loco distantiore, vt minus, tardius, & ignavius evacuet, quæ revulsio, non solum fluxionem adimit; verumtamen ab affecta parte, prius putrem, & inquinatum sanguinem, quàm ex reliquo corpore benignum, & sincerum detrahit.

C A P V T XIV.

*QVI HUMORES SINT APTI, UT
revulsione auertantur.*

CVM revulsio, sit humoris aversio in contrariam partem, debite inquiritur, an huiusmodi aversio, sive revulsio, humoribus solum fluentibus conveniat; an verò alij sint apti, etsi non fluant, vt etiam auertantur: aliquorum sententia est negativa, ita vt solum materia fluens debat revelli, & probatur, nam materia fluxa, non movetur; minus fluxura, cum sit in potentia; sed revulsio est aversio humoris fluentis: ergo materia fluxa, & fluxura, non est revellenda. Hæc tamè sententia absolutè, non est vera; nam licèt humores fluxi, & fluxuri, actu non moveantur; si tamèn apti sint ad motum in alium locum, necessario auertendi erunt, in partem contrariam.

SANGVINIS MISSIONE. 247

riam; fluxuri, ne fluant, fluxi verò, vt pars affecta immunis remaneat.

Probatur igitur huiusmodi assertio, primò de materia fluxura: revulsio desumitur ab indicante, quod primò, & per se indicat revulsionem; atqui posse fluere, est quod indicat per se revulsionem: ergo ab humore, qui potest fluere indicatur revulsio. Roboratur: tota ratio propter quam materia fluens, indicat revulsionem, est ne perveniat ad partem aliquam medio fluxu; sed materia fluxura, est apta, vt perveniat ad aliquam partem lædendo: ergo veluti materia fluens, indicat revulsionem, etiam materia fluxura, propter eandem rationem. Roboratur præterea, etsi morbus sit imminens, nonque actu lædat, indicat eadem remedia præcautiva, ac morbus actualis: ergo etsi causa læsiva, actu læsionem non inducat immediatam, tamen poterit indicare, quemadmodum causa actualis, læsionem mediatè producens; eisdem enim remediis præcavimus, quibus curamus: ergo quamvis materia actu non fluat, cum potentia tandem fluendi, veluti fluens, indicabit revulsionem: ergo humor fluxurus, etiam erit revellendus, quemadmodum actu fluens.

Nec minus humores quiescentes, & fluxi revulsionem valent indicare: probatur, omnes humores fluxi, possunt derivari: ergo aliquando etiam poterunt in contrarium averti: antecedens experientia patet; nam materia recepta in parte, pluriès in vicinam movetur: ergo derivatur. Consequentia probatur, ex Hyppocrate 2. de ratione victus, textu 10. loquente de pleuritide; vbi ait: Sanguinem esse evacuandum; donec lividus exeat: ergo si tanta sanguinis copia est evacuada, donec lividus appareat; evacuabitur etiam humor iam confluxus; nam lividus sanguissimus est in parte confluxus: ergo revulsio ex Hyppoc. valebit convenire materię iam fluxuræ. Præterea Gal. 4. de ratione victus in acutis, textu 38. dicit, medicamenta circum posita cervici, in angina, revellent hu-

morem, qui in partem anteriorem fluxit: ergo ex Gal. medicamenta, revellunt materiam iam fluxam: ergo revulsio convenit: poterit, non solum humoribus fluentibus, fluxuris, sed etiam fluxis.

Roboratur ulterius, si prius supponamus, quod inter duos motus contrarios debet dari quies, ut omnes fatentur philosophi: ergo quando humores actu fluunt ad partem supernam, non poterunt revelli ad infernam, quin prius quiescant, cum debeat dari quies, inter motus contrarios: ergo quando humores sursum irruentes, revelluntur deorsum, ante talem motum contrarium, erunt in quiete: ergo illo in casu, humoribus quiescentibus, debetur revulsio; ac proinde, si humores, quia fluunt, indicant revulsionem in contrarium; multò melius, qui sunt apti ad fluxionem, etsi actu non fluant, prædictam revulsionem indicabunt.

Præterea, nam quis dicet, quod materia falsa existens in cerebro, quæ apta est, ut labatur in pectus, non sit iam fluxa, & recepta in cerebro? atqui prædicta materia revellitur à Gal. 5. method. ad commissuram, media taphia, ut diximus: ergo humor fluxus, cum sit aptus ad novam fluxionem, indicabit revulsionem: Gal. etiam plurimis in locis, multa assignat experimenta, ut humoribus fluxis, revulsio conveniat; in plurimis enim partibus, venenata qualitate laborantibus; potentissima revulsoria solent apponi, quæ humores, seu spiritus venenatos ad cor, sive cerebrum confluxuros, retrahant.

Dices tamen, Gal. multis in locis, & præcipuè secundo ad Glauconem, cap. 2. & 4. methodi, cap. 6. derivationem, & non revulsionem, esse humoris confluxum, in aliquam partem, inquit, cui respondeo negari non posse, quod derivatio sit præsertim, confluxorum humorum; non tamen esse impossibile, quod humores confluxi, possint etiam aliquando in contrarium averti: & confirmatur etiam Gal. autoritate 4. methodi, cap. 6. dicentis: quod si in aliqua parte confluxus, & quiescens hu-

mox.

imòr reperiatur, melius sit, tunc derivare, quam revellere: *at si iam fluxio desistit, atque in membro inhaesit, derivare per vicina magis expedit*: dicit Galenus: ergo quia aliquando potest accidere, ut fluxi humores, non possint opportunè revelli; idèdque illa particula (magi.) includit quoque, aliquandò materiam fluxam posse revelli; sicque quamvis constituti-
va derivationis, & evacuationis, inter se differant, tamen, non tollit, quod una, & eadem materia, cum sit apta ad motum, sive quiescens, sive fluens, sive fluxura, possit revelli.

CAPUT XV.

QVÆ SINT, EX GALENI DOCTRINA de revulsione, ac derivatione in praxi observanda.

MERITO ex superioribus, natura, modus, & utilitates revulsionis patent; sed ut aliqua de illa, ac derivatione observanda dicantur, prius derivationis natura observanda venit: derivatio igitur, est humoris illapsi aversio in latus vicinum; sit quidem aperta illa vena, quæ inseritur in partem affectam: opportunè ergo administrabitur derivatio, quando præcedente revulsione, iam fluxionis impetus, & ardor recedunt; & quando nulla fuerit recentis, & inopinati ardoris suspitio: si verò adeò plenum esse cognoscatur, & omni fluendi, atque remeandi habilitate, sit corpus orbatum, quod in diuturnis, & inveteratis inflammationibus, frequenter contingit, videlicèt in quibus schirrosæ quædam reliquiæ inhaerent, derivatione non est utendum, media venæ sectione, sed fomentis, & emplastris mollientibus, ac digerentibus est tentanda; si verò humor dissolvi, ac dissipari non potest, neque locus est in-

signis,

signis, neque dolor vehementer vrget, eadem pars incindatur; præcipue si humor inquinaverit contagione, sua perniciem partes vicinas, quod quamvis non possit dici propriè, derivatio; illi tamèn velut vicaria succedit, quæ omnia media Gal. expositione peculiaritè sunt enucleanda.

Galenus igitur libro de curandi ratione per sanguinis missionem, cap. 14. dividens corpus, ubi sunt renes, in partem supernam, & infernam exponit; quæ sit revulsio, & quæ derivatio, in hæc prorumpens verba: *Renes iuvantur secunda vena superna, revulsionis gratia, inferna gratia derivationis; quæ verò supra renes sunt, venæ pedum seccantur gratia revulsionis*: tum & etiam idem Gal. 6. aphorismor. commentario 36. inquit: *Quæ supra hepar sunt, ut curentur, ex manibus sanguis extrahitur*; per manus intelligendo, cubitum, quia dum Gal. nominat, quam nos manum, ille vocat summam manum, idest cubitum: *Quæ verò affectiones infra sunt, ex vena tali, vel ex venis, quæ sunt in poplite.*

Dignum etiam est consideratione, quod venerandus Hyppoc. observavit in epidemicis, iuvamen nimirum, & detrimentum, quæ in humorum motione solent contingere, in historia dumtaxat Virginis, decumbentis in vestibulo templi, & in egro dealcis; in quibus humores peccantes fluxere ad pedes, propter quem motum ad inferiora, hos duos egros, inquit febre maligna fuisse liberatos; humores quidèm peccantes, in eis erant propè cor; quare Medicus naturæ imitator, nisi insignis esset venæ cavæ plenitudo, non debet per cubitum sanguinem mittere, sed potiùs à parte superna ad infernam revellere: idem Hypp. observavit in Larisa, & in Critone, maligna febre laborantibus, in quibus natura, humores malignos, ad pedes propellere tentavit; profert tamen Hypocrates, hæc verba: *Cum pedes non possint totum humorem malignum capere, factus est humorum retrocessus ad cor, & morte obierunt.*

Nec minus animadversionem proclamat, affectus, qui ex mensium suprefsiōe ortum ducat, vt profligetur: si enim mensium suprefsiō, ex totius corporis plenitudine nascatur, prius basilica seccabitur, deindè saphena, quam doctrinam renuit Massarias insequens Galenum libro de curandi ratione per sanguinis missionem, cap. 9. asserentem: *Nam plenitudines à suprefsis mensibus ortas, omnino per crura evacuantur, sive venam seccare oportebit, sive scarificare.* Hæc quidem authoritas plurimos, cum male intellecta maneat, in errorem conduxit; nam si suprefsiō menstrualis, ex plenitudine particulari ortum ducat, potius ex missione sanguinis per inferna, auferri valebit, & hoc modo Gal. est intelligendus; si verò, vt inquit, Aectius, suprefsiō mensium, & quilibet affectus complicatus, à plenitudine pendeat vniuersali, exactius, ex cubito fundere oportebit; nam minuta prædicta plenitudine, solet natura, vt experientia constat, quod reliquum est, per menses educere, vt sapientissimus Lupeius in suis annotationibus, comm. cap. 9. Gal. statuit.

CAPVT XVI.

UTRVM ROBUR VIRIVM

indiket, vel coindiket sanguinis missionem.

IN superioribus satis constat, de verò sanguinis missionis indicante, tam generico, quam specifico; nunc verò, de his, quæ possunt eam coindicare, permittere, aut contraindicare, disputandum venit; sicque primò de viribus dubitatur, an ad tale auxilium exercendum coindicent; pars affirmativa probatur, ex Galen. lib. 1. methodi, cap. 15. asserente:

rente: *Sanguinem ab initio mittes omnibus, qui febricitant, si valentibus viribus sint*: Ergo vires ex Galen. coindicant sanguinis missionem; tum etiam 11. method. cap. 14. *Si vires eius, qui ex putredine humorum febricitat, valentes fuerint, statim sanguis est mittendus*: Ergo quia vires coindicant sanguinis missionem. Præterea 9. metho. cap. 11. *Sanguinis missio semper valentes vires postulat, quæ modo vacationis eius, respondeant*. Deindè Hyppoc. 4. de ratione victus, docet: *Indicari sanguinis missionem, à robusta facultate*; atqui indicatur à morbo magno, saltim genericè: ergo etiam per se simul indicatur à viribus.

Roboratur similiter huiusmodi opinio; nam id quo præsentente, valet sanguinis missio exerceri, & quo absente, non potest fieri, indicat per se sanguinis missionem; sed existente virium robore, fit sanguinis missio, & ipso absente, non potest fieri: ergo quia virium robur indicat per se sanguinis missionem.

Hæc tamen assertio facile reicitur, & probatur primo, ex Gal. libro de optima secta, cap. 3. vbi expressè inquit, à viribus per se, tantum indicari sui conservationem. Probatur deindè; vires sunt secundum naturam viventis; sed ea, quæ sunt venti secundum naturam, solum sui conservationem per se indicant: ergo vires non indicant sanguinis missionem.

Roboratur vlteriùs; si virium robur sanguinis missionem per se indicaret, vbi hoc daretur, deberet exerceri sanguinis missio; hoc est falsum: ergo quia per se, non indicat. Maior probatur; nam existente indicante per se, debet indicatum exerceri: ergo si virium robur indicat per se sanguinis missionem, existente illo, debet exerceri sanguinis missio. Minor etiam probatur; nam quamvis adsit virium robur, vt in statu salutis, non exercetur sanguinis missio: ergo quia virium robur eam per se, non indicat.

Concludendum igitur est, quod virium robur solum indi-

SANGVINIS MISSIONE. 253

eat sui conservationem, sub qua formalitate valent impedire, aut permittere sanguinis missionem. Et probatur ex Galeno 9. methodi, cap. 13. *Quod si quem curare studes, vires autem extrema invectilitate laborant, toto illo tempore, quo vires reficimus, nihil adversus morbum est faciendum; cum autem conieceris, ut nihil, aut parum ex evacuatione sunt ledende, tunc est ad effectus curationem accedendum*: Ergo ex Galeno indicatio, quæ sumitur à viribus, solum est ad impediendam, aut permittendam sanguinis missionem.

Authoritates etenim superius dictæ in contrarium, facile solvuntur respondendo, quod quamvis Gal. tot in locis vires perpendat ad sanguinem mittendum, hoc solum sumitur, vel permittendo, vel impediendo; sicque se habet, ut conditio sine qua non, nam licet detur morbus magnus à vitio sanguinis dependens, si vires non permittant, id est, si non validæ fuerint, sanguis non est mittendus. Nec si Galenus asserat, quod à vitali facultate indicatur sanguinis missio, concludit, potius enim intendit dicere, quod consentit facultas vitalis, sive per- mittit sanguinis missionem.

Cum in diversis ætatibus diversum virium robur reperia- tur, habita ratione ad generationis primordia, à quibus magis vel minus corpora distant, meritò indicatio, quæ desumitur ab ætate, est reducenda ad eam, quæ à viribus desumitur, ætas enim valida, ut florens, libenter sanguinis missionem consen- tiet, sive permittet. Aliæ verò, ut senectus, & pueritia; licet eam adæquatè non impediunt, saltem cum præmeditatione, & limitatione indicant; sicque Galenus libro de sanguinis missio- ne, cap. 13. docet: *In pueris, & senibus sanguinem non mitti*, id est non ita liberè, velut in ætate florenti, qua ratione etiam cap. 12. prædicti libri Gal. facile interpretatur; cum asserat hac ratione: *Nec pueris venam tundes, usque ad 14. ætatis an- num*; id est, non audacitè, ut supra diximus, sed cum præme- ditatione, facilis enim carnis puerorum transpiratio, multam

sanguinis extractionem videtur inhibere, nō tamen omnem; quare, rationi non est consonum, quod ex pueris, sanguis nullo modo mittatur; siquidem experientia, compertum est, multas puerorum ægrotudines sanguinis missione, naturam extirpasse, & præcipue, cum nostro tempore frequentius, quam Gal. tempore, pueris vinum exhibeatur, ratione cuius copiosiori spirituoſa substantia pollent; tum etiam, quia Galen. ætate, crebro balneorum vſuo, quo multa fiebat transpiratio, exercebantur.

CAPVT XVII.

DE RELIQVIS, QUÆ VALENT
coindicare, aut impedire sanguinis
missionem.

TAM temperamentum vniuscuiusque corporis, quam habitus gracilis, sive carnosus, sexus muliebris, vel virilis, semper ad deliberandum de remedio magno, vt sanguinis missione, ex doctrina proposita, debent metiri habita ratione ad vires, vt permittant, limitent, vel prohibeant sanguinis missionem. Temperamentum enim calidum, & siccum, quia resolubile, veluti habitus gracilis, quia facile in febres hecticas transit, ac fæmineus sexus, propter raram, & volatilem substantiam, merito sanguinis missionem, etsi absolute nō impediunt, saltim moderantur: è contra verò temperamentum calidum, & humidum, quia validum, & sanguineum, habitus carnosus, triplici pollens substantia, quemadmodum etiam sexus virilis, exactius, ac liberalius, valent permittere, sive consentire sanguinis missionem; idemque sentiendum est de anni tempore, nam cum diversis anni temporibus, natura

citiùs, vel tardiùs resolvatur, habita ratione ad ætatem, quia vires languidiore redduntur minus, ad hyemem tamē, & ver, magis sanguinis missio coindicatur.

Maior quidem est difficultas circa primæ regionis cruditatem, an videlicet sanguinis missionem impediat, vel immoretur, cuius dubij pars negativa ab aliquibus admittitur; & probatur, nam multoties nausea, & vomitus, à cruditate ventriculi suscitata, media sanguinis missione sedantur: ergo quia sanguinis missio non impeditur. Probatur antecedens ex doctrina Avicennæ, Fen. 13. lib. 3. tractatu 5. cap. 12. *Et multoties quidem alleviantur nausea, & vomitus per Phlebotomiam.* Probatur ulterius, quamvis præcedat cruditas ciborum, tamen dū ipsa descendat, aut coctione minuatur exercetur sanguinis missio: ergo ratione cruditatis, in prima regione, licet sanguinis missio valeat retardari, non tamē impediri.

Veriùs tamen sentiendum est, quod cruditas primæ regionis, impedit sanguinis missionem; & probatur, ex Gal. 9. meth. cap. 5. *Attendenda verò cum venæ secandæ indicationes sunt, tum quæ eam præcedunt; tum verò quæ omnino exorpiunt; nam si præcedat ciborum cruditas, tanto tempore differre venesectionem iubebis, quantum sufficere videbitur, tum ad eorum coctionem, tum ut excrementa descendant.* Gal. etiam 11. meth. cap. 14. vt superius diximus; tum & etiam Avicenna, Fen. 4. lib. 1. cap. 20. *Cave præterea tibi, ne nauseativam facietatem habentem, phlebothomes, sed pro longa, usque quo eius nauseativa facietas digeratur.* Ergo manente facietate semper prohibenda est sanguinis missio.

Probatur deindè ratione, existente cruditate in prima regione, si sanguis mittatur, talis cruditas fertur ad secundam, sed ex tali ascensu cruditatis ad secundam regionem, laudabiles humores coinquinantur, & obstructions augentur: ergo cum hoc sit maximum inconveniens, cruditas primæ regionis impedit sanguinis missionem. Roboratur præterea,

facti sanguinis missione, non deposita ventriculi cruditate, calor ventriculi naturalis dissolvitur, & de pauperatur vi evacuationi: ergo materia cruda existens in ventriculo, non valebit concoqui, & seperari, hoc est maximum inconueniens: ergo etiam quod sanguis mittatur, nisi talis cruditas auferatur.

Ex his facile, prima ratio in contrarium adducta, dissolvitur, quod quando nausea, aut vomitus ventriculi dependent, à materia per cōsensum ex hepate cōfluente; in illo casu, cum præsens excrementū crudam, non sit culpa ventriculi, sed potius generis venosi, nihil mirū, quod media sanguinis missione, quia tollitur fluxus, etiam nausea, & vomitus tollantur; at verò nausea, & vomitus, quæ fiunt ex cruditate alimentorum in ventriculo, tantum habest, quod leventur; quin imò maiora incommoda subsequantur.

Alia verò ratio proclivis est nostræ sententiæ; nam si probat, quod dum permanet ciborum cruditas in ventriculo, prohibetur sanguinis missio, donec deficiat, vel quia coquitur, aut evacuetur, hæc pro tunc, non solum erit retardatio, verum etiam impeditio, vsque quo talis cruditas deficiat. Hoc quidem, vt benè perpendit Garpar Bravo, non de quacunque, sed de copiosa cruditate est intelligendum.

Cum ex animi pathemate plurima accidentia, & aliquandò mors possit contingere, plurimi iudicant, sanguinis missionem indicatam esse ad prædictum periculum præcavendum, ex eo quod animi pathemata, non possunt impedire sanguinis missionem, & probatur, passionibus animi possunt indicare sanguinis missionem: ergo ab illis non potest impediri; probatur antecedens, medio animi pathemate, sanguis, & spiritus, à parte in partem depravatè moventur, sed vitium sanguinis in motu indicat sanguinis missionem: ergo ab animi pathemate, potius indicatur, quam impediatur sanguinis missio.

SANGVINIS MISSIONE. 257

Sed contra hanc assertionem sic in surgo; dum magna est commotio spirituum, & humorum à parte in partem, non est sanguis mittendus: ergo existente animi pathemate impeditur sanguinis missio. Probatur antecedens: tota ratio propter quam in accessionibus, sanguinem mittere, est ægrum iugulare; ut inquit Celsus, quia spiritus, & humores valdè sunt commoti in aliam partem: ergo si medio animi pathemate spiritus, & sanguis moventur, de parte in partem depravatè, sanguis non erit mittendus, ne hora motionis, vires valdè devilitenter; tum & etiam Avicenna Fen. 4. primò hoc firmat, exemplo perturbationis cryticæ, ubi ait: *Plebothomia quæque, nec evacuatio ventris, est facienda, in die motus ægritudinis; & cum ægritudo est, habens crysim*: ergo dum animi passiones, magnam, & spirituum, & humorum commotionem habent, sanguinis missio impeditur.

Vndè respondeo rationi allatæ, quod à vitio sanguinis in motu, in aliquam partem; ex quo morbus magnus timetur, debitè indicatur sanguinis missio; in reliquis verò, quia non humores trahuntur in partem, in qua morbus magnus timeatur, alijs in quiete manentibus humoribus, illo in casu, potius eos commovet, ita ut quietos intra venas non relinquat, imò venæ sectio, non extrahit, sed materiam quiescentem magis turbat; propterea, potius cohibenda est sanguinis missio.

Quomodo dolorosus affectus, vigilia, & somnus, venereusque usus impedire valeant sanguinis missionem: satis quilibet, ex superiori doctrina ostensa, deveniet in regularem cognitionem; nam cum hæc omnia, valeant vires, triplicem substantiam dissipando, devastare; ideò habita ratione, ad doloris intensiorem, & ad excessum somni, & vigiliæ, ac immodicum veneris usum, metiendum erit virium robur: ut Medicus devitè percipiat, an sanguinis missionem impedire, vel perimere valeat. Si enim ab his virium languor, secutus fuerit, sine dubio, impedienda, aut renuanda est sanguinis missio.

sio; viribus tamen valentibus, e contra, præcipuè dum dolor vicem causæ gerit, sanguinis missionem, usque ad animi deliquium potest indicare.

CAPVT XVIII.

UTRVM MENSTRVVS SANGVIS
*superueniens, possit impedire sanguinis
 missionem.*

PLVRIMI, ex Hyppoc. constant morbi, ex immodica, vel ex suppressa menstruali evacuatione; fluentibus mensibus morbi contingunt, non fluentibus etiam morbi contingunt; id est, fluentibus immodicè, quia nativo calore dissipato, ac resoluto viscerum, habitus cachexici fiunt; non fluentibus, ac suppressis, penè infiniti affectus cõtingunt; quo posito dubitatur, utrũ quãvis sanguinis missionis verũ indicans detur, si evacuatio menstrualis superueniat, impediatur sanguinis missio: circa quod dubium, assero distinctione quadam esse intelligendum; nam si evacuatio menstrua, satisfaciatur pro quantitate causæ, non concurrat, nec impediendo, nec coindicando sanguinis missionẽ; si verò immodica, & supra vires sit, potiùs erit impediens, cum media evacuatione ab arte facta, natura in extremum languorem trahatur: si tamen diminuta fuerit talis purgatio menstrualis, sanguinis missionem coindicabit.

Probatur igitur prædicta doctrina, ex Gal. 9. methodi, cap. 5. afferente: *Itaque, si tempore mittendi sanguinem menses mori contigerit, siue etiam hæmorhois sit reclusa, si inspecto fluentis impetu, ipse satis fore videbitur, qui solus, quod requiris vacuet, natura rem omnem permites; sin minus, tãtum ipse de.*

SANGVINIS MISSIONE. 259

detrahes, quo ex coniunctis ambobus perficiatur, quod postulas: Ergo patet apud Gal. quod ex impetu sanguinis fluentis valebit cognosci, an contraindicet sanguinis missionem, ut si exsuperans evacuatio sit; an coindicet, ut si diminuta sit; an verò neutrum efficiat, ut si modica, & sufficiens pro causæ multitudine, neque coindicet, neque impediatur.

Insurges tamen: sanguis menstruus est veneficus naturæ, ut Plinius lib. 2. cap. 15. & lib. 28. cap. 7. Ergo dum in morbis supervenit, potius valet coindicare sanguinis missionem, quam impedire. Cui respondeo; quod hæc ratio nihil concludit, nam formalitas operandi, non sumitur ex laudabili, vel vitiosa sanguinis menstrui natura; sed ex suprefione illius, qui cum detentus sit, etsi non detur veneficus, iam quantitate erit peccans, & in illo casu si natura moveat eum per vterum, semper inspiciendum est; vtrum natura diminutè moveat, in quo casu coindicabit sanguinis missionem; si verò Medicus cognoscat pro multitudinis ratione satisfacturam esse talem evacuationem secundum impetum, neque coindicabit, neque impediet: immodica tandem, ut est dictum, absolute sanguinis missionem contraindicabit, ut Gal. 9. methodi, cap. 10. *Immodicè missi sanguinis incommoda, virium resolutio, & habitus corporis deterior, temperamentū frigidius redditum, decoloratio totius corporis, & lapsus in morbos diuturnos, & exisiales.*

Sed inquireret quis; an superveniente alvi profluvio, vel convulsione, impediatur sanguinis missio, etiam si febris pro sua curatione indicet per se? Plurimi autoritate Hyppoc. & Gal. fulciti, negativè respondent; Gal. enim, primo ad Glauconem, cap. 14. & 12. method. medendi, sic fatur: *Quod si fuerit febris cum alvi profluvio, etiam si non sit pro multitudinis ratione, neque purgare, neque sanguinem mittere oportet; quicumque enim his plus adimere necessarium fore putantes, aut sanguinem mittere, aut purgare voluerunt, in graviora pericula, ægrotum deduxerunt.* Ergo ex Gal. liquet, quod alvi.

alvi fluxus febrij superveniens per se impedit sanguinis missionem; tum etiam Hyppoc. inquit: *Aluvo fluente sanguinem non mittito, nam si post venæ sectionem fluor per seberaberit; virtus imbecillior reddetur*: Ergo aluvi fluxus, ex Hyppoc. sanguinis missionem contra indicat.

Oratius verò Augenius lib. 3. de sanguinis missione, maxima distinctione aloquitur, videlicet, aluvi fluxum dupliciter posse perpendi, primò quatenùs perse invadit, secundò verò modo, quatenùs alios subsequitur morbos, nimirum febrem; in prima quidem consideratione, venæ sectio non est impedienda; in secunda verò, maximè, prima pars constat experientia, nam in fluxu dysenterico oportet aliquandò, valdè venam seccare; tum & etiam in diarrhœa, cum hæc multitudinem vasorum possit subsequi, & aliquandò purgatio utilis erit, de qua dubitatione, ait Oratius, non est agendum; benè tamèn de aluvi fluxu alium morbum subsequente, quod virtutem plurimum languidam reddere potest; ideòque in hoc casu, à symphomate mutanda est curatio, ac omnis Medici diligentia ad symphoma est convertenda; quare consideranda sunt Gal. verba: *Etiamsi non sit pro multitudinis ratione*. Quæ verba obversantur Hyppoc. asserenti: *Quo natura vergit, per loca conferentia, eo ducere oportet*. Galenus verò in comment. explicat; sententiam esse intelligendam, de evacuationibus imperfectis, dum natura non perfectè morbum iudicat, Medicus debet illius imperfectionem supplere, qui motus imperfectus sumitur à Gal. dicente: *Etiamsi non sit pro multitudinis ratione*: Non vult tamen adiuvandam esse naturam, per regionem convenientem.

Oratius tamen Augenius aliter sentit, ait enim, quod aut præcipit Gal. naturam non esse iuvandam, aut quod iuvari non debet, dum ipsa movet; nam, *quæ iudicantur, & iudicata sunt integrè neque novare, neque aliter irritare, sed sinere oportet*; duo hîc dicit, primum, quæ iudicantur actu, secundum

SANGVINIS MISSIONE. 261

verò, quæ iudicata sunt iam: primum quidem, indicat motum actuale naturæ; secundum autem, finem illius motus: nunc sic; dum natura actu iudicat morbum, nequaquam novare debemus, neque moventem irritare; nam etsi segnem faciat motum, in ipso opere non potest iudicari, vtrum perficiat necne, quia aliquando natura solet segnitè incipere, & mox validioribus viribus, incohatum opus perficere; quare utiliùs, & prudentiùs expedit, terminationem motus incepti spectare, quam temerè intensiorem irritationem contra naturam agredi; non enim symphomati debemus incumbere, nisi illud vires languidas efficiat; tunc enim rationem causæ obtinens, ad se totam considerationem Medici arripit, & aliquando indicationem curandi immutat.

Quando verò, iam naturæ opus perfectum fuerit, ita ut iudicatio integra maneat, etiam ab omni opere abstinendum est (ut inquit, iudicata ve sunt integrè) si verò non fuerit integra, sed diminuta alvi evacuatio, illo casu supplere debet Medicus per eandem regionem, opus incohatum; nam quæ relinquuntur in morbis, recidivas facere consueverunt.

Etsi Oratij Augenij doctrina, maximè sit collaudanda, dilucidius, & apertius Lupeius in suis annotationibus, fol. 173. hanc difficultatem sub distinctione pertangit; ipse tamen animadvertendum indicat, quod alvi fluxus, vel est ventralis, vel humoralis; si ventralis, necessariò impedit sanguinis missionem, cum potius languorem, vel irritationem ventriculi arguat; si verò ventris fluxus, sit humoralis, ex hepatis, vel alterius visceris inflammatione, non interdicat, siue contraindicat sanguinis missionem; imò præcipuum hepatis inflammationis auxilium, est sanguinis missio; nam cum inflammatio profigetur, febris, & alvi fluxus, quæ ab illa proficiuntur, curantur, non tamen tam liberè sanguis extrahetur, ac si alvi fluxus non adesset; si tamen non sit inflammatio, sed solum magna plenitudo; dummodo alvi fluxus non sit immodicus,

merito cum symphthomaticus sit, nequaquam impedit sanguinis missionem: sequetur enim illo in casu, talis alvi fluor, naturam potius irritatam, quam superantem: quam in sequitur sententiam Petrus Michaël de Heredia.

Cum igitur, simul cum febre contingere soleat, magnam esse in venis sanguinis plenitudinem, cuius pars magis pinguis, vi febris in bilem versa, à natura per alvum propellitur, cui symphthomati, sive fluxui, sanguinis missio congruenter auxiliatur; qua propter plenitudini obstat, & ne in humorem acrem, fluxumque concitantem vertatur, impedit; quia tamē febris continua, & alvi profluvium, quia symphthomaticum, virium dissolutionem exhibent, parcē ut dixi, sanguis est mittendus, nisi alvi fluor in exigua sit quantitate, magna que humorum redundantia reperiatur; tunc enim, quia pigre natura vacuat, debilius vi motus symphthomatici, quam evacuatione sanguinis reddetur: vnde admissa etiam Oratij doctrina, circa alvi fluxum humoralem, qui non symphthomaticus, sed potius criticus est, concludendum venit, in illo nequaquam sanguinem esse mittendum, sive in principio iudicii, si ve in termino, quia integrē morbus est iudicatus.

Convulsionem etiam supervenientem feбри, adducit eodem cap. 14. tamquam symphthoma consideratione dignum, ad sanguinis missionem deliberandam: vires enim in motu, tam laborioso convulsivo, maximē labefactantur; ideōque inquit Gal. *Sed neque si quis simul, & distensione nervorum laboraverit, & sanguinis eguerit missione, huius tantum semel mittere oportet, quantum exigit morbus; sed aliquid etiam, accidenti est relinquendum, cuius causa, sæpe sudores adveniunt, & vigilie molestant, & vires egroti debilitantur*: Ex quibus constat, convulsionem non simpliciter sanguinis missionem impedire, sed quantitatem potius limitare: eadem similiter ratio currit, de his qui in dyarream, dysenteriam, aut etiam colicam passionem solent incidere; in his enim, si evacuan-

dum

dum sit, secundum indicans, evacuatio, parcè habita ratione ad vires est instituenda. Propterea pulcrè Avicenna monet, sic alloquens: *symptomata etiam mala, ut puta, alvi pro fluxum, & convulsio, evacuationem vetant; id est dum immodica extiterint, ac vires valdè debilitent.*

CAP V T. XIX.

AN UTERI GESTATIO, SANGVINIS missionem impediat.

POST QVAM iam multa, quæ ob stare sanguinis missionem videbantur, sint decissa, debita cum ratione, in præsentì inquiritur de vtero gerentibus, vtrum, vteri gestatio sanguinis missionem impediat, cum media sanguinis evacuatione sequatur abortus, vt Hyppocrat. aphorismor. 5. sentent. 31. asserit: *Mulier vtero gerens, sanguine misso ex vena, abortit, præcipuè si fœtus sit grandior.* Galenus etiam in commentario, inquit: *Ex defectu alimenti perit fœtus:* Sed alimentum fœtus, est sanguis: ergo evacuato sanguine venæ sectione, deficiet alimentum fœtui: ergo peribit fœtus, ac proinde sequetur abortus: ergo vteri gestatio sanguinis missionem impedit.

Authoritatibus tamen Hyppoc. & Galeni, non obstantibus, verior est assertio: quod fœtus nequaquam sanguinis missionem impedit, etiam si quantitatem metiatur, ac moderetur, vt rectè inquit doctissimus Zacutus in sua praxi historiarum, lib. 4. fol. 555. quia fœtura est species evacuationis. Libro de venæ sectione adversus Erasistratum, Gal. *Nam ex sanguine vteri, conceptus nutriri solet.* Quare si vtero gerens, gravi morbo præmatur, phlebotomanda, in minori

quantitate, & non tantum sanguinis extrahendum est, quantum dispositio morbosa exigit; necessarium enim est, aliquid, foeturæ sanguinem absument, relinquere. Hanc sententiam, insequitur Gaspar Bravo, disput. 1. de sanguinis missione, sect. 6. resolut. 1. 1. Averroes lib. 7. collectaneorum, cap. 4. Mercurialis, Vallesius, Holerius, & alij quam plurimi, vt doctissimus Antonius Musca Brasabola, & Hieronymus Cardanus in comment 31. lib. 5. aphorism. tum & etiam Oratius Augentinus lib. 6. de sanguinis missione, cap. 2. & probatur: sanguinis missio debet fieri, ex præsentia postulantis, & absentia impediens; sed in vtero gerente potest dari præsentia postulantis, & absentia impediens: ergo in vtero gerente morbo magno correpta, potest fieri sanguinis missio. Maior est certa, ex doctrina Galeni, vt superius diximus. Minor probatur: in vtero gerente potest dari morbus magnus, depēdens à multitudine, vel à motu sanguinis, existente virium robore: ergo dabitur præsentia postulantis, & absentia impediens, ad sanguinis missionem: ergo vteri gestatio, per se non impedit sanguinis missionem.

Roboratur vterius: purgatio in vtero gerentibus, ex Hyppoc. 4. aphorismor. sentent. 1. permittitur: ergo multo melius sanguinis missio. Antecedens est certum, consequentia probatur: Maius periculum datur, ex pharmaco purgante, in vtero gerente, quam ex sanguinis missione; sed pharmacum purgans, non impeditur ab vteri gestatione: ergo multo minus sanguinis missio. Maior probatur: purgatio magis commouet foetum in vtero existentem, quam sanguinis missio, vt Galenus in commentario prædictæ sententiæ, ait: ergo si purgatio magis commouet, quam sanguinis missio, maius periculum dabitur, ex purgatione, quam sanguinis missione: ergo si vteri gestatio, non impedit purgationem (vtero gerentes medicandæ sunt à quarto, vsque ad septimum:) minus impedit sanguinis missionem.

Qua.

SANGVINIS MISSIONE. 265

Quare sententia 31. aphorism. 5. non absolutè est intelligenda; videlicet, quod vtero gerens, sanguine misso abortit, sed si immodicè sanguis mittatur; sicque ex quantitate sanguinis moderatè effusa, non sequitur abortus; propterea inquit, Hyppoc. præcipuè; si foetus sit grandior: ergo si non grandior reperitur, non ita imminet abortus, quia poterit fieri evacuatio sanguinis moderata, quæ non esset pro foetus alimonia; imò ex illo redundante, periculum abortus immineret.

Insurges tamen, Gal. 5. aphorismor. commentar. 55. docet, Medicos, in vtero gerentibus, validum auxilium exercere non posse; imò: neque exquisitam victus rationem præscribere: ergo multò minus, constabit ex Gal. venæ sectionem posse fieri. Prætereà; nam quæcumque vacuatio est causa abortus, vt alvi fluxus, etiam si spontaneus, vt quinto aphorismorum 34. dicebat Hyppoc. Ergo multò magis sanguinis missio suscitabit abortum, cum media illius evacuatione, foetui alimentum detrahatur. Deindè, in ædia est causa abortus, vt Galenus primo epidemiorum, sect. 3. comment. penultimo, in gravidis enim acuto morbo correptis, exactam victus rationem præscribere; difficilimum est: nam si eas parcè nutriamus, foetus perditur; si liberalius cibemus, in discrimen matrem adducimus: ergo si ex tenui victu, quia foetui denegatur pabulum, ipse perit, & corrumpitur; multò melius, quia promptius tollitur alimentum phlebotomia, abortus sequetur: ergo à primo ad vltimum est dicendum, quod vteri gestatio impedit sanguinis missionem.

Hæ tamen rationes, ex distinctione verborum Hyppoc. & Gal. solutæ manent. Galenus enim, non denegat sanguinis missionem, sed solum advertit vnam ex causis abortus esse illam; si supra modum fiat; & idè ait Hyppoc. præcipuè si foetus sit maior, nam solum Medicum cautum reddit, ne in gravidis, ita liberè sanguinem mittat, quantum affectus, & plentudo postulat.

Secunda etiam ratio deciditur asserendo, Galenum intelligere, Medicos in gravidis non posse vti exquisita evacuatione; & ideò validum aliquod auxilium, id est exquisitè evacuans, mulieri gravidæ non est exhibendum; non verò in totum sanguinis missionem denegat. Similitèr alia ratio volitat detruncata asserendo, quod non ex quacumque inedia, sed ex diuturna, neque ex alvi fluxu, nisi immodico, abortus est timendus; ita paritèr, nequè ex moderata sanguinis missione; imò pluriès, vt postea dicemus, vt abortus impediatur conuenit.

Plurima quidem auxilia, vt inquit sapientissimus Zacutus; quamvis periculosa, ab antiquis sumopere commendantur, vt sanguinis missio vsque ad animi deliquium, balneum frigidum, in hectico debili, cui propter corporis gracilitatem, maximè aduersatur; ideòque consilium Tuccidis, maximis encomiis laudatur, qui in ancipiti periculo maluit, aliquid agendum esse, quam ægrum dempta spe, certò perire, cum satius sit, valentibus præfidiis pugnare, quam nihil agere; quia melior est noxa, quam mors: propterea Gal. 12. metho. cap. 8. cum febre valida, præsentè inflammatione interna, cathartica violenta concedit: 1. aphorism. 24. & 2. aphorism. 11. licet ea renuat 4. accutorum 22. hoc ipsum admittit: lib. 10. method. cap. 6. potum aquæ gelidæ citra humoris co-

ctionem, adstante inflammatione interna ad futuram siccitatem præcauendam, propter imminentis hecticæ timorem; satius enim est, vnâ indicationem, propter aliam vrgentiorē spernere.

CAPVT

CAPVT XX.

UTRVM MV LIER ENIXA, POSSIT
ferre sanguinis missionem ex talo.

ALIVORVM inertiam cum ignorantia coniunctam; meritò negligit doctissimus Zacutus, qui cum mulieres gravidas epilepsia correptas, inspiciant, solum levioribus auxiliis contenti, naturalem partum spectant, vt post illum, vacuato sanguine menstruali, tot incommoda evanescant; fulciti quidem autoritate Avicennæ Fen. 1. 3. tractatu 5. cap. 8. propè finem, inquit enim: *Similiter advenit mulieri prægnanti, epilepsia in ipsa prægnatione; cumque deponit & evacuat materiam illam menstrualem, removetur illud, &c.*

Hæc tamen Avicennæ doctrina, vt benè asserit Zacutus intelligenda est, si epilepsia mulieris gravidæ, sit levis, & brevi tempore duret, qua mulieres correptæ, foetum vsque ad maturitatem gestarunt; si verò vehemens sit, & apoplexiæ propinqua, & convulsionum vehementia, & diurnitate, ægram torqueat, timorque adsit, ne ex prædictis causis valeat foetus suffocari, ex quo abortus, & interitus matris possit contingere; quid in hoc casu ita arduo, & variis difficultatibus pleno, sit agendum, plurimi, nec dubitant, nec somniant: si enim auxilium efficax, vt sanguinis missio, ex supernis partibus fiat, causa morbifica ab utero, ad principaliora membra, & affecta transfertur; si verò ab inferiori regione, videlicet ex talo exerceatur, humore ad uterum convocato, timor, & suspicio manifesta occurrit, ne foetus præceps irruat, suffocetur, & abortus sequatur.

Circa hanc igitur gravissimam difficultatem, Zacutus si-
do experimento fretus, diversaque ratione munitus, quem
insequitur Gaspar Bravo, loco citato, melius inter omnes sen-
tit, quod si lethalis epilepsia in gravidis appareat, vel alius per
consensum vteri, periculosus affectus; tum & etiam si eris-
ipelas, vel aliqua ingens inflammatio vteri adsit, tunc sanguis
potius ex talo, quam ex superioribus partibus est mittendus;
si enim foemina sit in septimo, vel octavo mense constituta, &
acutissima epilepsia, crudelissima vteri strangulatione corri-
piatur, quæ vitia, tamquam à prima origine ab vtero sca-
teant, atque oriantur, potius ex tali vena sanguis est mitten-
dus; nam ad occasionem, & occasionis initium, est devenien-
dum, vt Gal. libro de venæ sectione adversus Erasistratum,
cap. 5. & libro de rigore, cap. 8. tum & etiam, Hyppoc. 2. epi-
demiorum, sect. 5.

Probatur igitur præsens assertio ratione; quandò morbus
in aliqua corporis parte pendet, & conservatur ab inflamma-
tione, vel ab aliqua materia putrida in vtero existente, neces-
sariò convenit sanguinis missio ex talo: ergo si superveniat in
muliere gravida epilepsia, propter materiam redundantem
in vtero, vel propter aliquam inflammationem, sanguinis
missio ex talo debet exerceri. Antecedens probatur, ex
Hyppoc. 2. epidemiorum, sect. 4. sic asserente: *Est margi fa-
mula Idumæa, quæ ubi peperisset filiam, vteri osculum contor-
tum est, & inter coxendicæ, & crus, dolor descendit; hæc ex tali
vena secta, liberata est, quamvis tremores universum corpus
detinerent*: Ergo antecedens, ex Hyppoc. est verissimū, nam
morbus pendens ab vtero, in prædicta muliere, fuit curatus
sanguinis missione ex talo.

Nec valet si asseras, quod mulier non gravida poterit
phlebotomari ex talo, in doctrina Hyppoc. non verò mu-
lier vtero gerens. Contra; tota ratio propter quam in mu-
liere non gravida, debet fieri ex talo, sanguinis missio, est quia
mor-

morbus ab utero pendens, petit curari per evacuationem revulsoriam, in principium à quo nascitur; sed in utero gerente, eadem currit ratio, pro curatione morbi ab utero pendens: ergo quamvis sit utero gerens, in illo casu, semper sanguis est mittendus.

Probatur ulterius; si propter aliquam rationem, sanguinis missio, non est exercenda in muliere gravida; maximè, quia imminet periculum abortus, sed hoc non obstat: ergo exercenda est sanguinis missio in utero gerente ex talo. Maior est certa. Minor in qua est difficultas, probatur; nam Cornelius Celsus lib. 2. cap. 10. fatetur, non semper sequi in utero gerente, abortum ex phlebotomia: *Non dubitandum in gravidis, constantibus viribus sanguinem exaurire, quoniam usus ostendit, non esse perpetuum gravidam, phlebotomia curatam, abortum esse facturam*: Ergo ex prædicta autoritate constat, non dari periculum abortus in gravida, ex venæ sectione. Hoc argumentum est confectum à sapientissimo Gaspari Bravo, & licet verum, claudicat tamen; non enim est ad ultimum intectum; nam ratio, & autoritas, solum probat in gravida muliere, non dari periculum abortus, ex sanguine misso; relinquit tamen, prædictum periculum, ex modo remedij, scilicet ex talo: Difficultas etenim, non currit de sanguine mittendo absolute, in utero gerente, sed de venæ sectione ex talo, ex qua dubitatur, utrum abortus immineat, quod argumentum non probat.

Urgentiùs igitur probatur assertio; nam potest dari casus, in quo existente morbo, siue apparatu morbofo in utero mulieris gravide, immineat periculum vitæ in fectu, & in matre; atqui in illo casu, sanguinis missio ex talo, non solum non interficiet foetum, verum etiam eum liberabit à morte: ergo in illo casu, sanguinis missio ex talo conveniens erit pro salute matris, & foetus. Maior ex suppositione constat, videlicet in erysipellate, vel phlegmone uteri. Minor probatur, ex plenit

tudine exuperanti humoris, in vtero inflammato, potest foetus suffocari, vt simul mater pereat; sed media evacuatione sanguinis facta ex talo, deponitur plenitudo, qua non indiget foetus, imò læditur: ergo deposita tali plenitudine, vegetior, & robustior foetus reddetur: ergo potius liberabitur foetus, & mater, sanguine misso ex talo: ergo illo in casu, non imminet periculum abortus.

Nec valet si asseras, quod potius, ac tutius liberatur foetus, & inflammatio curatur, media sectione venæ cubiti, cum ista, causam fluentem ad vterum, revellat, ac proinde causam morificam addimat: sed contra, nam periculum interitus, non ita pendet à causa antecedenti, quam à causa coniuncta efficiente inflammationem: sed causa coniuncta, non evacuatur per cubitum, sed potius per talum: ergo foetus non liberabitur, media sectione venæ cubiti, sed potius tali.

Dices tamen, quod quamvis sanguinis missione ex talo, deponatur multitudo vteri particularis, qua foetus gravatur; tamen media illa evacuatione ex talo, de novo trahitur materia antecedens, ex partibus supernis, ad partem inflamatam, nempe vterum: ergo maiori, & vehementiori impetu, augefcet inflammatio vteri: ergo celerius peribit foetus; ac proinde nequaquam, adhuc in illo casu, mittendus est sanguis ex talo.

Cui instantiæ respondeo, quod in presenti, intelligenda est assertio cum distinctione; nam si eodem tempore, plenitudo adsit vniversalis totiùs corporis, & alia particularis vteri, prius deponenda est, ex supernis prædicta plenitudo, media venæ sectione ex cubito, ne prædictum inconueniens subsequatur; deinde ad venam tali deveniendo, adimenda erit particularis plenitudo, ne foetus ab ea suffocetur: vel si malueris, si in muliere gravida, epilepsia per consensum ab vtero reperiatur, plenitudine etiam vniversali existente, ne materia venefica in vtero reperta, media venæ sectione excubito, fu-

SANGVINIS MISSIONE. 271

rius ad partes supernas feratur, non est prius sanguis mittendus ex cubito; neque etiam prius ex talo, ne plenitudo vniversalis, etiam de novo in vterum feratur, sed simul, & eodem tempore, media cubiti, & tali ligatura, exercenda est sanguinis missio, ita pro multitudinis ratione metita, vt si debeat sanguis, secundum vnicam libram evacuari; potius dimidietas ex cubito, & alia ex talo exauriatur, vt eodem tempore habita ratione ad duplicem vrgentiam, possit Medicus equaliter satisfacere: idemque dicendum est, si complicata fuerit inflammatio vteri cum dolore pleuritico in muliere gravida, ita vt æqualiter currat vtriusque affectus vrgentia; nam si fiat missio sanguinis pro dolore pleuritico, ex brachio, curatio inflammationis vteri immoratur; si verò mittatur sanguis ex talo, pleuriticus dolor, quia negligitur proclamat; vt ergo vtrique indicationi succurrere valeamus, eodem modo, vt supra dixi, apperto talo, & brachio procedendum est.

Inter omnes confessum est, experientiam confirmare, quod ratio adinvenit; ideòque valde observandum est, quod doctissimus Zacutus loco citato, experientia observavit, videlicet, quod prava quædam mulier, iuvenis, biliosa, & gracilis, cum foetum septimi mensis, in vtero gereret, propter absentis mariti timorem, abortum procuravit, plurima auxilia fuerunt parata, pharmaca valida assumpsit, vehementia linimenta vtero adhibuit, pessaria violenta, & foetum necantia: Denique omni destituta auxilio, exadissima, & diuturna incidia corpus extenuavit, & quasi desperata, viribus etsi invalidis, ad tali phlebotomiam tredecies, per intervalla celebratam, pervenit, & tandem hirundines ter sedi applicavit, numquam tamen depravatam finem assequita fuit, imò gemellos, in nono mense obesos, in lucem edidit, ac chirurgorum testimoniiis apud magistratum accersita, truncato capite, adulterij penam emeritam, passa fuit.

Nec minus ponderis, & considerationis est, alia observatio: circa gravidam mulierem, epilepsia ab vtero correptam, adducta: secta enim brachij vena, perivit: & contra plurimæ vtero gerentes ex talo sectæ, in statum naturalem fuere restitutæ: hanc etenim observationem narrat prædictus Author: fœminæ quidem, ait, plures in vtero, gravidationis mense, constitutæ, quæ sevfissima, ab vtero fuere epilepsia correptæ, quibus febris non ignava nocebat, ex efferuescente in vtero sanguine retento, excitatæ; ex medicorum consensu, sanguis excubito fuit extractus, & omnes, revocato ad partes supernas sanguine, subito apoplexia periire. Aliæ verò, ingravescente epilepsia acutissima, secta iterum, atque iterum vena ex talo, citra abortum felicissimè pepererunt.

Nec ad hanc assertionem roborandam authoritates possumus deficere, Mathæus Gradius in Consilio 72. pro vteri sanando pruritu, sic ait: *Ob causam coniunctam nisi foret. prægnans, valeret singulariter phlebotomia saphenarum, quoniam per eam, dicta causa partim vacuaretur, sed quoniam ea est provocativa, eam non laudarem, nisi in tempore proximo partui, quoniam tunc talis phlebotomia iuaret.* &c. Ex quo deducitur, quòd licet securius sit remedium, dum est partui proxima mulier gravida, non tamen tollitur, si in alio tempore fetationis, sit maxima cum vrgentia; verendo tamen quantitatem evacuationis.

Non aliter in pestilenti constitutione, anno millesimo sexcentesimo, quæ maxima cum mortalium ruina, Hispaniam contorsit, innumere vtero gerentes, in primis, mediis, & ultimis mensibus, bubonibus in inguine correptæ fuerunt, quæ proptèr imminens ex veneno periculum, secta vena ex talo, sæpius repetita, libere evaserunt: ergo si hæc vera sunt, ac ex veterum testimoniis patefacta, similiter etiam in acutissimis ab vtero morbis, venam ex talo scindere oportebit.

Instabis tamen, quia nulli gentium fas est, corrumpere fœtum.

SANGVINIS MISSIONE. 273

tum, vt Arist. 7. politicorum, cap. 16. nam postquam conceptus est, sensumque, & vitam accepit, nefas est, attingere eū; sed secta vena ex talo, sequitur abortus: ergo ex Aristotele numquam est exercenda. Cui respondeo, concedendo maiorem; nego tamen minorem, videlicet, quod semper sequatur abortus ex dissecta vena ex talo, tum, & etiam, quia medicus per se non intendit abortum in dictis casibus, sanguine misso ex pede, sed potius foetus, & matris vitam liberare, quod sine prædicto remedio consequi non valet; si tamen ex accidenti abortus contingat, cum potius, remedium indicatum, & exercitum sit pro utroque liberando, foetu, & matre, debite licebit tale auxilium exequi.

Instabis deinde, ex eo quod sanguis per talum evacuetur, aufertur sanguis contentus in vena cava descendente; sed talis sanguis, est alimentum foetus: ergo deficiente prædicto alimento, foetum perire est necesse, atqui quovis prætextu, foetum interficere, vel abortum suscitare, est valde detestabile: ergo cum hoc sequatur, nequaquam sanguis, vlllo in morbo, in muliere gravida, ex talo est mittendus, minor ex Hyppocōstat, in iure iurādo, ubi se abortum nūquam fuisse intentum iuravit: Gal. etiā idem decrevit, lib. an foetus in vtero cōtineatur: ergo nullo prætextu, abortus est causandus, media sanguinis missione ex talo.

Quod solvitur asserēdo, nequaquam foetum perire ex ablatione sanguinis, qui in vena descendente continetur; nam si immodica sanguinis quantitas exuperet pro foetus nutritione; ex prædicta evacuatione, non toletur sufficiens, & requisitum foetui alimentum; ac proindē experientia patet, non necessario foetum perire, & quamvis pereat, sanguis tamen pro vita matris, sine qua, ambo perirent, debet mitti: medicus enim, vt dixi, non foetum perdere, sed vtrūque liberare, per se conatur; ideōque omnia testimonia, ex divinis, & humanis legibus, quæ Covarrubias, & alij authores adducunt, solum cō-

tra medicos, qui voluntariè abortum, ob alios fines depravatos, conantur, stabilita sunt.

Urgebis tandèm; nam non solum evacuatur sanguis, in vena cava descendente, contentus, pro alimento fetus, aperta vena tali: sed etiam sanguis, qui in vtero clauditur commovetur; vt apparet, dum in menstrua purgatione, aut lochio retèto, quæ sanguine misso ex talo evacuantur: tum similiter commovetur, & evocatur omne, quòd in vtero continetur, vt est fetus: ergo præcisè, sequetur abortus; ac proindè sanguinis missio ex talo, in gravidis, sempèr erit læsiva.

Dissolvitur dicendo, quòd secta vena ex talo, nequaquam cetus necessariò removetur; imò, ex venefica aura in vtero contenta, expultricem vteri facultatem lancinante, vehementior commotio suscitatur, quæ media sectione facta ex talo, sedatur; ac proindè fetus in vtero, vegetior, & firmior redditur.

Ex dictis facilè infertur, nullo existente morbo acuto in vtero gerentibus: solum tamen propter sanguinis immodicā plenitudinem, ex qua foetus obruptio, sive interitus, timetur, posse sanguinis missionem exerceri, per se intentam, ad præcavendum abortum, facta tamen, excubiti vena scissa, & probatur; nam abortus potest contingere ratione immodicæ sanguinis quãtitatis; sed media evacuatione sanguinis, auferitur talis causa abortus: ergo ratione præcautionis, ne sequatur, debet sanguis mitti, vt doctissimus Augenius 6. de sanguinis missione, Petrus Salius diversus, lib. de morbis particularibus, cap. 22. Gaspar Bravo. Loco citato, & alij quam plurimi testantur.

Instabis tamen; sanguis superabundans in vtero gravidæ mulieris, non extrahitur vena cubiti aperta; atqui si sanguinis missio pro præcautione abortus fieret, efficienda esset ex brachio: ergo cum non liberet foetum, quia non evacuat materiam in vtero contentam, non erit exercenda, hæc arguties de-

SANGVINIS SMISIONE 275

deciditur, concedendo maiorem, & minorem; nego tamen consequentiam; nam licet debeat fieri sanguinis missio ex brachio, & ista non auferat materiam contentam in utero, hoc non obstante, abortum tale auxilium impedit, quia evacuata multitudo superiori, media revulsione, quæ fovet multitudinem uteri particularem, istam foetus pro sui alimentum servabit, & licet multa dicatur, quia à supernis partibus fovetur, & augefcit; sedata tamen fluxione, pro ulteriori tempore nutritionis foetus, erit necessaria.

CAPUT XXI.

*QUIBUS PRÆSENTIBUS, VEL
futuris morbis vena secta succurrit.*

Sigillatis in veteri clasicorum doctrina, singulis sanguinis missionem coindicantibus, vel permittentibus, debite affectus, quibus sanguinis missio, tam præsentibus, quam futuris succurrat, oportet explanare. Morbos igitur à sanguinis ubertate genitos, vel eruptione præsentibus, venæ sectio sanat, impendentes verò arceat, ut sunt febris synochus, tam illa, quæ ex sanguine fervescente, citra putredinem, quam illa, quæ ex putrescente accenditur; omnisque continua, cuius putredo in maioribus vasis condita existit: in affectibus verò partium, sibi locum abrogant phrenitis, ophthalmia, parotis, Angina, pleuritis, peripneumonia, hæpatitis, splenitis, nephritis, inflammationes uteri, pudendorum, inguinum, allarum, brachiorum, crurum, omnium articulorum, tum internarum, tum, & etiam partium externarum: his proximè accedunt sanguinis sputum, tabes incipiens, sanguinis vomitio, & erup:

eruptio quæ sit è naribus, ex vtero, vel hæmorroide, horum quidem affectuū initio, scissa vena opposito loco, fluxionis impetum sinit, & rebusiōis virtute non nihil ex parte affecta rebocat, carbunculus tandem, humidior scabies, omnisque rubor per corporis summa florens, maximè venæ sectionem exigunt.

Ita similiter febris intermittens, quæ sit exquisita, sive tertianarum, quartanarum, aut quotidianarum genere contineatur, non libere venæ sectione curatur, quamvis aliquando convenienter sanguis mittatur, ut quando venæ immoderata copia turgescunt, ac pectoris pericula impendunt, vel symphoma quodam acius, incalēscentis sanguinis vrget, ut pulsans capitis dolor, corporis iactatio, & æstus penè suffocans, quæ quidem symphomata, tam præsentia, quam absentia, suam sevitiam; media sanguinis missione deperdunt; ac proinde facilius febres valebunt debastari; ex partium similiter affectibus; venæ sectio cōvenit aliquibus, ut sunt capitis, & aurium pulsans dolor, lethargus, vertigo, apoplexia, acris & mordax fluxio, cordis palpitatio, in his enim maximum est venæ sectio subsidium, & interdum citra plenitudinem ex eo quod, medio intensissimo dolore, contusione, vel ardore, fluxio in aliquam principem partem possit prorritari.

Inquires tamen, utrum sit copiosius, & tutius, sanguis mittendus morbo præsentī, quam imminenti, cuius decisio, ex virium robore, desumenda venit, nam cum natura morbo, iam præsentī magis, quam imminenti sit labefactata; ideò securius sanguis mittetur, in morbo imminenti, quam præsentī; quando igitur maxima, & præceps plenitudo adest, nullo adhuc morbo genito, nullo virium dispendio sequito, sanguis abundè educi potest; quia veluti, qui pondere naturæ media copia gravis erat, protinùs morbi discrimen imminenti effugit, securiusque status naturalis servatur; quando verò morbus iam est genitus, viresque attenuatæ sunt redditæ, vix ci-

SANGVINIS MISSIONE. 2277

trā detrimentum, iuxta sanguinis effusio substineri potest; ob quam rationem in ephæmera ex obstructione, in synocho simplici, sanguis antequam materia putrescat, copiosè trahitur; qua propter tutius, morbo imminente, quam præsentè, sanguis profunditur, ac vtilius est futurum prospicere, atque præcavere, quam præsentem profligare.

Quibus similiter affectibus sanguinis missio non conferat, scire valdè oportet; sicque Gal. libro de curandi ratione per sanguinis missionem cap. 7. damnat sanguinis missionem in vinosis, & gulæ deditis, sic asserens: *Vinosi, & gulæ dediti, non iuvantur multum purgatione, nec phlebotomia; quia colligunt, crudos humores, qui nec purgatione, nec venæ sectione auferuntur.* Notandum tamen est, quod Galenus ait, non multum iuvari; cum si dicat, iam ex aliqua parte, etsi non multum iuvari; quare ipse Galenus 12. cap. eiusdem libri, asserit: *In his venæ sectionem per epicrasim, iuvare possidet* id est parum pro vnaqua que vice.

Galenus pariter 14. methodi, cap. 13. non admittit, quod in legitimo erysipellate, sanguinis cōveniat; tum & etiam 8. ad Glauconem, inquit, in erysipellate non esse mittendum sanguinem, sed purgandam bilem: Paulus verò Celsus, & Aetius, venam scindunt in erysipellate capitis, & cervicis, quia nisi bilis evacuetur, strangulat. Ipse sentio, quod in quocumque erysipellate, etiamsi legitimo, licet ratione materiæ separata, solum purgatio conferat; ratione verò alterius materiæ antecedentis, quæ nondum est in totum separata, sanguinis missio convenit, cum apparatus morbosus antecedens auferatur, vt melius purgatio exerceatur. Sicque assero, quod Galenus non asseruit absolute, in erysipellate non esse mittendum sanguinem, sed dixit non esse necessarium mittere sanguinem in erysipellate, id est per se ratione illius, sed potius ratione apparatus; idemque est dicendum de tertiana exquisita, ac de caufode exquisito, in quibus ratione cause se-

paratæ, & sinceræ, nequaquam missio sanguinis indicatur; bene verò ratione causæ antecedentis, quæ cum nondum se-
parata sit antequam secernatur ad fluxionem, & exacerba-
tionem efficiendam, venæ sectione valebit evacuari, viribus
tamen constantibus, tamquam à debito permittente.

Galenus præterea tertio de humoribus, comment. 33. tres
casus insinuat, in quibus sanguis non est mittendus; quorum
primus est in tempore valdè calido: quia tunc vires non per-
mittunt: secundus est, quod in homine omnino bilioso, ob
easdem rationes, sanguinis missio non conveniat: tertius est,
ex 11. methodi, cap. 14. ubi inquit, ventris cruditatem, morbo
incipiente, sanguinis missionem prohibere: primi tamen, duo ca-
sus intelligendi sunt, pro acceptione sanguinis missionis, in
quantitate immoderata; nam tempore calido, vt æstate, & in
homine bilioso, propter temperamentum resolvable, vires
non ita ferunt sanguinis missionem, in largiori quãtitate; be-
nè verò in copia moderata; tertius verò casus de cruditate
primæ regionis, dum ea nominatur, sanguis impeditur; ac
proindè maximè observandus est.

CAPVT XXII.

AN IN STATV FEBRIVM PV-
putridarum, liceat sanguinem
mittere.

Circa hanc dubitandi rationem, plurimi, etsi negativam
partem insequantur, quia tamen discrimine non allo-
quantur, impugnandi veniunt; sicque verior assertio est, quæ
asserit, in statu febris putridæ universali, posse sanguinè mitti
dijunctione quadam, quam Gaspar Bravo, Vallesius, Carrei-
rus,

rus, & Mercatus non adducunt; nam. vel currit dubitatio de statu febris perfectæ, & salubri, ubi, & si sympthomata elucescant; sunt tamen cum signis perfectis coctionis, materia iam à natura superata: vel dubitatur, de statu morbi imperfecto; ita vt inæqualis appareat coctio, ac signum naturæ victricis, eo quòd natura, ab aliqua materiæ portione gravata, ulterius coctionem perficere non valet: si in primo sensu, nequaquam sanguis est mittendus; in secundo verò, maximū subsidium erit: & probatur 1. ex Gal. 9. metho. cap. 5. pro febrium continentium curatione, sic asserente: *Sanguinis missionem, nullo non tempore, esse utilem.*

Probatur deinde: sanguinis missio indicatur à morbo magno pendente à vitio sanguinis in quanto, vel in motu; sed in summo statu, vel vigore, quamvis appareant signa coctionis, etsi febris sit in vigore, cum inæqualitate coctionis adhuc pendet à materia peccanti in quanto: ergo à tali morbo dependente à materia vitiosa in quanto, in vigore, indicatur sanguinis missio. Probatur ulterius si in morbi statu, crìsis, impediatur, aut coctio perfici non possit, quia, præ multitudine humoris, natura est gravata, indicatur sanguinis missio, vt levata perfectius concoquat: ergo in statu morbi, adducto iam discrimine, sanguis erit mittendus.

Instabis tamen primo; nam in statu, iam natura separavit utile ab inutili, atqui sanguinis missio est evacuatio promiscua: ergo non convenit in statu. Cui satisfatio, distinguendo maiorem, in statu natura separavit utile ab inutili, si sit perfectus, & completus, à natura victrice, concedo libenter: si sit inæqualis, ita vt natura sit adhuc gravata, nego maiorem: ergo in statu febris, sanguis non est mittendus, distingo vt distinx; in statu perfectò, concedo, in imperfectò, nego.

Obiicies Vtteriùs 1. ex Hyppoc. qui morbo ad iudicationem eunte, prohibet sanguinem mittere: tum & etiam Gal. 2. Apho. Commentario 29. Avicenna similiter, in curatione

februm continuarum, sic ait: *Tunc non phlebotomes, in statu eius, cum non sit intensio, & fortasè interficies.* Ergo in statu, sanguinis missio non debet exerceri. Præterea, cum asserat Hyppoc. *in statu melius est quiescere*: vt Gal. in Commentario rationem reddit, ne inturbetur coctio; ac proinde, ne natura divertatur à proprio opere: ergo in statu sanguis nequam est mittendus. Hæ tamen authoritates, & rationes adductæ, facillè evanescunt sub distinctione allata, de statu perfecto, & salubri, vel de statu imperfecto, & dubio; cum natura adhuc sit impedita, vt suum opus perficere valeat.

Ex dictis facilius inferitur, venæ sectionem, securiùs auxiliū esse in februm putridarum augmento, vt constat ex doctrina Gal. lib. de optima secta ad Trasibulum, cap. 39. *in pluribus autem temporibus, idem nonnumquàm auxilium fertur, initio autem morbi, atque incremento, sanguis emittitur.* Tum etiam, lib. 9. methodi, cap. 5. *Si aliquando curare, &c.* libro similiter de sanguinis missione, cap. 20. *Verum quoniam in quintum diem, &c.* Roboratur etiam ratione: In augmento febris putridæ, potest dari præsentia indicantis, & absentia impediētis, cum robore virium; sed idè in principio febris putridæ sanguis emittitur, quia hæc reperiuntur: ergo ita pariter in augmento illius, sanguis mittetur. Maior est certa; minor probatur: In augmento febris putridæ, quamvis appareat signum coctionis, potest esse adhuc natura oppressa, ne ad statum perveniat: ergo illo in casu, dabitur præsentia postulantis, & absentia impediētis: ergo in augmento febris putridæ, multò melius quam in statu, sanguis mittetur.

Extollit tamèn Gaspar Bravo difficultatem, asserens, non solum in prædictis morbi temporibus, sive febris putridæ, verum tamen in declinatione univērsali evacuationis causa, & simul gratia attemperationis posse exerceri sanguinis missionem, si febris foveatur ab aliqua portione humoris adhuc sanguini commixti, & firmat suum sensum, quia dùm febris

SANGVINIS MISSIONE. 281

pendet ab humore crasso sanguini commixto, licet appareant signa perfectæ coctionis, vires tamen debilitari possunt, & iecur incallescere; sicque recidiva poterit supervenire: ideoque sanguinis missio utilis est in declinatione vniuersali morbi, partim evacuationis, & partim refrigerationis causa.

Roboratur similiter; nam respectu causæ à qua fovetur febris, adhuc desideratur coctio, cum ratione putredinis foveat febrem: ergo indiget sanguinis missione, vt levata natura respectu illius partis putrescentis, concoquat, quod est habile, & excernat, quod petit excerni.

Miror tamen tanti viri auctoritatem, & ingenium, cum maximam involvat contradictionem; primò enim supponit vniuersalem declinationem febris esse perfectam, & cum signis perfectis coctionis: ergo tota materia vniuersalis morbi, erit perfectè cocta, & separata, alias non esset perfecta declinatio vniuersalis: deinde supponit, adhuc febrem foveri ab aliqua alia portione materiæ putrescentis, permixtæ cum sanguine, à qua natura nondum est levata, vsque quo sanguis mittatur, vt denuò concoquat materiam relictam: ergo ex Bravo sequitur, in illo casu, quod omnis causa morbifica perfectè est cocta, cum sit in vniuersali declinatione perfecta, & quod non est tota debita, cum adhuc restet alia portio putrescens, quæ fovet febrem; quare asserendum est in veriori doctrina, quod in mentita, & falsa declinatione, propter rationem allatam debet sanguis mitti, vt natura levata ab aliqua materiæ portione, possit coctionem perfectius elaborare; in declinatione verò perfecta, nequaquam venæ sectio est exercenda; nam tota materia morbifica, est devicta, & separata; ac proinde febris detruncata, nam coctio facit cessare putredinem, quæ, cessante cessat febris; si tamen recidiva sequatur ex materia retenta, hoc erit, quia de novo incrudescit, quo in casu, iam novus morbus est constitutus, sanguisque debet

bet mitti; hoc tamen, potius erit in principio novi morbi, quam in declinatione perfecta præcedentis.

CAP V T XXIII.

AN IN PUNCTICVLARI FEBRE

*sanguis sit mittendus, apparentibus iam,
exanthematibus.*

LICET gravissimus Sennertus; triplicem febris malignæ naturam constituat; vnam videlicet pestilentem propriam, aliam solum malignam; aliam verò describat, lib. 5. de febribus, cap. 18. cuius titulus est, de febribus petechialibus, quæ propriè, Hispano sermone (*sabardillo, solet appellari*) ita harum curationem distinguit, vt in vltima differentia, ab exhibitione pharmaci purgantis, incipiat; deindè verò sanguinem mittat: de hac igitur offertur dubitatio, vtrum apparentibus exanthematibus, sive puncticulis, debeat in prædicta febre, sanguis emitti, vt solet contingere in variolis, & morbilis: de quibus, eadem currit ratio dubitandi.

Plurimi circa, hanc dubitationem prædicto in casu, venæ sectionem obnegant, cuius est ratio; nam dum puncticulæ apparent, humores, qui febris malignæ, causa morbifica sunt, videntur ad circumferentiam moventur; sed media venæ sectione; iterum ad interna, vt viscera remeant, medio motu contrario, quòd valdè perniciosum est: ergo ne hoc sequatur venæ sectio nequaquam est efficienda. Maior est certa, siquidem apparent puncticulæ malignæ: minor probatur, experientia, quia puncticulæ, media venæ sectione evanescunt: ergo quia trahuntur humores ad interna: ratione similiter, venæ sectio est tractio sanguinis à circumferentia ad centrum: ergo.

ergo quia moventur humores ad interna. Probatur prædictum antecedens; nam secta vena, evacuantur humores secunda regionis: ergo materia, quæ est in tertia regione, nimirum in circumferentia corporis, succedit ad secundam regionem; hoc est valde perniciosum; nam maligna potius sunt evocanda, quam revocanda: ergo cum natura moveat ad habitum, non impedienda, sed imitanda est, vt Hyppo. 1. Apho. sent. 21. quò viis, ac locis vtilitèr ferentibus ducantur ab ea humores, atqui cutis est conveniens receptaculum; excrementorum præcipue veneficorum: ergo talis excretio nequaquam est impedienda: ergo cum sanguinis missio contrarium motum efficiat, apparentibus puncticulis, non est exercenda.

Alio similiter freti fundamento Authores, sanguinem mittere nolunt, quia cum in huiusmodi febribus malignis, valdè viciati succi, propter contagium, & exuperantem putredinem adsint; propterea nihil deterius, quam venæ sectionem iudicant; humores enim tale subsidium valdè exagitat, ac sordidum, puro, & sincero sanguini commiscet; vnde purum contaminatur, quod firmant exemplo felis, aut salis, nam si aliqua portio istorum in aquam quiescentem mittatur, aqua parum salsa, vel amara erit; si verò aqua exactè agitur, fel, & sal, cum tota aqua permixtus, inducèt ipsam aquam amariorem, vel magis salis, vt Gaspar Bravo, ex Silvatico abstullit; idemque de variolis, & morbilis, vbi ceperint apparere, nequaquam venæ sectionem permittunt.

Mercatus tamen, tom. 2. lib. 7. asserit, quòd si plenitudo non sit in totum deposita, etiam si maculæ in habitu appareant sanguis est mittendus; si verò deposita est, aut vires imbecilles sint, venæ sectionem exercendâ non esse; alij verò sub distinctione aloquentes, tuentur, vt doctissimus Nicolaus Bocangelinus, libro de morbis malignis, & pestilentibus, cap. 35. quòd expulsio macularum, vel est critica, natura vincente, in qua sanguis nequaquam est mittendus, eo quòd naturæ actio rec-

tè operantis, impediretur; vel est symptomatica, ex vi febris orta, natura lacesita, ac sine signis ullis coctionis, quo in casu, maximum est venæ sectio subsidium; vel si mavis signis apparentibus phlebotomia nequaquam, cum signis verò cruditatis, maxime est exercenda.

Gaspar tamen Bravo sect. 7. resol. 20. fol. 473. eandem insequens sententiam Nicolai Bocangelini, resolvit, quòd apparentibus punctulis, vel aliis excretionibus criticis; si natura redditur potentior supra causam morbificam; sanguis nō est mittendus, ductus prius, autoritate satis trita 1. Aphor. sent. 22. quæ iudicatur, iudicata sunt integrè, &c. Ergo si macula, aut aliæ excretiones appareant, natura vincente, nec sanguinem mittere, nec aliquid innovare oportet. Si tamen quis asserat, quòd ex Hyppoc. nihil est agendum si morbus sit integrè iudicatus; per excretiones verò ad cutem, non potest esse iudicatio integra, quia tātum materia tenuis, & vaporosa, remanente crasiori portione, valet evacuari; ac proindè talis evacuatio erit diminuta, & non critica: quòd dissolvit Bravo respondens, quòd cum huiusmodi febres punctulares, pendeant ab effervescentia humorum propter malignam qualitatem; hinc est, quòd qualitas illa maligna solum intenuioribus partibus inhæret, quæ si ad cutem moveantur, effervescentia maximè quiescit, malignaque qualitas, extra pellitur: spiritus denuo foventur, ac alij puriores generantur, sicque natura victoriam supra causam assumens, validiores pulsus, & magis æquales efficit, eo quòd febris remittitur.

Satisfacit tamen in suo sensu Bravo, instantiæ allatæ, asserens, fervorem, & qualitatem malignam, solum esse in substantia vaporosa; si tamen aliquis vrgeat, non implicare qualitatem veneficam etiam posse inhære substantiæ crasæ, & terresti, ac proindè quòd ista non potest evacuari per habitum, sicque talem evacuationem, sive iudicationem non esse integram totiùs causæ morbificæ. Respondet Gaspar Bravo, quòd

quodd Hyppoc. dum docet si morbus integrè iudicatur, per ly integrè, intelligit, dum perfectè iudicatur, idest cum fiducia, & securitate, quamvis hoc non contingat per integram evacuationem totius causæ morbificæ; nam ad hoc vt iudicatio dicatur perfecta, sufficit quodd media illa evacuatione, quamvis non sit totalis materiæ, tamen quæ sufficiat, vt natura reddatur superior, supra aliam causam morbificam.

Anuente tamèn, tanti, auctoritate, viri, prædictam Hypp. expositionem circa iudicij integritatem, non vt integram amplector; dicere enim integram esse iudicationem, quia sufficiens materia morbifica est euacuata, vt reliquam remanentem, natura valeat superare; ex hoc sequeretur quodd quelibet evacuatio critica, esset perfecta, nullaue reperiretur imperfecta, & diminuta: deindè quodd etiam evacuatio symphomatica, quæ ex accidenti dicitur bona, esset critica, & integra: sequela probatur; nam media evacuatione symphomatica, ad tempus, materia quæ relinquitur, est magis capax, vt superetur à natura levata, præcedente dicta evacuatione: ergo talis evacuatio, quavis non sit totius materiæ morbificæ, quia natura redditur superior, diceretur integra. Præterea quia ex relicta materia crassa, potest dari periculum recidivæ; sed ex evacuatione integrè iudicante, nullum recidivæ periculum adest: ergo male asserit Gaspar Bravo, quodd illa evacuatio mediis puncticulis, quamvis tota materia morbifica non sit euacuata, est integra, quia natura redditur superior, ad aliam portionem vincendam.

Potius tamen satisfaceret Bravo, dicendo, quodd casu quo mediis puncticulis, solum evacuetur materia, sive portio tenuior, & facilis ad exitum per cutim, & deindè remaneat intra venas, alia crasior, & terrestrior, cum signis tamen permanentibus, & perfectis coctionis, tunc, etsi non sit crisis integra in esse evacuationis, quia remanet alia portio, in esse tamen iudicij crassissimi, idest signi coctionis, dicetur opus criti-

cum, ex eo quod natura partim expulsit materiam tenuiorē ad habitum; aliam verò in capacem, vt per habitum mittatur, superat media cōctione, vt postea adimpleto munere evacuationis per habitum, ingrediatur alterius materiæ intra vasa existentis per secessum expulsionem, vt in esse evacuationis, iam sit talis evacuatio critica integra, & perfecta, aliàs solum esset critica ad melius.

Quibus sic iactis, respondeo, adhuc illo in casu sanguinem, non esse mittendum: quia licet remaneat portio illa, dicta, intra venas, ista adhuc est obiectum retentricis, vt perficiatur in cōctione; sicque cum non gravet naturam; imò cōctrici facultati cedat, ideò relinquendum est totum, naturæ, opus ad coquendum, ne divertatur à proprio opere; vt postea si à natura victa non expellatur completè, possit ab arte suppleri expurgatio, medio pharmaco purganti, ne recidiva ex tali materia cineritia relictæ, sequatur.

Secundum verò aliam partem, videlicet quando maculæ apparent in principio morbi, ex eo quod potius materia est cruda, atque invicta, cum talis eruptio sit symptomatica, inquit plurimi sanguinem necessariò esse mittendum, vt inter alios est doctissimus Sennertus, Zacutus, Oratius Augennius, Mercatus, & Gaspar Bravo: & probat primo Mercatus huiusmodi assertionem ex Gal. quia natura levata media venæ sectione, melius quod est habile concoctu, evincit, & concoquit, ac tandem, quod debet excernere, excernit. ergo multò efficacius materiam relictā valebit per cutim expellere. Deindè, quia nequaquam valet timeri retrocessus, humoris ad cutim tendentis; hoc enim solū accidit, quando deponitur, quod necessarium est naturæ; quando verò, quod superfluum est, evacuatur sectione venæ, potius reliquum, melius à natura moderatum, ad circumferentiam pellitur; quæ ratio ne solvitur ratio superius allata, de timore retrocessus materie ad intimiora corporis.

SANGVINIS MISSIONE. 287

Præterea, quia maius periculum suffocationis, ac proinde vitæ impendit periculum, ex summa plenitudine, quam ex remeatione ad intra, cum ista postea magis à natura corrigatur, iterum ad extra vehementius emittendo: ergo de primo ad ultimum inferendum est, eruptionem punctularum in principio febris malignæ, nequaquam sanguinis missionem impedire, cum talis evacuatio symptomatica sit.

Roboratur ulterius: sanguinis missio, ex doctrina Galeni est exercenda, dum adest indicans, & abest impediens, sed eo quod febris maligna, pendeat ex vitio sanguinis in quantitate, aut in motu, adhuc apparentibus maculis, est indicata à præsentia postulantis, & non impedita, cum vires possint esse validæ: ergo debet exerceri, etsi maculæ appareant.

Præterea confirmatur, quamvis maculæ appareant, si non adsint signa naturæ vincentis, ut sunt coctiones, quæ celeritatem iudicij, & securitatem salutis ostendunt, imminet vitæ periculum, nisi adimatur causa à qua febris conservatur, cum eam, quia gravata, non possit vincere, sed tunc temporis non est indicata purgatio, quia non est materia cocta, & separata: ergo debet exerceri sanguinis missio.

Neque valet arguties facta, ex aquæ permixtæ, cum re amara, aut falsa, exemplo, ex eo quod si aqua agitetur, amarior, & magis falsa redditur: ergo ita ex venæ sectione infere maligna agitatus humor, magis impurus, & vitiosus redditur; paritas enim non currit æqualiter; nam humores non ita continentur intra venas, veluti aqua in vase: dum enim vas agitur, contenta in eo, permiscuntur, confusaque redduntur; non verò dum sanguis mittitur, ita humores intra venas agitantur, ut confusa illorum sequatur permissio; imò cum partim natura, portionem sanguinis expellat, minorataque sit quantitas humorum, minus ebulliunt humores, purioresque redduntur, ut impediatur illa coinquinatio utilis, cum inutili: ac proinde soluta manet facile, instantia.

Sapientissimus tamen Ioannes Baptista Silvaticus, in suis controversiis 41. fol. 194. aliter circa hanc difficultatem sentit, videlicet, quod apparentibus efflorescentiis, sive puncticulis in morbi initio, tandiū impediri sanguinis missionem, quam diū naturæ motus perdurat; nam movente natura, quomodo-cumque illa moveat, nihil nobis agendum est, sed illius motum spectandum; quare, cum eruptio papularum, naturæ sit motus (quamvis symptomaticus sit) non est sanguis mittendus usque quo Medicus prævideat, vtrum talis efflorescentia satisfaciat, nec ne; & probatur paritate desumpta ex Gal. doctrina 9. metho. cap. 5. asserentis: *Si tempore mittendi sanguinem, menses moveri cōtigerit, sive etiā hæmorrhoids sit reclusa, si inspecto fluentis impetu, ipse satis fore videbitur, qui solus quod requiris vacuet, naturæ rem omnem permites; sin minus ipse detrahes, quo ex coniunctis ambobus, perficiatur quod potest.*

Nunc sic, ex doctrina Gal. quamvis detur indicans sanguinis missionis, si tali tempore moveatur evacuatio menstrualis, quamvis motus sit symptomaticus: hoc non obstante, nihil est agendum, sed expectandus est motus naturæ, vt si natura non satisfaciat, valeat Medicus venam scindere, vt tale opus perficiat; sed sic est, quod quandò apparent puncticulæ in principio morbi, quamvis symptomaticæ, talis est motus naturæ: ergo toto tempore quo permanet efflorescentia, in febre maligna, nihil est agendum: ergo sanguis non est mittendus. Maior propositio est manifesta, ex Gal. Minor probatur, tota ratio propter quam evacuatio menstrualis in principio morbi, quam diū durat, impedit sanguinis missionem, est quia licet symptomatica, potest satisfacere redundantia causa morbigena, & fit per loca conferentia; sed etiam eruptio exanthematosa, in principio febris malignæ, potest satisfacere redundantia humoris maligni, & fit per loca conferentia, nempe per habitum corporis: ergo quemadmodum vna,

etiam

SANGVINIS MISSIONE. 289

etiam alia evacuatio, quamdiu perdurat, impedit sanguinis missionem.

Præsens quidem ratio, maximam confert vim, qua Gaspar Bravo convictus inconsequentè alloquitur: primò, quia tueretur absolute, quod sanguis mittendus est in principio morbi, licet puncticulæ appareant, quia symptomatica est evacuatio; inferius verò insequens paritatem ex evacuatione menstruali symptomatica, & eruptione exanthematum, inquit, sanguinem non esse mittendum, excretionem permanente ad cutem; nisi quandè non sufficit, ut natura superior evadat, veluti contingit in evacuatione menstruali, feбри superveniente.

Ipse tamen aliter sentiens, prædicto respondeo argumentum, quod nequaquam eadem militat paritatis ratio; nam licet verum sit, quod quamvis evacuatio menstrualis permittenda sit, sine ullo alio auxilio, nempe venæ sectione; non tamen eruptio exanthematum, ita est relinquenda, ut sanguis non mittatur, cuius est ratio; quia quamvis una, & alia sit symptomatica, & per loca conferentia; tamen menstrualis evacuatio copiosius, & securius valebit satisfacere redundantiae morbi causæ, ut sanguinis missio aliquandò non sit necessaria; at verò evacuatio per habitum, mediis puncticulis, non ita completè potest quantitatis causæ morbi causæ evacuandæ satisfacere; quia cum ductus in habitu corporis reperti, non ita capaces, ac pervij sint, veluti vasa uteri; propterea mediis exanthematibus solum evacuabitur materia vaporosa, & subtilior, quæ habilis sit ad exitum, remanente alia crassiori, adhuc cruda existente, quia in principio morbi, ratione cuius semper indicata est sanguinis missio, ut levata natura coctionem aggrediatur; vasa verò matricis cum ampliora, & capaciora sint, ut tota materia morifica, tam tenuis, quam crassa possit à natura expelli, secundum redundantiam, qua natura erat oppressa; hinc est, quod expectandus est motus evacuationis

men.

menstrualis, non verò efflorescentia, cum ista semper debeat esse imminuta.

Doctissimus quidem Michael de Heredia, de curatione febris malignæ, disputat. 3. quæst. 1. hanc difficultatem exactè perpendens, maxima ratione fretus, oppinatur, quod si materia morbi sit eruda, ægerque non sit satis innanitus, non apparentibus, vel apparentibus maculis, semper sanguis est mittendus, si verò materia extiterit cocta, & iuxta vigorem, sive in eo puncticulæ appareant, prudentius, & securius erit quiescere, donec Medicus effectum illius expulsionis pervideat, ita ut si initior, & remissior morbus appareat, talem evacuationem permittere, aut iuvare conveniat; cum tali in casu iudicatoria soleat esse, ut ex Hyppoc. constat, qui nullam sceminam non vidit, cum hac expulsionem liberatam: attamen in quovis tempore morbi, si morbus non remittatur, & symptomata non initiora appareant, ratione eruptionis papularum, contemnenda maximè est talis evacuatio, & operandum quasi non apparuissent; sicque vel in augmento, vel in vigore, sanguis semper erit mittendus, cum hac tamen præmeditatione, ut Medicus illum materiæ motum ad cutem, non impediat, sed potiùs auxiliis idoneis evocantibus, semper iuvet; nam huiusmodi eruptio, quamvis ex parte temporis, symptomatica, semper tamen est evacuatio materiæ peccantis; quare ex parte causæ, semper est conferens; quapropter, etsi sanguinis missio exerceatur, de novo natura est iuvanda ad habitum, cucurbitulis, linimentis laxantibus cutem, ac moderatè atrahentibus, aliisque ad habitum moventibus. Quæ sententia verissima, & apud omnes collaudatu est digna, cum non solum servanda sit in febris punctularis curatione; verum etiam in variolarum, & morbilorum constitutiones, quemadmodum, in carbunculi, & reliquorum affectu, qui cum ulcere crustoso cuti insunt, curatione, Gal. ab incissa vena incipit, ut 4. metho. cap. 10.

CAPUT XXIV.

UTRUM FEBRIBUS PESTILENTIBUS sanguinis missio conferat, & an ex talo potius, quam ex cubito.

Non exigua sollicitudo, & cura, Medicorum ingenia cogit, ad extirpandam febrium pestilentium naturam, cum plurimi ægrorum, etiam si exquisita auxilia exhibita sint, miserabiliter pereant: de his igitur suscitatur quæstio, utrum in selectiori curatione, sanguinis missio conferat; circa quam dubitationem, plurimi negativam partem insequuntur, & probatur i. media experientia, quam antiqui, ac moderni omnes fatentur, suis temporibus, media febrium pestilentium grassatione, quod nulli sanguis fuit missus, qui non interierit: ergo in febribus pestilentibus, experientia patet, sanguinis missionem non esse proficuum.

Probatur ulterius; facta sanguinis missione, attrahitur materia venefica à circumferentia corporis, in spiritualia: sed in febre pestilente semper est trahenda à corde, & ab internis, ad externas partes: ergo numquam convenit sanguinis missio: rob oratur præterea; huiusmodi febres pestilentes apparent in principio lænes, placidæ, & mitissimæ, usque quo seminaria contagiosa iam sint dispersa; sed sanguinis missio fit potius, dum iam talis materia venefica plurimum est agitata, & commixta: ergo illo in casu, media sanguinis missione minus de seminario, & de corrupta materia, magis verò de laudabili evacuabitur: ergo in maius discrimen, quam iubeatur, collocabitur æger: ergo sanguinis missio nequaquam confert in febribus pestilentibus. Hæc tamen rationes, etsi aliquam

quam virtutem sustineant, non tamen convincunt, vt hanc sententiam insequamur; sicque prius solvuntur, si asseram, quòd quamvis plurimi agri febre pestilente laborantes, sanguinis missione facta periissent; hoc tamen est, quia fortè non fuit exercitum subsidium sub distinctione, quam inferius adducam: si enim venefica qualitas pestilens, non sit cum apparatu morbofo complicata, sed potius medio fomite genita, illo casu, cum sanguinis missio materiam morbificam non exhauriat, potius laborans febre, peribit.

Secundæ rationi respondeo, vt superius in alia solutione; quòd licet media sanguinis missione, successione ad id, quòd evacuetur, aliqua portio ad interna retrahatur; statim tamen ab opresione, natura levata, movetur denuò ad expulsionem; ita vt copiosius materiam morbificam ad externas partes trudat; vt experientia patet in morbilis, & variolis adhuc erumpentibus: deinde, quia non semper accidit talis retrocessus, nisi quando superfluum, phlebotomia evacuetur.

Tertiæ rationi respondeo, quòd licet circa principia, huiusmodi febres lenes, & mittes appareant; si tamen Medicus peritus, & cordatus extiterit, & magnam humorum plenitudinem animadverterit, statim venam scindere debet, antequam prædicta seminaria malignitatis, sint dispersa; aliàs parcè, sanguis mittendus erit, cum vires non ita valide sint ad huiusmodi auxilium permittendum, vt doctissimus Fracastorius, lib. 3. de febre maligna punctulari cap. 5. rectè persentit.

Quibus solutis, verior assertio est, quòd viribus consentientibus, si febris pestilens complicata sit cum morbofo corporis apparatu quomodocumque contagium proveniat, ipsum apparatus deponere oportebit, media sanguinis missione, dummodo talis apparatus morbofus, ex humorum, vel sanguinis copia congestus sit, quo quidem casu, non solum morbo incipiente, sed quotiescumque tumores dolorosi gravioriores, pustulæ, carbunculi, & antraces apparuerint, præci-

SANGVINIS MISSIONE. 293

puè eis apparentibus, si morbus non sedetur, cum vires confitent: notandum etiam expedit, quòd dum sanguis mittitur, quamvis maior sit morbi vigentia, parè tamen, & per vices, potius, quam confertim, & subito, est evacuandus, vt vires donec morbus consistat sufficere valeant, sic tenet doctissimus Mercatus, lib. 7. de febris pestilentis curatione fol. 46. notandum, similiter convenit, quòd, si febris pestilens ab aëris vitio, modo à cœlo, modo ab aqueis, vel à terra, aut quavis eius putrilagine nascatur, ita vehemens sit, vt citra morbosum corporis apparatus, vel spirituum, vel solidæ substantiæ corruptione, vel maxima humorum dissolutione celerissimo tempore hominem perdat, valdè sanguinem detrahère frustraneum est, præcipuèque si humor peccans, separatus fuerit à locis sanguinis, eandem etiam sententiam amplectuntur, Zacutus tom. 1. lib. 2. Sennertus, lib. 4. tom. 2. cap. 6. Gaspâr Bravo, disputatio. 1. resolut. 21. Riverius in curatione febris pestilentis, Massarias lib. 2. de peste, & alij quam plurimi.

Probatur igitur huiusmodi assertio primo, nulla alia est ratio propter quam, qualitas pestilens impediât sanguinis missionem, nisi quia vires languidæ sunt; atqui pluries vires possunt esse constantes, vt ferant sanguinis missionem: ergo in prædicta febre, aliquando sanguis valebit mitti; minor probatur ex distinctione allata; nam eo quòd detur apparatus morbosus pēdens à multitudine sanguinis, in principio febris, non dum natura est labefactata, imò si non levetur, à quanto, magis prædicta qualitas valebit omnem massam, & spiritus serpere: ergo si sanguis non mittatur potius extincto calore nativo, à quanto, & à quali, peribit æger: ergo tunc temporis sanguinis missio maximè confert.

Probatur ulterius, febris pestilens debet curari per evacuationem causæ, aqua dependet, sed in illo casu, talis febris pestilens pendet à copia sanguinis, vel humoris cum eo com-

mixti: ergo talis multitudo est evacuanda, non per purgationem; cum materia non sit separata: ergo potius per sanguinis missionem; viribus tamen consentientibus. Confirmatur etiam testimonio Gal. qui cum vehemens pestis Afsiam apprehendisset, ipsumque attigisset, secunda morbi die, remissione febris facta, crus scarificavit, duasque ferè sanguinis libras detraxit, hacque de causa, periculum vitavit; quod insinuat Oribasius 7. collectaneorum, cap. 20. Ergo, cū sanguinis missio indicata sit à febre pestilente, cum apparatu morbofo dicto complicata, necessariò exercenda erit.

Secunda verò quæstionis propositæ pars, etsi non quoad remedium in specie, quoad modum exercendi militat, videlicet, an pro pestilenti febre curanda, debeat fieri semper sanguinis missio ex talo: præsens percelebre dubium, variam authoribus opinionem parit; alij enim inquirunt, semper ex talo fusionem sanguinis, nūquam ex brachio, exercendam esse: alij, verò, aliquando ex brachio, aliquandò tamen ex talo, quæ sententia, vt verior est eligenda, ad cuius roborationem notandum expedit, quod si corpus sit plectoricum, ac materia morbifica putrida à qua febris nascitur, & fovetur, adsit in vasis maioribus, vt in trunco venæ cavæ sursum ascendentis, sanguis necessariò ex Brachio prius est mittendus; vt tandem revulsio, ac humorum tractio fiat in partem longinquam, vena tali erit scindenda, quod si corpus non nimis plectoricum, aut si in mesenterij venis copiosa humorum portio, à qua febris pestilens foveatur, superabundet, potius ex pede utilitèr sanguis est evacuandus.

Hanc assertionem subtilitèr extollit Gaspar Bravo loco assignato, eam tuetur Sanctorius lib. 1. epistolarum 2. Mercatus 7. de curatione febris pestilentis, Zacutus 3. observationum Medicar. observat. 44. Oratius Augenius 3. epistolarum, & consultationum Medicarum, in epistola pro Antistite, Maroja 1. de febribus, cap. de curatione febris malignæ, Senner-

tus lib. 4. cap. 11. & probatur, ex prima suppositionis parte, videlicet dum pletorica dispositio corporis adsit; nam sanguinis missio in febre pestilente, semper debet fieri secundum exigentiam febris, provt est putrida; sed provt est talis putrida, indicat sanguinis missionem ex brachio: ergo febris pestilens, provt putrida est, semper debet curari media sanguinis missione ex brachio. Maior probatur; venæ sectio in febre pestilente, non exercetur ratione pestilentiae, vel qualitatis maleficæ: ergo exercetur secundum exigentiam illius, provt dependet à putredine: ergo provt putrida est, indicat sanguinis missionem ex brachio: ergo non est exercenda ex talo.

Probatur vltcriùs; quamvis sanguinis missio indicetur in febre pestilente, velutè remedium revulsorium, & evacuatorium, sequitur maior vtilitas, vt evacuet proximā cordi morbigicam causam, quam revelat ex talo; sed facta sanguinis missione ex brachio, tutiùs, & celeriùs, evacuat ex corde talem causam morbigicam, quam si revelat ex talo: ergo quamvis indicetur, vt remedium revulsorium, & evacuatorium, cum hæc etiam salventur, exercenda erit maiori ex parte ex brachio, quam ex talo.

Confirmatur præterea, febris pestilens maiori ex parte ortum ducit ex putridis humoribus, in vena cava ascendente, existentibus, & potiùs ab ea disseminatis in vniversum truncum, quam ex illis, qui sunt in vena cava descendente; sed sanguinis missio ex brachio, certiùs, & securiùs, evacuat humores existentes, in vena cava sursum ascendente: ergo evacuat securiùs causam morbigicam febris pestilentis: ergo potiùs vena scindenda est ex brachio, quam ex talo, admissa tamen, vt dixi, dispositione corporis pletorica.

Secunda verò suppositio, videlicet, quod si adsit causa morbigica, febrem pestilentem fovens in vena cava, & ramulis deorsum, descendentibus, aut si in mesenterij, venis super-

a bundet, potius vena tali est seccanda; & probatur, si exigua sit humoris copia, qua febris pestilens fovetur, magis est revulsio indicata, quam evacuatio; sed sanguinis missio ex talo, est adhuc maior revulsio, quia in partem longinquam: ergo illo casu sanguinis missio ex talo erit utilior, quam ex brachio.

Probatur ulterius, si sanguis vitiosus existat in vasis inferioribus venæ cavæ descendentes, nulla existente plenitudine universali, venæ sectio ex talo celerius, & promptius evacuat materiam, quā ex brachio: ergo potius ex talo, quam ex brachio erit exercenda antecedens probatur, venæ brachij nullam habent communicationem proximam, cum venis inferioribus, in quibus materia morbifica continetur; atqui vena tali maximam obtinet communionem, cum prædictis inferioribus: ergo potius conferet sanguinis missio ex talo, quam ex brachio.

Obiicies tamen, quando adest indicatio revulsoria, & evacuatoria; hæc debet adimpleri, media evacuatione ad utrumque finem; sed in febre pestilente est indicata venæ sectio evacuatoria, ratione materiæ malignæ petentis cor; revulsoria verò, ratione qualitatis deleteræ, ad partes internas irruentis: ergo talis evacuatio, revulsoria, & evacuatoria debet fieri per loca commodiora; atqui facta ex talo, est commodior evacuatio ad utrumque finem: ergo potius in febre pestilente, sanguinis missio est facienda ex talo, quam ex brachio. Maior est certa. Minor ex duplici causâ respectu, qualitatis, videlicet venæ diversimodè fluentis, non potest negari: secunda altera propositio, minor, probatur, sanguinis missio ex talo, evacuat per ramum venæ cavæ descendentes, ex quo evacuat sanguis à venis maioribus, & iecore; deinde evacuat per partes inferiores, per quas melius revellitur materia: ergo venæ sectio ex talo utramque indicationem evacuatoriam, & revulsoriam adimplet: ergo cum ista duplex indi-

dicatio, detur in febre pestilenti, potius conveniet, sanguinis missio ex talo, quam ex brachio.

Solvitur, hæc arguties respondendo, quòd quando duplex adest indicatio, evacuandi, & revellendi, illa quæ evacuatoria sit indicatio, mittendi sanguinem, semper debet prævalere, quia præstantior est ad febris curationem, evacuatio causæ, quam revulsio; nec valet minor propositio allata, videlicet, quod ex vena tali excissa, etiam sit evacuatio causæ, hoc enim verissimum est, si causa febris pestilentis, in mesenterij venis, aut lienis reperiatur; si verò sit in vena cava ascendenti, ac venis ab ipsa disseminatis, potius revulsio, quàm evacuatio, quæ magis indicata est, fiet.

CAPVT XXV.

QVÆ VENA IN QVOVIS AFFECTV
secunda sit.

CVM in superioribus, satis de communiore modo revellendi, derivandi, & evacuandi; in diversis affectibus sit actum, nunc iam peculiaritèr, videlicet ex qua vena, in quovis affectu, sanguis debeat mitti; agendum venit, plenitudo igitur, quæ nullius partis est affectio, qualibet ex vena, citra electionem detrahatur, commodissimè tamen, ex interiore vena cubiti dextri; quæ à cava, & iecore, validissimè prohibet, biliosa deindè plenitudo, ex dextri similiter vena cubiti; melancholia verò ex interiore vena sinistri cubiti; ita lienis situs exposcit, quæ verò ex crudorum colluvie humorum, suborta fuerit, ex quolibet brachio potest adimere, eadè prorsus ratio est observanda, in febrium curatione, quare synochus febris, tum simplex, tum putrida, interiorem cubiti dex-

tri venam exigit seccari; veluti febris ardens, pestilens, quem admodum tertiana, & quotidiana, siue simplex, siue duplex, aut intermittens, vel continua; quartana verò, quæ continenter affligit, interiorem venam sinistri brachij exposcit.

Nec minus animadvertendū est, quòd in febribus putridis intermittentibus, seccanda est vena quandò, siue plectora, siue symptomatum crudelitas efflagitat, ex partibus supra claviculas existentibus, præcipuè quidem vena humeraria incisa revellit, & evacuat celerius, & validius ex cubito, tardius verò, in illo manus ramo, qui inter pollicem, & indicem excurrit; ex illis verò morbis, qui inter claviculas, & renes, sunt positi, interior scissa, revellit celerius in cubito; tardius verò, in manus ramo, qui inter anullarem, & minimum digitum extenditur.

Nec minus vtilē offertur penpendere, quòd infra renes in quacumque parte, affectus inhærescat, secta poplitis vena, impetu maiori, ac celeritate revellit; tardius vero, & infirmius, secta in maleolo saphena: inflammatio similiter, quæ rectos abdominis musculos, supra umbilicum invasserit, retrahetur, siue rebelletur apperta inferiore vena, quæ verò præhenderit, solum intestinum, quamvis sit subter renes, revellitur secta interiori cubiti.

Affectus præterea capitis, ex plenitudine ortos, tam internos, quam externos, siue incipiant, siue summam magnitudinem adquisiverint, secta cubiti humeraria revellit; dextros quidem dextra, sicut sinistros sinistra; si verò, id ignavius agendum sit, secabitur, quæ ex directo inter indicem, & pollicem manus existit, nisi aliundè, quam ex humeraria nascatur, nam illos, scarificatio scapularum, atque humerorum derivat, ac iniectione cucurbitulæ, sanguisque ex naribus profusus, sicut phrenitides, deliria, & apoplexias; vertigines verò, quæ oriuntur à capitis vitio, derivantur, sectis arteriis, quæ pone aures sunt: dolores præterea, qui priora capitis obsederunt, deri-

ban-

vantur aperta frontis vena; qui verò occiput, & posteriora possident, curcubitulis cervici, atque humeris appositis.

Oculorum etiam inflammationes, ac lacrimę validè mordaces, primum secta humeraria eiusdem lateris, deindè humerorum, & cervicis cucurbitulis retrahuntur, & efrenantur; derivantur verò, vena incissa, quę in alterutrum angulum fertur: non alitèr auribus inflammatis, & parotidibus, post humerariam, vena sub aure est seccanda: affectus calidiores gingivarum, maxillarum, & dentium, post humerariam illæ, quę sub labiis existunt, sectionem desiderant, ut in angina illæ, quę sub lingua cernuntur.

Pulmonum paritèr inflammationem, etiam revellit interior sinistri, potius quam dextri, veluti sanguini qui tusiendo reiicitur; tabi, palpitatiōi cordis, aliisque vitiis similibus, eadem vena sinistri brachi succurrit, quemadmodum pleuritidi, ac pectoris, & diaphragmatis inflammationibus, ex eodem latere interior vena secta, revellendo, ac derivando confert: inflammato quidem iecore, sive gravitèr oppresso, interior dextra seccatur, veluti liene male affecto sinistra interior succurrit, ex cubito validiùs, ex manu verò languidiùs; derivatio ex liene in alvum fit, veluti ex cava iecoris parte, ex giba verò in urinam.

Quælibet præterea recens renum inflammatio, ex interiore cubiti vena revellitur, dextri quidem, si ren dexter; si sinister, sinistri affligitur: in affectibus similiter vteri, si menses prætermo- dum emanant, vena cubiti interior impetum detinebit, sursumque sanguinem retrahet, veluti curcubitulæ, infra mamas, vel etiam umbilico infixæ, supræstos verò menses, secta vena in poplite existens, aut maleolo, maximè movet; quia sanguinis missio impetu deorsum inverso, venæ pertinentes ad vterum innaniuntur. Hoc tamen, non semper exequendum est, nisi plenitudo universalis deposita fuerit: eadem venit paritas doctrinæ, in sanguinis effluxu, affatim per he-

morrhoidas; nā secta cubiti vena supprimit eas. Suppressas vero, malleoli vena scissa evocat, si aliqua inflammatio partes obsecnas, vel vesicam infestat, cum non sit particeps alicuius, perniciosi venenatae. potius ex cubiti venis superioribus, multitudo est semovenda; postea verò, si magna præmat necessitas, ex inferioribus, particularis revulsio, & derivatio est efficienda, quæ doctrina de omnibus aliis partium inferiorum affectionibus, æqualiter est observanda.

Morbi etenim qui, ex præsentī plenitudine, futuri metiuntur, sunt arcendi sanguinis detractione; ita vt si plenitudo esset ex suppressis mēlibus orta, quisquis morbus minetur congruenter profligabitur, sectione vasorum inferiorum, quemadmodum, si ex longa consuetudine, hæmorrhoides fluentes cohibeantur, ex quibus plenitudo nascatur, ista ex inferioribus haurietur, nisi æger illas obsecare intēdat, posteaque, humorem obnoxium habere desideret, tunc enim plenitudo ex superioribus erit detrahenda, quælibet igitur plenitudo, quæ ex aliis causis morbos minetur, illos secta vena iecoraria cubiti dextri cohercebit, pars deinde affecta, cuius vasa facile rumpuntur, aut promptè fluxionem recipit, quamvis ista sit innanienda; non per finitimam, & proximam venam, cum adhuc morbus genitus non sit; sed potius per venam longissime, & directo disiunctam, quæ fluxionem futuram inhibeat, ac humoris impetum, in diversam regionem avertat.

CAPVT XXVI.

*QVAM UTILITATEM, VEL
nocumentum, spontanea sanguinis eruptio,
conferat in morbis.*

SANGVIS, qui affatim, copiosèque profluit, tum in ple-
dora in gravescente, tum in febre synocha, vndecumque
contingat, sanguinis missio, gravitatis, & plenitudinis symp-
thomata remittet; in febre verò continua, per quam humo-
res in maioribus vasis contenti putrescunt, sanguis copiosè,
atque affatim profiliens, non æque auxiliatur; nam qui è nari-
bus ægreditur, quamvis vigilias, deliria, dolorem capitis, alia-
que symptomata demulceat, nequaquam tamen propriam
morbi radicem evellit, nisi fortè immoderatio profusio,
cum summa virivm dissolutione contingat; quæ tamen num-
quam est desideranda; viciosus enim sanguis per nares postre-
mo effluit, postquam iam magna virtus laudabilioris, fuerit
effusa.

In his igitur febribus, licèt sanguis è naribus illabatur, vena
tamen cubiti ob huiusmodi rationem seccanda est; at verò,
qui per istos morbos, ex hemorrhoidalibus vasis, sive vtero,
affatim, & copiosè profluit; maximè confert, quod proximè è
vena cava lumborum decidat, multotiès tamèn, nec ipsam fe-
bris radicem extirpat, quæ in cordi proximis venis adest; sæ-
piùs etiam mensibus profluentibus, & in puerperiis, quæ ritè
purgantur, propter febris intensissimum ardorem, sanguis
(quamvis parcius) ex cubito deponendus est, ligatis tamen
cruribus, aliàs febris acuta non curabitur, vena secta ex talo:
eadem currit ratio, sanguinè mittendi ex cubito, hemorrhoi-

de profluente. ex inflammatione verò, aliisque affectibus, qui supra iecur, & diaphragma reperiuntur, nihil aut minimum remittitur, sanguine fluente ex vtero, aut hemorrhoid: neque remittuntur affectus, qui occupant inferiores sedes, licet sanguis, è naribus profluat, quemadmodum nec sanguis emanans è nare dextra, affectus sinistros, nec ex sinistra, dextros profligare valet.

Vt igitur morbi debastentur, venæ sectio, aut per se, aut ex accidenti auxiliatur; per se, vel quia vacuat, vel quia revellit; ex accidenti verò, dum refrigerat quandò educit sanguinem calidiorem, vel obstructionum causam expellit, multitudinem nimirum à qua dependent; his quidem affectibus, præcipuè quibus per se medetur, exercenda est, non autem quibus per accidens solum; non enim est tutum calidiorem iecoris temperiem corrigere media sanguinis missione, si illius adsit penuria, sed potius subsidiis, quæ propriè sanguinem, media qualitate contemperante, refrigerent.

CAPV T XXVII.

QVOMODO EX MORBI MAGNITUDE, & virium robore, metienda sit quantitas sanguinis euacuandi.

QVANTVM sanguinis in morbis, detrahendum sit, vt magis arduum, & difficilius, explanandum occurrit, cum Hyppoc. & Gal. diversis in locis, extremas, vt supra vires euacuationes, nequaquam exercendas esse iubeant, præcipuè aphorism. 4. sentent. 27. Hyppoc. adducit incommoda, quæ ab immoderata sanguinis euacuatione subsequuntur, sic alloquens: *Quibus in febribus, sanguinis fluxerit multitudo, qua-*

cum.

SANGVINIS MISSIONE. 303

cumque ex parte, cum reficiuntur, ali vi his, humectantur; idest sive à natura, immodica sanguinis multitudo, sive ab arte fulta fuerit, qualibet ex corporis parte, dum ægri convalescunt, in his alivi humectantur; idest, habitus cachexici, & hydropici fiunt, cuius rationem Gal. in comment. adducit, his verbis Calore nativo debilitato ex profluo sanguinis, neque cibi bene concoqui, neque in sanguinem transmutari, multò autem magis, nec distribui possunt per corpus: & propter hæc omnia, alios fieri humidiores par est &c.

Tum, & etiam ipse Gal. 9. metho. medendi cap. 10. asserit: *Sanguinis missio, quam usque ad animi defectum faciendam esse, paulo ante diximus, non parvum, merito subsequetur incommodum, nisi oportuno tempore, aut debita mensura fiat; nec minus Hyppoc. apho. 1. sent. 3. inquit: Neque compressiones ad extremum ducendæ (periculosum enim) sed qualis natura fuerit eius ad hoc ducere convenit; sic, & evacuationes, quæ ad extremum deducunt periculosæ; nec minus Gal. hanc ampliavit doctrinam apho. 1. comment. 23. asserens, sive à natura, sive à nobis evacuatio fiat, omnino metiri oportet, quantum sit evacuandum; scuti enim qualitatem eligimus, humorem noxium, atque molestum evacuant; ita quantitatem oportet eiusdem humoris noxij, multitudini facere congruentem. Et inferius prosequens sermonem, sic fatur; nam si humor superexcedens evacuetur, tunc ipsum, se ipso, ægrotum fieri leviores, & melius tolerare est necessarium; quod si ali-quod etiam ex his, quæ natura constant excernatur, dissolvi, ac debilitari ægri vires, & quandam sentire afflictionem, &c. Ergo ex Hyppoc. & Gal. valdè mensuram sanguinis mittendi, perpendere oportebit.*

Ad evacuandum igitur, quantum perferre queant vires, accedendum est; nam æqualis, & legitima vacationis quantitas, citra insignem virium offensionem, morbum adi-mit; validis enim, & constantibus viribus fidenter, quantum

morbus desiderat, erit vacuandum; minùs verò validis, par-
tius, postratis, nihil est molliendum; sicque vnicuique virium
ordini, sua peculiaris quantitas vacuationis, proportionē, po-
test reddi: altera enim vacuationum, integra, perfecta, & ab-
soluta statuitur, quæ omnem, aut plurimam morbi materiam
adimit; alia quidem etsi utilis, non tamen est integra, quæ
portione morbi sublata, reliquam leviolem efficit: tertia ve-
rò, ita est exigua, & deficient, vt nihil laborantem leuet: vi-
res igitur valentes, integram, & consumatam; mediocres im-
perfectam, & utilem; postratæ verò, nullam mali evacua-
tionem curatricem perferunt.

Inspicienda similiter est vehementia, & morbi magnitudo
ad evacuationis mensuram sanguinis decernendam; quicum-
que nimirum vehemens, & magnus morbus fuerit, copiosam,
ac necessariam evacuationem exposcit, sine qua, aut nullo
modo, aut non tutò sanari potest: mediocris verò morbus,
moderatam, quæ raro sufficiens, sed utilis est, per quam ci-
tius, ac tutius morbi profligatio perficitur: exiguus morbus,
etià exigua, aut nullius omnino vacuationis indiget; sed quod
de viribus alloquar, cū ita necessariò ad ferendas evacuatio-
nes ab eis morbus affotietur: Cum igitur vires sint plenæ in-
tegræ, & morbus mediocris, venæ sectio valde est uti-
lis, & quantum morbus desiderat tutò sanguis potest ex-
hauriri, cum in virium firmitudine, & constantia, morbus
facile linquat.

Periculosus similiter, & magnus morbus, qui vasa im-
moderatiore copia distendat, veluti in athleticis, & in febribus
synochis, necessariò, vberiolem evacuationem, quæ magnitudi-
ni affectus respondeat, exigit, vt Hippoc. asserit loco citato,
vsque ad animi defectionem ducere, si æger possit tolerare,
non quidem in præsentī loquitur de animi deliquio, quod ac-
cidit, vel timiditate, animi ignavia, vel humoris acrimonia,
quæ os ventriculi pungit, ac irritat; sed solum de illa, quæ vu-
be,

beriolem evacuationem consequitur: hanc enim tanquam regulā, modūque legitimū evacuationis in morbis extremis statuit; est autē lypothimia, sive lypofichia, in qua æger adhuc loquitur, audit, & videt, præsentēsq; agnoscit: syncops verò, est præceps omnium virium lapsus, vt epilepsia, qua laborans, nec audit, nec videt, omnesque actiones externas quasi interceptas obtinet: lypothimia levior est syncope; nam istam defecationem semper solet præcedere; in his igitur affectibus sanguinem mittere, vsque ad lypothimiam permittitur (vt infra latius patebit;) numquam enim evacuationes, vsque ad syncopem veram sunt ducendæ, ne omnino periculosa evadant, licet antea essent validæ vires.

Tentandum igitur est, mittere humorem exuperantem, quo vsque vires ferant; & quocumque dissolvantur tempore, protinus est quiescendum; quod vt perfectè discamus, debemus pulsuum mutationem perpendere, vt si ex magno parvum, ex æquale inæqualem, & ex vehementi debilem percipiamus; quia verò syncops est mortis imago, quæ adstantes terrore afficit, ægrumq; in maximum vitæ periculū ducit, à prædicta evacuatione valdè Medicus, si animam, & honorem magnificare cupit, abstinetur; cōducibilius enim, est laborantem diutiùs pati affectionem, quam vna cum morbo, omnem profundere vitam: quandò autem semel vniversa, citra periculum, exerceri evacuatio non potest; quòd se vitiose habet, paulatim vacuare convenit; minutimque aliquid subtilre reponere, ac primum quantum vires ferre valeant; detrahare, deindè quòd de fuit, iterationeq; supplere, idque bis, ter, vel sæpiùs fieri debet.

Cum verò aliquādo vires languidæ per essentiam sint, et si morbus exigat, nulla evacuatio est intendenda; nam quæ sit exigua, postratis viribus æqualiter respondens, tamquam inutilis, & frustanea, est renuenda; nam nihil commodi, multum verò incommodi, atque perturbationis plurimum in-

infert; quare hoc in casu, vires prius cibis boni succi, modicè,
ac sæpius refici debent, vt facultas morbo contraria, melius
obstet, quæ vim cacochimix corrigat; si vero postea vires
refici, ac roborari contingat, tunc evacuatio idonea fiet,
vt in morbis cronicis accidere solet.

CAPVT XXVIII.

IN QVIBVS AFFECTIBVS MIT-
tere sanguinem liceat, vsque ad animi
deliquium.

CVM in superioribus explanatum maneat, quando san-
guinem mittere conferat, vsque ad animi deliquium-
quod valdè à syncope differt, non verò à lypothimia, & lypo-
sichia, parum verò ab animi defectione, vt Hypp. 3. aphor.
23. vtitur nomine lypothimix, & in eadem significatione 7.
aphorismor. sent. 8. vtitur nomine lyposichix, vt etiam Gal.
12. methodi cap. 5. animi defectum significat, voce lypothi-
mix, & 1. ad Glauconem cap. 14. vtitur vocabulo lyposi-
chix; quia est idem affectus, sicque exolutio, animi deliquium,
& syncops, valdè differunt, quia animi exolutio est levior af-
fectus. grauior animi defectus, siue deliquium, grauissimus syn-
cope; quare inter syncopem, & exolutionem, mediat animi
deliquium, de quo in præfenti occurrit sermo; vt quibus affec-
tibus conveniat, innotescat. ponamus igitur, sanari non pos-
se ægrum, nisi magna fiat vacuatio animi deliquiū inferens, &
quod si hæc prætermittatur, necessariò æger pereat, quis non
magis animi deliquium, siue lipothymiam decerneret, quæ
licet aliquem languorem exhibeat, hoc tamē nō obstante, va-
let adhuc virtus refici, ac faciliè in pristinum statum reduci, ac
simul

SANGVINIS MISSIONE. 307

simul reliqua, quæ sint, per vomitum, per alvum, aliasque vias propellere, quam si mittere, ac timiditate correptus ægrum vitam profundere sinat.

Quibus sic præostensis, quam plures sunt affectus, in quibus vique ad animi deliquium, sanguinem mittere oportet, præcipuè tamen reperiuntur tres, quorum primus est vehementissima inflammatio, ratione cuius maximus dolor concitatur, ut in carbunculo contingit, ut testatur Gal. 14. meth. idem etiam, vehementi pleuritidi accidit, in qua præcipit Hypp. sanguinem educendum esse eo usque coloris mutatio appareat, videlicet pro rubeo, niger videatur effluere, quod non continget, nisi evacuatio copiosa sit, ut sanguinem in phlegmone contentum educat, necessitas verò huius copiosæ evacuationis est, quia cum existat magna fluxio, magna revulsio, multaque propter insignem plenitudinem, est exercenda evacuatio, ut Gal. loco citato comm. 33. 1. aphorif. inquit, in vehementissimis doloribus, nullum dari maius præfidium, quam usque ad animi deliquium vacuare, sub distinctione tamen, an purgare, an venam seccare expediat.

Secundo; in febre sinocho, tam putrida, quam non putrida, sanguinem usque ad animi deliquium mittere convenit, ut Gal. 9. metho. cap. 4. exponit: *Optimum factu visum est, venam incidere antequam putredo inciperet; aufero itaque ab homine de industria, eo usque sanguinem quoad animo liqueretur, maximum planè, ubi valentes vires sunt, continentis febris remedium, id quod tum ratione, tum experientia didici;* primum namque in contrarium statum, corpus redigitur, ex animi defectione refrigeratum; hoc verò nemo invenire potest, neque quod ipsis ægris, neque quod naturæ, quæ animantes gubernat, iucundius, utilisve sit; postmodum in huiusmodi corporibus, necessariò supervenit alvi deiectio, nonnumquam verò bilis vomitio, quas res statim à toto corpore, sudores, mioresque excipiunt, quæ nimirum omnia, cum huius quoque contigis-

sent.

sens, protinus febrem extinserunt, sic ut quidam ex his, qui aderant, iugulasse, me febrem, per iocum dicerent, unde omnes risimus.

Idem etiam Galenus commentar. dicto 23. roborat, sic asserens: Ea igitur, quæ sit animi defectio, ratione evacuationis, nunc ab Hyppoc. dicta, est mensura evacuationis, & in maximis inflammationibus, & in febribus ardentibus, & vehementissimis doloribus, & inferius præbet rationem, sic alloquens: Nam & in ardentissimis febribus, si usque ad animi deliquium, sanguis mittatur, statim totius corporis habitus refrigeratur, & febris extinguitur, & plurimis etiam alvus citatur, & sudores emanant, & quidam eorum ex his, sanitati sunt restituti; alij adiuti plurimum, vehementiam ægritudinis absciderunt; in maximis verò doloribus, nullum maius inveni remedium, quàm usque ad animi defectum evacuationem.

Ex his manifestè patet Gal. his in morbis, & aliquando in lassitudine tensiva, & phlegmonosa, eandem evacuationis quantitatem ut perutilem laudare, & 4. de sanitate tuenda, cap. 10. non tamen consuluit Galenus sanguinem, usque ad syncopem esse mittendum; nam potius, ut in superioribus diximus, ægri vita profunderetur, quam victrix natura, post evacuationem exurgeret, ut ipse docet 9 method. ca. 10. cum inquit: Quippè alia huiusmodi prædita sunt facultate, ut si immoderatè, aut intèpestivè utatur, vitâ adimant, si quidem in sanguinis missione (quam usque ad animi defectum, faciendam esse paulo ante diximus quo flamma, in continentibus ex meatuum clausula febribus) extingueretur, non parum meritò subsequeretur incommodum, nisi opportuno tempore, aut debita mensura fiat; duos namque in ipsis Medicorum manibus, perire vidi, qui postquam animo linquerentur, numquam revixerunt; multi verò, et si non protinùs, at postea propter virtutis imbecillitatem perierunt, quos si quis citra eius resolutionem vacuasset: minimè periissent. Ergo ex Galeno

manifestè ellucescit evidens, & gravissimum discrimen, in quod ægros adducunt, qui sanguinis missionem, vsque ad syn- copem permittunt.

Quamvis hæc selectior apud peritiores doctrina sit, aliqui tamen, neque adhuc evacuationem vsque ad animi deliquium amplectuntur; & probant primo, nam natura numquam efficit crism, vacuando sanguinem vsque ad animi deliquium; sed Medicus est immittator naturæ rectè operantis: ergo cum natura numquam criticè evacuet sanguinem vsque ad animi deliquium, neque Medicus hoc debet efficere.

Quod diluitur primò, retorquendo argumentum, nam natura in principiis morborum per se numquam benè evacuat: ergo ars ipsa numquam poterit id optimè facere, hoc est falsum: ergo illatio superius dicta etiam est falsa: quod autem falsum sit, artem non posse optimè in principio morbi evacuare, probatur, nam quando materia turget, aut humores venenati sunt, si ab arte evacuentur, salutaris est evacuatio, à natura verò multoties pessima, & lethalis, vt Hyppoc aphor. 4. 22. inquit: *Deiectiones nigrae, qualis est sanguis niger, siue sine febre, siue cum febre venientes pessimæ, & quanto colores plures fuerint peius; cum medicamento verò meliùs, & quanto colores plures fuerint, non pravi.* Ergo in his evacuationibus, ars non immittatur naturam, ars enim aliquandò ipsam immittatur, aliquandò eam imbecillam adiuuat, aliquandò ipsa per se agit, tamquam architectonica, in qua re, ars evadit longè superior naturæ; ex quo infertur solutio instantiæ; nam licet natura nūquā evacuet sanguinē, criticè operādo, vsque ad animi deliquiū; nō tamē ex hoc sequitur, quod aliquandò ars, nō debeat talem evacuationem moliri; nā in his, quæ numquam facit natura, eā immittatur Medicus hac ratione nimirū, quod eo modo Medicus operatur, quo natura operaretur, si tale opus efficeret; ars enim domū efficit ad imitationē naturæ, nō quia natura domū fabrefaciat, sed quia si faceret domū, eo

dem modo à natura fabricaretur, vt inquit Oratius Augenius insequens Auertoem, yndè quâvis natura non evacuet, vsque ad animi deliquium, non propterea ars vrgente necessitate, ad talem evacuationem exercendam impediatur. Præterea cum Oratio Augenio possum respondere negando primam maiorem, videlicet numquam naturam, vsque ad animi deliquium evacuare; aliquandò enim aliqua crises, per vomitum, aliæ per alvum factæ, vsque ad animi deliquium, integram salutem ægris contulere; vt fatetur Oratius Augenius.

Obiicies 2. illa est laudabilis evacuatio, quæ humores superuacaneos educit, & intus bonos humores continet; atqui evacuatio facta, vsque ad animi deliquium, tam malos, quam bonos humores educit: ergo talis evacuatio numquam est exercenda. Maior probatur, ex 4. apho. sent. 2. Hyppoc. *In medicationibus talia educere ex corpore, qualia spontè prodeuntia, utilia, &c.* Ergo illa erit bona evacuatio, quæ humores tantum pravos educat, præterea ipse Hyppoc. aphorif. 1. sentent. 2. *In perturbationibus ventris, & vomitibus spontè factis, si talia qualia purgari oportet, purgentur, conferunt, & levitèr ferunt, &c.* Ergo vt evacuatio laudabilis sit, tantum humores pravi sunt evacuandi. Minor verò probatur, vacuatio facta vsque ad animi deliquium, non potest fieri, quin boni humores evacuentur, aliàs non animo, æger delinqueret: ergo quia simul evacuatur humor laudabilis, & pravi: ergo talis evacuatio, vsque ad animi deliquium non est bona, ac proindè non est exercenda.

Diluitur hæc arguties concedendo maiorem, minorem verò negando, nimirum, quòd media sanguinis missione, evacuantur humores boni: malus enim humor, potest dupliciter dici, vel qualitate, vel quantitate, quare quando sanguis phlebotomia vacuatur, etsi qualitate sit laudabilis, & bonus, quantitate tamen, quia multus, dicitur malus; sicque quamvis

SANGVINIS MISSIONE. 311

evacuatur, usque ad animi deliquium, totus ratione quantitatatis, naturam gravantis, & obruentis calorem nativum, dicitur malus, & inutilis; vel si mavis, concedo etiam aliquam humoris laudabilis portionem evacuari, non tamen ideo talis vacuatio est renuenda; nam ex duobus incommodis, illud quod minus exiterit, perpetuo eligendum est; quare sanguinis missio usque ad animi deliquium, multò minus incommodum, quam ipsa mors dicitur, ut eligatur. Præterea, in qualibet evacuatione sanguinis moderata, evacuatur portio utilis materię, cum inutili, & tamen hoc non impedit, quod fiat, cū maior sequatur utilitas, quam incommodū: ergo non aliter inferendum est in prædicto subsidio.

Obiicies 3. illa evacuatio non est admittenda, quæ periculum vitæ minatur, & ex accidenti solum operatur, quod Medicus desiderat; atqui est valdè periculosum hoc auxilium, ut eventus talis evacuationis declarat, cum multi in Medicorum manibus mortui fuerint: ergo talis evacuatio, usque ad animi deliquium nequaquam est exercenda. Maior propositio probatur ex Gal. 1. 2. metho. cap. 1. asserente: *Esto terminus, quem non transivit, his qui ex arte, generosè contra morbum pugnat, ut tutò medicetur ei, qui dolores mittigat, ut vires custodiat, ubi ultra pergitur, crudelis Medici officium facit, qui una cū morbo vitam quoque homini aufert.* Ergo ex Gal. constat, quod cū hæc evacuatio periculosa sit, & aliquandò vitam hominis adimat, nequaquam est exercenda: quod verò ex accidenti contingat ex tali evacuatione, quod desideramus, probatur, quia ex sanguinis evacuatione accidit refrigeratio; ista tamèn per se ab alterantibus; ex accidenti verò ab evacuantibus remediis, solum deberet fieri: ergo si utilitas evationis, solum est ex accideti, & vitæ discrimen per se sequutum, multò certius erit, huiuscemodi evacuationem potius renuendam, quam exercendam esse.

Huic respondeo argumento, concedendo maiorem, ne.

go tamen minorem, videlicet, quod solum ex accidenti, agri-
leventur, ex eo quod sanguine misso, totum corpus refrigeretur;
nam etiam sequitur per se aliud maius, & laudabilissi-
mum commodum, ne quidem natura à maxima sanguinis copia
oppressa suffocetur, qui interitus media evacuatione, usque ad
animi deliquium præcaveretur, quod levioribus præsidiiis, non
posset adimpleri; sicque talis evacuatio sanguinis supramo-
dum adaucti, non solum ex accidenti, sed etiam per se, valde
commoda, & indicata est: deinde experiëntia ex interitu agro-
rum adducta, non est intelligenda, de evacuatione usque ad
animi deliquium, sed usque ad syncopem; nam illa non est su-
pra vires, imò natura ab oppressione levata, validior reddita,
solet crissim efficere, reliquos vacuando humores, tum per vo-
mitum, per alvum, & per sudorem, vt ex Gal. historiis, supe-
rius patet.

Insurges demum, illa evacuatio non est admittenda, quæ
corpus præparat ad putredinem; atqui sanguinis missio usque
ad animi deliquium, præparat corpus ad putredinem: ergo
non est admittenda. Maior est certa; minor probatur, putre-
do inducitur à caloris imbecillitate, cum illa sit corruptio ca-
loris nativi, & proprii; atqui media illa evacuatione calor
redditur imbecillis, cum æger animo linquat: ergo corpus
media illa evacuatione, præparatur ad putredinem: ergo ta-
lis evacuatio nequaquam est exercenda.

Cui respondeo concedendo maiorem, nego similiter mi-
norem; videlicet, quod calor reddatur imbecillis, & languis-
cus ex tali evacuatione; nam cum talis evacuatio, non exce-
dat virtutem naturalem; imò calor natus perfectius venti-
letur, deposita humoris multitudine, naturaque vegetior, &
victrix reddatur, vt reliquam materiam supperet; proinde
nequaquam est dicendum, calorem nativum languidum red-
di: nec valet si asseras animo linqui: ergo calorem nativum
reddi imbecillum: hæc enim imbecillitas, non quidem est
essen-

essentialis, ex eo quod natura innanita sit, à substantia qua indigebat; sed ex eo quod modus innanitionis, quia subito factus instantaneum, non verò permaentē animi deliquiū inducit; ac proindē sanguinis missio in præsentibus morbis exercenda erit.

Ingeniosè tamen dubitabis, an videlicèt eadem ratio militet admittenda, circa evacuationem vsque ad animi deliquium à pharmaco purgante; cum Gal. aphorism. 2. sentent. 23. vt diximus, non exiguam difficultatem proponat asserens: *In maximis verò doloribus nullum præstantius novi remediū ac evacuationem, quæ ad lypothimiam vsque fiat, cum ea tamē distinctione, vt intelligatur; phlebotomia ne; an purgatione ad defectum vsque animi vti conveniat?* Quam rem demonstravimus in commentariis, quos de phlebotomia conscripsimus. Ex quibus Gal. verbis videtur, evacuationem medicamento purganti, vsque ad animi deliquium, posse fieri.

Eandem extollunt difficultatem Hyppoc. verba 1. aphor. sent. 23. *Deiectiones nō multitudine sunt æstimandæ, sed si talia deiciantur, qualia conveniunt, & ægri faciliè ferant; atq; ubi etiā vsque ad animi deliquiū expedit ducere, faciendū est, si vires ferant.* Ergo Hypp. in præsentī intelligēdus est de medicamento purgante: cū asserat: *Si talia purgētur, qualia;* quæ verba semper de cacochimia, & de purgatione intelliguntur. Rursus hoc verbum, *deiectiones;* idem est, ac vacuatio per alvum, addit deindē; *vsque ad animi deliquiū expedit ducere;* ergo talis vacuatio per alvum vsque ad animi deliquium, idem est, ac purgatio vsque ad animi deliquium: ergo ex Hyppoc. & Gal. aliquando licebit purgare vsque ad animi deliquium.

Valdē ingenia hæc duo loca contorsere, cum alij affirmativam, alij verò negativam partem insequantur; sed qui ex prædicta evacuatione pharmaco purgante, gravissima incommoda perpendat, potiùs tale subsidium renuet, vtpotē temerarium, & autoritatibus conscriptis satisfacere connabitur: sicque.

sicque respondeo primò authoritati Gal. quod eius verba nō sunt intelligenda, nisi tantum de sanguinis missione; videlicet in vehementissimis doloribus convenit, aliquandò sanguinem mittere vsque ad animi deliquium, aliquandò neque remedium convenit, neque modus vacuationis; propterea distinguendum est, vtrum purgare, an sanguinem mittere cōveniat, vt libro de phlebotomia demonstravit; in quo, nec verbum protulit, purgādum fore vsque ad animi deliquium; sed solum distinctionem adduxit, an isto, an verò illo generoso remedio sit vtēdum? Sicque purgatio vsque ad animi deliquium, nullatenus admittenda, constat ex Gal.

Hyppoc. similiter authoritati respondeo, quòd in aphor. duæ ad sunt partes, quarum prior alloquitur de purgatione; posterior verò, de sanguinis missione, quæ secunda pars proposita est in virtute prioris partis; nam aliquando conferre, & facile ferre evacuationem, non solum intelligitur de evacuatione humoris qualitate peccantis, sed etiam quantitate; vnde, cum confert, & natura substat, etiam percipitur dū sanguis mittitur vsque ad animi deliquium, cum adhuc sit evacuatio intra latitudinem virium; sicque licet dicat, ducere vsque ad animi defectionem; idem est, ac quantitatem sanguinis metiri venæ sectione, si æger possit tolerare, non verò ducere, id est purgare, (cum illa actio rectè possit duci, sive à Medico gubernari ad mensuram rei evacuandæ.)

Ex his satis infertur, purgationem nullatenus vsque ad animi deliquium permittendam esse, duplici de causa, prima quidem summitur à medicamēto purgante; secunda verò ab ipso virium robore; quare si medicamentum purgans vehementissimè purgaverit, non obedit; sive cedit Medici potestati, vt possit semper illius actionem cohibere, ac impedire ad libitum, vsque quo sit evacuatio necessaria, & non magis: & vt hæc ratio explendescens maneat, supponamus ægrum incidere in animi deliquium, vi purgationis à medico exercitæ, nunc in.

SANGVINIS MISSIONE 415

inquiritur, quid agendū erit, ne sequatur syncope, & tandem mors: Vt doctissimus Oratius Augenius etiam dubitat, si alle-
rat quis, quod vtendum erit: medicamentis adstringentibus,
vt virtus purgativa ebetetur: semper inquiram de certitudi-
ne, quæ possit dari, vt detineatur talis purgatio; nam ali-
quando, ita medicamenta vehementissimè, & effrenatè op-
perantur, vt nullo præsidio refrenari, & cohiberi possint,
quare valdè crudele, & periculosum erit, indifferentem evē-
tum, & valdè acerbum; committere alicui remedio, vt in
pharmaco purgante solet contingere; è contra vero in ve-
næ sectione, quam si Medicus velit, statim potest, digito im-
posito sistere, vt Gal. lib. de venæ sectione, adversus Erasistra-
tum inquit, quod exhibito purgante medicamento, omnia
sunt opera fortunæ:

Secunda paritèr consideratio summitur ex virium robo-
re; nam quando corpora medicamentis purgantibus indigēt,
vt plurimum pravis humoribus sunt referta, quare necessa-
rio vires, vi cacochymia, non parum imbecillæ fiunt: ergo
evacuatio purgativa ab eis vsque ad animi deliquium, non
valebit sustineri: quare satius erit moderatam, vel diminu-
tam decernere purgationem, quam supramodum, vt Avi-
cenna exponit sectione 4. primi lib. cap. 3. asserens: *Id eoque
minus detrimentum sequitur, aliquid superflui relinquere,
quod evacuatione indigeat, quam exquisitè vacuare, a grum
que eo reducere, ut vires exolvantur, natura enim illud re-
siduum, sæpissimè resolvit.* Ex quibus manifeste colligitur,
sanguinis missionem, benè vsque ad animi deliquium; purga-
tionem verò, nequaquam esse ducendam.

Obiicies tamen, sanguinis missio potest fieri vsque ad ani-
mi deliquium: ergo etiam purgatio: antecedens patet ex dic-
tis: consequentia probatur, tota ratio propter quam, sangui-
nis missio vsque ad animi deliquium est utilis, & permitten-
da, est quia non excedit limitem, & latitudinem virtutis:

naturalis; sed purgatio vsque ad animi deliquium, non excedit latitudinem virtutis naturalis: ergo sicut sanguinis missio eo modo dicta, est utilis, & permittenda; ita etiam purgatio. Maior probatur, ex eo quod sanguinis missio, sit vsque ad animi deliquium, & non syncopem, potest substineri à natura: ergo quia non excedit virtutem naturalem; minor probatur, nam purgatio vsque ad animi deliquium, non inducit grauius accidens, quam sanguinis missio, siquidem etiam est vsque ad animi deliquium: ergo æqualitèr substineri potest à natura, quemadmodum sanguinis missio: ergo æque utilis erit purgatio, & admittenda vsque ad animi deliquium veluti sanguinis missio.

Diluitur prædicta obiectio, respondendo negando maiorem; videlicet, quod ideo solum exercenda est sanguinis missio vsque ad animi deliquium; quia non excedit, virtutem naturalem; sed etiam, ne excedat talem virtutem, hoc est; ne transeat in syncopem, potest sisti, cohiberi, & moderari à Medico talis evacuatio; at verò, quia purgatio non ita potest mensurari, vel metiri vsque ad animi deliquium, & non vltius, idest ad syncopem propter rationem superius dictam; ideo purgatio, quamvis sit laudabilis, si solum vsque ad animi deliquium contingeret;

tamen, quia ista non potest determinatè finiri,

ideo non est admittenda, sed vt

valdè periculosa exclu-

denda.

CAPVT

CAPVT XXIX.

*QVO TEMPORE MORBI, QVA DIE,
& qua hora sanguis mittendus sit.*

CVM morbifica causa est plenitudo, aut humorum labes in vasis illis incipientibus, vena sc̃ta cito solet semoveri, hoc enim ordine, quidquid morbi est, in posterum gignendum præcavebitur, quidquid verò iam genitum, & procreatum sit, facilius natura concoquet, vincet, ac profligabit; sic ardentiores febres, antequam sanguinis moles, fervoris incendio torreatur, aut vehementior putredo invalescat, celerimè sanguinis missione extinguuntur; veluti etiam omnes inflammationes interiores, hoc auxilium radicatus adimit, dum humor, qui fluxerat, in partem nondum inhærens, impetum, & cursum sanguinis profluentis sequitur; vires etiam cum adhuc per initia firmæ, ac validæ sint: præterea hoc tempore, huius subsidij virtute, morbus suas vires amittet.

Ut igitur maturè vena disecetur, priùs requiritur, ut vètricus, primæque venæ, nulla humorum corruptela, (ut supra) nec cruditate, nec semicodto cibo refertæ sint, ita ut coctione spectata, sanguinem detrahamus; nec solum temporū univèrsalium, verum etiam particularium, & dierum, quibus morbi iterum per fluxiones, & periodos recurrunt, opportunitas est eligenda, in illis præcipuè morbis, qui finitam, & determinatam intermissione, vel remissionem obtinent, evacuationio non est exequenda, morbo excandescenti, sed mittescenti: natura quidem plerumque, in febrium intermittentium accessionibus, vomitiones solet movere, veluti indeclinatio-

nibus, sudores; quo tempore etiam Medico licebit, vtiliter arte præmovere; nequaquam tamen in ipsis accessionibus alvi deiectionem, vel venæ sectionem; quia nulla eiusmodi evacuatio, quæ vires supramodum labefactet, in tanta agitatione, & pugna particulari, accessionis, tutò fieri potest; nam cum humores, quodam quasi æstu concitati, effervescent, ob-
 turbatique permisceantur, & nulla possit iusta eorum secretio fieri: ideò cum natura, his commotionibus vellicata, adminiculans non sit ad sanguinis missionem exercendam, potius laudabilior, & spirituosior sanguis, quam pravus, vena aperta funderetur.

Cum verò tranquillitas maxima morbi, tempore intervalli reperiat, tutius tale auxilium, naturæ succurrens, exequendum erit, eo quod multitudinem ex maioribus vasis, nullo scandescentiæ metu arripit; quare tempore remissionis, sive intermissionis, laudabilis erit tranquillitas, ita ut si spatium inter accessiones extenditur, faciliè ipsum mediū erit assignabile pro venæ sectione; si verò angustum, diffici-
 cile, eo quod interdum vix adsit occasio, ut post venæ sectionem, oportune infirmum alamus.

Dicet tamen aliquis, huiusmodi doctrinam, nullum veritatis indicium obtinere, verioremq; esse aliquorum assertio-
 nem, dicentium, quod in principiis accessionum febrium continuarum, potest sanguis mitti; & probatur, nam tempore quo humor magis fluit ad focum putredinis, eo magis sanguis est mittendus, ut talis humor fluens revellatur; sed in principiis accessionum, magis fluit humor ad focum putredinis; quia tunc maior adest calor in foco: ergo in accessionum principiis, magis erit sanguis mittendus.

Secundò probatur, nullum datur impediens, ut mittatur sanguis in accessionibus febrium continuarum: ergo eo tempore, sanguinis missio valebit exerceri. Antecedens probatur: si aliquod daretur impediens, maximè quia naturæ mo-

SANGVINIS MISSIONE. 319

tus in accessionibus, impediretur media sanguinis missione; sed non impeditur: ergo in principiis accessionum febrium continuarum, possumus sanguinem mittere: quod autem, non impediatur motus naturæ, media sanguinis missione, probatur; nam in accessione febris continuæ, humor efficiens accessionem, non expellitur à venis extra venas, ut in febre intermittente: ergo quamvis sanguis mittatur, in accessione febris continuæ, cum non fiat motus contrarius media sanguinis missione, non impiedetur motus naturæ: ergo in accessione tertianæ continuæ, valebit Medicus sanguinem mittere, cum adsit verum indicans, & nullum impediens.

Roboratur ulterius in accessionibus febris continuæ, non est sanguis mittendus? Ergo neque in accessionibus, quæ sequuntur inflammationem, cum etiam sint febres continuæ; sed in his, sanguis est mittendus in accessione, ne augeatur inflammatio: ergo etiam in accessionibus febris continuæ, quæ non sequitur inflammationem, licebit sanguinem mittere, ne augeatur obstructio. Maior propositio probatur; veluti in febre sequente inflammationem, fluit humor in accessione, ad partem inflammata, non aliter in alia febre, tempore accessionis fluit humor ad focum putredinis; sed media sanguinis missione, in principio accessionis febris ortæ ab inflammatione, revellitur humor ne augeat inflammatio: Ergo ita pariter, in principio accessionis febris continuæ, facta sanguinis missione, revelletur humor fluens ad focum putredinis, ne augeat febris, & obstructio.

Hæ tamen rationes, falsissimo nituntur fundamento, ac maturo gravissimorum Authorum consilio, sunt destitutæ, ita ut ex aliquibus, temerè, occasionebus, quibus vñ fuerit aliqui, ad tale remedium exequendum, ægri præciosiorem thesaurum, ut vitam amiserunt, ac debita cum causa; nam principium accessionis, tempus est intensioris laboris

in, quo sanguis, & spiritus ad interna revocantur; ita ut sanguis, ineptus sit ad motum promiscuum, quo venæ sectio indiget; sed solum tenuis floridus, ac spirituosus, quem potius natura retinere debebat in sui custodiam, profunditur.

Fundamentum similiter, quo prædictæ fulciuntur rationes, idè est falsum, quia existimatur, quod in principio accessionis fluit humor ex toto corpore ad focum putredinis, cum è contra sit; nam toto tempore remissionis, vel intervalli febris, potius contingit præcipua fluxio ad focum putredinis, usque quo humor in eo coacervatus, ad tantam perveniat quantitatem, ut stimulans naturam partis, novam excitet accessionem, in cuius principio, ex partibus vicinioribus, decurrunt aliquæ humiditates ad ipsum focum, quæ tamen exigua, & secundaria est fluxio, non verò ista est sufficiens ad accessionem efficiendam, sed potius est effectus molestiæ, & laboris, quo natura præmittitur incipiente accessione; vnde causa præcipua accessionis, erit humor iam coacerbatus in foco, antecedentè, qui paulatim tempore intervalli, aut remissionis, fluxit ad prædictum focum; quare, quando huiusmodi materia, in principio accessionis, in prædicto foco putrescit, expellitur à natura insensibiliter ad habitum corporis; aliquando tamen per vomitum, per deiectionem, vel per sudorem; sicque talis motus non est fluxio ad focum; imò est evacuatio ex foco, vincēte natura, ad diversas partes.

Quibus prælibatis, facillè diluuntur rationes in contrarium adductæ, respondendo, suppositum esse falsum, videlicet quòd tempore accessionis febris, fluit humor ad focum putredinis, & in febre sequente inflammationem, fluit materia ad partem inflammatam; pars enim inflammatione correpta, veluti focus putredinis, prius recepit tempore remissionis febris fluxionem humoris, qui postquam iam est in sufficienti quan-

titate coacervatus, novam etiam suscitatur accessione; quare, cum sanguis mittatur, ad revellendum humorem fluentem ad focum, sive partem inflammatam, talisque humor solum fluat tempore intervalli, seu remissionis, solum illo tempore sanguis est mittendus, nequaquam verò, in principio accessio- nis: quæ doctrina est Gal. lib. de sanguinis missione cap. 12. afferentis, expectandam esse declinationem particularium, circuituum, ad sanguinem mittendum; & merito, nam adhuc ipse Hyppoc. & Gal. in comin. 11. sent. 1. apho. obnegant alimentum, *in accessionibus abstinere oportet* inquit Hyppoc. *nam cibum dare nocuum est* sed tota ratio propterquam ob- negatur victus, est, ne natura à coctione, & evacuatione cau- sæ morbificæ divertatur: ergo etiam media sanguinis missio- ne in accessione, natura à prædicto fine divertitur, & impe- ditur; ac proindè nequaquam in accessione, sanguis erit mit- tendus.

Cum verò medicus liberè potest, tempus opportuniùs mit- tendi sanguinem eligere, potiùs hora matutina, quam post meridiem convenit; à Solis enim ortu, sanguis suscitatur, vi- get, & dominatur, ipsoque diei lumine, tenuis, serenus, atque ad fluendum aptior redditur; ne tamen æger sopore torpeat, saltim vnicam horam vigilem ante accessione ducere oportet: in vehementi tamen, & suffocante pleuritide, vel in angina, in sanguinis fluxu immoderato, in vasorum extre- ma plenitudine, ac in illis morbis, qui nimis præcipitès

invadunt, talis horarum selectio non est ha-

benda, sed potiùs affectus vrgentia,

totam subsidij executionem

arripit.

CAPVT XXX.

*QVÆ PRÆPARATIO ANTE
venæ sectionem afferenda sit.*

PRæparatio præcipua ad sectionem venæ observanda, est puritas, & expurgatio: vitia verò quæ illam remorantur, cruditas est venticuli, primarumque venarum, coluvies noxiorum humorum, venticuli os maximè persentiens, vel imbecillum, quæ omnia sanguinis missionem retardant, non verò omnimodè privant: crudiore etenim ventriculo, innata vena, plurimum succi crudi, in sanguinis locum sibi rapiet, veluti aluo suppresso, si vena scindatur, iecur, ac venæ exhaustæ, sordidum ac impurum excrementum sugent. Cocculusque, crudusve cibus cognoscetur, ex qualitate, & copia in qua assumptus est, ex tempore etiam, quo fuit acceptus; ex ructu etenim, atque ex venticuli pondere, corruptus humor in ventriculo, aut in vicinis partibus exuperans; siue illic genitus, siue aliunde fluens, sanguinis missionem, usque quo purgatus sit, immoratur; nam scissa vena, cruditates, ut superius diximus, primæ, ad secundam regionem transmissæ valdè obstructions augent, morbi que ingravescent; ita ut plurima subsequantur symptomata, ut nausea, convulsio, lipothymia, syncope, ac alia gravissima.

Si verò citra ciborum cruditatem, aliqua alia accidentia, propter materiam in ventriculo contentam, ut si aliquis humor vitiosus, à quacunque regione fluat, contingant, prius evacuandus, siue deturbandus est; medio vomitu si sursum vergat; deiectione verò alui, si inferius declinet; postea verò, ad venæ sectionem est deveniendum: præterea si pariter iruant,

SANGVINIS MISSIONE. 323

ruant, in omnes corporis regiones vitiosi succi, illas suo ordine oportet evacuare; mesenterij quidem venas, prius quam maiores; ac postea istas, ante corporis molem; non quidem contra, ne ex primis venis, in maiores, vel existis, in habitum corporis, attractio humoris noxij fiat; hoc enim non esset expurgare, sed inquinare, & labefactare vniversum corpus: quare, ex corporis habitu in venas maiores, ex his in proprias, atque in alvum humorem traducere consentaneum erit: hæc quidem vitia, non solum venæ sectionem retardant, verum etiam impediunt; sicque in hidrope, nec in habitu cachectico, neque in schirro iecoris, aut lienis, sanguis mittendus erit, habita ratione ad has affectiones.

Tertium pariter virium, quod ante venæ sectionem, præparationem exigit, est eximius sensus, & orificij ventriculi maxima imbecillitas, sicque os ventriculi muniendum, atque roborandum est his, quæ acridinem humorum retundunt, eorumque influxum arcent; quibus exercitis, postquam paululum æger quieverit, vena seccanda erit: si tamen morbi clementia adsit, absintque prædicta sympthomata, huiusmodi præparatio ad venæ sectionem est exequenda; ac similiter si vehemens morbus, vt in habitu athletico, celeriter moveatur, ex quo suffocationis, aut vasorum ruptionis, periculum impendat, ac aliis similibus morbis, mox sine vlla venæ sectionis præparatione, tale auxilium erit exercendum.

CAPVT XXXI.

QVID IPSO SECTIONIS TEMPORE faciendum sit.

SI quæ inciditur pars, sit prona, ac in istam facili, directusque sanguinis cursus, ex tali corporis sede plurimum ex-

in-

innaniri proponatur, artus dum incalescant, fricari debent; ac proxime supra locum. Cui scalpellus aplicandus est, stri-
ctius fiat ligatura, ut pro evacuando sanguine vena tumen-
tior appareat; deinde quibus densa, & squalida est cutis; &
quibus venæ angustæ, siue in altum demersæ, multa carne, aut
adipè obductæ, his multò artius vinculum est iniiciendum,
quam aliis subiectis; minores verò venas pedis, ac manus, quia
non satis implentur, angustioresque sunt, ut patentiores dila-
tioresque fiant aqua calenti, quæ impetum sanguinis faciliùs
dirigat, indigent, inquirere etiam oportet, an vena inhæreat
loco. In quo ordine formationis solet existere, quod medio
digitorum impulsu, siue compressione artifex explorabi-
tur, ut tandem eam industrius quo possit, valeat feri-

Quantitas quidem profluentis sanguinis summenda est ex
morbi indigentia, ac virium robore; sicque in pectora sim-
plici ad morbi imminenti præcautionem, sufficiet redundan-
tiam demere; dum mediocritas remaneat; quando verò iam
morbus adest, ut febris non, ita est operandum; sed si vires
tollerent, infra mediocritatem est evacuandum; in partium
verò flegmonibus, non vnica quantitas; sed potiùs mutatio,
tùm coloris, tum substantiæ illius est expectanda; quandò
etiam vehemens adest dolor, aut inflammatio ingens re-
petitur, locis proximis parti scissæ, sanguinis cursus nō sistatur
antequam, vel dolor mittescat, vel eius color mutetur;
nam mutatio indicat sanguinem ex inflammata sede, in qua
est, iste dispar à reliquo ebulli, sicut sanguini fluenti videat-
ur.

Nec minus confert virium robur perpendere, quia illæ
semper anteponendæ sunt, ne deficientian verò hæ defecturæ
sint, demonstrabunt fluoris sanguinis impetus, color faciei
pallens, oscitationes, pandiculationes, aurium tinnitus, oculo-
rum suffusionēs; quæ omnia spiritus vitales imminui, & con-
frin-

fringi declarant, certiùs omnibus signum est pulsus mutatio; si enim ex crebro, supramodum rarus evadat, aut ex magno, parvus, ex vehementi, debilis, & obscurus, ex æquali, inæqualis, vires defecturas, sive commotionem epilepsię similitudinem minatur. Si hæc igitur vi evacuationis accidant, statim ab evacuatione est intermittendum, ne ulterius evacuatione subsecuta, aut mors, vel ita ingens iactura contingat, quæ nullatenus refarciri valeat.

CAPUT XXXII.

*QV ID EMISSO SANGVINE, SIT
observandum.*

DISECTA quidem vena, sanguis fluens recipiendus est mundis, tersisque peluiculis, terrenis vitreis, stanneis, sive argenteis, non verò Æneis, ne ab his mutetur, vel in colore, substantia, vel in alia qualitate, quod nostrum integrum iudicium impediat: peluiculæ etiam collocandæ sunt in loco mundo, quem nec pulvis, fumus, ventus, nec solares radij pertingant; omnis enim observatio tendit in substantiam sanguinis non immutandam.

Notandum igitur est, quod ille erit sanguis viscosus, qui lentè fluxit, ac digitis glutinosus obhæret; crassus etiam est, atque densus, multasque fibras habet, qui faciliùs, sive brevius cōcrescit, hic author obstructionum, aliorūque indè morborum solet esse, qui verò tardius conglutinator, sive indurescit tenuis est, qui deindè, iam frigescens minimè durescit, vel omnino aquosus, vel putridus est, cuius omnes fibræ solutæ, atque corruptæ evanuerunt. Crassus præterea, & compactus difficile finditur; tenuis verò facilè, qui putridus est non findi-

Tt

tur;

tur, verumtamen totus attingitur, in partesque exiguas discernitur.

Serū deinde multum, tamquam aqua citrina, sanguini concreto innatans, demonstrat, vel liberaliorem potum, vel languidum iecur, ut in hydrope, sive renes imbecillos, aut ipsos obstructos: ex quibus causis serum redundans in venis, sanguini permiscetur: spuma etiam innatans (nisi ob impetum fluxus accadat) incendium, fervoremque illius humoris, cuius colorem præfert, ostendit; color enim ruber sanguinem, citrinus bilem, albus pituitam, lividus melancholiam significat, ita ut color sanguinis durescentis per summa rubicundi, index est boni, & laudabilis sanguinis; ruber verò, & lividus color, ardentiam denotat, velut est sanguis arteriarum; ruber verò, & obscurus mediocris, ut est sanguis venarum, citrinus verò color, potius bilem, albus pituitam, viridis bilem torridam: lividus, aut plumbeus bilē maxima cum pernitie: aliquandò innatat aliquid sanguinis pingue, & adiposum cohærens instar telæ aranearum, quod ex ipso sanguine provenit, quandò videlicet corpus est adeò pingue, & obesum: si verò corpus nō ita carnosum; imò gracile sit, potius illud marcescere, ac liquari significat: quod denique terrenum, ac fœculentum sanguinis, subsidet in infima illius parte, si postea sanguine diffusio, granula quædam arenulis similima videantur, vel elephantia sim actu, vel potestate declarant: sanguinem quidem graveolere, quod raro contingit, indicium intensissimæ putredinis, & corruptionis adest.

Animadversa iam sanguinis substantia, colore, ac temperie, veniunt inter se comparandæ; ac inspiciendæ peluiculæ, quæ si omnes æqualiter optimum sanguinem demonstrant, certum est reliquum in venis similem esse, nisi casu quo, vel vas rectè sectum non fuit, vel natura non adest adminiculans, vel præ languore virium, vel aliquo animi pathemate, vel quia in debito tempore, ut in principio accessionis fiat; quantum verò hu-

humores citra sanguinis naturam longiùs recesserint, tantò parciùs de sanguine est hauriendum, ac si percipiatur longissimè à sanguinis forma distare, in totum à venæ sectione erit abstinendum; si verò priùs exiit sincerus, posteriùs verò, pravus existit, debita, & laudabili victus ratione, idoneisque vacuationibus debemus vt: si tandem pellicula postrema purior sit, quam prima, consumata, & completa est evacuatio, quæ omnem sanguinem vitiosum detrahaxit, dum iam utilis, & bonus dimanaret.

C A P V T XXXIII.

*DE ARTERIARVM SECTIONE,
ac particulari sanguinis evacua-
tione.*

DVO in præsentì aperienda offeruntur; primum, est sectio arteriarum, quomodo, & ex quibus debeat fieri: secundum verò, est aliqua particularis sanguinis evacuatio, quæ mediis sanguisugis exerceri solet. Quoad primum, dicendum est, arteriam maiorem in cubito subtractam, vel illam, quæ impoplite reperitur, neutiquam, incidere tutum esse, nam illius sanguis cohiberi rectè non potest, quoniam est tenuis, & calidus, ac maximo impetu prorumpens, nec si reprimatur facillè vulnus potest ad cicatricè ob assiduum pulsificum motum, & crasas tunicas, atque præduras, perducì; convenit igitur, dum vrgentia instat, maiorem arteriam, totamque oblique, & transversaliter seccare; sanguis enim melius sistitur, vtrisque illius extremis detractis, & imposito vulnere emplastro ex Aloe, & aliis similibus.

Minores verò arteriæ quæ sūmis in artubus, in capite, mani-

bus, & pedibus stant, melius citra hæc pericula possunt scindi, quia facilius valent vnitatem acquirere, oportet quidem, ac valde utilis est illarum sectio, quando vehemens, & diuturnus dolor circū mēbranas molestat, sanguis enim multus, tenuis, & calidus, in arteriis partis affectæ detentus, prædictum dolorem exhibet, & fovet; quare si in extremis partibus seccentur arteriæ, quæ ab illis affectis locis procedunt, dolor omnino evanescit, arteriæ similiter in temporibus sectæ calidas, atque acres oculorum fluxiones prohibent, quarum gratia, totæ scinduntur, aut ferro candenti inhuruntur, sive medicamine caustico; in vertigine verò seccantur, quæ sunt retro aures, veluti etiam indiuturnis capitis doloribus calidis, atque spirituosis, & quibusdam affectibus imbeteratis; quæ verò reperitur interpolicem, & indicem, dissecatur in diuturnis doloribus laterum, inter viscera, & diaphragma positis: secta denique arteria iuxta maleolum, vetustos dolores coxendicum, qui iam diu invalere maximè lenit.

Secunda verò huius capitis pars de peculiari sanguinis evacuatione accedit exponenda, quando nimirum sanguis ita alicui parti inhæret, ut nec secta vena, nec ullo auxilio revelli possit, ab eadem præcipua parte læsa est educendus, remediis, quæ ipsi parti auxiliari valeant, cuius generis sunt sanguifugæ, quæ non solum cutem, verum etiam altius penetrant, exaultæ quidem, vel innanitæ, & acuratè præparatæ facilius, ac tutius sugunt, plerumque etiam illis hablatis, sanguis confertim fluit, præcipuè si infixæ ad sunt, in aliqua vena prominente, quo casu pro venæ sectione solent subservire; ita etiam hemorrhoidæ, tam copiosum sanguinem evocant, ut medicamentis adstringentibus sit opus, affectibus igitur profligandis partium adhibentur, qui in cute dominantur, ut scabiei, vitiligini, impetigini, ac elephantorum tuberculis, eo quod sanguinem foeculentiorē sugant.

Nec

SANGVINIS MISSIONE. 329

Nec minus alia solet evacuatio particularis sanguinis exerceri valdè idonea, & efficax ad plurimas detruncandas affectiones, vt est scarificatio, quæ sit epidermide minutim scalpello scissa, quæ non numquam altius subiens, veram cutem ferit, ac ex sola parte devulsa evacuat, nisi fortè venam convulneret; & quo altius scalpellus adigatur, eo plenior sanguinis effusio continget: scarificatio quidem est remedium cuti expurgandæ idoneum, ac illis affectibus, quibus etiam sanguisugæ auxiliantur: largiùs verò scarificatio facta sanguinem exhauribit, si protinus parti cucurbitula adhibeatur, hæc enim flamulæ, & caloris virtute; non solum, quòd in parte circumfusa, humoris tenuis, & calidi reperitur, sed quòd in distantibus extat, attrahit; si verò cutis antea iam ferro est exasperata, manifestè sanguis profluit; si deindè levis illa, & integra manet, è partibus distantioribus, in cutem evocat, ac quodcumque fuerit in pactum in eum locum, transfert.

Cucurbitula denique levis, & sine scarificatione impressa parti, non sanguinem manifestè, sed solum spiritus extrahit, humores ad se se rapit, irruentem fluxionem revellit, sanguinis fluxum vndecumque factum directo, contrarioque loco impressa, cohibet, cum præsertim vires imbecillæ nequam permittant sanguinem mitti, ac revelli: errabundum vterum, fluctuantemque humorem reprimat, illum verò qui parti in pactus est, derivat, ac eum, qui in alto corporis est demersus, in summum evocat, ita vt sit accomodatissimum subsidium stupori, paralisi, ac dolores inveteratos, veluti flatus in quavis parte contentos dissolvit, ac dissipat, propterea palpitacionem, singultum, dolorem colicum, & nefriticum maximè com-

pescit.

CAPVT

CAPVT XXXIV.

QVOMODO EVACVATIO VNI-
versalis fiat per corporis habitum.

QUæ per summa corporis evacuant, vt per sudores, vel per halitum substantiam tenuem digerentia, sunt varia, vt inedia, vnctio corporis, frictio, illius exercitatio, & balneum: moderata quidem inedia humores perturbatos domat, atque pellit, ac proinde magna sequitur tranquillitas: plurimum morborum, & symptomatum est sedatio: impuro quidem corpori nõ cõfert, quia, ventriculum vitiosis implet humoribus, vnde stomachi erosiones sequuntur, vigilæ, corporis perturbationes, & vertigines: calor enim insitus, ob alimenti penuriam, veluti medicamentum, humores exagitat.

Immoderata præterea inedia, absumpto iam, & supervacuo humore, ipsam quoque partium substantiam dissipat, quæ caloris nativi est sedes, corpus tandem refrigerat, viresque comminuit, acutis quidem, & agentibus morbis, sola inedia, vix tutò, succurrere valet, corruptus tamen, ac putridus humor, aut venæ sectio, aut pharmaco est evacuandus, leves verò morbos ex cruditate imminentes arcet, illosque recens genitos facillè per sanat; inveteratos etiam plurimum coctione finit, tandemque profligat; qui verò iam præsentés sunt ex copia, eos non inedia, sed venæ sectio expeditè adimit.

In crudioribus tamen morbis, situs, vel locus materiæ est perpendendus: nam quando vel plenitudo, vel cruditas, vel pituita gravius, molestiusque existit in venis, aut summis partibus,

bus, ut in capite cibus parvus, ac siccus convenit, ea moderatione, ut alat præcordia, ac proprias partes, ne cruditates colabantur, quando vero in ventriculo, aut in prima corporis regione vitium inhæret, multò partior cibus præscribendus erit, inedia quidem non solum appellatur abstinentia cibi, verum etiam potus, qui magis promptius, quam cibus; tum viscera, tum venas adimplet, cum facilius sit impleri potu, quam cibo.

Exercitatio aliquantulum etiam, sed minus, quam inedia absument, ac digerit, quòd sit magna tum corporis, tum humorum perturbatione; ista quidem nullum extrinsecum calorem corpori exhibet, sed congenitum nobis, & innatum sufficit, qui per corporis humores effusos calefacit, quare alimentum coctio, distributio, nutritioque facilius elaboratur; ipsaque sanguinem, & humores extenuat, mollit, coliquat, & diffundit: deinde spiracula cutis laxat, humoresque per illa resolvit; quia tamen exercitatio vires dissolvit, corpusque defatigat, laboranti gravis, ac molesta est, venæ valenti verò cum modica sit, ad morborum præcautionem accommodata est, præcipue tamen, cum iam cibus perfecte coctus, ac distributus sit, impuriori quidem corpori, evitanda maxime est exercitatio; quia cum agitet, ac pertubet vitiosos inter se humores, illosque, neque superet, nec prorsus depellat, morbis gravioribus rudimenta parat.

Valneum similiter aquæ dulcis longe, quam exercitatio evacuationis est causa, potentiùs enim spiracula laxat, humores calfacit, & extenuat, fluxosque liquat, ex his fulliginosos, non solum ex summis, sed etiam ex intimis regionibus corporis dissipat: fluxosque foras evocat, sudoresque prolicit, crassiores verò, quos discutere non valet fundit; tantaque vi coctat, ut illi in aliàs iactati partes confluant: quare valneum, his qui morbo gravi tenentur, atque his qui citra morbum, impuritatem corporis habent, veluti etiam pletoricum maxime

ximè nocet, tum etiam quibus adest imbecillitas cuiusdam partis nobilioris, aut præcordiorum: nam humor liquatus vi valnei, cum iam præternaturam sit, in partem languidam decumbens, in phlegmonis discrimen adducit, vtile verò, & necessarium erit valneum, his qui squalidi, & extenuati sunt, & qui intensam partium solidarum siccitatem patiuntur, vt cum vi febris ardentis maximè torridi fiunt, melancolicis etiam, crasseque humore oppressis.

Frictio tandem, atque vntio, corporis summa exinanunt, ita vt humores intus abstrusos, nec corpus insignitèr conturbent. Frictio quidem mollis, ac longa corporis summa calefacit, spiracula cutis laxat, à quibus causis humores in extremas partes effusi incalescunt, attenuantur, & liquefiunt; vntio calida eodem operatur modo; sed valentiùs confert, altius enim penetrans, non solum emollic, atque laxat cutim; verum etiam corporis interiora, & humores calfacit, atque attenuat; leuior tamen ac facilis tolleratu vntio, quam longa frictio, vntio quidem in accutis morbis, frictio verò longa, neque in accutis, neque in morbis acrescentibus est in vsu, eo quod magis spiracula, vi immodicæ attractio, poris occludantur, ac transpirationis ratio vehementius cohibeatur.



COM-

COMMENTARIA
IN LIBRVM GALENI
INSCRIPTVM:
QVOS. QVIBVS.
ET QVANDO PVRGARE
O P O R T E T;

A MATHIA DE LLERA,
DOCTORE MEDICO, & PHILOSOPHO,
olim Galenicæ, postea Aphoristicæ, nunc
Vespertinæ Cathedræ, Augusti Lycæi
perpetuo Moderatore, omni
cura elaborata.



VM duo sint apud Galenum, & omnes Medicorum
Scholas, remedia magna, sanguinis videlicet mis-
sio, & purgatio, nullusque morbus materialis
magnus, sine his profligari valeat, postquam in
superiori disputatione de omnibus, quæ ad de-
bitum sanguinis missionis exercitium conferunt, egimus, iam
tractatio, siue pulchra, & valdè necessaria disputatio de pur-

gatione nobis proponenda, ac dilucidanda occurrit. Et cum hæc prius veluti divina menti Hyppoc. debeat, qui præcipue aphorismor. 4. a sentent. 1. vsque ad 10. & aphorism. 5. 19. tum & etiam libro de natura humana, libro de medicamentis purgantibus, & Gal. purgationem exposuit in propositis a nobis commentariis, quos, quibus, & quando, &c. Tum & etiam lib. de simplicium medicamentorum facultatibus, ac libro de compositione medicamentorum. Plurima etiam formosiori doctrina decorata, Gaspar Bravo adducit in sua disputatione de purgandi ratione, Massarias disputatione de purgatione minorativa, vt infra patebit, Sancta Cruz de impedimentis magnor. auxiliorum, lib. 2. Mercatus lib. 1. de indicationibus, Fallopius lib. de medicamentis purgantibus, Valerio. 3. de locis communibus, cap. 16. & alij quam plurimi, quos ad veritatis splendorem assequendum omni arte consulamus.

DVBITATIO I.

QVID SIT PURGATIO.

QVAMVIS diversimodè ab expositoribus purgatio definiatur; breviter tamen apud Gal. aphorism. 1. comment. 2. definitur: quod purgatio est humorum, qui qualitate intensiore, & quantitate maiori adacti sunt, quàm eorum temperies sanguini inculpate generando necessaria ægeat, evacuatio; quare purgatio erit evacuatio eorum humorum, qui naturæ sunt infesti, & qualitate peccant: sive talis purgatio fiat criticè, sive vi morbi, sive ope medici, triplex quidem est purgationis modus: nimirum, vel cū natura per semetipsam purgationem mollitur, vt in crisis accidit: vel symptomaticè, vel quando medici ope fit, vt pharmacis evacuantibus, velu-

ti in præfenti est agendum, de qua Hyppoc. est intelligendus, aphor. 4. sent. 2. *In medicationibus talia educere ex corpore, qualia sponte prodeuntia utilia, &c.* En talia educere, id est talia purgare mediis pharmacis ab arte: loquitur eodem modo, prima quarti: *Iterogredientes medicandæ sunt à quarto usque ad septimum;* ly medicandæ, id est purgandæ media arte: idem significat decima eiusdem quarti: *medicari in valdè acutis, &c.* ly medicari, idem ac purgare, medio pharmaco, sive opemedia de qua purgatione loquimur in præfenti. Tertius vero modus purgationis fit vi morbi, quæ symptomatica nuncupatur; quam plurimi, ut semper læsivam iudicant, etsi melius Vallesius eam ex accidenti, ut bonam tueatur, ut suo loco adaperiam. De purgatione quidem, quæ à natura exercetur propriè, loquitur Hyppoc. 1. aphorismor. sentent. 1. dum ait: *In perturbationibus, & vomitibus spontè factis: si qualia, &c. oportet purgari purgentur.*

Fallopianus tamen dictam purgationis definitionem Galeni redarguit; nam ista definitio non convenit omni purgationi: ergo non est substinenda. Antecedens probatur: nam si humor aquæus irruat ad pulmones, illi debetur purgatio, ex consensu omnium; sed talis humor non afficit qualitate: ergo prædicta purgatio non erit evacuatio humoris qualitate peccantis. Probatur minor: quia humor serofus, sive sit intemperatus, sive peccet in modo substantiæ, sive putridus sit, sive nō, tamen solum obstruendo vias, media sua copia, efficit morbum in cavitate, vel meatu; atqui talis humor est evacuandus media purgatione: ergo illo in casu purgatio non erit evacuatio humoris qualitate peccantis.

Hæc tamen Fallopij ratio dissolvitur respondendo, quod usus medicamentorum purgantium, non indicatur per se ab obstructione, sed potius usus medicamentorum de obstruentium, quæ cum in vario collocentur ordine, varias quoque præferunt intentiones; nam obstructionem, omnia, quæ crassa,

viscida, & lenta fuerint, efficiunt; ideòque ab ipsis in crassantibus alia nascitur indicatio, vt à crassis attenuandi, à viscidis detergendi, à lentis incindendi, quæ actiones, potius qualitibus remediorum; quam purgationi sunt tribuendæ; quare materia illa, quia vitiosa postea, etsi vt obstruens, apertionem, vt tamen qualitate peccans, siue vt cacochyma, (vt postea dicemus) purgationem indicat, cum sit materia inutilis ad nutritionem, aliàs enim sanguini puro, & laudabili vasa obstruente, purgatio, & non venæ sectio deberetur, vel saltem indeterminatè ipsa obstructio sanguinis missionem, aut purgationem indicaret; sicque ratio Fallopij manet decissa.

Instabis tamen; nam purgatio menstrualis, quæ singulis accidit mensibus, non ratione qualitatis, sed ratione quantitatis, est vera purgatio, ex communi veterum appellatione; nam huiusmodi sanguis menstrualis, non afficit qualitate, sed quantitate: ergo purgatio non semper est evacuatio humoris qualitate peccantis. Antecedens probatur; sanguis enim menstruus deservit ad foetum generandum, alendum, ipsum fovendum, formandum, & augendum; atqui foetus non generatur, nec formatur ex sanguine qualitate, sed tantum quantitate peccante: ergo ille sanguis solum peccat quantitate: ergo evacuatio illius, non erit purgatio humoris qualitate peccantis.

Neque vllam vim præfens arguties infert: nam talis sanguinis menstrui evacuatio non est propriè purgatio, sed abusiue, & impropiè, cum sanguinis menstrualis effusio, quæ ab arte suscitatur, etiam diceretur purgatio, quamvis esset evacuatio humoris qualitate peccantis, quòd est falsum; sed quare Hyppoc. Gal. & alij communiter medici, ac nos ipsi vulgo dicamus, menstruas purgationes per vterum fieri? Facile satisfacio, quòd Hyppoc. & alij communiori modo loquendi, vt rem satis exprimerent, evacuationes menstruales, nominarunt, purgationes; idem similiter possumus proferre,

de medicamentis diureticis, quæ nullo modo sunt medicamen-
ta electivè purgantia, sed solum per accidens, nam licèt are-
nulæ, & calculi proiciantur; nullatenus dicuntur evacuata
per purgationem. Quare cum sanguis menstrualis, etsi vitio-
sus sit, non expellatur medio medicamine electivò; sed indis-
criminatim, & promiscuus, utilis cum inutuli, non conveniet
rigorosa purgationi: de qua sermo procedit.

Purgatio itaque apud plurimos ex Gal. erit evacuatio hu-
moris qualitate peccantis, cum in ea inveniatur ratio generi-
ca, & specifica, eo quod evacuatio genericè conveniat cui-
cumque evacuationi nostris corporibus accidenti, vt sangui-
nis missione, sudoribus, vomitibus, & aliis: differt verò speci-
ficè à missione sanguinis, cum sit qualitate peccantis humoris
evacuatio, cum in sanguinis missione fiat evacuatio indiscri-
minata, sine vlla electione; quia tamen Gal. potius purga-
tionem intelligit, commentario 2. primi aphorism. pro pur-
gatione communi, tum illi, quæ à natura, ac illi, quæ ab arte fit,
ideo solum communem vtriusque adduxit definitionem, asse-
rens: Quod purgatio, & evacuatio humoris infesti, vel quali-
tate peccantis, sive evacuetur à natura, asserens (*in perturba-
tionibus ventris, & vomitibus spontè,*) idest à natura, sive eva-
cuetur ab arte, medio medicamento, nam iam evacuatur ma-
teria qualitate peccans, vt dixit, & imperavit secunda quarti
(*in medicationibus talia educere,*) idest purgare, (*qualia spon-
te,*) idest qualia à natura utilia. Nos tamen solum in præsentì pe-
culiarem purgationis definitionem connantes exprimere, as-
serimus, quod purgatio ab arte facta, de qua curret disputa-
tio, est evacuatio humoris qualitate peccantis, vel si malue-
ris, humoris cacochymi, vi medicamenti purgantis, per veni-
trem facta.

Denudanda tamen accedit præsens definitio, vt veritas
magis splendeat, dicitur quidem primò evacuatio, ad genus
constituendum cum qualibet evacuatione extra corpus, dici-
tur

tur verò humoris qualitate peccantis; non quidem qualitate prima; ista enim solum petit attemperationem, non secunda quò ad modum substantiæ, cum ista corrigi valeat, vel per incrasantia, vel attenuantia; bene tamen dicitur qualitate peccantis; ac si dicatur humoris in specie peccantis, cum speciem naturalem amisserit humor; vnde etiam speciem, & potentiam mutaverit; & idè iam ineptus est ad nutritionem; siquæ vitiosus est qualitate, vel specie, & forma naturali; vnde cacochymus, sed quia etiam in evacuatione crytica talis materia spontè evacuat, & tamen non est purgatio artificialis; meritò vt ab ea distinguatur, addenda sunt vltima verba, videlicet, per vëtre[m] facta, vi medicamenti purgantis, cum natura sine pharmaco, per sudorem, per vomitum, & per ventrem potest efficere purgationem conferentem, non tamen artificiosam, nisi vi medicamenti attrahentis, & naturæ expellentis fiat; meritò igitur plurimis in locis prædixit Hyp. demonstrans qualitatem humoris vitiosam: *Cum asserat si talia, qualia purgari oportet, purgentur, conferunt, & leviter ferunt* ly qualia, pro specie humoris peccantis: *Evacuaciones nò multitudine, sed si talia qualia, &c.*

DVBITATIO II.

QVA RATIONE MEDICAMENTUM purgans euacuet humores.

ACCEDIT merito, expòsita essentia purgationis, occasio investigandi modum, quo fiat purgatio, à quo verè, & propriè indicetur, coindicetur, contra indicetur, & tandem à quo impediatur, vel permittatur; de quibus postea suo in loco agendum erit. Circa igitur modum, quo purgatio exercetur,

tur, Aristoteles inquit: *Quod medicamenta statim, ac in ventrem habeunt, resolutaque sunt; statim etiam ad venas, per quas cibis deferitur transeunt, cum nullatenus consoqui potuerint; sed victrice potentia relavuntur, & quæ sibi obfi-
stunt, secum detrahunt, quod propriè vocant aliqui purgationem.*

Hæc quidem opinio maximè à veriori ratione discedit, eo quia primò purgandi virtutem, solum Aristoteles collocat, in eo quod medicamenta sint incoctilia, nulla mentione facta facultatis attrahicis, cum asserat Hyppoc. quod omnibus medicamentis in univèrsum convenit vincere, & non vinci, mutare, & non mutari; quo nomine ab alimentis segregari affirmat, fallitur secundò Aristoteles, quia existimat medicamenta purgantia semper in omne corpus deferri, omnesque ipsius venas pervadere, de quo in disputatione propria peculiaritèr veniet dubitandum.

Quo ad modum verò operationis medicamenti purgantis, Ioubertus paradoxa nona decade 2. inquit: *Quod evacuatio, quæ fit à medicamèto purganti, nō fit familiaritate substantiæ, sed potiùs cōtrarietate illius cum humore.* Probatque hac ratione, nam ex Gal. 4. Accutorum, commentar. 12. ostenditur: *Quod medicamentum habet naturam fere deleteriam, ut venenum:* Ergo quia habet contrarietatem cum humore peccanti. Secundò probatur prædicta assertio, nam si medicamentum purgans evacuet media familiaritate, sequeretur, quod nutriret nostra corpora; atqui hoc est falsum; ergo etià quod purget media familiaritate, sed potiùs contrarietate, probatur sequela, nam medicamentum est familiare humoribus; atqui humores sunt familiares viventi, ut ipsum nutriant; ergo etiam medicamentum purgans esset familiare viventi, ad ipsum nutriendum; sed hoc non est dicendum: ergo neque medicamentum esse humoribus familiare ad purgationem.

Probatnr vltcriùs , Galenus enim , libro de optima secta , ac de constitutione artis , inquit : *Medicamenta dici contra naturam* : ergo quia non sunt familiaria humoribus , neque natura ; tum & etiam primò de facultatibus naturalibus , cap. 13. asserit : *Quod attrahere ad se , non est propter ipsum trahere , sed propter frustionem rei attractæ* ; atqui medicamentum purgans , non potest frui humore attracto : ergo quia tale medicamentum non habet familiaritatem cum humore , quod autem medicamentum purgans , non fruatur humore attracto ; manifestè probatur , quia medicamentum non est vivens : ergo non fruetur humore propter nutritionem , neque propter alicuius qualitatis conservationem , aliàs enim multò meliùs medicamentum purgans conservaretur immersum in humore proprio , quam in alio mixto ; atqui contrarium experientia patet , nam agarici natura meliùs conservatur per mixta cum exercore , quam cum humore pituitoso : ergo quia non fruitur illo , propter conservationem alicuius qualitatis ; ac proindè , cum non attrahat ad frustionem rei attractæ , non attrahet media familiaritate , sed potiùs contrarietate.

Sentèta tamen Iouberti nullum veritatis inditiù obtinet , vt ex doctrina nostræ assertionis inferiùs constabit ; si que faciliè rationes superiùs allatæ sunt decidènt ad primũ igitur respondèdo , quòd medicamenta , verè , & propriè purgantia : de quibus loco citato Gal. agit , Partium contrarietatem cum nostra natura obtinèt , eo quòd gaudent facultate irritatè , acri , & mordaci ; ex alia verò parte naturã venenosam toto genere , vt purgantia nequaquam habent , ac proindè aliqua familiaritas cum humoribus non implicat ; secundæ verò rationi respondeo , quòd medicamenta purgantia quandam obtinent similitudinem cum humoribus , in ordine ad attractionem , & licèt ex alia parte etiam natura ad se humores attrahat ; benè possumus fateri , quòd in his omnibus aliqua similitudo adest.

ex hoc tamen non inferitur, quòd omne quòd trahitur nutriat: plura enim sunt in nostro corpore, quæ facultate attrahunt, & illa similitudo, quæ intercedit non est sufficiens ut sequatur nutritio; nam, etsi facultas naturalis insita uniuscuiusque partis nostri corporis, attrahat substantiam nutritiæ egalem ad nutritionem, veluti in plantis contingit, quæ ad diffusionem succorum ex terra attractorum, huiusmodi actionem exercent, non tamen currit talis ratio in quolibet attrahente; magnes enim non attrahit ferrum ad sui nutritionem, vesica lotij, & vesica felea, aliaque similiter partes attrahentes, nullo modo operantur, ut re attracta nutriatur, sed latiori modo loquendi, ut ea fruantur, vel delectentur.

Tertiæ rationi satisfaciam dicendo, ex supra relatis, nam quando medicamentum attrahit humorem, non operatur propter ipsius nutritionem, sed potius propter conservationem alicuius qualitatis similis: neque obstat, quòd medicamentum purgans immersum in humore proprio non conservatur, veluti in alio mixto, ut de agarico in fletore dicitur, nam licet agaricus sit similis cum humore, sunt tamen alia qualitates in humore, satis corrumpentes, & efficaces, ut medicamentum ab eo non conservetur.

Instabit tamen quis ingeniosè, prædictam substantiæ familiaritatem obnegans, hac ratione, non est maior ratio purgationis particularis unius partis, quam purgationis universalis totius corporis; sed sic est quòd purgatio unius partis particularis, nempe cerebri, non fit propter attractionem familiaritatis substantiæ, sed solù precedente irritatione, & natura expellente irritata: ergo non aliter in universali purgatione debet contingere: ac proinde non requiritur familiaritas substantiæ.

Cui facile respondeo, quòd purgatio partis particularis, videlicet cerebri, vel est electiva medio medicamento humorem intra venas existentem purgantem, vel est, purgatio humo-

propria, & sine vlla electione, vt quæ sit medijs medicamentis vomitoris, & crinis, quæ promiscuè evacuant excrementa in cerebro contenta; quare si purgatio est electiva, & propria alicuius partis particularis, familiaritate substantiæ indigebit; alia verò, quæ impropria, & promiscua dicitur, solum media irritatione à facultate cerebri, expultrice lancinata fiet; sicque paritas nullum habet locum.

Insurges vterius; nam ex dicta familiaritate substantiæ, si medicamentum purgaret propter eam, sequeretur; quòd medicamentum traheret aliud sibi simile: ergo etiam humor posset attrahere alium sibi similem humorem; tum & etiam ipse humor medicamentum purgans posset ad se trahere, veluti ferrum alterum ferrum; & multo vrgentiùs magnes alterum magnetem; sed hoc maximè experientiæ repugnat: ergo etiā negandum est, quòd medicamentum attrahat humorem, quia familiare cum eo est.

Cui argutiei satisfaciendum venit ex eadem Gal. auctoritate 3. de simp. medicam. facult. cap. 4. vbi asserit, quòd simile trahit simile; non tamen ideò trahit illud simile in specie; quare ex eo quòd magnes trahat ferrum, non sequitur, magnetem trahere alium magnetem, neque ferrum aliud ferrum, cum sint eiusdem naturæ, & speciei; qua propter, medicamentum non trahet aliud medicamentum, propter eandem rationem: vel si malueris; cum omne agens dum operatur intendat assimilare sibi passum, meritò, quia magnes omnimodam habet similitudinem cum alio magnete, frustraneus erit finis, & operatio; sicque vnum, alterum nequaquam attrahet, quia omnimodè sunt familiaria, benè verò attrahet ferrum, quia similitudo solum est partialis; & licet eadem currat paritas inter vnicum, & alterum humorem eiusdem speciei: Respondeo tamen, quòd humor, quia destitutum est facultate attractrice, neque attrahet alterum humorem, multo minus medicamentum purgans idem

que

que deferro in ordine ad magnetem est respondendum.

Nec minus alia urgebis ratione: supponamus enim, quod de facto propinetur vnicum medicamentum ad bilem purgandam, & quod talis bilis, si per possibile sit, in corpore non existat; atqui in illo casu, medicamento assumpto, fiet alterius humoris evacuatio, & non bilis cum non sit: ergo quia non attrahit medicamentum purgans propter similitudinem substantiæ, sed quia irritando naturam, sequitur expulsio. Roboratur ulterius, quia sicut se habet purgatio, in communiori sententia, sic se habet superpurgatio; sed ista fit media solum irritatione naturæ: ergo etiam purgatio in communi. Maior probatur, quia post debitam purgationem factam ab arte, si remaneat in nostro corpore aliqua portio medicamenti nondum actuatæ, & postea reducatur in actum, eo in casu, dabitur superpurgatio; sed ista fiet media irritatione sola: ergo etiam prima purgatio.

Prima, & secunda ratio, veluti in eandem vim coincidunt, ac proinde respondendi modus facilis, & coherens erit, asserendo, facta suppositione, quod medicamentum purgans, similitudinem tantum obtineat cum bile, si ista non adsit, illa non erit purgatio electiva, sed potius impropria, media medicamenti acredine, sine vlla attractione, & electione, de quo purgandi modo non currit sermo. Ad secundam similiter rationem respondeo breviter, quod medicamentum actuatæ post debitam purgationem, si inveniatur humorem sibi similem, ipsum media attractione purgabit, quamvis purgatio sit supra vires, & dicatur superpurgatio, hoc enim solum ex immodica medicamenti virtute pendeat, non tamen ideo auferenda est virtus electiva, & attractiva medicamenti propter familiaritatem substantiæ; si verò humorem sibi similem non inveniatur, quod est impossibile, aliisque humor expurgetur, hoc solum vellicatione fiet, non tamen erit purgatio electiva.

Stabilitas prode corone affertio relata in hunc modum; hæc si purgatio fieret propter similitudinē substantiæ, vbi daretur maior similitudo cum humoribus, maior daretur purgatio; sed hoc est falsum: ergo etiā purgatio propter similitudinē substantiæ. Maior quidē verisimilia constat: minor probatur, quia medicamēta emollientia, & detergētia suaviora, maiore obtinent similitudinem, & familiaritatē substantiæ cum nostra natura, & humoribus, quam alia vehementiora, siquidem minus nostrā alterāt naturā, ac facilius in humores possunt converti, atqui talia medicamēta, quæ sunt magis familiaria, minus purgant: ergo si datur maior similitudo, & minor purgatio, erit quia purgatio non fiet per similitudinem substantiæ.

Huius rationi satisfaciam dicendo, vt ex nostra sententia patebit; diversam quidem esse electionem humoris, & attractionem à medicamento exorientem: sicque ratio propter quam medicamēta, quæ sunt magis familiaria, minus attrahunt, vt flauia, & leuia, est, quia talis familiaritas, potius ad elligendam humoris speciem, quam ad ipsum attrahendum concurrit; ac proinde medicamēta vehementiora, acriora, & fortiora, etsi non ita familiaria, vehementius attrahent, cum talis attractio non debeat familiaritati substantiæ, sed potius facultati attractrici, quæ ratione acrimoniæ, vel caliditatis humoris, vehementer valebit attrahere.

Alij verò ex hac, & aliis similibus responsionibus, iudicant, calorem potius medicamenti purgantis, causam attractionis nuncupandam esse, cum medicamēta fortius in attractione operentur media caliditate: hæc tamen sententia reiicienda venit; & probatur, nam si calor per se attraheret quotiescumque reperiretur vehementior, & intensior calor magis traheret, quam remissus, vt ignis vehementius traheret, quam reliqua minus calida: ergo traheret omnia combustibilia, vt ligna, & paleas; hoc est falsum: ergo calor medicamenti
dica;

DE PURGATIONE.

345

dicamenti purgantis, nulla ratione erit causa attractionis; ac proinde solum ex accidenti, & per aliud fiet attractio; calor enim cum prius calfaciat, subsequenter, tenuitas, rarefactio, & levitas, quæ dispositiones sunt ad attrahendum; ac proinde talis philosophandi modus non est insequendus.

Quibus prælibatis, alij asserunt Authores, quod medicamentum purgans, humores evacuat, media similitudine substantiæ, quæ consistit in peculiari modo mixtionis elementorum, ut Gal. lib. 4. de simplicium medicamentorum facultatibus, cap. 15. inquit: Quod ex quatuor elementis omnia generantur, & ex eorum imparitate, proprietates rerum consurgunt: Averroes similiter Galenum insequitur, lib. 5. collectan. cap. 12. asseverans, proprietates dictas, esse quasdam proportionales mixti ex dictis elementis; loquens enim de tractione magnetis, sic ait: *Hec accidit propter proportionem, & convenientiam, quæ inter magnetem, & ferrum reperitur, quæ proportio non est in mensuris mixtionis elementorum.*

Quibus verbis, inquit plurimi, idem Averroem significare, ac Gal. persensit, videlicet, quod proprietas ob similitudinem in modo mixtionis, indecibilis est; nam dictus mixtionis modus, neque est excessus, nec defectus elementorum, sed potius modus substantiæ conversus ex dictis elementis, veluti enim ex eisdem literis, quæ sunt elementa componentia dictionem, diversimodè collocatis diversæ consurgunt voces, ut ex litera R. O. M. & A. constituitur dictio, ROMA, AMOR, MARO, RAMO, OMAR, ARMO, aliæque multæ, & quædam modum ex eisdem specie, & numero metallis, videlicet, ære, stagno, argento, & auro, diversimodè permixtis, diversi etiã capanæ sonitus consurgunt, quoties enim metalla liquantur, toties solent diuersi mixtionis metallorum modi consurgere, ut diversitas sonitus appareat: non aliter philosophandum venit de elementis: ex vario enim illorum concursu

in

in mixtione, variæ huiusmodi proprietates proficiſcuntur, vt Gal. lib. de conſtitutione artis medicæ, cap. 8. *innumera*, ait, *poſſunt eſſe elementorum alterationes, atque innumera mixtura particularium corporum*; ſicque penè infinitæ proprietates, quare mirandum non erit, quod proprietates, ſive virtus dicta diuerſa, in tam diuerſis medicamentis purgantibus reperiatur.

Licet prædicta opinio aliquam difficultatis partem pertingat, veriore tamen, & intimiorem medullæ ſenſum ſolum olfacti; non enim neganda eſt ſimilitudo, ſive familiaritas, & proportio inter medicamentum purgans, & humorem, neque peculiaris mixtionis modus, ex diuerſa elementorum copulatione, bene tamen obneganda eſt hæc opinio ex alia parte, quæ aſſerit medicamenta purgantia, præciſè proptèr familiaritatē, ſive ſimilitudinē ſubſtantiæ, humores attrahere, licet verum ſit quod maximè ſit neceſſaria prædicta familiaritas inter medicamentum, & humorem, vt debita fiat purgatio.

Sit igitur iam verior, & ſolidiſſima conſuſio, manifeſta diſtinctione, explenſcens, videlicet, quod nec attractio medicamēti purgantis tribuatur irritationi, neque calori, nec adhuc familiaritati ſubſtantiæ; ad cuius veriorē expoſitionē ſupponendum venit, quod aliud eſt hoc nomen purgatio, aliud attractio, & aliud electio; nam licet revera vnum, & idem medicamentum attrahat, eligat, & purget, tamen motus purgationis, ſive ipſa purgatio, componitur ex electione, & attractione, ad quas actiones diuerſimodè concurrit medicamentum purgans, nam quamvis humores qui evacuantur media purgatione, ſint ipſi medicamento attrahenti familiares, iſta tamen familiaritas, potiùs erit cauſa, vt medicamentum hunc magis, quam alterum humorem eligat, non tamen vt attrahat, nam attractio potiùs proveniet à facultate, ſive potentia attractice inſita, & identificata cum forma medicamēti, quæ quidem, licet ſit potentia ad attrahendum; at verò

vt determinetur, & contrahatur, ad attrahendam magis speciem huius humoris, quam alterius, indiget in concreto familiaritate substantiæ medicamenti cum humore; quare quamvis medicamēti forma specie sit vna, & facultas cū ea identificata, pro diversis tamen dispositionibus quoad primas qualitates, nempe temperamentum, quoad alias secundas, nempe colorem, & saporem, & quoad modum substantiæ, quæ omnia integrant naturam medicamenti purgantis; ideo talis facultas, siue virtus, quamvis vna, diversos humores electos, à diversitate materiæ, siue diversa familiaritate substantiæ valebit attrahere.

Stabiliatur, & splendeat huiusmodi assertio diversis paritalibus; nam quemadmodum in operatione cuiuscumque causæ equivocæ, licet agens vnum, & idem sit ad suos effectus producendos, vt patet in sole ad ceram liquandam, & lutum densandum, in hepate ad sanguinem ex dultiori portione chili generandum, & ad bilem flavam extenuiori, & calidiori veluti ad atram ex terrestri, & frigidiori materia, experimur, quod generantur effectus specie diversi, propter diversas materiæ, siue subiecti dispositiones, ita pariter discurrendū accedit de medicamento purganti cuius forma, quamvis vna, & eandem sit, vt causa tamen equivoca, & eminentialis, poterit continere virtutem attrahendi diversos humores, ad quam operationem nullo indiget adminiculo, benè verò ad eos eligendos, vt talis facultas contrahatur in specie, ad hunc humorem potius, quam alterum, per diversas dispositiones, diversumque modum substantiæ prædicti medicamenti purgantis; nam licet luminoso virtute gaudeat generandi argentum, aurum, diversaque metalla, liquandi ceram, & lutum densandi, contrahitur tamen, ad hunc potius effectum, quam alium producendum, à dispositionibus requisitis in vnoquoque subiecto; ita pariter de medicamento purganti, sentiendum venit.

Si:

Sigillet tandem nostram veriorem doctrinam, anima rationalis, quæ in inferiori opinione, realiter est identificata cum facultatibus, etsi vna in specie sit, plures specie diversos producit effectus, ut est ratiocinatio, memoria, & discursus, quos quidem propter diversas cerebri dispositiones efficitis, veluti eadem etiam forma in aliis corporis partibus exercet sensum, & motum in musculis, qui motus instrumenta nuncupantur, alimentum attrahit, concoquit, & assimilat parti viventi, determinata tamen propter diversas organorum dispositiones, tam varia, & mirabilia opera exercet, ex eo quod licet vna, cum æquivocè operetur, operum diversitas non implicabit: ergo confecutione sermonis, quamvis medicamentum purgans vnica gaudeat forma, siue facultate attractrice, diversam tamen humorum speciem, ob rationem prædictam, valebit attrahere.

DVBITATIO III

AN OPVS SIT AD PURGANDVM,

*ut medicamentum in omni corpus per
vasa deferatur.*

NEGATIVAM partem iuxta præsens dubium plurimi amplectuntur. Probaturque primò, ex Mesue lib. i. theorematum, cap. i. asserente: Quod medicamentum purgans solum vi attractrice, humorem sibi familiarem ex venis, & corporis meatibus, sensum fugientibus, ad se in vètriculum, & intestina rapere: ergo ex Mesue, non est necessarium, quod medicamentum purgans venas pervadat. Roboratur vltèrùs: nam plurimi solum ex odore medicamenti evacuantur: ergo non est necessaria permeatio per venas.

Præ-

Præterea, quia multi, quibus ventriculus multo humore viscido, & crasso, sive farragine plenus erat, larga purgatione, absoluta, & completa fuit evacuatus; licet integras pilulas, auro etiam evolutas evomisset: ergo quamvis in medicamentum purgans, non permeet venas, valebit purgare. Additur etiam aliud novum exemplar adductum à doctissimo Zacuto in unico iuvene, qui una, & eadem pilula sæpius ingesta, ac integrè egesta, sive evacuata, purgationem iteratam feliciter, & copiosam obtinuit: ergo non erit necessarium, ut medicamentum venas permeet.

Præterea Fallopius narrat, multoties ipsi accidisse, quandam Abbatissam purgandam fuisse, & quotiescumque illi exhibebat medicamenta purgantia, statim ægra evomebat, quare loco assumendi pilulas, quia etiam eas evomebat, ipse Fallopius effecit ex pilularum materia massam quandam liquidiores, & ventriculo Abbatissæ admovit, ex talique applicatione, dicta mulier felicissimam purgationem obtinuit, ergo manifestè patet, quod solum ex præsentia medicamenti purgantis in ventriculo, quin venas permeet, vera purgatio potest subsequi.

Roboratur ulterius huiusmodi opinio, quia quemadmodum magnes attrahit ferrum, ita medicamenta purgantia attrahunt humores; sed quin magnes à suo loco moveatur attrahit ferrum: ergo etiam medicamenta purgantia detenta in ventriculo, quin venas pertranscant, valebunt purgare; imò si pervenirent ad secundarum venarum cavitates tertiaræ regionis, non daretur attractio; nam ista debet esse localis: ergo cum medicamenta essent, iam ipsis humoribus coniuncta, non attraherent eos de loco in locum; quia non esset maior ratio, cur medicamenta de novo ad ipsum ventriculū remearent, quam quod manerent in ipsis partibus remotis, ad quas pervenerunt: ergo de primò ad ultimū dicendū est, quod medicamenta purgantia nullo modo per transeunt venas.

Quibus non obstantibus, contrariam plurimi tuerentur sententiam; experientia enim constat, plurima medicamenta purgantia venas permeare, vt patet in assumptione therbentinae, ex qua odor violaceus fertur in vrina: ergo quia tale medicamentum purgans per venas distribuitur. Præterea, nam virtus, siue activitas argenti vivi, aut Mercurij pervenit ad ossa, vt videre est in cadaveribus; & appositum cuti per linimentum, ita permeat nostras corporis partes, vt evacuationem moveat, vel per os, vel per secessum: ergo quia tale medicamentum, tum per meatus externos, tum etiam internos communicatur. Colligitur etiam ex Avicenna sect. 1. problematum, quæst. 42. tum & etiam canone 2. part. 1. cap. 4. ubi inquit, Hermodactilos non solum habere purgandi facultatem ex articulis, sed ipsos corroborandi; sed hoc non potest fieri nisi ad ipsas partes perveniant: ergo quia semper medicamenta purgantia venas pervadunt, vt patet in rahabarbaro lotium tingente, & aliis similibus.

Confirmatur præterea exemplo manifestissimo, & recenti, quod in Civitate Cæsaraugustana contigit quadam in domo cuiusdā Equitis nomine D. Francisci Clavero insigniti, scilicet quod omnes qui comederunt quandam casei substantiam correpti fuere in genti purgatione; & cum investigata fuisset materialis causa, videlicet lac, ex quo fuit caseus constructus, cognoverunt huiusmodi lac ortum duxisse, cum hac virtute purgativa ex comestione alimenti caprarum, quæ nutritæ fuerunt quibusdam herbis intensè calidis, virtuteque purgativa fruentibus, vt sunt cucumeres: ergo quia ex lacte capræ, quæ cucumeres assumpsit in sua cibatione, sequuta fuit talis purgatio in hominibus prædictæ domus: ergo quia virtus purgatrix relicta, & sigillata in lacte, venas corporis permeavit; ac proinde inferitur legitimè, medicamenta purgantia omnes corporis venas pervadere.

Sed vt veriore opinionem certius amplectamur, unica est.

DE PURGATIONE.

351

est ratione respondendum, si prius perpendamus, quod in quocumque medicamento purganti duplex reperitur substantia, vnica quæ crassa, terrea, ac difficilis est ad per quemcumque locum permeandum; alia verò tenuissima, ignea, & facile resolvable in aëreum vaporem, vnde quaque vagans, & percurrrens. Præterea, quod nostrum corpus est maxime fluxile, porosum, ac transpirabile: vt Hyppoc. confluxus vnus, conspiratio vna, & consensientia omnia. Sicque respondet de Abbatissa, quod pars tenuissima medicamenti appositæ extra ventriculum, per externos meatus ipsius, ad venas remeare potuit; nam vt medicamentum purgans operetur, debet à nostro calore nativo alterari; ideòque calefit, attenuatur, & in minutissimas comminuitur partes, vt sic reducto de potentia in actum, illa tenuissima pars posset in vaporem resolvi, vt postea per Abbatissæ ventriculū ad venas permearet; simul etiam pars crassa medicamenti exterius in ventriculo remanens, à caloreque nativo alterata, posset iuvare, vt humores, è corpore expurgarentur.

Simili ratione dicendum restat de illo, qui statim, ac assumpsit medicamentum, nempe pillulam, eam evomit; nam potuit aliqua portio medicamenti, etsi exigua, in ventriculo remanere, quæ sufficeret secundum subiecti dispositionem ad evacuandum humorem cacochymum; nam licet in totum medicamentum non remansit in ventriculo, vt in casu allato; multoties tamen in aliquibus subiectis, ob humores fluxiles, sensus acutem, & naturam adminiculantem, sufficiet aliqua substantia tenuior, & vaporabilis, quæ remansit ad tales humores educendos; quare concludendum est in nostra asser-

tione, non implicare in quolibet medicamento purganti,

quod aliqua portio illius subtilior, venas valeat

permeare, etsi crassior in ventriculo

remaneat.

DISPVATIO I.

DE SUPER PVRGATIONE.

VELVTI evacuationes, quæ à morbo solo nascuntur, apud Hyppoc. & Gal. repetitis vicibus damnantur, & quæ à natura vincent, vt crissimæ collaudantur, ita purgationes ab arte factæ cum conferentia, & tollerantia, sunt admittendæ; quare superpurgationes, cū vires excedant, & sine operaturaturæ contingant, valdè sunt renuendæ; ideòque in præsentia tractandæ offeruntur, in his igitur, cum nō solum familiaris humor, verum qui alieni sunt à purgante medicamento, mediavellicatione evacuentur, meritò causæ illarum sunt adducendæ, quarum prima sumitur ex parte ægotantis, quia propter imbecillitatem retentricis facultatis, humor non valet retineri; sicque expultrix valida, suscitata cum expellit. Secundò, ex apertione immodica vasorum: tertio ratione medicamenti purgantis, nam vel est vehementius, aut maiori quantitate exhibitum, quam oportebat; ideòque ratione immodicæ irritationis, plures quam convenit, & in maiori quantitate expelluntur: quartò ratione alicuius causæ externæ; nam si potius immodicus aquæ assumatur, media humiditate laxantur fibre obliquæ, quæ retentrici subserviunt; ex aëre similiter, frigido immodicè valet contingere superpurgatio, cum media frigiditate, per expressionem ad interna, rovocentur humores;

Hypercatharsis, seu superpurgationis, causis præostensis, difficile non erit intelligere, cur ab exhibitio pharmaco nulla, aut exigua sequatur purgatio, cuius sane ratio est in promptu; nam, vel non alteratur medicamentum, neque in actum

actum à natura reducitur, vel plurimum alteratur, atque à calore nostro devincitur, non alteratur quidem ex eo, quod ventriculus nimis frigidus, sive imbecillis sit, vel absolutè, vel respectu medicamenti assumpti, ex quo fit, ut multi, minori, aut debiliori assumpto pharmaco, copiosius purgentur; cum maiori. verò, aut fortiori nequeant purgari; ideòque propter dictam imbecillitatem plurimi, assumpto pharmaco, non purgantur, donec aliqua eius portio vomitu reiiciatur, aut mica panis vino generoso infusa ingeratur, ut ventriculus incalascet, vel saltem longiori tempore indigebit, ad prædictam actionem, & purgationem; & ob hanc causam aliqui, non nisi ad vesperam purgantur, alij sequente nocte, aut postridiè, incipiunt purgationem.

Contraria, ad contrarium effectum producendum, offertur occasio, ratione cuius plurimum solet pharmacum alterari, propter robur ventriculi, aut exiguitatem, tenuitatem, aut clementiã pharmaci, præsertim si ipsum assumptum, prandium diutius, quam debeat prorrogetur. Solet etiam frustranea esse, & innanis purgatio, dum medicamentum in univ ersum corpus distrahitur, vel propter immodicam, & intensam febrem, vel propter meatuum, sive venarum amplitudinem, vel propter eorum ingentissimas obstructions, vel tandem propter materiæ renitentiam, ratione crassitie, terrestre itatis, vel lentoris humoris evacuandi, ut Gal. in commentario, aphor. 4. sentent. 14. ubi Hyppoc. inquit: *Si volueris ducere eleborum; id est medicamentum purgans, move corpus, si verò non, non moveto, & somnum concilia*: ubi ex professo Gal. omnes has causas, tardæ, aut nullius purgationis assignat.

Uterius maximè oportet perpendere cum Gal. 3. simplic. cap. 17. quod superpurgatio fit hac ratione, primò etenim humor familiaris, cum medicamento assumpto evacuat, secundariò verò alij, servato ordine, secundum dispositionem paratiorem ad motum, ut bilis, pituita, & melancholicus hu-

mor.

mor, quartus tandem humor sanguis, nam cum iste vitæ thesaurus, propugnaculum naturæ, & maximè obiectum affine in quantum valet retinetur à natura, vsque quo præ immodico languore retentricis facultatis labatur.

DVBITATIO IV.

A QVO VERE, ET PROPRIE indicetur purgatio.

CVM quodlibet specificum indicatum à suo in specie indicante reguletur, vt methodica exerceatur morborum profligatio, meritò de indicante specifico purgationis dubitandum venit: in cuius veritatem investigandam, prius est intelligendum cum Gal. libro de constitutione artis medicinalis, cap. 61. vbi, distinctione non exigua, decissionem adducit, per hæc verba: *Correctio, morbos efficiensium dispositio- num, summatim perstringendi; contrariis obiter, particula- rim verò persequenti, superfluum vniuersum rescindere expe- dit, quomodo superfluum sit distinguendo, an vt quale, an vt quantum, an vt vtrumque, quod redire valet in statum natu- ralem, alterare per contraria, quæ præternaturam toto gene- re sunt, vt venena, alterando, & euacuando.* Vndè manifestè Gal. videtur à qualitate, indicationem solius alterationis pe- tere; à quantitate indicationem evacuationis, sub qua purga- tionem comprehendit.

Vndè doctissimus Zacutus fol. 226. colligit, multoties so- lum à quantitate humoris, indicationem purgationis esse sum- mendam, supponamus inquit, cistim felæam succi familiaris immodica copia esse oppressam, ita vt nullus sit locus humo- ri de novo affluent, neque ipsa possit à suo pondere leuari,
absque

absque eo quod nullum vitium qualitatis accedat; quæ igitur species remedij, inquit Author, poterit assignari, nisi detractio quantitatis exsuperantis? sed quo ingenio, nisi purgatione? ergo purgatio indicabitur ab humoris quantitate.

Præterea probatur inductione, ex reliquis humoribus secundum naturam temperatis; nam neque in melancholia, neque in pituita, quorum vterque humor suos exercet usus in nostro corpore, decernimus evacuationem, nisi quando excesserint, quæ evacuatio potius erit purgatio. Si tamen aliquis obiiciat, quod in tali excessu, iam datur recessus à symmetria, & naturali constitutione, ratione pravæ qualitatis inductæ, ac proinde purgatio, quæ exerceatur, non erit ratione quantitatis, sed ratione qualitatis inductæ. Inquit Zacutus, quæ sit qualitate bilis infecta, cum exuperans, & effusa reperitur per vniuersum corpus, vt in morbo regio patet, neque calore, & siccitate febrem, aut aliam particularem intemperiem, sensu perceptibilem excitat; nec talis humor acrimonia ferit vitali actioni, animali, ac naturali plerumque non officit: ergo quia destituta est qualitate prava; atqui hoc non obstante, talis bilis est per purgationem evacuanda, quia sparsa, & exuperans est: ergo in tali casu, purgatio potius indicabitur à quantitate, quam à qualitate.

Sed vt apertius verum purgationis indicans valeamus assignare, prius notandum expedit, quomodo humores, sive massa sanguinaria possit à naturali statu deflecti; massa quidem sanguinaria, est quasi quodam mixtum ex quatuor humoribus compositum, & contemperatum: licet præcipue à sanguine denominatum, in cuius attemperatione, & vera mixtione humorum possuit Hyppocr. libro de natura humana, causam debitæ sanitatis, quemadmodum in illius intemperie, & seggregatione, causam doloris: vnde sicut mixtum per putredinem deperditur, & resolvitur in ea ex quibus componitur, dum inquit Hyppoc. *Quod singula ad sua secreta re-*

vertuntur. Non aliter massa sanguinaria, quandò alteratur, & corrumpitur, dissipatur, humoresque effrenati reduntur, & cū suis formis sinceris, vt fex vini, & spuma, dum illud corrumpitur, seegregantur: qua propter dum bilis existit in massa sanguinaria cum comercio sanguinis coniuncta, neque ita pallida, amara, calida, neque acris existit; separata verò à prædicto consortio, calidior, & amarior evadit, irritat, mordet, & pungit, vt dolorem non solum membro, ex quo fluit, verum etiam ad quod tendit, inducat, vt loco citato Hyppocrates.

Deinde perpendendum est, quod ista humorum separatio quæ à causa præternaturam fit, talis valet esse, vt ad gradum supernatantiæ perveniat: supernatantes etenim sunt humores, apud Trincavel. & Gal. in comment. libri dicti, Hyppoc. idem ac humores impermixti; humor igitur ille, qui mixtus, & contemperatus esse debet cum aliis humoribus, & potius contra naturæ leges superfluous, & incapax, vt permisceatur cum aliis, reditur, huiusmodi humor peccat in lege mixtionis, diciturque supernatare, vt Gal. de natura humana, in Hypp. textu 23. asserit, pro abundante intelligendum supernatans; vel si malueris, id quod non est cum cæteris commixtum, supernatans propriè appellatur. Quare supernatans humor erit ille, qui mixtionis cum aliis humoribus incapax fuerit, & à natura seegregatus in vitalem tendens cavitatem, vt in morbis læthalibus, sive ad ventriculum, sive ad caput, vt in humoribus tenuioribus, & biliosis solet contingere.

Alij verò humores ita sunt crassi, densi, & glutinosi, vt veluti recrementa gravia, parietibus vasorum adhæreant, ibique penè infinita damna inducant, quæ cordi communicata, calorem nativum celerrimè inficiunt; ita vt si ex his subiectis, mittere sanguinem contingat, sanguis extractus nullum obtinebit vitium, sed maximè laudabilis apparebit, & quasi victima, vt inquit sapientissimus Antonius Ponz de Sancta Cruz

libro de impedimentis magnorū auxiliōrū, fol. 158. licet enim vena dissecetur, humores peccantes in lege mixtionis, per venæ sectionem exire non valent, sed potius vasorum parietibus adhærentes, vt dictum est, vel gravitant, vel densitate torpescunt, sanguis verò laudabilis, & vividus, qui à natura, pro conservando corde, custoditur, venæ sectione deperditur, viresque ægrotantis extremè labefactantur, qui funestus eventus potius solet accidere his, qui liberaliori potu frigidissimo, & venereo congressu intempestivè utuntur.

Notandum similiter est, quod prædicta supernatantia, sive segregatio humoris à sanguinis consortio, à duabus valet causis provenire, quarum unaquæque varias sortitur differentias; primo enim potest humor separari, ex vi putredinis, quæ diversimodè potest contingere, vt à maligna qualitate, cum massa sanguinaria subiecta sit omnibus corruptionis modis: videlicet putredini, vstioni, congelationi, veneno, malignititati, & cuilibet alij contrario, quòd in primis, aut secundis qualitatibus, humoribus adversatur.

Secundo humores possunt separari, & supernatare, non post generationem massæ, sed ex ipso principio suæ generationis; nam iecur parenchima sanguificans, & quatuor humorum oppifex, tali intemperie potest affici, vt humores separabiles, & alienos, atque incapaces consortij difficulter miscibiles, & potius impossibiles vt misceantur, generet, vt in hydropico affectu, anasarca videlicet, & ascite, experimur, quia huiusmodi humores separati sunt à consortio sanguinis, in ipso exordio suæ generationis, cum ab hepate talem separationem, & supernatantiam suscipiant.

Sed cum alij humores præternaturam possint etiam extra iecur, in aliqua corporis parte generari; talis supernatantia à prædictis partibus sumet initium, vt in plurimis pituitæ speciebus, quæ in ventriculo præternaturam generantur, ostenditur, veluti aliæ species, vt bilis porracea, & aliarum: ergo

manifestè constet, quid sit supernatantia; quale sit humorum vitium, & à quibus causis ortum ducat, ut valeamus cognoscere plurimum medicorum errores, qui in his affectibus sanguinem audacter fundunt.

Hæc rursus humorum separatio diversas obtinet differentias secundum humorum peccantium species, & penes maiorem, aut minorem naturæ irritationem. Pro cuius maiori expositione animadvertere oportet, humoris supernatantiam; nullatenus esse turgentiam, aut speciem turgentiae, nam supernatantia multoties datur sine turgentia, ut in febribus merè putridis, & longis, aliisque morbis ab humoribus separatis pendentibus, & non turgentibus: ergo supernatantia potest esse sine turgentia; non verò turgentia sine supernatantia; ac proinde realiter inter se differunt; cum aliquando una sine alia valeat reperiri.

Ex quibus manifestè deducitur ratio, propter quam plurimis in morbis, vel cum febre, vel sine febre, mors sive interitus subito multoties accidat, quin Medicus facile causam possit intelligere, nam cum isti humores separati, & supernatantes, etsi pluries fiat sanguinis missio, per venæ sectionem, non exeant, sed potius incocti, acriores, & calidiores reddantur, ut bilis, vel frigidiores, ut pituita; ideo illo in casu, supernatantia in turgentiam solet converti, vel si malueris supernatantia iam factæ supervenit turgentia, ut vnico, aut altero motu concitato, turgens materia ad cor, aut aliam principem partem irruens, necem inducat; vires enim debiles sunt, quia languidæ à quovis offenduntur; nec mirum, nam primordia turgentiae fuerunt occulta, quæ tamquam in seminario latitabant in illa quieta, & fallaci supernatantia, & postea clucescit, sive detegitur illa lethalis turgentia, quæ aut metastasi, aut vnico solo motu funesto vivens interficit, iuxta quam doctrinam collaudo, semperque tantum viri Antonij Ponz de Sancta Cruz auctoritatem, & consilia sum veriturus; cum maximè coar-

guat

guat Medicos, qui omnes indicationes curativas adimplere conantur per sanguinis missionem, omni purgatione neglecta.

Ex dictis humorum vitiis, quæ cacochymiam constituunt, habita ratione ad humorum separationem, videlicet biliosi, pituitosi, melancholici, vel serosi, qui cum incapaces mixtionis extiterint, propter quod peccantes in lege mixtionis, irreducibiles ad nutritionem partium viventium sunt cacochymi, & ideò qualitate infestantes possunt appellari, vel si formam naturalem præ putridine amiserint, etsi à consortio sanguinis segregati nō sint, vt bilis vitellina, vel porracea, etiam cacochymi, & qualitate peccantes valebunt dici, vt vera purgationis indicatio seligatur; quare cum morbus magnus, magnam genericè indicet remedium, vt est sanguinis missio, vel purgatio, tamen si specificè contrahatur ab specie causæ materialis ipsum producentis, indicatum specificum elucescet; nam quemadmodum morbus magnus à multitudine, vel motu sanguinis, sanguinis missionem indicat, habita ratione ad causam materialem; ita pariter morbus magnus dependens ab humoris cacochymia, siue sit fundata in supernatantia, aut in forma specifica humoris præternaturalis, qui etiam cacochymus dicitur, indicabit purgationem, cum media illa, humor cacochymus prædictum morbum magnum, producat, specificè evacuetur, vt methodicè ablatio morbi contingat; quare semper purgatio, vt in superioribus diximus, indicabitur ab humoris cacochymia, veluti sanguinis missio ab illius vitio, in quanto, vel in motu.

Neque ex prædicta assertione, omneganda veniunt alia communiora, & generica indicantia purgationis, vt sunt virium robur, & ætas flores; ista enim ita sanguinis missionem, quam purgationem, vt potè necessarias exclamant; nam sicut ad exercendam sanguinis missionem requiritur morbus magnus, virium robur, & ætas florens, non aliter, ex doctrina Galen.

ad purgationem sunt necessaria; non tamen valent per se sola specificum indicatum præostendere, vsque quo species morbi à causa materiali dependens, contractum, & determinatum remedium exigat, neque adhuc, vt suo loco dicemus, virium robur, & ætas florens propriè indicantia dicuntur, vires enim non indicant curativè, sed potiùs permittentes, & consentientes sunt, veluti ætas florès, quæ quamvis non adsit, remedium magnum poterit exerceri, etsi maiori cum præmeditatione, & moderatione, vt loquendò de consentientibus ad purgationem clarescet.

Gaspar tamen Bravo unicam tantum differentiam cacochimiam insequens, videlicet supernatantiam, sive separationem humoris à sanguine; quam vocat vitium alterius humoris à sanguine, asserit, nequaquam esse humorè cacochymum cum, qui adhuc est cum sanguine commixtus, quamvis mutaverit speciem, & potentiam, ac putridus sit; tunc enim adhuc est pars sanguinis, ac proindè potiùs est obiectum facultatis retentricis, quam expultricis; sicque cum non sit cacochimus, sanguinis missionem; non verò purgationem indicabit.

Probatur igitur ex doctrina Gasparis Bravo hac ratione, nam cacochimia est vitium in humoribus, ratione cuius indicatur purgatio, vt ex Gal. 11. de ratione victus in morbis acutis com. 1. sed ex eodem Gal. ex vitio humorum multoties indicatur sanguinis missio: ergo quia vitium humorum mixtorum cum sanguine, non efficit cacochimiam, à qua purgatio debet indicari, donec separati fuerint à sanguine.

Sustinenda tamen non est prædicta resolutio, nam supponere humorem esse putridum, & toto genere præternaturam, vt est bilis bitellina, quia tamè est comixtus adhuc cum sanguine, non esse cacochymum, fictitium valde est; nam licet asserat esse adhuc partem sanguinis, sive massæ, bene quidem, sed est pessima massæ pars, putrida, toto genere præ-

ternaturam, & ideò, etsi pars, iam non legitima, imò spuria, & naturæ adversa, ac proindè licèt sit comixta, vel separata, illa ex se, quia putrida semper est obiectum expultricis, quia tamen comixta, dicitur obiectum retentricis, vsquequo à natura fiat coctio, maturatio, & secretio, vt exerceatur tandem expulsio, sicque illo in casu quamvis comixta, semper quia præternaturalis in specie, dicenda erit cacochyma.

Neque Galen. autoritas ipsi auxiliatur lib. 11. methodi cap. 15. vbi ait. *Saluberrimum est in omnibus febris putridis, non continentibus modo, verum, & alijs omnibus, quas putrescens concitat humor, sanguinem mittere.* Hæc quidem autoritas non conducit, vt mitatur sanguis propter vitium sanguinis in quali, sed potius in quanto, imò Galen. in eadem autoritate, hoc apertius explicat asserens, lebata namque natura a sarcina, qua præmitur reliquum, quod est, concoquit: ergo sequitur manifeste, quod propter oppressionem, & multitudinem sanguinis, & non propter vitium in quali, deliberat Gal. de sanguinis missione.

Neque obstat si asserat Bravo 4. method. ex Galen. cap. 6. *neque enim hoc dico propterea, quod purgatio vacuatio sit, quam redundantis sanguinis concursus non indicet, sed quod etiam, tametsi redundantis sanguinis concursus non adsit.* Hæc etiam Galen. autoritas, etsi veneranda, non contra nostram assertionem dupliciter enim possum respondere, primo quod licèt non adsit sanguinis redundantis concursus, ista redundantia intelligitur quoad vassa, non verò quoad vires; sicque quamvis non redundet sanguis quoad vassa, vt ait Galen. solum redundantia ad vires indicabit sanguinis missionem: vel si mavis, etsi neque advires, neque ad vassa detur redundantia, aliquando propter sanguinis motum absque vitio in quali, indicabitur sanguinis missio.

Instabit tamen huiusmodi author hac ratione: purgatio debet indicari ab aliquo vitio humoris, qui sit cacochymus; at qui

qui ab eo non potest indicari sanguinis missio, quia indicantia, & indicata sunt specie diversa: ergo vitium repertum in humore permixto cum sanguine, non indicat purgationem, sed sanguinis missionem: ergo non est cacochymia donec sit separatus à sanguine. Cui respondeo concedendo maiorem, & minorem, & negando consequentiam, videlicet, quòd humor vitiosus permixtus cum sanguine non sit cacochymus; nã sive sit permixtus, vel non permixtus, si tamen præ putredine completè amisserit formam naturalem, ita vt sit bilis vitellina, quamvis sit ista cum sanguine permixta, tamen prava, irreducibilis ad nutritionem, & peccans in specie, sive qualitate dicetur; ac proinde cacochyma, & ex se vt talis, semper indicabit purgationem, non tamen ista fiet, donec materia prava cocta, sive maturata, & separata fuerit à consortio sanguinis; necesse enim est præire coctionem, subsequi secretionem, & tandem evacuationem, vt Gal. Aphorif. 4. sentent. 12. & Hyppoc. 3. epid. aliisque in locis; sed quare fiet sanguinis missio cum non indicetur, sed purgatio. Respondeo, etiam dari indicans sanguinis missionis, quod non sumitur ex illa materia cacochyma, sed ex multitudine massæ, quæ quia gravans ad vires, impedit secretionem talis materiæ cacochymæ; sicque occasio purgationis deficiet, non tamen indicationis.

In surges vlteriùs ex Avicenna fen. 1. 4. cap. de phlebotomia: *Vnusquisque autem eorum, aut phlebotomatur propter sanguinis multitudinem additam, aut propter ipsius malitiam, aut propter utrumque:* ergo non indicatur purgatio, à vitio humoris cū sanguine comixti; salva pace tanti viri, ex hac autoritate contrarium infertur; nam si phlebotomatur propter multitudinem sanguinis, aut propter ipsius malitiam, hæc malitia; potius erit sanguinis, quam alterius humoris putridi permixti: ergo quia tale vitium sanguinis, vel erit in quanto, vel in motu: ergo purgatio à vitio humoris putridi indicabitur: à vitio vero sanguinis permixti cum tali humore,

in quanto, vel in motu, sanguinis missio: non enim implicabit, vt eodem tempore duplex indicans specie diversum, sub diuersa causa materiali in specie, reperiatur.

Vrgebis tamen vnum vt vnum, semper indicat vnum sub eadem formalitate specifica: ergo purgatio, quæ specie semper est vnicum indicatum, obtinebit vnicum indicans in specie: atqui cacochymia, quæ dependet ab humore supernatante, specie differt ab ea, quæ est in humore putrefacto permixto: ergo non dabitur vnicum indicans purgationis specificum, sed erit duplex, cum etiam cacochymia sit duplex; hoc non est dicendum: ergo sola supernatantia humoris constituit cacochymiam. Sed retorqueo argumentum contra Bravo; sanguinis missio est vnicum indicatum in specie: ergo ab vnico indicante specifico; sed quantitas sanguinis, vitium in quali, & motus, differunt specie: ergo etiam sanguinis missio in illius doctrina, tria indicantia specie diuersa obtinebit: quare respondeo rationi allatæ, concedendo maiorem, & distinguendo minorem, cacochymia, quæ dependet ab humore supernatante, specie differt ab ea, quæ est in humore putrefacto permixto, materialiter, & quo ad modum, concedo libenter; formaliter, & quoad essentiam, nego; nam licet humor pecet in lege mixtionis, sive in forma specifica, quia putridus, in facto tamen esse, hoc vel illo modo cacochymus, diuersificabit quoad materiam, non verò quoad speciem; nam solum ex vitio alterius humoris à sanguine salvatur ratio cacochymix, quemadmodum ex vitio sanguinis, vel in quanto, vel in motu, vel in quali, in illius opinione, salvatur ratio specifica indicantis ad sanguinem mittendum; nam esse sanguinem cum hoc, vel alio vitio, non tollit indicationem specificam sanguinis missionis, si cum morbo magno coniugatur; ac proinde à primo ad vltimum est dicendum, quod cacochymia humoris, non semper sumitur ex sola humoris separatione, à sanguine.

Et probatur primo nostra assertio, ex Gal lib. 13. metho-

di cap. 6. afferente; si autem æqualiter omnes succi redun-
dant plectora appellatur; si verò pituita, vile flava, aut atra,
vel serosis humoribus refertum sit corpus, cacochymia di-
citur: ergo expressè ex vitio cuiuscumque humoris à sangui-
ne, quamvis permixti cum eo, efficiet cacochymiam; simili-
tèr etiam 4. Metho. cap. 4. & lib. de multitudine cap. 1. lib.
etiam 3. de sanitate tuenda cap. 9. manifeste docet cacochy-
miam esse vitium in humoribus, sive excessum cuiuscumque
alterius à sanguine. Præterea probatur ratione, plenitudo, &
cacochymia sunt duo vitia humoribus supervenientia, à
quibus indicatur sanguinis missio, aut purgatio, morbo mag-
no existente; sed à plenitudine sanguinis, indicatur sanguinis
missio: ergo à vitio cuiuslibet alterius humoris à sanguine in-
dicabitur purgatio: ergo quia tale vitium humoris, absque eo
quod separatus sit, indicabitur purgatio, cum corpori alendo
non sit idoneus, sive in quanto, sive in prava qualitate vitium
contraxerit: ergo sententia apud Bravum adducta, non est
sustinenda, vt Fucius, doctissimus Senertus, & alij persen-
tiunt; de impediendis tamen, & contra indicantibus purga-
tionem, suo loco debito, disputatio offerenda erit.

DVBITATIO I.

*QUÆ CORPORA INEPTA SINT
ad purgationem.*

VT regulari methodo, nonque temerè valeat medicus
pharmacum exhibere, valdè utile erit, animadvertere
cum Galen. in præsentī capite, quæ corpora sint inepta ad
purgationem, quare meritò Gal. in præsentī conscripsit li-
brum, quos, quibus, & quando purgare oporteat, ideòque
illa

illa particula, quos, refert ad subiecta, oportet enim, medicum maximè perpendere, quæ sint illa, quibus purgatio confertur; illa verò particula, quando, secum occasionem proclamat, quibus tandem, pro medicamentis, intelligitur, ne indifferenter, quælibet medicamenta exhibeantur, vt in superiori, agendo de indicante, & indicato specifico, satis prædictum est.

Constituit igitur Gal. conclusionem maximè observandam in præsentī capite, nimirum, quod corpora sana difficilè purgationem ferunt, vertigines enim, ventris tormina, & animi deliquia solent accidere: nomine autem sanorum corporum, intelligit Gal. in præsentī capite, ea quæ semper simpliciter talia sunt, licèt libro de arte medendi capite tertio, salubre corpus, in tria membra dividat, quorum alterum, simpliciter semper appellat, alterum, vt multum, aliud, vt nunc: intentum, igitur Gal. huius capitis solū intelligendū est de priori membro; nam talia corpora sana per modum habitus, statu salubri fruuntur, nam ista sunt, quæ media purgatione vertigines, vt dixi, vel ingētissimos ventris dolores patiūtur, quæ omnia, etsi ratione purgationis accidāt, ratione etiam medicamenti acris inassueti fuscitantur, nam in vertigine, dum vapores in caput moventur, etiam solet plurima medicamenti quantitas vaporosa, in ipsum irruere, in cuius motum, moventur humores ex ventriculo ad prædictum cerebrum, vt media depravata commotione, spiritus visorij in girum moti, species obiecti visibilis mentiantur, vt talis vertigo fuscitetur, nō aliter cum ventris tormina, vi medicamenti purgantis, contractionem, & circumvolutionem intestinorum efficiant, transitu impedito ad humorem expurgandum, difficilis proinde, in corporibus sanis, purgatio redditur: animi etiam deliquium supervenit, nam cum hoc symphoma, ad facultatem vitalem, & animalem, quæ trahitur in consensum pertineat, meritò media dissipatione, & resolutione spirituum contingit; & ideò vetriculus depauperatus à calore influenti, propter spiritus vitalis reg-

tractionem ad cor, actiatio pharmaci impeditur; sicque purgatio secundum Gal. in his corporibus sanis, maximè difficilis est.

Præterea aliam adducit difficultatem purgationis Galen. nam cum medicamentum purgans, non inueniat humorem, sibi familiarem, cacochymum, carnes, ac sanguinem fundit, & liquat, & meritò; nam cum huiusmodi corpora, excrementa, quæ debent expurgari, & humores cacochymos nō obtineāt, potius illi, qui in quantitate moderata sunt, ac à natura debent retineri, virtute, & acredine medicamenti assumpti, intempe, siuè evacuantur.

DVBITATIO V.

AN SI MATERIA NON TURGEAT.

sint purganda utero gerentes.

POSTQVAM Gal. in superiori capite incommoda, quæ in corporibus sanis vi pharmaci subsequuntur, adduxit, merito sequitur dubitatio, de periculo, siue imminetia symptomatum, quæ possunt accidere in utero gerentibus, vi medicamenti purgantis, iuxta quam dubitationem Averroes 5. collectaneorum, cap. 7. negativè alloquitur, supponitque duo Galeni testimonia, primum 5. aphorismorum commentar. 34. *Gravidis si immodicè alvus fluat, sequitur abortus*: Ergo quia non sunt purgandæ, nisi materia turgeat; tum & etiam comment. 60. *Mulieres utero gerentes, si menstrua purgatio superveniat, non potest esse fœtus sanus, & periculum est abortus* atqui talia medicamenta movent humores, etiam versus uterum: ergo valdè difficilis est purgatio in utero gerentibus.

Con

Contraria tamen assertio est substinenda; nam prædicta testimonia, & alia similia, sunt tantum doctrinalia, non autem semper insequenda, sed ratione urgentioris affectus immutanda, ut Gal. 3. methodi, cap. 7. inquit, *agendum est pro potentiore, altero non neglecto*, idest urgentiori affectui succurrendum, alio non neglecto; ex qua authoritate inferitur, quod etsi maxima sit, gestationis vteri, habenda ratio, si tamen ex alia parte mulier morbo acuto laboret, & vrgeat caco-chymia, ut fiat purgatio, etsi materia non turgeat, purganda erit vtero gerens.

Probatur ratione præsens sententia; nam tota ratio, propter quam vtero gerentes sunt purgandæ, si materia turgeat, ut Hyppoc. 4. aphorismor. sentent. 1. est, quia materia turgens, farina, & huc, & illuc commota, in aliquam principem partem irruens, potest ægrum interficere; atqui in morbo acuto datur periculum valde vrgens, ut vtero gerens vi acutici morbi pereat: ergo ita pariter propter urgentiam affectus, quamvis materia non turgeat, vtero gerentes purgandæ sunt. Roboratur. Nam pereunte matre, perit fœtus; sed ex vrgentia, & acutici morbi, datur periculum utriusque mortis: ergo si exhibito pharmaco, potest mater à prædicto periculo liberari, ita pariter fœtus: ergo ob præsentiam morbi acuti, vtero gerentes medicandæ sunt.

Nec tempore gestationis, quodcunque sit, in prædicto casu, medicamentum purgans potest obnegari, etsi hoc maxima cum præmeditatione sit faciendum, ut in prædicta sententia venerandus Hyppoc. exponit; securius enim fiet purgatio à quarto mense, usque ad septimum; difficilius tamen in iunioribus, & senioribus; videlicet in primis, & ultimis mensibus, ut Gal. in comment. pulchram adducens similitudinem inter fœtum cum vtero, & inter fructum cum arboribus, inquit, quem admodum fructus, in prima ipsorum generatione debiliores obtinent pediculos; & ideo facile, aliquo expirante vento, di-

labuntur in terram, succedente verò tempore, quia pediculi incalescunt; robustioresque fiunt, etsi vehemens irruat ventus, difficultè decidunt, procedente tamen maiori tempore, cum fructus perfecti, maturique extiterint, spontè propria vi ponderis, & ex debilitate arboris contracta vi gravitatis, fructus faciliè deorsum vergunt; intermedio verò tempore, cum nec tenerrimi, nec maturi, sed potius firmiores arboribus sint annexi, valdè cuilibet obianti causæ obstant: non aliter in diversis temporibus vteri gestationis, diversum robur ad medicamenti purgantis vim sustinendam reperitur; nam in principio, quia foetus tenerimus, veluti primis tribus mensibus, faciliè, quemadmodum, quia maturus, & ponderosus in vltimis deperditur, veluti, & contra in tempore medio, à quarto vsque ad septimum, cum firmitè ligamenti vteri sit annexus, non faciliè, neque à quocumque motu separari valebit; ex quibus deducitur, quod quamvis maius periculum abortus, in vno magis, quam in alio tempore adsit, tamen purgatio in vtero gerente, morbo acuto correpta, non erit renuenda.

Nec minus necessarium est animadvertere, quod licèt exhibendum sit pharmacum vtero gerentibus in prædicto casu quocumque tempore, nullatenus tamen tanta medicamenti quantitas, ac in aliis subiectis erit propinanda, cuius est ratio, quia imminet, vi medicamenti, aliqua ventriculi inflammatio, quam maxime debet Medicus præcavere. Præterea, ne vterus immodicè comprimatur, ex cuius compressione subsequatur abortus: tertio, ut faciliùs medicamen in actum reducatur, quarto, nam alui fluxus valdè in gravidis est periculosus, ut loco assignato diximus; quare propter has, & alias huiusmodi rationes, tam quantitas moderata, quam clementia pharmaci ad debitam purgationem debet seligi.

DUBITATIO VI.

AN LICET MEDICVS PROBABI-
liter indicet aborsus periculum, propinandum
su pharmacum.

EX superiori, præsens, vrgentiorque dubitandi ratio nascitur, nam cum aliquandò Medicus probabili ratione aborsum, ex medicamento purganti timeat; dubitatur, utrum non obstante prædicto periculo, possit purgationem decernere: negativa pars ab aliquibus sustinetur; nam etsi verum sit, quod mater possit, tum à morbo, tum à necesse liberari, tamen foetus peribit: ergo non erit propinandum medicamentum purgans. Antecedens patet ex suppositione: Consequentia probatur; non sunt efficienda mala, ut sequantur bona; sed quamvis matri auxilietur pharmacum, & à morte liberetur, sequitur interitus foetui: ergo efficientur mala, ut sequantur bona, nimirum pro salute matris, foetus peribit.

Probatur ulterius; nam tota ratio, propter quam tribuitur medicamentum purgans, est, ut vtero gerens morbo acuto correpta, liberetur à periculo mortis, licet aborsus sequatur; sed sic est, quod non solum non liberatur à tali periculo, sed imò ex aborsu, maius additur periculum, ut mater simul, & foetus pereant: ergo non est propinandum pharmacum, ex quo aborsus sequatur. Probatur minor propositio, nam omnes debent fateri, quod partus naturalis non ita est periculosus, quemadmodum est aborsus, cum ille, tempore iam statuto, à natura contingat, ac proinde motu naturali; aborsus vero motu violento, & præternaturam; atqui ea quæ sunt præ-

ter-

ternaturam, & violenta, sunt magis periculosa, quam ea, quæ secundum naturam eveniunt: ergo ratione abortus in muliere morbo acuto correpta, maius periculum, & acutius additur morbo, ut pereant ambo, mater videlicet, & foetus: ergo numquam valebit medicus propinare medicamentum purgans, si provabiliter iudicet periculum abortus ex dicta purgatione.

Côtraria verò sententia, & affirmativa, aliis authoribus placet: & probatur; nam dantur casus, in quibus licet medico abortum suscitare, ad liberandam mulierem à morte: ergo multò melius quando non est abortus certus, sed provabilis, poterit medicus medicamentum purgans propinare, antecedens sensu, & suppositione probatur; nam si aliqua adsit mulier, quæ parvulum habeat uterum, aut maximam colli angustiam, sive aliquod tuberculum in matrice, in illo tunc, mulier in partu, & foetus morte periclitantur: ergo ne simul foetus, & mater pereant, licebit medico ad matrem liberandam, abortum provocare: ergo multò melius in utero gerente morbo acuto correpta; licet probabilis sit timor abortus, propinare medicamentum purgans poterit. Primam probationis rationem, plurimi amplectuntur, ut inter Grecos fuit Aetius Amideus, ex arabibus Rasis, & Avicenna, ex latinis Theodorus Priscianus.

Roboratur igitur ulterius conclusio prædicta; nam si prægnans fuerit puella, & ideo foetus sit periturus; ita ut tempus maturum advenire non possit, quin prius ambo, mater, & foetus intereant, illo etiam in casu, ne utriusque sequatur mors, valebit medicus abortum suscitare, ut saltim mater libera evadat: ergo quando non est certus abortus in utero gerente, acuto morbo laborante, sed tantum provabilis, urgentius poterit medicus pharmacum purgans exhibere.

His tamen rationibus non obstantibus, prædicta dubitatio maxima cum distinctione venit perpendenda, videlicet, vel sequi,

sequitur abortus immediatè, & per se intentus à medico, medio medicamento, qualecumque fuerit, vel accidit ex accidente. si præter medici intentionem; ita ut exhibitio pharmaci, solum dirigatur in vitam matris liberandam, propter acutiem morbi conflictatæ; ita ut semper medicus innitatur, aut connetur totis viribus foetum custodire, ne sequatur abortus, taliter ut si contingat, sit præter medici finem, & ex accidenti, non verò, per se; quare si pro morbo acuto profligando, exhibeat pharmacum purgans, licet ex illius exhibitione timeatur abortus, cum iste per se non intendatur, valebit medicus maximè cum ratione exequi purgationem: quem sentiendi modum sapientissimus Sylvaticus in suis quaestionibus tuetur, & doctissimus Paulus Zachias in suis quaestionibus medicis legalibus ingeniosè insequitur.

Deducitur ex dictis faciliè, quam pravius, & à veriori doctrina recedens sit, sensus aliquorum asserentium, per se, & immediate, ratione finis, posse medicum abortum suscitare, sive præbere pharmacum ad foetum interficiendum, præcipue in casibus supra præscriptis: huiusmodi etenim sententia rationi philosophicæ, tum etiam sanctis, sanctorumque patrù legibus, valdè est dissona; ita ut nullus cuiuscumque status, gradus, ordinis, & conditionis, quavis dignitate, aut præheminentia insignitus, abortum, neque ad vitam matris liberandam suscitare valeat.

Probatur igitur præsens assertio ex synodo constantinopolitana 6. ubi decretum fuit, quod qui propinarent medicamenta abortum efficiuntia, homicidæ poenis subiiciantur. Roboratur ex sexto §. Summo Pontifice, qui divina providentia decrevit, anno dominicæ incarnationis, quod qui per se, aut per interpositas personas abortum foetus immaturi, tam animati, quam inanimati, formati, aut in formis, quomodolibet expulsionem suscitaverit, ita ut ex eo abortus sequatur, eadem poena puniatur, qua, homicidas voluntarios solent leges, tam
divi,

divinæ, quam humanæ punire: ergo rationes superiùs aductæ, nequaquam, sunt insequendæ, videlicet, quod per se numquàm à medico intendatur abortus, quamvis vtero gerens à periculo mortis liberetur.

Fundamenta verò superiùs dicta non vincunt; nam licet parva sit puella vtero gerens, non idèò necessariò sequitur, eam perituram esse, etsi perveniat ad debitum tempus maturi foetus; quare cum maior certitudo mortis in matre, & foetu ex abortu detur, quam si foetus conservetur; non enim implicat, ut quamvis puella sit, possit ad terminum statutum, & perfectum partus accedere: dementia, & temeritas erit antevertere periculum certum pro incerto, cum incertum sit, puellam non posse prægnantem conservari, usque ad nonum mensem, quia plurimæ, etsi puellæ, proportionè servata matricis, cum magnitudine foetus, solent cum usque ad perfectionem temporis custodire absque villo periculo; imò foelici cum evêtu partus naturalis cõtingit: quare satius erit in prædicta, & aliis suppositionibus, debitum tempus, in quo vitæ spes matris, & foetus datur, spectare, quam ex abortu, eum sine mora interficere, simulque matrem in vitæ discrimen adducere.

Sed vrget vltteriùs alia ratio peculiaris, (etsi communiter contingat nostris temporibus) aliquandò ex partu spectato, evidens mortis periculum in muliere enixa imminet, ex eo quod fama eius, quia nobilis deleteretur, & possit à suis parentibus prædicta mulier internecari, honestatisque præciosius in totum corrumpi, ipsaque peccati malitia desperata, ad aliud vehementiùs patrandum pro clivis, poterit se ipsam sine divinæ maiestatis timiditate, morti committere: Ut igitur hæc omnia satis gravia præcaveamus, tenebitur Medicus medicamentum præscribere, ut abortus superveniat, dummodo foetus non sit animatus: quam opinionem tuentur Thomas Sanchez, de matrimonio tom. 2. lib. 9. disput. 20. Covarrubianus, & alij quos refert doctissimus Torreblanca in suo epitome de.

delictorum; asserunt etenim, non esse homicidam, qui abor-
sum connatur, antequam anima corpori sit infusa, præcipuè
in casu ita gravi, vt tot incommoda, ex omiſſa præcautione
non subsequantur.

Sed neque præſens ratio ſufficit, vt verior ſenſus dictus im-
mutetur; nullatenus enim, vt ſupra eſt dictum, ſunt efficienda
mala, vt ſequantur bona; benè verò vt dixi in muliere enixa
morbo acuto affecta, etſi probabilis ſit aborſus, pharmacum
purgans exhibendum eſt: non tamen cum fine movendi abor-
ſum per ſe, ſed ad matris ſalutem liberandam, etſi indirectè,
& per accidens foetus poſſit perire: & ad rationem, quod ad-
ditur maius periculum, & acuties morbi intenditur ex medi-
camento purganti aſſumpto, quia ille motus foetus, cum valdè
ſit violentus, cum ſit aborſus, vehementer vires matris de-
bilitat. Reſpondeo primo, quod tunc non intenditur talis mo-
tus, & ad ipſum fugiendum, medicamentum purgans valdè
clemens, mite, & in quantitate moderata, eſt præſcribendum,
vt cauſa materialis cacochema evacuata, potiùs mater, & fœ-
tus incolumes à morte poſſint permanere.

DVBITATIO VII.

*AN PVERIS, TEMPORE LACTA-
tionis, liceat medicamentum purgans
exhibere.*

PROPTER plurimas primitivas cauſas, diverſis affectio-
nibus pueruli, tempore lactationis, poſſunt corripì, &
quæ inter omnes, principem ſibi abrogat locum, eſt intem-
peſtivum, & inordinatum tempus, quo lac aſſumunt, vt maxi-
mis ſcateant excrementis, quibus poſſunt ſupervenire tum

epilepsia, tum alvi deiectiones, tum febres synochales, ac alij si niles morbi, ideoque debita cum ratione dubitatur, vtrum aliquando possit Medicus eis condonare medicamentum purgans. Circa quod Aetius Tetrabello 2. cap. 39. sermone 2. haud dubitat pueris, quamvis laborantibus epilepsia, non esse medicamentum purgans propinandum, & probatur, nam maius robur requiritur ad purgationem, quam ad sanguinis missionem; atqui Gal. prohibet sanguinis missionem in pueris: propter evacuationem connaturalem, quam semper habent: ergo cum purgatio maius exoptulet virium robur, quam sanguinis missio, multò minus purgandi erunt pueruli tempore lactationis.

Opposita tamē sentētia est substinenda, vt Gal. lib. de puerro epileptico innotet, vbi exemplo pueri Cecilianii epilepsia laborantis, medicamentum purgans affirmat, tum & etiam Hyppoc. sexto de morbis vulgaribus part. 1. comm. 33. vbi sic ait: *Mulier, aut capra, cucumerem silvestrem edentes, pueros purgarunt.* & Gal. in comment. idem fatetur, & probatur ratione; nam si puer labore cacochymia, media qua vires languidae reddantur, vt docet Gal. de sanitate tuenda capite 4. datur maximum periculum vitæ: ergo dabitur morbus magnus, saltem imminens, pendens à cacochymia: ergo cum detur indicans purgationis in pueris, debet medicus exercere indicatum, videlicet purgationem: nec valet si asseras deficere consentiens, videlicet virium robur, propter assiduū effluuium naturale triplicis substantiæ, & cum ex alia parte, vires ratione cacochymiae fiant languide, nequaquam dabitur consentiens ad deliberandum de medicamento purganti: hoc haberet vim, si omne medicamentum purgans esset vehemens, & acre, cum verò plurima reperiantur medicamenta benigniora, quæ pro natura tenerissima, & facultate expultrice puerili sufficiant, propterea, etsi purgatio possit dici difficilis, non tamen impossibilis est, siquidem æqualiter currit,

doctri-

doctrina Hyppocratis §. aphorism. sentent. §. *sub cane, & ante canem difficiles sunt purgationes*: asseruit difficiles, non impossibiles, & ratio propter quam, adducitur apud Gal. in commentario asserentem, nam vim, & acridinem medicamenti purgantis deusta natura, tempore æstatis ferre non potest; vel si in avis cum Argenterio in eodem commetario prædictæ sententiæ, quia natura innanita, & resoluta præ calore æstivo, aliam evacuationem à medicamēto purganti factam, ferre non valet: quo non obstante dixit Hyppoc. purgationes difficiles non impossibiles in æstate, cum adsit vrgentia cacochymia, medicamentis tamē benignioribus: ergo non aliter in pueris, etsi ratione evacuationis assidua, non sint vires ita validæ, non sunt excludenda medicamenta purgantia, quamvis sint clementiora selligenda: ergo benè poterit Medicus pueris tempore, lactationis medicamentum purgans exhibere.

Videtur tamen ex autoritate Hyppoc. vehementioribus medicamentis expurgandos fuisse pueros, ex loco citato, cum medio cucumere silvestri purgarentur: hoc tamen facilè deciditur, imò respondetur esse clementiorem modum purgandi pueros medio lacte nutricis, nam quamvis medicamentum esset assumptum à nutrice cum aliqua vehementia, ista tamen cum valdè efrenetur per varias commutationes, quas per corpus nutricis pateretur, usque quo illius virtus lacti esset communicata, meritò si medicamentum, illo in casu, esset clemens, illius virtus exolveretur, nihilque effatu dignum remaneret; si verò cum maiori activitate, & vehementia, sit à nutrice devoratum, benignum, & leve respectu pueri dicetur, cum solum virtus purgativa, in lacte maneat sigillata.

Prædicta tamen doctrina non communiter est amplectenda; multi enim, sine vlla methodo, & ratione ad purgandos puerulos, semper decernunt simul nutricibus medicamen-

tu in purgans exhibere: hoc tamen solum est intelligendum, si nutrix si nul, & puer cocochymia laborent; si verò puer solum affectus præternaturam sit, nequaquam nutrix erit purganda, nam ut in superioribus diximus cum Gal. corpora sana minimè ferunt purgationes: quare illo in casu solum puerilis cacochymia, ut verum indicans, debet expurgari.

CAPUT II.

*QUÆ CORPORA SANA DE-
beant purgari.*

IN præsentī capite aggreditur Gal. explanaturus, quæ corpora, licet sana, purgari debeant, constituitque conclusionem in præsentī, quod corpora sana, quæ parata sunt ad morbos concipiendos, medicamento purganti ægent, incipiente quidem verè, si plethoricis soleant morbis corripī, per sanguinis missionem, per expurgationem verò, si morbis ex corruptione, aut cacochymia soleant laborare, quæ quidem corpora à Gal. intellecta, dicuntur sana ut nunc, idest, quia tempore præsentī solum, sanitate fruuntur, disposita tamen sunt, ut in morbos imminentes incidant, quæ quidem remedia, propriè in doctrina Gal. præcautoria nuncupantur, in principio tamen veris: cuius assertionis, plurima experimenta adducit; excludenda verò sunt corpora, quæ morbis ex bile natis, assuescunt laborare, talia enim in fine veris sunt expurganda, quemadmodum ea, quæ morbis ex melancholia afficiuntur, non solum, verè, verum etiam autumnō veniunt expurganda.

OBSER.

OBSERVATIO I.

CIRCA PRÆSENS CAPVT.

CVM in antecedenti capite docuerit Galen. oportu-
nius esse tempus vernum, ad deliberandum de medi-
camento purganti ad præcautionem morborum, qui im-
minent, meritò adducenda est causalis ratio, & cum inter
omnes non sit parui pendenda, quæ sumitur à robore naturæ,
ob hanc rationem, quia tempore veris, vegetior, & robustior
existit natura, vt Hyppoc. aphorismor. I. 15. sentent. inquit,
ventres yeme, &c. in æstate maxima cū ratione, quia natura
disipata, & resoluta vi caloris ambiens redditur; tum &
etiam, quia motu humorum ad circumferentiam, siue ad ha-
bitum media caliditate æstiva, difficilè motus contrarius ad
centrum, media purgatione fiet, sicque propter prædictam
inæqualem humorum agitationem, natura ægrè, purgatio-
nem in æstate, valet sustinere, vt superius ex Hyppocrat.
sentent. 5. 51. aphorism. prædiximus; quare merito Gal. mo-
net, vt medicamenta purgantia, præcavendi gratia, potius ve-
rè sint exhibenda.

Cum contrariorum eadem sit ratio, pari passu tempus
æstati contrarium, vt Hyems, à Gal. maxima cum ratione
reiiicitur, ad pharmacum exhibendum, vt morbos præcavea-
mus; nam licet verum sit, quod tempore hyemali, ventres
sint natura calidissimi, & ex hac ratione appareat sufficiens
naturæ robur ad medicamentum purgans perferendum,
quia tamen ex accidenti potius, vt inquit Gal. in commentar.
hoc contingat, per se verò pituita, humoresque crasiores vi-
geant, & propter maximam hyemis frigiditatem, validissimè

con.

concreti, & inepti ad motum sint, & vasa per quæ transire debent, angustiora, & inepta reddantur. Præterea maxima, etiam cum difficultate purgatio continget; imò propter humorum inobedientiam, & incapacitatem, multotiès frustraneum erit pharmacum purgans: ergo etiam hyemali tempore, non præcautionis gratia, sed cum manifesta vrgentia, exhibenda sunt medicamenta purgantia.

OBSERVATIO II.

IVXTA MODVM PURGANDI, ET
sanguinem mittendi.

AEQVALIS aliquandò proclamat, sanguinis missio-
nis, & purgationis necessitas, circa quod observan-
dum est ex prædicto capite; quod si cacochymia sit pri-
mæ regionis, plectora verò intra vasa reperiatur, & vomit-
us, nec clysteres pro exoneranda ea sufficiant, priùs ab
evacuatione primæ regionis, per pharmacum, est incipien-
dum, vt Gal. lib. etiam de sanguinis missione, in primis venis
cruditate reperta, cuius est ratio, vt ait Gal. lib. de multitudi-
ne capite vltimo, quia vasa innanita priùs sanguinis missione,
id quod crudum, & vitiosum humorum est, ex primis venis ad
se trahunt: quam doctrinam Fernelius firmissimè insequi-
tur, lib. 3. metho. cap. 8. & licèt Cardanus libr. de malo me-
dendi vsu, curatione 62. prædictam methodum reprehendat,
sub distinctione, vna, & altera, doctrina est summanda; nam
si cacochymia primæ regionis, complicata fuerit cum febre
acuta pendente à plenitudine intra vasa, proptèr febris vehe-
mentiam, & vrgentiam, potiùs debet medicus sanguinis mis-
sionem, quam primæ regionis purgationem decernere; si ve-
rò,

rò, hæc complicatio hoc modo non reperiatur, in morata, sanguinis missione, incipiendum erit à pharmaco primas venas expurgante.

Secundo animadvertendum venit, quod æquali existente necessitate, ita ut si quis ponat multitudinem intra vasa, & cacochymiam, regulari in illo tempore curatione, prius à sanguinis missione erit incipiendum, ita sentit Paulus à Gineta, lib. 2. Aetiùs Tetrabello 1. sermone 1. cap. 10. Avicena, fen. 4. lib. 1. cap. 5. ratioque est in promptu, quia sanguinis missio est veluti essentialis, & prævia dispositio, qua viæ præparantur ad purgationem perfectam; deposita enim multitudine, redduntur vasa patentiora, ut humorum motus medio medicamento purganti facilius efficiatur, ut Avicena loco citato, inquit, sæpè numero contingere, ut dato medicamento purgante, ante missionem sanguinis, febris quæ antea non erat, superveniat; oportet: ergo ait, à minutione incipere, quomodo vero, si cacochymia extiterit in tertia regione, ut si pustulæ, sive scabies, aut exanthemata reperiuntur, debeat medicus operari, libro de sanguinis missione atulli.

CAPUT III.

QUOMODO PRÆPARANDI SINT
humores ad purgationem.

UT omnia ad laudabilem purgationem requisita, compleat Galen. meritò adducit modum purgandi humorem cacochymum; nam cum multoties, ut supra manet dictum præinobedientia, & prava humoris dispositione, tarda, aut nulla fiat purgatio; ideo prius humores sunt præparandi, ut Hyppoc. Cum quis purgare voluerit, fluida facere oportet.

tet. Instituit igitur Gal. in præfenti, modum præparandi humores, & corpora ad purgationem adducere, sicque ait: quod humoris crassi debent attenuari, ac meatus corporis aperiri, ne inter purgandum, animi deliquia, & plurimæ affectiones contingant.

DVBITATIO I.

*AN SEMPER HUMORES ATTE-
nuare ad purgationem oporteat.*

Circa præfens dubium, plurimi negativam tuetur sententiam, primo ex Avicenna sen. 1. lib. 4. tract. 2. cap. 7. ubi agens de curatione febrium putridarum, inquit: *Quod digestio est præparatio humoris subtilis ingrossum, & grossi, in subtilem, & paulo infra præparatio colerici humoris est, ut fiat ipsius, quod facit aqua frigida:* Ergo ex Avicenna humores tenues, aliquando sunt increassandi; ac proinde non semper attenuandi: similiter Gal. eandem sigillat doctrinam, lib. de constitutione artis medicæ, cap. 22.

Probatum deinde ratione; nam humores, qui per sputum evacuantur, nec semper debent attenuari, sed solum crassi, tenuiores verò in crassari: ergo, &c. Antecedens probatur; nam humores præparantur, ut possint facilius educi, ita ut sint cum mediocritate; atqui si dum sunt iam tenuissimi, & magis à medicamento attenuentur, illa mediocritas, & præparatio deficeret: ergo humores, non semper ad purgationem sunt attenuandi, ut Gal. 1. prognosticorum, comment. 43. asserit, *à medicis tales humores ad quamdam mediocritatem esse reducendos:* ergo dum sunt purgandi, semper ad mediocritatem sunt reducendi: ergo si tenuiores fuerint, quam

quam oporteat potius incrassandi, vt ad prædictam mediocritatem perveniat.

Probatur vltcrius, ea enim, quæ pelluntur, non semper attenuantur, imò experientia patet in externis, quod quædam nō possunt pelli propter nimiam tenuitatem, alia verò propter immodicam crassitiem: ergo non aliter intra corpus sollet contingere, ratio est in promptu, nam quidquid pellitur, debet esse capax impulsus: ergo cum humores tenuissimi fuerint impulsus facultatis impellentis, meritò erunt aliquando in crassandi; patet enim quod licet detur robor ex parte agentis, tamen ex ineptitudine obiecti, vt in pallea, & aliis similibus, non potest impulsus loco motivus, secundum agentis vehementiam, imprimi.

Probatur deinde, semper ars debet insequi, & immittari naturam rectè operantem; sed vt natura debite, & critice humorem expellat, prius media coctione, quæ procedit in crassando, præparat eum, & maturat: ergo quando humor tenuior est, quam convenit, potius erit ad mediocritatem incrassandus, quam attenuandus, vt Aristoteles 4. metheororum, cap. 1. si autem ars procedit attenuando, impedit coctionem absque dubio, quia impedit incrassationem; tum & etiam quia nullus reperitur locus apud Gal. in quo asserat, humorem biliosum esse attenuandum.

Roboratur vltcrius, est necessaria præparatio humoris, & maturatio, vt debita fiat purgatio; atqui dum bilis est tenuissima, potius est recedens, & cruda: ergo vt præparetur debet maturari per contrarium, sed crassities, & tenuitas opponuntur: ergo cum immodica tenuitas arguat cruditatem, ista erit corrigenda per incrassationem: Ac per consequens humores ad purgationem, non semper sunt attenuandi.

Verior tamen sententia inter alias est, quæ asserit, quemcumque humorem ad purgationem præparandum esse, & si biliosum attenuandum. Et probatur primo ex Gal. 2. aphor.

comment. 9. superius dicto, vbi inquit: *Fluida reddi, nihil aliud est, quam attenuari*. Ergo dum bilis præparatur, debet fluida reddi: ergo attenuari. Probatür vlteriùs, humores præparantur, vt possint faciliùs educi; atqui humores sunt promptiores, & paratiores educationi, qui sunt tenues, crassi verò cum difficultate educuntur: ergo crassi sunt attenuandi, non tamen tenues sunt incrassandi; nam ex obedientibus, inobedientes redderentur ad purgationem.

Roboratur prædicta assertio, purgatio fit virtute, medicamento, attrahente, & à facultate expellente; sed ad hoc conducit magis tenuitas, vt in turgentia patet: ergo humor tenuis non est incrassandus. Minor probatur, nam humor semper expurgatur media fluxione de parte in partem; atqui vt fluat, quo tenuior sit humor, est paratior ad motum: ergo maximè conducit tenuitas ad purgationem: ergo non est incrassandus.

Instabis tamen auctoritate ipsius Gal. cum libro de constitutione artis medicę, asserat: *Humores crassos attenuandos, tenues verò incrassandos, & utrosque pariter concoquendos*. Pro cuius auctoritatis solutione, advertendum est, maturationem, siue concoctionem humoris peccantis, bifariam posse perpendi. Primo modo, vt ita humores à vera natura recedant, quod amplius ad naturalem statum reddere nō valeant, neque in substantiam nutritibilis converti: Secundo verò modo ita recedunt, vt possint ad naturalem statum verti, ac in substantiam nutritibilis transmutari. Quibus positis, si primo modo perpendantur, cum in substantiam viventis non possint converti, necessarium est vt maturescant, vt expelli valeant; qui potius maturandi, siue concoquendi sunt ratione expulsionis; sicque hoc modo perpenſi humores, si fuerint crassi sunt attenuandi, non verò tenues incrassandi. In quo sensu intelligendus est Gal. loco assignato; ibi enim loquitur de humoribus evacuandis, quia non possunt in substantiam nutriti converti;

si verò possint in statum naturalem reduci, vt viventi præveant alimoniam, meritò si tenues fuerint, sunt incrassandi; nam si recedunt ab statu naturali per tenuitatem, sine dubiò ad ipsum statum redire non poterunt, nisi incrassentur; quare tunc præparatio in incrassatione consistit, quemadmodum si crassiores fuerint, quam sit ad nutritionem necessarium, præparatio in attenuatione consistit; nam talis præparatio, siue maturatio, solum est vt prædicti humores concoquantur, & sic concocti possint in substantiam nutriti converti; quare meritò dixit Gal. si humores à naturali statu recedant; si tenues, esse incrassandos, si crassi, attenuandos; non verò loquitur de his, qui per purgationem evacuari debent.

Ex quibus facilè deducitur solutio cuiuslibet argumenti in contrariam partem præscripti; facilè igitur solvitur auctoritas Avicennæ, si respondeam, ipsum solum intelligendum esse de reductione humoris biliosi ad concoctionem, non tamen ad expulsionem. Vndè dū recedit, quia tenuissima est bilis, vt concoquatur prius à natura debet aliquomodo incrassari; semel verò cocta, vt facilè expurgetur, potius fluida reddi, & attenuari; vndè quandò ait, crassos esse attenuandos, tenues verò incrassandos, vt ad mediocritatem reducantur, potius intelligitur, vt obediant coctioni, non verò expurgationi; nam cum prius debeat materia concoqui, antequam expellatur, potius agit de prima præparatione ad coctionem, quam ad purgationem; ad istam verò semper fluxibilitas, & tenuitas requiritur, eodemque modo intelligendus est Gal. 6. de morbis vulgaribus, part. 1. comment. 19.

Autoritati similiter Galeni secundo prognosticorum alloquentis de sputo, siue de morbis thoracis materialibus; respondendo concedendo libentè, quod excrementa, quæ per sputum debent expelli, semper ad mediocritatem, inter crassitiem, & tenuitatem, debent reduci; nam in quovis extremo adsint, impeditur expulsio; hoc tamen non ita intelligendum est de hu-

moribus per purgationem expellendis, cuius est ratio, quia nocumentum sensibile ab humore in thorace existente, suscitatur facultatem loco motivam musculorum intercostalium; ut media expiratione, vehementique exuffatione prædicta materia expellatur, quæ tamen si valdè fuerit tenuis, faciliè propter tenuissimas partes, expirationi cædit; sicque remanet frustranea, & innanis exuffatio, ad humorem thoracis expellendum; quæ verò sunt nimis crassa, valdè expirationi obsistunt, sicque debent semper ad mediocritatem reduci, quæ per sputum excernuntur: non tamen ita currit paritas in purgatione, nam purgatio, ut diximus, media medicamenti attractione, & partium expulsionem contingit, cui valdè fluxibilitas, & tenuitas humorum auxiliatur.

Ad tertiam rationem solvendam, respondeo, diversum esse modum impulsus ad purgationem humoris, media facultate expultrice, quam ille, qui fit in externis, ut in pallea, stupa, & aliis; nam impulsus loco motivus requirit densitatem, unionem, & aliquam resistantiam ex parte obiecti, ut faciliè impellatur, quia tamen immodica datur raritas, & tenuitas, ita cædit impulsui agentis, ut non possit loco moveri; in purgatione verò partes pellunt humorem media compressione vasorum, cui potius humor fluidus, & tenuis, obedientiam præstat, quam si crassus extiterit.

Quartæ rationi satisfatiam concedendo maiorem, & minorem, quod Medicus debet imitari naturam rectè operantem, & quod natura procedit increassando, hoc est ut materia concoquatur, congregando homogenea, & separando ætherogenea; sicque humor, qui separatus fuerit media coctione, debet attenuari ad purgationem, si crassus fuerit; si verò tenuis, non increassari; quare diversus est respectus, & animadversio, nam ut concoquatur, increassationem, ut verò expellatur, sive à natura, sive ab arte, fluxibilitatem, & tenuitatem indicat. Hac, & simili ratione dissolvitur ultima

arguties, dicendo, quod etsi materia, quia tenuis, dicatur recedens, & cruda, & vt maturetur debeat incrassari, hoc semper se tenet ex parte coctionis, non vero purgationis ab arte exercendæ.

Solum verò duplex occurrit casus, in quo humor non debeat ad purgationem attenuari; primo enim si adest aliquod symphoma vrgens, quod propter humoris tenuitatem increascit, vt si cum febre adsit syncope, ex humoris tenuitate procedens, ratione cuius spiritus immodicè ad habitum confluant, ac vehemens virtutum dispendium per cutis porositates accidit, vt Gal. 12. metho. cap. 5. illo in casu, potius incrassantibus modicè, vt oportet. Secundo, si aliquod ventriculi debilitatis symphoma reperiatur, propter partis præstantiam, & dignitatem in operando, modicè adstringentibus, non verò attenuantibus erit vtendum.

CAPVT IV.

CORPORA AD MEDICAMENTA
purgantia præparanda sunt.

Merito Gal. in præsentī capite insequitur Hyppoc. in sententia nona 2. aphor. vt supra diximus; nam, dum quis purgare voluerit, fluida facere oportet, ly fluida, intelliguntur pro humoribus vt evacuentur, tum & etiam pro corporibus, vt apta sint motui expurgationis: postquam igitur in antecedenti, de præparatione humorum egit, in præsentī modo, rectè corpora disponendi agit: quare inquit Gal. exemplo aducto elebori albi, vt Hyppocrat. 4. aphorism. sentent. 13. vim purgandi per vomitum obtinentis, oportet cognoscere naturam quo pacto se habeat ad vomitum, quo

modocūque autem sit, ipsam, cibo, & quiete præparare oportet, etenim virtutem humectandi habent, vt media humectatione, corpora ad humorum euacuationem aptiora reddantur: secundo inquit, quod qui angustum thoracem optinet, non debet per vomitum purgari, cum periculum rptionis vasis alicuius immineat.

Vt igitur quælibet regularis purgatio contingat ex Gal. doctrina allata, postquam humores, & corpora sint rectè parata, & disposita, plurima necessaria sunt animadvertenda, & in syndromem quandam colligenda; sicque primum, medicus naturam ægri, videlicet, temperamentum, facietatem, acumen, aut hebetudinem sensus debet perpẽdere, anni tempus, regionem, & ætatem, humorum peccantium iddeam, & speciem, siue qualitatem, præparationem, occasionem, morbi magnitudinem, & virium robur: nec minus conducit investigare, quando æger in morbum inciderit, vt tempus, siue principium morbi cognoscat. Qualis præterea sit morbus, ex furẽti nimirum materia, an exquisitè acutus, an diurnus, an simplex, vel alio morbo complicatus; tum & etiam, an natura sit aggressa coctionem, an verò nulla coctionis signa appareant, vel an coctio non sit expectanda, sed solum viarum, & humoris præparatio sit efficienda, vt cacochymia expurgetur.

Oportet quidem, non solum cuiuscumque hominis naturam rectè percipere, verum & etiam peculiarem vniuscuiusque medicamenti purgantis; nam quemadmodum temperies, & conditio corporum, est tam diuersa, & varia, vt vix possit medicus duo corpora, eadem regula metiri, vt aperte Gal. docet lib. de thoriaca ad pisonem, quam doctrinam, lib. de communi, & peculiari indicatione maximè elaboratam reliquit Mercatus; ita paritèr, vt superius manet dictum, penè indecibilis est, vniuscuiusque medicamenti purgantis natura.

Inter corpora quidem, alia tam facilia ad medicamenta purgantia assumenda reperiuntur, ut ad ea sint valde propensa, ex quorum assumptione, tam exigua sequitur incommoditas, ut multoties medicamentum purgans, in propriam substantiam transmutentur; alia verò e contra, ita ut ventriculus, valde ex assumptione medicamenti exolvatur; alia similiter ita sunt assueta peculiaribus pharmacis, ut licet ab eis feliciter purgentur, à quolibet alio quamvis levissimo, maxime lædantur: quare consuetudo maxime est perpendenda, siquidem consuetudo, cum sit veluti altera natura; valde iuvat ut vis medicamenti purgantis possit sustineri; ideòque Hyppoc. alloquens de vi consuetudinis 2. aphor. sent. 49. inquit, *qui assueti sunt, consuetos ferre labores, etiam si fuerint debiles, aut senes, facilius ferunt, fortibus, ac iuvenibus*; ita pariter eandem consuetudinis rationem in sententia sequenti adducit Hyppoc. asserens, *quæ multo tempore consueta sunt, et si deteriora insuetis, minus molestare solent*: ergo consuetudo corporum ad medicamenta purgantia, maxime est perpendenda, ut medicus veram, & perfectam purgationem decernat.

Dubitabit tamen quis, cum Gal. solum adducat præparationem humorum specie peccantium, cum sint cacochymi, & sanguis potius, cum semper sit naturæ familiarissimus, ac non possit cacochymiam constituere; ideòque non sit evacuan-
dus per purgationem, sed per sanguinis missionem, utrum videlicet detur medicamentum purgans sanguinem, circa quâ dubitationem, negativè videtur Mesues respondere in canone vniuersali theoremate 2. nam sanguis est nostræ naturæ familiaris, thesaurus vitæ, & proprium partium nutrimentum: ergo potius est obiectum facultatis retentricis, quam expultricis: ergo non est expurgandus.

Gal. tamen lib. de purgatione inquit, se experimento cognovisse medicamentum ex purgans sanguinem, & habere eum

eo familiaritatem: ergo quia habet facultatem illum attrahendi, idèdque satisfat authoritati ex Mesuæ; nam quamvis sanguis familiaris sit nostræ naturæ, & ab ipsa retineatur, potest esse potentior virtus trahendi in medicamento, quam retinendi potentia ex parte naturæ.

Probatur vrgentius; potest dari casus, in quo solus sanguis quartus humor pecet in immodica quantitate, servatis aliis in æquali portione; sed in illo casu, solum est evacuandum, quod superfluum est: ergo solus sanguis quartus humor erit evacuandus; atqui non potest evacuari solus sanguis, qui superabundat, media sanguinis missione: ergo est evacuandus media purgatione. Minor probatur, nam media sanguinis missione, omnes humores promiscuè evacuātur: ergo simul evacuarentur alij humores, qui erant proportionati: ergo fierent; media evacuatione, improportionati in quantitate diminuta; hoc est inconveniens: ergo etiam sanguinem quartum humorem per venæ sectionem evacuare: ergo potius per purgationem: ergo datur medicamentum purgans sanguinem.

His tamen non obstantibus verior assertio est negativa, cū aliqua tamen distinctione; aliud enim est, dari medicamentum purgans sanguinem quartum humorem, & quod à natura cum familiaritate substantiæ sit simile cum sanguine; aliud verò est vti regulari curatione, prædicto medicamento, sanguinem purgante: primum non implicat, nam quemadmodum ex particulari mixtione elementorum, sunt constructa medicamenta purgantia cum familiaritate substantiæ, ad reliquos humores purgandos; ita etiam potuit natura construere medicamentum familiare, in modo substantiæ, cum sanguine quarto humore. Secundo verò, vt debita fiat regularis curatio, maximè obstat, nam licet detur casus in quo, sanguis quartus humor, solum superfluitet, vt dum constituit plethoram simpliciter, ex hoc non sequitur esse vtendum medicamento purgante sanguinem, non quia sanguis præcisè sit

fa.

familiaris nostræ naturæ, & obiectum facultatis retentricis; nam quando peccat in quâtitate immoderata, sub illa quantitate, non est obiectum retentricis, sed potius expultricis, quia multus, non verò ideo per purgationem est evacuandus, sed per sanguinis missionem; nam cum multitudo, sive plectora simpliciter, quamvis sit complicata cum cacochymia, vt supra diximus, prius sit deponenda, media sanguinis missione, vt purgatio ritè contingat, multò melius dum ipse sanguis solus peccat in quanto. Neque valet, quod humores, qui sunt proportionati, fiunt indebiti in quantitate diminuta, nam cum maius sequatur auxilium, & securius ex sanguinis missione, quam ex purgatione, non obstabit, quod humores diminuantur: ac proindè sanguinis missio, non verò purgatio exerceri debet.

DVBITATIO I.

AN MAIUS VIRIVM ROBVR

requiratur ad purgationem, quam ad sanguinis missionem.

CVM in superiori capite, de natura, & virtute humoris evacuandi, sermo præcesserit, meritò dubitandum venit, an maius virium robur requiratur ad purgationem, quam ad sanguinis missionem, si quidem ad vtrumque auxilium semper virium robur est necessarium: circa quod dubium, aliquorum sensus est, opus esse maioris virtutis ad sanguinem mittendum, quam ad purgationem exequendam; & probatur, media sanguinis missione evacuatur humor nostræ naturæ magis familiaris, ex quo spiritus vitales generantur, sed solum, media purgatione, evacuatur materia noxa, & cacochy-

ma, quæ potius est naturæ inimica: ergo minus dispendium sequitur ex purgatione, quam ex sanguinis missione: ergo quia maior virtus requiritur ad sanguinis missionem, quam ad purgationem.

Probatur vterius, Gal. libro de phlebotomia monet, maxime vires esse attendendas, ne subito ex defectu sanguinis labantur, sed per purgationem non ita deperduntur, nec tantum dispendium supervenit: ergo quia maior virtus pro sanguine mittendo, quam pro pharmaco exhibendo requiritur. Præterea, nam multoties evacuantur humores deleteri, qui sunt veluti venenum: ergo cum eorum evacuatione, natura roboretur, & ex missione sanguinis languida reddatur, maius robur ad sanguinem mittendum, quam ad purgandum erit necessarium: hanc sententiam amplectitur, doctissimus Vega libro artis medicinalis, & Valles. 7. controvers. cap. 10. sapientissimus verò Zacutus Lusitanus libro de introitu ad praxim, historiarum fol. 51. inquit: Quod si in utroque auxilio adsit paritas, & utraque evacuatio servet modum, maius robur expostulatur à venæ sectione, quam purgatione, nullaque alia nova adducitur ratio apud eum, nisi quia media sanguinis evacuatione exhauriuntur spiritus, nostræ naturæ valde familiares, purgatione verò solum vitiosi humores edducuntur, qui cum alieni sint à natura, vtiliter evacuantur; & ideò Gal. 5. de sanitate tuenda, cap. 4. inquit: Quod quando venæ sectio impeditur propter timiditatem ætatem, vel virtutis debilitatem, tunc largius alvus solvatur, quia purgatio minus vires turbat, quam sanguinis missio, quare licet sanguinis missio, tutius sit remedium, secundo acutorum, cap. 11. & libro de sanguinis missione, cap. 12. & libro de venæ sectione, adversus Erasistratum, ac si exigua sit evacuatio, incertum eventum non obtinebit, quamvis fiat cum maiori virium dispendio.

Oratius tamen Augenius, & Gaspar Bravo, contrariam, ut veriore, sententiam insequuntur, Oratius enim Augenius

libro 1. de sanguine mittendo, cap. 4. Gaspar Bravo in suis resolutionibus, sect. 6. resolut. 1. fol. 526. ait. Ad illud remedium requiritur maius virium robur, ex quo maius dispendium, & vitæ periculum sequitur; sed ex medicamento purgante potest sequi maius virium dispendium, & vitæ periculum: ergo quia est necessarium maius virium robur ad purgationem, quam ad sanguinis missionem. Minor probatur, libro de medicamentis expertis, ex Galeno asserente: *In exhibitione medicamenti purgantis, exhibitio medicamenti est in manu medici, reliqua verò sunt opera fortunæ.*

Præterea ex Hyppoc. libro de medicamentis purgantibus: *Turpis calamitas, pharmaco assumpto ægrum perire, dicenda est:* Nec minus momenti est, quod si vires media purgatione, debilitari cognoscamus per pulsum, purgatio sisti non valebit: ergo ne hoc accidat, debet Medicus maius virium robur perpendere ad purgationem: consequentia experientia patet, & ex Gal. libro de sanguinis missione cap. 12. *Quod enim semel deboratum est medicamentum, quod minus omne deboratum sit, fieri non potest; nec possibile est ubi plusquam conveniat, iam purgetur homo, partem aliquam oblatis auferre;* in sanguinis verò missione, potius valet Medicus metiri quantitatem, ut modica, vel excedens sit; ut Gal. etiam, libro de venæ sectione. adversus Erasistratum, cap. 7. *Medicus huius solius evacuationis liberam habet potestatem sistendi, quandocumque illi placuerit, aliarum autem nullius:* Ergo ex medicamento purgante assumpto maius vitæ periculum, quam ex sanguinis missione imminet.

Merito ergo, cum plurima, & vehementiora, ex medicamento purgante incommoda, quam ex sanguinis missione contingere possint, potius validiores vires ad purgationem, sunt necessariae, quam ad sanguinis missionem; nam licet aliqua detur perturbatio humorum in omnibus vasis, ex agitatione, media venæ sectione, leviora tamen sunt accidentia, &

securiora commoda, nam secta vena, cum humor sua quantitate immodica corpus opprimere, calorēque nativū cbrucere valeat, ideò deposita sarcina, vividior, & potentior natura redditur, maximum facultatum levamen, & robur inducitur, melius calor natus ventilatus temperatur, molestus gravitatis sensus, & tensio, qua natura opprimebatur, ut virtus animalis ad motum, vitalis ad generandos spiritus, & naturalis, ut rursus partes nutriri incipiant, in totum remittitur; ut Hyppoc. 1. aphorismor. senten. 3. *Habitus ad letharum, qui ad summum bonitatis attingunt periculosi; si in extremo constiterint; neque enim in eodem statu permanere possunt, neque quiescere, necesse est corpus in deterius incidat; ob has igitur causas, bonum habitum solvere expedit, ut rursus corpus nutriri incipiat.* &c. ergo cum tot utilissima ex sanguinis missione, maioraque commoda, quam incommoda subsequantur, contra verò in purgatione, maxima cum ratione erit fatendum, venæ sectionem remedium esse securius, quam purgationem: ergo quia non ita vitæ periculum imminet.

In purgatione etenim, humorum acrimonia, & medicamentī vehementia, partes corporis vellicantur, tormina in vniuerso ventre inferius exacerbantur, quæ, nisi valido robore, æger non valet perferre, violenta totius corporis iactatio magno cum virium dispendio adest, tetrus vaporibus cerebrum, cor, & hepar afficiuntur, languidus membrorum motus redditur, quandoque febris inducitur, difficilis fit respiratio, pulsus imbecillior, & interruptus, morsus cordis vrgent, nausæ, & vomitus clamant, sitis inextinguibilis, præcordia fervere, sed his omnibus, tot tantisque accidentibus, valdè natura succumbit: ergo quia vehementius virium, & facultatum dispendium ex purgatione, quam ex sanguinis missione nascitur, ac proinde maius virium robur ad purgationem, quam ad sanguinis missionem requiritur.

Quibus prælibatis, facile veniunt dissolvendæ adversæ rationes.

tiones superius allatae. Ad primū respondeo concedendo maiorem, nego tamen minorem, videlicet quod spiritus, etiam media purgatione non deperdantur; imò, etsi non sit præcisè, ratione evacuationis, quia materia vitiosa evacuatur, saltem ratione concursus validi à natura, tum medicamentum alterante, cōminuente, & in actum reducente, simulque media expulsionem, partium compræssionem efficiente; & multo melius facultate locomotiva concurrente, quæ cum ad motum animale, maximam spirituum copiam deperdat, meritò, ex his omnibus actionibus partialibus, defesa, & resoluta manet natura, quod nequaquam in sanguinis missione vallet contingere, nam potius, quia evacuatur sanguis super abundans, & opprimens, levata natura, & roborata, reliquū, quod est concoquit, & superat.

Secunda verò ratio facilè dissolvitur, nam licet Gal. asserat vires esse attendendas, ne labantur in sanguinis missione; hoc etiam requiritur de purgatione, & multò à curatius; sed quare non dixit etiā de purgatione? Respondeo, quod quia in purgatione Medicus, nō ita potest sistere, & metiri quantitatem, veluti in sanguinis missione, ita potestatem exprimit medici, ut vires cum evacuatione æquiparet, quod in purgatione non potest fieri.

Ad tertiam respondeo, quod si humores purgandi, sint venefici, potius cum vires sint valde languidae media qualitate deleteria, promptius, & citius dilabuntur media purgatione; nā in quacumque evacuatione, securius est temedium, quo spiritus sint copiosiores, & idè meritò Gal. quo melior est sanguis, magis evacuat, & quo peior eo minus: ergo quo magis veneficus fuerit humor, eo paviores spiritus, & vires erunt languidiores, hac proindè maius periculum imminebit ex illa purgatione.

Ad authoritatem verò Gal. 5. de sanitate tuenda, à Zacuto Lusitano aductam respondeo; quod loco sanguinis missionis,

prop-

propter timiditatem agri, vel virium languorem, monet ut alyus moveatur, non quidem media purgatione electiva, sed mediis clysteribus carminantibus, ut aliqua fiat per loca destinata, videlicet inferiora, evacuatio: quare ista cum securior fuerit, minus enervabit vires, quam sanguinis missio, non verò intelligendum est hoc de purgatione electiva, de qua dubium percurrit.

Inquiret tamen aliquis, cum maius robur facultatum sit necessarium ad purgationem, quam ad sanguinis missionem, utrum intelligatur omnium facultatum robur, vel alicuius facultatis, & qualis sit ista; circa quod Gal. solum videtur memorari facultatis vitalis, ut libro de sanguinis missione. cap. 8. in senibus prohibet venæ sectionem, quia in illis virtus vitalis est debilis, & ob eandem rationem eodem libro capit. 12. imperat, ut in evacuatione sanguinis usque ad animi deliquium, medicus pulsus tangat, nam si virtus pulsificabitur, statim sanguis est sistendus, ne pro animi deliquio, mors subsequatur, ut fatetur 9. metho. se vidisse, plurimis hoc contigisse.

Robur verò facultatis naturalis, non ita necessarium adfert ad omnes evacuationes; nam in principio morbi, existente adhuc materia cruda, sanguis copiosè extrahitur; atqui tali tempore, non constat de robore facultatis naturalis, quia nulla apparet cōstio, ut Gal. libro de sanguinis missione, cap. 6. & 1. ad Glauconem, cap. 14. Præterea, si ex debilitate facultatis naturalis, non ledatur vitalis, est sanguis detrahendus, ut patet in hydropse orta ex consueta aliqua evacuatione, quæ sit suppressa, ut Gal. 4. acutorum, sanguinem extrahendum iubet.

Robur similiter facultatis animalis, non ad omnem evacuationem, ut necessarium iudicat Gal. nam multoties mittitur sanguis usque ad animi deliquium, ut ipse Gal. libro de sanguinis missione cap. 12. & 9. methodi cap. 4. nam cum non
sit

fit necessarius musculorum motus, nec robusta oportebit facultas animalis, ex Gal. 7. metho. cap. vlti. *Maxima est cordis officij dignitas, & ad obeundas actiones, maximè necessaria, &c.* Ob quā rationem in apoplexia, et si animalis facultas languida sit, evacuationem tamen exercentur.

Cum discrimine tamen alloquendum est de robore facultatum in ordine ad diversos morbos materiales, & ad aliquas partium affectiones: omnia enim quæ prædicta sunt, de his facultatibus, potius veniunt intelligenda de evacuatione per sanguinis missionem, non verò per purgationem, nam simpliciter & absolute loquendo, ad quamlibet profligandam ægritudinem, potissima est facultas vitalis, secundo naturalis, & ultimo animalis, respirationis ope, vt Gal. 7. methodi 13. at verò si morbus materialis generis venosi, desumatur pro coctione, & expulsionione humoris, in ordine ad operationem, facultas naturalis robustior aliis, debet esse, vt Gal. 11. methodi, cap. 9.

In morbis tamen thoracis, cum terminatio non solum fiat coctione materiæ contentæ, quæ a facultate naturali elaboratur, sed etiam media excretionē humoris, spiritales partes vellicantis, & illa fiat ab animali facultate, locomotiva musculorum intercostalium, & facile expuitio perficiatur; merito non solum erit facultas naturalis necessaria, verum etiam animalis, vt primo prognosticorum 67. et si pluries in pleuritide humor sit coctus, & a natura superatus, præ animalis tamen facultatis debilitate, non excernitur, sicque celeriter suppurati moriuntur, vt 5. de locis affectis cap. 3. Gal. exprimit.

Ex dictis inferitur, quod ad purgationem, cum omnes tres facultates concurrant, vt naturalis ad actionem medicamenti, & humoris expulsionem, animalis ad motum crebrum ægotantis, & vitalis ad influxum spirituum vitalium communicandum, maxima cum ratione triplex.

plex facultas erit necessaria, licet vitalis digniorem semper, locum obtineat, cum à fontè, & domicilio caloris vivifici, à quo omnes partes, & sustententur, & incolumes, à morte liberantur, ortum ducat.

CAPVT V.

DE LOCO, ET REGIONE, PER
quam debet fieri purgatio.

NON quiescens Galenica mens, postquam preparatio- nem humorum, & corporum ad purgationem adduxit, in præsentem regionem per quam debet fieri purgatio demonstrat, asserens humorem biliosum per vomitum, pituitam verò per inferiorem ventrem purgandam esse: frequenter enim, bilis in ventriculo, veluti pituita in intestinis reperitur, licet aliquando contrarium debeat exerceri, ut si pituita sit in ventriculo, per vomitum, bilis verò in intestinis existens, per inferna evacuari debet, quæ motus contrarietas, potius sumitur à Gal. in præsentem pro indicatione ex situ partis desumpta; contenta enim in ventriculo, aptiora sunt ad vomitum, veluti, quæ in intestinis, ad infernam evacuationem; melancholicus verò humor ait Gal. semper debet per inferiora purgari.

Docet similiter, quod tempore æstivo evacuatio per vomitum, hyemali verò tempore per inferiora, ut Hypp. apho. 4. sent. 4. *Æstate per superna magis, hyeme verò per inferna:* cuius est ratio, quia tempore æstatis abundat bilis, hyeme verò pituita, & cum bilis tenuis, ac ignea sit, levitat, ut per vomitum evacuetur, pituita verò quia gravitans, potius per ventrem, sive per inferiora: similiter Gal. in præsentem adducit

con;

consuetudinis vim, vt regio per quam fiat evacuatio eligatur, asserens, quod qui assueti sunt vomitui, facilius per superna, purgantur, inassueti verò nequaquam, & cum maiori molestia, vt Hyppoc. aphorismor. 4. sentent. 6. *Graciles, & facile vomentes per superna cauendo hyemem*, quia potius in hyeme generatur pituita quam bilis: similiter etià in septima sententia, inquit: *Difficiles verò ad vomitum, & mediocriter carnosos. per inferiora cauendo æstatē*, quia in æstate potius bilis, quam reliqui humores solent generari. Ex quibus sententiis, etià facilitas ad has evacuationes sumitur, ex habitu corporis paratiori, videlicet crasso, vel gracili: notandum tamen est, quod etsi Galenus dixit, quod semper melancholia est purganda per inferiora; hoc tamen est intelligendum, quod cum humor melancholicus sit terrestris, & gravis; frequentè, & vt plurimum ad intestina vergit; aliquandò tamen potest confluere ad ventriculum, vt in quartanis febribus, & in illo casu, potius per vomitum evacuandus erit, vt plurimæ quartanæ solent per vomitum terminari, vt Galenus libro de theriaca ad Pisonem cap. 15. notandum tamen est, quod quamvis Galenus in præsentì hos purgationis modos, per diversam regionem commonstret: hoc intelligendum est, non de purgatione ab arte facta electiva, sed potius de humoribus extra vasa missis ad diversas cavitates, videlicet, vel ad ventriculum, vel ad intestina; purgatio

verò, quæ ab arte fit medio pharmaco elligente,

potius per ventrem, cum sit locus magis

destinatus à natura, exercetur.



Ecc

CAPVT

CAPVT VI.

AB SPECIE MORBI, SPECIES
evacuationis indicatur.

PROGREDITVR iam Gal. in præfenti capite explicaturus, quod ab specie morbi, evacuationis species indicatur, vt in leucophlegmatia, pharmacum virtutem obtinens, pituitam evacuandi, non solum per ventrem inferiorem, sed etiam per vomitum, & vrinam, & per reliquas nostri corporis partes, ad evacuationem aptiores, propinandum expedit, ex eo quod in prædicto affectu vniversæ partes afficiuntur, in ascite verò, medicamentum purgans aqueum humorem, sicut in regio morbo bilem: ex situ etiam partis, & societate, similiter locus per quē fiat evacuatio indicatur, vt in icteris inflammatione post humoris maturationem, si existat in parte giba, per vrinam, si in cava, per inferiorem ventrem, debet fieri evacuatio.

Ad maiorem tamen huius textus expositionem, meritò Gal. inquit: Indicationē evacuationis, & non purgationis, summedam esse, tum à situ partis, tum etiā ab specie morbi nam in leucophlegmatia, evacuatio, quæ fit media purgatione electiva, per inferiorem ventrem exercetur; illa verò, quæ per vrinam, per sudorem, ac alias corporis partes, non est rigorosè purgatio per se, sed ex accidenti, & dispositiva: medicamenta enim evacuantia per vrinam, cum diuretica sint, potius incisione, & attenuatione humoris evacuant, non tamen per se, velut etiam medicamenta sudorifera; illa enim non purgant attrahente facultate media similitudine substantiæ, sed inducta raritate, & tenuitate, diaphoretica sunt: ita pariter in.

DE PURGATIONE.

399

Intelligendus est Galenus de qualibet alia evacuatione, quæ non sit purgatio selectiva.

CAPVT VII.

DE TEMPORE EVACUATIONIS, *seu purgationis.*

DISCRIMEN quodā adducit Galenus in præsentī capite inter humores tenues, & crassos, inquit etenim, quod humores tenues ante signa coctionis, videlicet quando affectus est in principio vniuersali, materia existente cruda crassifera verò, veluti pituita, & attrahilis, præcedente iam maturatione, & coctione inveniuntur.

DUBITATIO I.

AN OMNES HUMORES DEBEANT *concoqui ad purgationem.*

EX distinctione inter humores, in antecedenti capite tradita, debite dubitandum accedit, vtrum omnes humores, vt purgentur debeant concoqui, cuius dubij pars negativa occurrit, & probatur; ita opponuntur coctum, & crudum, vt coctum, fiat ex crudo, tamquam ex termino à quo; sed aliqui humores non sunt crudi, vt qui sunt potestate ad sanguinem: ergo hi non possunt concoqui, cum nō detur terminus à quo. Secundo probatur; quod est alicuius coctionis excrementum, non potest per aliam concoqui; atqui bilis, & melan-

cholia sunt secundæ coctionis excrementa, vt Gal. 5. de vlu partium cap. 9. asserit, ideò naturam vesicam foelis fabrefecisse ad bilem, veluti lienem ad melancholiam recipiendam, vt sanguis ab his excrementis expurgaretur: ergo si huiusmodi humores excrementa secundæ coctionis sunt, non poterunt per aliam concoqui,

Roboratur vltèr ius; quidquid excedit terminum coctionis, non potest ad coctionem reddere; sed humores qui sunt supra sanguinem, excedunt terminum coctionis: ergo non possunt ad coctionem reddere. Probatur maior; coctum non potest incrudari; sed si huiusmodi humores concoquerentur de novo iterum inrudescerent: ergo non possunt concoqui. Maior etiam probatur primo ex Gal. lib. 4. de sanitate tuenda cap. 6. vbi inquit, quod alienum à natura est, non potest iterum gratiam naturæ recipere; sed humores putrefacti, & vsti, sunt à natura alieni: ergo non possunt naturæ gratiam recipere: ergo neque concoqui. Secundo ex eodem Gal. roboratur lib. de constitutione artis medicæ cap. 20. dicente, *pituitam salsam evacuabis, accidam ealefacies, dulcem verò coques*: ergo Gal. docet in affectu à pituita falsa pendente, non esse humorem coquendum: similiter idem Gal. in antecedenti capite inquit, *tenuēs humores in principio evacuabis*, atqui humores tenuēs sunt biliosi: ergo isti non debent concoqui ac proinde, vt omnes humores expurgentur, non indigent semper coctione.

Pro dubij decissione, notandum est, vt supra diximus, coctionem dupliciter intelligendam esse, vnam quæ fit media mutatione substantiæ in rem coquentem, per quam disponuntur alimenta, ad nutritionem partium, vt Gal. 1. de morbis vulgaribus part. 1. tex. 44. illa enim inquit Gal. est reductio eius quod coquitur, in substantiam coquentis; alteram, quæ deservit ad secundas qualitates, & modum substantiæ humoris recedentis, corrigendas, & maturandas, ma-

nente eâdem forma, quæ à medicis propriè victoriæ naturæ nuncupatur, vt ait Gal. 1. acutorum comm. 44. & 1. de morbis vulgaribus, part. 2. text. 49. vtriûsque coctionis meminit Aristoteles 4. methæo. cap. 2.

Dubitatio quidem, non est intelligenda de prima coctione, qua, quod coquitur in substantiam coquentis transmutatur; in hac enim non præparatur humor ad purgationem: secundo verò modo intellecta coctio, etsi apud aliquos imperfecta, est semper necessaria ad purgationem, cum prius materia cacochema, vt obediât purgationi, debeat maturescere.

Quibus stabilitis, verior assertio est contraria, quæ asserit, quod omnes humores debent concoqui, & maturescere, vt fiat debita purgatio. Probatur primo ex Gal. 1. de differentiis febrium cap. 5. asserente, sedimentum, quod est materiæ morbificæ pars, eodem modo fit, ac pus in parte phlegmone affecta; atqui hoc fit media coctione, aut maturatione humoris in parte inflammata contenti: ergo non aliter illa pars ex qua sedimentum, fit coquitur: ergo humor omnis ad purgationem coquendus est.

Uterius coctio, & putredo sunt contraria; sed quilibet humor potest putre fieri: ergo quilibet humor poterit concoqui: maior est certa: nam contraria sunt, quæ à se maximè distant, & ab eodem subiecto mutuò se expellunt; sed coctio, & putredo ab eodem subiecto mutuò se expellunt: ergo quia contrariantur: ergo si humor potest putrefieri; etiam concoqui ad expurgationem.

Ex dictis, facillè rationes superius adductæ dissolvuntur. Ad primam igitur respondeo, quod quamvis sanguis sit alimentum magis familiare nostræ naturæ, & secundum locum pituita obtineat, cum tempore indigentia in illum, valeat converti; hoc non obstante pituita dicetur cruda, cum per novam coctionem possit in sanguinem mutari; reliqui verò humores,

etiam.

et si hanc transmutationem subire non valeant, cum in suo genere etiam sint crudi, quia inepti ad purgationem, poterunt concoqui, respectu cuius coctionis, ad quam ineptitudinem non habent, dicuntur crudi.

Respondeo: bilem, & melancholiam rigorosè excrementa non esse appellanda, aliàs neque cum sanguine permixta possent deservire ad nutritionem; dicuntur verò excrementa, quia cum sint in nimia quâtitate adaucta, sanguinem impurum reddunt. Tertia ratio dissolvitur asserendo, bilem, & melancholiam, qui humores sunt naturales, non excedere terminum coctionis, quamvis sint supra sanguinem: certum enim est omnes humores naturales dum ab hepate generantur media coctione elaborari, dicuntur tamen terminum coctionis transire respectu sanguinis quarti humoris, quem Gal. 1. de crisi bus cap. 12. dixit fieri à calore moderato, reliquos verò ab ulteriori calore; quare non absolutè, sed respectivè ad causam, & effectum, nimirum sanguinem, dicitur hos humores naturales terminum coctionis transire.

Ex qua doctrina non infertur absolutè, prædictos humores, si putredinem subeant, non posse concoqui, satis enim est, quod ad coctionem sanguinis reddere non valeant: prima igitur Gal. authoritas amplectenda est de illo humore, qui omninò à natura est alienus, ita ut sua inobedientia, & incapacitate omnem vim naturæ alterantis fugiat, nam si præ ingentissima corruptela, sive vitione, toto genere præternaturam sit, nequaquam poterit à natura concoqui, & superari, quem humorem Gal. 2. aphorism. comment. 7. aceto acerrimo æquiparavit; & ideo Hyppocrat. huius humoris evacuationes, meritò damnavit, 4. aphorismor. sentent. 22. asserens: *Incipièntibus morbis, si bilis atra supernè, vel infernè exeat, lethalis*; & Gal. in comment. inquit, talem evacuationem, ut signum, & ut causam esse pravam, & meritò, cum talis materia non expellatur à natura superante, & victrice, eo quod talis humor

mor excedit omnem virtutem naturalem, vt possit concoqui, & maturefcere: veluti enim cineres, qui sunt effectus, sive excrementa ignis, sunt valdè inepti, vt iterum ab igne possint devinci propter ineptitudinem materiæ; non aliter huiusmodi attrabilis exquisita præingentissima vstione, seu putredine, erit incapax, vt possit à natura devinci, & concoqui, de quo humore intelligenda venit authoritas Galeni.

Authoritati similiter Gal. libro artis medicæ præscriptæ, respondeo, Gal. potius de perfecta coctione alloqui, dum humores ad nutritionem disponuntur, in qua significatione, dixit pituitam concoquere, non verò pituitam falsam; ista enim nequaquam ad nutritionem valet concoqui, sed potius debet evacuari media purgatione, ad quam rectè exercendam, iam alio coctionis, vel maturationis modo indigebit.

Tertium Galeni testimonium asserentis, tenues humores, in principio esse evacuandos, deciditur, quod per tenues, non biliosos, sed serosos, & aquosos humores assumit in prædicta autoritate, vt sunt qui hydropem solent efficere; hi etenim merito sunt ad coctionem inepti, non quomodolibet, nam cum putrefieri valeant, potentiam ad coctionem obtinebunt, sed potius respectu naturæ, nã propter repugnantiam subiecti eos devincere non valebit.

CAPUT VIII.

DE OCASIONE PURGANDI.

POSTQVAM Galenus in antecedentibus capitibus, egit de humorum præparatione, vt purgentur, & de indicatione ab specie morbi, in præsentî capite expositionem agredietur.

ditur, de opportunitate corpora purgandi: duoque apud Gal. offeruntur, alterum quidem in febrium paroxysmis purgationem per superiora fieri, videlicet per vomitum, in declinatione verò per inferiora, ita etenim natura operatur: alterum deindè est, cavendos esse dies iudicantes, sive criticos, in quibus Medicus nequaquam purgare debet, quod præceptum ipse Gal. vrgentiùs roborat libro de humoribus 22. ubi inquit: *Multa purganda sunt, non propè iudicationem, sed longius*; non quidem à parte antea, sed à parte post; idest post diem iudicarium, in quo valebat dari motus naturæ, & simul medicamenti, & ita irritari vehementi connatu, vt sequatur superpurgatio.

Prima tamen in principio capitis doctrina, vt securiùs apud omnes admittatur, priùs est notandum in doctrina Galeni comment. 12. 1. aphorismor. paroxysmum deteriorem partem totius circuitus morbi, à principio vsque ad statum, inclusivè, appellandum esse: prohibet igitur Gal. vsum pharmaci purgantis tempore paroxysmi, sive accessionis, per ventrem inferiorem, & meritò, natura enim valdè laboriosa, novum à medicamento assumpto purganti, laborem sustinere non poterit, & præcipuè cum motus pharmaci ad interna, valdè sit contrariùs naturæ motui, expellentis causam morbificam ad habitum in dicta accessione; propterea ex inæqualitate, & agi.

tatione humorum contraria poterit

succumbere, & devicta

manere.

*



DUBITATIO I.

AN DIE PAROXISMI, ET ADHVC

*incipiente paroxismo alicuius morbi, vide-**cet febris quartana, possit Medicus**exhibere pharmacum**purgans.*

CVM Gal. in exposito capite imperet, quod in paroxif-
 mis febrium, per superiora in principio accessions, in
 declinatione verò, per inferiora movenda sint corpora; or-
 dine doctrinæ dubitatio pullulat, an saltem in paroxifmis fe-
 bris quartanæ, vel in die motus, possit Medicus propinari phar-
 macum purgans: circa quod dubium, plurimæ partem affirma-
 tivam tuentur, videlicet, quod in principio accessions, aut
 paulo ante exhibendum est pharmacum: & probatur; causa
 quartanæ est humor crassus, terrestris, & ineptus ad motum;
 sed medio medicamento purganti, attenuatur, & facilius
 redditur ad motum: ergo in accessione melius cedit virtuti
 medicamenti, ut expurgetur: quod roborat ex Actio ferm. 3.
 thetrav. 1. afferente: *In intervallis, in aliis quandocumque con-*
tigerit; in quartanis verò, & intestinis fluxione vexatis, in ip-
sis accessionsibus.

Roboratur ulterius, libro de affectionibus, numero 19. ubi
 Hyppocrat. inquit: *Si verò quartana apprehenderit, si qui-*
dem impurgatus fuerit, primum caput purgato, & inter-
positis, tribus, aut quatuor diebus, pharmacum sursum
versus purgans, dato in ipsa apprehensione, & interpositis
diebus, rursus aliud, deorsum purgans, dato in ipsa ap-
prehensione: Ergo ex Hyppocrate, cum ipsa apprehensio

fit accessio, vel paroxysmus, in ipso per inferiora erit purgandum.

Probatur similiter ratione; in accessione quartana, est natura veluti turgens, & actu humores commouet, mittens eos ad focum: ergo si à medicamento purganti determinetur, & contrahatur natura, facilius, ac melius expellet per alvum; quare potius morbus eradicabitur, cum mittatur per alvum, quod ad focum erat expellendum: quam praxim, medici plurimi Germanici, & Galici amplectuntur, vnde sapientissimus Quercetanus in pharmacopea restituta, cap. 8. decoctum expurgans non leviter, ante horam accessionis imperat, ut præbeatur.

Hæc tamen assertio sustineri non valet: Hippocrat. enim 1. aphorism. sentent. 1. 1. inquit: *In accessionibus abstinere oportet*; dices, hoc de cibi exhibitione potius esse intelligendum: contra, nam si alimentum, nostræ naturæ familiare, in accessione maximum infert incommodum: ergo multo maius medicamentum purgans. Probatur consequentia; quamvis alimentum sit familiare, tamèn, quia corrumpitur in accessione, adauget causam morificam, & febrem; sed medicamentum purgans non solum intendit febrem, verum, etiam motum naturæ rectè operantis, & ad circumferentiam expellentis humorem, impedit: ergo multo vehementius medicamentum purgans erit nocumentosum: ergo in accessione, nequaquam est propinandum.

Roboratur nostra conclusio, vel intendit Medicus materiam antecedentem, aut coniunctam expurgare; sed non valet primam, nec secundam evacuare: ergo nullam. Probatur minor, materia antecedens non est in motu, sed imò quæta, & cum sanguine coniuncta: ergo cum nec moveatur, nec sit separata, non debet expurgari potius in paroxysmo, quam alio die; neque materia coniuncta est evacuanda; nam cum iam sit in foco putredinis, potius ad circumferentiam corporis,

ris.

ris, quam ad centrum movetur; sed sic est, quod medicamentum, ut dixi, movet ad centrum, & per motum contrarium naturæ: ergo talis exhibitio medicamento, cum natura non sit adminiculans, non est exequenda. Nec valet si dicas, quod aliquando natura, ad primam regionem humorem pellit: ergo in illo casu, pharmacum iuvabit: contra, nam materia quæ movetur, est ea quæ factura est accessionem, ista resolvitur in ipsa accessione: ergo ut auferatur accessio, non est interponendum tam periculosum remedium, ut pharmacum, cum aliquando materia vehementius agitata, anxietates possit augere, & in aliquam partem principem, ad mortem inducendam transferri.

Roboratur ulterius præsens sententia; Galenus enim libro de expurgatione, dixit: *Per inferiora in die paroxysmi, non est movendus humor, bene tamen per superiora.* Tum & etiam Avicenna: *Non moveas in die paroxysmi aliquid, quantum possibile est, neque cures febrem.* Ergo ex Avicenna, non solum in paroxysmo actu, verum neque in die paroxysmi, pharmacum purgans est exhibendū, sed in alio die intervalli hanc sententiam sapientissimus Gaspar Bravo resolut. 10. Petrus Michaël de Heredia quæst. vnica de febre quartana, fol. 393. Carrerius Fen. 1. 4. tractatu 2. Riberius capite de quartana, Vallesius libro suarum controversiarum, & alij quam plurimi, tuentur.

Zacutus tamen lib. 4. de febribus, fol. 535. inquit, quod cum longitudo quartanæ, ex portione humoris cineritij, in foco putredinis relictī, qui novam concitat accessionem, proveniat, usque quo integrè attenuatus, expurgetur, & quia melancholia per multum, in minera, tempus perdurat, & natura, non sit repugnans; nam tribus, aut quatuor horis ante accessionem, nondum incepit motum efficere materiæ, ad habitum corporis, usque quo incipit rigor, sive horror; hinc est, quod accedente iam paroxysmo, in medicamento iam actuato,

cum natura sit velut turgens, & ad expellendum commota, dirigitur à medicamento, vt per alvum, quod per circumferentiam expellendum erat, expurget; quare media accessione, dato antecedenter medicamento, illud cineritium mineræ, eradicabitur, quod in die quietis non poterit contingere, cum humorum fervor extinctus maneat, & omnia, quæ ad tenuitatem conducunt deficiant.

Si sapientissimus Zacutus similiter probasset, ex assumptione medicamenti purgantis, tribus, aut quatuor horis ante paroxysmum, causam morbificam, & præcipuè cineritiam, vt febris eradicaretur, evacuari, regularis esset, & amplectenda talis curatio; quia tamen fingit quod vult, & vult quod fingit, nam quamvis aliquandò, & raro acciderit, rectum erit, ab errore, nequaquam est efficiendum; nam si quatuor horis ante accessionem, materia adhuc est quæta, non erit maius, vtile, quam in alio die, vt diximus: si verò datur medicamentum, vt fiat expurgatio eo tempore, quo accessio debebat incipere, & sic natura per alvum materiam excernat, contra, nam materia antecedens, non moveretur, cum ista in illo paroxismo, in quo movet medicamentum purgans, non moveatur, quia antecedens, sed in alia accessione subsequenti; coniuncta verò materia vt dixi, quæ movetur in paroxismo, non regulabitur à medicamento: quia ista potius est subiecta naturæ expellenti ad habitum, quam ad centrum; vnde idem inconueniens militabit, vt supra tetigimus.

Instabis tamen; potest dari casus in quo, causa morbi materialis sit invencibilis à natura; sed ista potest in principio universalis morbi evacuari, cruda existente materia: ergo ita pariter in principio particulari accessionis, si materia sit invencibilis, poterit evacuari medio pharmaco purgante. Si responsum præbeam, concedendo maiorem, & distinguendo minorem dissolvitur; potest purgari materia invencibilis in principio morbi.

morbi radicativè concedo, minorativè nego : ergo in principio accessions, materia invencibilis poterit purgari, nego consequentiam; cuius est ratio, quia in principio vniuersali morbi, cū materia sit incoctilis, & habeamus naturam adminiculantem, quia nullum habet motum determinatum, merito natura expellente, & medicamento attrahente, fiet purgatio proficua, at verò in principio accessions, quia materia est coctilis, & vencibilis, & natura non est adminiculans, quia determinata ad motum contrarium; ideo potius natura erit repugnans, ac laboriosè in dicta purgatione se habebit.

Instabis iterum, tunc natura magis adminiculatur ad purgationem, quando est in motu, quam in quiete : ergo potius in accessione, erit adminiculans. Probatur antecedens; tota ratio propter quam materia turgens, statim est purganda, sumitur ex motu: ergo magis adminiculans est dum movetur materia, quam si sit in quiete: ergo potius in accessione habemus naturam adminiculantem. Cui respondeo distinguendo antecedens, si natura sit in motu errabundo, propter materiæ tenuitatem, absque vllò beneficio, imò cum maximo periculo, concedo libentè; si sit in motu determinato, cum ope, & beneficio naturæ, nego antecedens. Quare non quicumque motus naturæ, est adminiculans : nam si motus est criticus ad habitum medio sudore, nequaquam erit adminiculans, vt materia moveatur per aliam regionem; ita paritèr, quia motus accessions ad habitum, est veluti criticus, & naturæ proficuus, nō erit natura adminiculans ad purgationem, imò valdè obfistens; sicque dum materia turget, movetur à natura motu inordinato, & sine vlla ope, & vtilitate, imò maximo cum periculo, quare in illo casu, medicamentum purgans, non autem in accessione quartanæ, est exequendum.

Quibus prælibatis, facilè rationes in contrariam partem adductæ, possunt detruncari; prima enim nulla vi currit; nam
quam-

quamvis medicamento purgante, humor terrestres attenuetur, ut faciliè moveatur; maius tamen est inconueniens, cum ille motus purgationis, tempore accessionis, non sit naturæ familiaris. Authoritati Hypp. libro de affectionibus satisficit dicēdo, quod prima pars, intelligitur de evacuatione per vomitū; secunda verò pars, potius intelligenda erit pro declinatione paroxysmi, si fortè natura moveat materiam terrestriorem. Tertia similiter ratio decissa est, cum dictum sit, materiam agitatam in accessione non esse turgentem, sed motum laudabilem naturæ ad habitum, esse determinatum, ac proinde vergentem.

CAPVT IX.

IN QVO GALENVS OCASIONEM
purgandi demonstrandam prosequitur.

VLTERIVS Galenus inceptam purgandi occasionem, quam in antecedenti capite adduxit, progreditur animadvertens primo, quod existente febre, si morbus cronicus sit, ut fiat purgatio, coctionem spectare oportet. Secundò monet, quod pharmacum purgans ratione febris non confert; febris enim calida est passio, & sicca; ideòque potius refrigerantibus, & humectantibus indiget; quare cum medicamenta purgantia calida sint, sumpta indicatione à febre, nequaquam; benè verò ratione causæ, conferunt. Tertium docet animadvertendum esse; an corpus sit ad purgationem aptum, si enim abundat crudis succis, aut hypocondria nimis calida; & sicca fuerint, siue obstructione, inflammationeque affecta, ad purgationem inepta, & obsistentia reperiuntur.

DE PURGATIONE.

411

DUBITATIO I.

AN AD PURGATIONEM EXE- quendam, spectanda sit coctio.

EX satis venerandi Hyppocratis promulgata sententia; 1. aphorism. sentent. 22. afferente: *Concocta medicari oportet, movere non cruda, &c.* Ratio dubitandi nascitur, an videlicet expectanda sit coctio, vt pharmacū purgans exhibeatur, ita vt in morborum principio, cruda existēte materia, absque turgentia, possit Medicus, medicamento electivè purgante, materiam morbificam evacuare. Sit igitur conclusio: in morbo admittente curationem, siue salubri, materia cruda, quæ furiosa non sit, nullatenus est purganda. Hanc sententiam doctissimus Capiuacius 1. aphorism. loco citato tuetur, Antonius Musabrababola, sapientissimus Mercurialis, & alij quam plurimi, & vt Hyppoc. & Gal. in comment. sententiæ allatæ; probaturque ratione.

Materia cruda in morbo salubri est coctilis; sed vt concoquatur, debet retineri: ergo est obiectum facultatis retentricis: ergo non facultatis expultricis: ergo non est purganda in principio morbi. Maior est certa, cum morbus sit salubris: Minor probatur, nam ad coctionem requiritur quies; sed quies, & motus opponuntur contrariè: ergo vt concoquatur, non debet materia moveri: ergo potius retineri: ergo non erit obiectum facultatis expultricis, vt purgetur. Dices tamē, cum huiusmodi humores sint crudi, & omnino dissimiles; quia putridi, nullam obtinebunt similitudinem, vt à natura retineantur: ergo non erunt obiectum retentricis, sed potius facultatis expultricis, vt expurgentur: sed contra, nam et si hu-
mo.

mores sint crudi, aliquam tamen similitudinem, aut mediam, siue genericam possunt obtinere; quemadmodum enim natura retinet alimentum in ventriculo, licet non sit ita simile, vt in termino medio, & vltimo; veluti etiam in coctione perfecta puris, & succi crudi intra venas existentis, & sedimenti, quod apparet in lotio: Hæc omnia per aliquod tempus à natura retinentur, vt ad aliquem gradum, impresis aliquibus alterationis characteribus, perveniant; ita pariter humores crudi febrium putridarum, etsi cum aliquo putredinis vestigio existant, quia tamen aliquas reducibiles ad benigniorem statum, partes obtinent, ideo à natura in venis retinentur: ergo talis materia, cruda non erit purganda.

Dices tamen, quod quamvis purgatio radiativa non possit fieri, de qua non loquitur Hyppoc. in sententia dicta; bene verò de minorativa, sicque crudam materiam non esse eradicandam: sed contra, etsi inferius latè de minorativa purgatione loquutus sim, in præsentì tamen breviter contra responsionem; nam si exhibeatur medicamentum purgans, minorans ex parte, non ex toto, tunc tale pharmacum erit fortè, & debile, fortè, siue vehemens, cum electivè purget; debile, quia in exigua copia, vt minoret, exhibetur: ergo tale pharmacum, vel humorem ad se determinatum attrahet, vel non, si non attrahit, frustra eger cruciatur; si attrahit in illo casu, vel fiet evacuatio, vel non; si non evacuatur, frustra humor agitabitur sine evacuatione; si verò evacuatur, vel evacuatur tota materia peccans, quod non contingit, quia non est radiativum, sed minorans: ergo evacuabitur portio materiæ: num sic, vel evacuatur pars crassa, vel tenuis, non crassa; nam si datur duplex materia, crassa, & tenuis, faciliùs tenuis, quia paratior attrahetur: ergo tantum purgatio humoris tenuis appareret; atqui ex hoc maxima subsequuntur incommoda, quia materia crassa, medio pharmaco, valdè agitur, & non evacuatur; tum & etiam ex tali agitatione obstructions au-

gescunt, ut magis materia prava, cum bona commisceatur. Præterea pars crassa relicta, tenuiori iam evacuata, maiori cum difficultate, valebit superari: ergo si ideo datur pharmacum minorans materiam, ut pars relicta, facilius superetur, cum hoc non sit verum, quia potius ineptior redditur ad coctionem, quam si mixta esset cum tenui, nec minoranda, nec radicitus evacuanda.

Confirmatur etiam huiusmodi assertio quarto de ratione victus 44. ex Hyppoc. asserente: Quod à principio, uti licet clystere, non autem pharmaco. Stabilitur etiam ex Gal. 1. epidemiorum, sect. 2. comment. 37. ubi inquit: *Quod eo tempore, quo pestis grassabatur, omnes mortui fuerunt, quoniam à principio fiebant evacuationes, quæ cum malæ essent, malè terminabantur febres, nam cruda existente materia, non poterat fieri recta purgatio: ergo si evacuatio facta à natura, cruda existente materia nocet, multò magis, quæ ab arte fiat ante coctionem nocebit.*

Sed instabis, nam si materia fuerit copiosa, eam naturalis facultas regulare non valet: ergo ne natura succumbat, si non radicitus, saltem minorativè, ut levata à sarcina, fortior reddatur, erit evacuanda. Hæc tamen ratio nullius est momenti: nam si materia est cruda, ita ut non possit ad maturationem devenire, tunc sanitas est desperata; sicque nec minorativo pharmaco est utendum, ut Gal. 12. methodi, inquit, loquens de febre syncopali, *sit insignis cruditas, ut succi concoqui nequeant, tunc esse desperatam sanitatem; si autem in hac febre sit materia copiosa, quæ ad maturationem possit perducì, non esse purgandam, sed concoquendam materiam, etiam si virtus sit debilis.* Ergo si apud Gal. virtus debilis, non succumbat materiæ multæ, non licebit dare pharmacum purgans: quid ergo dicendum erit cum materia non sit tanta, & virtus concoctrix valida exi-

stat

Ggg

Per-

Perpendendum igitur est ad maiorem expositionem; quod morbus à materia cruda pendens, brevis, vel longus est; si brevis, materia cruda non est evacuanda, quia tam brevi tempore, non est credendum naturam succumbere; si verò morbus cronicus sit, animadvertendum erit, vtrum natura succumbat, nec ne; nam si sit valida, necessarium erit, statim partem materiæ concoquere, illamque coctam purgare, vt postea natura, alterius materiæ derelictæ coctionem aggrediatur, eamque coctam, de novo evacuare, vt per vias radicaliter sit expurgata, qua naturæ directione, virtus valida non deficiet, veluti si totam materiam expurgare intenderemus, quæ purgatio, etsi appelletur epicrastica, & per vices, siue in quantitate discreta, rigorosè non erit minorativa; ista enim, solum evacuat materiam iam coctam, & quamvis partialem, respectu illius, radicitus sit purgatio.

Vrgebis tamen; ideò materia turgens, & furiosa, in principio est purganda, etsi cruda, quia periculum imminet, ne ad aliquam partem principè irruat; atqui in paraphrenitide materia, siue humor, iam habet actu motum ad cerebrum, quod est pars princeps: ergo in paraphrenitide, materia cruda existente, licebit vti pharmaco purganti. Probatur consequentia, in materia turgente periculum est imminens, in paraphrenitide, est iam præsens: ergo multò melius in paraphrenitide erit purgandum, materia existente cruda: ergo aliquando citra turgentiam, poterit medicus in principio morbi pharmacum purgans exhibere: ergo quia non est spectanda coctio.

Cui rationi, respondeo negando consequentiam; nam vbi materia turget, facile medicamento levi, & clementi expurgatur, quia cum turgens tenuis, ac mobilis sit, vt huc atque illuc moveatur, nullaque in corpore particula sit, quæ furiosam materiam attrahat, imò irritatur ad eam expellendam; hinc est quod facile purgari possit; vbi verò materia raptum ad partem principem obtinet, pars ipsa vel ca-

ris,

ris, vel doloris ratione, materiam illam attrahit, cum calor, & dolor, etsi per accidens attractionis sint causæ; quare huiusmodi materia, non ita evacuationi erit obediens, veluti materia turgens; nam si pharmacū attrahat in phrenitide materiam morbificam, simul etiam eodem tempore, ipsa pars, dolore, vel calore affecta, contrariam attractionem efficiet, ex quo motu contrario, vehemens, & inæqualis pugna vigeret; qua propter, maximum est discrimen, inter materiam furiosam, quæ nondum motum determinatum in partem principem habet, & inter eam, quæ actu, & determinatè movetur.

Obiicies deindè, in febribus pestilentibus statim exercetur purgatio: ergo cruda existente materia licebit pharmacum purgans propinare. Probatur consequentia, in febribus pestilentibus, etsi materia sit maligna, non est turgens; atqui ista in principio evacuatur: ergo licet materia non sit furiosa, quamvis cruda, in principio est purganda. Roboratur ex Gal. 5. metho. cap. 12. 1. de diff. febrium cap. 4. asserente, correptos febre pestilenti, evasisse excreta materia per vomitum, & secessum à principio: ergo à principio fiebat evacuatio salubris; ac per consequens medicus, etsi materia sit cruda, poterit pharmacum purgans condonare.

Solvitur arguties si respondeã, cōcedēdo antecedēs, videlicet, materiam veneficam statim esse purgandam, ne partes nondum infectæ, malignitate corripiantur; neque ex hoc ratio vrget quamvis enim materia venefica cruda evacuetur, de ista tamen in prædicta sent. 22. non loquitur Hyppoc. nec quæstio suscitatur, ista etenim, non solum actum coctionis excludit, verum etiam aptitudinem, & potentiam, cum sit vehementior maligna, & à natura superari non possit: solum enim suscitata est quæstio, de materia, quæ quamvis actu non sit cocta, non tamen virtutem, & obedientiam naturæ, vt concoquatur, obnegat, vt recta fiat purgatio, qua, cum privata sit materia venefica, statim est purganda.

DVBITATIO II.

*AN SINE VLLA COCTIONE, IN
principio morbi liceat uti, etsi non radi-
cative, saltem medicamento mi-
noranti.*

Percelebris quidem quæstio, quæ multa contorsit inge-
nia, inter omnes scholas satis agitata, plurimum vitas mino-
ravit, eo, quod malè intellecta; obnubilatio tamen ex dicen-
dis, Deo favente, evanescet, ut verior doctrina splendescat:
ergaigitur huiusmodi gravissimum dubium, notandum prius
est, quod semper disputatio de febribus putridis procedit,
nulla materia turgente; in aliis enim morbis, nulla est con-
troversia, ut in alopecia, ophthalmia, crisipelate, & aliis,
similiter etiam, non est loquendum de medicamentis le-
nientibus, & cacochymiam primæ regionis expurganti-
bus, sed potius de medicamento electivè attrahente mate-
riam secundæ regionis, ita ut portio causæ morbificæ cru-
de, medio pharmaco expurgetur, sive minoretur.

Iuxta hanc ergo controversiam, Donatus Antonius Alto-
marius lib. proprio de alteratione, digestionem, & præpara-
tione, partem affirmativam insequitur, sed ut possit suam sta-
bilire sententiam, prius divisivè loquitur, supponitque 1. quod
omnis morbus, vel omnino exitialis est, vel non si non exitialis,
vel est longis, vel acutus: deinde acutus, vel vacat periculo,
vel est periculosus: tandem periculosus, vel est cum turgen-
tia, vel non adest materia turgens, quo supposito, inquit, si
morbus est exitialis, neque in principio, neque in alio tem-
pore.

pore purgandum est: (cognoscemus etenim, esse exitialem, quando statim vires sunt valdè languidæ) corroborat hanc doctrinam, quod non sit purgandum illo in casu, Gal. 11. methodi cap. 9. asserens: *Quibus desperata est salus, non sunt præscribenda remedia, sed solum prognostico est utendum, ne illustria artis nostræ remedia, apud vulgum infamentur, quæ aliis fuere præsidia: quam sententiam, roborat Hypp. aphor. 1. sent. 8. & secundo apho. sent. 29. incipientibus morbis deploratis, non sunt præscribenda remedia;* atqui purgatio non solum est remedium, sed maximum: ergo in his nullo tempore erit purgandum.

Si verò morbus exitialis non sit, vel est longus, vel acutus, in longis, non est purgatio exequenda in principio, sed in his semper concoctio est spectanda, quæ doctrina est Gal. 1. apho. com. 24. vbi Hyppoc. inquit, *in morbis acutis raro, & per initia, in longis verò expectanda est doctio.* ut Gal. lib. quos quibus, & quando, ut supra; in acutis verò morbis, qui celeritè transeunt sua tempora, hi, vel periculo vacant, & tunc non sunt propinanda medicamēta purgantia, inquit Altomar, cuius est ratio, nā in his morbo valēt prælaborantes, cū morbi salubres sint, & vires validissimæ; licet sint vehementia symptomata, quia naturæ forti nihil est impossibile: in acutis verò, qui maximè sunt periculosi, anceps est victoria; nonque possumus definire, utrum natura superatura sit, nec ne; in his, siue turgat, siue non turgat materia, imò si firmata sit, debemus eam in principio minorare, medio pharmaco purgantis, quam ultimam partem diversis rationibus Altomarius probat.

Probatur 1. si morbus acutus sit cum maximo periculo, & ideo sit materia turgens, de hoc nullus dubitabit, apho. 4. sent. 10. *medicari in valdè acutis, si materia turgat eadem die,* 1. etiam apho. sent. 24. *in morbis acutis, raro,* & sent. similiter 22. 1. *concocta medicari,* & meritò talis turgens materia,

teria, statim purganda est, vt Gal. loco assignato, præcipit ne virium robur deperdatur, vel febrilis caliditas augeat, siue intédatur, & ne humor in aliquod membrum insigne decumbat, proindè statim purganda est talis materia.

De alia verò materia fixa morbos periculosos inducente, de qua est dubitatio: probatur conclusio 1. autoritate Hypp. 2. apho. sect. 29. *asserentis inchoantibus morbis, si quid tibi videtur movendum, move*, & Gal. in commentario adducit causam, his verbis *circa initia oportet maxima remedia adhibere, sunt autem talia, purgatio, & sanguinis missio, quæ autem in principio administranda sunt, vt coctiones melius fiant, ac frequentius eveniant*: ergo ex prædicto comment. Gal. expressè infertur, materiam esse minorandam, vt coctiones melius fiant: ergo vt materia alia relicta, melius concoquatur.

Roboratur vltérius locus adductus Gal. non potest intelligi de turgentia: ergo citra eam est minoranda materia in principio morbi. Probatur antecedens, materia turgens, non potest concoqui, cum non retineatur à natura: ergo si Gal. inquit, minoranda est materia, vt relicta concoquatur, non erit intelligendum de turgenti, cum ista non sit coctilis: ergo citra turgentiam, vtendum est pharmaco minorante.

Probatur deindè, superfluous enim esset Hyppoc. cum antecederet dixisset sect. 1. apho. sect. 22. & 24. & 4. aphorif. sentent. 10. quod statim turgens materia est purganda: ergo brevilocus Hypp. non iterum hanc vltimã sententiam constitueret de turgentia. Præterea, si prædicta sententia intelligeretur de turgètia, potiùs dixisset Hypp. purgare, nō evacuare; evacuatio enim, latiùs patet, quam purgatio: ergo cum potiùs alloquatur de evacuatione, debet intelligi de morbis acutis absque turgentia, cum asserat in morbis acutis oportet evacuare circa initia; quales sunt illi morbi, qui vel ex multitudine, vel ex prava qualitate dependent, aut in principe par-
te fiunt.

Pro-

Probatur præterea plurimi morbi periculosi, ita ex multitudine pendent, vt prætanta materia non possint ad statum pervenire: ergo illa minoranda est per pharmacum purgans. Roboratur similiter autoritate Hyppoc. 2. de ratione victus in morbis acutis sent. 7. ubi ait. *si dolor ad hyppocondria vergat, oportet veratro nigro purgare*; nunc sic, ex Hyppoc. vergente dolore ad hyppocondria impleuritide, purgatur in principio: ergo citra turgentiam, pharmacum minorans est exhibendum. Antecedens probatur ex eodem, nam vergente dolore ad claviculam, sanguinem mittit, si ad Hyppocondria, purgat in principio: ergo aliquando licet in principio, absque turgentia, purgare: quod autem sit sine turgentia, est manifestum, nam materia pleuritidis est firmata, & non huc, & illuc concitatur; sed ista purgatur ab Hypp. in principio, vergente dolore ab hyppocondria: ergo materia quæta, & fixa, etsi cruda, erit minoranda.

Stabilitur ulterius huiusmodi sentiendi modus; nam nostra ætate, est maxima illubies, cum homines sint vino, & alimentorum copia maximè dediti; vnde cruditatibus replentur, ac per consequens multis excrementis: si illo in casu, aliquem febris acuta corripit, & his cruditatibus repletum, non statim purgamus, sed sanguinem mittimus; in illo casu, inaniter ventis illa excrementa cruda, ad se attrahent, & obstructions erunt augendæ; ex quo sequitur maximum incommodum: ergo ne hoc accadat, statim purgandum expedit. Vterius, primo de differentiis febrium cap. 4. Gal. nulla præcedente coctione, in pestilenti statu, corpora in quibus superfluitates reperiebantur purgat: ergo ex Gal. in principio sine turgentia, materia expurganda est.

Gal. etiam 5. metho. cap. 12. *Ex pestilentia, inquit, plurimos servatos, quibus scilicet corpus præexicatum, & purgatum esse noverim, nonnulli etiam quibus alvus profluxerit. Ergo ex Gal. nulla expectata coctione, in principio licet purgare, nec*
mi.

minus in ventris doloribus extremis, & intestinorum, nulla præcedente coctione, adhibita tamen prius distinctione, an liceat sanguinem mittere, an purgare, cum maxima vtilitate, ægrotantium in principio purgamus: ergo quia licet, pharmaco purganti uti. Ultimo testimonium præbet Altomarius desumptum, ex decem annorum experientia, (quasi esset maxima, & senilis) quod in putridis, & malignis febribus, maxima cum vtilitate expertus fuit, pharmacum purgans, in principiis earundem febrium, millies exhibitum: (quasi non millies plurimi periissent ægrotantes) ergo inquit Altomarius regulam ratione, ac dogmaticè, valebit Medicus, sine turgentia pharmacum minorans exhibere.

SENTENTIA VALLESII PRO- ponitur.

FRANCISCVS verò Vallesius 7. controversiarum, per duo capita, hanc quæstionem exagitat dupliciter. Primò, an liceat purgare in principio extra turgentiam. Secundò, utrum materiã non perfectè coctã, sed manifestè, liceat purgare: multis quidem rationibus allatis, tandem sententiam Altomari amplectitur; & probatur primo ex Hyppoc. 4. de ratione victus, sentent. 64. ubi agens de pleuritide, inquit: *Si ab initio purgare volueris, ante quintum diem facies.* Atqui ante quintum diem, sunt signa cruditatis: ergo purgat in principio, materia existente cruda: ergo medico licebit, in principio purgare: dubitari valet, an liber ille sit Hyppoc. nec ne) probatur etiam, ex quarto de ratione victus sentent. 76. *si sub thorace dolor sit, vehementerque cruciet, pleuriticum ventrem purgabis.* & postea addit, *purgabis die quarto* Gal. in comm. non modo die quarto, sed primo, secundo, & tertio, & ipse Gal.

Gal. inquit, *ego exhibui medicamentum purgans prima, vel secunda die*: ergo manifestè deducitur, ex Hyppoc. & Gal. quod medicus poterit maxima cum ratione, in principio morbi pharmacum purgans exhibere.

Confirmatur huiusmodi assertio; in principio morbi est exercenda sanguinis missio: ergo, & purgatio. Probatur consequentia; idè mittitur sanguis in principio, ut revellamus materiam fluentem; sed media purgatione potest etiam revelli huiusmodi materia: ergo propter eandem rationem possumus uti in principio, medicamento purganti. Probatur minor; nam quemadmodum pectoræ debetur venæ sectio, ita cacochymia debetur purgatio; sed ubi datur fluxio ratione pectoræ, revellitur materia sanguinis missione: ergo in febre in qua datur fluxio à cacochymia, ista, media purgatione erit revellenda, non verò sanguinis missione: ergo in illo casu, purgatio in principio erit revulsoria.

Uterius probatur, nam si Hypp. ait: *Coccta medicari, mo- verè non cruda*. Hoc tamen venit intelligendum de curatione legitima, & regulari: duplex enim datur curatio, alia quidem regularis, & alia coacta in 2.2.1. loquitur Hyppoc. de legitima curatione, & regulari, inquit: *Coccta medicari*; non verò de coacta: ergo si multa est materia, eam, curatione coacta, debemus minorare: sed huius divisionis falsitas infra patefiet, cōtra Vallesium, & sapientissimū Bravū. Roboratur amplius, potest dari evacuatio in principio morbi symptomatica; sed ista potest esse cum commodo animalis, quamvis sit in principio morbi: ergo ita paritèr poterit fieri ab arte, quamvis sit materia cruda, cum Medicus sit minister naturæ rectè operantis.

Concludit igitur Vallesius, quod id, etsi omnibus difficile videatur, videlicet medicamentum purgans sine maximo periculo exhibere, facillimum ei esse, & valdè expertum, ita ut in omni tempore, in principio videlicet, augmento, statu, &

Manard
20
in declinatione; in principio turgente materia; in augmento, quando est obscura coctio; in statu, quando est manifesta; & in declinatione, quando est perfecta: ergo non semper, inquit Vallesius, spectanda est coctio perfecta, & manifesta. Quod probat ex Hyppoc. 4. de ratione victus, sentent. 46. alloquente: *Cum urina nebulosa, & crassa est, purgandum est.* Nunc sic Gal. 2. de crisibus, cap. 17. adducens tres coctionis differentias, manifestam nimirum, obscuram, & perfectam, inquit, nebulam, esse coctionis manifestam, non verò perfectam, notam; sed sic est, quod Hyppoc. purgat cum nebula: ergo purgat cum manifesta coctione; sed manifesta coctio est in fine augmenti: ergo Hyppoc. purgat in augmento: ergo etiam Medico. licebit uti pharmaco purganti in augmento febris putridæ; quibus duobus sentiendi modis, assentit Vallesius.

Manard
1 Porox
MANARDI ASSERTIO OSTENDITUR.

Sapientissimus Ioannes Manardus 13. lib. suarum epistolarum, epistola 1. eadem amplectitur sententiā variis rationibus; sicque intelligit, quod præsentē multitudinem materiæ, statim est purgandum: si hæc multitudo gravia inferat symptomata, tantaque sit materiæ multitudo, ut æger succumbat, & vires graventur ab ea, neque spes sit, ad statum posse pervenire, oportet initio evacuare, ut minorata materia, id quod reliquum est à natura superetur; at verò si spes sit, ad statum posse pervenire, viresque valentes sint, nulli dubium est, inquit, coctionem spectandam esse.

Probatur igitur prima conclusio, ex Hyppoc. 1. aphorism. sententia 3. asserente: *Habitus exercitatorum, &c. & inferius ait: Statim solvendus est; quia periculum adest, ne vasa rumæ-*

pantur, propterea que statim est solvendus. Nunc sic: habitus athletharum statim est solvendus, si aliquo morbo corripatur, propter pericula dicta: ergo etiam in habitu cacochymo, ubi materia sit supra vires, purgandum erit. Probatur consequentia, eadem militant accidentia periculosa in hoc habitu, ac in athletico; sed in habitu athletharum, statim sanguis est mittendus: ergo etiam in habitu cacochymo, cum dicta multitudo materiæ, humor statim erit purgandus.

Roboratur ulterius, nam eadem pericula imminet his, qui febre ex plenitudine laborant, ac illis, qui turgentia corripuntur; sed hos statim purgamus: ergo etiam eos, qui ex plenitudine febricitant. Probatur maior, nam turgens humor ex se non movetur, sed à partibus, quas sua acrimonia irritat; sed veluti in turgētia partes irritantur ab acrimonia materiæ turgentis, ita etiam multitudo materiæ cacochymæ potest eas vellicare: ergo si in turgentia, propter dictam irritationem, est pharmaco purganti in principio utendum, ita pariter ubi adsit multitudo cacochymicæ supra vires, quamvis in principio morbi. Præterea; humor multus celeriori evacuatione indiget, quam turgēs: ergo si turgēs in principio purgatur, multo vrgentiùs humor multus debet purgari. Antecedens probatur, faciliùs potest occurri turgentia, quam multitudini: ergo celeriori evacuatione indiget humor multus, quam turgens. Antecedens etiam probatur; humor turgens potest reprimi, & temperari; atqui multitudo, solum postulat evacuationem, & non attemperationem: ergo multitudo celerius postulat evacuationem, quam humor turgens; sed materia turgens statim purgatur: ergo multo celerius humor multus, & cacochymus, quamvis non sit coctus, erit purgandus.

Probatur etiam; si aliquis humor de parte in partem moveatur, neque fixus sit, nec firmatus, statim purgandus est, ne in partem principem decumbat: ergo si propter hanc ratio-

nem est purgandus, multò meliùs erit purgandus humor, qui iam est in parte principe firmatus: ergo multitudo humoris febrem procreantis, firmata iam in parte aliqua principe statim erit purganda, coctione non interveniente.

Roboratur præterea, nam Gal. 9. methodi, inquit: Quod in principio morbi, aliquando licet, sanguinem mittere: Ergo etiam purgare; præcipuè cum ipse Gal. 1. aphorismor. commentario 13. asserat: *Nos quoque posse purgare ad animi deliquium.* Consequentia superiùs, dicta probatur, ex 4. de sanitate tuenda: *Quotiescumque æger à sanguinis missione abhoret, purgatione est utendum;* sed potest æger in principio morbi, à sanguinis missione abhorre: ergo tunc licebit purgare, nulla spectata coctione.

Præterea inquit Manardus, non ne in fine principij apparet aliqua pars materiæ cocta, & alia cruda. Cur ergo non poterit medicus purgare coctam, & relinquere crudam? (Hoc esset verum, quasi medicamēta agerent cū ratione) patet igitur, sicut in phlegmone, tota materia non apparet cocta, sed sensim coquitur; atqui ista non evacuatur vnica via, sed sensim minoratur: ergo etiam materia morbifica febrem efficiens, sensim erit minoranda, Gal. etiam 1. de compositione medicamentorum secundum locos, in apoplexia, in capitis dolore, ac in aliis similiter affectibus, statim in principio, absque eo, quod coctionem spectaret, medicamenta purgantia exhibebat: ergo etiam Medico licebit hoc efficere: tum & etiam Galen. 13. methodi. inquit, se vidisse, in quibus incipiebat phlegmon in oculo, pharmaco purgante adhibito, vna die curatos fuisse; quare igitur huiusmodi exemplar Medicus perpendens, vllum periculum timebit. Similiter etiam Hippocrat. lib. 5. & 6. epidemiorum, in vulneribus, & capitis fracturis, absque vlla coctione purgat, veluti etiam Galen. 5. methodi, id efficit, ipse iterum 7. methodi, humores tenues ventriculi, statim sola potione purgat vere: ergo

non

non erit timendum, ex adhibitione medicamenti purgantis, si bilis, quæ ex sua natura tenuissima est, & ad expulsionem parata, evacuetur.

Ultimo, maxima nitens experientia gloriatur Manardus, referens, se expertum fuisse spatium quadraginta, & octo annorum, maximo cum foelici eventu, talem exhibitionem pharmaci purgantis in principiis morborum, quæ omnes rationes, adductæ sunt à Manardo, & ex Averroe surreptæ, & aliam vehementiorem ommissit proponere, videlicet, ratio propter quam purgatio in principio morbi non debet fieri, materia existente cruda, est, ne utile cum inutili evacuetur, & caliditas febrilis augeatur, sed etiam media sanguinis missione evacuetur, utile cum inutili: ergo etiam sanguis non est evacuandus in principio morbi: ergo vel sanguis non est mittendus, vel si est mittendus, possumus etiam in principio purgare.

FERNELII OPINIO OBIAM FACIT.

IOANNES similiter Fernelius eandem veneratur sententiam, ut suo libro de curandi ratione fatetur, inquiens: morbus, vel est salubris, vel lethalis, si salubris ante coctionem purgandum non est, ut Hyppoc. 2. 2. 1. aphorismor. Probaturque; sicut se habet sedimentum in urina, sic se habet pus in parte phlegmone tentata; sed in phlegmone, materia quæ coquitur, non retinetur ad unicam expulsionem, sed quidquid coquitur quotidie edducitur: ergo ita pariter in morbis generis venosi quidquid coctum sit, debet expurgari, & quod crudum fuerit relinqui: ergo cum omni tempore, aliqua materia portio concoquatur, omni tempore debet purgari, relinquendo quod crudum extiterit.

Præterea, in morbo imminente, cum neutra corporis dispo-

sitione, sæpè purgatione vtimur; sed ex Galen. libro de sanguinis missione, quibus fit præcautio: sanguinis missione, & purgatione fit; sed si eisdem remediis præcavemus, quibus curamus: ergo si præcautio fit media purgatione, etiam ad præcavendum in morbis acutis, ne morbus reliqua tempora pertranseat, in principio erit purgandum.

MENS AMATI LUSITANI

offertur.

AMATVS Lusitanus centuria 1. suarum curationum medicinalium, centuria 2. & centuria 16. cap. 26. solidioribus, rationibus eandem connatur sententiam munire; & probatur; Hyppoc. 4. acutorum, in principio febris ardentis, lacte asinino utebatur; atqui lac asininum est medicamentum purgans leve: ergo etiam nostro tempore, pharmacis levibus possumus uti. Deindè Gal. 11. metho. mulla in febre ardenti, cibis, & his quæ modicè ex primis videlicèt venis evacuant, vtitur, & quia ad horum expulsionem humorum, sequuntur alij, minoratur materia morbi. Tum & etiam Galen. 2. de compositione medicamentorum, secundum locos 11. & 12. methodi, clysteribus ex Mesenterio evacuantibus vtitur, vt primis venis evacuatis, consecutione, reliquæ internæ evacuentur: ergo eodem fine servato, poterit Medicus pharmacum purgans in principio exhibere.

Vtteriùs roboratur; Hyppoc. 4. acutorum sent. 76. inquit *in principio purgandum est, aut est spectanda coctio*; nunc, ait Lusitanus, non valet si dicas, hoc esse de turgentia intelligendum, contra, nam Hyppoc. inquit, *in principio purgandum est, aut spectanda coctio*; sed in turgentia non potest spectari.

spectari coctio: ergo Hyppoc. non de turgentia, sed de humore fixo, est intelligendus: ipse etiam, Gal. 2. de compositione medicamentorum secundum locos, utramque bilem; aut pituitam, nulla præcedente coctione purgat.

Ultimo firmatur præsens conclusio Manardi; coctione perfecta non est purgandum: ergo materia cruda existente, erit purgandum. Probatur antecedens; si coctione perfecta esset purgandum, maximè, vel in statu, vel in declinatione; sed neque in statu, neque in declinatione: ergo nullo tempore. Probatur minor, non in statu, nam Hyppoc. 2. apho. sent. 29. cum verò cōstiterit morbus, quiescendū est, eo enim tēpore coctiones fiūt, & symptomata gravissima sequuntur: ergo natura non est à suo opere distrahenda, neque adhuc illo tempore, videlicet statu, ægrum oportet, copiosè cibare, ut Hyppoc. *ubi morbus in suo vigore constiterit, tenuissimo victu est utendum*: ergo si ex Hyppoc. adhuc à cibo est abstinendum, in statu multò melius à pharmaco purganti, cum vires valdè sint fractæ, & à medicamento denuo frangantur, ac debiliores reddantur; secunda verò pars minoris, videlicet, quod neque in declinatione est purgandum, probatur, nam ex Gal. lib. de crisi, nullus in declinatione vera universalis perit, cum natura in totum, morbificam causam vicerit: ergo illo in casu, potius evacuationis opus naturæ erit

committendum: ergo non purgandum ab arte: ergo


neque in statu, neque in declinatione erit

purgandum; ac proinde potius in

principio materia existen-

te cruda.

*



ARGENTERII RATIONES

adducuntur.

ARGENTERIVS tamen in commentar. Gal. in artem parvam, fol. 48. alloquens de purganda materia citra turgentiam, sic fatur, vel loquimur de materia contenta in foco, vel de materia existente in primis venis, si de materia, quæ dicitur causa morbigica, hæc sanè non est purganda, si de altera procedat sermo, purganda est, non medicamentis vehementibus, vt pepilio, & veratro, sed levissimis; quare inquit Argenterius, quæ in primis venis est materia, expurganda expedit, nam perpetuo huiusmodi vasa multis cruditatibus sunt referta.

Addit Argenterius, fol. 425. alteram sententiam, quæ cum mente Ferneli, & Vallesi coincidit; & probatur: ratio præcipua propter quam, vtimur sanguinis missione, est eadem, ac illa, propter quam purgamus, sed in statu licet sanguinem mittere, non de curatione regulari, sed quia aliqua symphthomata vrgentia occurrunt: ergo quando multa est materia, coacta curatione possumus purgare, appellatur curatio coacta, quando sanguis in statu mittitur, quia tali tempore fluxio cessavit; sicque curatione regulari à sanguinis missione cessamus: ergo quando in statu propter aliqua supervenientia symphthomata, sanguinẽ mittimus: hoc non erit curatione regulari: (admissa tanti viri autoritate, irregulare est, & coactum illius iudicium, ista enim regularis est etiam curatio, cum omnibus scopis, sicut aliæ, si ergo ait Argenterius, licet, sanguinem mittere in principio, incremento, & statu morbi, quando cogimur ob aliqua symphthomata, non aliter aliquando vigente morbo, sive in statu possumus purgare,

vbi

vbi de laudabili crissi futura dubitamus, quandò materia est superabundans, & vires sunt valdè contractæ, ita vt in co-
 ctione humoris, valdè natura appareat laboriosa, merito igi-
 tur, medicamenta benigna purgantia erunt exhibenda.

GASPARIS BRAVO SENSUS

occurrit.

Peritissimus Gaspar Bravo libro de purgandi ratione, disputat. 2. sect. 3. resolut. 10. fol. 499. resolvit, quod ra-
 tione vrgentiæ, cruda existente materia, minorativa purga-
 tio potest exerceri, insequēs doctrinam Traliani lib. 12. quam
 amplectitur assertionem, Trincabellus libro de compositio-
 ne medicamentorum, cap. 2. Ioannes Languis epistola 36.
 Oratius Augenius, & alij quamplurimi, probatque primo ex
 eadem Hyppoc. autoritate, 2. aphorism. sentent. 29. superiùs
 dicta: deindè probat ratione, nam dum vnica est salutis via,
 quamvis periculosa, tentanda est; sed tempore vrgentiæ pur-
 gatio minorativa est vnica via salutis, cum nō possit sine ma-
 teriæ evacuatione cōparari; atqui talis evacuatio nullatenus
 potest fieri, nisi minorativa purgatione: ergo quāvis periculo-
 sa, minorativa purgatio est exercēda. Minor probatur ex Gal.
 9. metho. vbi ait: *Quibus enim alia salutis ratio non est, & que
 vnica videtur, ea dubia est, necessarium videtur adversus pe-
 ricula ire, &c.* Ergo quando vnica tantum salutis est via, li-
 cēt periculosa, tentanda est. Avicenna similiter Fen. 7. cap. 4.
 melior est abscissio vnius membri, quam mors totiùs: ergo ex
 Avicenna, etsi aliquod immineat periculum ex minorativa, ad
 maius vitandum, illa erit exequenda.

Confirmatur vltteriùs, ex Gal. 10. methodi: *Quando ergo
 semel egro moriendum est, à levibus inchoare præsidis est ina-*

tile, quia melius est aliquid nos agentes periclitari, quam agrum spe adempta, certò perire; sed in casu urgentiæ medicamenta levia non sufficiunt, ex magnis vires deficiunt pro sanguinis missione: ergo melius est, quamvis non adsit cacochymia, à qua de cura regulari indicatur purgatio, cruda existente materia, quod per minorativam tentemus periclitari, quam agrum spe adempta, certò perire. Deindè, nam aliquandò recedere ab arte est ars; sed cruda existente materia, quandò non sunt vires pro phlebotomia, vrget necessitas vitæ, si non minoretur: ergo minorativa purgatio illo in casu, erit necessaria.

VERIOR SENTENTIA stabilitur.

ADDUCTIS iam diversorum existimantium rationibus, quod extra turgentiam, cruda existente materia, potest Medicus pharmaco minorante uti, nostra adaperienda, ut verior, & solidissima offertur sententia, quæ contrario modo se habet; videlicet, quod extra turgentiam, atque serosos humores, numquam licet in principio morbi purgare, & primo diversis authoritatibus est munienda: Hypp. etenim 1. aphor. sentent. 2. 2. toties repetita, ait: *Costa medicari oportet, movere non cruda, &c.* Eandem repetit sententiam, 2. de humoribus sent. 12. *Costa medicari oportet, movere non cruda, &c.* Ratione quidem, usus valde necessarij, hanc sententiam his duobus locis scripsit: quam Gal. appellabat oraculum.

Roboratur igitur iam, primo epidemiorum, part. 2. sen. 45. ex Hyppoc. afferente: *Coctiones celeritatem iudicij, & salutis securitatem demonstrant.* Galenus in commentario arguit, Medicis naturæ opera immittatur, sed coctiones sunt opera na-

turæ:

turæ: ergo Medici vna cum natura auxiliâtes, coctiones molliemur: ergo ex Hyppoc. & Galen. cum media coctione iudicium morbi, & sanitatis securitas firmetur, potius debet Medicus coctionem spectare, vt securè pharmacum purgans exhibeatur.

Primo similiter aphorism. sentent. 24. ait Hyppoc. *In acutis passionibus raro, & per initia medicamenta, &c.* Galenus in commentar. inquit: raro Hyppoc. imperat, vtendum esse medicamento purganti, quo si vtendum est, sanè esset vtendum per initia; atqui, inquit, raro per initia, quoniam non possumus purgare in principio, nisi materia turgeat, raro autem turget: ergo numquam licebit vti pharmaco purganti per initia extra turgentiam. Similiter Hyppocrat. aphor. 4. sentent. 22. ait, *quibuslibet morbis incipientibus, si atra bilis, supra vel infra exierit perniciosum*, Gal. in commentar. *Non modo atra bilis, sed omnis alius quicumque humor, ubi signa coctionis in morbi progressu apparuerint, bonam scilicet evacuationem habent; si verò sine notis coctionis exerceantur, cassus est exitialis*. Nunc sic argumentor; omnis humor quicumque excernitur sine signis coctionis, in quocumque morbo, exitialis est casus ex Gal. sed omnis humor, qui evacuetur in principio, sine signis coctionis excernitur: ergo omnis morbus in quo à natura excernitur talis humor in principio, est casus exitialis: nunc sic; quotiescumque excernitur à natura in principio talis humor, est casus exitialis; atqui Medicus, & ars immittatur naturam benè operantem, & non malè: ergo si in principio evacuatio, quæ fit à natura est mala, Medicus in principio non debet immittari talem evacuationem: ergo numquam licebit Medico in principio morbi, purgationem minorativam exercere.

Præterea, secundo epidemiorum, Hyppoc. inquit: *Decretoria in melius non statim apparent*. Vt præsens, & præclara authoritas melius intelligatur, notandum est, quod decretoria

ria in duplici sunt differentia, secundo proreëticorum, & ter-
tio de crisi- bus. Alia etenim sunt decretoria, vt signa, alia verò
vt causæ. Decretoria vt signa, sunt illa, quæ futuram crisi-
m indicant, vt capitis dolor, lacrymæ involuntariæ, & alia; de-
cretoria verò vt causæ, sunt profluvium alvi, sudor, & alia:
Quo posito, quandò Hyppoc. inquit, decretoria in meliùs,
intelligit decretoria vt causæ; quid verò intelligat per statim,
Gal. in commentar. i. aphorismor. sentent. i. 2. quæ asserit: *Ac-
cessiones, & constitutiones, &c.* Galenus sic fatur, *vt in morbo
lateralis, si statim sputum appareat*, idest primis tribus diebus,
quibus ad summum in morbo acuto circumscribitur princi-
pium; quare intelligendus est Hyppoc. hac ratione; hæc quæ
sunt decretoria vt causæ in meliùs, non statim apparent, idest
in principio, sed cum signis coëctionis: ergo si ex Hyppoc. eva-
cuationes quæ fiunt à natura cum notis cruditatis, non sunt
ad meliùs, sed malæ, quomodo Medico licebit, evacuationem
in principio tentare.

Quarto etiã de ratione victus, Hyp. sent. 2. 2. *qui inter initia
inflammationis, conatur medio medicamento solvere, à di-
stenta inflammatione, nihil addit, nec affectus crudus vin-
citur, partes liquantur*, vt Gal. in comment. aphorism. 2. 2. 1.
vbi Hyppoc. generale præceptum cruda materia, non est
movenda. Probatur hac alia propositione, ex quarto de ra-
tione victus, quoniam à parte inflammata, dum cruda est,
nihil à pharmaco potest trahi: ergo cum nihil trahatur, quia
cruda, nequaquam licebit pharmaco purganti uti.

Probatur deindè præsens sententia; Gal. 4. de ratione vic-
tus sent. 76. agens de occasione purgationis ita fatur: *vel hu-
mores firmati sunt, & quiescunt, vel non: Si non sunt firmati,
statim purgandi sunt, contra verò si sunt firmati: Ideòque præ-
ceptum generale adducit; extra turgentiam, non licere pur-
gare: tum & etiam libi. quos quibus, & quando, ut supra ma-
net pertactum. cap. 7. vbi inquit: vel acuti sunt morbi, vel*

longi; in longis semper est coctio spectanda; si verò acuti sint; non semper, nam si habet materiam turgentem, statim est purgandum; si verò non, non est purgandum: ergo ex Galen. manifestè inferitur, quod citra turgentiam, morbi acuti. non postulant in principio pharmacum purgans; longi verò multò minus; quia cum fiant ex materia crassa, quæ numquam potest turgere, propterea inquit Gal. semper expectandam esse coctionem.

Vlterius probatur primo epidemiorum, parte 2. comm. 26. *sudores, ait Hyppoc. Extant multi, & nihil iuvant, imò contra ladebant.* Hæc sunt verba Hyppoc. inquit Gal. in comm. *In ea constitutione febrili erant multi sudores, qui maximè ladebant, quæ sit causa, multa enim sunt (non tamen ladeunt) hi sudores ladebant, & causa præcipua, quia fiebant morbo incocto, & signum erat, vel multitudinis materie, vel virium imbecillitas.* Huiusmodi locus maximè est perpendendus, vt eo constet id, quod sumoperè veteres medici admirantur, videlicet evacuationem symptomaticam esse malam, & vt causam, & vt signum, quod ex prædicto loco manifestè patet; malam quidem esse vt causam, probatur, quoniam inquit non iuvant, imò ladeunt; sed si causa morbi fuisset evacuata, iuvarent: ergo vt causa, illa evacuatio symptomatica, esset mala. Præterea vt signum omnes fatentur, & Gal. in comm. nam dicti sudores, vel indicant redundantiam humorum, vel virium exolutionem: ergo & vt signum, & vt causa evacuatio quæ fit in principio iuxta Hyppoc. & Gal. est mala. Nunc sic; evacuatio quæ fit à natura in principio, morbo incocto, est mala vt signum, & vt causa, quia materia non est cocta: ergo evacuatio, quæ fit à pharmaco purgante, humore incocto, erit multò peiora.

Vlterius elucescit nostra assertio, ex primo epidemiorum primæ secundæ sent. 38. vbi Hyppoc. inquit: *Quæ violenta natura erant statim opprimebantur, & nihil proderant, Per-*
pen.

pendendus est commentarius ex proreëctis, ita inquit Gal. in comm. *evacuaciones, quæ coniunctam non habent concoctio- nem, nihil proficiunt, quoniam si absit coctio, nulla utilitas se- quitur.* Iste est omnis Gal. comm. ex quo infertur, evacua- tionem symptomaticam, & vt signum, & vt causam esse pra- vam. Probatur, nam Gal. ait, evacuaciones, quæ coniunctam, non habent coctionem nihil proficiunt; quoniam si absit coc- tio, nulla sequitur utilitas: ergo ex Gal. mala est vt signum, & vt causa: nunc sic, ex comm. Gal. evacuaciones quæ fiunt à natura non prosunt, si non habent adiunctam coctionem: ergo multò minus proderunt, quæ fiant ab arte absque vlla coctione, cum à pharmaco purgati agitentur humores, & fe- bris augeat.

Extollendus meritò est Gal. locus secundo proreëctico- rum, comm. 58, vbi Gal. ita inquit: *Alvus in quovis morbo fluens, sine coctionis signis nihil iuvat; si verò in placidas ope- rata fuerit, præter id quod nihil iuvat, maximam noxam ad- fert.* Ex quo deducitur evacuationem esse malam vt causam; si verò implacidas operata fuerit, &c. quasi dicat, nulla est evacuatio in principio morbi, quæ possit iuvare, quod si fiat cum robore virium, & sine violentia, iuvabit; ex quo loco respondetur multis rationibus, & sustineri poterit ille error naturæ; si verò fiat cum violentia, fractisque viribus no- xam patietur, & idè Gal. explicat hoc, ea diëctione; *si ve- rò in placidas fuerit operata*, illum errorem natura fer- re non valet; hinc constat, vt postea dicemus, multos libe- ratos esse, quoniam illa evacuatio contigit cum maximo robore virium: ex dictis illatio patet, nam si natura implaci- das evacuaciones, quia in principio morbi, & cum languore, ferre non valet, multo minus evacuationem à pharmaco pur- ganti citra coctionem.

Confirmatur 1. apho. commen. 24. *Acutè agrotantes non sunt purgandi, nisi tria concurrant, surgentia, corporis præ-*

paratio, & estimata utilitas. Nunc sic arguo; morbi acuti non sunt purgandi, nisi hæc tria contingant, sed rarissimè contingunt, ita ut vix in mille, qui febre putrida laborant, hæc tria reperiantur: nam raro turget: præterea paratum corpus ad expurgationem, potius est in statu 3. quando maior sequitur utilitas ex evacuatione, quam noxa ex calore medicamenti: ergo cum hæc tria ita raro contingant, non licebit in principio purgare.

Uterius lib. de medicamentis purgantibus cap. 14. factur Galen. *Quicumque à febre fortius corripuntur, hos non purgabis, donec remiserit febris, sin minus, &c.* Ex prædicto loco sic arguo, non licet purgare nisi febris remiserit; sed non remittitur nisi post coctionem: ergo non licet purgare nisi cocto humore. Maior patet ex Gal. loco citato. Minor probatur, ex lib. 2. apho. sent. 3. dum ait Hyppoc. *circa principia, & finem omnia imbecilliora, in statu forciora:* ergo ante coctionem, non remittitur febris, id est ante statum; tum & etiam lib. ad Transibulum cap. 39. *Valentissima sunt tria prima tempora, non enim potest febris remitti, nisi post statum;* sed non potest dari coctio in totum perfecta, nisi post statum: ergo si non licet purgare nisi remiserit febris, & ista non remittitur nisi post coctionem, quæ est perfecta post statum, non licebit purgare, nisi post statum; ac proinde nequaquam in principio morbi, cruda existente materia.

Probatur deindè præsens assertio, Hyppoc. enim occasionem adducens impediendi pharmacum purgans, sic loquitur 2. apho. sent. 30. *in statu, omnia fortiora,* & propterea quiescere melius est, hanc explicans Gal. utitur hac ratione, *in statu, cause maximè sunt valentes, virium adest imbecillitas expugna concitata;* atque hinc, *in statu quiescendum est,* sed Gal postquam, hæc docuit, adversus se ipsum disputat, in statu quiescere oportet, hoc videtur esse falsum, & probatur ait.

ait Gal. tempore quo causæ valentes sunt, debent auferri, sed in statu valentes sunt: ergo in statu sunt auferendæ: ergo in statu est purgandum, & non quiescendum. Respondet ipse Gal. purgandum esse sanè, si remedium non esset cum noxa, ideo posset adhiberi in statu, sed quoniâ non potest fieri citra noxam, ideo in statu quiescendum est, & meritò, quia primo remedia, omni tempore, necessario vires vexant. Secundo, quia illo tempore vtilia, & noxa sunt mixta, proindè, non minus aliena, quam propria evacuarentur; quare non sunt educenda: perpendenda est maximè ratio Gal. quasi dicat, in statu non possumus purgare, quia vires sunt fractæ, & deindè remedia, omnino eas laxant, & tandem, quia aliena, & propria evacuantur, quæ posita Gal. mente, sic arguo ad nostrâ, assertionem roborandam.

In statu morbi ex eodem Gal. lib. de optima secta ad Tribulum cap. 4. ferè tota materia est cocta: ergo illo tempore, ferè tota est separatio facta: ergo in statu morbi, iam ferè materia est victa: in augmento rursus exigua facta est separatio, nam obscura est coctio, & ad coctionem sequitur separatio, in principio nulla est coctio; ac proindè nulla separatio: ergo totum est mixtum vtile cum inutili: ergo cum his temporibus, non sit facta perfecta coctio, neque vtile ab inutili sit separatum, nequaquam villo istorum tempore erit purgandum: præterea, nam nulla sequetur vtilitas, sed plurima damna, præcipuè in principio morbi, ex pharmaco purganti. Primo quia humor crudus pharmaco trahenti non cædit, neque ab eo evacuatur, quia talis humor priùs debet ab aliis separari, quod fit per coctionem; sed hic adhuc est mixtus: ergo nulla sequitur vtilitas, benè verò multa incommoda. Primum etenim, vt quæ sana sunt, medicamentum liquet, sanguinem scilicèt, vt attrahat quod est familiare, vt aiebat Gal. 4. de ratione victus sent. 22. *Qui inter initia inflammationis, &c.* Est humor mixtus: ergo præcisè pharmacum pur-

gans

gans massam sanguinariam, vt attrahat, humorem permixtum liquabit: ergo maximum incommodum.

Nec minus offeruntur alia plurima incommoda, ex pharmaco minorante, in principio morbi, primo etiam vt dixi, cum purgatio sit evacuatio soliùs humoris cacochymi, & peccantis, & in tali casu evacuaretur etiam quod est vtile, quoniam adhuc est mixtum cum alio pravo, illa purgatio non est proficua, neque artificialis: rursus ex pharmaco, valde caliditas augefcit, quod exponit Hyppoc. lib. de purgantibus, cap. 14. *Carnes enim calefcunt à medicamento purganti.* Præterea, ex agitatione, & motu, totum incalefcit corpus; nam si ferrum, & alia motu calefcunt, quid mirum, quod corpus calefciat, vt docet Hyppoc. lib. de natura humana, exemplo pituitæ: præterea, quia motu factò à medicamento, coctio in humoribus impeditur, nam vt prædixi, purgatio coctioni aduersatur, & tandem crisis laudabilis impeditur; ista enim fit, vt Gal. 3. de crisis, in morbis, qui seruantur ad vnicam expulsionem; quare inquit Gal. 11. metho. multa damna sequuntur ab ipsis, & plusquam à morbo; quis igitur tam temerè operabitur in exhibitione pharmaci purgantis in principio morborum, vt hæc tam vehementia incommoda omittat, & committat?

Muniatur vehemētius præsens doctrina; nā omnis purgatio ex Gal. vt superiùs diximus, fit medicamēto attrahente, & natura expellente: ergo quando natura moveatur ad expulsionem, tribuendum erit pharmacum purgans: sed natura movetur ad expulsionem, post coctionem: ergo medicamentum purgans tribuendum erit post coctionem. Minor probatur 4. apho. comm. 22. natura enim priùs concoquit, secundo separat, tertio expellit, hic est naturæ ordo: si quid expellitur in principio morbi, est casus exitialis: ergo dum natura rectè operatur, post hæc dicta, movetur ad expulsionem: nūc sic, quando natura movetur ad expulsionem recto ordine, est

U. sen

propinandū pharmacum purgans, & nō alio modo; sed natura movetur ad expulsionem ex Gal. præcedente coctione, & separatione: ergo cum iste non sint in principio, non erit dandum pharmacum purgans, nam si illo tempore, detur naturæ motus, potius erit casus exitialis: ergo etiam ex pharmaco, similis casus exitialis inducetur.

Si prædicta morborum tempora inutilia sunt ad pharmacum purgans exhibendum; inquireret aliquis, quod erit tempus aptius ad purgandum in his morbis; respondet Gal. in morbis acutis, finem status, aut declinationis principium, quo tempore perfecta existit coctio; tunc enim materia morbifica iam separata est, & natura curat eam expellere: ex dictis colligitur, quod cum iam perfecta apparet concoctio, & vehementia status remissa, si nulla sequatur. Anatura evacuatio decretoria, quod cognoscemus, an sit, à die iudice indicata; neque in decretorio moveatur natura, & apparentibus, aliquius portionis humoris relictis, signis, remedium expostulantis, nullumque adsit prohibens, illo in casu, exhibendum erit pharmacum purgans; nam si morbus cessaverit absque evacuatione, vel à natura, vel ab arte, non est fidendum, periculum enim subest recidivæ; nam quæ relinquitur in morbis, recidivas facere consuevere, quæ recidivæ signa, Hypp. adducit 6. epidemiorum, parte secunda sent. 29. & 30. si cibi fastidium, sitis cum oris amaritudine, & inappetentia remaneant, quæ omnia, aliquid, morbificæ causæ, reliquisse proclamant.

Sed ne, quid necessarium intactum relinquamus, dicet quis, si natura post perfectam coctionem, aliquam actionem incipiat, quid agendum erit: ex dictis responsio apparet, nihil inquam esse agendum, sed potius sinenda est natura; nam si oportet, completè, & integrè evacuabit, vt Hypp. 1. apho. 20. *que indicantur, & indicata sunt ingrè, &c.* Si verò integrè nō iudicaverit natura morbū, illo in casu, medicus, quod naturæ operi.

operi deficiat, firmatis viribus, satisfacere valebit per pharmacum purgans, vt ab arte diminutus naturæ motus compleatur: non ergo oportet, naturæ vim inferre, sed ei agenti suueneri.

CONTRARIIS, DIUERSORVM,
rationibus satisfi.

QVAMVIS selectiora, verioraque testimonia Hyppo. & Gal. ad nostram muniendam assertionem, sint adducta, necessarium tamen est, vt tenebrosæ sententiæ contrariæ deleantur, & evanescant, rationibus superius allatis, luce meridiana, clariori responsione satisfacere. Præcipua tamen inter omnes, quæ constat, ex 2. aphorism. sentent. 29. quæ omnes nituntur, & valdè falluntur: nam licet Gal. in commentar. asserat: *Circa initia, &c.* vt minorificata materia, quod reliquum est, natura facilius concoquat, ipse in principio morbi imperat, venam secare, & purgare: ergo etiam Medico, (inquiunt adversarij) licebit in principio purgare.

Huic authoritati Gal. respondeo, verissimum esse, quod in principio morbi, potest Medicus sanguinem mittere, & purgare; hoc tamen intelligendum est, de purgatione materiæ turgentis, vt in sentent. 24. lib. 1. *In acutis morbis raro, &c.* vbi in commentar. Gal. docet: *Nonnumquam purgatio, maxime vena sectio.* Quasi dicat, sanguinis missione frequentius, nonnumquam purgatione, idest quando turget.

Sed instabis, huiusmodi testimonia non possunt intelligi de turgentia; nam Gal. in commentar. docet, quod purgandum est, vt minorificata materia, quod reliquum est, natura melius possit superare: ergo hæc verba, non intelliguntur de turgentia. Probat, nam materia turgens non est minoranda; sed

radicitus evellenda, quoniam ex quacunque portione, quæ relinquitur, semper illa tria pericula, superius dicta, sequentur: ergo humor turgens non potest minorari, sed radicitus est evacuandus: ergo quia hoc non intelligitur de materia turgente.

Etsi possem dicere huic instantiæ, fatendo, quod in principio debet minui materia; non tamen constat, quod solum minuiatur purgatione; sed potius sanguinis missione. Vnde quando ait Gal. *ut minorata materia*, efficit relationem ad sanguinis missionem, potius quam ad purgationem, cum ex hac, maiora sequantur incommoda, quam ex venæ sectione; quare, potius intelligitur de sanguinis missione, quam de purgatione. Sed licet utraque pars admittatur, nunc sic contra nos, *ut reliquum quod est, concoquat*, materia turgens, non potest concoqui: ergo materia, quæ est minoranda, non erit turgens, cum ista non possit concoqui: ergo responsio non est intelligenda de materia turgente.

Cui facile respondeo: hoc verissimum esse, videlicet, turgentiam negare coctionem; notandum tamen est, quod in turgenti materia, potest dari duplex portio, aliqua fixa in foco putredinis, quæ non est actu, sed obiectivè turgens, alia verò, quæ huc, & illuc movetur, & actu est turgens; vnde, illud, quod fixum est, non potest à natura concoqui, & superari, propter aliam materiam turgentem, quæ impedit coctionem naturæ circa materiam fixam, & quietam; quare evacuata materia turgenti media purgatione, reliqua materia fixa poterit concoqui, levata natura à materia turgenti, & ideo, merito dicit Gal. *nam minorata materia*, non turgens, quia ista radicitus est evacuanda, sed *minorata*; id est, tota materia composita ex turgenti, & fixa, levata erit natura media purgatione, ut reliquam relictam, & quietam, concoquat; ac proinde prædictus locus, non de humore fixo, sed de materia turgenti semper est intelligendus.

Insuper,

Infurges tamen, contra expositionis intentum; si hic aphorismus prædictus 29. intelligeretur de turgentia, loqueretur Hyppoc. assertivè, & determinatæ, non verò conditionalitèr, nam dum agit de materia turgente, semper loquitur assertivè, ut sent. 10. lib. 4. *Medicari in valde acutis, &c.* ubi loquitur determinatè, eadem die, si materia turgeat; hoc verò loco alloquitur cum conditione: ergo si materia turgens est purganda, non intelligitur de materia turgenti, quando ait, *si quid tibi videtur movendum move.* Cui respondeo, quod non loquitur cum conditione, sed quia concludit ex præteritis, aphorismis, statuit novum præceptum, *si quid tibi videtur movendum move, nam in statu melius est quiescere:* vel si mavis, non indifferèter, sed determinatè alloquitur; nam quàmvis dicat, *si videtur tibi*, cū alloquatur de duplici indicato, videlicèt, venæ sectione, & purgatione, inquit, si videtur tibi dari indicans ad sanguinis misionem, sanguinem mitte; si verò indicans ad purgationem, ut est turgentia, pharmacum purgans in principio exhibetò.

Quarè, hoc ad pensum indicantis, non verò conditionalitèr alloquitur Hyppoc. neque alia ratio superiùs allata, aliquam vim infert, ubi asserit, quod non solum in principio, sed in omni tempore, quo turget materia est evacuanda: ergo cum in præsentī Hyppoc. solum alloquatur de principio, erit quia materia turgens non est intelligenda. Cui respondeo ex eisdem verbis: quia non solum in aliis temporibus, potest materia turgere, sed etiam in principio; ideò dixit Hyppoc. in principio, id est incipiente morbo, si materia turgeat, erit purganda, & quarè potius dixit in principio, est quia nondum natura incepit coctionem, in aliis verò temporibus. Maior quies reperitur; ac proinde faciliùs in principio morbi turgebit; ideòque potius appossuit Hyppoc. in principio.

Præterea, ex eodem loco fuit ratio aducta, si intelligeretur mens Hyppoc. de turgentia, Gal. non diceret in commenta-

rio, evacuare, sed potius determinatè, purgare. Probatur, nam sola purgatio debetur cacochymia, evacuatio verò multitudi-
ni: ergo si ait Gal. evacuare, & non purgare, non intelligitur de turgentia, cum ista determinatè postulet purgationem. Respondeo tamen, hoc nomen evacuationis, esse generale ad purgationem, & venæ sectionem, quia venæ sectio, & purgatio sunt species evacuationis; qui enim purgat, evacuat, non verò, qui evacuat semper purgat; vnde cum evacuatio extendatur ad venæ sectionem, & purgationem, cum ista specie differant, ideò Medicus debet perpendere, an sit necessarium venam secare, vel purgare; quare, si detur multitudo sanguinis, inquit Gal. evacuare, sed per sanguinis missionem; si verò turgens materia adsit, ait etiam evacuare, sed per purgationem; vnde determinatio huius evacuationis, ad venæ sectionem, vel purgationem, summenda est ratione indicantis; videlicet multitudinis, vel turgentia, qua propter, cum purgatio non excludat rationem evacuationis, meritò quamvis non dixit Gal. purgare, potest intelligi, dum adest materia turgens.

Alia deindè ratio superiùs dicta, ex eo, quod eadem pericula dantur, ex materia multa cacochyma, ac ex materia turgenti: ergo si ista est purganda, etiam materia cacochyma, quia multa. Cui respondeo negando maiorem, videlicet, quod eadem adsint pericula in humore multo, quemadmodum in turgenti; nam multus humor est firmus, & quietus; turgens verò, ratione motus, potest inducere pericula, sive incommoda superiùs dicta; ac proindè diversa est ratio, nam si periculum est ratione turgentia, ne in partem principem decumbat, hoc dependet à motu errabundo, qui deficit in humore quieto, et si multo.

Præterea, vires dissolvuntur à turgenti humore ratione motus, nam cum per diversas partes moveatur, partes alterationem patiuntur, & calor nativus resolvitur; deindè, caliditas febrilis;

brilis increfcit,ratione motus turgentia,vt Gal.adducit exem-
plum pituita: ergo cum hæc omnia incommoda nafcantur
ab humoris turgentis motu,& ifte non reperiatur in humore
quieto,& fixo, quamvis multo, nequaquam imminent eadem
pericula, ex vno, quam ex alio: fi mavis, rigorosè loquendo,
turgens materia non purgatur propter metum,ratione in-
commodorum,quæ funt dicta; nullus enim purgat, nec fan-
guinem mittit, præcisè propter metum, fed fumpta indicatio-
ne ex rei natura: quare materia turgens ftatim purganda eft,
ex eo, quod parata fit ex fua natura ad expulfionem, vnde
cum vel folo naturæ ductu, vel levi adminiculo, ftatim pur-
getur. proindè ab hac natura fumitur medicatio; humor ve-
rò multus, & quietus, non eft ita paratus ad expulfionem;
ac proindè, neque ita vrget, neque æqualis eft indicatio.

Sed inftabis; fupponamus Socratem, cum tanta humoris
copia, vt ad ftatum morbi, cum illa non poffit pervenire, illo
in cafu, minoranda eft materia, vt minor facta materia, pof-
fit ad ftatum pervenire; atqui fi æger non purgetur in princi-
pio, five minoretur, neceffariò succumbet natura, quia non
potelt cum tanta farcina ad ftatum pervenire: ergo ne mors
fequatur, neceffariò erit minoranda media purgatione: me-
lius enim eft, vt Cornelius Celfus lib. 2. cap. 2. aliquid cum
periculo tentare, quam ægrum relinquare mori; fed fi non
purgamus morietur neceffariò, minorata materia, poterit
liberari: ergo in hoc cafu, debemus neceffariò vti pharmaco
minorativo.

Hæc tamen ratio nihil concludit, & admiſſa fuppoſitione,
in qua refpondeo, libentè eſſe materiam minorandam, non
tamen per purgationem; fed per ſanguinis miſſionem: mino-
ratur etiam multoties, ſepties, & plurimis vicibus ſi ſcopi ad-
ſint præſentes; nam eadem ratio, propter quam prima die
mittimus ſanguinem, militat, vt proſequamur, vſque quo ma-
teria minorata ſit, vt natura reliquam valeat concoquere, vt

ex:

exponit Gal. 11. metho. cap. 15. *saluberrimum remedium est, non solum in febribus continuis, verum etiam in omnibus, quas putrescens concitat humor, sanguinem mittere; ex-* honerata enim natura; idest minorata materia, facilius quod reliquum est concoquit; quare, cum dictus humor minorandus sit, quia multus, melius hoc fiet venæ sectione, quam purgatione, proptèr dicta incommoda: ac per consequens sanguinis missio securissimum minorans erit materiæ, non vitæ ægrotantis.

Notandum tamen est, quod Socrates, vel vires robustas, vel languidas obtinet, vt tantam sarcinam vincere non valeat; si vires sunt robustæ, facta prius revulsione per sanguinis missionem, oportet coctionem expectare, quamvis sint acerrima sympthomata, quia natura valida omnia potest sustinere; nam vnica spes salutis, est virium robur: vel sunt vires languidæ per aggravationem, vel per essentiam; si respondeas per essentiam, nec purgandum erit, nec sanguis mittendus, cum virium robur deficiat ad remedium magnum exequendum; si verò dicas esse languidas per aggravationem, multò melius venæ sectio erit exercenda, non verò purgatio, cum ex illa nullum adsit prohibens, ex ista verò, plurima incommoda, vt supra dixi.

Quamvis in alia ratione, assumatur fundamentum ex materia morbifica, quæ cum non sit similis, sed heterogenea; ita vt vna crassior, alia tenuior; hinc est quod vna citius concoquetur, remanente alia cruda: ergo licebit coctam minorare, & crudam relinquere; ita vt à prima die vsque ad decimam quartam, possit ter pharmacum minorans exhiberi, vt contingit in phlegmone; evacuatur enim hodie, quod coctum est, die sequenti, quod denuo coquitur; & sic de reliquis diebus: ergo non aliter, eandem methodum seruando, debemus, causam morbificam pharmaco minorare.

Cui rationi, respondeo ex Gal. 11. metho. cap. 9. materia

ria cocta est, & cruda; quæ cocta, expurganda est; quæ in-
cocta relinquenda. Respondet ipse Gal. Si nostrum corpus esset
innane ut vestis, & ligna, liceret nobis id præstare; quemad-
modum in ligno, quod carie est infectum possumus educere
cariam, & relinquere, quod sanum est, sic de veste; sed non
reguntur hæc corpora naturalibus facultatibus: ac in nostro
corpore, non possumus id præstare, quoniam regitur facul-
tatibus naturalibus, quamvis videatur coctum, magis retine-
tur à natura, non enim est innane, neque habemus naturam
adminiculantem, quemadmodum ex veste, & ligno licet
reicere prævum, reliquum retinere.

Præterea, est etiam maximum absurdum dicere, coctam
educere, crudam relinquere, quasi medicamenta purgantia, ut
dixi, agant cū ratione, & imperet medici, ut medicamēta edu-
cant coctam, & ne tangāt crudam; deinde, nā si cocta materia
educeretur, alia etiam moveretur, ac proinde non coque-
retur, cum purgatio opponatur coctioni; vndè etiam colli-
gitur, quod medicamentum purgans habeat similitudinem,
magis cum materia cocta, quam cruda, cum ista sit eiusdem
spetiei: ergo utramque materiam coctam, & crudam attra-
het pharmacum purgans: nec valet paritas de phlegmone:
ibi enim, nec fit electio, neque attractio à medicamento, sed
cum natura partialitèr concoquat materiam in phlegmone
contentam, partialitèr etiam expellit: quare etsi aliquando
per epicrasis in morbis soleamus purgare, hoc potius de
morbis chronicis, quam de acutis, est intelligendum, de illis
tamen non procedit quæstio.

Auctoritas etiam Hypp. 2. de ratione victus sent. i. i. allo-
quentis de pleuritide in qua, si dolor ad hyppocondria ver-
gat, veratro purgandum est, dissolvitur ex comm. Gal. super
hanc sent. explicantis dictionem hanc, videlicet, quod in om-
ni pleuritide vena seccanda est, sive dolor vergat ad clavi-
culam, sive ad hyppocondria, quia tamen hic dolor, qui est

in hypochondriis, habet diversum aliquid ab altera, propterea depingit Hyppoc. id quasi dicat, tales pleuritides habent quid commune, & quid proprium; quod commune est, communem habet indicationem, quod proprium, propriam commune est, quod sint inflammationes; sicque habebunt communem indicationem, ut revellamus materiam fluentem, cum communis sit fluxio in vtraque inflammatione: habent verò aliquid proprium, ex quo humor ad hypochondria, & intestina feratur; ut si murmur habuerint intestina, postquam ergo communes exercuimus indicationes (id est sanguinis missionem ratione revulsionis,) hoc proprium, quod postulat pleuritis, exercebimus, nimirum purgationem, quando suo tempore sint signa coctionis, quæ legitima est Gal. expositio: illo enim casu, dum dolor vergit ad hypochondria, cum sit per loca conferentia, & materia iam devicta, pharmacum purgans maximè iuvabit, non tamen in morbi principio.

Alia similiter ratio adducta, ex eo, quod nostra ætate ingluviosa sunt corpora, propter pravam victus rationem, & modum intempestivum, quæ nisi statim purgentur, in maxima incidet pericula, ut irruente materia morbifica in aliquam principem partem, sequatur mors, deciditur, si respondeam, quod humores, qui ex materia depravata gignuntur, vel sunt in prima regione, vel in secunda; si in prima, statim evacuantur, de quo nulla est dubitatio; si in secunda, vel sunt turgentes, vel non; si turgent, purgationem expostulant ex natura rei, si verò non, sed firmati sint, concoquendi erunt, cum nullum sit periculum, ex eo quod firmati, & quieti; quare, licet verum sit, quod nostro tempore, sit maxima crapula, non ideo indiscriminatim est purgandum.

Licet in pestilenti statu, in quibus superfluitates reddebant, Gal. & veteres purgassent, ut primo de differentiis febrium, cap. 4. nulla præcedente coctione, hoc nequaquam nostram.

stram assertionem impugnat, nam Gal. dicto loco, non agebat de curatione actuali febris pestilentis, sed solum de præcautione, ne illa corpora in pestilentem febrem incidissent; multa enim licet in præcautione, quæ in curatione actuali repugnant; in morbo enim imminenti pluries purgamus, non autem semper, eo prævalente.

Nec valet si dicas, ex 5. method. cap. 22. vbi Gal. inquit, ex pestilentia illos fuisse liberatos, quibus totum corpus fuit purgatum, aut præscitum; nam iste locus, etiam est intelligendus de providentia, & præparatione corporum, ne pestilentia corriperebatur, ut ipse Gal. 1. de differentiis febrium, cap. 4. inquit: *Vidimus pestem similem illi, quæ vigeat in cranone, quàm depingebat, Hyppoc. 2. epidemiorum: Quod cum nos pervidissemus, statim corpora præscitabamus, & in quibus fluitantes reperiebantur, purgabamus:* Ergo manifestè ex Gal. constat, potius de præcautione, hoc esse intelligendum, de qua non est controversia.

Facile linquit ratio adducta ex Gal. 1. de compositione secundum locos, & 3. method. in ophthalmia, & allopætia, vbi vidit sanatos, purgando prima die: hæc omnia vera sunt, non tamen difficultatis punctum tangunt, nam cum hæc sint affectiones citra febres, non ad institutum pertinent: aliud enim est vera dicere, & aliud mentem aphorismi explanare, nam etiam Hyppocrat. libro de vulneribus capitis, & Gal. 5. methodi affirmant, statim esse purgandum, sed quid implicat, cum febris non adsit, & hoc fiat ratione revulsionis materiæ ca-cochymæ.

Locus similiter adductus Gal. 4. de sanitate tuenda, vbi iubet, quod si æger abhorreat à venæ sectione, possumus purgare: ergo si hoc accadat in principio, erit purgandum in principio: verissimus est, non tamē consonus cōtroversia: nā Gal. agit de sanitate tuenda, non de curatione morbi acuti, & ideo præbet præcepta sanitatis tuendæ, quæ non semper possunt

accommodari ad præcepta methodi medendi : nam ad sanitatem tuendam, cum nullus adsit morbus acutus, nullum inconueniens ex pharmaco purganti dabitur; vel si malueris, posse intelligi de profligatione morbi. Respondeo, vt supra, quod ly, purgare, non intelligitur de pharmaco electivè purgantibus, sed potiùs de clysteribus alvum ducentibus, cum dictum fuisset à Gal. aliis verbis: si quis propter timiditatem, vel virium languorem, sanguinis missionem ferre non valeat, alvus moveatur, id est suscitetur alvus, mediis clysteribus acrioribus; non autem pharmacis electivè purgantibus.

Neque Vallesij ratio superiùs allata, vim vllam contra nos ostendit, nam etsi asserat, quod purgatio est remedium revulsorium, & quod in principio febris debemus revellere, ac proindè purgare. Respondeo tamen maiorem concedendo, & consequentiam negando; quia si solum purgatio esset remedium revulsorium, legitimè sequeretur: ergo vt revellamus, in principio debemus purgare; at verò cum sanguinis missio, sit etiam remedium revulsorium, ac securius; purgatio verò, prædicta incommoda inducens: proindè potiùs est deliberandum de sanguinis missione in principio, vt citra noxam revellat, quam de purgatione periculosissima.

Neque paritas, ratione materiæ extractæ, ex venæ sectione, & purgatione, currit æqualitèr, videlicèt, quod sicut venæ sectione in principio evacuatur vtile, cum inutili, etiam media purgatione; sed hoc non obstante, mittimus sanguinem in principio, evacuando vtile, cum inutili: ergo etiam debemus purgare. Facile hoc solvitur; nam incommodum ex purgatione, præcisè non sumitur, quia evacuatur vtile, cum inutili, hoc enim fateor reperiri in venæ sectione, sed quia vehementiora offeruntur incommoda; diversi enim motus, & effectus contrarij exurgunt ex vno auxilio, quam ex alio; nam sanguinis missio in principio, tollit fluxiones; ac proindè detruncat ac-

ces.

cessiones; purgatio verò movet fluxiones, & paroxifimos exacerbatur; sanguinis missio non commovet vtile, cum inutili, corpus refrigerat, & attemperat, saltem ex accidenti; purgatio verò commovet, & agitat causam morbificam, ac naturam intus calefacit; venæ sectio roborat vires gravatas; ac proinde calorem nativum; purgatio verò ipsum resolvendo, eas valde debilitat; ergo cum hæc ita diversa sint incommoda, ex purgatione in principio, utilitates verò maximæ, quæ ex sanguinis missione oriuntur, merito ista est amplectenda; purgatio verò valde renuenda.

Instabis ulterius: propositæ evacuationes symptomaticæ aliquando sunt vtilis, etiam si in morbi principio contingant; ergo etiam Medicus naturæ imitator poterit in principio, cruda existente materia, minorare: quod autem sint vtilis, patet ex 1. epidemiorum, part. 3. sentent. 29. in Hyerofonte, sentent. etiam 2. in Sileno, & Methone, ut etiam 1. epidemior. sentent. 24. Cui respondeo concedendo libenter, illos fuisse liberatos, non tamen evacuatione symptomatica, quod debebant adversarij probare; nam hi obtinuerunt postea evacuationes criticas, illis enim evacuationibus, prædicti ægrotantes iuvamen obtinuerunt, alij à natura, alij verò ab arte, cuius gratia liberati fuere.

Vel si tibi placeat, possum respondere, quod quamvis supra dixi, evacuationes symptomaticas esse malas, ut signum, & ut causam, quia numquam iuvant, imò aliquando lædunt; hoc tamen intelligendum est, dum contingunt cum maxima virium imbecillitate, & implacide fiunt, hoc est dum tota evacuatio potius est à morbo, citra motum naturæ robustæ expellentis, sed potius propter debilitatem retentricis, ut in sudore diaphoretico, & in evacuatione per secesum, media partium liquatione à febre ardente; illo enim in casu, ut signum, & ut causa, talis evacuatio symptomatica semper est mala, quia numquam iuvans, semper verò lædens.

Si tamen natura fuerit valida, sive robusta, vt possit sustinere errorem, quem committit in evacuatione, quia valdè irritata, illo in casu, vt signum, quia denotat multitudinem, & gravitatem, erit mala; vt causa verò ex accidenti, quia naturam levat, ab aliqua portione morbificæ causæ, valebit esse, aliquo modo bona, vt natura robusta relictam materiã possit concoquere.

Dices tamen: ergo si huiusmodi evacuatio, vt causa saltem est bona, & fit in principio morbi à natura robusta, poterit etiam Medicus, quandò naturam inveniat validam, exhibere pharmacum minorans, vt relictam materiam melius concoquat. Cui respondeo negando consequentiam; nam valdè diversa est ratio in motu naturæ irritatæ in principio morbi, ac in motu pharmaci, dum natura neque est irritata, neque movetur; cuius est ratio, nam quando natura non movetur in principio morbi, respicit materiam, vt obiectum retentricis, sicque vt tale retinet; ac proindè non est irritanda à pharmaco, vt moveatur ad expulsionem; at verò, quãdò natura spontè irritata movetur in principio, licèt symptomaticè, prædictã materiam, vt obiectum facultatis expultricis inspicit, sicque non retinet, sed imò expellit.

Cum maxima tamen consideratione hoc est intelligendum, videlicet, quod natura, ab humore quantò, & quali vellicata, quantitatem humoris excernendam, & retinendam metitur; medicus verò medio pharmaco non valet metiri gradum irritamenti, vt natura determinatè hanc portionem, & non magis evacuet, vt reliquam retineat ad coctionem; sed indifferenter, & intempestivè, fieret in illo casu, minorativa purgatio; ac proindè nequaquam est exercenda.

Sed urgebis ulterius, evacuationes symptomaticæ aliquãdo sunt iuvandæ: ergo multò melius poterit medicus pharmacum minorativo, cruda existente materia, vti. Probatur antecedens; nam potest dari casus in quo, aliqua materia tur-

gens,

gens in principio morbi, fiat postea vergens ad intestina, ut detur evacuatio partialis illius materiæ; sed in illo casu, talis materia vergens, si ulterius non progrediatur, est iuvanda: ergo evacuationes symptomaticæ in principio morbi, sunt iuvandæ: ergo ita pariter medicus, in principio morbi, valebit exhibere pharmacum purgans.

Hæc arguties dissolvitur, concedendo libenter primum antecedens in exemplo adducto: nego tamen consequentiam, cuius est ratio; nam illa materia turgens, quæ sit vergens per loca conferentia, necessario absque tali vergentia, iam indicabat purgationem, quia ista est incoctilis, & talis purgatio non debebat fieri minorativè, sed radicativè. Præterea, quia ut dixi, talis turgentia iam est obiectum facultatis expultricis, non verò retentricis; tum & etiam, quia iam vergit per loca conferentia, cum igitur hæc omnia deficient, in materia quieta, quæ potius à natura retinetur, ut concoquatur, idèò diversa currit ratio.

Neque valet si Vallesius convictus 4. acutorum sent. 44. videns, nullo modo esse purgandum existentem cruditatem; asserat, quod hoc de curatione regulari intelligitur; cum verò alia detur non regularis curatio, veluti coacta, idèò ratione humanius, pharmaco minorante uti licebit: fallitur profecto Doctissimus Vallesius; nam omnis curatio debet esse regularis, & methodica, ac per indicationes veras regulata; sicque doctissimus Gaspar Bravo falso nititur fundamento, hanc subsequens opinionem, nam licet medicus cogatur ad brachium gangrena correptum absciendendum, executio methodica, & regularis, cum vera indicatione est; quidquid enim præternaturam est, sui evacuationem expostulat, & præcipuè cum curatio dogmatica debeat fieri cito, tuto, & sine dolore, hoc est, maiorem dolorem, nimirum mortem, evitando.

Locus similiter Hyppoc. 4. de ratione victus sent. 43. si *urina nebulosa, & crassa sit, purgare licebit*; sed tunc non est

coctio manifesta: ergo licebit purgare absque coctione manifesta. Deciditur ex Gal. in illius commentar. quod Hyppoc. per crassam urinam, intelligit mediocrem: in hac significatione, summit etiam Hyppoc. crassam urinam 4. aphorismi sentent. 67. *Quibus in urina crassa, &c.* Galen. etiam in hoc commentar. summit crassum pro mediocri. Præterea de nebula, respondeo cum Gal. 1. de crisiibus, cap. 22. quod in morbis acutis, de quibus agit Hyppoc. in dicto loco, sola nebula est signum sufficiens coctionis, nam solum in morbis ex materia crassa pendentibus, debet Medicus hypostasim albā spectare, sicq; in acutis, aliquandò mutatio sola in colore, sufficiens est signum coctionis, ex Gal. eodem loco; ac proindè in huiusmodi morbis acutis, merito dixit Hyppoc. purgandum esse, cum urina nebulosa, siquidem iam sunt signa coctionis.

Atlethica, & obtusa mens viget in his, qui rationem athleticam adducunt pro exemplo, ut nostra assertio evanescat; nam licet asserant, quod habitus athletarum ex Hyppocrat. sentent. 3. 1. aphorismi not. statim est solvendus: ergo multò melius quandò ægrotaverit prædictus habitus: hæc omnia verissima sunt; sed quid ad hanc, cum potius solvatur habitus athleticus, media sanguinis missione, quam purgatione, siquidem indicans, ut est sanguinis multitudo, proclamat venæ sectionem, non purgationem. Deindè, illa ratio de neutra constitutione corporis, in qua utimur purgatione: ergo melius in morbis curandis, iam manet extincta ex supra dictis: multa enim, quæ nobis facere licet in sanitate tuenda, non licet facere in morbis, cum prius debeamus coctionem spectare.

Et si satis gravis sensus, quem Gaspar Bravo adducit, sit, cum loquatur de urgentia affectus curandi, non tamen vrgget, nam etsi concedamus libenter, quod dum unica est salutis via, quamvis periculosa, sit tentanda; negamus tamen tempore vrgentiæ, solum purgationem minorativam esse unicam viam salutis; nam quamvis salus non valeat sine ma-

terix evacuatione comparari, non tamen idè talis evacua-
tio, minorativa purgatione, est efficienda, sed potius sangui-
nis missione. Nec valet si dicat, quod quia vires sunt languidæ,
minoranda est materia pharmaco purganti, non verò
sanguinis missione; nam ipse fatetur maius virivm robur ad
purgationem, quam ad sanguinis missionem requiri: (vt su-
pra manet probatum) ergo si vires sufficiunt ad pharma-
co purganti utendum; multò melius ad venæ sectione, et-
si ad istam sunt languidæ, multò magis ad purgationem.

Neque vrget abscissio alicuius membri, etsi periculosa,
pro totiùs conservacione, nam cum nullum aliud excogitari
valeat subsidium, pro salute magnificiendâ, quam membrum
detruncare, hoc non solum, quia vrgens, & coactum, sed
quia regulare, & indicatum, est exercendum: at verò in
nostro casu difficultatis propositæ, cum sanguinis missio tu-
tius auxilium, quam minorativa purgatio sit; proindè mag-
ni pendenda est, minorativa purgatione neglecta. Neque
tamen dicendum est, quod recedere ab arte, est ars, nam si
Medicus valet illius præcepta amplecti, infamia erit ab ar-
te recedere, cumque in præsentî, artificiosum valdè sit, affe-
ctus vrgentiæ succurrere, media sanguinis missione, meritò
minorativa purgatio, quia valdè periculosa, vt ipse fatetur
renuenda erit.

Quare concludendum est, ad lucidiorem doctrinam inse-
sequendam, ad divinam legem, pro mortalium vita custo-
dienda, ante oculos semper observandum, quod extra turgem-
tiam, & serossos humores, in febribus putridis, nullus datur

casus purgandi, nec radicativè, nec minorativè, nisi

priùs apparuerint signa perfectæ coctionis in

lotio, quod in fine status, aut declina-

tionis principio, solet con-

tingere.

CAPVT X.

DE OCASIONE PURGANDI, SINE
præparatione.

POSTQVAM in superioribus capitibus, satis de humoribus præparandis ad purgationem egerit, iam in præfenti capite explicat occasionem, & affectum in quo sine humoris præparatione purgandum sit; triaque adducit præcepta, quorum primum est, quod in morbis acutis, materia turgente, in principio, prima, aut secunda die, Medicus debet pharmacum purgans exhibere, & addit Galen. *nisi qui occasionem arripiat, aquam mulsam, cum decoctione origani, aut pullegij exhibendi*: quomodo autem humores turgent, & quæ requirantur ad turgentia conditiones, inferius dicam.

Secundum Galeni præceptum est, quod quando humores sunt firmati, & quieti in aliqua parte, oportet spectare coctionem; tunc enim naturam adminiculantem habemus, quia post coctionem facit iudicationem. Tertium tandem præceptum est, quod existente morbo acuto, si febris vehemens sit, non debemus purgare, præsertim si ægri naturam

Medicus non fuerit expertus, quidam enim sunt faciles ad evacuationem per ventrem inferiorem, alij
verò è contra, de quibus satis,
superius fuit actum.



DVBITATIO I.

*QUI HUMORES SINT APTI AD
turgendum.*

CVM Gal. in capite antecediti dixerit, quod Medicus debet in acutis morbis, materia turgēte, prima, aut secūda die, pharmacū purgās exhibere; meritò in presenti ratio dubitandi nascitur, quid videlicet sit turgentia, & qui humores sint apti ad eā: ad cuius expositionē, prius supponendū venit, quod turgentia nihil aliud est, quam vehemens connatus appetitus naturalis, sensitivi, aut rationalis, tendentium in fugam, aut prosecutionem alicuius obiecti: qui vehemens connatus, ostenditur ex Hyppoc. 3. de fracturis, c. 18. vbi adducit, vehementē connatum, quo natura in fracturis appetit, partem ossis cōfractam abscedere, dicitque: *quod vlcus videtur turgere, id est, vehementer connari ossis cōfracti expulsionem*; quam turgentiam naturalis appetitus, etiā adducit Theophrastus lib. 1. de causis plantarum, cap. 6. & 14. vbi inquit, plantas turgere, dum vehementer appetunt folia, & fructus exprimere: similiter turgentiam appetitus sensitivi exponit Aristoteles 6. de historia animalium, cap. 16. vbi alloquens de fœminis quadrupedibus, veluti de equa, & bove, vbi inquit, quod turgent ad coitum: ultimo appetitus rationalis turgentiam constituens, ostenditur à Piatarco, qui vehementem appetitum in hominibus, ita vt modum excedat, turgentiam appellat; vndè ratio turgentiae collocanda est in vehementi connatu appetitus naturalis, sensitivi, aut rationalis, tendentium in fugam, aut prosecutionem alicuius obiecti, quæ loca refert sapientissimus Gaspar Bravo.

Ex quibus inferitur, quod etsi humores turgeant, non tamen gaudent hac formalitate, sed solum obiectivè, vel causaliter, videlicet, quatenus propter pravam dispositionem, quam obtinent, vellicant naturam, ut partes turgeant ad eorum expulsionem, ac proinde partes formaliter turgent, propter dictum connatum, & appetitum; humores verò, solum obiectivè, & causaliter, ratione acredinis, qua correpti sunt: quare solum per analogiam, quam cum partibus verè turgentibus habent, dicuntur turgere.

Ex quibus, etiam requisita turgentiae offeruntur annotanda: non enim adhuc obiectivè, possunt humores turgere, ex eo quod quantitate, aut quacumque qualitate molestantè corripiantur, etiamsi in aliquam partem particularem moveantur, sed præcisè dum vehementi motu agitantur, & ab vno loco ad alium indeterminatè confluant, ita ut ægrum in quiete non permittant, ut ex eodem Gal. in præsentī libro, quos purgare oporteat, constat, inquit enim Gal. *Conciliari verò, & turgere humores dicuntur, cum motu vehementi agitantur, & ab vno loco ad alium confluentes, inter principia morbi hominem vexant, doloresque ac titillationes afferendo, cum quiescere non sinunt.*

Vndè, ut humores turgeant, saltem analogicè, necessariò requiritur, quod nimia caliditate, & siccitate exuperent: tum & etiam, quod substantia tenuissima vigeant, tum similiter, quod indifferenter, à parte in partem commoveantur, & tandem, quod in nulla parte sint fixi, & stabiles: quæ doctrina nulla ferè indiget probatione; nam tunc humores turgent, ex Gal. 8. de compositione, secundum locos, quando per corpus, ab vno in alium locum moventur, atqui, ut moveantur, indigent calore mordaci, & irritante, ut vellicant partes, & tenuitate, ut moveri valeant: ergo huiusmodi requisita valdè necessaria, & facilia cogniti erunt.

Quibus si iactis, sit conclusio, videlicet, quod humor pituitosus

pituitosus, & melancholicus, nequaquam gaudent dispositionibus, ut turgeant, & probatur manifestè humor pituitosus, & melancholicus, carent acrimonia, & igneo calore, ut partes corporis vehementer valeant irritare; deinde destituuntur substantiæ tenuitate, ut faciliè, & vehementi motu in partes corporis ferantur; sed ad rationem obiectivam, & causalem, turgentiam, requiritur acredo, & tenuitas humoris, ut talis motus errabundus contingat: ergo cum hæc deficient in pituita, & melancholia, nequaquam erunt idonei ad turgentiam. Instabis tamen; non implicat, quod pituita vi putredinis in dispositionem incidat, veluti etiam melancholia, præ immodica putredine, exitialis fiat; sed turgentia est dispositio humorum cacochyma, quæ humores, possint præternaturam partes irritare ad expulsionem: ergo pituita, & melancholia valent acquirere dispositionem aptam ad turgentiam.

Cui respondeo, quod ex dispositione lethali humoris, vel salubri, non sumitur ratio turgentiam; non enim implicat, ut causa materialis sit exitialis, quia maligna, non tamen tenuis, & acris, sed imò crassa, terrestris, & cum mitti calore: ac proinde, quamvis pituita, & melancholia, fierent humores exitiales, non idèò turgentes.

Sit 2. conclusio; sanguis ex natura rei, non valet esse turgens obiectivè, ut dixi, ut doctissimus Oratius Augenius, secundo epistolarum, epistola septima. Gaspar Bravo, disputatione secunda, sectione secunda, resolutione quinta tenent quæ est contra Antonium Musa brasabolam 4. apho. côm. 14. & probatur; Hyppoc. enim in diætâ sent. 10. purgat materiam turgentem eadem die, tum & etiam 22. sent. 1. apho. nunc sic, materia turgens statim est purganda; sed sanguis non est purgandus, sed venæ sectione mittendus: ergo quia sanguis non potest esse turgens. Præterea roboratur, nam turgentia provenit ratione caliditatis igneæ, & tenuitatis immodicæ, ut obiectum sit mordax; sed sanguis neque intensè est calidus,

imò

imò est coniunctus cum humiditate, neque immodicè tenuis: ergo non potest esse acris, & mordax: ergo neque turgens.

Obiicies tamen; sanguis potest deferri in corpore, motu concitato: ergo valebit esse turgens. Antecedens probatur, ex Actio lib. 6 cap. 4. vbi exemplo pueri correpti chatoco ostenditur, qui fuit sanguine ex naribus fluente liberatus: ergo sanguis illo in casu, motu concitato irruebat: ergo erat turgens. Respondeo, quod non omnis motus humoris, ex vna in aliam partem, constituit turgentiam; aliter enim omnis tumor, cum fiat medio motu de parte in partem, fieret ratio ne turgentia, & statim purgatio esset indicata: quare cum reliquæ dictæ conditiones deficiant in sanguine, & præcipue motus errabundus, meritò incapax erit turgentia.

Tertia conclusio, tam bilis flava, quàm atra, obiectivam turgentiam valet constituere, quod probatur manifestè; nam bilis atra fit ex flava bile per maiorem caliditatem, & putredinem; sed bilis flava potest esse turgens: ergo etiam atra. Minor probatur; bilis flava ex natura rei, est valdè calida, acris, & mordax, deindè habet sufficientem fluxibilitatem, ut motu errabundo moveatur: ergo bilis flava turgentiam constituere est apta: ergo cum multò atra bilis reddatur acrior ex flava, poterit rationem obiectivam turgentia constituit.

CAPVT VIII.

QVID SIT AGENDVM POST
medicamentum assumptum.

DVAS in præsentī cap. adducit Gal. propositiones, sive præcepta: primum etenim, quod statim post pharmacum

cum purgans assumptum, ptisanam oportet exhibere, ut si aliqua portio medicamenti remansit in esophago, virtute detergente, ad ventriculum descendat: secundum verò est, quod medicamentum purgans, plurimis de causis potest sua operatione privari, ita ut purgatio innanis, & frustranea sit; videlicet, vel propter particularem ægrotantis naturam, ut sunt illi, qui ex natura rei renuentem constitutionem habent; deinde, propter exiguam medicamenti quantitatem, sive dosim: Tertio, propter excrementa fecalia detenta, & indurata: Quarto, quando humor per aliam regionem, ut per sudorem, vel urinam à natura movetur: Quinto, quando medicamentum suo destitutum sine, in alimentum, vel in humorem peccantem commutatur: quæ omnia, maxima cum perpensione, docet Gal. ut Medicus prædicta incommoda possit corrigere, & obviare.

DUBIATIO I.

AN HIS CORPORIBVS, QUÆ
purgantur, ius sine sale sit concedendum.

EX prima propositione à Gal. adducta in antecedenti cap. asserente, post pharmacum purgans exhibitum, exhibitionem ptisanæ utilem esse, viguit consuetudo inter antiquos, purgatione incipiente, vel aliquibus elapsis horis post assumptionem, ius exhibendi sine sale, ut irritato ventriculo, nauseaque in eo introducta, celerius purgatio contingat, quæ tandem consuetudo, rigorosè loquendo, non semper est sustinenda, eo, quod potius aliquandò noxam, quam utilitatem conferat; cuius est ratio: nam ut Hyppoc.

in.

inquit 1. acutorum textu 13. Si alimenta exhibeantur, incipiente purgatione, faciunt eam cessare, ex eo quod natura coctioni alimenti, utpote familiaris, intenta, à proprio expulsiōis munere, siue opere divertitur; ac proinde incipiente purgatione, nequaquam convenit talis iuris exhibitio: militat etiam similis ratio, si propinetur antequam natura suum opus incipiat; nam cum eo tempore, prius agat in pharmacum ipsum, media comminutione, de potentia in actū reducendo, hinc est, quod si exhibeatur ius alimentitium, potius, natura ipsum retinendo ad coctionem amplectetur, sicque reductio pharmaci, frustranea remanebit; ac proinde purgatio innanis.

Aliquando tamen, peculiaritèr inspiciens Medicus languorem facultatis expultricis, ut ista validior reddatur, poterit, postquam iam expurgationem inceperit, prædictum ius sine sale exhibere, ut vegetiori virtute reddita, expurgationem inceptam valeat natura complere; & non solum ius, verum, & etiam aliqua alimenti portio erit propinanda, ut partim præ gravitate, valeat naturam irritare, & subsequuta partium compressione, possit melius subsequi purgatio, quod præcipuè observanda est, in pharmacis clementibus, ne in nostram naturam faciliè convertantur:



exptisana verò, nulla sequitur dubitatio, cum

hac potius ad medicamenti deterfio-

nem, & facultati expul-

trici iuvando con-

ducat.



CAPVT XII.

MEDICAMENTIS PURGANTI-
bus, aliquid semper est admiscen-
dum.

DVO proponit Gal. valde necessaria, in præsentī capite, primum etenim, quod semper cum pharmacis purgantibus, aliquid boni odoris est permiscendum, vt medicamenti facultas, ne ventriculi orificium, exquisito sensu prædictum, offēdat, corrigatur; advertendum tamen, inquit, nequaquam esse admiscenda, quæ vim pharmaci possunt impedire, vt medicamina adstringentia, cum potius, quæ tenuioribus partibus pollent, conueniant.

Secundum verò, quod à Galen. in præsentī adducitur est, nullatenus oportune admiscenda esse inter se medicamenta purgantia, quæ diversis temporibus suas operationes exerceant, ita vt post evacuationem ab vno factam, alia ab alio medicamento incipiat; ex hoc enim, inquit, maxima corporis perturbatio, & agitatio contingeret.

Dicet tamen aliquis, contra primum Galeni præceptum, scilicet, quod non semper sunt permiscenda cum pharmaco purgante, ea, quæ tenuium partium sunt, nam ferè semper experimur, apud omnem Medicorum consensum, ex doctrina Mesue, & Gal. quod non solum escamoneum præparatur in citonco, quod vi gaudet adstringenti; sed etiam alia medicamenta cum eo permiscunt: ergo male inquit Galenus, imperans, non esse admiscenda medicamenta adstringentia cum purgantibus. Respondeo tamen, Galen. tantum esse intelli-

Nnn

gen.

gendum de humoribus crasis, qui purgandi sunt, tenues vero valde, non hoc exigunt; non enim est aliquod inconueniens, ut misceantur purgantia cum aliquibus adstringentibus, præcipue cum aliqua debilitas virtutis, quæ moderata adstrictione corrigitur, supponatur.

DVBITATIO I.

AN POST PHARMACI PURGANTIS
vsu, sit dormiendum.


CVM multoties, non exigua superveniant incommoda ex contracto somno post assumptum pharmacum, debita cum ratione occurrit dubitatio. Vtrum illo tempore somnus proficius, vel læsivus adsit: Cui est satisfaciendū respondendo, triplicem esse somni occasionem; prima etenim est, quando iam est facta evacuatio, tunc quidem, cum medio somno vires reficiantur, permittendum est, de quo nullus dubitat.

Secunda verò occasio est, purgatione iam incipiente, illo enim casu, plurimas potest noxas somnus adferre: Primo enim, purgatio impeditur, ut Avicenna Fen. 2. doctrina 2. cap. 3. inquit: Quod somnus omnes evacuationes præter suadorem cohibet; nam cum evacuatio, quæ sit medio pharmaco purgante, fiat concurrente duplici facultate, sensifica nimirum, & expultrice, ac sensatio medio somno deficiat, sine dubio purgationem impiedit; non verò evacuationem sudorificam, cum ista non requirat concursum facultatis sensitivæ; tum, & etiam medio somno, cum iam inceperit purgatio, & materia morbilica sit agitata, medio motu somni, ad interna

valebit ad aliquam partem principem irruere, vt sequatur mors, ne igitur hæc, & alia plurima cōtingant, somnus nequam est permittendus.

Tertia tandem occasio est, antequam purgatio incipiat statim post medicamentum assumptum, quod solvitur, in veteriori doctrina, affirmativè respondendo, vt Avicenna Fen. i. cap. 5. docet, super vehemens medicamentum dormiendum esse; minimè verò super clemens, & debile, cuius est ratio, nam vt vehemens redducatur medicamentum, intensiore, & vegetiore indiget calore in ventriculo; atqui tempore somni, in eo, & in aliis partibus internis calor augefcit: ergo maximū beneficium inferet, vt vehemens medicamentum suam actionem exerceat; nec mirum, somnum nativum calorem viscerum ex accidenti intendere, vt Hyppoc. aphorism. i. sentent.

15. *ventres hyeme natura calidissimi, & somni longissimi*, id est propter somni longitudinem, nativus calor vegetior, & intensior redditur: debile verò, & benignum medicamentum oppositum exigit, nam si post illud somnus permittatur, medio calore intensiori reddito, pharmacum purgans in alimentum, vel peccantem humorem potest commutari, ex qua Avicennæ doctrina communis Medicorum consuetudo præcipit, vt assumpto medicamento in pillularum forma, ægri somnum concilient, vsque quo purgatio incipiat, minimè verò in forma potabili; hoc tamen non ita strictè venit intelligendum, sed magis vniuersalitè, nam licet pharmacum purgans in forma potionis assumatur, si vehemētis sit activitatis, vt facilius redducatur, etiam somnum prærequirit.



DVBITATIO II.

UTRVM ALIQUA, PRÆTER DIC-
ta, reperiantur coindicantia, & alia im-
pedientia, ad exhibitionem phar-
maci purgantis.

EXPLANATIS abundè præcipuis indicationibus ad deli-
berandū de pharmaco purganti, ac principali impedi-
te, vt est humorū cruditas, & cum expositū maneat, quomo-
do puerilis ætas, anni tempus, regio, & vtero gerentes, medi-
camenta purgantia valeant permittere, meritò accedit dubi-
tatio genuina, vtrū scilicet aliqua alia impediencia adsint, vt
medicus purgans pharmacum possit exhibere.

Sit conclusio, purgatio per ventrem inferiorem, impe-
dienda est ab aliquo morbo in situ, vt si vteri procidentia
reperiatur, nam quilibet tumor in purgationis via, deductio-
nem humoris per eam potest impedire, vt inquit Hyppoc.
in suis epistolis epistola 22. de vsu elebori, his verbis; *neque
medicamenta danda sunt decoloratis, raucofis, exanguibus
spirituosis, & his, qui præcordia, latera, ac dorsum distenta
habent, & torpentibus, & obscure videntibus, & quibus au-
rium sonitus sunt, & urine meatibus impotentibus, neque
item morbo regiolaborantibus, aut ventre debilibus, aut his,
qui sanguinis eruptiones, aut tubercula habent*; quam sen-
tentiam ita difficilem, ad plures morborum indicationes
aperiendas, non ex professo assumimus, sed solum illud an-
notare oportet, quantum Hyppoc. ab vsu medicamentorum
purgantium, impeditis ductibus, aut inflammatis, fugiat, vt

Avi-

Avicena fen. 4. r. cap. 4. *habentium quidem in interioribus apostema, difficile est ventrem solvere, aut movere*: ergo tumores, aut inflammationes in ventris cavitatibus, ac proci-
dentia intestini recti, & vteri, maximè correpugnant, sive impediunt purgationem.

Sed licet huiusmodi repugnata ex morbis in via pateat, ta-
men, cum multoties soleat huiusmodi affectus cum febre complicari, & plurimi tirones statim, ac audiunt quærimo-
niam dolorificam, subito ad sanguinis missionem, aut pharma-
ci purgantis usum properent, ideò perpendere oportet, quod non utcumque his remediis est utendum, præcipuè in colica affectione pituitosa, & frigida, nam multoties potest contin-
gere, ut propter obstructionem ductus humoris biliosi, à quo, naturæ ordine, solet intestinorum facultas irritari, ideò pro-
pter defectum irritamenti, cum bilis non communicetur, ex-
crementa foecalia diutius detenta, colicam affectionem pos-
sunt efficere, ut Aetius lib. 9. cap. 26. Ergo illo in casu, ne-
quaquam erit de pharmaco purganti deliberandum: prædi-
cta enim obstructio, per de obstructia, & evacuantia solve-
tur, quod si ex intestini conniventia, vel aliqua involutio ab
excrementorum retentione contingat, potius, aut foliis
vento plenis, aut vtre, aut siringa, intestina implenda sunt, ut
prava intestini situatio corrigatur, quod ex Hyppoc. doctrina,
lib. de affectionibus constat.

Cum superius egissem cum Gal. quomodo anni tempus
coindicet, vel contraindicet purgationem, habita ratione ad
urgentiam, vel ad melioris temporis electionem, ratione præ-
cautionis; nunc iam agitandum venit dubiolum, utrum
astra, ita ad purgationem concurrant, ut valeant eam
contra indicare, aut permittere; cuius negativam par-
tem plurimi insequuntur, & probatur primo; nulla potest sum-
mi indicatio ab Astris, nisi quatenus valent nostra corpora al-
terare, sed ab alteratione aëris, cum distincta sit, possitque no-

cere, aut coadiuvare pro salute, nulla potest summi certa indicatio: ergo nulla indicatio ab illis desumpta, poterit coindicare, aut contraindicare pro pharmaco. Hæc tamen arguties, nullam obtinet vim: Minor enim propositio est falsa, videlicet, quod ab aëre non desummatür indicatio pro exhibendis remediis: temperies enim ambientis ab astris dependens, potest se habere ex parte morbi, ut ipsum augeat, vel ebelat, vel ex parte medicamenti, quod ratione ambientis acriori, vel benigniori modo opperetur: ergo indicatio, cum nulla sit vrgentia, poterit summi, aut contra indicatio, pro pharmaci purgantis exhibitione, ab astris.

Instabis tamen, medicamentum purgans semper indicatur a causa morbifica; atqui astra nullam habent rationem causæ materialis morbificæ: ergo ab eis nulla indicatio, aut contra indicatio pro pharmaco purgante erit desumenda. Respondeo tamen, concedendo libenter maiorem, & minorem, hoc tamen currit dum adest vrgentia medicamenti purgantis exhibendi: si verò ista non reperiatur, cum influxus astrorum valeat, medio aëre alterante, corpora nostra perturbare, & in alienum statum commutare, meritò, vel à iuvamine, vel à læsione, indicatio, aut contra indicatio ab eis debet summi.

Uterius insurges; astra solum mediis qualitatibus primis agunt in nostra corpora; atqui medicamentum purgans operatur media qualitate occulta: ergo actio medicamenti, non valebit ab illis immutari, neque impediri: solvitur etiam facile talis arguties, concedendo maiorem, nimirum, quod medicamenta purgantia opperentur media illa proprietate insita, non tamen ex hoc sequitur, non operari mediis qualitatibus manifestis, per quas nostra corpora valent immutare, & cum huiusmodi qualitates, medio influxu, valeant immutari, aut intendi, sine dubio astra iubare, aut lædere valebunt, ut Hypp. *sub cane, & ante canem, difficiles sunt purgationes: ergo ab astris*

astris aliquando, dum non adsit vrgentia, indicatio, aut contra indicatio pro pharmaci exhibitione debet summi.

Quibus sic iactis sit conclusio; nulla existente vrgentia purgationis, aliqua indicatio, aut contraindicatio pro pharmaco purgante ab astris desumitur: probatur, aliqua indicatio sumitur pro medicamentis purgantibus à corporis temperatura, modo substantiæ, viribus, & corporis habitu carnosio, vel gracili; sed Luna, & reliqua astra, hæc omnia possunt immutare: ergo nulla existente vrgentia, ab illis indicatio, aut contraindicatio pro pharmaco erit desumenda. Minor probatur, ex Macrobio in somno Scipionis, cap. 19. ubi ait: Quod vita, & conservatio nostra moderatur ab astris: ergo quia ab eis possunt immutari temperies, vires, & modus substantiæ nostri corporis: tum & etiam Gal 3. de diebus decretoris, manifestè exponit, quomodo Luna sit causa mutationum corporis, ita ut non viventia, & adhuc ipsum mare diversis motibus agitet, ut Ptholomæus lib. 2. cap. 12. quam doctrinam, plurimi gravissimi Authores amplectuntur: & hæc de prætiosioribus ad methodicum usum purgationis sufficiant.



TRACTATVS,
IN QVO SVBLIMIORA,
ET PLACIDIORA,

DE CRISIBVS, & DIEBVS DECRETORIIS
in sententiam 36. 4. aphorism.

A DOCTORE MEDICO MATHIA
*de Llera, Vespertina Cathedra, Augusti
Licai Moderatore perpetuo
elaborata.*

SVDORES FEBRICITANTIBVS BONI,
SI MANARE CEPERINT:

Die 3. 5. 7. 9. 11. 14. 17. 21. 27. 31. 34.

*Hi enim sudores morbos indicant; qui vero
non ita sunt, laborem, & morbi
longitudinem, aut recidivam
significant.*

LECTOR.

DE die iudicij corporeæ vitæ sum acturus, utinam co-
lipotens Deus fructiferum iudicium vitæ spiritualis.

Ooo

no

470. *EXPOSITIO DE CRISIBVS.*

nobis conferat, felix dies, in quo Medicus de salute laborantium iudicet: Fœcundus quidem, in quo impassibilis Deus de nostræ animæ salute iudicet; difficile quidem in morbis iudicium, infelix ideò, cum dies iudicij mortis immineat, infelictior potius, si animæ vita, in mortem iudicaretur; ex naturæ pugna cum morbo, labor, ex labore, sudor, ex sudore, causæ morbificæ expurgatio, vt morbi iudicium in salutem contingat: ex assiduo Medici labore, in studiosa veritatis indagatione, sudor, vtinam licet sanguinis, vt fœcundum diem auxiliandi ægro, seligat, vt benevolum decretorium; iudicare valeat, quod selectius medium, quam difficultatum viscera investigare? Qua via, nisi nullum laborem in peritiorum consulendis ingeniis, nullum sudorem in dubiorum Arcanis insequendis renuere? Ex lapidum collisione aer inflammatur, ignescit, scintilla ignita splendet: ignis omnium activitate validissimus, pestilentis status colluviem dissolvit, ac turbulentam caliginem volitare cogit: ex ingeniorum radiis dimicantibus, effervescent spiritus, inflantur, ignescunt, scintilla emicat quid mirum, quod tenebricosa ignorantia colluvies resolvatur? Dominantesque plurium errores extirpentur? Præciosioraque Arcana elucescant? De his igitur, aureus sermo nobis occurrit, fax sit polux, vt tibi humilima servitute, ac altiori, quia tuæ doctrinæ obediturus, ac mei, penè infiniti erroris, purgationi paratus sim: hæc, scitu digniora, tibi quisquis fueris, nectareo cordis spiritu, offero.

VALE.



CAPVT I.

MENS HYPPOC. SENTENTIÆ.
adducenda venit.

QUEMADMODVM sudores, qui die 3. 5. 7. &c. manare ceperint, sunt boni, cum rectè finiant, morbosque bene iudicent; qui verò, in aliis diebus fiant, sint mali, ideòque malè iudicent, ita vt morbum longum forè, vel recidivam prænucient: non alitèr Iudices, qui dies à iure determinatos observant, benè iudicant; in aliis verò diebus, malè; nam vel ignorantiam produnt, vel iudicium pervertunt, vel aliquid aliud significant.

Antequam intentio, ac intentionis ratio venerandi Hyp. de diebus decretoriis, ac iuditiis, sive crisi- bus, quæ in his accidūt patefiat, aliqua de prædictis singularitèr diebus effectu digna, ab Hyppoc. enumeratis, sunt perpendenda: mirifica enim in 3. die, priùs assignato, apparent, cum inter authores, tria in singulis rebus adinveniātur, vt est substantia, facultas, & operatio; tria rerum principia, materia nimirum, forma, & privatio; decursu hominis vitæ, tria stadia, infantia, virilis ætatis, & senectæ; in rationali anima, tria splendent, intellectus, memoria, & voluntas: ex arborum germinatione, tria similiter distinguimus, ramum scilicèt, fructicem, & fructum: triplex hominum ordo Reipublicæ necessariò subseruit, nobilium nempè, Aggricolarum, & militum: tres similiter affectus discursus expendimus, fidem, opinionem, & scientiam: tres etiam apparent entis proprietates, vnitas, dūtaxat, veritas, & bonitas.

Nec minus quinaris numerus mirabilis est, cum in vici-

472 *EXPOSITIO DE CRISIBVS,*

lis. David; contra Goliath pugnaturus, quinque lapides elegisset: quinque similiter porticus obtinebat piscina, vbi sanabatur infirmus: quinque sunt sensus corporis, mediis quibus nobis rerum noticia innotescit; quinque literis gaudet venerandum nomen, Iesus, & quinque, Beata Virgo Maria.

Sicut numerus septenarius est boni augurij, vel iudicij, summunque bonum in eo continetur, sic apud politicos hic numerus rerum auspitiis, optima creditus est, dare omnia, & summa omnia portendere, atque polliceri: solebant similiter veteres, in erudiendis filiis, per septenia eorum ætatem dividere: primo enim septenio, ita pueros exercitationibus instituebant, atque alebant, ut eorum corpora idonea redderentur ad labores, tum studij, tum militiæ sustinendos: in secundo verò septenario, primam philosophiæ partem, videlicet logicam, eis proponebant, quam complecti Grammaticam, Rethoricam, Poeticam, & Historicam desiderabant: tertio septenario, ad secundæ philosophiæ partem, quæ mathematicam continet regebant: quarto, ad naturalis philosophiæ principia accedebant: quinto, moralis philosophiæ solidiora fundamenta aggrediebantur: sexto, ad metaphysicam se conferebant: septimo demum, fructum omnem antea vitæ, legendo, & commentando percipiebant.

Inter omnes, symbolū fortitudinis, septenariū numerū esse admittitur, ideòq; adducitur exēplar, ex Cæsaris fortitudine, qui spatio septē annorū, vniuersam Galliā devicit; propterea, ita natura, validum connatum in causam morbosicam, septimo die, in morbis exactè acutis, solet efficere, ut prædicto die septimo, veluti in simpliciter acutis, decimo quarto, morbum devincat, ac iudicia critica feliciter contingant.

Nonus pariter dies, meritò ab Hyppoc. in prædicto oraculo enumeratur, omni perpensione dignus, cum non solum in morbis singulares eventus appareant, verum etiam

plu-

plurima scitu digna, in diversis rebus reperiantur: iste enim numerus, specialitèr ad hominem videtur accommodatus, tẽr nimirum, tribus potentiis constituitur, vt tribus corporis facultatibus, vt est sensitiva, vitalis, & nutritiva; similiter tribus potentiis animæ, vt sunt intellectiva, volitiva, & memorativa: tribus etiam Theologicis virtutibus, vt sunt spes, fides, & charitas; ideòque brevitèr homo, sub numero novenario, specialitèr complectitur: sicut enim expertum est, quod homo sine cibo, novem diebus vivere comprobatur; novem paritèr homo, Angelorum ordinibus, sociatur: puer similiter in utero matris, novem mensibus perficitur, & formatur.

De numer. 11. plurima possunt præscribi: omne enim peccatum est vndenarim, quia dum perversè agit, præcepta decalogi transit, vnde; quia, nulla nostra iustitia per se, vitæ æternæ meritoria est, in tabernaculo testimonij, quod erat in itinere populi Dei, veluti templum ambulatorij, iussa sunt fieri vndecim saga cilicina; qui est habitus penitentium pro peccatis. Numerus quidem 14. sequutus, secundam septimanam morborum claudens, secundum principatum post 7. vt infra patebit, sibi vindicat: mirabilis quidẽ huiusmodi numerus: decimo quarto etenim anno capti fuere sodomitæ quia per transgressionem præceptorum legis, scilicet, & evangelij, capiuntur homines à Diabolo; id ipsum sentit Augustinus, significans, tres tessaradecadas; tres quatuordecim generationes, quas, deducta Christi generatione, ab Abraham usque ad Christum, epilogo quoddam constringit Evangelista, vbi inquit: Tres distinctiones in generatione Christi, mysticè, insinuant, fidem Sanctæ Trinitatis, quam concorditer astruit doctrina legalis, & Evangelica. Plurimi ex iurisperitis, alimenta pueros, præcipere usque ad 14. annum dicunt, fœminas usque ad 12. alij verò, fœminam usque ad 14. marem verò usque ad 18.

Nec

474 *EXPOSITIO DE CRISIBVS,*

Nec minus celebris est numi. 17. cum plurima prædicto numero observata in rerum natura sint. 17. etenim die mensis Martij anno 1586. tanta in Burgundia aquarum inundatio fuit, vt vrbis Champlitenfis fortissimam Turrim, & pontem, illius furioso quoddam impetu, penitus evertisset, in Hollandia die 17. Aprilis anno 1420. sevitia Maris Dordracum, facta eruptione, totam regionem inundavit: die etiam 17. Octobris anno 589. maxima fuit in Venetiarum finibus, aquarum inundatio, quæ maximum omnibus detrimentum viventibus attulit. Fluvius Tiberis in tantum increvit, vt supra Romæ Muros vrbis, maximè influeret, & cum per alveum eiusdem fluvij, serpentum multitudine ferissimus. Draco miræ magnitudinis transiens per urbem, vsque ad mare descendit, subsequata statim fuit hanc inundationem, ob defuncta corpora, gravissima pestilentia, quæ inguinaria solet vocari, vt Paulus Diaconus scripsit, digestis Longobardorum, lib. 3, cap. 11.

Vigésimus primus deinde numerus magni faciendus venit, cum foelicissimi evetus, prædicto numero, in morbis observentur; sed quare potius 21. diem, quam 20. attulerit Hyppoc. in apperienda sententia: infra ostendetur; nec sine misterio 27. numerus occurrit, cum Arca Noe, septimo mense sedit, id est requievit: tum & etiam 27. die, inquit Augustinus, secundi mensis, siccata fuisse terram, tanquam iam finita esset Baptizandi necessitas: in numero dierum 57. ipsa est enim dies secundi mensis 27. qui numerus, ex coniunctione spiritus, & corporis septies octonos habet, vno addito, propter unitatis vinculum, vt scripsit Plato dicens, animæ mundi factam fuisse generationem: numerus tandem 34. non sine magni significatione misterij, etiam reperitur, hac enim ætate, dominus fuit passus, ea etiam à mortuis resurrexit: de quibus omnibus diebus, dum peculiaritèr vim, & activitatem ostendentes, inferiùs agamus, speciosiora venient adducenda.

Qui.

§ DIEBUS DECRETORIIS. 475

Quibus sic prælibatis, venerandi Hyppoc. mens brevissi-
 me ostendenda offertur; illi enim ex doctrina Hyppoc. sudo-
 res, in febribus acutis sunt boni; id est, bonum iudicium, sive
 crissim terminant, qui in diebus decretoriis accidunt; sed sic
 est, quod dies tertius, quintus, septimus, & omnes superius
 allati, & ab Hyppoc. enumerati, sunt decretorij: ergo sudo-
 res, qui his diebus, in febribus acutis, contingant, erunt boni.
 Maior propositio, præbatur ex Gal. 2. prognosticorum, com-
 ment. 54. asserente: *Decretorius dies ad iudicationis firmi-
 tudinem conducit, quod si in eo, signa salubria affuerint, iudi-
 cationis bonitatem firmavit: si verò in eo, insalubria signa
 apparuerint, malum iudicationis inditium conducent, cum
 tamen, hinc, & inde firmum ducant iudicium:* Ergo ex do-
 ctrina Gal. boni erunt sudores, quando in diebus decretoriis
 supervenerint, nisi eis mala signa assotientur, aliàs enim, po-
 tius dammandi, ut ipse Gal. 2. prognosticorum comm. 36. in-
 quit, quod in convalescendis, omnia bona inditia adesse, est
 necesse: in moriendis verò, sufficet si vnicum pravam so-
 lum ad fuerit inditium: ergo ubi sudores in diebus decreto-
 riis insurgant, non erunt boni, nisi eis concoctionis signa iun-
 gantur, quæ quidem, perpetuo fidelem, & certam, salutis spem
 ostendunt, ut Hyppoc. epidemiorum 1. sectione 2. 46. *co-
 ctiones celeritatem iudicij, & salubrem securitatem osten-
 dunt, cruda verò, & incerta, atque in malos abscessus com-
 versa, iudicationis carentiam, aut dolores, aut morbi diu-
 turnitatem, aut mortem, vel recidivam significant.*

Reborabit etiam, idem Gal. 2. prognosticorum, comment.
 54. exponens, utrum bonum, an malum iudicium, decretorius
 dies prodeat, aliis etenim cognoscitur signis; nam ubi in die
 decretorio, aliis apparentibus signis, æger melius se habuerit,
 iudicium erit laudabile, ubi tamen deterior extiterit, iudicium
 erit pravam: ergo non præter rationem dicitur, omnes sudo-
 res, qui in die sunt decretorio, bonos esse, sub modo prædicto
 sententiæ intelligendæ.

Sc.

Secunda verò propositio, vt est minor, videlicet diem tertium, quintum, septimum, & alios superius dictos, esse decretorios, probatur ex Hyppocrat. lib. 1. de morbis popularibus; tum & etiam, ex Gal. comment. 3. & 14. vbi omnes dies in quibus iudicia fiunt, debito ordine descripsit, vt latius infra patebit, dum peculiaritèr de recta dierum serie, & ordine agamus; ex quibus Hyppoc. intentum sigillatum manet, cuius fundamentum satis conspicuum apparet, vt Medicus nimirum perfectè caleat, qui dies probandi, laudandique sint ad crisin, quæ per manifestam evacuationem celebratur; ideòque venerandus Hyppoc. speciosè, sudores pro exemplo adfert, quamvis plurimè diversæ evacuationes, vt postea ostendemus valeant sub intelligi, quæ si aliis diebus, citra enumeratos, contingant reiciendæ, parvique pendendæ sunt, cum non perfecte decernant.

CAPVT II.

*DE NATURA, ET ESSENTIA,
differentiis, & causis, perfectæ, vel imperfectæ crisis.*

P RIMVM, quod inter ea, quæ ad ostendendam perfectam, & indeficientem crisin, aut iudicationem morborum, à Gal. significatur 1. aphorismor. comment. 12. est, vt scilicet iudicium fiat in die decretorio, ita vt ab indice sit indicatum, nam huiusmodi signo, actionem secundum naturam in nostris fieri corporibus, possumus cognoscere, causamque morbificam per suos gradus paulatim alterari à natura, ac debito tempore superari secundum vtramque radicem, per supernam, videlicet secundum Lunæ motum, ac

per

per infernam naturæ, nimirum motum ordinatum causam morbificam excerni, & quemadmodum crisis, quæ die decretorio, ab Hyppoc. enumerato, non fit, prævum naturæ motum prænuntiat, mortem etenim, vel recidivâ, seu morbi diurnitatem, vt Hyppoc. aphorismo. 5. sentent. 29. adducto exemplo tirani dici, qualis est sextus; servata quidem eadem paritate, crisis quæ fit in die decretorio, perpetuâ, atque indeficientem naturæ motum demonstrat; non aliter in 6. die, quia non est decretorius, rigor superveniens, difficile iudicium inferre, inquit Hyppoc. 29. sent.

Quia tamen nullus Medicorum, Hyppoc. sensum percipere valebit, quoad crism perfectam, vel imperfectam, quin prius sciat, quid, & quotuplex sit crisis, & quæ illius causæ, vt morbi fidelitèr, vel è contra iudicentur; idè opere prætium est cum Gal. quæ candidiora, & selectiora per tres libros de crisisbus attulit, animadvertere; agit enim Gal. de subita, repenteque facta in morbis mutatione, quæ Græce crisis appellatur, & latinæ propriè iudicium, cumque talis mutatio in statu morbi fiat, idè præcognitio futuræ crisis, erit status cognitio, sicque Gal. adfert signa, quibus morbi statum cognoscamus, vt cum, ab aliis morbi temporibus secernere valeamus; & quia status vnicum est inter tempora morborum, propterea maturo, subsequutoque sermone, de aliis morborum temporibus, etiam disputationem construit; vt 1. libro elucescit: in secundò verò, talium temporum cognitionem, in febribus explicat; in tertio tandem, signa quibus præsentem, & imminentem crism, sive iudicationem percipiamus proponit, & talitèr in prognosis firmitatem alloquitur, vt futurum diem, & horam, qua crisis contingere valeat, & per quam corporis partem fieri debeat, luce meridiana clarius exponat.

Hæc igitur vox crisis, sive iudicium per metaphoram profertur, à foroque iudicij extracta, in artem medicam per si-

militudinem adducta est: hoc enim nomen à quodam plebeio, è medio foro, in nostram Apollineam artem, translatam fuisse Gal. in 3. prognostic. scribit: assimulantur enim, & capitis causam dicere, & morbo acuto laborare, veluti ab Actore iudicium pro tribunali rapi, & à morbo in vitam discrimen trahi; quare, sicut tria sunt, quæ forum constituunt. Actor vi delictet, reus & iudex, non aliter in morbis, tria spectantur, natura nimirum, morbus, & dies criticus, vt crisis fiat, natura humores noxios, à bonis secernente, illosque ad excretionem præparante.

Nomen hoc, crisis, in Hyppoc. atque Gal. doctrina, varium, ac multiplex est: sæpè enim crisis sumitur pro solutione, siue quacumque morbi terminatione, siue subitò, siue sensim fiat, vt in Hyppocrat. libello de purgationibus patet, cum asserat: *Iudicare in morbis est, cum augeantur, aut marcescunt, aut in aliam speciem transmutantur, aut omnino desinunt.* Tum & etiam Gal. 1. de crisisibus, cap. 11. inquit: febrem hecticam crisi iudicari, cum sensim solvatur, crisis. Secundò, significat violentos aliquos naturæ connatus; ideòque Hyppocrat. libro de septimestri, & octimestri partu, appellat partus, & abortus nomine crisis. Tertiò sumitur pro morbi temporibus, & exacerbationibus, vt 1. aphorismor. sentent. 11. ait Hyppocrat. *His qui per circuitus fiunt accessiones, nihil dare oportet.* Meritò quidem crisis, vsurpatur pro accessione, solum enim in vigore, atque exacerbatione, crises, siue iudicia contingunt, numquam tamen, vel rarò in declinatione, & principio, laudabiles crises eveniunt.

Quarto vsurpatur crisis pro perturbatione, quæ ipsam crisin præcedit, dum antequam morbi iudicatio fiat, maxima humorum agitatio, ac symptomatum complicatio contingit. 5. sumitur crisis ex Hyppoc. pro actuali evacuatione, vt lib. de locis in homine asserit, *medicamentum bene sanis non propinandum.* Gal. etiam 3. de crisisibus 4. ac lib. de vi-

Quia ratione in acutis, ait, *crisim simpliciter dictam nominamus eam, quæ vel est ad salutem, vel ad melius*. Sexto deinde usurpatur crisis apud Hyppoc. in coacis prænotionibus variis in locis, pro interitu, ut ipse ait, *lingua quæ multum nigrescit, crisim 14. die futuram esse ostendit*, idest, exitium sive interitum.

Propriè tamen definitur crisis 1. de diebus decretoriis cap. 1. ex Gal. tum & etiam 7. ac 3. de crisis: tum similiter comm. in apho. 13. & in 23. sectionis 2. *Subita, & repentina mutatio in morbo, ad salutem, vel ad mortem*. In qua quidem mutatione, sive motu, quinque philosophus observat; videlicet, terminum à quo incipit talis motus, terminum per quæ fit, terminum in quæ desinit, movens, & mobile: terminus à quo incipit crisis, sive iudicium, est morbi incrementum; quare pro varia morbi natura, celerior, aut tardior fiet crisis; ita ut morbi acuti, celerius, longi verò tardius, iudicentur. Acutorum autem morborum, alij sunt exactè per acuti, alij exactè acuti, alij simpliciter acuti, alijque acuti ex decidentia: exactè quidem morbi peracuti 1. quatenario iudicantur, ut sententia sententia sectionis tertiæ prognosticorum ostenditur: *febres etenim malignissimè, horrendisque symptomatibus committatæ, quarto die interimunt*: morbi verò peracuti septenario iudicantur, quemadmodum simpliciter acuti, quatuordecim diebus, ut Hyppoc. 2. apho. sent. 23. *morbi acuti 14. die terminantur*, reliqui verò longi, per septenarios à vigesimo ad quadagesimum; per vicenarios verò, à quadagesimo ad centesimum iudicantur: post 120. iam vis dierum parvi fit, tunc enim solum mensibus, & annis, morbi solvuntur.

Terminus verò in quem desinit crisis, sanitas, aut mors appellatur, sive illis proximus iam status, vel transitus in aliam morbi speciem; terminus verò per quem movetur crisis, est totum illud tempus, quo coctioni, secretioni, & excre-

480 *EXPOSITIO DE CRISIBVS,*

tioni natura incumbit, ac dedita est, movens verò, est ipsa natura, quæ crisin movet, ita vt humorem morbosum concoquat, fecernat, & excernat, vt ait Gal. *natura fecernente humores noxios à bonis, eosque ad excretionem præparante.* Natura, quidem ex Hyppoc. morborum est medicatrix, movet? Ergo natura, & promovet crises, ita vt si debilior fuerit, à medico iuvari possit, veluti Gal. in comment. sentent. 20. sectionis primæ vult, si crisis imperfecta sit, ab arte iuvari; si verò perfecta, nihil movendum, nihilque novandum, vt Avicenna, instante crisi, si sudoris signa appareant, sudorificis utitur, totumque ventrem oleo calido perfundit; sic etiam in epidem. Methoni capit die critico. sanguis e naribus stilare, statimque Hyppoc. aqua calida caput illius capit fovere, cuius ope copiosius, ac fecundius sanguis effluxit. Mobile demum in crisi advertendum restat, humor scilicet morbosus, qui tum alteratione, tum coctione, secretionem, & expulsionem, à natura movetur:

Sed vt strictius crisis natura patefiat, ipsius differentie minimè sunt parvi pendendæ: Hyppoc. etenim sect. 3. lib. 1. epidem. quatuor statuit crisis differentias, unicam exponens esse ad salutem, aliam ad mortem, alteram ad melius, aliam verò ad deterius; easdemque Gal. agnovit in comm. 3. prog. fit enim crisis quadrupliciter, vel quia ægi confestim à morbis liberantur, vel magnam in melius mutationem persentiunt, vel confestim moriuntur, vel longè peius se habent, multo acuatius cap. 21. de diebus decretoris, & 3. de crilibus cap. 7. omnes crisis differentias patefecit: quædam autem est crisis perfecta, in qua nihil reliquæ morbi vincendum superest; quædam verò imperfecta in qua humor noxius, non omnino est evacuatus: alia deinde est fida, in qua nullum est relapsum, sive recidivæ periculum; alia est infida, quæ è cætra accidit: quædam similiter est manifesta, quia cum excretionem, vel abcessum manifesto apparet: alia præterea est indicata, quia diem

pro-

DE DIEBUS DECRETORIIS. 481

proprium indicem obtinuit, veluti si in prima septimana 4. diem indicem habeat; in 2. septimana diem vndecimum, in 3. verò diem 17. alia verò crisis reperitur, quæ nullatenus indicata fuit: quædam etiam periculosa contingit, quia gravissimis symptomatibus committata est; quædam absque periculo, quia mitioribus; quædam denique absolutè bona, quoniam in salutem, quemadmodum alia absolutè mala, quoniam ad mortem terminatur.

Sed cum unica tantum divisione has omnes crisis differentias complecti valeamus, breviter est resolvendum, quod crisis, alia est perfecta, alia imperfecta: Perfecta, quæ morbum perfectè iudicat, & ista duplex salutaris videlicet, vel lethalis: imperfecta pariter est duplex, alia ad melius, quæ non omnino morbum solvit, sed ut æger melius se habeat conducit; alia tandem est ad deterius: imperfecta tamen dicitur, quia non perfectè morbum in mortem iudicat: quæ de crisis differentis sufficient, si ad morborum tempora; quibus debent accidere, cognoscenda properemus.

Hoc autem nomen, principium, tribus valet usurpari modis. Primò quidè, pro morbi insultu, sive pro indivisibili invasionis parte, qua morbus hominem apprehendit, in quo significato, principium latitudine caret, cum sit illud temporis instans, quo incipit ægrotudo invadere. Secundò sumitur pro tempore, quod latitudinem obtinet; hoc etiam duplex est, primum inartificiosum, veluti superius, quale est illud spatium temporis, quod prima accessione clauditur, magnaue ex parte in tertium usque diem protenditur, in qua significatione sumitur ab Hyppoc. 1. epidemiorum, part. 3. sent. 10. cum inquit: *Continua febris statim incipiens quibusdam viget.* Vbi per principium, non intelligitur 1. pars totius morbi, aliàs enim in hac prima morbi parte, etiam includeretur pars tertia, quæ vigor, aut status illius est. Tertio tandem sumitur principium morbi, in sua propria significatione, prout

482 *EXPOSITIO DE CRISIBVS.*

provt est omne tempus cruditatis, signisque obscuræ cō-
tionis terminatur, de quo rigoroso sensu principij agendum
venit.

Sed qua ratione, morborum incrementum, vigorem, siue
statum, ac declinationem percipiamus, manifestè Gal. expo-
nit, vt infra elucescet, in cuius doctrinam insequendam, prius
sciendum expedit, incrementum, siue morbi augmentum,
non esse ex sola accessionum anticipatione annotandum; plu-
rimi enim sunt morbi, qui anticipatis exacerbationibus gau-
dent, quæ accessionum anticipatio, ex propria morbi natura
evenit, cuius est ratio, quia humores, quibus febris accendi-
tur, nimis acres, & mordaces dominantur, subiectumque fe-
bricitans sensu exquisitissimo pollet, habitus etiam rarioris
est, aliaque similia solent concurrere, vt ante tempus, natu-
ra ad humoris morbifici expulsionem prorritetur, ac movea-
tur.

Vt igitur ex accessionum anticipatione, incrementum
morbi iudicemus, hæc occurrere debent; exacerbationis nimi-
rum anticipatio, eiusdem longitudo, modusque invadendi
vehementior: si enim anticipando, longiores apprehendant,
vehementioresque sint, & gravioribus symptomatibus con-
tingant, incrementum morbi erit iudicandum, vt Galen. 1.
comm. 12. dilucidat: si tamè remisso modo invadendi se ha-
beant, potius declinatio morbi tenenda: si verò eundem ordi-
nem, vel dispositionem apprehensionis servet, status natu-
ram significabit: anticipatio quidem, & longitudo accessio-
num, facile vnicuique patebit: magnitudo, ex propriis mor-
bi symptomatibus: modus verò, & mos accessionis, ex sig-
nis supervenientibus.

Nec solum accessiones, ad morborum tempora cognof-
cenda inspicere oportet, verum etiam declinationes, ac
ipsarum accessionum intermissiones: si enim tempus, inter-
missionis, ac declinationis, brevius, ac laboriosius, quam
ante-

ante-

antecedens fuerit, & aliqua symphomata exarcebatonis permaneant, morbus incrementum suscipiet; è contra verò si tempus in quo intermittit accessio, longius fuerit, faciliusque sustineri valeat, & nullum accessio nis symphoma remaneat, morbus declinationis naturam sibi induet.

Quia tamen plures adsunt morbi, in quibus prædicta tempora non facile cognosci valent, quoniam in accessione prima ad statum perveniunt, quatuorque morbi tempora percurrunt, propterea Gal. hanc ex Hyppoc. deduxit manifestam cognitionem, quam ut scientificam, omnes insequantur, ex signis nimirum supervenientibus: Hyppoc. enim 1. aphro. sent. 12. sic ait, *accessiones, & constitutiones morbi indicabunt, anni tempora, & circuituum successiva incrementa, sive quotidie, sive alternis diebus, sive per maiora intervalia fiant, &c.* In qua 1. oraculi parte methodum coniecturalem, ex triplici capite desumptam, nobis proponit, ex natura videlicet morbi, ex anni tempore, & ex successivis accessionum incrementis.

Quibus sic iactis, ad maiorem expositionem prius notandum expedit, quod hoc nomen constitutio, solet ab Hypp. nuncupari, ut Gal. 3. epidemiorum in præfatione commentarij. 3. testatur, omnis forma, idea, vel species, cuiuscumque rei, unde, per constitutionem morbi, in prædicta sententia, ait Gal. 1. de crisi bus cap. 4. quod debemus intelligere quandam morbi speciem, sive ideam, secundum quam, ex omnibus temporibus universalibus morbus constituitur; quare nihi, erit aliud morbi constitutionem perpendere, quam, an sit morbus acutus, vel per acutus, sive morbus longus, ut caleamus, quandò ad vigorem, sive statum, perventurus sit.

Secundum verò nomen ab Hyppoc. allatum, videlicet accessio, non unico modo in Gal. doctrina usurpatur, duo quidem significat: primo enim sumitur, pro principio, augmento, & statu totius circuitus, in quo significato Gal in com.
hu.

484 EXPOSITIO DE CRISIBVS,

huius sententia: definit accessiōem, *per deterius tempus totius circuitus*; id est, à prima invasione accessiōis vsque ad vigorem, sive statum, intelligitur. Secundò accessio, pro quatuor morbi temporibus, vt Gal. 1. de crisi bus, cap. 3. Tempus verò intermissiōis illud appellatur, in quod accessio pervenit, cum in quietem sine febre desinit; declinatio verò est illa pars accessiōis, quæ vigorem, sive statum, vsque ad novæ accessiōis principium subsequitur: periodus verò, sive circuitus similis est ad idem redditus; id est, omne illud spatium à prima invasione vnius accessiōis, vsque ad invasionem alterius. Typus denique est intensiōis, & remissiōis, per certas, & ordinatas vires, reversio; vel est tempus mali in quo accessio, vel intermissio, statutis, fixis, certisque vicibus contingunt.

Quibus prælivatis, facile innotescunt Hyppocr. verba, inquit enim Hyppoc. *accessiones, & constitutiones morbi indicabunt*; id est, an morbi repetant singulis diebus, vel tertio quoque die. Cuius morbi constitutionem ex quadruplici capite possumus cognoscere; ex morbi videlicet specie, sub qua includitur causa; ex magnitudine, more, & motu; quæ omnia pro essentiæ morbi variatione pariter immutantur; tum & etiam ex materiæ morbificæ natura, partis lesæ præstantia, ac symptomatibus morbum comitantibus, morbi constitutionem, sive statum, ac alia tempora universaliter valemus percipere, si quidem ab specie morbi, illius futurus status percipietur, nam si morbi species sit quartana, tardè, longèque eveniet status. Præterea à morbi magnitudine; nam si morbus magnus fuerit, vt febris ardens vehemensissima, celerrimè status adveniet, crisi que brevi tempore apparebit: mos præterea morbi, futurum statum ostendet; nam ex pravitate, aut benignitate morbi, celerius crisis continget, morbusque ad mortem, vel salutem brevissimè terminabitur; veluti etiam ipse morbi motus, si sit velox, vel tardus, statum sive crisin proximam, vel remotam futuram esse significabit; meritò igitur, inquit Hyp.

vt

& DIEBUS DECRETORIIS. 485

ut tempora morborum percipiamus; *accessiones, & constitutiones*; id est, ipsi morbi secundum suam speciem, magnitudinem, metum, & morem, indicabunt quomodo accessiones, & constitutiones; hoc est morborum tempora, quasi dicat principium, incrementum, statum, & declinationem calcamus.

Notandum tamen expedit, quod cum morbi species ab illius causa desumatur, nihil aliud erit naturam morbi, & speciem perpendere, quam illius causam indagare; qua propter morbi à succo bilioso pendētes, breves sunt, quia huiusmodi humor potius morbos acutos generat, sicque illorū cōstitutio, siue status brevior adderit, ac 3. quoque die accessiones obtinebūt: si verò causa morbigica humor pituitosus, aut melancholicus sit, ex natura morbi à prædicta causa pēdentis, morbi constitutionem longam esse inferendum erit, ac singulis diebus dum à pituita, veluti de quarto in quartum, dum à melancholia nascantur, fiet exacerbatio.

Mirifica sunt etiam venerandi Hypp. subsequētia verba, ad morborum tempora cognoscenda, dum inquit; & *anni tempora*: ex anni enim tempore, quo morbus generatur, valebit statum brevem, vel longum morbi, iudicare; ut Gal. in cōm. prædictæ sententiæ inquit, *quod si fuerit febris tempore æstatis, indicat accessionem esse futuram de tertio in tertium, ac brevem, simulque morbi statum citò fore significat: si verò tempus autumnale vigerit, accessiones futuras de quarto in quartum longiores; morbi que statum in longum protrahendum indicant*, similiter Hyppoc. 1. aphorism. sent. 25. *siue quartanæ breves, autumnales verò longæ, & præcipue hæ quæ hyemem attingunt*: idemque ex doctrina Hyppocrat. de aliis anni temporibus regione, cœli statu, veluti de laborantis temperie, ætate, sexu, consuetudine, ac similibus dicendum venit.

Vterius per reliqua verba, Magister Hyppoc. huiusmodi doctrinam solidissimè sigillat, videlicet: *Et circuitum suc-*

486 *EXPOSITIO DE CRISIBVS,*

*cessiva incrementa, sive quotidie, sive alternis diebus, sive per maiora intervalla fiant; quæ omnia satis supra manent ad-
perta, dum de antepositione, vel postpositione, longitudine,
vel brevitae, vehementia, vel remissione, ac pravitate, vel
benignitate accessionum per diversos circuituum repetitum
motus, sermo constructus mansit.*

Sed ut magis veritas, & cognitio morborum temporum
elaborata sit, per ultima Hyppoc. verba, ratio elucescet, cum
asserat: *Sed ex his, quæ mox apparent indicia sumuntur, &c.*
Quibus demonstrat, quod signa supervenientia in morbis,
præcipuum sibi locum abrogant, ut prædicta tempora dis-
cernamus: sumuntur quidem signa supervenientia ex coctione,
vel cruditate causæ morbificæ, quod Gal. ex Hyppoc. fir-
mat 1. epidemiorum, part. 2. sentent. 44. & 45. ubi inquit:
*Omnes coctiones excrementorum, unde quaque bonas, ac tempe-
stivas esse. & iudicarios abscessus considerandos: nam coctiones
celeritatem iudicij, & salutis securitatem ostendunt.* Ex co-
ctionis igitur signis facile morborum tempora percipiemus:
Signa etenim huiusmodi, in triplici sunt differentia, obscura
nimirum, manifesta, & perfecta, ut Gal. 1. de crisis, cap. 14.
& 15. in principio autem signa cruditatis apparent, & obs-
curæ coctionis, quæ sub cruditate continentur: terminant qui-
dem, & extrahunt principium signa in manifestæ coctionis,
quæ in incremento reperiuntur; incrementum verò finiunt,
sive solvunt, signa perfectæ coctionis, quæ in statu adsunt,
quem etiam extrahunt; signa coctionis perfectæ cum symp-
tomatum sedatione, quæ potius in declinatione splen-
descunt, quæ universalis methodus, valde ad
prædicta tempora universalia mor-
borum præquiri-
tur.

CAPVT

CAPVT III.

DE SIGNORVM DIFFERENTIIS,

*quæ bonam, vel pravam crîsim discer-
nere valeant.*

CVM signa morborum prognostica, ad malam, vel bonam crîsim iudicandam, varia sint, idè eorum discrimen proponendum accedit; prognostica igitur signa in comuni, vel sunt propria, & pathognomonica morbis, vel superveniencia: pathognomonica etenim signa sunt, quæ proprii morbi speciè significât, & talitèr morbû insequitur, vt omni, soli, & semper tali morbo sint propria, ita vt nullatenus possint ab eo separari, sicque cum eo invadunt, & cum eo desinunt, veluti umbra corpus committatur; sed cum difficilè sit, in quolibet morbo peculiari, semper signum pathognomonicum assignare, quod vni soli, & semper morbo conveniat, propterea sub nomine vnus signi, pathognomonici, syndromem quandam à Gal. pathognomonicam vocatam, cõstruere debemus, vt in morbo laterali.

Signa præterea assidentia, sunt ab ipso morbo separabilia, quia non illi propria, sed aliquando cum morbo invadunt, aliquando superveniunt, quandoque neque omnino adsunt, neque ad constitutionem morbi percipiendam concurrunt, sed potiùs locum, sive partem affectam indicant, veluti si impleuritide dolor vergat ad hypocondria, vel ad claviculam ascendat: si ad hypocondria, potiùs partem inferiorem pleuræ esse affectam ostendit: si verò ad claviculam, potiùs superiorem non aliter decubitus ægri, in pleuram læsam, sive in latus affectum, vel in sanum, signum est assidens, nam decubi-

488 EXPOSITIO DE CRISIBVS,

tus gravis, & molestus iuxta latus læsum, inflammationem, in parte exteriori pleuræ assidere significat; si verò decubitus gravis, & toleratu difficilis in latere opposito reperiatur. videlicet, ubi non adest pleuritis, potius inflammationem esse, in parte interiori pleuræ cōmonstrat: si demum æquè sit gravis, & molestus decubitus, in vtramque partem inflammationem æquè gravem, ac laboriosam; tum in interiori, tum etiam exteriori parte pleuræ assidere, significat, vnde huiuscemodi signa assidentia vocata, nec morbi speciem, neque constitutionem, id est vigorem, aut statum demonstrant, sed potius ad partem affectam iudicandam, profunt.

Signa tandem supervenientia, nuncupantur ea, quæ morbis superveniunt; ista quidem triplicia sunt, coctionis videlicet, & cruditatis, salutis, & mortis, & critica, sive decretoria; signa quidem critica, numquam in morbi principio apparent, desumpto principio pro prima morbi parte; non enim essent supervenientia, si in eodem principio acciderent; propterea, quando in principio apparent, tale principium pro primis tribus diebus usurpatur, quorum in spatio morbus ad statum, & declinationem valet progredi; vel tunc potest principium, pro quarta morbi parte intelligi, & præcipuè, circa ultimam principij partem, quæ incremento est annexa, quamvis pluries huiuscemodi signa critica, in augmento, & statu, soleant evenire, ut vehemens rigor, fluxus sanguinis è naribus, vel vomitus, alui profluvium, sudor, nox ante accessio, sem molesta, & alia similia, quæ signis coctionis, vel cruditatis sunt annexa, ut laudabilem, vel pravam crism ostendant.

Primum igitur ex supervenientibus, sive mox apparentibus signis, coctionis, & cruditatis est; vnde Gal. 1. de crisis, cap. 7. ut Medico prædicta signa patefiant, excrementa propria cuiuscumque partis perpenduntur, affectum enim talis partis necessario demonstrant: in excrementis enim, ex Gal. 1. de crisis, cap. 5. quatuor sunt animadvertenda; nam vel

C DIEBUS DECRETORIIS. 489

excrementa sunt cocta, vel cruda, prava, vel maligna; cocta cū communiter convenient his, qui affecti sunt morbo, & qui sanitate fruuntur, propterea ex se nihil lethale ostendunt, nam signa coctionis ex se, quolibet tempore appareant, laudabilia sunt.

Quid verò per cruditatem significatur, ex Gal. 1. de crisi- bus, cap. 7. sic alloquente, patet: *Quod verò illi, quod secundum naturam se habet maximè contrarium est, crudum existit, & magnam laborantium locorum imbecillitatem demonstrat:* Ex quibus Gal. verbis duæ cruditatis differentię offeruntur, altera quidem communis, videlicet omne illud, quod nullam alterationem à natura recipit, sive sit propriè crudum, sive pravum, sive malignum; communiter enim dicitur crudum, nam omnem naturæ alterationem obnegat: alia verò differentia cruditatis propriè dictæ, est illa quatenus excrementum, nec pravitatē, nec malignitatē in se continet, sed solum simplicem quandam cruditatem, quod Gal. loco citato satis exposuit, sic asserens: *Si verò aliquam naturam vitiosæ causæ habeant, ut esse nigram, iam tale exitiosum erit.* Quod ut intelligamus animadvertere oportet, quod Galen. libro artis medicinalis, cap. 16. asserit: *Ita perniciosissimus succus est atrabilis, ut potè quæ intestina radat, maligna admodum sit, concoctuque difficillima, & ad purgationem ineptissima, atque etiam per assationem genita, plurimum inducat calorem, omnium mitissimus sanguis, qui & dulcissimus sit, & ad coctionem faciliior; reliqui verò humores duo, medium in simplicitate, & malignitate obtinent:* Erit ergo malignus humor, non solum, quia ab statu naturali in sola cruditate recedit; sed quia maximè à sanguinis bonitate discedit, ac difficilè valet concoqui, malignaque symptomata inducit,

Propterea Gal. 7. apho. comm. 8. quid sit pravum patet, in hæc prorumpens verba: *Quidquid autem præter-*

490 *EXPOSITIO DE CRISIBVS,*

naturam est, quantum recedit ab eo, quod secundum naturam censetur, tantam habet pravitatem. Ex quibus inferitur, quare ratione dicatur, quid propriè crudum sit, quid pravum, & quid malignum; nam propriè crudum solum dicitur, quod privationem coctionis habet; pravum verò, vel malignum, quod præter hanc privationem, vehementer à sanguinis natura discedit, pravitatemque, aut maglignitatem continet; pravum etenim, & malignum poenes magis tantum, & minus differunt; nam quæ prava sunt, periculum imminere demonstrant; quæ verò maligna, mortem iam proximè minantem, ut ex Gal. 1. de crisibus cap. 5. patet in sputo; hoc etenim, cito, & facile, in thoracis morbis, ut de pleuritide diximus, signum coctionis adest; nihil verò spueri, aut valde tenue, cruditatis est signum; si spumofum, crassum, rotundum, vel lentum, pravitatem significat; si denique viride lividum, vel nigrum fuerit, iam malignum nuncupabitur, mortemque futuram prædicit; cumque huiusmodi excrementa, affectum partis cuius excrementa sunt, demonstrent, meritò in triplici differentia sunt prænotanda, deiectiones nimirum quæ inferioris affectus ventris significant, vrina venosi generis affectiones, veluti sputum, quod in thoracis, partiumque respirationi subservientium, morbis, maximè coniiciendū venit: signa igitur coctionis, quæ, ut supra dixi, imbecilla manifesta, vel perfecta, indeiectionibus. lotio, & sputo reperiuntur, contēplanda sunt; nā quādo in vrina, aliquid lene, album, & æquale, seu continuum ratione temporis, quod sedimentum nūcupatur, adest, signa coctionis perfecta elucescunt: obscura verò coctio, sive imbecilla, quādo ex aquosa vrina subpallida fit, vel si aliquā mediocritatem, aut crassitiem adquirat; manifesta tandem, quādo nubecula alba, aut sedimentum boni coloris, mediocrisque crassitudinis, cocta censenda est.

DE DIEBUS DECRETORIIS. 491

Nec minus doctrinalis ratio currit de sputo, quod nihil aliud est, quam, quod tussiendo evacuatur, id quidem tunc perfecte coctum nuncupatur, ac sanorum sputo assimilatur, quod albū lene, & æquale appareat, ac si citò, & facilè spuatur, vt Hyppoc. 2. prognosticorum sent. 43. debet quidem citò spui, hoc est primis diebus, quoniam causæ benignitatem, morbi causæ demonstrat, ex eo quod à natura facilè alterata, decocta, & superata maneat: Triplici enim de causa excernitur facilè, ob robur scilicet facultatis animalis, & humorum præparationem; tum & etiam instrumentorum obedientiam; nam si facultas languida fuerit, actionem locomotivam non poterit perficere: si instrumenta paritèr affectione dolorifica, quæ validam exustationem impediat, vt sputum educatur, laborent, veluti est aliqua inflammatio, quamvis valida extiterit facultas, etiam talis excretio innanis erit; humorum tamen dispositio obedientialis præ requiritur, quoniam si humor glutinosus fuerit, vehementèrque pulmonum fistulis adhæreat, impulsui facultatis expultricis obstabit: quare si facilè expuatur, laudabilem, & mediocrem humoris dispositionem, motricis facultatis robur, ac instrumenta à dolorifico affectu immunia esse, demonstrat.

Ex prædictis, æqualis illatio aliis sputi differentiis competit, quoniam si nihil spuatur, cruditatis, aut obscuræ coctionis erit signum: si mediocriter coctum sputum excernatur, manifestam coctionem, quemadmodum si qualitates, requisitæque superiùs dicta obtinnerit, perfectissimum coctionis signum apparebit. In morbis primæ regionis, excrementa similiter per deiectionem missa, laudabilem, vel pravam crismam valent significare: deiectio etenim in duplici est differentia, alia excubis assumptis; alia verò ex his, quæ inventrem ex genere venoso inmodice confluant, suscitatur; prior deinde deiectio, etiam est duplex, alia cocta, & singulo die scilicet in statu naturali facta; alia verò cruda, prima naturalis sive salubris.

492 *EXPOSITIO DE CRISIBVS,*

bris, ex signis ab Hyppoc. 2. pronost. sent. 13. cognoscitur dum ait: *Optima verò deiectio mollis est, constans, & quæ eo tempore excernitur, quo per bonam valetudinem; quantitas verò secundum rationem eorum, quæ fuerunt assumpta hoc est quod sanum ventrem esse demonstrat, coctionemque esse robustam, ac distributionem rectè celebrari.*

Alia verò deiectio est, quæ fit ex his excrementis, quæ ex vniuerso corpore in ventrem irruunt; hæc, vel est exquisita, & sincera, ac plurimum redundantes intra venas humores demonstrat; ita vt sit eruginosa, livida, vel nigra, quæ deiectiones prævæ malignam causam arguunt, vel similiter deiectio est pinguis, quæ si excibi pinguis assumptione non eveniat, si ve ab aliqua causa externa, certissimum liquationis erit inditium; idemque de lenta, siue glutinosa deiectione sentiendū est; ista enim in eo differt a pingui, quia pinguis, solum pinguedinis solidarum partium fusionem demonstrat.

Adductis iam differentiis coctionis, tam in vrina spucto, quam deiectionibus, vt imbecillam, siue obscuram, manifestamque coctionem cognoscamus, quilibet manifestè morborum tempora vniuersalia cognoscet, principium scilicet, tempore cruditatis, incrementum obscure coctionis tempore, statum manifestæ, & perfectæ, veluti declinationem permanente perfectione coctionis, cum symptomatum remissione discernet: ergo signa supervenientia coctionis, maximè conducunt ad morborum tēpora vniuersalia discernenda, proptereaque dixit Hyppoc. *sed ex his, quæ mox apparent, inditia sumuntur, quemadmodum in morbo laterali, si statim sputum appareat, morbum breuiat, si verò non. producit, & deiectiones, & urine, &c.*

Secundum præterea signum ex supervenientibus salutis est, & mortis, quod proprie morem, hoc est benignitatem, aut malignitatem morbi prænunciat, vt ex Gal. 1. de crisis. cap. 14. asserente: *Quæ verò morem morbi demonstrant, tri-*

pha-

DE DIEBUS DECRETORIIS. 493

fariam dividantur. quedam in urinis, in deiectionibus, & sputis apparent, quedam in affectibus totius corporis; quedam verò in naturalibus actionibus, & animalibus inveniuntur; ex quibus signa salutis, & mortis, colligimus consideranda esse, vel excrementis, de quibus supra; vel ex affectibus totius corporis, ut sunt sudores; vel morbus regius, qui ante, vel post septimum diem apparet, vel ex symptomatibus, quæ in corporis toto habitu reperiuntur, vel ex actionibus naturalibus, ut sunt coctiones, & expulsionestum & etiam ex vitalibus, ut ex differentiis pulsus; vel denique, ex animalibus, ut sunt deliria, lethargus, ac alia.

Quamvis tamen signa salutis, & mortis, coctionis, & cruditatis, perpenduntur in excrementis, sub distinctione tamen alloquendum, quoniam quando excrementa, ut cocta, vel cruda inspiciuntur, signa coctionis, vel cruditatis, constituuntur ad discernenda morborum tempora, quoad brevitatem, vel morbi longitudinem; quando verò, ut benigna, vel maligna perpenduntur signa salutis, vel mortis, ad morem morbi demonstrandum conduunt.

Signis iam coctionis, & cruditatis, ac salutis, & mortis præostensis. Signa decretoria; quæ crisi bus condonantur, exponenda vocitant: signa etenim decretoria dupliciter usurpantur; quedam enim sunt signa simul, & causæ; alia verò solum vicem signi gerunt; quæ simul sunt signa, & causæ, evacuationes sensibiles sunt effatu dignæ, ut vomitus, alvi deiectiones, sudores, parotidæ, & alia similia; signa verò solum decretoria sunt, quæ solum significant, ut temporum gravitas, oculorū splendores, vertigines, capitis dolores, lachrymæ involuntariæ, aliaque similia: inter omnia tamen signa supervenientia hoc discrimen est notandum, videlicet, quod signa decretoria incerta, & infida sunt, nam eadem, quæ laudabilem crism, eadem pravam possunt indicare, nam totam fidem, ac securitatem in prædicendo, ex signis coctionis, & cruditatis sibi assu-

munt, & emendicant, quoniam si apparuerint signa decretoria in statu, vel vigore morbi, coniuncta cum signis coctionis perfectissimæ, bona, & laudabilia sunt, solumque fervorem agitationem, coctionemque materiæ insequuntur; si verò talia signa critica apparuerint, cruda existente materia, prava erunt, & malignitatem causæ morbificæ arguunt, vt Hipp. loco assignato: *Cruda verò, & incotta, & in pravos abscessus conversa pravas iudicationes demonstrant; decretoria enim, quæ non decernunt, vt idem 2. epidem. sect. 1. Aut lethalia, aut difficilem iudicationem habent.*

Signa denique salutis, & mortis, mediam iam prædicendi naturam obtinent, nam non ita fida, & secunda, veluti signa coctionis, & cruditatis sunt, neque ita infida, & incerta, quemadmodum, decretoria; nam quæ sunt inter illa bona, perpetuò, ac permanentèr idem ostendunt, quæ verò mala, semper malum denotant, vt Hippocrat. 2. aphorismor. sentent. 3. 3. *Mente constare, & benè se habere ad ea, quæ offeruntur bonum, contrarium autem malum.* Non tamen ex hoc signo colligendum est, certam esse salutem, nec certam mortem, ex eo, quod contrarium eveniat, scilicet mente non constare, & malè se habere ad ea, quæ offeruntur; benè tamen, perpetuoque malum erit: Quare, cum inter prædicta signa, quædam sint fida, vt coctionis, & cruditatis, quædam in fida, vt decretoria, quædam verò mediam participant naturam, vt signa salutis, & mortis, propterea aliquod signum ita fidelitèr constituere oportet, vt ex eo fidelitèr, ac indeficientèr prædicere de morbi futuritione valeamus, idèoque signa crisis imminentis, ac præsentis, maximè ad ferre expedit.

CAPVT XII.

DE SIGNIS SPECIEM CRISIS
presentis, & imminentis ostenden-
ribus.

CVM supra sigillatum maneat cum Gal. crism repenti-
nam mutationem in morbis factam, ad salutem, vel ad
mortem nuncupari; quæ quidem subita mutatio est duplex,
vel per manifestas nimirum excretiones, vel abscessus effatu
dignos hoc est omnes morbi, qui per crism iudicantur, neces-
sario per excretiones manifestas, vel effatu dignos abscessus
terminantur; ideò de his agendum venit, excretio quidem ma-
nifesta potius in morbis acutis observatur; materia enim te-
nui, ad excretionemque parata est, natura etiam valida ex-
stet, quæ duæ causæ magis ad excretiones, quam abscessus con-
currunt: abscessus enim in diuturnis morbis sæpius contingunt;
nam cum hi morbi causam crassiorem, & frigidiorē obti-
neant, quæ tardo motu coquitur, ac difficile excernitur, prop-
terea per manifestam evacuationem non solvuntur; sed imò
quia prædicta materia crassa, transponitur ex vna in aliam
partem, natura similiter, cum vi morbi diuturnitatis languida
sit, humoremque morbificum coquere, separare, & excerne-
re, facile non possit, merito abscessus ab hac duplici causa, de-
sumpta ex parte agentis, naturæ videlicet languide, & ex par-
te materiæ crassæ, & inobedientis, evenient; nam si tennes, ac
calidi fuerint humores, valida, vt concoquantur, & expellan-
tur indigent facultate; si frigidi, validius naturæ robur requi-
runt; quare si humoris crassities, & frigiditas, naturæque ma-
xima imbecillitas adsit, nulla crisis per excretionem, neque

496 *EXPOSITIO DE CRISIBVS.*

abscesum eveniet, imò interitus, vel morbus in aliam partem transmutabitur.

Ex quibus facillè, modi, quibus crisis media excretionem videlicet, vel abscesu fit, elucescunt, ut Galen. *quicumque verò morbus, inquit, aliter quieverit, aut celerior efficiatur, cum maiori malitia operabitur*, ut Hyppocrat. 3. prog. sentent. 35. *Quibus febris (ait) cessans sine salutaribus signis, recidivæ subest periculum.* Idemque firmat 2. aphor. sentent. 23. sic alloquens; *his, quæ præter rationem accidunt levando, fidere non oportet*; hoc est, quæ sine signis coctionis levant, vel sine aliqua insigni evacuatione; nam si aliquod levamen absque causa videtur, absque coctione nimirum, & evacuatione causæ morbificæ, ut pluries in morbo suffocativo evenit, in quo egri immunes à febre videntur existere, pessimum quidem, ac exitiosum aderit signum, quoniam quando insitus calor vi suffocationis extinguitur, humores, excrementaque venarum, non agitat, neque movet, nam præ summa imbecillitate coctio impeditur; sicque laborantes, nec febricitant, nec laborem per sentiunt; sicque sensus indicio, exigua videtur affectio, licet re vera periculosior fuerit.

Ex quibus inferitur, securiorem prognosim fore, dum natura valida, calorque potens adest ad humores ebulliendos, alterandos, coquendos, & excernendos, quamvis dum natura coctionem aggreditur, maiora symptomata elucescant, ut Hyppoc. 2. apho. sent. 47. inquit, *dum pus sit dolores, ac febres accidunt magis, quam ipso confecto.* Cuius est ratio, quia natus calor validus, humores quodammodo ad immutationem, sive alterationem, & laudabilem coctionem amplectitur; quare non febricitare, aut parum in morbis aliquibus, ut in malignis febribus, tironibus quidem medicis parvi fit, cordatis verò potius perniciosum, & mortiferum signum apparet; nam cum accidentia mitiora videantur, nonque immanitati, ac seviriei morbi respondeant, potius

tius

tius pravitatem, exitialemque morem, siue conditionem significant, quod pulchrè Gal. sublevavit iuxta Hyppoc. verba. 3. de morbis vulgaribus commentario 1. in historia Her- mocratis textu 6. in hunc modum: *Circa diem 11. omnia illi vixissent remissa esse*, & subsequenti textu 8. addit idem, Hyppoc. *quatuordecimo die à febre erat liber, & non sudavit 27. obiit*. En quomodo tale fuit citra rationem levamen, prop- tereaque, vt malum iudicandum.

Nec fallat aliquos, vrinam coctam apparere, ad præ osten- dendum, levamen iam fuisse secundum rationem, eo quod coctio præcesserit, cum multoties peius, ac perniciosius, sig- num sit, vrinam coctam apparere, vt Gal. in côm. 21. pro- recticorum iuxta textum 24. explicuit, *& urina cocta ma- le, &c.* Id est in febribus malignis, vrinæ coctas pessimum esse inditium, cum accidentia morbi malignitati non correspon- deant, vt Avicenna cap. de febre pestilente manifestè expo- nit, sic alloquens: *Et non alteratur pulsus, & aqua magna alteratione, & cum hoc ipsa est interficiens velocitèr, & he- sitant medici in esse eius*, id est pulsus ferè similis naturali, & aqua, hoc est, vrina bona, quam vrinam perfecte coctam, in quibusdam febribus pestilentibus inspicimus, quæ pernicio- siores, multoque deteriores, quam illæ, in quibus subiugales, nimisque crassæ, ac turbulentiæ reperiuntur.

Si tamen quis ingenue dubitet: quare in aliquibus affecti- bus malignis, & pestilentibus, signa in vrina, & pulsu morbi pestiferæ constitutioni non respondeant? Quamvis febri- ex materia maligna in venis existenti suscitetur, ac foveatur, & ob quam causam aliquâdo medicis, ægros non felicitare videatur? Plurimi vt rē arduam, huiusmodi meritò difficulta- tem, iudicant; cui tamen aliquibus selectioribus ratio- nibus satisfaciam; & prius difficultati de pulsu allatæ aliqui- responsum præbent; asserendo, multoties pulsus esse quasi naturalem, eo quod cum facultas pulsatilis, vna ex causis con-

498 *EXPOSITIO DE CRISIBVS,*

inentibus, languida existat, & intensior sit vsus, siue finis a tē-
 perationis, quam par sit virtus pulsandi, in tali casu, inter ad-
 auctum vsus, & facultatem pulsatilem imbecillam, non va-
 lentem celeriter, quantum exigit vsus, arteriam movere, pro-
 inde fiet pulsus non ita languidus, nec tardus, ac si esset citra
 vsus adauctum, nec ita validus, & celer, si esset citra languo-
 rem, cum simul facultas robusta, & vsus adauctus concurre-
 rent: quando verò languida existit virtus pulsifica, alioquos
 efficit pro vsu adaucto connatus, etsi non omnes, qui conna-
 tus, cum nec validi sint, vt in statu naturali, nec ita tardi, vt
 quando sunt sine vsu, idè exurgit pulsus medius inter celeri-
 tatem, & tarditatem, & inter pulsum magnum, & par-
 vum.

Confirmatur huiusmodi sentiendi modus ex paritate de-
 sumpta exemplo convalescentium; nam quemadmodum
 quis dum à morbo, in statu neutro, adhuc viribus non validis
 pollet, in tali quidem statu, si prae vitæ periculo, timeat tau-
 rum, aut inimicum fugiat, aliquos connatus, vt immunis à pe-
 riculo evadat, efficiet, ita vt motus non tardus, ac si esset li-
 ber ab omni suspitione discriminis; neque ita celer, ac si esset,
 in statu perfecto salutis: Vnde motus fuge medius, siue me-
 diocris, inter celeritatē, & tarditatē fiet, non aliter in nostro
 casu de pulsu, qui naturalis apparet, per sentiendum venit.

Sed huiusmodi respondendi ratio, etsi aliquod veritatis
 vestigium adducere videatur, non tamen omne, hæc enim
 responsio solum alloquitur de febre, prout est sola intempe-
 ries; non verò prout malignitatem, vel pestilentiam com-
 plicatam obtinet, & in tali casu, vero non consonat; omnes
 enim fatentur cum Gal. quod dum calor est præternaturam
 intensus, necessario vsus, siue finis attemperationis increfcit;
 in quo casu omnibus continentibus causis, vt est facultas in-
 strumentum, & vsus, concurrentibus, potius pulsus, in trinam
 dimensionem immutatur, idèque fit magnus; sicque prius

appo-

apponitur magnitudo; deficiente verò facultatis pulsficæ valido concurlu, cum ista, quamvis instrumentum videlicet arteria obediat, non possit æquè vsui satisfacere, apponit celeritatem, quam si præ imbecillitate non aggrediatur, ad frequentia motum arteria se reducet; ex quo inferitur, quod nunquam ex tali vsu adaucto cum facultate imbecilla, pulsus mediocris, & naturalis fiet, sed vel celer, vel frequens, indigentiam videlicet, sive vsu à temperationis ad pensum roboris, vel languoris facultatis insequens.

Subtiliori tamen, ac splendescenti calamo, quidam difficultatem dilutam reliquit, asserens, quod cum eundem, ordinem natura servet ad fruendum instrumentis propriis, in statu salubri, pro ipso servando, ac in statu morbofo, pro ipso debastando; hinc est, quod quemadmodum ad calorem nativum conservandum, motum cordis, & arteriarum construxit, ut medio ipso tum materia partialis, ad spiritus vitales generandos, tum nativum calorem attemperandum, attraheretur.

Ita pariter in statu morbofo, ob eundem finem, licet pro intemperie febrili, superadditum, talem naturam motum cordis, atque arteriarum adaugere; tum ad prædictum aërem attrahendum; tumque ad fuligines vi caloris ignei genitas expellendas: propterea cum in febribus ita malignis, quæ pestilentibus, tanta sit veneficorum vaporum copia ex humorum putredine elevata, quæ maximam cum cordis spiritibus contrarietatem, qualitatemque deleteriam obtinet, & huiusmodi vapores, tum ex arteriarum motu, ac ex cordis dilatatione, quo maior vehementiorque fuerit motus, in maiori etiam quantitate ab ipso corde attrahantur, ut prædicti spiritus debastentur, atque corrumpantur, propterea ut eorum malignitatem, & veneficam qualitatem fugiat, ne hos vapores in modicè ad se attrahat, non audet dilatari, nec instrumenta, scilicet arteria celeritè moventur, quemad-

mo.
Juan Fernandez y Zifuen *Enjara y Reng*

modum si quis inimicum fugiens, ingressum suæ propriæ domus, siue arcis prohibet; sicque eadem ratione cor pertimescens (si ita loquar) certum caloris nativi interitum, ne citissimè, sibi mortem sollicitet, dilatationem celerem, & frequentem recusat, sed eam, quæ par sit pro naturali statu ad proprium, nativumque calorem conservandum efficit, ut inde pulsus naturalis appareat, cum re vera potius falax, & maximè præternaturam existat: genuinam, ac metaphisicam, dissolvendi nodum, rationem collaudo.

Nec minus quis, aciem, splendoremque mentis, in difficultatis decissione, sublevabit; asserens, quod cum motum pulsificum, non solum facultas pulsatilis media temperie, sed etiam media illustrativa qualitate, à corde distributa, concurrat, & hoc sit mediis spiritibus vitalibus, veluti in concursu facultatis, tam sensificæ, quam loco motivæ, talis irradiatio elucescit, hinc est, quod tales spiritus debita temperie, quâtitate, vel copia, modoque substantiæ perfectæ, ad propriam actionem cbeundam, indigent. Quare si huiusmodi spiritus affecti sint, vel intemperie, quia calidiores, vel in quantitate exigua, quia pauci, vel in modo substantiæ, quia crassi, opaci, obscuri, tenebricosi, ac fulliginosis excrementis permixti, in tali casu actio læsa inducetur.

Quo supposito, in febribus malignis, ac pestilentibus: Quoniam spiritus vitales, qui per lucidi, conspicui, tenues, rari, ac ignei esse debebant, potius ob permixtionem, quam cum vaporibus tetris, caliginosis, ac fulliginibus opacis, deustisque obtinent, ita increasantur, obscurantur, nigrescuntque, ut (veluti nebula ante solem) impediunt, ne cor possit per irradiationem, siue influxum, ad arteriarum motum celeriorē concitandum, concurrere: ac proindè etsi usus sit adauctus, indigeatque pro febre contemperanda celeriori, ac frequentiori pulsu, potius propter spirituum opacitatem, debito influxu (et si non in totum) impedito, pulsifica facultas sit veluti ligata,

men-

mentitur aliquam pulsus mediocritatem in magnitudine, celeritate, ac frequentia, absque eo, quod causa finalis elucescat, ut est attemperationis indigentia, intensissima febre maligna existente, præ defectu luminis, quod à luminoso impedito, videlicet corde, non communicatur.

Quia tamen Gal. hanc non exiguam, imò arduam difficultatem, 3. de præsagatione expulsi, cap. 4. tetigit, asserens: Ex eo quod pulsus fere similis naturalibus soleat inveniri, maiorem pravitatem, malignitatem, ac humorum veneficam dispositionem reperiri; sicque causam huius eventus, & rationem genuinam adducit, his verbis: *Sique sit aliqua visceris intemperies (scilicet cordis) ut aliam ipsum corpus temperiem habeat, aliam sanguis, & spiritus, qui sunt in eius sinibus contenti, inequales pulsus numquam efficit, sed ex affectuum confusione pulsus medium quemdam statum sortiuntur.* Quibus verbis acutiori ratione Gal. demonstrat; quare pulsus similes naturalibus appareant; nam cum tanta contra operantia ex affectuum multitudine, sive confusione, tantaque malignitas committans reperiatur, potius huiusmodi pulsum motus medicis apparens, alterationes contrarias inter sese operantes, sequitur, absque eo, quod natura per se, & directe concurrat; imò malignitatis vi superante, cum inæquali affectuum complicantia, talis pulsationis æqualitas semper, revera, ficticia est, et si apparenter, sensusque iudicio satisfacere videatur, quæ Gal. verba, ita sigillata cuiuslibet periti menti, debet maxime permanere, ut ingentissimum honoris culmen, in veriori prælagiendi ratione, subsequatur.

Lotium verò, ut supra dixi costum, pluries præter rationem apparet, ex eo quod si dum calida intemperies cordis corpus occupat, humores tamen frigidiores sint, in tali casu, lotium non multum immutatum videtur, & absque vilo sedimine adest; natura enim humores revelles, atque malignos, & in penitissimis iuxta cor partibus delitescences, & veluti ce-

latos, nec coquere, neque devincere, neque per lotium valet expellere, quoniam primum naturæ opus est, causam morificam coquere, ac superare; devictam verò iam, per lotium expellere; quapropter nullum in eo sedimen apparet, hoc enim est pars materiæ morificæ intra venas existētis, ex quo facile malignitatis conditio, morbiq; cacohetia percipitur, cū causa incoctilis, ac invencibilis naturæ coctionem subterfugiat, potiùsque in cordis imis partibus delitescens, ipsius calorem, ac spiritus extingat: Ex quibus, clarescunt modi, quibus morborum crises fiant, per evacuationes nimirum manifestas, ut in acutis, & calidioribus, vel per abscessus effatu dignos, in frigidioribus, validoque naturæ robore existente: Aliàs enim viribus deficientibus, potiùs interitus eveniet, aut affectus in aliam speciem transmutabitur.

CAPVT V.

DE REQUISITIS SIMPLICITER
necessariis, ut bona crisis eveniat.

QUÆ igitur laudabilis, & bona, sive mala sit crisis, quis abscessus legitimus, sive illegitimus fuerit, videndum in præsentì offertur. Excretio quidem salutaris, & bona illa dicitur, quæ commodè fit: ut tamen commodè contingat, quatuor necessaria requiruntur, qualitas nimirum laudabilis, quantitas sufficiens, tempus opportunum, tandemque modus excernendi naturæ familiaris: qualitas etenim humoris, qui excernitur laudabilis erit, si, & pecans, sive morbificus humor coctus, & devictus excernatur, quod Hippoc. doctrina satis manifestat 1. aphorismor. sent. 2. asserens: *in perturbationibus ventris, & vomitibus spontè factis, si talia purgentur, qualia*

pur-

purgari oportet, conferunt, & leviter ferunt, &c. Idem firmatur, 25. secundi libri si qualia oportet purgari, purgantur. eodem similiter lib. 23. evacuationes non multitudine sunt stimandæ, sed si talia qualia, &c. nec minus 4. aphorism. sent. 2. in medicationibus, talia educere ex corpore, qualia sponte producentia utilia, &c. in 3. pariter eiusdem 4. si talia qualia purgari oportet purgantur conferunt, &c. Hæc, & alia aliis in locis aperte ostendunt, quam necessarium sit, specificum, & morbosum humorem evacuandum esse, ut crisis laudabilis sit.

Quod verò humoris excernendi, coctio præcedens requiritur, plurimis etiam in locis Hippoc. scripsit, quoniam cruditate dominante, crisis nulla salutaris spectanda est, nam quicumque diebus criticis riguerunt, indeque meraca vomuerunt. Pessimè omnes se habuerunt. Præterea Gal. evacuationes quæ potius materia cruda existente accidunt, ut in morborum principiis apparent maximè contemnit, quod comment. 22. 4. apho. expressè exponit inquit: Quando aliquis incipit morbus, si quid excernitur, nihil tunc excernitur ratione naturæ, sed sunt omnia hæc, casus præternaturam earum, quæ sunt in corpore dispositionum: quo enim in tempore à causis quidem morbum facientibus natura gravatur: Adest autem cruditas humorum, tunc aliquid benè evacuari est impossibile, siquidem oportet coctionem præire, subsequi verò discretiorem, & postea evacuationem, ut bona sit crisis, sive iudicium. Ergo ex Gal. clarescit quantum, ut crisis sit bona, oporteat, quod materia morbum faciens, de cocta, & superata sit, sub quo nomine humoris qualitas, sive species perpendenda offertur.

Requiritur præterea, ut critica excretio salutaris sit, quantitas sufficiens: omnis enim humor noxius evacuari debet, non quidem per partes, sed omnimodus: aliàs enim plurima incommoda imminet, ut Hippoc. 2. apho. sent. 12. Quæ relinquuntur in morbis, recidivas facere, consueverunt. Quæti-

vires debet esse, nam veluti nihil paucum est criticum, ita quod nimium, est periculosum: de eo, quod paucum excernitur, Gal. in comm. 47. 2. apho. alloquitur, afferens: *Quod eorum quæ critica sunt, nihil convenit esse paucum, nam quod paucum excernitur, aut malignos humores, multosque à natura non posse regi, aut summam naturæ languentis exolutionem prænuntiat.* Ideòque apud Hyppoc. suspectæ sudatiunculae sunt, stilla sanguinis, exigui vomitus, & sic de aliis.

Immodica etiam excretio est periculosa, vt Hypp. apho. 2. sent. 51. firmavit. *Multum, & repente evacuare, & reple- re, &c. periculosum: omne enim nimium naturæ est inimicum.* Secundo etiam apho. sent. 22. priorum prorepticorum, *in acuta febre, qui copioso sudore diffluunt, malè se habent, dein- de in epidemiis, profusior omnis hemorrhagia terrificata est:* si- militer apho. 4. sent. 25. *quibus in febribus sanguinis multi- tudo effluxerit, quacumque ex parte, cum reficiuntur, alui humectantur;* ex his omnibus igitur locis, satis, quam pericu- losa quæcumque corporis evacuatio immodica sit. censenda, constat, vt assentiamus prædictæ doctrinæ, evacuationē vide- licet criticam: secundum quantitatem moderatam ad vires, futuram esse, vt tandem 1. apho. sent. 3. inquit: *Quod neque evacuationes ad extremum ducendæ, cum hæc, quæ ad extre- mum deducunt, periculosa valde sint, veluti etiam repletio- nes, cum extrema fuerint.*

Vltèrius, vt excretio proficua sit, tempus debitum, signa- que dies criticos indicantia, in quibus talis crisis contingere debeat, requiruntur; nam quæcumque, diebus non criticis cō- tingunt, vt suspecta tenenda; in excretionem denique perfectam, familiaris excernendi modus inspiciendus, & laudandus est; excretio enim, primo confertim debet fieri, non verò sen- sim, & paulatim, tum etiam per loca conferentia, & legi na- turæ commoda: fieri autem per loca conferentia cognoscen- dum est, si tria necessaria concurrant; primum quidem si

locus,

Iocus, siue pars recipiens non dignior, & perfectior sit, loco. In quo morbus extiterit. Secundum, si debitam vasorum re-
ctitudinem obtineat: ultimo, si transitus, siue vias, per quas,
patentes habeat.

Prima conditio videlicet, quod excretio non per loca no-
bilia fiat, ex vehementi patet periculo, quod dum excre-
tio fit à partibus ignobilioribus ad nobiliores evenit, vt in
empiemate, pleuritide, & peripneumonia patet, materia in ca-
vitate thoracis contenta, quæ sæpè, vt Gal. inquit 6. de locis
affectis cap. 4. per arterias, sinistrumque cordis ventriculum,
in renes expurgatur, multique in huiusmodi expurgatione
moriuntur, secunda deinde necessaria conditio, in excretio-
nis modo secundum vasorum rectionem, constat ex sentent.
33. sectionis tertiæ prioris prorepticorum, his verbis: *Sanguinem à diuerso fluere, malum est, vt in liene magno, si à destra-
nare fluat: excretio enim, quæ ex eodem loco fit, validam na-
turæ expellentis contentionem arguit, velut quæ à diuerso hu-
moris malignitatem, partisque affectu intensam imbecillita-
tem ostendit.*

Tertia demum necessaria conditio, in excernendi modo
ex viarum transitu, ac ductuum pervietate desumpta, vt no-
xius evacuandus humor, facile à natura expelli valeat, pro-
batur ex Hyppoc. 6. epidemiorum sectione 3. vbi sic satur:
Transitus apertos esse oportet, & alia, quibus opus est. Patet
similiter ex eodem Magistro 1. aphorismorum sentent. 10. *Cum
quis purgare voluerit fluida facere oportet:* Vbi ex doctrina
Gal. in commentar. non solum fluxibilitas ex parte humoris
evacuandi, verum etiam ex pervietate meatuum intelligitur,
de qua, in præsentī alloquitur Hyppoc. dum ait: *Transitus
apertos esse oportet, & alia quibus opus est:* Quæ verba ma-
ximè, cum aliis Hypococ. consentiunt, asserentis: *Vt oportet,
& qualia, & quando, & qua parte, & quantum opus est.* Quare
prima particula, *vt oportet*, modum excernendi designat. Secū-
da

da, *qualia*, qualitatem humoris morbifici denotat. Tertia verò particula, *quando*, tempus debitum, tam ad coctionem, quam ad criticum diem præscribit; tum & etiam ad evacuationem ab arte exercendam extenditur, *vs cocta medicari oportet*. Quarta verò particula, *qua parte*, rectitudinem vasorum designat. Quemadmodum, quinta, & vltima, *quantum*, humoris quantitatem non exiguam; quia non criticam, nec nimiam, quia periculosam decernit: quibus satis infertur quomodo vnusquisque, an crisis legitima, vel illegitima extiterit, cognoscere valebit.

Sed nec solum omnes, excretionis laudabilis, conditiones intelligere expedit; verum etiam in aliis morborum terminationibus, videlicet abscessibus, omnia eorum requisita perpendere oportet, vt venerandus senex 6. epidemiorum, sectione 2. manifestè, dum dixit, apperuit; *considerandum autem, quo, vnde, & propter quid*: *quo* partem in quam humor transfertur, *ac decumbit* significat: *vnde*, partem mandantem, ex qua fluit: *propter quid*, causam ob quam talis abscessus ortum ducit, designat; an scilicet huiusmodi abscessus nascatur victo iam, & concocto morbo à naturas; an verò à materia cogente, vexanteque ipsam naturam ad expulsionem, humore adhuc existente crudo. De parte quidem in quam humor decumbit, primo loquendum venit; necessario siquidem debet esse pars recipiens vilior, imperfectior, inferior, valdeque à parte affecta remota, debitam, ac sufficientem capacitatem, & amplitudinem ad recipiendam materiam morbificam habens: quare ratione partis recipientis, vt abscessus legitimus, & laudabilis fiat, huiusmodi pars procul, sive remota à loco affecto, inferior, ignobilior, & capax pro morbi dignitate debet esse, vt Hyppoc. 2. epidem. sect. 1. inquit: *Quod optimi sunt abscessus, qui infra sunt, & longissimè infra ventrem, ac remotissimi sunt à loco*.

Quod similiter debita, & sufficiens partis capacitas sit necessaria.

cessaria patefit in epidemiis, prorepticis, & coacis sect. 1. lib. 2. epidemiorum; nam si humor in partem ad recipiendam materiam morbificam ineptam, & incapacem decubabat, manifestum citissimæ mortis periculum imminet; nam cum humor noxius possit de novo ad internas, ac nobiliores partes iterum recurrere, propterea perquam citissimam mortem valebit inducere; animadvertenda est igitur breviter ex Hyppoc. in abscessu legitimo, & laudabili, tota expositio prædictis particulis, videlicet, *quo*, idest inquam partem; fiat decubitus; *unde*, idest à qua parte, dextra ne? An sinistra laborante mittatur; ita vt si dextra extiterit affecta, in dextram, quemadmodum si sinistra, in sinistram fiat decubitus; ideòque hyerophonti accidit, cui cum intumisset lien, obortus est in sinistro crure abscessus, & præter spem com-
valuit.

Ultima in abscessu particula notatu digna est, *propter quid*: hoc est, an cocto à natura morbo, abscessus fiat, an verò ipsa natura irritata, crudo existente morbo, sive materia morbifica, abscessus contingat: iste enim pravus semper erit, nulloque modo perfectè iudicabit: vt Hyppoc. 1. epidemiorum, sectione 2. *cruda verò, & in cocta, & in prava abscessus conversa, aut morbi longitudinem, aut periculum, aut mortem minantur*: qua propter legitimus, & salutaris abscessus, deorsum, à parte affecta valdè distans, pro morbi dignitate, secundum valorum reatitudinem, morboque victo, & concocto, vel si malueris causa morbifica alterata, victa, & reduta, debet fieri.

Nec minus ad crisin stabilendam perfectam, aliqua, quæ in optimo iudicio debent apparere, conducunt, vt firmat Gal. 3. de crilibus, cap. 3. hac ratione: cum verò hæc omnia tibi fuerint explanata, tunc ex euentu aliqua sunt assequenda; si enim qui laborat, iudicatus est, febre salvetur, aliisque symphomatibus liberetur; ac proportionem euacuationis

meliore colore sit præditus, & melioribus pulsibus, & in actionibus robustior, hoc quidem optimum est iudicium; si verò aliqua horum deficiant, tantum ab optimo est, quantum quod deficit, facultas existit. Quibus, expeditam Gal. methodum proponit, qua ex signis cricum subsequenteribus, eam ut laudabilem iudicemus: actiones enim, vel naturales sunt, vitales, vel animales: si ergo peracta crisi, cibum æger appetit, benè concoquit, & tandem digerit, validioresque pulsus, & animales motus edat robustiores, optima erit crisis; quod si contrarium, ut cibi fastidium, nausea, ructus accidi, aut nidorosi, sitis, ac hypocondriorum tensio remanserit, signa impuritatis aderunt, & aliquid reliquiarum morbi, intra corpus relictum fuisse significat; ut Hyppoc. 2. aphorif. sentent. 8. inquit: Si à morbo cibum assumens, quis non corroboretur, plurimo alimento uti significatur, quod si non assumenti hoc accidat, scire oportet, quod indiget euacuatione. Cuius est ratio, nam si assumens quantitatem cibi, non corroboratur, certum est, rectè iudicatum non fuisse; quia ut Magister sentent. 9. inquit: Corpora impura quo magis nutries, eo magis lædes: Cum quid quid recipitur, admodum recipientis, recipiatur, ut in bonam, vel malam naturam convertatur: unde, faciliè ex tali materia intus relictæ, recidivas possumus timere, ut ex Hyppoc. supra: Quæ relinquantur in morbis, recidivas facere consueverunt.

Confirmat pariter Hyppoc. optimæ naturæ crisis, sent. 32. eiusdem, sic alloquens: Omnes fere, qui male se habuerunt circa initia, cupidè comedentes, nec quidquam proficientes, ad extremum rursus cibum non appetunt, hi enim meliùs euadunt. In qua sententia Magister ex actionibus naturæ, appetitu, partium robore, ex optima illarum nutritione, consequto, veram convalescendi rationem firmat; ac laudabile iudicium, siue crism præcessisse demonstratur: ex actionibus pariter vitalibus idem inferri valet; ut Gal. in comment. 3. 4. aphorism.

ex conferentia, ex parte humoris desumpta, ac ex tolerantia, habita ratione ad virtutem vitalem, evacuationem criticam esse bonam, adinvenit; quemadmodum etiam in animalibus actionibus, perfectio crisis elucescit; veluti si mens tranquilla, sensusque integerrimi sint; vt Hyppoc. 2. aphorism. inquit: *Mente constare, & bene se habere ad ea, que offeruntur bonum, &c.*

Non aliter ex universalium natura excrementorum, perfectio, siue defectus crisis poterit perpendi; si enim post crissim tenues vrinx appareant; recidivam, morbumque rectè iudicatum non fuisse demonstrant, vt Hyppoc. 3. epidemiorum, sect. 1. agrot. 2. qui fuit Hermocrates: *His etenim 14. die fuit à febre liberatus 17. die vrinx tenues apparuerunt, & 27. mortuus fuit*: Ergo illatio legitima est, nimirum, quod die 14. non fuit rectè iudicatus, ex qua doctrina evacuationes, siue abscessus, qui contrario accidunt modo, vt symptomatici sunt habendi, cum contrariorum eadem sit lex: si enim post evacuationem humoris, portio morbum facientis, intus relinquitur, ex signis nuper dictis patefiet, vt sitis intus relicta, oris amaritudo, in suavitas, ac in appetentia, cum ex his morbum perfectè solutum non esse, clarescat.

CAPVT VI.

IN QVO DETERMINATVM

tempus, & modi, quibus morbi ad salutem, vel mortē terminentur, exponuntur.

CVM perfecta crisis, norma, siue regula aliarum extiterit, meritò Gal. postquam rationem illius præcognoscendæ adduxit, iam disputationem de imperfecta, & mala

510 EXPOSITIO DE CRISIS.

crisi, quæ ad mortem terminatur, constituit: sed ut facilius, id conspicuum appareat, tres morbi mutationes, Gal. proponit. r. videlicet est, quando aliquis subito, & repente per manifestam excretionem, aut effatu dignum abscessum liberatur: aliter verò est modus, quando per aliquam prædictam evacuationem, etiam liberatur, cum discrimine tamen, quod non integrè, & perfectè: primo quidem modo dicto, perfecta crisis; secundo verò imperfecta, & deficiens crisis nuncupatur; tertius denique modus est, cum morbus sensim finitur, qui modus potius morbi solutio, quam crisis appellatur, quibus ad salutem mutationibus, tres similiter aliæ ad mortem mutationes possunt evenire; quarum prima est, ubi æger vehementer, ac maxima cum perturbatione, quæ præcessit, simul ab aliqua excretionem, aut decubitu effatu digno emoritur; quæ crisis perfectè mala nominatur: secunda verò mutatio, siue modus, est cum æger non repente cum his, quæ sunt dicta perit, sed multò deterius, quam antea se habebat existit, quæ crisis mala, & imperfecta vocatur, quia imperfectè mortem ad mortem iudicat: tertia tandem mutatio est, quando paulatim laborans in mortem tendit, quæ terminatio potius in morbis, paulatim humidum nativum absumentibus, ut in marasmo, & aliis, evenit.

Quibus stabilitis inquit Gal. *Quod præfagia morientium. & prava crisis incerta sunt;* quare certa, & indefectibilis ratio futuras, & malas cognoscendi crises, non valet præscribi, sed potius artificiosa, & coniecturali ratione, debet medicus operari: Propterea quod, cum tres sint morientium modi, primo quidem; an sint media crisi morituri, secundo qua die. Tertio an sensim mors sit futura, est animadvertendum, quæ omnia ex dicendis constare valent; nam si in die indicè, ali-quod signum pravam appareat, sequenti die decretorio, futuram crislum pravam ostendit, ut si quarto die, vrina nigra appareat, omniaque concomitantia, & supervenientia, sym-
tho:

thomata pernitiōsa fuerint, sequenti quidem die decretorio, sexto nimirum, vel septimo æger morietur, præcipuè tamen 6. si per dies pares morbus moveatur.

Sed cum aliquando citra crīsim soleat mors evenire, ideo tria mortis signa à Gal. adferuntur, quorum primum, & præcipuum, est virium imbecillitas; nam languidæ vires adversus magnum, malignumque morbum nullatenus poterunt diminui: secundum, si nullum signum cōtisionis appareat; hoc etiam eundem naturæ languorem demonstrat: tertium denique signum, si magnus, & malignus fuerit morbus, non tamen celeritèr, sed sensim moveatur; nam si celer morbi motus reperitur, mors media crisi subsequetur, qui modus, mortis triplicitèr contingit, ut Gal. 3. de crīsis cap. 1. videlicèt, vel quando æger in accessionis principio moritur, & hoc est, cum morbi ex multitudine ortum habeat, ut in partium internarum inflammationibus; vel cum crassities, sive lentor materiæ meatus obstruentis, adest; vel ubi repentinus humoris motus ad interna reperitur, qui naturam opprimendo, debastat, caloremque nativum obruendo, suffocat.

Secūdus, etiā mortis modus in accessionis declinatione lolet accidere, dum adhuc est veluti compressa, & cōstricta natura, calorque naturalis in corporis medio ad externa movetur, ut qui in nimio gaudio virtute laxata pereunt; unde plurimi antequam accessionis status, sive vigor sit lapsus, incipiunt mori, quod multos medicos, securam declinationem cogitantes, solet decipere, neque ex hoc colligendum est, in vniuersali totiùs morbi vera declinatione, posse aliquem mori; nam cum tota morbifica materia, tam coniuncta, quam antecedens, morbo re vera declinante, necessario sit alterata, & deviata, nequaquam poterit natura succumbere, sed solum ob aliquem extrinsecum errorem, vel quia materia in aliquam de novo partem transmutata, iterum recrudescens potius novum morbum constituat, in cuius principio, non verò

512 *EXPOSITIO DE CRISIBVS.*

in antecedentis morbi declinatione, æger moriatur, vt factis, in disputatione de febribus, diffusè explanatum manet.

Tertius verò modus mortis citra iudicium, sive crìsim, in morbi vigore accidit, quando magna morbi vehementia reperitur, naturaque præ nimia morbi violentia superata est, quæ de causa, etiam licet raro, qui maximo gravamine afficiuntur, in morbi vehementia moriuntur: ex quibus inferitur medicum non solum posse diem, verum etiam horam prædicere, quod ex duplici fonte dimanat, primo, si quantum naturam morbus superet, perpendamus: secundo ex gravioribus accessionibus; quoniam si morbus multum naturam superet, mors eveniet: ac die quo id accadat, cognoscetur ex circuitibus, sive accessionum periodicationibus: nam die, quo accessio fortior, & vehementior contingat, prædicto die æger vitam deperdet: quæ verò hora, id potius contingere possit, discemus, ex eo quod, si morbus fuerit aliqua interna inflammatio, aut ex gravamine padeat, cum in prædictis morbis, in accessionis principio ægri moriantur, propterea, illa hora, quæ sit accessionis principium, mors eveniet. Idemque iudicandum venit de statu morbi, habita ratione, ad diem, & horam, in qua æger magis gravatus, laboriosusque fuerit, & perniciosiora symptomata appareant, mors quidem die, atque hora indicata accidet, veluti si quarta die morbi, horaque tertia postmeridie, peius æger se habuerit, & symptomata vehementiora exacerbentur, eodem die decretorio, & indicato, sexto nimirum, vel septimo, eademque hora, quæ laborans, vehementius labefiat, vitam cum morte commutabit.

Et si hæc, vt supra dixi, maximè animadvertenda sint, falax tamen, & incerta prædictio aliquando in morborum mutationibus ad mortem fiet, potius, quam ad salutem, ratioque à Gal. aducta est, quia in laudabili ad salutem iudicio, natura vali-

DE DIEBUS DECRETORIIS. 513

valida, & robusta, dominante virtute, supra materiam noxam
viget, propria veluti ratione agit, suisque ordinatis motibus
opperatur, neque casu aliquo inturbatur; quare cum cer-
ti, definitique illius motus sint, certa etiam de illis prædi-
ctiones fieri valebunt; contra verò in pravo iudicio, cum na-
tura languida existat, devictaque, & superata à materia mor-
bifica sit, ex hoc languore, incerti atque in ordinati naturæ
motus fiunt; ac proinde incognoscibiles, veramque medici
prædictionem effugiant.

Ex præ habitis, iam perfectam, vel imperfectam, unusquis-
que iudicationem morborum potest cognoscere, & cum tale
iudicium potius in diebus decretoriis, quam in aliis eveniat
maxima cum ratione institutum Hypp. de diebus decreto-
riis, in quibus huiusmodi crises per sudorem apparent, necesse
erit exponere, ita ut virtus, ac differentia inter dies decreto-
rios, & non decretorios clarescant.

C A P V T VII.

DE NATURA, ET DIFFEREN- tiis dierum decretoriorum.

CVM inter omnia, quæ maximè, ut eventus criticus lau-
dabilis sit, concurrant, sint dies decretorij, merito hi in-
ter se distinguendi sunt; in cuius intelligentiam, dies alios de-
cretorios, alios è contra, alios verò medios esse prænotan-
dum est: dies quidem decretorij, ut dictum manet, sunt illi in
quibus plurimæ, & perfectissimæ crises expositæ fiunt; nō de-
cretorij verò sunt, in quibus nullæ apparent, aut si apparent,
non ordine naturæ, sed potius à morbi irritamine suscitantur:
dies verò medij sunt, in quibus, neque ita frequenter, neque
ita raro contingunt.

Dies

§ 14 EXPOSITIO DE CRISIBVS,

Dies præterea, vel infra vigesimum enumerantur, cum vigesimus finis, & terminus morborum acutorum fiti. enim morbi celerrimè moventur, ac per quaternarios vehementes mutationes efficiunt, morbiq; breves nuncupantur, veluti morbi longiusculi, & acuti ex decidentia supra vigesimū iudicantur, & per septenarios moventur, nā excrassiori materia fiunt, potiusque per manifestum abscessum terminantur, vt latius supra. Quia tamen Hyppoc. omnem dierum decretoriorum, & intercidentium differentiam sent. 24. 2. apho. aduxit, eam patefacere expedit, vbi sic fatur: *Septenorum quartus est index, alterius septimanæ octavus est principium; est autem, & 11. considerandus, ipse siquidem quartus est secundæ septimanæ: Rursus, & 17. considerandus est, ipse siquidem quartus est à quarto decimo, septimus verò ab undecimo.* Ex cuius oraculi verbis, hanc aliam dierum decretoriorum differentiam possumus colligere: Dies nuper, vel verè, & propriè sunt decretorij, vt qui septimanas claudunt, vel septimanas dividunt, & per quaternarios numerantur; vel sunt dies medij inter hos, qui intercalares, intercidentes, siue provocatori nuncupantur.

Sicut etenim medici per numeros, intelligunt quasdam causas in recessu naturæ latentes, quæ numeris coniunctæ faciliùs, mirabiliùs, ac evidentiùs edunt operationes; non aliter in theologia per dies intelliguntur virtutes particulares, quæ simul aggregatæ, annum perfectionis componunt; ita etiam, sicut medici plura dierum genera, vt criticos, & indices, intercalares, vacuos, provocatorios, medicinales, & huiusmodi appellant; ita similiter apud Romanos, dies abona-les, alienos, diffusos, diffissos, intercisos, atros, infames, vitiosos, fastos, nefastos, & profestos fuisse, constat. Lege Iacabum de iure Pontificum; pariter etiam veluti medici inter cæteros tria numerorum genera, nempe criticos, indices, ac intercidentes præcipuè habent. Sic apud Theologos

idem

idem invenitur; sunt enim dies naturæ, gratiæ, & gloriæ. Natura habet impleri per gratiam, gratia per naturam, & ideo dies naturæ vacui sunt, nisi impleantur per gratiam.

Ad exactam tamen horum dierum intelligentiam prius observare oportet, quod frequenter Gal. 3. de facultatibus naturalibus docet, ordinem videlicet, quem facultates naturales inter sese servant, dum ad alimentorum transmutationem se convertunt; nam quando absoluta est in ventriculo alimentorum coctio. Incipit facultas expultrix opperari; cuius exemplum docet Gal. lib. de diebus decretoriis cap. 8. quia ventriculus si secundum naturam se habeat, & illa quæ assumpta sunt, familiaritatem obtineant cum nostra natura, tunc facultates naturales debitum servant ordinem; concoquit ergo perfecte, & terminata iam coctione, tempestive utile excrementum expellit; si verò à quacumque re ante tempus coctionis prorritetur, utile cum inutuli permixtum expellit; si deinde paulo imbecillior extiterit, non statim post coctionem, ad expulsionem rei inutulis insurgit, sed diutius quam expediat, detinetur; idemque ostendit accidere reliquis nostri corporis instrumentis, ut est uterus, ac vesica; nam si materia morbum faciens maligna non sit, sed benigna, & facile superabilis, natura illius perfectam coctionem spectando, retinet, & post coctionem, expultrix, à qua crises nascuntur, quod inutule, & superfluum est, expellit; si verò è contra morbifica materia, acris, & mordax, maligna, & insuperabilis fuerit, ante tempus, nulla expectata coctione, vis expultrix ad illius excretionem movetur, simulque utile cum inutuli excernitur; si deinde languida, sive defatigata fuerit, retardatur, neque post coctionem citò materiam inutilem expellet.

Ex quibus inferitur, quomodo distinguantur dies intercalares, sive interdicentes, aut provocatorii, ab his, qui verè decretorii nominantur: quando enim natura ante tempus ad

516 *EXPOSITIO DE CRISIBVS;*

materiæ morbificæ expulsiōem, valdè irritantis, movetur propter huiuscemodi causam vellicantem, perfectam coctiōnem non expectat, suosque ordinatos motus, non exercet, neque crises in diebus à natura ordinatis, videlicet propriè decretoriis, fiunt, sed potiùs in diebus intercidētibus, seu provocatoriis accidunt.

Causæ quidem, quæ naturam prorritant, ac dies provocatorios constituunt, in duplici sunt differentia, vel externæ nimirum, ut Medicus, assiscentes, vel depravata victus ratio; nam propter aliqua, ex dictis errorem commissum, crisis, quæ quarta die debebat contingere, potiùs in tertio fit, aut in quintum protrahitur; internæ verò causæ sunt morbus, causa morbi, vel accessio, quoniam propter morbi maiorem vehementiam, vel humoris intensiorem acredinem, aut accessio- nis immanem invasiōem accidit, ut crisis, quæ quarta die futura erat, in tertio appareat, ex quo constat, qui dies intercalares, sive intercidentes, ut tertius, & quintus in prima septimana nuncupentur.

● Decretorij præterea, ut veri, dies appellantur, qui septimanas, ut septimus 14. & 20. claudunt, indices verò, qui eas, ut 4. 11. & 17. dividunt. Hi etenim dies in eo consentiunt, quod omnes veri sunt decretorij, ac decernentes, disentiunt verò dupliciter, primo, quod simpliciter, ac veri decretorij, omniumque perfectissimi sint, qui septimanas dividunt, indices verò minus perfecti; secundo differunt, quod indices appellantur: quod ut clariùs innotescat, observandum expedit, numerum septenarium, qui perfectissimam periodum criticam complet, principium, & finem obtinere; deindè, quod principium, & finem habet, necessariò medium debet continere, quod quidem medium cum utroque extremo societate gaudet; principium quidem est primus dies, finis septimus, medium verò quartus dies nuncupatur, qui diversa familiaritate, atque respectu index, vel decretorius appellatur; quoniam si ad pri-

DE DIEBUS DECRETORIIS. 517

num diem referatur, illiusque sit particeps: decretorius dicitur, quia evenit, quando primis diebus natura humoris mor-
bifici alterationem, & coctionem aggreditur, & cum hæc co-
ctio quarto die terminetur, talique die crisis contingat: Prop-
terea habita ratione ad primum diem, erit decretorius; vt
Hypoc. 3. prognosticor. sent. 4. sic ait: *Mitissime febres, &
securissimis signis firmate, quarto die, aut citius indicantur:*
Si verò quartus dies ordinem ad septimum dicat, & in quarto
natura coctionem aggrediatur, septimo crisis eveniet; qua
propter quartus dies index, sive indicatorius appellatur: indi-
cat enim crisin futuram in septimo; idèque nubecula in vri-
na quarto die existens, crisin futuram in septimo indicat.



Cum igitur in superioribus, ex motu, & morborum acuto-
rum tempore, adducta esset decisio; propterea in presenti, ad
dierum maiorem, decretoriorum, enumerationem observan-
dam, venimus, nimirum quod periodi in quibus natura move-
tur, vel minores, vt quaternarij, vel maiores, vt septenarij, vel
maximi, vt vienarij dicuntur, ex quibus deducemus, quibus in
morbis natura per maiores circuitus, sive periodos, in quibus
per minores, & in quibus tandem per maximos moveatur: si
enim morbus acutus extiterit, per minores circuitus fit natu-
ræ motus; idèst singulis quaternarijs, cum morbus acutus cele-
ritèr ad statum percurrat; vt Gal. 2. aphorism. comment. 13. si
deindè morbus acutus ex decidentia sit, per maiores circui-
tus, hoc est per septenarios fiet naturæ motus; quia huiusmo-
di morbi tardius moventur: si denique diuturnus morbus fue-
rit, per maximos periodos naturæ motus elucescet; vt Gal. 3.
prognosticor. comment. 1. his verbis: *Optimum enim est, per
differentias in morbis à tempore ductas, tantum earum, existi-
mare esse numerum, quanta decretoriorum circuitio habe-
tur, ut brevissimus quidem, primo circumscribatur quaterna-
rio, postea verò his qui secundo, tum qui tertio, deindè, qui quar-*

518 **EXPOSITIO DE CRISIBVS.**

19. mox qui quinto, ac demum qui sexto, qui quaternarius in diem 20. devenit, post 20. aboleatur, ita ut per 20. dies, morborum terminationes fiant, postea tandem ad mensium numerum deveniant.

Ex quibus Gal. verbis inferitur, quod tot sunt periodorum, & circuituum differentiarum, quot morborum ex tempore differentiarum desumptarum, nam si morbus exacte peracutus est, minori periodo, ut primo quaternario, videlicet quarto die iudicatur: si vero peracutus in secundo quaternario, ut die septimo, si tandem exacte acutus, tertio quaternario, ut undecimo die, aut quarto quaternario, hoc est decimo quarto terminatur: si vero interruptam acutiem obtineat, quinto, aut sexto quaternario, id est decimo septimo, aut vigesimo iudicatur: si demum morbus ex decidentia fuerit acutus, cum iam circuitus quaternarij aboleantur, per maiores, ut septenarios iudicabitur, ut vigesimo septimo, trigesimo quarto, & quadragesimo; hoc est de septimo in septimum diem, quod docuit Gal. 1. de crisis cap. 18. postquam historiam illius preuritici ex Hyppoc. proponit, dum inquit, decimo septimo spuisse pauca, sed cocta. Præterea scribit posse fieri, ut aliquando secundo die crisis contingat, minimè tamèn perfecta, eo quod dies indices primi, non eandem vim, quemadmodum posteriores, nec primi decretorij, quemadmodum ultimi sint, ubi dierum decretoriorum vim sensim aboleri, cum morbi protrahantur, sive longiores fiant demonstrat.

(*)



CAPUT VIII.

DE NATURA DIFFERENTIIS,

& causis sudoris critici.

VENERANDVS quidem Hyp. in sententia superius allata prædixit, *sudores febricitantibus, si inciperint, &c.* Pro cuius veritate sententiæ, prius de natura, differentiis, causis, & signis sudoris critici, de quo præcipue agit Hyppoc. disputandum offertur; sudor autem, vel effluuium vaporosæ substantiæ per cutem, triplex in homine contingit; vel intra sanitatis limites, qui naturalis nominatur, vel in morbis, natura dominante, vincente, humoremque morbificum sub forma sudoris *pellente*, qui criticus appellatur; vel vi, & irritamine morbi subsequitur, quasi illius symptoma, qui propriè sudor symptomaticus appellatur: de naturali, actionibus, à quibus dependet, causisque concurrentibus, primo loquendum, vt cognitis debitis sudoris naturalis conditionibus, & quæ critici, & symptomatici requisita sunt, valeamus cognoscere.

Sudor ergo vt sic, & genericè, relictis definitionibus, Hypp. libro de morbis, num. 18. ac libro de locis, aquis, & aëre, vbi sudoris naturam in substantia tenui ad cutim delata collocat, ommissio Theophrasto libro de sudoribus, Arist. 2. problematum quarto, Avicenna lib. 2. Fernelio 6. pathologiæ cap. 6. Mercuriali libro de sudore, Altimaro libro de sedimento, Marcello Donato, Mercato, Paracelso, ac aliis quam plurimis, genericè inquam sudor, nihil est aliud, quam *effluuium sensibile humida substantiæ per porositates cutis extra errumpentis*. Probaturque huiusmodi expositio; effluuium enim,

genericam dicit rationem cuiuslibet substantiæ, quæ corpore effluit, (*sensibile*) excludit effluuium insensibilis substantiæ, vel sordium, *humidæ substantiæ*, materiale causam cuiuslibet sudoris, specifica que humida debet esse, ut media sensatione, per corporis poros posset permeare, *per porositates cutis extra erumpentis*, intelligitur ratio formalis sudoris: non dum enim est sudor, nisi per porositates evacuetur, nec si extra non erumpat, nomen sudoris merebitur.

Sudor igitur naturalis, nihil est aliud, quam *effluuium sensibile vaporosæ substantiæ*, ex humidis quibuslibet corporis partibus, ac humoribus, vi naturalis caloris, loci motu eleuati, ac frigore densati, effluens per cutis porositates: ad quem sudorem quatuor actiones requiruntur, quarum prima, est admodum copiosa evaporatio, quod constat, ex Hyppoc. & Gal. superius, cum ex sudore, corpus plurimo, uti cibo asserant: ergo quia sudor plurimam materiam vaporum ex qua fiat, exigit: præterea, quia ut per omnes corporis partes fiat, non exigua, sed copiosa erit necessaria materia: tum & etiam, quia ut sudor accidat, vaporum concretionem expostulat: at qui ista, sine multa copia, vaporum fieri non potest: ergo ad sudorem copiosa evaporatio materiæ requiritur. Minor ex Aristot. constat 2. de generatione tex. 27. ubi pro vno pugillo aquæ, petit decem aeris: ergo sudor, qui ex vaporibus concretionem media fit, ad istam, magna illorum copia indigebit.

Secunda verò actio, quæ ad sudorem prærequiritur est vaporum propulsio confertim per vasa, ad tertiam usque regionem facta, & probatur, ex Gal. lib. de tremore, & rigore cap. 6. ubi ait: *Calorem humorem aliquem confertim effundere, quem sudorem vocamus*: ratione similiter, probatur, sudor enim ex vapore non fit, donec vapor concreseat: atqui non concrecit, nisi confertim feratur: nam si paulatim moveretur, potius sine concretionem resolveretur: ergo ad sudorem prærequiritur vaporis propulsio confertim facta,

quæ

¶ DIEBUS DECRETORIIS, 521

quæ secunda nuncupatur actio ad sudorem producendum.

Tertia ex dictis actio ad sudorem necessaria, satis colligitur, quæ nihil est aliud, quam dicta vaporis concretio in tertia regione: constat ex Hyppoc. lib. de flatibus numer. 91. tum & etiam, ex Gal. 3. de symptomatum causis capit. 2. deinde quia vapor, ad tertiam usque regionem sub vaporis forma ascendit: ergo ut in sudorem convertatur, debet in sudorem, tertia in regione, concrelescere; ac proinde huiusmodi vaporis concretio, tertia erit actio ad sudorem necessaria, veluti quarta concretio iam vaporis, ultima per porositates cutis propulsio: & probatur; nam sudor, ab insensibili evacuatione per habitum, ideò differt, quia sudor evacuatio est sensibilis per cutem; atqui si non fieret vaporis concretio extra cutem propulsio, non esset sensibilis evacuatio: ergo ut fiat sensibilis, talis actio prærequiritur.

Nec valet si quis obiciat, quod vni termino, vna tantum, debetur actio; atqui sudor vna est substantia, & vnicus terminus suæ actionis productivæ: ergo actio illius productiva, vnica, & non multiplex erit. Cui faciliè dicendo satisfactio, quod argumentum tantum probat de actione productiva sudoris in esse entis; non verò de reliquis actionibus, quibus in esse talis entis indiget: sudor enim substantivè est aqua, per actionemque substantialem producta, dicitur tamen sudor, quatenus in corpore nostro generatur, ab illius calore prius vapores elevante, deinde concretione superveniente; ut extra sub aquæ forma pellatur, quæ conditiones, etsi ad productionem sudoris in esse entis, non requirantur, bene tamen in esse talis entis, nempe sudoris, qui sub tali respectu alias accidentales differentias, & conditiones supra aquæ entitatem addit, quæ in primo sui esse, per unicam actionem substantialem fuit terminata, alias enim omnis vapor sudor diceretur, quod valde veritati dissonat.

Qui.

Quibus ad sudorem conficiendum actionibus adaptatis, materia pro sudore apta genericè est supponenda, quæ nihil est aliud, quam humida substantia intra corpus reperi-
ta, ut constat ex Hyppoc. 4. de morbis numer. 249. ubi ait: *Incalescente corpore, per hoc, aquosum, quod est febrim maxime infensum præcipue exhalat; relinquitur verò pingue, & leve, quod est biliosum, & præcipuum febris alimentum, ad hunc autem modum exhalat non secus; ac si quis affusa in vas gneum aqua, & oleo, ligna multa diutius succendat, aqua certe longè parcior, cum ex vase exaleat futura est, oleum autem coherens, & densum, extenuari nequit, neque sicut aqua exalare; ita sanè, & in homine se res habet, incalescente namque corpore aqua foras exhalat; quod verò est biliosum, cum coherens, & densum sit (nec similiter extenuatur,) nec exhalat.*

Probatur præterea ratione vapor enim debet fieri ex materia sibi magis affini, atque in modo substantiæ simili, atqui aquea materia, est illi magis similis, cum solum differant inter se in forma accidentali, sive secundum rarum, aut densum, eo quod vapor aqua rara, sudor verò aqua densa, vel concreta sit: ergo quæcumque materia aquea, causa materialis pro vaporum, tandemque sudoris generatione aptior erit.

Notandum tamen est, quod comodior intra corpus materia pro sudoris evaporatione, humor serosus, ac substantia potulenta reperitur. Prima pars, ex Gal. 1. de simpli. medica, facul. cap. 10. patet, ubi docet, sudorem iuxta mensuram potius subsequi; deinde experientia compertum est, cum in æstate aqua copiosè superbibita, breviter etiam copiosus sudor subsequatur.

Præterea, quia ex nimio sudore sitis evenit: ergo quia potulenta substantia assumpta deficit; deinde, quia ut dixi, aquea materia pro sudore est aptior, atqui nulla magis aquea, quam potulenta: ergo ista pro vaporis, & sudoris materia commodior;

dior. Secunda verò pars, nimirum de sero, quod sit magis proportionata materia, constat ex Gal. cum yna, & eadem materia sudoris, & urinae sit: tum etiam, nam serum valdè cum substantia potulenta convenit, ipsaque similior, magisque apta reliquis, pro vaporis elevatione, adest: ergo potulenta substantia, humorumque serum perfectius ad materiam sudorificam conducunt.

Licet verum sit, quod etiam humorum substantia, corporis humiditatis, & quævis humida pars vivens, sint apta materia in corpore, ut vapor pro sudore generetur; nam cum ex sero commixto, vapor, ex humore simul, cui miscetur, fiat vaporis elevatio, propterea valebunt ad materiam sudorificam conducere, ut in sudoribus criticis constat; quia omnis morbificus humor pluries per sudorem excernitur: ergo substantia humoralis idonea etiam erit materia ad sudorem gignendum: nec minus currit ratio de quatuor corporis humiditatibus, in quas humores moventur, ac simul de humida vivente substantia, cum hæc omnia pro vaporis generatione valeant materiam præstare, ut à potentiore calore, attenuata, & rarefata evaporentur.

Exposita iam sudoris essentia, actionibus, quibus terminatur, materiaque aptiori ex qua elevatur, illius causa demonstranda expedit, quæ nihil aliud est, quam calor validus, & robustus, proportionem ad materialem causam. Probaturque ex Hyppoc. 1. de morbis num. 239. *Incalescente namque corpore aqua foras exhalat.* Tum similiter libro de locis aëre, & aquis: *A sole sudor elicitur.* Probatur etiam ratione: nam vapor, inducta raritate, & levitate, circa materiam aqueam, producitursed raritas, & levitas, secundæ sunt qualitates, quæ calorem subsequuntur: ergo vaporis causa, necessariò est calor intensus, ut copiosorem vaporem, progignendo sudore posset efficere, qui quidem sudor, nullatenus à tali vapore in esse formæ substantialis differt: nam ad formam semel amif-

§ 24 EXPOSITIO DE CRISIBVS,

iam non datur regressus, atqui à vapore in aquam, naturali-
ter regressus reperitur, ablato extrinseco calefaciente: ergo
quia vapor, & sudor forma substantiali, non dissentiunt.

Ex quibus facile potest colligi, quod sudor naturalis de quo
locutum est, maximam viventi vtilitatem confert; nam om-
nis actio, qua excrementa, per vias in hunc finem destinatas,
in statu naturali excernuntur, est viventi utilis; sed ebapora-
tio, quæ sudorem naturalem præcedit, fit per vias à natura
destinatas, pro illius evacuatione, & à facultate naturali de-
bitè opperante, vt Hyppo. 3. epidemiorum sectione 3. cõm.
41. *Interdum expurgante natura, sudores excernuntur:* ergo
quia talis sudor magnum viventi commodum inducit, præte-
rea quia evacuationes, quas expellendo natura consequitur,
homini sunt salubres, atqui vaporum expulsio, à facultate
expultrice intenditur, & perficitur: ergo quia talis sudor in-
commodum viventis fit.

Postquam tamen vapor, iam in poris tertiæ regionis den-
satur, formamque sudoris acquirit, sub qua tandem extra per
corporis partes, per cutimque truditur, vbi adest mobile
veluti sudor, viæ per quas motus perficitur, vt sunt porosita-
tes, finis tandem, vt substantia iam innutilis extra corpus pel-
latur; nunc iam de causa, aqua maior difficultas occurrit; nam
quamvis antecederet moveatur, magna ex parte ab insita
raritate, & lævitate, postquam iam ipsam amiserit vapor,
dum in aquæ formam mutatur, motiva restat facultas, qua
pellitur, examinanda, quæ nulla alia est, quam facultas expul-
trix vegetativa, postea verò à propria forma, media gravi-
tate deorsum fertur, primaque pars patet, nam sudor iam est
factus, vt obiectum innutile facultatis vegetativæ expultrici,
ac intra illius spheram activitatis reperitur: ergo pellitur ab
ea; secunda uerò pars constat, quia dum est citra talem sphe-
ram facultatis, sudor solum habet propriam gravitatem,
aqua moveatur: ergo per se ipsum medio pondere movetur,
cum iam extra porositates sit delatus.

Cri.

DE DIEBUS DECRETORIIS. 525

Criticus verò sudor, appellatur ille, qui media crisi evenit, duplex quidem est; alter qui ad melius, vel ad salutem; alter verò ad peius, vel ad mortem ægram deducit, iste quidem symptomaticus, ille verò criticus, & salutaris nuncupatur, mediamque naturam, inter omnino naturalem, & symptomaticum retinet: & probatur; nam huiusmodi sudor, partim à causa naturali, partimque à præternaturali fit: ergo quia est medius: deinde quia ex parte caloris efficientis, datur causa febrilis præternaturam; ex parteque materiæ, causa morbifica materialis adest; ex parte verò finis, datur sanitas ob quam naturalis facultas, ad operandum in surgit: ergo quia talis criticus sudor, mediam naturam inter illam qui à causa naturali procedit, & eum qui à sola causa præternaturam fit, habet.

Neque in præsentī, etsi occurrat, dubitatio proponitur (nisi brevissimè) utrum sudor sanguineus, naturalis sit possibile, ut Theophrastus, Rasicelus, Vincentius Moles lib. de Philosophia Corporis Christi, Mercurialis, Fernelius, Bravo, & alij, quam plurimi fatentur sanguineum sudorem, naturaliter evenire posse, ut sanguineus Christi Domini sudor, qui si ne miraculo supervenit, & probatur; nam sanguineus sudor Christi, secundum Patrum opinionem, ad ostendendam humanæ naturæ veritatem contigit, quam, si esset miraculosus, non demonstraret; quia licet illius sanguis temperatissimus esset, cum tamen Christus Dominus tam intensè vividus in ætate iuvenili, omnium totius orbis pulcherrimus, & amabilissimus existeret, tantam luctum sustinuit, tantaque vi, ipsam sensitivam naturam, in horribiles crutiatu consentire coegit, ut præ immodico labore, ex omnibus illius tenerimis membris, ac delicatulis partibus, cruentus sudor etiam periret.

Probatur præterea; nam quæ sine miraculo plurimi accidisse viderunt, eadem si in Christo Domino contingant, n-

erit dicendum esse miraculosas atque sanguineus sudor, à pluribus fuit visus naturaliter exire: ergo ita in Christo Domino sine miraculo evenire fatendum erit. Minor propositio per plurimos authores, serosum sanguinē per sudorem fatētes constat, Gaspar quidem Bravo, se etiam vidisse testatur, in Excelentissimo Domino Commite de Niebla, primogenito Excelentissimi Domini Ducis Medinæ Sydoniæ, qui cum æstivo tēpore se nimis in usu pillæ exercuisset, nimiaque anxius æstuatione, potionem frigidā assumpsit, ac sanguineum sudorem pertulit: ergo non aliter fatendum est, in Christo Domino nostro absque miraculo sanguineum sudorem evenisse: nam, etsi in eo non fuissent aquositas, aliæque causæ, quæ communiter sanguinem attenuant: vehementissimæ tamen passiones animæ, quibus spiritus cōmoti, & calefacti, attenuanturque fuere, ut sanguineus sudor subsequi potuisset, adfuerūt præsertim cum præ agonia vires languidæ admodum fuissent redditæ, quibus deficientibus, sanguis retineri nō valuit.

Quibus sic iactis, apperendum venit, quæ prærequisitæ sudoris critici conditiones sint, quarum prima est, quod fiat die decretorio; secunda, quod signa cōtionis indice præcedant: tertia, quod sudor moderatē copiosus accidat: prima conditio probatur ex Hyppoc. i. prognost. text. 36. *Sudores optimi sunt, si fiunt in die iudicatorie.* Tum & etiam ex præsentī sententia, ubi dies decretorios, in quibus sudores boni debent fieri, enumerat: tum in epidemiis, ubi exponit, quod Epicratis vxor sudavit die 11. de Methone loquitur, qui sudavit die 5. mulier in Thaso tertia die sudavit, aliique quam plurimi, qui perfectē iudicati mansere.

Confirmatur ulterius idem, in epidemiis, ex Hypp. exemplo eorum, qui diebus non criticis sudarunt, quod vel fuit iudicium ad mortem, vel recidivam factum, ut inquit de Phyliso, & erasino, qui i. die sudarunt, atque perierunt: adolescens, qui in foro mendatium vitam agebat, secunda die

DIEBUS DECRETORIIS. 327

sudavit, & obiit, quemadmodum Silenus, qui sexto die sudavit undecima die fuit mortuus: ergo ut sudor salubris sit, die quidem decretorio accidere debet. Secunda verò conditio, præcedentibus nimirum coctionis signis: probatur ex Hyppoc. 1. epidemior. super allato, *coctiones celeritatem iudicij*, &c. Præterea, quia tunc salubris crisis accidit, cum per eam materia inutilis ab utili secreta evacuatur; sed talis separatio fit media coctione: ergo talis coctio pro sudore critico requiritur.

Nec valet si obijcias; cum signis coctionis morbus valet esse lethalis, ex Avicenna lib. 4. Fen. 1. cap. de febre pestilente: ergo pro salutari sudore, coctio nihil conducit. Cui est satisfaciendum dicendo, ut supra tetigi, quod signa coctionis in lotio, alia sunt vera, & perfecta, quæ ad sudorem criticum sunt necessaria, alia verò infida, & imperfecta, seu similia, & apparentia, quæ nullam securitatem ostendunt, ut ex Gal. 3. de præfagatione ex pulsib. cap. 3. asserente: *Sane videatur, quibusdam perplexa, & incognita, si quando nec differentia ulla pulsuum à naturali statu deficiat, & se ipse ægrotus febrem non dicat percipere, & ut rem difficiliorem faciam, ne ex urina quidem petere in huiusmodi affectibus firmam notitiam semper licet; sed est etiam ferè anceps, colore, & sedimento similis naturali; sexcentos tales in pestilentia diuturna conspeximus, ubi Medicos cerneret nullo præstantiores plebe; imò verò imperitiores.* Ex quibus Gal. verbis clarescit, de quibus coctionis signis intelligendum sit, dum prædictis coctionis signa ad sudorem criticum requiri asserimus.

CAPVT IX.

DE NATVRA, DIFFERENTIIS,

& causis sudoris symphomatici.

PROVT natura morbos vincente, criticus sudor super-
venire solet; idem verò & contra, vincente morbo sudor
symphomaticus evenit, qui à naturali, & critico, in modo,
causis, & accidentibus differt, eo quod sudoris differentie
symphomatici, à modo substantiæ, quãtitate, qualitate, rela-
tione, situ, habitu, actione, aut passione sumuntur. Perpendi-
tur quidem symphomaticus sudor in modo substantiæ, prop-
ter crassitiem, visciditatem, lentorem, limositatem, tenuita-
tem, fluxibilitatem, subtilitatem, &c. quæ, etsi qualitates se-
cundæ sint; modum tamen substantiæ in sudore variant, me-
dio quo in debita consistentia à critico sudore discrimina-
tur.

Sudor igitur symphomaticus ex modo substantiæ sum-
ptus, alius crassus, alius verò tenuis nuncupatur, vt Gal. 1. me-
thodi, cap. 13. qui crassus est, ob leniorem talis appellatur, eo
quod ad motum est ineptus; qui verò tenuis, ac fluxilis est,
propter leviores, rarioreque partes, quas acquirit: uterque
etenim crassior, vel tenuior sudor symphomaticus ratione
materiæ ex qua fit: Succus quidem crassus, vel à nimia caliditate,
vel frigidity tenuis verò ab eisdem aliter moderatis prove-
nit. Vt ex Gal. textu 2. prognosticorum, comment. 38. *Quia
etiam sinceri humores crassiores existunt; pituitosus quidem
propter frigiditatem, quasi concretus; biliosus verò propter
exuberantiam caloris, evaporatus, & tamquam assatus.* Præ-
terea, quod à nimio calore tenues sudores fiant, ex ichoribus

DE DIEBUS DECRETORIIS. 329

in febribus ardentibus repertis patet; ex quibus plerumque sudores accidunt, veluti à frigiditate ex caloris defectu, dum vires dilabuntur, aquositates gignuntur, à quibus sudor tenuis, ut in hydropicis experimur evenire.

Quia tamen lymphomatus sudor, quantitatis ratione perpenditur, qui alius multus, alius verò paucus dicitur: multus, vel in copia, vel in tempore, vel utreque nuncupatur, cuius causæ diversæ adesse valent, ut calor excedens, habitus raritas, virium calus, vel materiæ tenuitas, ut ex Gal. 3. de causis lymphomatum, cap. 2. constat, ubi sudorem multum, vel propter materiæ copiam, vel tenuitatem fieri demonstrat, tum etiam secundo prognosticorum, textu 6. propter imbecillitatem virium evenire docet. Confirmaturque ratio: nam à causis impropotionalibus, & disidentibus naturalibus, sudor multus producitur; sed naturalis fit ex materia moderata calore illi debito, & proportionato, ac viribus debitis, cuiusque naturali raritate: ergo ab his causis inmodicè excedentibus, immoderatus sudor fit. Præterea, quia in febribus malignis, hecticis, syncoposis, in animi deliquio cum vires omnino labuntur, fit sudor multus, & immodicus, quia materia utilis præ debilitate retentricis nequit retineri, ut Gal. 7. epid. sect. 3. comment. 34. lib. 10. method. cap. ult. lib. 1. de differentiis febrium, cap. 8. exponit.

Paucus similiter, ac imminutus sudor, à contrariis causis originem ducit: primò enim præ materiæ paucitate, ut in atrophia, magna etiam præcedente inedia, eo quod absorpta est materia ex qua non aliter, secunda pauci sudoris causa, est obstructio pororum; oppressis enim poris, aut ductibus extremis obturatis, multam sudoris copiam exire est impossibile, ut in obesibus præ adipis copia, oclusis prædictis meatibus, paucus sudor evenit. Tertia deinde sudoris pauci causa debilitas est caloris, veluti copiosi robur, nam ita se habet remissus calor ad vaporem exiguum elevandum, ac intensus ad copio-

pio-

530 *EXPOSITIO DE CRISIBVS,*

piofum; atqui ob calorem intensum multus elevatur vapor, multusque sudor progignitur: ergo ita pariter dum calor est remissus, paucus vapor elevabitur, exiguusque sudor inducetur: quia igitur robur, vel debilitas facultatum, languorem, vel robur nativi caloris insequuntur, habita ratione ad illum, facultates languidæ, vel validæ, diversimodè ad sudoris paucitatem, vel copiam concurrent.

Nec minus symptomaticus sudor, habita ratione ad qualitatem inspicendus est, cum pro diversa qualitatis specie, sudores specie diversi desumantur, ut sudores calidi, vel frigidi, nam calidi, à causis, tum per se, tum ex accidenti operantibus, proveniunt, ut à motu, ab aëre calido, sole, igne, stuphis, arena calida, valneis, inundatione, aliisque similibus: ab internis verò, eo quod nativum calidum aduatum reddunt, vel quia calidos gignunt humores, ut Hyppoc. 3. epidemiorum, comment. 3. text. 28. de muliere in Thaso febre ardente correpta; de virgine Lariseæ in menone, in vxore Epicratis, qui acutis febribus ex calidis humoribus affecti, potius sudore calido terminati fuere.

Ex quibus inferitur, quod ab una, eademque causa, diversi effectus, & contrarij, si alter per se, alius verò per accidens producat, valent oriri. Quod probatur, nam sudor calidus, à calore per se, frigidus verò ab eodem per accidens nascitur, quatenus ab eo, ut immodico, valdèque intenso, resolutione, ac dissipatione influentis, atque insiti caloris fit, vnde frigiditas, sudorque frigidus subsequitur; quam operandi contrarietatem, Hyppoc. in thetano præscripsit, ubi aquæ frigidæ suffusione duplicem contrarium effectum ostendit, cum ab aqua per accidens calor, frigiditas verò per se producat; ob enim densitatem, obturationemque pororum intromissus per antiparistasim calor, ut hyeme, robustiorque redditus, eo quod virtus magis unita, affectum frigidum, ut thetanum valuit profligare; quare affectus frigidus per se, & immediate à

& DIEBUS DECRETORIIS. 531

calore, mediatè verò, & per accidens à frigiditate externa
aqua calorem nativum intrò pellente, fuit curatus. Tum
etiam huiusmodi contrarij effectus in hydrope clarescunt,
cum aliquando frigida hepatis intemperies per accidens in-
ducatur à febre ardente, intensè calefaciente, per se verò à fri-
gidityte sequuta: ergo ex dictis patet, tam sudorè frigidum, quàm
calidū ab vna, eademque causa ortum ducere posse, cū vnus
effectus per se, alius verò per accidens progignatur.

Quibus perperpenſis, facilius quivis, natu-
rum ſudoris epitomen valebit deducere, cum ſudor in uni-
verſum ſit excrementum vaporoſum, ac humidum, partim in-
halitus ſpeciem inſenſibili tranſpiratu vacuatuni, partim vio-
lento motu cōfertur in aquæ ſpeciem per cutem erumpens,
cuius materia triplex valet eſſe, veluti portio tenuior ali-
menti tertiæ coctionis, illiusque ſeci, vel humorum ſerum, ſive pro-
prij alimenti, utrum ſingularum partium ſubſtantia ſuſa, &
liquata; ſudor quidem ex ægris natura emanans, vel humoris
morbifici, vel propriæ humiditatis partium, eſt ſobole; quarum
in laborantibus tria ſudoris genera ſunt perpendenda: pri-
mum quidem ab humoribus venarum, vel viſcerum, aut in
habitu corporis adſtantium, naſcitur; ſecundum ex liquatio-
ne, reſolutione ve proprij partium alimenti, vt hecicis, pro-
ximisque ad mortem evenit, qui diaphoreticus nuncupa-
tur.

Tertium verò sudoris genus ab expressione humidi nativij, atque alimentitij earundem partium, à dolore, ac spirituū agitatione facta dependet, qui propriè sudor per expressionem appellatur, cuiuslibet prædicti causa, potiùs humidus, quàm siccus calor per habitū corporis diffusus, prædictas fundens materias, media calefactione attenuans, cutemque laxans reperitur, consentientibus paralibus causis ex habitu corporis desumptis, & materia obedientiali reperta: inter hos quidem sudores, alijs vniuersalis, qui ex toto emanat, ut

632 *EXPOSITIO DE CRISIBVS,*

quando in pleuritide, phrenitide, dolore colico, aliisque mor-
bis particularibus, sudor à toto corpore defluit: particularis
verò sudor, solum materiam morbosam, in parte, aqua nas-
citur, vel actu adesse, vel adfuisse, vel futuram prænuntiat,
vel tandem qui citrà materiam morbosam, iuxta cervicem,
frontem, caput, vel thoracem reperitur, vt in morituris, mor-
bo acuto correptis, à virium solutione, retentriceque langu-
da facultate, solet evenire.

Alius præterea sudor, calidus, alius frigidus est: calidi præ-
stesse causæ, tam internæ, quam externæ manet: frigidus etc.
nimis temper aliquid prælagit; nam vel materiæ frigiditatem,
vel calidi nativi extinctionem denotat; quare in mitiori, be-
nigniorique febre, morbi longitudinem, propter causam mor-
bosam frigidam; in acuta verò præ summo virium languore,
nativique caloris extinctione, mortem minatur; proindeque
frigidus sudor, cum animi deliquio complicatus, potius ab
antiquis iudor, quam sudor appellatus, naturam exolutam
iam demonstrat, idè enim frigidus, quia partes corporis
extingunt, propter spirituum, sanguinisque iuxta cordetra-
ctionem, valde frigescunt.

Alius similiter sudor paucus, veluti alius multus adest, his
in sanis effusus præcedente somno, vel copiosum alimentum
assumptum, vel humorum copiam arguit; in laborantibus
verò morbo acuto, vel à copia, & humoris tenuitate, vel à
retentivis imbecillitate facultatis, vel ab immoderata habi-
tus raritate, aut partium liquatione, vel à valida expultrice,
vt in crisis, valet ortum ducere: paucus tandem sudor, aut
humorum paucitatem, materiæ cruditatem, lentorem, crassi-
tatem, vel meatuum densitatem, aut facultatis expultricis im-
becillitatem, retentivis ve robur significat.

Sudor deinde quoad sapores diversus, diversam pariter
significationem sortitur, cum alius salsus supramodum sit,
alius amarus, dulcis alius, insipidus alter: salsus quidem im-
modi-

DE DIEBUS DECRETORIIS. 533

modicè, sanguinem immoderatè adustum ab intenso calore præostendit, si amarus, bilis miscelam dominantis, quemadmodum dulcis, serum sanguineum, insipidus tādē, plus ichoris pituitæ, quam bilis redundantiam indicat; quare sudor naturalis exiguam falsuginem, ac amaritudinem debet obtinere; alter præterea pro qualitate perpenſus sudor mittis, ac suavis, vel acer, ac foetidus adest: cum foetidus, cacochimiam, humorumque putredinem intra venas existentium ostendit, veluti è contra sudor benè olens, laudabilem humorum temperiem significat: nec minus sudor respectu modi substantiæ. Alius tenuis, & aquosus, aliusque crassus, & viscidus adest, de quibus latius supra.

Sudor etenim omnis, tripliciter in febribus est animadvertendus: nam vel periodicus, vel symphomaticus, vel criticus accidit: periodicus in solis intermittētib, vel continuis complicatis, vt semitertiana, hemitritheos vocata, vehementer naturam resolvit, humorumque copiam, & contumaciam arguit; criticus verò salubris, ac laudabilis, dum coctionis signa antecedunt, critico decernente die, naturaque superante, ex toto corpore diffuens, cum febris, ac omnium symphomatum remissione florescit: symphomaticus tandem est duplex, à motu nimirum morbi alter, frustra tentata, atque irritata natura; alter verò peior à partium solidarum resolutione, viriumque imbecillitate, potius egrum ad necem, quam ad salubritatem reducit.

Quibus omnibus sudoris differentiis perpenſis, tam essentialibus, quam accidentalibus, tam quoad causas, quam dispositiones, quoad quantitatem, quam qualitates, sive primas, sive secundas, videlicet modum substantiæ, crassitiem, vel tenuitatem, quoad saporem, vel odorem, ac demum secundum motus, periodicos, criticos, vel symphomaticos, meritò unusquisque sufficienti luminis splendore, ad veram, genuinamque dubij decissionem iuxta sudores, de quibus agit, Hyppoc. in

sentent. 36. accedere valebit, cum in prædicto oraculo asserat: *Sudores febricitantibus boni, die tertio, quinto, &c.* cum potius die critico, siue diebus decernentibus superveniant.

In hac quidem sententiâ, nullam Hyppoc. mentionem primi, secundique diei efficit, eo quod re vera, primus, & secundus dies decretorij non sunt: si verò in communi significatione, pro qualibet morbi solutione crisin intelligamus, iam decernentes, latè valebunt appellari febris enim diaria, quæ vnicla clauditur accessione, spatioque viginti quatuor horarum, solet perdurare, primo, aut secundo die solvitur, sicque crisis, sine vlllo certamine, ac pugna, morbi solutionem significat. In quo sensu huiusmodi dies decretorij nūcupantur, in sensu tamen proprio, & riguroso, vt supra dixi, nequaquam naturam decernentem obtinebunt, cum nullus morbus primo, aut secundo die, concurrente certamine inter naturam, & causam morificam iudicari valeat.

Licet aliqui tamen in contrarium Hyppoc. testimonium, i. epidemior. part. 3. sentent. 14. adducant, vbi agens de diebus decretoriis, sic ait: *Circuituum verò, qui iudicatur, in imparibus diebus, primus, tertius, quintus, &c.* Ergo ex Hyppoc. sententiâ, primus dies decretorius erit. Cui satisfatio dicendo, Hyppoc. in prædicto loco, primum diem decretorium esse, non iudicasse, sed solum docuisse, tertium diem, primum circuitum decretorium constituisse, quasi dixisset, circuitus qui in imparibus diebus iudicatur, primus, idest, primus circuitus est tertius dies, vt idem Gal. in comment. prædictæ sententiæ roborat.

Neque obstat, si quis aliud testimonium, ex Hyppoc. i. prognosticorum, sentent. 4. adferat, vbi agens de facie laborantis, inquit: *Ægros, in quibus huiusmodi facies apparet, primo die iudicari.* Cui respondeo, quod ly iudicari, idem significat, quasi cognosci, veluti si Hyppoc. asserat, primo die, hoc est, die, & nocte posse cognosci, an huiusmodi facies fiat à

causa

DE DIEBUS DECRETORIIS. 535

causa interna, vel externa immutata: minusque obstat Gal.
1. de crisibus, cap. 3. & 4. referens; morbos quosdam esse, qui
prima accessione, primoque die ad summum vigorem per-
venire valent: ergo quia primo die possunt iudicari, cum cri-
sis optima, perfecta que in statu fieri debeat; ac per conse-
quens primus dies decretorius erit: non inquam vrget autho-
ritas; crisis enim nulla ratione, sine certamine, atque pugna
naturæ cum ipso morbo, potest evenire, & quemadmodum
luctatores corporis firmitudine, viriumque robore, debent
esse propriè æquales, vt inter eos dimicatio valeat reperiri:
ita pariter inter naturam, & morbum, aliqua virium æquali-
tas ad aggrediendam pugnam requiritur: si enim alter eo-
rum, multo valentior adsit, sine tali dimicatione, qui robustior
extiterit, superabit, vt in morte citra crisim, dum in totum na-
tura languida, morbus verò validus, & supra vires vhe-
hemens reperitur.

Ex quibus autoritas Gal. solvitur; nam si febres, quæ pri-
mo die ad statum perveniunt, sint putridæ: hæ tamen crisi,
non solvuntur: Leves enim morbi, ac ex levi putredine nati,
ita facilè à natura sine certamine devincuntur, vt sine crisi
solvantur; & è contra, si natura primo die, ita deiecta, prop-
ter morbosum apparatus, rationeque mali moris morbi ad-
sit, vt statim prima die, ad vigorem, sive statum perveniat;
ly status morbi ad mortem terminati, potius terminatio
sine crisi erit, eo quod sine pugna præmagnitudine,
vehementia, & robore morbi evenit; ac proinde,
prima, nec secunda die, nulla crisis contin-

gere valebit; veluti tertio, & reli-

quis ab Hyp. anaumeratis, de

quorum vi decernendi,

iam venit agen-

dum.

CAPVT X.

DE VI, ET QUOMODO DIES
proprie decretorij iudicentur.

TERTIVS igitur dies, de quo Magister in sentent. 36. incipit, primus est ordine, ex diebus imparibus, vt Hyppoc. i. epidemior. part. 3. sentent. 4. dum dies decretorios, impares enumerat, primum quidem locum tertio diei exhibet, idem tertio prognosticorum, sentent. 2. firmat, dum ait: *Mitissime febres, & securissimi signis firmate, quarto die, acutius finiuntur*, quasi diceret quarto die, aut tertio iudicantur, vt Gal. in comment. *Nam infra quantum, nullus alius praeter tertium decretorius est.* Notandum tamen expedit diem tertium potius, motus humoris ratione, esse decretorium, cum morbi acutissimi ex bilioffa, & calidissima materia orientes, semper de tertio in tertium moveantur, proptereaque, cum crisis accessions die fiat, violentia, sive vehementia accessions evenit, vt ante tempus crisin, quae quarta die futura erat, tertius sibi dies arripiat, sicque huiusce modi dies ratione motus humoris, criticus possit appellari, licet rigorose tertius, primus sit ex intercidentibus, & imparibus.

Dies verò quartus primum ex verè decretoriis locum obtinet, de quo passim Authores alloquuntur, eo quod quartus, primum circuitum claudit, & septimanam dividit, & cum dies, qui septimanas dividunt, ac finiunt, verè decretorij sint, idem quartus verè decretorius erit, vt Gal. aphorism. 4. comment. 36. idem etiam 3. prognosticorum, vt diximus: *Febres mitissimas quarto die terminari*, est etiam primus ex diebus paribus, vt Hyppoc. i. epidemiorum, part. 3. sentent. 4. Quartum etiam.

§ DIEBUS DECRETORIIS. 537

etiam inter dies pares, vt primum enumerat, est præterea, index septimi, maiorem enim indicandi vim, quam decernendi obtinet: vt Hyppoc. 2. aphorism. sentent. 24. *Septimum quartus est index.* Et 4. aphorism. sentent. 71. Gal. similiter. 1. de diebus decretoriis, cap. 11. Quartum ex sua natura indicem esse inquit, vt qualis nam sit futurus dies septimus præfagiat, libro etiam prorrepticorum, comment. 1. ait: *Atque ita si optima appareant signa quarto die, crisis septimo die optima erit, & ad salutem si autem nõ optima, crisis in septimo die mala erit, & ad mortem.*

Quartus pariter dies, sexti erit index, vt Gal. 1. de diebus decretoriis, cap. 5. non quidem ex sua natura, sicut septimi, sed quia ratione illius, Medicus præcognoscit, cum in quo mala signa apparent, morbusque celeriter movetur, ac æger viribus languescat, & præsertim si diebus paribus exacerbetur; tunc quidem Medicus prius ægrum murituum percipiet, quam morbum in longum tempus protrahendum, neque ad septimum peruenturum, sicque sexto die Phylisus obiit, 1. epidemior. part. 3. sentent. 18. cum accessiones diebus paribus moverentur, & quarto die signum lethale habuerit; quod verò in quarto die iudicia eveniant, testatur Euchrides, tertio epidemiorum, par. 3. sentent. 77. qui febre acutissima correptus, die quarto circa meridiem calidum per totum corpus fudit, ac sine febre iudicatus est, & quamvis quartus decretorius sit, rariores tamen crises in eo contingunt, vt Gal. 3. de crilibus cap. 4. sic ait: *Raro accidit, vt in quarto die fiat crisis, vt videatur vix tantum Archigenes, in toto tempore vite sue id observasse.*

Vtuti dies tertius decretorius est, & primus de numero intercidentium, non aliter est quintus, ambo enim de morbis decernunt, non tamen ex propria natura, ac verè decretorij sunt, sed ratione potius accessionum, & quia quarto die, qui verè est decretorius, sunt proximi, vt Gal. 3. de dieb⁹ decreto-

riis.

riis, cap. 8. crisis accessione plurimum indiget; tum etiam, quoniam morbi acuti frequentius per dies impares moventur, propterea fit, ut tertius, & quintus merito valeant decernere, propter accessionum vehementiam; ideoque pluries dies tertius, crismus, quæ futura erat quarto, prorritat, & pervertit; quando verò in morbis, qui paulò tardiorum motum obtinent, natura languida, & defessa quiescit, ita ut nec suscitata, neque irritata sit; proinde, crisis, quæ quarto die vettura erat, ad quintum potius protrahitur, cum in quinto accessio, sive exacerbatio contingat, cui assentit Gal. 3. de crisis, cap. 4. asserens: *Ex morbi autem motu te sperasse oportet, quod crisis, vel tertio die fiat, vel quarto die, vel quinto; nam si motus celer sit, in tertio, si quodam modo tardus in quinto: verò febris synochus in quarto.* Natura quidem duplici modo ad crismum efficiendam movetur, nam vel ordinatè movetur, & certis periodis, ut dum crisis verè decretoriis diebus accidit, vel movetur natura irritata, & valde stimulat, tumque fiunt crises in diebus intercidentibus, ut tertio, vel quinto primæ septimanæ, ut 1. epidemiorum, part. 3. sentent. 24. Methon quinto die ad salutem fuit iudicatus, 3. epidemiorum, part. 2. sententia 1. Phylistes quinto die mane defunctus apparuit.

Sextus præterea dies exponendus subsequitur, cū igitur tribus modis iudicatio contingat, vel natura nimirum vincente, quæ omnino salutaris est, septimo, decimo quarto, vel 20. die semper accidit; secundo verò modo ab humoris subtilitate, acutæ, & naturam concitantis, iudicatio evenit, quæ plerumque in diebus intercalaribus apparet 3. tandem modo fit iudicatio, cum morbus adeò vehemens, & perniciosus est, ut vires omnino decumbere cogat, opprimat, ac in totum virtutem naturæ debastet, qua ratione die 6. aut octavo, decimo, 12. vel 16. talis iudicatio solet evenire, perniciofa tamen, prorsusque exitialis; nam ita 6. dies pravè iudicat, ut meritò Gal. ipsum tirano æquiparet cum perniciæ illius, ac laborantis

DE DIEBUS DECRETORIIS. 539

antis lethalitate, quem iudicandum suscepit, maleque ita ægrum pertractat, ut tirani munus efficiat, nam si ægrum non interficiat, bona tamen surripit, percutit ipsum veluti tiranus, & vulnerat. Est itaque sextus dies septimo contrarius, raro in eo crisis accidit, quæ non sit, maxima cum symptomatum difficultate, nonque mediocri periculo; quemadmodum enim die septimo plures perfectissimæ crises. Sic sexto imperfectissimæ, & ad mortem accidunt.

Si ergo quarto die prava signa videantur, quamvis septimo iudicium possit prævire, sextus tamen dies crisin septimi præoccupat; si verò quarto die laudabilia signa appareant, & in sexto crisis videatur, tuta quidem, & fida nequam est; potius enim recidibam minatur. Merito quidem malignam huius diei viam scribit Gal. 1. de diebus decretoriis capit. 4. tum & etiam pater 1. epidemiorum part. 3. sentent. 8. ubi Phitiseus 6. die obiit, Dronoade vxor, quæ filiam peperit, sexto die subito mortua est. Primo etiam epidemiorum part. 3. sentent. 20. tum similiter Hyppoc. 4. apho. sent. 29. idem firmat asserens: *Quibus febricitantibus sexta die rigores eueniunt, difficile iudicant.* Et quamvis crisis sexta die non accidat, si tamen tali die mutatio impeius fiat, difficile similiter iudicium sequitur, idèdque hermocrates tertio epidemiorum part. 1. sentent. 5. cum sexta die iterum habuerit vigesima septima die defunctus est, Heurianactis filia, 3. epidemior. part. 2. sentent. 3. cum sexto die iudicata esset, decimo septimo defuncta est, tantaque est huius diei prauitas, siue malitia, ut tamquam rarum, & novum conscribat Hyppoc. 3. epidemiorum, part. 3. sentent. 83. virginem Larisæ sexto die iudicatam fuisse, nec febrem fuisse reversam, licet ratione diei, iterum deberet reverti, cuius ratio desumitur, ex Hyppoc. asserente: *Cum febricitaret, & iam iudicata esset, menses tunc illi primum provenerunt.* Nam vacationis, (ut ait Gal. in commentario) Perseveratio, diebus post iudicium, sufficiebat, ut
fir.

840 EXPOSITIO DE CRISIBVS.

firmū seruet iudicium, quod die sexto per sanguinis eruptionem, & sudores precesserat; & præcipue ex eo quod nulla esset pars inflammata, neque maligna humorum abundantia dominaretur.

Nec minus idem clarescit ex Melibea, i. epidemiorum, part. 3. sentent. 32. quæ sexta die in peius mutationem habuit, vndecimo tamē liberata fuit; hæc verò mulier naturę robore, & firmitudine fuit adiuncta, vt Gal. in commentario: *Natura enim potenti, nihil est impossibile; quamuis verum sit optimum posse fieri crisin die sexto: si per pares dies morbus moveatur, etsi raro morbi acuti per dies pares suos motus obtineant, Gordonius quidē vir doctrinæ, experientiæque lumine ductus sextum diem magis iudicatorium, quam septimum stabilivit, ac se expertum fuisse testatur; rationeque non exigua nititur, nam morbi præcipue iudicantur, quibus accessiones contingunt; atqui morbi sanguinei paribus diebus per accessiones terminantur: ergo quarto, & sexto, qui sunt pares potius, quam imparibus, vt septimo iudicantur. Minor probatur ex Gal. 3. de crisibus, cap. 4. afferente, vt supra: Ex morbi autem motu te sperare oportet, quod crisis, vel tertio die fiat, vel quarto, vel quinto, siquidem celer fit motus tertio: si verò quodam modo tardior, in quinto: si verò febris fuerit synochus, in quarto.* Ergo Galenus synochum in quarto, & diebus paribus terminari ostendit; vndē doctissimē inquit Gordonius, & sapientissimus amatus Lusitanus, illi assentiens, quod cum Gal. sextodie asserat crises fieri imperfectas, infidas, pravas, & valdē periculosas; potius de morbis biliosis, qui diebus imparibus moventur, intellexit, secus verò de sanguineis, qui sexto die perfectē, fidelitē, ac salubritē, manifestē terminantur, siue solvuntur.

Inter reliquos decretorios dies septimus victoriosum, ac laudabile nomen sortitur, quē tanti Gal. fecit, vt ipsu in benigniori, ac clementiori regi adæquaverit; vndē ipsu in primum

& DIEBUS DECRETORIIS. 541

numero, & ordine, potentia, & dignitate, inter decretorios constituit: in septimo enim, perfectæ, & præindictæ crises, manifesta que evacuatione, aut abscessu effatu digno eveniunt; licet tamen hoc sit verum, non implicat, quod aliquando, prædicto die laborantes in peius mutationem suscipiant, quando que moriantur, ut 3. epidemiorum, part. 2. sentent. 5. mulier illa, quæ apud Pantimedem degebat, septimo die mortua est, eodem libro sentent. 7. aliqui septimo die, etsi mortui non fuissent, mutationem tamen in peius habentes, aliquo die in sequenti decretorio interierunt, veluti Silenus, 1. epidemior. part. 3. sentent. 19. qui cum septimo die obmutuerit, ac extremitates non amplius incaluisse, nihilque minxisset, undecimo die mortuus est; quamvis tamen Hyppoc. potius de pravis crisibus, quam de fidis, & perfectis, quæ septimo accidunt die, mentionem efficiat; hoc tamen, ex eo, quod rarius imperfectæ, communius verò, & securius perfectæ, & laudabiles crises, tali eveniant die, nascitur.

Decretorium similiter octavum diem Gal. appellat, debilem tamen, & infidum, cuius index quartus existit: si enim quarto, prava signa apparuerint, morbusque per dies pares mediis accessionibus moveatur, nec ita fuerit velox, ut in sexto terminetur, potius octavo die iudicabitur; iste tamen non ita periculose ut sextus decernit: maximam etiam decimus dies cum octavo similitudinem habet: nam etsi male iudicet, minus tamen præ quam octavus, multoque minus quam sextus, quia saltem morbus, præ tardiori motu materiæ prorogatur: Unde morbus, qui sexto die terminari debuerat, in octavum, vel decimum penes maiorem materiæ crassitiem protrahitur, in quibus ferè semper iudicatio imperfecta, & periculosa evenit, ita ut crisis similis ei, quæ sexta fit, appareat, ut Gal. 1. de diebus decretoriis cap. 3. inquit: *Si aliquando, aut in octavum diem, vel decimum, subit a morbi solutio accidat, similis ferè ei est, quæ in sexto die accidit, de quo supra latius egimus.*

542 *EXPOSITIO DE CRISIBVS.*

Nonus præterea dies decretorius est, non quidem ex his, qui septimanas dividunt, & claudunt, sed ex intercidentibus, vel provocatoriis: tres etenim sunt, qui intercidunt, & naturam ad crism provocant, ut supra; tertius videlicet, quintus, & nonus, inter quos, primum sibi locum nonus abrogat, ut Gal. 2. de diebus decretoriis cap. 8. quia imperfectiores crises, quam in reliquis intercidentibus fiunt, ita ut valdè septimo dici assimiletur; iste enim sicut est, ex verè decretoriis, primus dignitate, quoniam in eo plures, perfectioresque crises accidunt; non aliter nonus, primus dignitate ex intercidentibus est; quoniam in eo perfectiores, quam in aliis, crises ostenduntur: observandum tamen est, dies verè decretorios, quo magis à morbi principio recedant eo imbecilliores reddi, minoremque decernendi activitatem habere, quod etiam de diebus indicibus intelligendum est: quartus enim dies maiorem indicandi virtutem, quam vndecimus, & iste, maiorem, quam decimus septimus obtinet; non aliter septimus validiori virtute ad iudicandum, quam decimus quartus, & his, maiori, quam vigesimus pollet, propter vehementiorem morbi acutiem, & naturæ irritamentum, eo quod morbus in prioribus diebus vehementior adest.

In diebus tamen intercalaribus, contrarium evenire solet, nam quo magis à principio morbi recedunt, intensiori iudicandi virtute gaudent, sicque maiorem, quam quinto, & iste, quam tertio, vim decernendi continet, cuius est ratio, quia nona dies, ex Gal. 3. de diebus decretoriis, cap. 8. inter dies verè decretorios, septimum scilicet, & vndecimum, medium locum habet; vnde fit, ut crism, quæ in septimo non contingit, & quæ futura erat vndecimo, sibi arripit, cum hoc tamen discrimine, quod raro crism, quæ in septimo non fuit facta, sibi assummat, propter magnam septimi perfectionem; hoc enim raro evenit, nisi plurimi errores committantur.

Cum

DE DIEBUS DECRETORIIS. 543

Cum tamen decimus dies, octavo, & sexto supra assimilatus maneat, meritò ad vndecimam efficientiam decernendi apperendam, est accedendum: quemadmodum igitur dies quartus septimi est index, non aliter vndecimus respectu decimi quarti, & veluti quartus, imperfectus iudicatorius, perfectus tamen index septimi; ita vndecimus imperfectus iudicatorius, & perfectus index decimi quarti nuncupabitur; cum hac tamen distinctione, quod signa coctionis, quæ in quarto apparent, futuram esse crism in septimo demonstrat. Signa verò, quæ vndecimo videntur, non indicant morbum in decimo quarto terminandum esse, nam quamvis quartus sit index septimi, veluti vndecimus, decimi quarti, non tamen ita exactè, vndecimū supra decimū quartū, quemadmodum quartus supra septimum indicat: si ergo vndecimo die, coctionis signa laudabilia ceperint apparere, morbus sine dubio, non quarto decimo terminabitur, sed potius decimo septimo, aut vigesimo, vel alio, ex decretoriis die longior: neq; deinde decimus septimus dies, index vigesimi iudicandus est: si enim coctionis signa decimo septimo appareant, morbus vigesimo, non terminabitur; sed vigesimo septimo, aut alio ex sequentibus; cuius duplex causa occurrit assignanda, alia quidem est, quia cum quartus dies, vt Gal. 4. aphorism. comment. 71. medium inter primum, & septimum locum obtineat, tenendum pro certo est, naturam in eodem die: rum spatio ad morbificam causam expellendam victoriam posse complere; morbi enim qui septimo die iudicantur, cum peracuti sint, ex materia tenuissima generantur; ac proinde celerius, quam alij terminantur, vnde fit, vt quodlibet coctionis signum manifestū in quarto apparens, optimā in septimo die crism demonstret; nam si morbus velociter admodum moveatur coloris, ac substantiæ mutatio in lotio, pro futura iudicatione sufficiet: at verò morbi, quibus vndecimo coctionis signa eveniunt, & ex crasiori, tenaciorque mate-

ria fiant, non ita breuem terminationem obtinebunt; sed si vndecimo manifestissima coctionis signa non appareant, crisis non decimo quarto, sed decimo septimo fiet, quoniam non solum natura tribus æget diebus, ad victoriam coctionis apparentis, in vndecimo complendam; sed extensiori tempore suum opus perficere debet, vt Hyppoc. 1. epidem. par. 3. sent. 1. in Melibea demonstrat; Silenus etiam 1. epidem. par. 3. sent. 19. 1. obivit.

Duodecimus, qui subsequitur dies, nullo munere gaudet, sed solum vt numerum aliis addat, subservit; ideòque Gal. 1. de diebus decretoriis, cap. 5 & 4. inquit: Se nunquam duodecimo die, vel raro vidisse, crisin aliquam contigisse, et si fortè aigua, vel imperfecta in fida, periculosa, vel obscura sine signis, vel omnino in deterius tendere, visa fuit. Insequitur etiam huiusmodi 12. decimus tertius, qui inter perfectè decretorios, & eos qui non decernunt, mediam sortitur naturam; nam si talis dies cum decretoriis conferatur, imbecillimus omnium est; sicque morbos, non ita, vt decretorij, solvet; si verò cum non decretoriis comparetur, fortior est, quia non ita pravè, vt dies non decretorij iudicaret. Est igitur decimus tertius decretorius, licèt non perfectè, saltem in morbis, qui accessio- nibus imparibus moventur; imbecillimus enim eorum est, qui decernunt; fortissimus verò non decernentium.

Decimus quartus præterea dies, septimi naturam, & virtutem immitatur, vt Gal. 1. de diebus decretoriis; quare post septimum, principatum decimus quartus sibi vindicat, vt Gal. 1. de diebus decretoriis, cap. 5. septimi naturam immitteri, docuit: plurimi enim prædicto die perfectissimè iudicantur, cum in eo debitæ conditiones reperiantur, siquidem septimanam secundam claudit; quare verè decretorius appellatur. Præterea tertiæ septimanæ est principium, ac demum acutorum morbotum terminus dicitur: vt Hyppoc. 2. aphor. sentent. 23. morbi acuti decimo quarto terminantur. Pater.

DE DIEBUS DECRETORIIS. 545

similiter ex variis in eo iudiciis, vt 1. epidemiorum, part. 3. sentent. 3. decima quarta die mulier illa, quæ in litore habitabat, trimestri foetu gravida, iudicata fuit.

Decimus quintus vltimus dies, vt ait Diocles, & Archigenes, tertiæ septimanæ est principium, veluti vigesimus primus finis illius; Gal. quidem decimum sextum parvi facit, cum nullius sit momenti in arte medica; nam crises, quæ decimo tertio fieri debent, si morbus lentè moveatur, potius in decimum quintum protrahuntur; non verò in decimū sextum, qui nullius est activitatis, vt naturæ iudicium conspiciamus; imò dies vacuus, & Medicus, in quo diversa tuto remedia adhibere possumus, absque eo quod naturā medio motu intercipiat, appellatur.

Decimus septimus dies, medius inter vigesimum quartum, & vigesimum est, quare sicut quartus dies primæ septimanæ, primarium septimum indicat, & vndecimus, decimum quartum, ita decimus septimus vigesimum; validius tamen morbi solent in decimo septimo, quam die quarto, vel vndecimo terminari, nam qui decimo quarto per signa coctionis iudicari cæperunt, postea decimo septimo perfectè decernuntur, vt Gal. 2. de diebus decretoriis, inquit: *Decimus septimus dies, non inter coincidentes, sed inter validos, & primæ notæ, est numerandus.* Nec mirum, quia plurimi prædicto die iudicati fuere, vt Hyerophon 1. epidemiorum, part. 3. sentent. 20. decimo septimo die iudicatus māsit. Similiter 1. epidem. par. 2. sent. 83. duos fratres decimo septimo die iudicatos fuisse, scribit.

Decimus octavus pariter dies in sentent. Dioclis, & Archigenis, index est vigesimi primi; nam vigesimus primus terminum esse tertiæ septimanæ arbitrantur, ita vt decimus octavus se habeat respectu vigesimi primi, veluti quartus primæ septimanæ respectu septimi, & vndecimus respectu decimi quarti, quod à veritate, Gal. quæ doctrina valdè dissentit,

546 *EXPOSITIO DE CRISIBVS,*

vt infra clarescet: nec decimus nonus dies vnquam decernit, qui apud Gal. cum duodecimo, ac sexto decimo anumeratur; hi enim numquam iudicant, quamvis aliquandò imperfectè, & periculosè opperentur.

Cum Diocles, Archigenes, & Astrologi contra Hyppoc. & Gal. sensum, tertiam à secunda septimana dividant, ita decimum octavum diem medium inter vigesimum primum, & vigesimum quintum constituunt, propterea ordinem diversum, dies criticos enumerandi, assignant: Hyppoc. verò, & Gal. qui nullatenus secundam à tertia septimana dividunt, potius decimum septimum, inter vigesimum, & decimum quartum existimant; ideòque vigesimus perfectior erit à decimo septimo, quam vigesimus primus indicatus; ac proinde enumeratio propria post decimum septimum, hac ratione debet constitui.

Inter decretorios dies vigesimus quartus, vigesimus septimus, trigesimus primus, trigesimus quartus, trigesimus septimus, quadragesimus, & sexagesimus, sicque deinceps, vsque ad centesimū polent, cuius est ratio, desumpta ex longa ab Hypp. experientia, siquidem in omnibus decretoriis diebus, qui à decimo septimo surgunt, crises perfectas ipse Hyppoc. variis epidemiis, & historiis subsequi docuit, è contra in diebus à decimo octavo enumeratis, tamquam indice vigesimi primi, cū Sola Dealcis vxor in thafo, vigesimo primo die iudicata fuisset 3. epidemiorum, part. 3. sentent. 86. Ex quibus satis infertur contra Archigenem, diem decimum septimum, & ab eo surgentes, tamquam indicatos, non verò decimum octavum, præcipuum obtinere locum.

Inter magni precij, honoris, & nominis, decretorios dies, vigesimus splendescit, cum tertiam septimanam, sextumque quaternarium claudat, ac plures in eo, & perfectæ crises accidunt, vt Eurianactis filia 3. epidemior. part. 2. sentent. 3. & vxor Filini 1. epidemior. part. 3. sent. 2 1. quæ tali die perire,

veluti Cherion, qui apud Bemenetum habitabat servatus fuit, 3. epidem. par. 2. sent. 2. morbi ergo ad quadragesimum usque diem prorogati, suis gaudet nominibus; alius enim exactè per acutus est, intra quartum diem terminum obtinens; alius peracutus dictus intra septimum; alius simpliciter acutus intra decimum quartum; alius verò non exactè acutus intra vigesimū; alius tandem ex decidetia acutus, sive conversivus appellatus intra dies quadraginta, suum obtinens iudicium: reliqui verò morbi cronici, sive diurni nuncupantur, qui potius coctione, & abscessibus finiuntur, quam crisis, pro subita mutatione ad mortem, vel ad salutem desumptis.

Quod acuti morbi statutis circuitibus, ac temporibus definitis, modo paribus, modo imparibus moveantur, longo iam usu, & experientia, à pluribus exploratum manet, dies deinde eandem non obtinere vim, sed alios potentiùs aliis decernere, nullus obnegavit, septenarios præcipuè, secundo indices, tandemque intercidentes iudicare, omnes fatentur: naturæ similiter certas dari leges, nobis incognitas, quas ipsa indet ætiales, & immutabiles servat, nisi vel impedita, aut vellicata, nullus philosophorum ignoravit; horum tamen effectuum causas assignare, nec minus arduum, nec minus mortalium ingenia superans, videtur, cum certa ratio, qua dierum criticorum causas assequi valeamus, vix difficultati satisfaciat, licet verum sit, ut Hyppoc. inquit lib. de aëre, aquis, & locis, *quod nihil in natura, sine natura*; id est causa naturali sit nam et si soli septenarij, septimus nimirum 14. & 20. perfectè decernant, solique quaternarij, ut quartus 11. & 17. securè indident, erit tamen eorum quædam constans, ac indefe-

ctibilis causa, in cuius lumine addipiscendo, non mediocriter ingenia torquentur, ut ex oppo-

nandi diversitate, sententiarumque

discrimine patebit.

CAPVT XI.

DE CAUSIS CRITICORVM
dierum.

NATVRA cœlipotentis Dei munus, cum tota qua, vel oculis inspicitur, aut mente concipitur mirabilis operis est plena; tum præcipuèque in animalibus viget: animalia enim ipsa, & quæ ab illis fiunt sensus, cognitiones appetentiæ, generationes, & reliqui motus, admiranda omnia sunt, inter quæ principatum obtinent, quæ crises nuncupantur, in quibus adeo mirabilis est natura, vt adhuc satis perspectum non sit, quam etenim peculiarem causam, & specificam obtineant; nam alios esse dies quos fatales natura seligit, constat; in quibus de morbis decernat, alios verò ita neglectos esse, vt nullæ vniquam crises eveniant, nulloque naturæ munere gaudeant, quæ mirabilis operatio sapientiores viros, in diversas perduxit opiniones.

Primo igitur opinio Pithagoreorum est, qui triplicem in rebus ordinem constituent, specierum nimirum, figurarum, & numerorum, numeris tamen, præcipuum locum tribuunt, quoniam ab his, omnia pendent, & in eis omnia consistunt, ita vt numeros, non solum causas, sed substantias esse tueantur: & ideo ens, & vnitatem maximè conturbant, ex numeris quidem alios pares, aliosque impares esse aiunt, pares foeminas, impares mares appellant, illos imperfectos, & in foecundos, hos verò perfectos, & foecundos, proptereaque huiusmodi numeros, rationem operandi obtinere, iudicant; nec minus Plato vim, & dignitatem numerorum, ita extollit, vt neminem sine illis, rectam philosophiam amplecti posse pronun-

nuntiet; sicque inquires, cur homo animal sit sapientissimum, responsum præbet, quia numerare novit, & animam definit, numerum esse ipsum moventem. Præterea, quia Aristoteles 1. de cælo ternarium numerum, naturæ legem appellat, iuxta quem naturalia omnia disponantur; ac proinde tres tantum corporum dimensiones esse existimat, nullus similiter in numeris ordo, sine ternario; nam Arithmeticus, Geometricus, & Armonicus ordo, tribus, principio videlicet, medio, & fine perficitur.

Neque Hyppoc. numerorum vim exclusit, quadam enim ad Thesalum epistola, sic scribit: *Ad numerorum scientiam multam studij adhibito, quin numerorum ratio ad circuitus, & transmutationes febrium, præter rationem fientes, idest ad iudicia ægrotantium, ac securitates in morbis sufficiens erit:* inquit ergo Pythagorici, numerorum imperio, omnia dispensari, moveri, & gubernari; sicque septenarios omnium vere decretorios esse, quaternarios verò eorundem indices; ideoque ita numeros sublevant, ut septenarios, intensam divinitatem esse, veluti quaternarios incredibilem dignitatē possidere, haut dubitent, tantaque in eorum assertione, septenarii numeri maiestas est, ut venerandum sacrum veteres appellarent, ac plurimi maioris, & minoris numerū nuncuparent: quaternarius verò numerus tati à Pythagoricis fiebat, ut per quaternarium iurassent.

Impares quidem dies, potius, quam pares, criticos esse huiusmodi Authores existimant, ex eo quod dies impar sit veluti masculus, qui ad agendum promptior est, quam reliquæ partes; sicque humoribus calidis magis convenit agere, quam pati, ut humor biliosus, in substantia tenuissimus, temperie calidissimus, qualitateque acerrimus, paratior ad agendum evadit; vnde ferè omnes morbi acuti à bile nascuntur, quemadmodum diurni à materia frigida, & crassa, quæ potius ad patiendum, quam ad agendum est apta, sicque crises

diebus paribus eveniunt, quia pares foemineis numeris, sunt condonati: quam assertionem roborant, ex Hyppoc. aphorif. 4. *Eo quod tertiana exquisita, septem circuitibus quoad longissimum iudicatur*: tum similiter sentent. 36. *Eiusdem sudores septimo die manantes boni*: tum etiam ex eodem Hyppocrat. *Icterus ante septimum diem insidiosus*; vt in coacis 2. aphorismor. sentent. 23. *Acuti morbi intra quatuordecim dies iudicantur*; aphorism. 4. sentent. 61. *Febricitantem nisi diebus imparibus febris dimisserit, relapsus subest periculum*. Ex quibus conclusionem Pythagorici extrahunt, numeros scilicet dierum criticorum, esse proprias, & activiores causas, vt critici, vel non critici evadant.

Sed licet praedicta videantur praecleara, philosophica tamen statim perpenſa, maximi erroris plena, iudicanda sunt; primo enim numeris nulla vis agendi est condonanda, cum potius ad praedicamentum quantitatis discretæ pertineant, quæ apud philosophum, nullam agendi virtutem obtinet. Probaturque ratione, huius assertionis falsitas; quoniam crisis est subita mutatio ad salutem, vel ad mortem; atqui mutationes non fiunt à numeris: ergo numeri non sunt causa crisis, nec dierum decretoriorum. Maior patet ex dictis, minor probatur; quia mutationes potius eveniunt certis numeris, aut in dierum intervallis numeratis, cum mutatio, quæ est motus, non fiat à tempore, sed in tempore, ex eo quod tempus sit numerus motus secundum prius, & posterius, vt Aristot. 4. physycorum; atqui numerus, neque agit in corpora naturalia, neque ea immutat: ergo mutationes crissimas non valebit efficere: ergo numerus dierum, nequaquam causa criticorum, poterit esse.

Uterius repellitur huiusmodi sententia; nam numerus per se, nihil est reale, sed potius methaphysicè, & per intellectum: ergo nullam actionem immutativam realem in corpora nostra poterit habere; antecedens probatur, nam quod

DE DIEBUS DECRETORIIS. 551

est plura entia simpliciter, & realiter, non est vnum simpliciter, & ens per se; atqui numerus est multa entia simpliciter, vt Aristoteles 3. physicorum, cap. 7. inquit: *Numerum esse vna plura*, & 10. metaphysicæ: *Numerum esse multa vna*, exponit: ergo cum ex duobus, numquam fiat vnum, nisi vnitate continuitatis realis vniantur, vel intentionis, vel alterum, sit alterius forma, propterea numerus constans vnitatibus, quæ neque vniuntur inter se in aliquod vnum continuum, neque vna vnitas forma aliarum adsit, nõ erit ens per se, sed tantum rationis, & metaphysicum; ac proinde nullam efficientiam realem continebit, vt vera criticorum dierum causa, ad realiter decernendum censeatur.

Præterea, quia numerus vt numerus est, ex vnitatibus constat; atqui omnis vnitas est quædam indivisio, cum vnum sit in diuisum in se, & diuisum à quolibet alio; sed sic est, quod indivisio est negatio, siue privatio alterius: ergo numerus constans his vnitatibus, constabit negationibus; atqui huiusmodi negationes sunt non entia: ergo numerus constans non entibus, non erit quid reale: ac proinde nullam efficientiam realem obtinebit.

Nec si obiicias sufficere, quod numerus medio sensu percipitur, & ex Aristotele 2. de anima inter obiecta communia reponitur: ergo quia est ens reale. Cui respondeo, quod numerus ex negatione solius continui percipitur, veluti tenebræ, cæcitas, & ferè omnes privationes percipiuntur à sensibus, licet non sint vera entia realia; quare non aliter numerus percipitur, quamvis non sit ens reale, vt Aristoteles in prædicationibus, dum ait: *In partibus numeri esse ordinem, qui ordo*

non valet fieri nisi per intellectum; ac per consequens, nullam efficientiam realem quoad dies

criticos possidebit.

CAPVT XII.

SECUNDA SENTENTIA PROPO-
nitur, & refellitur.

ALIA verò Astrologorum est opinio asserentium, non solum crises, sed etiam omnium humanarum actionum eventum efficienter à variis siderum aspectibus influxibus, & conjunctionibus ortum ducere, tantumque fuit illorum varietas, ut singulis Planetis, peculiare morbos designarent, Saturno videlicet febres quartanas, lepram, schirrum, canchrum, strumas, ulcera maligna, incubum, melancholiam, hepatis, & lienis obstructions, hemorroides, varices, herniam, vteri præfocationem; Iovi verò, cephalalgiam, febrem sinualem, anginam, pleuritidem, peripneumoniam, phlegmonem, & apoplexiā; Marti, tertianas febres, emitteos, phrenitidem, & sic de omnibus, singulisque Planetis, habita ratione ad diversos influxus, & aspectus, diversas crises contingere aiunt, ita ut si malignus Planetarum aspectus sit, insidiosam crisen, si benignus salutarem exhibeat.

Ad huius assertionis confirmationem prædicti Authores, Hyppoc. adducunt, qui libro 2. de dieta inquit, quod Astro-
rum ortus, & eorundem occasus agnoscere Medicum oportet, ut inde mutationes totius mundi, ex quibus morbi hominibus ortum ducunt, observet: tum & etiam libello de rebus sublimibus: *In cælo non est institutum dicere, nisi quatenus ex his bonum, & malum, vita, & mors, sanitas, & morbus*: Ergo videtur Hyppoc. cælo, & astris maleficam vim, & quasi necessitatem tribuere; cum primo de dieta asserat, omnia evenire per cœlestem, ac divinam necessitatem, & quæ volunt, & quæ nolunt.

Sed

§ DIEBUS DECRETORIIS. 553

Sed hanc divinatricem astrologiam, omnes Philosophi, ut Pithagorici, Democritus, Plato, Archelaus, Aristoteles, parvipenderunt; meritò quidem; quomodo enim ex aspectu stellarum, morbi eventus, vitæque humanæ casus possunt prædici, cum Astrorum omnium, iam cognitæ sint vires, & stellarum penè infinitus numerus, illarumque magnitudo, & licèt responsum præbeatur, quod longa annorum experientia, rerumque observatione, ferè infiniti eventus ab eis comprobati fuerunt: Contra, nam secundum Philosophum, cœli motus sunt incommensurabiles, illiusque faciem, & situationem, sæpè evēnire non posse, tenendum est; ac proindè, ex diverso stellarum aspectu, & influxu, Medicus de morbi iudicio non valebit prædicere: ergo ab eo dies critici ex necessitate non pendunt.

Cœlum igitur, erga omnium consensum, potius est universalis causa, cuius virtus, licèt ferè infinita sit, per particulares tamen, & elementales causas determinatur; Sol enim nunquam hominem, sine homine generat; nam ad effectum producendum, agens particulare, ac certa quidem materiæ dispositio, quæ universalis agentis vires immutat, alterat, evertit, ac determinat, requiritur: ergo ad crisis prædictionem, Medicus non solum astra, sed causas morbi patticulares, illius ideam, magnitudinem, motum, & morem, ac ægrotantis naturam debet prævidere: non enim peritiores navigatores ex Iove, Marte, aut Saturno, imminenti tempestatem prænuntiant, sed ex peculiari ventorum motu, ac commotione, iam nubes apparente. Sicque Medicus ægri salutem, & necem, ex eodem laborante, idest, his quæ in agro apparent; non verò ex cœlo, & astrorum aspectu, debet prædicere.



Probatur etiam improbabilitas huius sententiæ, nam qui sub eodem aspectu, eademque hora laboriosè incipiunt decumbere, omnes eodem modo, ac simili decretorio die iudi-

554 EXPOSITIO DE CRISIBVS,

carentur; atqui hoc est contra experientiam, nam plurimi eodem instanti ægrotantes diversimodè iudicantur, ita vt alij ad salutem terminentur; alij verò ad mortem: ergo quia terminatio, in morbis, & in diebus criticis, nequaquam ab hoc, vel illo Planetarum aspectu dependet.

Præterea, quia mors numquam à cœlo, sed à natura elementari cum proprio vitio contracto: numquam deinde corporum inferiorum tumultus à cœlo nascuntur, sed à materiæ motibus inordinatis: vnde qui cœlo maleficam vim tribuit, & stellas morborum causas esse arbitratur, ita coarguendus est veluti, qui naturam nostrum corpus gubernantem, causam morborum esse inquit, cum illa morborum sit medicatrix, vt Hyppoc. in epidem. & quamvis astrologi, cum Hyppoc. cœlum in hæc inferiora agere, omniumque mutationum causam esse vniversalem asserant. Respondetur, cœlestia omnia tantum agere nostra in corpora motu, & lumine, quia cœlum est contiguum, non mathematico, sed Phisico contactu, vt ait Aristoteles, idemque Hyppoc. 4. aphor. sentent. 5. medicamenta purgantia tempore æstivo prohibet, inquiens: *Sub cane, & ante canem difficiles sunt medicationes*; non quidem ob cœli, sed potius aëris statum, siue constitutionem, alloquens, cum ad ambientis mutationem nostra corpora immutentur, non verò ab immodico stellarum, siue astrorum aspectu.

*



CAPVT XIII.

ALIA OPINIO REIICITVR.

ALIA vlteriùs est quorundam medicorum, atque Astrologorum sententia, dicentium inter omnia Solem, ac Lunam, sidera ita esse fulgentissima, vt aliud maius, aliudque minus, diuersimode ad morbos decernendos concurrant, quare diuturnis Solem, ac cronicis, quemadmodum Lunam acutis præesse existimant, & quoniam Sol quatuor anni temporum, veris scilicet, æstatis, autumnis, & hyemis est Autor, propterea omnes quatuor humores, singulis anni partibus immutat, ob quam causam, diuersi, atque mirabiles à Sole effectus oriuntur, vt Heraclitus fontem coelestis luminis appellat, Iulius ducem, ac moderatorem reliquorum luminum, à quibusdam cor mundi nuncupatur, ab Aristotele stella salutaris, prosperarumque omnium procreatrix, aut parens.

Luna verò, quia humorum est concitatrix, & motrix, in omnia corpora humida immensum imperium obtinet, & vt Gal. 3. de diebus decretoriis, cap. 2. his, quæ ortum ex terra ducunt, incrementum concedit, menstrua statò, definito, & ordinato tempore mulieribus sollicitat, morbo committali laborantium circuitibus concurrit, quæ omnia, tam motu suo, quàm lumine præstat, emendicata tamen hac sola virtute, nam ex accessu, vel recessu Lunæ à Sole, variæ configurationes, siue formæ apparent; prima enim Lunæ mutatio, nihil ferè luminis emittit, quod tempore coitus, vel conjunctionis Lunæ cum Sole accidit: nuncupatur quidem inter lunium, Nobilunium, inter menstruum, vel tandem Luna si-

556 *EXPOSITIO DE CRISIBVS,*

lens vocatur; quod etenim ferè trium spatio dierum per-
manet, quarto verò die ex cohitu Solis libera exiens, fa-
ciem quasi pudore suffusam ostendere non audet, à quarto
verò die ad septimum vsque, sensim incrementum suscipit,
iam dimidiam faciem detegens, die vndecima tota propè
modum est splendescens, exigua portione intus remanente,
tandemque decimo quarto die perfectè, & vnde quaque il-
lustrata, liberam, plenamque faciem splendoribus ostentat:
sicque discurrendum venit de ipsius decremento, dum post
Plenilunium ad Solis congressum properat. Quarta enim
sequenti die fit, veluti erat in vndecimo; sicque per quater-
narium sensim decrescit, donec tandem cum sole congressum
amplectatur.

Cum igitur per quaternarios, & septenarios moveatur
Luna, crises, quaternaris, & septenaris diebus Lunæ motui
respondentibus, huiuscemodi Astrologi accidere volunt; qua-
rè Lunam per se esse causam criticorū, & indicantium dierū,
iuxta diversos illius motus ad quadrangula diversa sentiunt:
Hæc tamē sentētia his fulcita rationibus, veritati oberatur: si
priùs vt omnes fatentur, crises, sive iudicia in humorales so-
lum morbos cadere, supponamus, Lunam verò in omnia cor-
pora humida, imperium aliquod obtinere, vt experientia de-
monstrat, non tamen ex hoc inferitur, criticorum dierum,
hanc vnicam esse causam.

Probatur ergo huius assertionis improbabilitas ratione;
nam crisis, quæ motus est humorum, fit à natura ipsos noxios,
à bonis secernente, illosque ad excretionem præparante,
(vt supra ex Gal.) nunc sic; si Luna efficit talem motum, aut
hanc movendi virtutem à se ipsa, vel ab alio suscipit, vt aspe-
ctu, reflexione, lumine, quadratura, vel oppositione; atqui
si à se huiusmodi virtutem obtinet, non est maior ratio prop-
ter quam, potius septima, quàm octava die, moveatur: ergo sep-
timi diei, non potius, quam octavi erit causa: maior est clara:

Mi.

§ DIEBUS DECRETORIIS. 557

Minor verò probatur, nam quæ primò, & per se insunt, (vt Philosophus inquit) semper insunt: ergo si Luna per se movetur, non magis septima die, quam octava, motum efficiet: ergo non erit maior ratio, ob quam magis septimo, quam octavo decernat.

Secunda verò pars, videlicet, quod si Luna moveatur ab alio, non sit causa dierum criticorum, probatur, quia si Luna moveatur ab alio, vt oppositione, & quadratura, contra; nam tunc solum Luna movebitur, quando in illo aspectu, aut loco requisito ad motum sit: sed sic est, quod si decumbat hodie Petrus, & crastina die Paulus, vterque septimo sui morbi die iudicabitur, Luna tamen in eodem aspectu non erit: ergo talis iudicatio in die septimo critico, motui Lunæ, in isto, vel alio aspectu existentis, non tribuenda erit: suppositio ex Gal. 2. de diebus decretoriis cap. 7. constat, vbi se plures, quam quadraginta homines acuto morbo laborantes, septimo die, vnica ætate perfectè iudicatos vidisse, nō tamen omnes eadem die sub eodem aspectu ægrotare cæperunt.

Vrgentiùs tamèn præsens sententia impugnatur; certum enim est, omnem actionem contactu fieri; atqui coeli contactus non est Matematicus, sed Phisicus: ergo quia ex cœlo aliquid non corporeum communicatur; nam hoc sensim minueretur: ergo qualitas carens contrario, ac momento diffusa, vt lumen: ergo huiusmodi qualitas, prima, vt calorem producit, aut aliquam expellendi, vel trahendi virtutem communicat; sed ab hac virtute crises non fiunt, cum ista omnia maiori cum perfectione in singulis individuis insint: ergo potius fient à lumine cœlesti; sed sic est, quod lumen non magis isto, quā alio modo calorem sugerit, nisi eo quod plus ad terram reflectat; & tunc ad terram plus reflectit quando Luna plus luminis à Sole suscipit, & plus suscipit, quo magis ab eo se movetur: ergo cum octava die Luna longius ab eo, quam septima recedat, plus luminis, & caloris octava, quam sep-

558 *EXPOSITIO DE CRISIBVS,*

tima die communicabit: ergo potius octava, quam septima, motum criticum obtinebit, ac per consequens dicendum venit, Lunam, nec per se, nec ratione luminis, à Sole emendicari, indicantium, nec criticorum dierum esse causam.

Quãvis alia Fracastorij nova opinio proponenda, reiiciendaque offeratur, cum causam dierum criticorum, semper ad motum humoris melancholici ordinatum reducat, quia tamen ex illius diversis fundamentis, varia, diversaque ab Hyp. & Gal plurimis in locis, vt vera stabilita, destruitur, ac veriori philosophiæ dissentit, propterea ex nostræ assertionis dictis, quidquid Fracastorius sentiat, explosum, & tamquam inutile, solutum manebit.

C A P V T XIV.

PER CELEBRIS GALENI ASSERTIO, ostenditur, & repellitur.

CVM ex Lunæ motu superius dicto, mensis constituitur, in quo variæ mutationes Lunæ inspiciuntur, vt huiusmodi mensis in quatuor hebdomadas dissectetur, necesse est magnam decernendi vim, tum septenarios, tum etiam quaternarios obtinere, ita vt septenarii maiori, quam quaternarii, efficientia gaudeant. Maior enim mutatio Lunæ, septimo die, quam quarto accidit, ex quibus, Gal. corpora cœlestia præcipuèque Lunam, dierum criticorum causam esse, decernit.

Quoniam tamen lunaris mensis multiplex potest esse, sciendum prius est, de quo mense sit loquendum, & an aliqua, in diebus criticis indicatio valeat assignari: ex Lunæ autem mo-

tu,

§ DIEBUS DECRETORIIS. 559

ta, tres solent menses diversificari, quorum primus periodicus mensis est, qui peragratiōis nuncupatur, in quo Luna viginti, & septem diebus, & octo horis, ab vno puncto, ad idem versus punctum, suum cursum complet; alius verò sinodicus mensis, vel cōiunctionis appellatus, nihil est aliud, quam temporis spatium, quod Luna suo in motu assumit, qui motus ab hora, quæ cum Sole coniungitur, donec iterum Solem consequatur, atque iterum cum eo coniungatur, incipit, hoc quidem tempus, mensem peragratiōis, tanto spatio, quanto Luna in transitu illius indiget, excedit, quod quidem spatium, à Sole versus occidentem peragratum est, dum Luna suum circum integrum conficiebat, quod etenim est spatium duorum dierum, & quatuor horarum, cum aliquot minutis, in quo Sol suum ferè signum percurrit. Cum ergo Luna Solem in ea parte, in qua vltima cōiunctione reliquerat, vt in prima arietis parte, non inueniat; sic enim fit progressus, vt ferè integrum signum transierit, atque ad primam partem tueri, proximè accedat; propterea Luna duos dies, quatuorque horas, cum aliquot minutis, in à dispiscendo, vel consequendo ipso Sole, consumit; vnde accedit, vt mensis cōiunctionis aliquando viginti novem diebus, & duodecim horis, aliquando verò ferè triginta diebus constet.

Tertius præterea mensis, apparitiōis, seu illuminationis appellatur, qui quidem est tempus, quod è propria ipsius Lunæ apparitiōe, vsque ad vltimam eius remotiōem consumitur, quod interballum non semper est equale, ratione enim remotiōis Lunæ variatur, & vt plurimum viginti septem dies, ac duodecim horas amplectitur, quo fit, vt ferè tribus diebus, quandoque plus, quibus Luna tegitur, lumenque à Sole acceptum, non vt solebat, invertit, sit brevior.

Merito Gal. omnes lunares proposuit menses, vt ex quo prædictorum dierum criticorum pendeat ratio, demonstraret, primòque probat, tertio de diebus decretoriis, cap. 5. ex men-

560 EXPOSITIO DE CRISIBVS,

se peragrations non pendere, nām si totum spatium illius mensis, quod est viginti septem dies cum octo horis, in duas dividatur partes, vnaquæque pars diuisa terdecim diebus, & decem, & septē horis constabit, deindē si hæc pars subdividatur, remanebunt sex dies cum viginti horis; atqui cum vna septimana, sit quarta pars mensis, prima constabit sex diebus, & viginti horis, secunda tredecim diebus, & decem, & sex horis; tertia verò viginti diebus, & duodecim horis; quare quamvis prima, & secunda septimana, vim iudicandi habeant; tertia tamen nullam virtutem obtinet, nām duodecim horæ supra viginti dies, in medio horum dierum, maximè ambigunt, & in vtramque partem vergunt, vigesimū, & vigesimū primū, ita vt si crisis in illis duodecim horis accadat, æquē ad vigesimum, & vigesimum primum referri possit, cum ad neutrum horum extremorum magis vergat.

Neque ad mensem coniunctionis, decretorij dies possunt pertinere, quoniam si eodem modo talis mensis in quatuor septimanas dividatur, cum viginti, & novem diebus, ac duodecim horis constet, quolibet ex septimanis, septem diebus, & novem horis constabit, secundaque septimana decimo quarto die, & hora decima octava finietur: tertia tandem vigesimo secundo die, & hora tertia; ex quibus claret, in presenti mense nullam prædicendi vim per septimanas, neque diem vigesimum esse decretorium, sed potiùs vigesimum secundum. Idem etiam Gal. demonstrat, in mense illuminationis, qui viginti, & sex diebus, ac duodecim horis completur: si enim hic, veluti reliqui, in quatuor partes dividatur, singulæ partes sex dies, & duodecim horas obtinebunt: si verò ex his tres partes, aut tres septimanæ coniungantur, vigesimum diem adimplere non valet: octava enim pars vnius diei, hoc est, tres horæ deficiunt, qua propter, potiùs ad decimum nonum, quam vigesimum, crises in eo factæ pertinerent, quare

hu-

¶ DIEBUS DECRETORIIS. 561

huiusmodi tres menses tamquam inutiles Gal. recenset, cum ex eis nulla criticorum dierum ratio possit inveniri.

Vt ergo cum Gal. ex motu Lunæ diem vigesimum decretorium esse, ac tres includere septimanas, & quatuor mensis septimanas in his diebus decretoriis finiri, videlicet septimo, decimo quarto, & vigesimo septimo intelligamus. Propterea Gal. etiam mensis rationem multò difficiliorem, tertio de diebus decretoriis, cap. 4. exagitavit, pro cuius intelligentia, quædam sunt prius supponenda, quorum primum est; quod morborum crises, sive iudicia, vel à suo proprio principio, id est causa interna, vel à communi, & externa, ut ab ambientis mutatione eveniunt: est quidè duplex, crisis causa interna, nam vel natura humorem morbificum, & concoctum foras connatur expellere, vel ipse humor non dum coctus, neque ad expulsionem paratus, sua quantitate, aut qualitate naturam gravans, foras prorrumpit, quibus modis, aut natura, aut causa morbifica, proprio, ac interno principio, crisis efficitur; à causa verò externa, videlicet aëris mutatione crises fiunt, dum aëris temperies immutatur, vel ad calidum; frigidum, humidum, vel siccum. Vt Hyppoc. 3. aphorismor. sentent. 6. inquit, calidum, & humidum aëris temperamentum, crises per sudorem movere.

Secundum à Gal. fundamentum adductum est, Lunam corpora nostra duplici mutatione alterare, atque immutare, propria scilicet, & communi, propria quidem est, quæ à proprio Lunæ motu fit, quæ fertur per Zodiacum spatio viginti, & septem dierum; & octo horarum, quem motum peragrations, omnes appellant. Communis verò mutatio nuncupatur, quæ ex ambiente aëre pendet; qui etsi communis causa dicatur, Lunæ tamen potius debetur, quia in aëre fit motio, cum Luna, post conjunctionem cum Sole, nova conspicitur, quod tempus illuminationis dicitur, quibus præactis, Gal. eas crises, quæ à proprio principio, sive ab in-
ter:

562 *EXPOSITIO DE CRISIBVS,*

terna oriuntur causa, à motu scilicèt proprio ipsius Lunę, siue peragrations fieri iudicat. Eas tamen, quę à communi causa, vt aëre ambiente contingunt, quemadmodum crises, quę in febris pestilentibus eveniunt à communi Lunę motu, siue illuminationis provenire tuetur.

Tertium tandem fundamentum est, corpora cum vipham immutentur ex motu nimirum Lunę proprio, & communi necesse est, hanc duplam mutationem inter se misceri, & confundi, quia tempus peragrations Lunę, cum illuminationis tempore, vnde Gal. loco assignato, inquit: Solus Deus hanc mixturam. Vtriusque temporis, & utriusque mutationis cognoscere potest, vnumque ab altero separare, quod nos nulla ratione assequi possumus.

Cum igitur huiusmodi mutationes sint mixtę, atque confusę, vt criticorum dierum rationem Gal. redderet, medium mensem in tres partes constituere decrevit, ratione cuius media sit Lunę mutatio, ex ambabus composita, communi scilicèt, & propria, ad quem medium mensem constituendum, hanc viam ostendit: vt etenim vtrumque circuitum peragrations, & illuminationis coniungamus, & quod ex his duobus circuitibus resultat, in duas partes equales dividamus, ita vt quod ex divisione remanet, circuitum, siue medium mensem nominemus, veluti recentiores medicinalem mensem, vt si mensem peragrations, qui viginti, & septem diebus, & octo horis constat, cum alio mense illuminationis, qui viginti, & sex diebus, ac duodecim horis constat, coniungamus; hoc in casu quinquaginta, & tres dies, ac vigintę horę exurgent. Si deindè hanc summam in partes æquales seiungamus, medium mensem medicinalem, aut criticum obtinemus, qui viginti, & sex diebus, ac vigesimis secundis horis constabit, quam demum, si in quatuor æquales partes, siue septimanas dividamus, quęlibet earum sex diebus, & decem, & septem horis, cum dimidia constabit, illoque

in

in casu aspectus Lunæ erit quadratus cum ipsius morbi principio, quo quidem spatio peracto, quadrum unum Luna emensa est; non aliter secundam septimanam terdecim dies, & undecim horæ complent; & tunc Lunæ oppositio cum ipso morbi principio erit: si verò tres septimanas coniungamus, viginti dies, & quatuor horæ cum dimidia cōsurgenti; sicque si hanc sequamur rationem vigesimus dies magis decretorius, quam vigesimus secundus erit, vnde Gal. quia hic medius mēis vigesimo diei mensis magis, quam tres alij supra enumerati, quadrat, hunc, tamquam legitimum feligit, illique omnem decernendi vim in morbis condonat.

CAPVT XV.

VERIOR SENTENTIA

stabilitur.

CÆTERVM, & si hæc Gal. sententia difficilis, multisque calumnis obia, ne tamen indiscussa, ac sine solutione, huiusmodi difficultas relinquatur, liceat nobis, in medium solidiorem, veriolemque nostram assertionem stabilire: vt certum igitur, dierum criticorum, idest septenarij, & quaternarij, non solum naturæ alterationem, erga morbificam causam, siue certam naturæ proportionem cum morbi causa, nec solum corporum cœlestium alterationem esse causam, iudico, sed vtrumque simul necessario, vt certus dierum criticorum ordo, constituatur, debet concurrere. Ex quo infertur, quod istorū dierū causa interna, nihil est aliud, quam confluxus naturæ cum causa morbifica, externa verò alteratio, & humorum commotio à corporibus cœlestibus facta.

Quo

Quod igitur hæ duæ causæ, simul ad ordinem criticorum concurrere debeant, certissimum est, cum de causa interna nulla sit dubitatio, de causa verò externa, ex supradictis de varia corporum cœlestium alteratione, in hæc inferiora patebit, nam veluti in hominis procreatione, Sol vt universale efficiens, & homo vt particulare, quando conveniunt: si patiens benè dispositum extiterit, omninoque patiatur, certum, ac effectum determinatum producant, non aliter in crisi accidit, vt quando efficiens universale, Sol videlicet, vel illius prorrex, Luna nimirum, quæ ad hanc inferiorem plagam regendam, meritò est destinata, præ illius vicinitate, humores movet: si eos idoneos, paratosque effectui recipiendo, inveniunt: immutatur hæ inferiora à superioribus dupliciter, vel radiorum cœlestium influxu occulto, vt quando in hæc inferiora per actiones, & aspectus, suas vires dimittunt, vel aperto, & manifesto, vt quando ambientis mutatione, influxus sensibilis accidit; hoc enim modo, Sol, aërem calefaciens, terram etiam calefacit, qua simili mutatione, corpora nostra Luna afficit, humoresque alterat, suisque manifestis qualitatibus movet, vt quando falcata, aut Orbe plena apparet; hæ tamen causæ, ita concurrunt, vt nunquam sine interna, hoc est, naturæ cum causa morbifica confluxu, crises efficere valeat; contra verò causa interna sine externa eas frequenter efficit, vt in diebus intercidentibus experimur, in quibus ex sola naturæ vellicatione, nullo motu Lunæ interveniente, crises, etsi non ita perfectæ quemadmodum in diebus vere criticis, solent evenire, nam in his, duplex causa, motus inquam naturæ, & influxus universalis, in aliis verò intercidentibus vna tantum causa, vt irritatio naturæ concurrat.

Ex quibus vnusquisque facillè vim, ac dignitatem cuiusvis decretorij diei percipiet, vt varia, quæ ex textu de primi posunt, solvantur, cum Hyppoc. in sententia superius dicta 36.

ali.

§ DIEBUS DECRETORIIS. 585

aliquos dies, qui verè decretorij videntur, non enumerat alios verò, qui potiùs indices sunt, vt criticos constituat. Primum ergo iuxta Hyppoc. doctrinam offertur dubitandum, cum semper Medicus naturæ rectè operantis imitator sit, nam quo natura vergit eo ducere oportet, si per loca conferentia, propter quid Hyppoc. non studet evacuare in his diebus decretoriis, in quibus ipsa natura ita securè evacuando movet.

Cui dubio satisfaciam asserens, quod Medicus in diebus criticis, maximè ab evacuatione, duplici ratione, est abstinentus; quarum prima est; quoniam naturam nunquam Medicus imitatur, nisi quando illa, vel non agit, vel non integrè operatur; sicque, cum in diebus criticis, iam per se agat, & in constans sit, an rectè operatura, propterea totum opus ipsi dimittendum, eo quod illa omnium actionum laudabilium opifex sit.

Secunda verò ratio, quia in criticis diebus semper natura, saltem circa materiæ morbificæ coctionem, sive evacuationem, nō aggreditur aliud opus; vnde, ne naturæ motus in coctionem, à pharmaco avertatur, sive impediatur; ideo tale opus dimittendum est. Tum & etiam, quia si natura simul in die critico movens, & medicamentum purgans concurreret, maximum superpurgationis periculum immineret, ne igitur hoc sequatur, tali die critico totum opus naturæ erit relinquendum, vt Gal. libro de humoribus, comment. 2. 2. purgationem longè à die decretorio celebrandam esse prædixit, vt per hæc verba clarescit: *Multa quidè purganda sunt, non propè indicationem, sed longius, &c.* Hoc est à parte post indicationem, vt priùs, vtrum natura per se ipsam, causam morbificam moveat, expectemus; vt si ita integrè non operetur, illius Minister Medicus, opus naturæ adimpleat.

Sed ingenuè quis inquireret, cur Hyppoc. pro evacuationum omnium exemplo, in allata sententia, sudores potiùs, quam

Cccc

alias

566 EXPOSITIO DE CRISIBVS,

alias evacuationes maluit adducere. Cui respondeo, duplicē esse causam ostendendam, quarum prima est; nam in febribus acutis, de quibus Hyppoc. alloquitur, frequentior, & copiosior, quam in reliquis omnibus accidit; quare, cum facilius in his iudicandis, error committatur, proinde nos in his potius exerceri, vt certiore iudicationem deducamus, Hyppoc. placuit sudores insinuare: secunda præterea causa est, nam vt Gal. 3. de crisis, inquit, per sudores, rarius crises verę fiunt, quam per alias corporis evacuationes; sicque si in his evidens discrimen apparet respectu criticorum dierum, in quibus accidunt, multo periculosius in aliis debent apparere. Deinde, nam cum sudor sit totius corporis evacuatio, proinde critici dies, medio sudore, magnam discernendi vim obtinebunt.

Inquires etiam rationem, ob quam Hyppoc. quartum diem dimiserit, qui principalissimus est, ac inter criticos, contemplabilis; cuius est ratio, quia cum horum dierum duplex sit causa, superius dicta, interna nimirum, & externa, sola que externa, sine interna, non valeat crises efficere, ac dies quartus, solum ratione causę externę, non verò internę, decretorius sit; cum in quarto morbi acuti per accessiones non repetant, nam tertio quoque die solum movetur accessio, quę sit præcipua irritationis, & crisis causa, propterea fit, vt quartus dies rarò de morbis decernat, ita vt Archigenes, (bis tantum hęc iudicationem in quarto vidisset) ac Hyppoc. 3. epidemiorum. Periclem quarta die post meridiem multum sudasse, fuisseque iudicatum, asserat: Hoc tamen tanquā exemplum peculiare, & rarum proposuit.

Uterius, cur septimus dies dubitavis, primus ex decretoriis, viribus, & dignitate sit; decimus quartus verò non ita, sed locum secundum obtineat; siquidem ratione motus Lunę principaliori dignitate gaudet, nam in decimo quarto, oppositio datur perfecta Lunę cum puncto, in quo quis incipit

agro.

DE DIEBUS DECRETORIIS. 367

agrotare, qui aspectus cum sit perfectæ inimicitia, ideo maxima in eo sit humorum agitatio. Respondeo tamen, quod cū utraque causa ex dictis, ad crīsim debeat concurrere, & ex duabus validior, & efficacior sit interna, propterea fit, ut septimus dignitate sit prior, nam in eo ex parte morbi in naturam, valida irritatio adest; in decimo quarto verò, morbi vis, sive activitas languescit, ac per consequens minor naturæ irritatio evenit, qua propter, quo magis dies critici à morbi principio recedant, eo debiliores ad iudicandum redduntur, sicque septimus, quia minus distat, primus dignitate censendus, in eoque plures crīses contingunt; decimus quartus verò, secundum locum, veluti vigesimus, tertium obtinebit.

Instabis tamen, nam primi decretorij dies morbi, validiores quam ultimi existunt: ergo etiam quartus validior erit septimo. Diluitur respondendo cum Hyppoc. & Gal. hoc potius de diebus verè decretoriis radicaliter dictis intelligendum esse; quare si collatio, aut respectus inter septimum, decimum quartum, & vigesimum fiat, semper in decernendo, septimus validior erit, quemadmodum si indices inter se conferantur, quartus in indicando, reliquis aliis validior adderit. Sed quare Hyppoc. dices, decimum tertium, & decimum quintum non enumeravit, sed potius decimum quartum, cum iste sit dies par, & illi dies impares existant. Cui respondeo, ideo Hyppoc. de decimo tertio, & decimo quinto non loquutum fuisse, quia decimus quartus, re vera dies decretorius est, cū ex duabus septimanis cōponatur, quarū quælibet impar est, in qua morbi acuti per impares motus exacerbantur, atque iudicantur; ac proinde decimo quarto die, crīsim inchoatam, decimo tertio, perficit, vel si ad decimum quintum extenditur, rarius, ut supra dixi.

*

Cccc 2

CA.

CAPVT XVI.

QVIBVS IN MORBIS, DIES CRITICI numerari debeant.

PER celebrem, genuinamque quæstionem exagitare offertur, in quibus videlicet præcipuè morbis, dies critici numerari debeant: an vero ad morbos extra venas extendi valeant: difficilis quidem dubitatio, cum maior medicorum classis, solum dies decretorios in morbis generis venosi, locum obtinere asserat, nō verò in aliis: verior tamē sententia, varijs cum Hyppoc. & Gal. autoritatibus, ac rationibus, in omnibus morbis, tam venosi generis, quam extra venas, crises reperiri posse, ac proindè in omnibus, dies criticos locum obtinere, tuctur, sicque sententia superiùs allata trigesima sexta, in qua, pro exemplo, sudores Hyp. adducit, etiam de alijs criticis evacuationibus intelligenda venit.

Probatur igitur huiusmodi sententia varijs Hyppo. & Gal. autoritatibus, Gal. 3. de crisis, cap. 3. dum signa præsentis, & imminentis crisis proponit, varias evacuationis species singulis morbis respondentes stabilit, & inter morbos, phrenitidem, lethargum, peripneumoniam, pleuritidem, & alios similes affectus, qui manifesta evacuatione, aut abscessu effatu digno terminantur, enumerat; atqui hi morbi sunt extra venas, & mediis crisis terminantur: ergo in his dies decretorij locum habent.

Instabis tamen; nam huiusmodi crises in his morbis, non ratione inflammationis accidunt, sed solum ratione morbi venarum, videlicet febris, quæ cum his affectibus ferè semper complicatur, ut ex vrina sæpè sæpiùs cruda constat: ergo quia tales

les crises, potius ratione morbi intra venas, quam extra eas eveniunt. Hæc arguties faciliè dissolvitur; Gal. enim loco assignato minutim, ac peculiaritèr, singulos morbos, ac evacuationes ipsis respondententes, enumerat: ergo quia non solum ratione febris tales crises contingunt, cum evacuationis species, unicuique morbo affinis, adducatur.

Roboratur ulterius nostra sententia; ex Gal. 1. prorræctorum, comment. 13. in qua sententia Hyppoc. inquit: *Rigores in phreniticis pessimi*; & ipse Gal. in dicto commentario: *Rigorem pessimum in phreniticis, non esse simpliciter intelligendum; criticus enim rigor in phreniticis, ipsam phrenitidem solvendo medio sudore, potest apparere.* Hyppoc. etiam 2. prognosticorum, sentent. 67. de peripneumonia, ac de abscessibus, quibus solvitur, agens, inquit: *Omnes autem abscessus, qui in cruribus, in vehementibus pulmonis, ac periculosissimis, utiles sunt; optimi verò, qui sunt sputo iam in pus mutato*: Ergo si ex sententia Hyppoc. abscessus pulmoniam solent solvere, apparentibus potissimum coctionis notis, cum pulmonia, qui morbus est extra venas, media crisi terminetur, meritò fatendum erit, morbos extra venas media crisi esse terminandos, cum crisis nihil aliud sit, quam subita morbi mutatio ad salutem, cum manifesta evacuatione, aut effatu digno abscessu: ergo ex Hyppoc. morbi extra venas, crisi valebunt iudicari; ac proinde etiam diebus criticis indigebunt.

Roboratur ulterius, ex Hypp. 1. prognost. sentent. 28. asserente, inflammationes hypocondriorum, hepatis videlicet, & lienis, fluore sanguinis è naribus iudicari, quæ evacuationis species, his inflammationibus est familiaris; Gal. deinde 3. de crisis, cap. ultimo, ait: *Dextra quidem præcordia, ex dextra nare, sinistra verò ex sinistra bonam crism efficiunt*; quasi asserat, hepatis inflammatio optimè per dextram narem iudicatur, veluti lienis per sinistram: ergo in his morbis extra venas, prædicta iudicia, in criticis diebus sunt perpendenda.

570 EXPOSITIO DE CRISIBVS,

Solidissimis etiam rationibus nostra fulcitur sententia; nam aliqua inflammatio interna subito humore evacuato, cum coctionis notis, potest subito solvi: ergo potest crisi terminari. Antecedens experientia, & ex Hyppoc. & Gal. auctoritate roboratur; sæpè enim à medicis observatur, inflammationes ex partibus externis ad internas recurrere, vt Hyppoc. *Erispelas melius est intro foras, quam è contra.* Ipse similiter secundo prognosticorum sentent. 68. inquit: *Si verò abscessus de repente occultentur, atque recurrant, spūto non precedente, malum.* Gal. in comment. abscessus ait, occultari, & evanescere repente, duobus modis accidere, discussio nimium humore, ac per insensibilem transpiratum evacuato; quando humor tenuis, pars laxa, & calida, aër ambiens calidus, viresque laborantis validæ sunt, secundo verò modo, frequentius evenit, remeantibus humoribus, qui inflammationem efficiunt, vel in eandem, ex qua sunt commoti sedem, aut aliquam aliam. Aphorismorum etiam quinto sentent. 65. sic fatur: *Quibus tumores in ulceribus apparent, non admodum convelluntur, neque in saniant, verum his evanescentibus de repente, quibusdam atergo convulsiones, & distensiones fiunt, quibusdam autè in sania, vel dolor lateris acutus, vel suppuratio, vel difficultas intestinorum, si tumores sunt rubicundi.* Ergo plurimæ, atque internæ inflammationes, media crisi valent terminari: ergo morbi extra venas, ac proinde iudicatio, per dies criticos in affectibus extra venas, sibi locum induit.

Uterius roboratur; nam Gal. in comm. 3. prognost. sententia ultima inquit: *Repente occultari dolorificas affectiones;* hoc est inflammationes: ergo ex Gal. morbi extra venas, iudicium criticum solent obtinere. Primo etiam prognost. comm. 1. *Exanthemata ex profundo efflorescentia aliquando recurrere,* scribit. Ergo medio rigore per terminationem. Confirmatur, ex Gal. 2. de causis symptomt. cap. 1. *Humor*

faciens rigorem fertur ad cutem, ac sudore evacuatur, aliquando verò non ad cutem, sed ad interna loca bilis impetum facit, ac per vomitiones, & deiectiones simul evacuatur: ergo si humor extra vasatus subito ad venas retrocedit, valebit medio iudicio solvi, ac si in inflammatione ex bile sincera facta, vincente natura, prædicta materia ad venas subito recurrere contingat, ac per secessum, aut vomitum, media crisi evacuari, aut per vniuersum corpus dispergi, cū transpirabile sit, ac per vias nobis incognitas, siue aliquo abscessu decerni, vt Hyppoc. 2. epidem scribit, crisis fiet: abscessus aut fiant per nervos, per venas, aut ossa, ac proinde hi omnes affectus, ac alij similes extra venas reperti, per dies criticos terminari poterunt.

Probatur præterea: morbi enim magni, & acuti crisi terminantur; atqui inflammationes internæ effatu dignæ, sunt morbi magni, & acuti: ergo licet sint extra venas, crisi valebunt terminari. Maior est manifesta, vt omnis medicorum secula cum Gal. buccinat. Minor verò ex vehementia symptomatum in his inflammationibus claret: ergo consequentia est concedenda.

Fulcitur tandem prædicta assertio, quoniam sex sunt morborum terminationes, subito videlicet ad salutem, subito ad mortem, subito ad melius, subito ad peius, sensim ad salutem, sensimque ad mortem, nunc sic, inflammatio interna est morbus acutus: ergo debet terminari vno ex quatuor modis prius dictis; atqui quatuor terminationes priores crisim per dies criticos efficiunt: ergo inflammationes internæ, licet sint morbi extra venas, per crisim possunt terminari, ac proinde, ne iudicium falax evadat, per criticos dies sunt computandi.

Obiicies tamen, nam vt bona, & laudabilis crisis sit, necessario perfectam coctionem sequitur, vt media illa, natura humorem utilem, ab inutili secernat, eumque manifesta eva-

uatione detrudat, vt Gal. 1. apho. comm. 21. & 4. apho. com. 12. ergo vt inflammationes internæ criticè terminentur, prius debent concoqui, siue supurari: ergo phrenitis antequam crisi terminetur, talis cerebri inflammatio debet prius supurari; sed hoc est impossibile, nā vivente animali supuratio in cerebro nō potest fieri: ergo nec phrenitis valebit terminari: ergo nec morbi extra venas.

Cui respondeo; quod per inflammationem, tumor factus ab humore calido debet intelligi; quare coctio in inflammationibus, perpetuò supuratio non est: erisipelata enim ad supurationem non perveniunt; si verò fiat ex humore sanguineo; vel resolvitur, vel in aliam partem trasfertur, natura humorem noxium, ex partibus internis, ad externas, trudente; vel tandem supuratur: si deindè inflammatio ex humore sincero, atque recrementitio fiat, qualis est vtraque bilis, illius coctio nequaquam est supuratio, nam humores sinceri non possunt supurari; sed ideò dicuntur concoqui, quatenus eis natura est superior, ac dominatur, eosque præ robore ad meliorem statum permutat, vt Gal. 2. de ratione victus in morbis acutis comm. 44. *Dicuntur etenim illi humores concoqui, cum calor natus, qui temperatus est ad suam mediocritatem reduxerit.* Sicque, vt phrenitis crisi iudicetur, cum fiat ex sincero humore bilioso, si exquisita sit, vt Gal. 2. proreptic. comm. 1. & 4. de causis etiam pulsum cap. 14. sufficit, vt humor phrenitidem efficiens hac ratione concoquatur, nam non est necesse, vt quævis inflammatio crisi terminetur, sed frequentè ea quæ ex humore calido ortum ducit: vt Gal. 2. de crisi bus cap. 11. his verbis demonstrat: *Eas igitur quæ cum magno, & citò se inclinante certamine fiunt, morborum mutationes, quas præcipuè crises nominare, dicebamus febrium earum, quæ ex calidis humoribus acceduntur, proprias esse existimandum est, post has harum quæcumque membrorum sunt, principatum habentium faciliè mobiles,*

Et calidę dispositiones, & quamvis per supurationem terminetur (si terminari possunt) nō est impossibile pus ita à natura coctum, & attenuatum esse, ut cito, ex una, nobiliorique parte in aliam expelli valeat.

Robotatur huiusmodi solutio, quoniam natura humores aliquando noxios, per ossa excernit, & ipsa aliquando densissima, abscessus pati valent, ut Hyppo. hac ratione pus extenuari posse scribit, veluti Gal. expressit 9. simpl. cap. de Pirite, dum ait, *pus, & grumossam substantiam in spatiis muscutorum inter mediis contentam, per alitum digeri posse.* Quare resp. padeo in forma rationi allatæ: Distinguendo antecedens; ut fiat bona crisis, requiritur prius perfecta coctio in inflammationibus, distinguo, coctio quæ sit supuratio semper, nego antecedens: Coctio quæ sit reductio humoris ad mediocrem statum, concedo antecedens: ergo inflammationes internæ debent concoqui, aut supurari; concedo primam partem, videlicet quo ad coctionem alterativam, non verò quoad supurationem: ergo ut phrenitis terminetur, debet prius supurari, nego cōsequentia, ut ex supradietis manet probatū.

Instabis tamen vrgentius; nam si interna inflammatio valet crisi iudicari: ergo præter quatuor tumorum terminationes plures aliæ reperiuntur. Consequentia probatur; nā præter supurationem, resolutionem, schirrum, & gāgrenam, alia terminatio, siue crisis ab his diversa invenietur; sed hoc à nullo conceditur: ergo falsa est assertio. Cui duobus modis, satisfaciendum expedit; primo, fatendo tumores quatuor obtinere terminationes dictas; hoc tamen solum de externis, qui cum magni morbi non sint, his terminationibus finiri valent, est intelligendum, non verò crisi rigorosa, cum ista, solum acutorum morborum sit iudicatio, siue terminatio: in internis verò inflammationibus, extra quatuor terminationes, dictas, alia valet ostendi; morbi enim magni, & acuti, naturam ad unicam, & criticam expulsionem valent vellicare, quod in

574 *EXPOSITIO DE CRISIBVS,*

externis non accidit: secundo respondeo, huiusmodi terminationem per crisin factam, posse ad vnam ex dictis, nimirum ad resolutionem reduci, cum subito humor ex affecta parte evanescat, quemadmodum aliquando in vera resolutione contingit, vt Gal. 2. prognostic. comm. superius dicto præ- ostendit.

Obiicies tandem; vt crisis sit optima, necessariò critica perturbatio debet præcedere, ex 3. de crilibus cap. 1. patet, cum crisis sine certamine non fiat; atqui talis perturbatio in inflammationibus, quæ ex sinceris humoribus nascuntur, fieri non potest: ergo neque optima crisis accidere. Minor probatur; nam critica perturbatio fit, vt Gal. 2. apho. côm. 13. inquit, separante natura mala, à bonis, tandemque ad excretionem præparante; sed hoc in his inflammationibus non potest fieri, cum in eis nihil vtile reperiatur: ergo nec separatio utilis ab inutili: ergo hæc inflammationes, etsi morbi sint acuti, criticam terminationem non obtinebunt.

Quod breviter dissolvitur asserendo, perturbationem fieri, natura separante, quod vtile est ab inutili; hoc quidem in inflammationibus, quæ nō à sincero humore, sed permixto accidit; quia iam in his aliquid vtile invenitur: at verò in aliis inflammationibus ex humore sincero natis, etsi non sit separatio utilis ab inutili, quia tota materia est sincera, & impermixta, hoc non obstante, etiam critica perturbatio præcedit, eo quod natura, licet aliqua non adsit separatio, huiusmodi humorem ad expulsionem præparat, quoniam caloris nativæ actione sincerus humor fervet, & agitur, sicque hoc fervore, perturbatio critica movetur, ac proinde ante crisin talis perturbatio præcedit, ex quibus crises fieri non solum in morbis venosi generis, sed etiam extra venas, ac diebus criticis enumerationem commensurandam esse satis, clarescit, quæ pro veritatis adipiscendæ disputatione, sufficient.

NORMA

NORMA,
SIVE REGVLA,
TV M
PRÆCOGNOSCENDI
AFFECTVM,
ILLIVS CAVSAS
INVESTIGANDI,
PARTEM AFFECTAM PERPENDENDI,
NEC MINVS PROGNOSIM
CONSTITVENDI,
VT TANDEM VERA,
SELIGENDI INDICATIONES
CVRATIVAS,
RATIO METHODICA
STABILIA TVR.

LECTORI.



T peritos Consulas , vt ignaros admittas; illos vt discendo audias ; hos vt docendo, diligas ; illos vt audiendo, insequaris; hos vt errores extirpando, feligas; en brevissima consultandi norma, splendens quidem lumen methodicum , ac dogmaticum ab Hyppoc. & Gal. adductum , à nobisque magnificiendum , cum præ illo , tenebræ , quæ sæpissimè in gravissimis complicatis affectibus reperiuntur , depopulentur: quis enim foelicem , nisi funestum eventum , sola experientia nitens , sine methodica doctrina, adipisci connabitur : duo etenim completum, absolutumque medicum constituunt , vniversalis quædam methodus , de qua Galen. libris methodi , ac de locis affectis egit ; methodusque particularis , vt peculiariter , in praxi se
 exer-

exerceat, de quibus in præsentī sum alloqu-
 turus, ita ut dignotio partis affectæ, affe-
 ctus, omnisque symptomatum generis,
 supervenientium, quæ compli-
 cari valent, clares-
 cat.



DOGMA:

DOGMATICA,
ET METHODICA
CONSULTANDI
NORMA.

MEDICVS igitur rationalis, vt curativam Artem adimpleat, prius affectum, quem nostra natura patitur, debet maximè dignoscere: Secundo causas illius, tum procatharticas, sive externas, & manifestas: tum & etiam internas: tam antecedentes, quam coniunctas oportet, vt perpendat. Tertio partem affectam dignoscere; vtrum per essentiam; vtrum verò per consensum lædatur. Quarto, prognosim, sive eventum futurum morbi debet constituere, vt tandem remediorum inventio, per veros scopos, & indicationes indefectibiles, completa permaneat.

Cum igitur cognitio morbi inventio sit remedij, secundum Gal. 7. methodi, aliisque in locis, maxima adhibenda est cura in illius acquisitione. Prius ergo quærendum est de genere morbi: Secundò, de specie: Tertio, de magnitudine: Quarto, de motu: Et quintò, de more illius. Quo ad genus morbi, quolibet in affectu corporis præternaturam, prius (cum tria sint, quæ nostrum corpus præternaturam lædunt, morbus, eius causa, & symphoma) debet Medicus investigare, an sit morbus? An causa præternaturam lædens? An verò symphoma? Quod est affectus præternaturam citra læsionem; quare si iudicet, nequè esse causam, nequè symphoma, quod.

quod præternaturam est, sed morbum, debet primo investi-
gare genus morbi.

Tria ergo cum Gal. sunt genera morborum, vel morbi
partium similium; vel partium organicarum; vel morbus
communis, vt soluta vnitas, si partium similitudinum, vel in-
temperies simplex, vel composita; vel cum affluxu; vel ci-
tra affluxum humorum, vel in qualitate prima manifesta,
vel in qualitate oculta: si morbus partium organicarum fue-
rit; vel erit in formatione, vel in compositione, vel innume-
ros; vel in magnitudine; & sic desoluta vnitate in genere, discur-
rendum erit.

Invento iam genere morbi, deviendum est ad illius specie,
an sit intemperies calida, vt febris in specie morbi? An dein-
de ista sit putrida nec ne? Quod in genere febris est genus in-
teriectum; an tandem sit de specie tertianarum, vel quartana-
rum, & sic cognito incommuni genere morbi, cognita spe-
cie suprema, nempe intemperie calida, & cognita specie
interiecta, & infima, vt est febris tertiana v. g. exquisita in-
termittens, infra quam nulla alia est species; meritò deve-
niet medicus ad peculiarem speciem indagandam, vt simili-
ter, si sit pleuritis, aut angina, quod per propria symptho-
mata valebit cognoscere, quemadmodum, si in pleuritide
detur dolor punctorius, febris continua, difficultas respiran-
di, & pulsus durus; & hæc de specie morbi.

Inventa iam morbi specie, de illius magnitudine venit in-
quirendum; an magnus sit? An parvus? An mediocris? Quoad
morbi magnitudinem Gal. 4. meth. cap. 6. tres differentias
magnitudinis proponit, vt latè tractatu de sanguinis missio-
ne egi; quarum est prima magnitudo ratione propriæ mor-
bi essentia: Secunda ratione cachoetia: tertia ratione partis
affectæ: magnitudo igitur ratione essentia: morbi patet, vt si
aliquod magnum apostema, quod nequè sit malignum, vt
illud, quod est cachoete, & mali moris, nequè inveniatur in
rum;

DE MODO CONSULTANDI. 521

aliqua parte præstantissima, & nobiliori, ratione cuius possit dici morbus magnus ratione præstantiæ partis, in illo casu, nec dicetur morbus magnus ratione cachœtiæ, quia non est humor malignus, nec dicetur magnus ratione præstantiæ partis, cum in nulla præstanti parte reperiatur; sed solum magnus nūcupabitur morbus ratione illius essentiæ, eo quod ex se, & per se magnus est.

Magnitudo verò ratione præstantiæ partis faciliè elucescit, eo quod nomenclaturam sumit à partis nobilitate, sive præstantia, ut si in iecore, aut in corde, sit aliquod exiguum aposthema, aut aliqua parva pustula, quæquidè ratione sui nihil mali minatur, ratione tamen partis præstantiæ lebitur ulceratè, mortem minabitur; idèdque concludimus cum Doctissimo Săctorio, quod si status existēs sit in ventriculo affectum nullius momēti efficiet, ut est ructus; si verò ipse status esset inclusus in cordis ventriculis, exitiosam, & lethalem palpitationem posset efficere; quare hic morbus non dicetur magnus ratione causæ, quia causa sit multa, ut diximus de tumore magno, sed potius dicetur magnus ratione præstantiæ partis, scilicèt cordis.

Magnitudo verò morbi, quæ est ratione cachœtiæ, vel malignitatis, erit veluti aliqua febris maligna, licèt appareat parva, vel aliquod vlcus cachœte, ita malignum, ut nullis cædat remediis, aut vulnus, etsi exiguum inductum à veneficis armis; tunc nec ratione multitudinis causæ, nec præstantiæ partis, sed ratione venenatæ qualitatis; hoc est cachœtiæ, morbus magnus nuncupatur: nec me latet Gal. legisse 6. de locis affectis de differentia magnitudinis morbi, quæ sumitur ratione dignitatis illius, ubi agit propriè de passionibus histericis, quæ pendēt à semine corrupto, esse maiores, quam eas, quæ pendent à mensibus supressis.

Gal. similiter 3. de tuenda sanitate, cap. 9. adducit exemplum de magnitudine morbi ratione dignitatis, quando

Eccc

duo

duo sunt morbi, complicati, perpendens dignitatem morbi, vehementioris, & vrgentioris, qui secum rapit curationem: nec minus possumus assignare aliam differentiam morbi magni, cum Gal. libro de totius morbi temporibus, cap. 5. dum morbus dicitur magnus ratione debilitatis viriū, cū vires maximè deiectæ sint, licet hæc omnes differentiæ magnitudinis morbi, ita pateant, tres primæ maximè ad curationem, morbi conducunt.

Præcognito iam, tum morbi genere, tum specie, & magnitudine, debeniendum est ad illius morem, vt facili, tum motus, tum eventus morbi innotescat; investigandum verò est, vtrum morbus sit benignus? An malignus? Benignus quidem dicitur duobus modis, vel quia re vera est parvus in læsione, vel salutaris, aut facilis curationis, ita vt licet magnus sit, manifestèque lædat, non tamen rigorosè cum vehementia læsionum; morbus verò malignus dicitur lato modo, quando ita est magnus, vt vehementia symptomata secum ducat, & sic omnis morbus magnus lato modo poterit dici malignus, proprie tamen malignus ille erit, qui quoad apparentiam parvus est, & exiguum habet magnitudinem, symptomata verò, vt viriū debilitas, sunt sevisissima, vt morbi à tota substantia, vt est malignitas, quæ observatur in febribus, in vlceribus, & aliis affectibus, quorum malignitas cognoscetur per signa post apparentia, quæ pertinent ad excrementa, & ad alia symptomata, & ex eo, quod nullis cedat remediis.

Nec minus iam querendum est de motu morbi, an sit brevis? An longus? An mediocris? Et si brevis, an sit acutus? Et si acutus, an peracutus? Vel exactè acutus? Vel simpliciter acutus? Vel acutus ex decidentia, quod manifestatur ex eo, quod si est exactè peracutus, quarto die: si exactè acutus, septimo: si simpliciter acutus, decimo quarto: si acutus ex decidentia viriū, aut quia degenerat, quadragesimo die termina-

tur.

DE MODO CONSULTANDI. 53

tur; ille verò morbus, qui huiusmodi tempus per transiverit, iam proprie morbus longus nuncupabitur, cuius tarditas, aut celeritas morbi desumetur propriè, ex specie morbi, ex magnitudine illius, ex more, et si malueris, ex anni tempore, ex circuitu successivis incrementis, & ex his signis, quæ mox apparent, ut sunt signa coctionis, & cruditatis, ut latissime manifestavit Hyppocrat. 1. aphorism. 12. ubi asserit: *Accessiones, & constitutiones morbi indicabunt, & anni tempora, &c.* ubi ex professo docet Gal. in cōment. Quod ex ipsa specie, & idea morbi, ex magnitudine, & more illius, ut supra egi clarescit: Tū etiā ex signis superveniētibz cognoscet Medicus motū morbi, utrum sit, brevis, vel longus, quemadmodum in morbo laterali, si magna symphomata in specie habeat talis affectus: si malignus fuerit: si accessiones habeat frequentes, multumque anticipando procedant, & valdè affligant; tunc quidem motus morbi celerrimus erit, & hoc ita intelligendum est in prima significatione, quoad morbum brevem, vel longum.

Sed si malueris peculiaritèr, & exquisitè motum morbi præcognoscere, iam per ea, quæ insinuavi ex signis supervenientibus cognoscēs: si perpendas motus morbi vniuersales: tum & etiam particulares, vniuersalis quidem sumitur ex ipsis temporibus morbi, ut si sit in principio, augmento, statu, vel declinatione; particularis verò motus morbi, ex particulari motu paroxysmorum, sive accessionum, cum hac manifestissima expositione.

Ut igitur motus vniuersalis morbi percipiatur, ex principio vniuersali talis morbi duplex conditio est perpendenda, ex Gal. & Hypp. 2. aphorif. 3. prima, quod symphomata sint leviora illo enim tempore, quo permanent symphomata levia ab initio, est principium morbi, & dicemus motum vniuersalem principij esse longum, si multo tempore talia symphomata levia perdurent; secunda sumitur ex signis crudita-

tis, vt insinuavi suprà ita vt si multo tēpore permaneat cruditas in lotio; tūc motus vniversalis principij morbi erit lōgus, si pariter de augmento morbi volueris iudicare, motum vniversalē morbi, nota, quod augmentum duo requirit. Primum, vt symphomata manifestē incipiant ægrum vexare, ita vt valdē augeſcant symphomata. Secundum verò est, vt in virinis, iam appareat signum coctionis, si non perfectum saltim rude, & cum aliqua deficientia veræ coctionis.

Maximè tandem sunt de augmento morbi, notanda duo, primum, quod si Medicus videat, omnia symphomata morbi notabiliter augeſcere, & ægrum vexare, & ex alia parte nullum signum coctionis appareat, & solū cruditas elucescat, tūc vt plurimum mors solet succedere: secundum non minus notandum in mea opinione, vt ait Sanctorius libro de vitandis erroribus, quod morbi in augmēto purgatio, vt suprà libro de purgatione satis egi, nequaquam est exercenda, eo quod causa morbi, nempe morbifica immediata concoquitur, non dum tamē perfectē est coctas ac proindē, nec separata materia utilis ab inutili, benè tamē sanguinis misionem, aliquādō amplectar, dum prævidero naturam non progredi ad statum perfectum coctionis, eo, quod gravata, sive opressa ab humorū sarcina existit.

Si de morbi statu sermo instituatur prima erit conditio, vt symphomata sint in summo aucta, vt Hypp. dixit loco citato, *in statu omnia fortiora*, secunda erit conditio, vt signa perfecta coctionis appareant: animadvertendum est, quod si talia signa perfecta coctionis non appareant, quando symphomata ad summum augeſcunt, signum est, quod in tali statu, victoria potius est ex parte morbi, & per consequens ægrum tendere ad mortem, qui potius est status ad mortem.

Occurrit tandem tempus morbi vniversale vltimū, vt est declinatio, quæ duas etiam obtinet conditiones, quarum est

pri:

DE MODO CONSULTANDI. 55

prima, vt symptomata sint facta mitiora; secūda verò vt natura incipiat expellere materiā morificam victam; ita vt si hoc non accadat, metus sit, & periculum recidivæ, vt dixit Hyppocrat. *Quæ relinquantur ex morbis recidibas facere consuevere*, quod non debet medicos decipere: Et hæc de cognitione temporum vniversalium morbi, ad decernendum de illius motu brevi, longo, vel medio-cri.

Quoad verò tempora particularia morbi, scilicet quoad paroxifimos, vel accessiones ex Gal. lib. de morb. temp. cap. 3. assero quod sunt sex, videlicet principium accessionis, vel paroxifimi, inæqualitas illius, augmentum, status, declinatio, & intervallum; quod quidem dicitur integritas siue tempus liberum infebricitandi, aut liberum tempus cuiuscumque paroxifimi morbi, qui repetit per suos motus, si præcipuè hæc tempora particularia in febribus volueris cognoscere, notabis, quod principium durat omni tempore. quo rigor, vel extremarum partium frigiditas elucescit, eo, quod retrocessus caloris est ad viscera, vt Gal. 4. de ratione victus 39.

Inæqualitas verò paroxifimi, siue accessionis est post rigorem, sed ita, vt antequam augetur caliditas, omni illo tempore permaneat, nec corpus sensibilibiter calidum, nec frigidum sentiatur, quod reperitur inter finem rigoris, & principium accessionis, ex quo deducitur, quod augmentum paroxifimi cognoscitur, dum calor iam elucescit, vel effunditur ad partes extremas, ideòque status manifestabitur, ex eo quod talis caliditas extremarum partiū, est iam æqualis cum caliditate toracis; qua propter cognoscenda erit declinatio, dum cordis calor efferbescens iam incipit remitti, vt tandem intervallum, seu integritas constituatur ex omnimoda quiete, seu infebricitatione, quod vltimum tempus nequaquam continuis febribus cōvenit, maximèque notare debet medicus vniversales morbi motus, vel particulares, nequaquam

convenire morbis, tum in materialibus non dependentibus ab humoribus, vt febribus hecticis; tum etiam materialibus, qui ita sunt iam facti, vt amplius non fiant, ex eo, quod materia nullam immutationem, sive exacerbationem obtineat.

Quibus sic perpensis, facile vnusquisque medicus valebit discernere, tã motus vniversales morbi, quã particulares esse breves, vel longos; ex eo, quod tempora vniversalia superius dicta, vel particularia, celeriter, vel tarde, vel mediocriter moveantur: exemplum sit in morbo exacte acuto qui 7. die terminatur; nã principiu vniversale talis morbi, idẽ erit breve, quia partu detinetur; partuque permanet cruditas, ad quam brevitatem principij, brevitatem augmenti sequitur; ex eo, quod augeantur celeriter symptomata, & signa coctionis; etsi non perfecta, manifestentur; vnde brevitatem status correspondens apparebit; si ad summum vehementia symptomatum perveniat, taliter vt 4. die iam perfecta coctionis signa appareant, sicque facile possumus colligere ex brevitatem motus horum temporum, brevitatem totius morbi quoad prognosim; & sic discurrendum venit, quoad tarditatem, vel mediocritatem motus, quoad tempora vniversalia, taliter vt servata paritate, in temporibus particularibus paroxysmi, eandem illationem valeamus construere: nam si tempus, quo accedit rigor in febre, vel frigiditas partium extremarum in principiis accessionum, quemadmodum inæqualitas superius dicta, parum duret, veluti etiam si calor ad partes externas celeriter expandatur, vel communicetur; facile ex brevitatem temporum istorum particularium, motum celerem, & acutum paroxysmorum, sive accessionum esse cognoscemus, ac proinde motu morbi vniversalẽ esse brevem, sicque discurrendum venit de motu tardo, vel mediocri temporu particularium accessionum: & hæc de motu vniversali morbi, tum etiam particulari sufficiant.

DE MODO CONSULTANDI. 58

Inventa iam natura, & essentia morbi quoad genus, quoad speciem supremam, interiectam, & infimam, debeniendum est ad ipsius inquirendas causas, non formales; morbi enim cum accidentia potius dicantur, non habent formas, non finales, nam cum sint præternaturam, careant fine morbi per se, neque materiales, cum in natura morborum potius perpendamus, eos esse formas partium affectarum, quam habere materias diversas, quas respiciant ut formas materiales; quapropter ad remediorum inventionem potius de causis morborum efficientibus sermo est instituendus, siue causa sit procatartica, siue antecedens, siue coniuncta, siue continens, à Græcis sinectica nuncupata.

Similiter si plures sint causæ, & una ex alia dependeat, omnes debet inquirere, & ad ultimas in effectum productas debet resolvendo, sicque in febre putrida cognoscemus, quod causa coniuncta febris est putredo; causæ verò antecedentes sunt transpiratio impedita, quam producit obstructio, istam humorum copia, lentor, vel crassities; humorum denique considerabimus causas procatarticas, videlicet an aliquis error sit commissus in victus ratione; cum hac tamen distinctione, considerandæ sunt huiusmodi causæ, ex eo quod, vel iam produxerint morbum, vel producturæ sunt imminenter, vel partim sit morbus productus iam, & deinde ipsum augeant, nam si morbus productus fuerit ab ipsis procatarticeis, tunc ab his recedentibus non sumetur indicatio curatoria, nisi per accidens, quatenus ad dignotionem morbi conducunt, bene verò si talis causa immineat productionem alicuius morbi, præcautivè indicabit ablationem futuritionis, ut apparet in exemplo ambientis temporis est tibi ex primo de differentiis febrium, cap. 4. sic incipiente Gal. *(calidiores autem ambientis aeris status, qui circa canis ortum solent contingere, &c.)* Tunc quidem si quis ratione aeris status corripiatur febre ardenti, vel pestilenti, tunc debet Medicus

per -

perpendere, an causa ista procathartica sit actu præsens, & conservet, atque augeat morbum? Vel vtrum sit absens talis causa? Si absens sit non indicabit curativè, sed solum dignoscitivè: si præsens verò, quia conservat affectum, & de novo augeat, curativam, & præcautivam indicationem secum ducet.

Quibus sic prælibatis accedit maxima necessitas ad regulam curationem exercendam, cognoscendi partem affectam, sive læsam nostri corporis, quæ maximè elucescet si ipsius vsum, sive actionem, substantiam: magnitudinem, figuram, & connexionem dignoscamus: quia tamen omnis cognitio fit per signa, quæ desumuntur à re cuiuscunque essentia, à symptomatibus, & causis manifestis, meritò cū inter hæc præcipuum locum obtineant, operationes, & symptomata, ab his desumenda est ratio cognoscendi partes affectas, præcipuè internas, quia externæ faciliè cognoscuntur: cum ergo operatio læsa, quæ abolita, diminuta, aut depravata est, sub qua, comprehenditur dolor, ostendat partem affectam, prius de operatione, sive actione læsa, & de dolore agendum venit.

Actio igitur læsa, sive animalis, sive vitalis, naturalisve, partem affectam, cuius est actio læsa, necessario demonstrat; quare unusquisque, etsi Tyro sit, ex delirio cerebrum esse affectum iudicabit, ex visione læsa oculum, ex sanguificatione depravata iecur, quemadmodum ex pulsu inæquali, vel intermittenti cor, luce meridiana clarius præcognoscet: ita pariter ex dolore pars affecta valebit inotescere, nam per situm in quo est, & per differentias ipsius, proclamat dolorosa pars, nam si sub hypocondrio dextro reperiatur, iecur, si sub sinistro, lienem: si verò in medio ventriculum lædi, sive affici, ostendit.

Non aliter dolor, quo ad differentias, partem affectam ostendit: si pungens sit potius membranas: si tensivus car-

DE MODO CONSULTANDI. 38

nosum genus: si gravativus; viscera, quæ parum sentiunt, nisi ratione membranae, qua vestiuntur respicit, sive ostendit esse affecta; ideòque pulsans dolor, etsi in parte sit carnosa, articularum, veluti stupidus nervorum, pruriginosus vesicæ, & pudendi affectionem significat: en quomodo ex actione læsa, ex dolore cum differentiis, facilius partem affectam poteris cognoscere.

Nec minus conducunt ad cognoscendam partem corporis affectam excreta, sive quæ extra corpus excernuntur, sive talia excrementa naturalia sint, ut assueta, fœces nimirum intestinorum, sive præternaturam, ut lumbrici, nam quis negabit intestina non esse læsa, quando non per annum, sed per alias vias fœces excernuntur, veluti si vrina per canalem, sive ductum naturalem non evacuetur: tunc vesica, vel aliæ partes urinarie sunt affectæ; sicque dum arenulae, vel lapides apparent in vrina, renes, aut vesica læduntur: quando verò speciatim carunculæ veluti pili videtur, renes individua-liter afficiuntur, quemadmodum peculiariter afficitur vesica-urinae: si aliqua substantia scamosa, aut laminosa cum vrina excernatur.

Quibus consideratis, facile unusquisque exempla, particularia ad alias partes cognoscendas, valebit adducere, & præcipue si addas in excretis, modum peculiarem exernendi, ut patet manifestè in excretionè sanguinis per os, nam si exeat sanguis in copia, & sine ullo dolore, potius pulmo est pars affecta: si cum dolore, & gravitate, potius thorax: si cum vomitu, venter: si cum excreatione, & titillatione, potius à capite leso exiit: si simplici expuitione, potius gingivas affici demonstrat: conclude igitur verissimam cognoscendi regulam partem affectam, ex qualitate substantiæ, sive sanguinis excreti; nam si flavus, subtilis, calidus, & cum saltu excernatur, potius ab arteria læsa provenit; ruber verò, & crasior, à venis; spu-

mosus comitatus cum tussi, vt dixi à pulmone, quemadmodum niger cum maiori tussi à thorace.

Quid perfectius ad cognoscendam partem affectam conducere valebit, quam si ipsa pars conflictata morbo suum mutaverit colorem naturalem, cum iste, qualitates primæ, & modum substantiæ insequatur, meritò ex mutatione primarum qualitatum, & modi substantiæ partem affectam cognoscimus, vt cum Hyppoc. *ubi calor ibi morbus*, quemadmodum, dum pars redditur durior, vel mollior, vel magis distensa, aut tumida apparet, affectionem præternaturam ostendunt: vbi igitur vnusquisque partem affectam cognoscere voluerit, ad quinque debet fontes recurrere, ad actionem videlicet læsam, ad differentias doloris, ad situm illius, ad excreta, & tandem ad qualitates mutatas.

Sed id quomodo Medicus acquireret, si de modo læsionis, quomodo scilicet afficiatur pars, non inquirat? Vtrum scilicet per essentiam? Vtrum verò per consensum? Nam vbi aliqua corporis pars læditur propter aliam male affectam, frustra operabitur Medicus, nisi ad originem morbi recurrat, applicando remedium parti affectæ primæ, & per essentiam: est quidē consensus, transitus de vna parte in alteram; quare pars primo affecta dicitur, terminus à quo, illa verò quæ per consensum læditur, terminus ad quē; cōsensus quidē duobus modis potest fieri; nam actio, quæ læditur per consensum contingit, vel quia transmittitur, & communicatur, quod non debebat transmitti; vel quia non communicatur, quod transmitti debebat ad actionem celebrandam: sit exemplum de consensu, quando transmittitur, quod non debebat transmitti, veluti si sit, qualitas prima calor, per continui alterationem communicatus ad cor in febre ephemera; vel si sit aliqua materia, sive vapor ad oculos elevatus suffusionem efficiens, vel ex ventriculo aliqua pituita ad cerebrū transmissa,

DE MODO CONSULTANDI.

epilepsiam; en quomodo hi omnes affectus, & similes, dicuntur per consensum, quia ex vna parte, in aliam transmittitur, quod non debebat transmitti.

Secundus verò modus, quo pars affecta per consensum læditur, est quando non communicatur, quod debebat communicari; elucescit alio exemplo, veluti si manus stupore, aut paralyfi corripiatur, ex eo, quod qualitas illustrativa ad sensum, & motum concurrens, ob affectum cerebri, vel spinalis medullæ, non transmittatur ad ipsam partem per consensum affectam: similiter etiam, si materia, quæ debebat transmitti ad hepar, vt est chylus non communicetur, seu transmittatur per obstructionem mellaricarum, manifestatur morbus per consensum, nam existente hepate temperato, nulloque morbo, vel communi, vel organico laborante, solum ob defectum transitus substantiæ chilosæ, dabitur propriè morbus per consensum; quia non datur sanguificatio ab hepate, non tamen ita erit propriè morbus per consensum, quando laborat pars, ex eo, quod transmittitur aliqua materia, quia iam materia transmissa aliquam læsionem inducit in termino ad quem, sicque saltim secundo iam afficitur.

Nec minus accedit investigandus alius consensus in partibus, vt veras elligat medicus indicationes, nam non solum pars affecta laborat per consensum, quia transmittitur, quod non debebat, vel è contra, sed etiam propter quandam partium connexionem inter se se servatam, vt videre est in affectibus oculorum, qui propter affectum membranarum cerebri, ipsi oculi per consensum afficiuntur, quoniam membranæ illorum, à pia matre, siue membrana cerebri ortum ducunt: alius datur similiter consensus morborum, per similitudinem substantiæ inter partes; idèque partes nervosæ, vt est vterus, diaphragma, & os ventriculi patiuntur per consensum ex affectu cerebri propter similitudinem substantiæ, cum sint partes nervosæ.

FFF 1

Qui.

Quibus prædictis, si volueris discernere, vtrum pars per
 essentiam, vel per cōsensum labore, tria signa tecum aduces,
 nam tunc dicitur, ex dictis, laborare per essentiam, cum mor-
 bus fixus in parte, semper permanens est, secundo, si non
 pendeat, vt diximus ex alia parte prius affecta, tertio per
 accidentia propria talis morbi, quæ quidem pertinent ad
 symptomata, & qualitates mutatas iam dictas; contra verò
 per cōsensum, quando pars non perpetuo afficitur, sed per
 temporis intervalla, & si incipit laborare, & augetur affectus
 ad pensum alterius partis affectæ à qua communicatur: præ-
 terea neque habet propria accidentia ex quibus cognosca-
 mus aliquē affectū in dicta parte, vt possimus iudicare talem
 partem esse affectam per essentiam, sed potius per cōsen-
 sum.

Cum iam satis, superque clarescant, ex prædictis tam na-
 tura, & essentia morbi, magnitudo, modus, & mos, sive ca-
 cohetia: tum & etiā causæ illius prochatartice, antecedentes,
 & coniunctæ, ac simul pars affecta, tum per essentiam, tum
 que per cōsensum considerata: ante, selligendas curativas
 indicationes, eventum, sive futuritionem morbi ad natura-
 lem statum, scilicet ad vitam, sive ad mortem, debemus præ-
 cognoscere, an morbus victurus sit naturam, vel ab ea possit
 vinci; sicq; signa dignoscendi evētus morbi, vtrū salutaris, vel
 mortalis sit, cōsideranda sunt, vel circa morbū, vel circa cor-
 pus ægrū: si circa morbum, ipsa species, vt intemperies con-
 firmata in tabe, vel in hēctica in tertia specie, insuperabilem
 morbum, & funestum ostendet, quemadmodum magnitudo
 morbi in apoplexia, veluti malignitas ipsius in pthisi; supera-
 biles verò, & salutares morbi, ex contrariis causis concipi
 valent.

Circa verò ægrum, vt pateat morbi eventus, tria symp-
 thomata sunt consideranda, quæ præcipuè desumuntur
 ex his quæ extra corpus excernuntur, nempe ex excremen-
 tis.

DE MODO CONSULTANDI. 59

tis, ex qualitatibus mutatis, & actionibus læsis; excrementa igitur, quæ præcipuè consideranda sunt, & quæ diversos morbos ostendunt, maximè, vel minimè recedentes ab statu naturali, sunt vrina, ad mobos generis venosi, alvi fæces ad effectus ventriculi, & intestinorum, veluti sputa ad ægri- tudines cavitatis thoracis, nam ex his, & evacuationibus per sudores, faciliè cognoscemus, quantum morbi distent ab statu perfecto, & naturali; meritò igitur in vrina coctio est lau- danda, veluti pravitas, vt extremum, est damnanda, cru- ditas verò, vt medium inter hæc, maximè perpendenda, nã coctio quo perfectior, & citius a ppareat; permanens tamen quoad tempus, saluberrimum morbi eventum, securitatem, & brevitatem indicavit; coctiones enim celeritatem iudicij, & salutis securitatem ostendunt: Contra verò prava vrina, vt livida, & iumentorum similis, interitus potius, quam salu- tis est indicium: Cruda tamen, si talis extremè fuerit, qua- lis est alba, & tenuis cum febre, pessima, ita, vt cum languo- re virium necessariò mortem, cum robore verò maximam longitudinem significet; si verò fuerit cruda secundum alios gradus, quoad maiorem, vel minorem recessum in principio morbi maius, vel minus periculum imminebit.

Pari passu non contemnenda occurrunt, quæ excernuntur per sputum, ad eventum morborum thoracis iudicandum, nam ex brevitatem, vel tarditate tēporis, quo apparet sputum: ex quantitate copiosa, vel exigua; difficultate, vel facilitate, qua excernitur; ex colore ipsius, tum albo, flavo, porraceo, plumbeo, livido, vel nigro: ex modo substantiæ crassiori, vel tenuiori, ita vt rotundum, & maximè lentum appareat: Tum & etiam ex foetore intenso, vel remisso, iudicationem quo ad brevitatem, vel tarditatem, quo ad lethali- tatem, faciliè cordatus Medicus constituet; nam cum ex dictis cognoscat, vtrum sputum sit coctum, & cito appareat: Vt di- xit Hyppoc. *Quemadmodum, in morbo laterali, si statim*

sputum.

sputum appareat morbum breuiat, si verò non producit. Vel si sit crudum simpliciter, vel prauum, cadens supra cruditatem; vel malignum; facillimè, propter maiorem, vel minorem recessum dicti excrementi ab statu naturali, eventum funestum, vel salubrem valebit prædicere: sputum enim cum debeat esse, vt sit coctum, album, quia elaboratum per coctionem à partibus solidis, lene, idest mediocre in substantia; hoc est, in crassitie, & tenuitate, quia per coctionem calor cõgregat homogeneas; æquale, idest, permanens ad tempus, quia vincitur à natura robusta materia morbifica, & permanentèr operatur natura valida supra talem causam materialem; si denique sit perquam minimè foetidum, & calorem extraneum esse remissum; naturalem verò esse robustum, & temperatum ostendit, cum foetor sit soboles putredinis, qua deficiente, illius effectus, nempe foetor, debet deficere, quod omne potius coctioni, & victoriæ naturæ est tribuendum, cum coctio à natura facta, faciat cessare putredinem, qua natura perfecti sputi cognita, ad salutem iudicandam, quilibet valebit Medicus, prauum, vel malignum sputum præcognoscere, & eventum morbi lethalem prædicere.

Cum equidem futura prædicere, potius quid diuinum iudicetur, & ex hoc Medicus peritus, ab imperito maximè distinguatur; idè vt prudens, cordatusque Medicus dicatur, plurima debet observare; quorum primum est, quod non elligat prognosim à principio morbi, præcipuè in morbis acutis, qui cum fiant ex tenuioribus, & calidioribus humoribus, qui quidem facillè mutant locum, & transmutantur, huc, & illuc; idè eventus morbi, & prognosis variatur: secundo, cum duplex sit morbi eventus, absteineatur maximè Medicus ab eius prædictione, nisi firmissima, & solidissima signa obtineat.

Præterea, adhuc in prædictione de eventu bono, debet alloqui Medicus sub conditione; videlicet, si aliquis herrox
non

DE MODO CONSULTANDI. 39

non committatur, vel alius morbus de novo non succeda.
Abstineatur præterea à prædictione ex coctionis signo, etsi
firmissimo; nam aliquandò eger obit cum optima vrina,
quod ferè semper in febribus malignis contingit; in tali enim
casu, adest aliqua vehemens partium principum læsio, quæ
etsi obscuretur per coctionem vrinæ; manifestatur tamen ex
aliis signis, ut si magna adsit ægrotantis inquietudo, & ansie-
tas, turbulenti somni, pulsus parvus, & debilis, vel aliquod
aliud sevilissimum symphoma.

Consideranda tamen sunt hæc signa; an vi morbi orian-
tur, ut rigorosè symphomata; vel vi naturæ, ut signa critica;
nam multoties, quàmvis morbus sit curabilis, horrenda appa-
rent, & prava signa, quia ante crisin formalem, quæ est subi-
ta mutatio ad salutem, præcedit maxima perturbatio, ut
Hyppoc. *Quibus crisis futura est, nox quæ antecedit gravior;*
sique solent cōtingere vètris morsus, ægrotantis anxietas, de-
lirium, læsa respiratio, pulsus inæqualis, non tamen parvus, &
debilis; in tali casu, si appareant hæc signa post coctionem, nō
sunt timenda; benè quidem reformidanda sunt alia signa su-
perius dicta, ut cum pulsu languido, & debili existēte apparet,
stridor dentium, decubitus ægri supinus, facies multum emac-
ciata, & immodicè tumida, quæ omnia ducunt Medicum in
cognitionem funesti eventus.

Qualitates similiter mutata, veluti excrementa, ut dixi,
magnam vim obtinent ad bonum, vel malum eventum mor-
bi prædicendum: plurima enim possunt, quoad colorem per-
pendi, saltem peraccidens, ut faciei ægrotantis color, & alia
rū corporis partium, ita ut si sit naturalis, & iustitialis indivi-
duo; vel præternaturalis, ut pallidus, plumbeus, lividus, & ma-
ximè defloratus. Similiter, si calor totius corporis sit valdè
intensius, vel tepidus, vel frigidus, (etsi non philosophicè) nam
nullus calor est frigidus; tamen quia loco caloris, in extremis
glucescit frigiditas, cum interiora maximè deurantur, ut in
Ec.

ebrellyptia: Ideò hæc omnia perpenſa manent, veluti ſi-
gura, & moles ægrotantis, ſi parum ab ſtatu naturali rece-
dant, felicem morbi eventum; ſi verò maximam obtineant
diſtantiã, vt exemplis patet, pernicioſum minantur ea-
ſum.

Sed quid dicet ingenioſus, de actionibus ad ſigna mōrtis, aut
ſalutis conſtituenda in quolibet morbo; cum igitur in tripli-
ci ſint actiones differentia, aliæ videlicet animales; aliæ vita-
les; & aliæ naturales, ex hoc triplici fonte, felicem, aut infe-
licem morbi terminationem præcognoſcet, nam ex actioni-
bus animalibus benè ſe habentibus, vt in ſtatu naturali, nimi-
rum actione locomotiva valida, & robuſta, & in actione ſen-
ſifica, ſi ſecundū rationem ſe habent, vt etiã imaginatione, ra-
tiocinio, & memoria illæſis, ex parte huius principij, nihil ma-
li prædicemus, nam *mente conſtare*, ideſt principiis moven-
di, & ſentiendi, &c. *bonum*: qua regula, & norma amplexa,
pœnes maiorem, vel minorem reſeſſum in hiis actionibus in-
tenſam, vel remiſſam morbi vim iudicabimus.

Firmet atque ſtabiliat prædicta, robur, vel debilitas actio-
num vitalium, ad iudicium morbi præſagiendum: pulſus enim
magnus, vehemens, æqualis, & reſpiratio libera, potius fa-
cultatem vitalem validam eſſe, & morbum ſuperabilem ſig-
nificabit; veluti è contra pulſus parvus, & languidus, princi-
pium vitale, valdè eſſe affectum oſtendit, ita vt ſi ſimul ap-
pareat pulſus inæqualis, ſemper damnatur, quemadmodum
intermittens in iuventibus, parvus; vermicans peiorem ſta-
tum, formicans, proximam necem; deſiciens, tandem indefi-
cientem mortem ſecum trahit.

Quid ergo iam ocurret alloquendū de actionibus naturali-
bus, cum iſtę manifeſtentur per coctiones? Et ea quæ excer-
nantur cocta, vel cruda, prava, vel maligna ſint, vt ſatis in ſu-
perioribus explanatum manet in expoſitione excremento-
rum, quæ extra corpus pelluntur, vt patet in vrina, deiectioni-
bus

DE MODO CONSULTANDI. 39

nibus, & sputo de quibus supra. Nam vrina, & alvi fœces, si nigrae fuerint ex prima generatione, in febribus acutis lethalitatem significant; si tamen fiant ex permixtione succi melancholici, potius laudabilem, & criticum morbi eventum significabunt; in deiectionibus etiam nigris, licet sint absque febre, ut si atra bilis evacuetur, funestus morbi contingeret eventus, ut Hyppoc. apho. 4. sent. 22. si verò fuerit deiectio nigra propter permixtionem succi melancholici, ut in lienosis, tantum abest ut sit mala, quin imò naturam morbi detruncabit.

Pro coronide morbi dignotionis, exponenda accedunt, modus, & tempus, quibus morbi solent finire; nam vel terminantur, vel finiuntur morbi, subito, & affatim per crism, cum ista sit, ut diximus, subita mutatio ad salutem, vel mortem, ad melius, vel ad deterius, facta per evacuationem manifestam, aut per effatu dignum abscessum; vel terminatur morbus paulatim, vel sensim, quod fit per coctionem in salubribus; & per corruptionem in lethalibus: morbi quidem, qui finiuntur per primum modum, nempe evacuationem, propriè sunt morbi magni, & acuti, consentientibus iuventute, ambiente calido, & regione æstuante: contra verò qui paulatim finiuntur, sunt morbi longi, & cronici, veluti frigidi, consentientibus ætate senili, tempore hyemis, & regione frigida.

Crisis igitur, siue terminatio, per evacuationem perfecta est salubris, quæ nititur ijs conditionibus, & fundamentis; primo, ut præcedant signa coctionis ad dictam evacuationem; secundo, ut die critico contingat talis evacuatio; tertio, ut non sit exigua, nihil enim paucum est criticum, neque immodica, hoc est supra vires: *Evacuationes enim* (ut Hyppoc.) *quæ ad extremum deveniunt periculose*; ideòque non criticae perfecte: quarto, sine concomitantia accidentium graviorum, cum causa morbifica præcedat victa, & decocta.

Gggg

Qui.

REGULA BREVIS

Quibus perpensis, facile medicus firmabit talem evacuationem esse criticam ex conferentia, & tolerantia ad illam subsequuta: tolerantia quidem sumitur ex parte virium, tam naturalium, vitalium, quam animalium; conferentia verò ex duplici parte venit consideranda, nimirum ex qualitate, sive specie humoris, qui evacuatur, ita ut talis excernatur, qualis intra corpus cacoichimus, & vitiosus est: tum & etiam conferentia desumitur ex remissione accidentium; ita ut morbi symptomata, non solum non augeantur, verum etiam in totum remittantur, ut Hippoc. 2. v. apho. *In perturbationibus ventris, & vomitibus spontè factis, si talia qualia purgentur conferunt, & liuiter ferunt: similiter* 23. 1. *evacuationes non sunt multitudine estimandæ, sed si qualia oportet, purgètur.* Roboratur etiam hoc 25. 1. quæ cum secunda huius lib. maximè consentit; nam repetit Hippo. in hac sententia: *Si talia purgentur, qualia purgari oportet, &c.* Concludit huiusmodi intentum Hippoc. 4. apho. sentent. 2. & 3. in secunda enim ait: *In medicationibus, idest, purgationibus talia educere oportet, qualia spontè prodeuntia utilia, &c.* in 3. etiam huius; *si talia, &c.* Ex quibus nulla deficiet conditio ad terminationem bonum, sive eventum morbi bonum sigillandum.

Merito igitur ex contrariis conditionibus, in qualibet evacuatione, timorosa terminatio cuilibet occurret medico; sed cum, ut diximus, aliqui morbi etiam finiantur per abscessum, tum ad salutem, tum ad mortem, merito debemus scire, quid abscessus, & qualis bonus, ut lethalis facile innotescat: contrariorum enim eadem est ratio; abscessus, quidem in præfenti intelligendus est, ex venerando Hipp. apho. 4. pro transmutatione, & collectione alicuius humoris in aliqua parte particulari, nam ut ait magister: *Quibus in febribus lassitudines adsunt ijs iuxta maxillas, (ut sunt parotides) & prope articulos abscessus fiunt; idest, transmutationes humorum ad partes particulares: abscessus bonus, legitimus, & criticus,*

DE MODO CONSULTANDI. 36

his omnibus debet pollere conditionibus: quarum prima est, ut humoris transmissio fiat ad partes longinquas à parte affecta, videlicet ad corporis inferiores; arguit enim iste motus, naturam viscerum validissimam esse; secunda, debet etiam fieri talis translatio per rectitudinem vasorum, ideòque Hypp. in epidemiis, in tumoribus lienis damnavit evacuationes sanguinis ex naso dextro, veluti collaudavit ex sinistro; sicuti è cōtra, in affectionibus hepatis ex naso dextro solvit morbum per evacuationem, ex sinistro verò solum irritationem arguit.

Tertia cōditio, locus recipiēs talē humorē in abscessu, debet esse capax, & amplitudinē obtinere, ut tota materia morbifica criticè à visceribus expellatur; si enim extremum digiti manus, ut ex epidemiis constat, sit pars mandata, & recipiens huiusmodi materiam morbificā, potius languidam naturam ostendet, nam propter incapacitatem partis, malignus humor de novo ad nobiliores partes retrocedit, quarta debent similiter, ut de evacuatione diximus, præcedere coctionis signa die indice, ut talis abscessus die decretorio appareat, quæ omnia de abscessu critico dicta, tribus solum particulis ab Hyppoc. in epidemiis, valde clarescunt. Videlicet: *Vndè, quo, & propter quid: Vndè*; idest, à partibus nobilioribus, & robustioribus, & per rectitudinem vasorum, *quo*; idest, ad partes inferiores, & capatiores, ut sufficienter totum humorem morbificum recipiant; *propter quid*, idest, materia victa, & decocta, præcedentibus die indice coctionibus, & quod die decretorio talis abscessus cōtingat: quæ omnia constituant normam ad damnandos alios, nempe symptomaticos abscessus, pœnes maiorem, vel minorem distantiam, quam cum critico obtinent, ut libro de crisi bus egi.

De tempore quo morbi solvi, vel finiri debeant, facile possumus prognosim prædicere si inspiciamus, quæ superius manent dicta de motu morbi brevi, vel tardo; nam si morbus

celerius moveatur, vt morbi acuti, breviori tempore terminandum, quemadmodum, si tardo motu percurrant sua tempora; longiori iudicabimus, quæ omnia ex specie, & natura morbi, vt in febre ardente; ex causa, vt ex bile, temporis brevitatem in quo terminetur, prædicemus; sicque morbus exacte peracutus, quarto die; exacte acutus, septimo; Simpliciter acutus, decimo quarto, veluti acutus ex decidentia, vigesimo terminatur, & ad summū quadragesimo. Contra vero morbi longi, qui tardo motu moventur, ultra hos dies progrediuntur: & hæc de dignotione cuiuscumque morbi, aut de ratione prædicendi funestum, vel laudabilem illius eventum.

Cum ergo curatio rationalis, & methodica, per veras reguletur indicationes; idè sciendum est prius aliquid de indicationibus eligendis: indicatio equidem, cum in communis definitione notionali, sit insinuatio rei agendæ sita in essentiali definitione, erit, *comprehensio rei iuvantis, simul cum comprehensione nocentis*; ita vt vna sit indicatio curativa, dum adest morbus, alia præcautiva, dum imminet, veluti indicatio salubris, quæ solum ad statum naturalem conservandum ordinatur: de indicatione igitur in præsentī curativa consulendum est, quæ quidem est triplex, à morbo, à natura, & ambiente; à natura, quia ex ea metimur lapsum temperamentī, & constitutionis naturalis; à lapsu, metimur exigentiam medicamenti indicati, quoad remissionem vel intensionem; à morbo etiam desumitur indicatio; quia ille sui habitationem postulat, veluti illius causa morbifica, quæ reducitur ad indicationem desumptam à morbo; & idè ab ambiente valet desummi indicatio curativa, quoniam ær ambiens potest summi dupliciter, vel vt est quid iuvans ad ablationem morbi; & tunc dicitur indicatum: si vero perpendatur ær, vt causa nocens, idè generans, vel augens morbum, indicabit propriè curativè; vnde correlativa indicatione intelli-

guntur.

DE MODO CONSULTANDI. 61

guntur; indicantia, & indicata: indicantia morbus, causa morbi, & symptoma, quod habeat vicem causæ: indicata verò, remedia; in quibus perpenditur quadruplex scopus, qualitas scilicet, idest species; quantitas ipsius, modus vtendi talis indicati, siue remedij, & occasio, quæ est oportunum tempus ad operandum.

Circa remedij quantitatem, vel intensiorem, non exigua apparet difficultas, cum solum ratione coniecturali possimus metiri gradus intensiorem in recessu; ideòque si curatio fiat per contraria, cum difficile sit, quod talia contraria commensurentur æqualia, certius erit, non per intensiora, sed per remissiora, & inferiora morbum profligare: occasio verò, siue oportunum tempus ad operandum, semper desumitur ex præsentia indicantis, & absentia impediens, nam cum morbus valeat sua tempora immutare, etsi vnus sit morbus in specie, atque vna ipsius causa, tamen diversificatur occasio, vtendi remediis; nam quibus possumus vt in principio, frustratur occasio in statu, quia datur impediens; vt Hyppoc. *in principiis morborum. si quid tibi videtur movendum move, in statu melius est quiescere*: modus etiam operandi, in remediis applicatione, idest, vtum subito sit calefaciendum, vel evacuandum; vtum verò sensim, & paulatim, vel qua forma remedium applicandum, an solida? An liquida? An extrinsecus? An intrinsecus? An huic parti, vel alteri, non est exigua utilitatis, sed valde Medicum expeditum, expostulat.

Vt tamen non confusas, sed ordinatas, & methodicas indicationes eligamus, distinguendum maximè erit, vtum morbus sit simplex, & vnus? Causa illius vnica in specie, vel duplex? pars affecta similiter, vt supra, sit per essentiam, vel per consensum, vt iudicemus, quid habeat ad rationem morbi, quid ad rationem causæ? quale sit symptoma, & qualis sit pars, quæ primario afficitur, vel secundo, vt merito scia-

mus,

ius, quid ante quid sit curandum, quid cum quo, & quid post quod; nam morbo habenti rationem causæ, utpotè vrgentiori, est prius succurrendum, altero affectu non neglecto, & aliquando maximè obliato.

Ex prædictis vtilissimum, & clarissimum invitat nos exemplum adducendum, ut in quocumque morbo, quacumque occasione, qualibet in consultatione, possit Medicus, neque scrupulum ad discernendam curationem omittere: sit igitur exemplum in morbo laterali, idest dolore pleuritico complicato, sive coniuncto, cum febre maligna; ibi enim, quod prius se offert ante oculos, est quoddam symphoma, nempe dolor, difficultas respirandi, aliquandò delirium, aliquandò affectus soporofus, aliquandò sudores frigidi, quæ omnia, etsi primo nobis occurrant, non tamen per se indicant, sed potius morbus à quo dependent: quare, primo peritus Medicus debet investigare intimè morbi naturam, nam cognitio morbi, septimo methodi cum Gal. est inventio remedij; quare in præsentis affectu, nempe pleuritide, prius sciendum est, quod tria sunt præternaturam, scilicet morbus, causa morbi, & symphoma: Nunc sic, inquirendum est in præsentis, utrum talis affectus sit morbus, vel causa, vel symphoma. Si est morbus, investigandum venit, in quo genere, & in qua specie sit talis morbus; si in genere est morbus organicus, in qua specie sit, utrum informatione, numero, magnitudine, vel compositione; informatione utrum in figura, cavitate, vel meatu, asperitate, vel levitate; in numero adaucto, vel diminuto, veluti in magnitudine: in compositione, ut si sit morbus in connexu, vel in situ.

Si hæc tamen omnia non appareant, non quiescet animus Medici cum investigare debeat; utrum sit iste morbus, partium similarium, & si talis sit, utrum sit in intemperie simplici, vel composita; an sit cum affluxu humoris, vel dependente à materia? An verò nuda intemperies, & ista in qua species

utrum

DE MODO CONSULTANDI. 66

utrum calida, vel frigida, & si hæc neutiquam reperiatur, ad huc mens Medici, non quiescet, donec de novo inquirat, utrum iste morbus sit communis, nempe soluta unitas, & ista; utrum simplex, vel complicata cum alio, nempe aliqua inflammatione; ex quibus cum in genere morborum, & in specie suprema, interiecta, & infima nihil valeat reperiri præter dicta, merito cognoscet Medicus, qualis istorum sit, qui corpora afficit, & cum ex ipso sequantur symptoma, in diverso genere, videlicet in actione læsa, in affectu corporis, & his, quæ utraque consequuntur, necessarium erit inquirere, utrum tale symptoma sit in actione læsa, & ista utrum abolita? Utrum diminuta, vel depravata: Tum & etiam, hæc actiones à quibus principiis læsis oriantur; utrum naturali, vitali, vel animalivt à actio læsa animalis elucescit in paralyfi, vitalis læsa in pulsu inæquali, veluti naturalis in leucophlegmatia, sive hydropè vniuersali.

Quibus enucleatis, facîle de natura, & specie cuiuscumque morbi quilibet Medicus sufficienter, veritatem sigillabit, & præcipuè, si vt supra dixi, magnitudinem illius, motum, morem, causas procatharticas, antecedentes, idest internas, coniuntas, partem affectam, tam mandantem, quam mandatam, tam primario affectam, quam per consensum, tam per sympathiam, & similitudinem substantiæ, quam per dependentiam vnius ab alia, debitum ordinem servabit; & præcipuè, si morbus materialis extiterit; nam cum depēdeat ab humore, ipse vt verum indicans, secundum recessus quos obtineat, verè indicabit.

Cum igitur omnes humores recedât ab statu naturali, aut quia quantitate, vel quia qualitate, vel quia lege mixtionis peccant; idè ex hoc triplici fonte recessus, plurima in humoribus vitia sunt consideranda, vt plurimæ indicationes, & indicata exurgant ab ipsis, tamquam à causa materiali morbi; quare, vel humor peccat quantitate; quia multus, & sic iam datur,

datur prima indicatio à causa, scilicet evacuatio, nam morbos, quos parit repletio curat. innanitio, vel humor peccat, in motu, ex quo nascitur secunda indicatio; videlicet revulsio, nam humorum fluentium medella est revulsio, vel humor peccat qualitate manifesta, vt calore, ex quo nascitur tertia indicatio, vt attemperatio per frigiditatem, vel etiam talis humor peccat qualitate oculta, ex quo etiam nascitur quarta indicatio, videlicet exhibendi remedia alexipharmaca, vt contraria à tota substantia.

Similiter humor recedit ab statu naturali in modo substantiæ, videlicet in crassitie, & tenuitate, ex quo etiam nascitur, quinta indicatio; videlicet, si extremè fuerit tenuis, ipsum increpandū, & si extremè crassus eum attenuandi, vel tandem huiusmodi humor recedit ab specie naturali, vt cum sit caco-chymus, ex quo vltima confurgit indicatio; nempe purgatio selectiva talis humoris, qui cum caco-chymus sit, ineptus est ad partium nutritionem.

Proclamat iam dolor pleuriticus superiùs assignatus, vt ad illius curationem deveniamus: quare priùs fatendum est, quod est quid præternaturam, sicque continetur in aliquo prædicamento ex dictis; ideòque dicimus, quod in dolore pleuritico sunt consideranda: primum, quod dolor, vt dolor est, formaliter est in prædicamento symptomatici, videlicet in actione læsa depravata facultatis sensitiuæ, quæ quidem actio læsa cū dependeat à morbo, explicandus est morbus, quem sequitur, vt intemperies calida, vel solutio continui; quare talis dolor pleuriticus poterit sequi tres differentias morbi; scilicet morbum communem, vt est soluta vnitas, morbum partium simularium, vt est intemperies, non nuda, sed cum affluxu humoris: tum & etiam morbum organicum, siquidem pleuritis inflammatio membranae succingentis costas; & ideò cum tumore, vt constituat morbum in magis

pars est elevata cum
nitidine adaucta.

Sed

DE MODO CONSULTANDI. 600

Sed quis dicet huiusmodi morbum non esse magnum, tum ratione essentiae, tum ratione praestantiae partis, tum ratione vehementiae symptomatum, tum ratione caeotiae, idest, malignitatis, & praecipue si coniunctus fuerit cum febre maligna, ut supra diximus? Quis etiam dubitabit de motu huius morbi, cum sit morbus acutus; & ideo 4. aphorism. Hyppoc. dixit: *Quicumque pleuritici decimo quarto die, si non supra purgantur empiematici sunt;* idest propter transmissionem materiae purulentae, tum ad pulmones, tum ad cavitatem thoracis: sed de more huius morbi, quis somniabit, dubiolum? Cum ut dixi ferè semper malignitatem sibi induat, quae ex differentiis sputi, superius dicti, cuilibet detegetur.

Sed de causis, non consummendum tempus, cum quilibet Tyrones sciant posse fieri à fluxione cuiuslibet humoris, sive sanguinis, sive biliosi, & à reliquis permixtis cum sanguine? De parte affecta, quid clariùs, quam ipsa definitio, siquidem est inflammatio membranae subcingentis costas: ista quidem afficitur per essentiam, & partim per consensum; per essentiam ratione fluxionis factae; per consensum ratione futuri, & imminentis fluxus ab aliis partibus mandantibus, ut à suprefione menstruali, vel ab hemorrhoidibus suprefsis, sed quid de prognosi, sive de evètu huius morbi? nam cum sit morbus acutus, incerta erit praedictio, nam acutorum morborum difficiles, aut incertae sunt praedictiones, ut Hyppoc. Hanc tamen per differentias laudabilis, aut lethalis sputi, valebit unusquisque discernere prognosim cuiuscumque pleuritidis.

Quia igitur pleuritis adducitur complicata cum febre maligna, conciliandae sunt indicationes ex natura horum morborum, tam simplices, quam compositae; utrum sint concordēs, vel discordēs; utrum similes, vel contrariae, ut eodem tempore valeat Medicus occurrere curationi febris malignae, & pleuritidis: Cum igitur in qualibet regulari curatione,

Hhhh

quod

Ad est prius in intentione, sit posterius in executione, eo quod vnamquamque causam prius abscindere oportet; deinde deveniendum est ad discrasiam, ob hanc rationem febris, cum materialis sit, veluti pleuritis, non potest auferri citra ablationem causæ materialis morbigicæ; quare veluti in febre putrida, perpendimus causam materiale, vt multam, ita in pleuritide; & ideo datur indicans evacuationis per sanguinis missionem, quia cum scopi sanguinis missionis sint morbus magnus dependens à multitudine, tum vniuersali, tum particulari, vel à motu humoris impetuoso consentientibus viribus; ideo propter multitudinem in febre putrida, & dolore pleuritico, datur indicatio evacuationis per sanguinis missionem. Præterea hoc indicatum adimplet alium scopum revulsionis, tum in febre, tum in pleuritide; nam veluti in febre datur fluxio à partibus mandantibus, robustioribus ad partem mandatam debilem, scilicet ad focum; ita pariter in pleuritide datur fluxio à termino à quo, ad terminum ad quem; scilicet, ad pleuram, qua propter æqualis occurrit indicatio revellendi, non solum sanguinis missionis; verum etiam frictionibus, cucurbitulis, ligaturis, & aliis, nempe vexicatoriis.

Nec minus in febre putrida, veluti in pleuritide, est contemperandus recessus in qualitate manifesta; & ideo temperanda est materia qualitate contraria, ad quam intemperiem solet humor sequi, vel valde tenuis, vel valde crassus, vt incrassandi, vel attenuandi indicatio oriatur; sicque cum tandem humor propter putredinem, tum in febre, tum in pleuritide maligna, deperdat naturalem formam, & qualitatem delecteream: tum & etiam cacochimiam, sibi induat, merito similis indicatio dabitur à malignitate, ad alexipharmaca; à cacochymia verò ad purgationem: en quomodo omnes indicationes, tum in febre, tum etiam in pleuritide possunt esse similes, & concordēs, & ablata causa antecedenti materiali

DE MODO CONSULTANDI. 67

per evacuationem, revulsionem, derivationem, attemper-
 tionem, incrasationem, & attenuationem, expulsionem qua-
 litatis veneficæ, & tandem purgationem, possumus ad par-
 tem affectam devenire; nam cum in pleuritide sit, quid fiens,
 nempe fluxio actualis, vel imminens, & sit quid factum; scili-
 cèt, iam fluxum, & receptum in parte, meritò à causa con-
 tenta in parte inflammata, scilicèt in pleura, dantur aliæ pe-
 culiaries indicationes: nō enim valebit tumor, sive inflamma-
 tio curari, nisi talis materia aliquam terminationem obti-
 neat, prima enim terminatio, & perfectior, vt in quoli-
 bet tumore est evacuatio insensibilis per resolutionem,
 paulatim tamen est, non subito facta; potius enim dice-
 retur retrocessus materiæ, quam evacuatio, vt Hippocrat.
*Quibus in ulceribus magni tumores subito delitefcunt ma-
 lum.*

Ex quibus patet, quod ista non est vera resolutio, sed po-
 tius intermissio, quia subita est mutatio: secunda verò termi-
 natio, quæ potest dari in inflammatione pleuritidis, est eva-
 cuatio sensibilis causæ materialis per resudationem; & idè
 experimur talem humorem resudantem ex pleura ad pul-
 mones, evacuari postea per sputum, vt decimo quarto die
 fiat supra expurgatio: tertia terminatio dictæ inflammationis
 est supuratio materiæ contentæ in tunica ex qua resultat rup-
 tio talis supurationis, & tandem vomica: quarta terminatio
 est schirrus, dum pars tenuior resolvitur remanente crasio-
 ri, & terrestriori: quinta verò, & vltima miserrima est gan-
 grena, sive mortificatio partis, ex quibus terminationibus,
 prima ita est laudabilis, vt desumatur debita indicatio iuvan-
 di opus naturæ per resolutionem mediis linimentis, & medi-
 camentis resolventibus: secunda verò terminatio per resu-
 dationem, ita est collaudanda, vt nobis proponat indicatio-
 nem remediorum expectorantium, vt sunt medicamenta at-
 tenuantia, & incindentia excrementa existentia in pulmone;

Hhhh2

bus,

Edas, veluti sunt syrapi, qui lambendo sumuntur; (Hispano sermone, lamedores) quarta verò terminatio, quæ est supuratio, nõ exiguum habet periculum, siquidem facta ruptione, materia cõtenta in cavitate thoracis, præter affectum thabeficum, plurimos alios producit.

Sed iam est tempus, vt per brevissimam dispositionem epilogum consultandi constituamus: indicatio igitur desumitur à rei natura, ista est duplex, vna rerum naturalium, quæ sui conservationem indicant; alia est rerum præternaturam, vt morbus causa, & symphoma, quæ sui ablationem exposulant; ista maximè debet Medicus cognoscere; deindè partem affectam, ista ab actione læsa, à dolore, à situ, ab excretis, & qualitatibus mutatis; an per essentiam lædatur, ad quod tria signa, videlicèt, permanentia mali in parte, quod non dependeat ab alio per influxum, & quod propriis accidentibus cognoscatur; contraria verò signa, læsionem per consensum ostendunt; in natura morbi, speciem, magnitudinem, motum, & morem, idest, malignitatem, vel benignitatem debemus contemplari, quæ suprà latè, quo ad causam potissimum efficientem, non materialem, non formalem, nec finalem alloquendum in morbis; efficiens, tum procathartica, tum antecedens, tum coniuncta, & qua ratione operetur; an potentia, vel actu, an per se, vel per accidens, perpendenda est, vtrum huiusmodi causæ dependeant vnæ ab aliis, ita vt semper deveniamus ad causam, & originem causæ.

Cognito affectu, parte affecta, & causa, prognosis occurrat; in morbus salutaris, lethalis, vel dubius sit: signa prognostica ex duplici fonte sumuntur, ab specie morbi, differentiis, motu, magnitudine, & more. Secundo à natura ægrotantis, ista consideratur in qualitate mutata, actionibus læsis, & excrementis; qualitas continet colorem, calorem, figuram, & molem ægrotantis; an naturalia, an similia sint statui naturalia, vel è contrariis actionibus læsis, in animalibus motiva, & sensu.

DE MODO CONSULTANDI. 60

stiva, in vitalibus, pulsabilis, in naturalibus, coctiones, quæ sumuntur ab excrementis, ut sunt vrina, deiectiones, vomitus, sputum, & sudores.


Quib⁹ prælibatis, indicatio curativa triplex, à natura, à morbo, & ambiēte; ab ambiēte quādo habet vicē causæ, à natura, quia metimur ab ea lapsum, à morbo, quia indicat sui ablationē iste, vel simplex, vel cōpositus, sive complicatus, vel materialis, vel immaterialis, ex cōposito morbo nascitur ordo, quid ante quid, quid cum quo, & quid post quod, nam semper morbo virgēntiori, est succurrendum, ex simplici immateriali indicatio simplex per contraria: ex materiali omnes indicationes, quæ contrariantur vitio causæ materialis, in quanto, vel in quali, manifesto, vel oculo, in motu depravato per revulsionem, in cacochymia per purgationem: tandem sumitur indicatio roborandi partem affectam, ut ablata prius materia, discrasia, sive intemperies contracta partis auferatur, ne de novo recipiat, ita ut artificiosa, & methodica curatio, in quolibet remedio aplicando, semper adimpleat necessarios quatuor scopos, videlicet quantitatem remedij, qualitatem illius, idest speciem, sive differentiam; modum utendi in forma solida, vel liquida; occasionem hoc est opportunum tempus ad operandum.


Et hæc de epologo: ad maiorem DE
gloriam VIRGINIS QVE

MARIÆ.

*

FINIS.





JOSEP PORTÉ - LLIBRETER - BARCELONA

